

F-ANT. V.C. 62-1

REC 36844

UNIVERSITÀ DI PADOVA

ISTITUTO
DI FILOSOFIA DEL DIRITTO
E LETTERATURA

INGR. N. 22312

UNIVERSITÀ DI PADOVA

Ist. di Fil. del Diritto
e di Diritto Comparato

XV

C

ELEMENTA
JURIS CIVILIS

secundum ordinem

PANDECTARUM,


Commoda Auditoribus Methodo

ADORNATA

A JO. GOTTL. HEINECCIO

ICto Consiliario Aulae Regiae Prusicae,
antehac in Academiis Halensi & Frisica
Antecessore, jam in illustri Viadrina Pand.
& Philos. Mor. & Rat. Prof. Ord.

TOMUS PRIMUS.



VENETIIS;

EX TYPOGRAPHIA BALLEONIANA.
MDCCLXVI.

Superiorum Permissu, ac Privilegiis.

ELEMENTA
JURIS CIVILIS

PANDECTARUM

AD COTTI HENRICIO

TOMUS PRIMUS



VENETIIS

IN TYPOGRAPHIA BELLONIANA
MDCCLXV

Superiorum Privilegio, et Approbatione

Viro Illustri atque Excellentissimo

JO: PETRO A LUDEVVIG;

J C. C E L E B E R R I M O ,

Pot. Prussorum Regi a Consiliis Secretioribus, Academiae Halensis Cancellario, & Jurium ac Historiarum Professori eximio, Dynastæ in Bendorf & Gatersted

S. P. D.

JO: GOTTL. HEINECCIUS.



A M pridem Tibi hoc officium debeo, Vir illustris, ut quanti præclara Tua, quæ in utramque rempublicam exstant merita, quanti inu-
sitatam, quæ polles, eruditionem, ac sinceram in primis amicitiam, quæ raro exemplo & absentem me prosequutus es, & faciam, & facturus sim perpetuo, publico quodam monimento testarer. Quæmadmodum enim ex pristina consuetudinis nostræ memoria incredibilem capio voluptatem, neque unquam istius temporis sine oblectatione recordor, quo Te collegam salutare, & non modo amore ac consiliis Tuis, sed & aliquando bibliotheca illa locupletissima, & quæ jam pridem privati sortem excessit, quin &
2 2 in se-

in secretiis illo museo Tuo colloquiis
 jucundissimis frui licuit; ita non potui,
 quin absens magnopere delectarer testi-
 monio illo præclaro, quo studia mea in
 palatio regio es prosequutus, & cui præ-
 cipue acceptum fero, quod Rex potentis-
 simus me in Academiam suam splendi-
 dioribus, quam quisquam prævidisset, con-
 ditionibus revocare decreverit. Quum
 itaque de conclamandis vasis, ac susci-
 piendo in patriam itinere, hoc ipso tem-
 pore cogitem, quo hic libellus prælo exit,
 neque jam aliud præ manibus sit, quo
 animum erga Te meum testatum ad po-
 steros faciam; hunc ipsum libellum vel
 hoc solo ornamento commendabilem futu-
 rum, illustri nomini Tuo ex veteri for-
 mula Dare, Dicare, Consecrare susti-
 nui. Cui enim potius? quum & ego to-
 tus in ære Tuo sim, & Tu ipse soleas
 meas esse aliquid putare nugas. Tuum
 erit, Vir Illustris, leve aridaque puni-
 ce expositum munusculum aequi bonique
 consulere, meque amantem redamare.
 Quod ut facias, non quod de voluntate
 Tua dubitem, sed quia mos est ita ro-
 gandi, etiam atque etiam rogo. Vale,
 Vir Illustris, reipublica litteraria bono,
 quam diutissime. Francquera Frisorum
 X. Kalend. Sextiles CIO. MDCC. XXVII.

PRÆFATIO.



Ajorem atque uberiozem in dies fructum capio ex instituto meo, jus civile revocandi ad sua principia, illudque non modo concinniore ordine, sed & ratione ad tironum captum accommodatiore explicandi. Quum enim auditorum meorum profectu nihil prius, nihilque antiquius habere soleam, neque ullum unquam mihi majorem vigiliarum mearum fructum proposuerim, quam ut iis, quantum in me est, prodessem; quid quæso contingere mihi potuisset jucundius, quid optabilius, quam quod *Elementis Juris*, quæ secundum ordinem Institutionum Justiniani anno abhinc tertio adornaveram, aliquoties explicatis, adolescentes multo facilius, quam trita via, ad solidiorem principiorum juris intelligentiam pervenire animadverterim? Et si nemo est, quem non saturum sua manu arborum latus adspectus & flores amœnissimi magnopere delectent; quanto jucundius, quantoque suavius mihi esse oportuit, videre juvenes, qui se mihi instituendos dederant, ornatissimos; solius propemodum ope methodi eos secisse progressus, ex quibus spem possem concipere pulcherrimam, eos, si pleno gradu hac via pergere vellent, ad veram doctrinæ laudem feliciter aspiraturos? No-

vi P R Æ F A T I O .

li, quæso, existimare, *Lector Humanissime*, me vel speatque opinione mea deceptum hæc scribere, vel de me ipso quidquam prædicare velle arrogantius. Tantum enim abest, ut suavis error hac in re mihi illudat, aut mea mihi fortis parum conscius, libellum istum quidquam eximiæ eruditionis habere existimem, (& quis vero, nisi inepte stultus, prima alicujus disciplinæ elementa pro insigni eruditionis argumento venditet?) ut nihil omnino tibi narrem, quod non & ipse experiundo didicerim, & ii, qui acroasibus meis interfuerunt, mecum perspexerint quotidie. Quoties sane doctrinas, antea accuratius explicatas, instituto perpetuo examine repetii, id quod ex instituto meo quotidie facio, toties præclare mihi constare operæ meæ fructum intellexi. Vidi enim, erectioris indolis adolescentes, a me interrogatos, non tantum, quæ audiverant, omnia facili negotio reddere, sed & doctrinæ cujusque origines & rationes accurate explicare, quin & injectos sibi a me scrupulos tanta solertia eximere, satis ut intelligere mihi viderer, illos non tam compendii verba tenere, quam rem ipsam infixisse animo, & veluti in succum & sanguinem convertisse. Quod ipsum quum ego me duabus potissimum rebus consequutum arbitrer, perspicuitate præceptorum, & indefesso studio, rationes juris tum ex antiquioribus Romanis,

PRÆFATIO. vii

manis, tum ex philosophiæ, quam veteres Jcti sectabantur, principiis eruendi; tanta utilitas, quam studiosa juvenus perceperat, me facile subegit, ut fidem liberarem eo celerius, *Digestisque*, quorum spem feceram, eadem methodo adornandis, aliquid otii infumerem.

Qualis sit ista methodus, quam observavi, & cur ego illam reliquis omnibus præferendam existimem, jam in præfatione, quam priori isti Elementorum parti præmiseram, tam prolixè me exposuisse puto, ut iis quidquam nunc addere minus necesse sit. Quamobrem ne in tanta temporis angustia, & tam variarum occupationum mole, quæ me discessurum in Germaniam, & jam sarcinulas colligentem quotidie dstringit, actum agere videar; nihil quidem eorum, quæ ibi differui, nunc repetam, at ne sterilis tamen prorsus sit hæc præfatio, quædam, quæ ad hujus consilii mei defensionem pertinere videbuntur, subjiciam, ne, quando prohibere non possum, quo minus institutum hoc quorundam reprehensionem incurrat, ejus saltim defensionem contra obtrectatorum vöculas prætermisisse, causæque non male plane defuisse videar.

Quindecim fere circumacti sunt anni, quum publice docendi munus in illustri, quæ Halæ floret, Academia mihi longè clementissime demandaretur. Ex eo inter alia, quæ ad officium meum perti-

viii P R Æ F A T I O.

nere videbantur, id potissimum paullo diligentius meditari cœpi, quæ optima sit docendi ratio, quaque in re in primis elaborandum sit omnibus, qui formandis perpoliendisque ingeniis facturi sint operæ pretium. Id vero dum ago quotidie, illico intelligere mihi visus sum; docere nihil esse aliud, quam viam, qua ad veram scientiam itur, expeditissimam aliis commonstrare; quumque scire sit rerum causas perspectas habere, veritatesque ex principiis, tanquam ex fonte suo, derivare; neminem docentium pulcherrimum istum finem unquam assequuturum credidi, nisi veritatis cujusque, quam tradiderit, rationes nexumque cum principiis perspicue discuntibus ostendisset. Ceterum postquam semel eam animo sententiam imbiberam: fieri profecto non poterat, quin mihi parum placeret servile istud *αὐτὸς ἔφα*, quod Pythagoræos adversariis, a quibus premebantur, tanquam Gorgoneum caput obvertisse, veteres quidam memoriæ prodiderunt (a). Nec magis

(a) Theod. Ser.
X. p. 474.
Tom. I.
operam
Gregor.
Nazianz.
Orat. III.
contr. Ju-
lian. p. 97.
(b) Jam-
blich. Vit.
Pythag.
Sægm.
lxxxviii.

se mihi probare poterat ipsius Pythagoræ institutum, qui paucissimis auditoribus doctrinarum suarum rationes aperiebat, plerisque doctrinas nudas, nullaque suffultas demonstratione, tanquam oracula quædam, promebat, persuasus, si Jamblichō (b) credimus, ἐδὲν ἵπταν ἀρελεύσθαι καὶ ἀνδ' τῆς αἰτίας εἰδέναι, τί δὲ πράττειν, ὥσπερ καὶ οἱ ἱερεῖς

P R Æ F A T I O. ix

οι, & προσακούσας, διὰ τὸ αὐτοῖς ἐκεί-
 στον πρακτικόν, ἔδωκεν ἥττον τυγχάνειν τῆς
 ὑγείας, eos, nihilominus etiam sine ratio-
 nibus fructum inde percepturos esse, si sci-
 rent, quid agendum sit, perinde ac ii, qui
 in medentium cura sunt, licet non edocean-
 tur, ob quam causam quidque agendum
 sit, valetudinem tamen recuperent. Quam-
 vis enim hæc speciose dicantur, aliam
 tamen ægrotantium, aliam esse discer-
 tium rationem, nemo ignorat. Illis de
 vita periclitantibus in hoc rerum articu-
 lo non vacat, de medicamentorum viri-
 bus subtiliter disputare, neque ideo,
 quod medicinæ virtutem intelligunt, cum
 valetudine redeunt in gratiam, sed quod
 potiones ex arte mixtas in corpus reci-
 piunt, easque venas subire patiuntur.
 His contra, sive ad virtutem, sive ad
 accuratiorem scientiam adspirent, male
 res cedit, nisi veras rerum notiones ani-
 mo conceperint: neque has animo un-
 quam concipient, nisi facultas illa, qua
 intelligimus, & quæ omne humane au-
 ditoritatis imperium detrectat, rationibus
 idoneis convicta illas sua sponte admit-
 tat. Quamobrem perpensis omnibus, quæ
 huc facere videbantur, ita semper judi-
 cavi, atque ita animum induxi meum,
 vere, & tanquam ex tripode cecinisse
 Maronem; (c)

Felix, qui potuit rerum cognoscere
 causas!

αἰσώματα: vero illa ἀναπόδεκτα καὶ ἀνδ
 α 5 αἰών,

(c) Virg.
 Georgic.
 Lib. II.
 v. 292

X P R Æ F A T I O .

λόγων, quibus permulti docentium delectantur, non magis laudem ullam mereri quam otiosam eorum sollicitiam, qui p[er]stittaco expediunt suum χαῖρε, p[er]icasque docent verba nostra conari. Hinc ab eo tempore id omni animi contentione egi, primum ut ipse multo plus temporis in meditando veritatum rationibus, quam in libris vulgaribus perlegendis consumerem: deinde, ut quæ diuturna meditatione invenissem, bona fide communicarem cum auditoribus, iisque nihil omnino instillarem, cujus non genuinam rationem simul perspicue explicare conarer. Hanc legem, quam ipse mihi dixeram, in tradenda philosophia, eandem postea in docenda jurisprudentia religiose servavi, & in hac quidem ideo feci subentius, quo magis ea in re multorum industriam deficere intellexeram. Sane quum duæ sint jura demonstrandi rationes, quarum altera in auctoritate legum, altera in ipsis legum causis & generalibus jurisprudentiæ principiis posita est, hanc posteriorem tantum non omnes adhuc negligendam putarunt, priore ita usi sunt multi, ut pene fatius fuisset, si usi non fuissent. Quum enim in jurisconsultorum scholis quotidie jactaretur, *erubescendum esse Jcto, sine lege loquenti*, & postea, uti fit hominum stupore, glossæ & oracula doctorum eandem fere cum legibus auctoritatem in foro consequerentur; adeo ferebuit

buit istud testimonia accumulandi studium, ut nec dicerent quidquam JCti, nec scriberent, quin singulis fere propositionibus aliquot legum centurias, totidemque glossatorum doctorumque testimonia subjicerent. Et tamen istis citationibus nihil aliquando excogitari poterat frigidius. Nam primo, ne sine lege loquentes erubescant, operose sæpenumero probant, quod pueri, qui nondum ære levantur, non minus recte sciunt, quam Papinianus, aut quisquam veterum, quorum fragmenta ad nos pervenerunt. Quid vero magis ridiculum dixeris, quam corrasis undique legum ac doctorum testimoniis demonstrare velle, *libertatem esse rem inestimabilem, emptionem venditionem sine re & precio non posse consistere: hominum causa omne jus constitutum esse: animi motum vultum detegere: & sexcenta hujus generis?* Quasi hæc ignoraremus miseri, atque id omnino creditu difficillimum esset, nisi ex §. 7. *Instit. qui & ex quib. caus. man. non poss. L. 8. princ. L. 2. §. 1. ff. de contr. empt. L. 1. ff. de statu hom. L. 19. ff. de offic. presid.* nobis innotesceret tam horribile secretum. Et hujusmodi tamen citationum tam pleni sunt JCtorum libri, ut auctores gravissimos aliquando magno conatu maximas nugas agere voluisse, crederes. Deinde, quod miserrimum est, hæc testimonia plerumque alterum alteri sublegisseprehendes, idque sæpe tam

incaute, ut pro legum ac doctorum locis monstra adducant. Notantur duo viri doctissimi, sed juris imperitiores, quorum alter, quæ nescio quis in Pomponio Lato reprehenderat, Sex. Pomponio Jcto non sine stomacho exprobravit (d); alter quædam ex Antonii Augustini Emendationibus describens, ac Ulpiani & Augusti verba imprudenter confundens, Moſis, Petri, quin & Jesu sacrosanctum nomen in E. 194. ff. de verbor. signif. reperiri scripsit (e). Qualia si viris illis doctissimis exciderunt, quid, quæso, speres de turba illa proletaria, quæ ne jurisprudentiæ laudem amitteret, ab omni litterarum cultu quam maxime abhorrebat? Fuit ex eo numero, qui Francisci Salgado *Samoſam*, quasi is libri titulus sit, laudavit (f). Fuit, qui quum a Jafone citari audiret *Alexandrum ab Imola & sequaces*, uni ex celeberrimis juris interpretibus *sequaces* fuisse nomen, existimavit (g). Fuit qui, quum in publicis Germanorum legibus sæpe laudari vidisset consuetudines quas ibi vocant *das Hertcommen*, vel *das Reichs-Hertcommen*, ex vocabulo isto minus intellecto nescio quem *Hercmannum*, Jctum celeberrimum, fuxit, (h) ut alia hujus generis non minus ridicula prætermittam. Accedit, quod testimoniis illis raro quidquam inest ponderis, ut recte jam olim conquestus sit vir eximius, Thomas Reinesius; (i) *Ex juris scientia ad causarum*

(d) Steph. Ving. Fig. Annal.

Lib. I.

Cap. XII

notatus a

V. C. Jac.

Perizon.

Animad.

Hist. Cap.

IX. p. 404.

(e) Onuphr.

Panvinus

notatus ab

eodem

pag. 403.

(f) Jac.

Frideric.

Ludov. de

Processu

Concurſ.

Credito-

rum Præ-

fat. p. V.

(g) Refert

Vir. ab

Hutten in

Epistola

Nemini,

Satyr. le-

pidissim.

præmissa

p. 9 seq.

(h) Vir ce-

leb Christ

Thomas

de juris

script. &

morū con-

rum iustitias demonstrandas & evincendas, tentione.
 leges acervatim advocari, quæ si penscula-
 rius examinentur, rem ne tangant quidem, d. LV.
 interdum etiam, quam firmare putantur (i) Rein.
 solidum evertant, virorum gravium publi- Var. Lect.
 cam querelam & justam indignationem es- Lib. I.
 se, novimus. Postremo quid certum, Cap. XX.
 quidque inconvulsum manebit in juris- pag. 77.

prudentiæ, si testimoniorum numerus vi-
 cerit, & sola triumphaverit auctoritas?

Memini, me alio loco referre, (k) An-

dream Tiraquellum, senioris famæ Jctum,

ubi in libris suis centum aut plurium

legum ac doctorum suffragia coacervavit,

postea totidem, aut plurium etiam indi-

cem pertexere solere eorum, qui in alia

omnia eant. Quid vero, obsecro, tam

erit absurdum, quod non defendere pos-

sit causæ patronus solertior, si a glos-

sæ ac doctorum auctoritate suspensa esset

iustitia? Grande ejus artis exemplum in

lepido de privilegiis universitatum libel-

lo dedit Petrus Rebuffus. Quæ enim tan-

ta est, non dicam genio indulgendi, sed

quodvis ferme flagitium admittendi li-

centia, quam non facerrimus iste justitiæ

sacerdos studiosis litterarum, tanquam

privilegium vindicet? quam turpia & in-

digna sæculo sunt, quæ ille in interpre-

ratione *Authentica Habita C. ne filius pro*

patre de studiosorum cum mulieribus

consuetudine disputat? (l) Et nihil ta-

men scribit, (proh pudor!) quod non

eductis in aciem integris triariorum tur-

mis

(k) Præ-
 fat Vinc.
 Commen-
 tario in
 Institutio-
 nes præ-
 miss.

(l) Rebuff.
 de Privil.
 Univers.
 pag. 375.

mis confirmet. In tantam insaniam abiit illud leges & doctores citandi cacoethes, quod ortum a glossatoribus, & ab eorum successoribus veluti consecratum, tamdiu in deliciis doctoribus fuit.

Hæc animadvertens, ita componere cœpi rationes, ut non quidem rejicerem morem, jura ex legibus confirmandi, (quomodo enim aliter probes ea, quæ non ex sola ratione innotescunt, sed ex legislatoris arbitrio proficiuntur?) aliquando etiam celebriorum doctorum testimoniis in quæstionibus ambiguis uterer: at præcipue tamen rationem haberem alterius generis demonstrationum, quæ ex ipsis juris rationibus & principiis petuntur. Hæc vero sunt firmissima illa fundamenta, quibus jus certum ac stabile innititur. Hæc est præclara illa Cynosura, ad quam dirigentes cursum, fyrtes illas ac scopulos, in quibus tot alii fecerunt naufragium, facile evitamus. Hic denique lapis Lydius, quo adhibito, de legum interpretationibus ac decisionibus caussarum dextre judicamus. Quare rem acu tetigisse arbitror viros prudentissimos quotquot rationes legum earundem veluti animam esse censuerunt. Fuere sane in hac sententia non modo Andr. Alciatus, Jacob. Cujacius, Franciscus Duarenus, Hugo Donellus, & quem inter primos numero, incomparabilis Grotius, verum etiam ex veteribus Demosthenes, (m) & Cicero quorum

P R Æ F A T I O. XV

rum ille in interpretandis legibus præcipue, ἐπὶ οἷς κείται ὁ νόμος ἔτος, cur ea lex lata sit: considerandum esse, differte monet: hic autem in Oratione pro A. Cæcinnæ (n) rem omnem verbis his elegantissimis eloquitur: Annon, quum voluntas, & consilium, & sententia interdicti intelligatur, impudentiam summam aut stultitiam singularem putabimus, in verborum errore versari? An hoc dubium est, quin neque verborum tanta copia sit, non modo in nostra lingua, qua dicitur esse inops, sed ne in alia quidem, res ut omnes suis certis ac propriis vocabulis nominentur; neque vero quidquam opus sit verbis, quum ea res, cujus causa verba quaestita sunt, intelligatur? Quæ lex, quod SenatusCtus quod magistratus editum, quod fœdus aut pactio, quod, ut ad privatas res redeam, testamentum, quæ judicia, aut stipulationes, aut pacti & conventi formula non infirmari potest, si ad verba rem deflectere velimus, Consilium autem eorum, qui scripserunt, & rationem & auctoritatem relinquamus? Quare mireris, eorum esse quamplurimos, qui totum istud rationes juris investigandi studium inane, & quodammodo supervacuum atque infructuosum esse, non ipsi tantum existiment, sed & aliis hoc persuadere conentur. Facundissimus Pisanorum Antecessor, Paganinus Gaudentius, (o) (ne enim nobis cum turba res sit, hunc ei dabimus advocatum,)

mostlen.
advers. Ti.
mocrat.
pag. 795.
seq.

(n) Cicero
pro A. Cæ-
cin. Cap.
XVIII.

(o) Pag.
Gauden.
Exposit.

xvi PRÆFATIO.

Jurid. L. I.
Cap. I I.
pag. 334.
Tom. III.
Thesaur.
jus. civ.

tum,) ex instituto probandum suscepit, rationem legis pro ejusdem anima haud esse habendam. At quibus argumentis? Primo omnium, ut causam, quam oppugnare instituit, exosam reddat, rem sibi cum vulgo fore, persuadet lectoribus. *Quod est in ore vulgi*, inquit, *ut ratio dicatur esse anima legis, id nescio quam sit solidum*. Quam venuste! quod dedit principium adveniens! Ain tu vero, Paganine, vulgi tantum in ore esse sententiam hanc sapientissimam? Qua igitur in tribu tu censēs Demosthenem, Ciceronem, Alciatum & reliquos, quorum in ore eam fuisse, paullo ante ostendimus? An & hos tu adjunges illi faci hominum, cui cum poeta Vennsino jure occlames:

Odi profanum vulgus, & arceo?

At enim, quum te nescire fatearis, istud, quod imperitum vulgus de legum rationibus jactitat, quam sit solidum; ecquid tu magis solidi afferas, tua pace, age, consideremus. *Consilii potius*, inquis, *anima est ratio, quam legis*. Lex enim vim habet cogendi, nec reddit rationem, cur id faciat. Sed demus sane, rationem esse consilii veluti animam: largiamur, legis virtutem esse imperare, vetare,

(p) L. 7. *permittere, cogere*; (p) quin, ut eo ff. de Le-
gib. *simus liberaliores, & id adjungamus,*

(q) Xe- male apud Xenophontem (q) dixisse Pe-
noph. Me- riclem: πάντα δοκεῖ, ἴσα τις μὴ πείσας
merab Sa-
erat. L. I. ἀναγκάζε τινα πωλεῖν, εἴτε ὑδάτων, εἴτε μὴ,
βία

PRÆFATIO. xvii

ἢ μάλλον, ἢ νόμος, εἶναι. Videntur illa Cap. II. 45.
omnia, quacunque non persuadendo quis co-
git aliquos facere, sive scripta ea, sive
non, vis potius esse, quam lex. An vero
inde colligamus, legislatorem, sive ci-
vium amantem, sive eorum libertati in-
fidiantem, quidquam constituere sine ra-
tione, quæ eum ad id faciendum impel-
lat? Prudenter sæpe summi imperantes
hanc rationem dissimulant, & recte a
Seneca (r) observatum est, non esse pro-
bandum, quod Platonis legibus adjecta prin-
cipia sint: legem brevem esse oportere, quo
facilius ab imperitis teneatur, velut emis-
sa divinitus vox sit, nihil videri frigi-
dus, nihil ineptius, quam legem cum pro-
logo. At hæc ratio, quo minus omnibus
nota est & obvia, eo magis investiganda
est a Jctis, nisi in interpretandis legi-
bus labi ac decipi velint. Neque eos,
uti arbitror, ab hoc studio abstertere de-
bet Julianus, cujus auctoritate fretus
Gaudentius: Verba, inquit, diserta sunt.
(s) Non omnium, quæ a majoribus consti-
tuta sunt, ratio reddi potest. Ita est, di-
serta hæc verba, multoque luculentiora,
quæ sequuntur. Sed vereor, ut quid-
quam iis insit, quod causam nostram
jugulet. Si jurium non omnium ratio
illico reddi potest, an ideo nefas erit,
in illam inquirere? Et si quarundam le-
gum obscura est origo, an ideo omnium
causæ veluti in illo Democriti puteo la-
titant? Quin fingamus, Julianum, ex
scho-

(r) Sene-
ca Epist.
XCIV.

(s) L. 10.
ff. de Le-
gib.

xviii P R Æ F A T I O.

(t) Em.
Merill.
Observ.
Lib. I.
Cap. III.

scholæ Sabinianæ formula, parum honorifice de hoc rationes juris investigandi studio sensitse, ceu & elegantissimus Merillius suspicatur. (t) An vero nos ita Massurii aut Longini glebæ adscripti sumus; ut vel crux, vel saltim lautumia nobis in mundo sint, si de investigandis rationibus juris contra eorum præcepta sumus solliciti? Nec magis nos terret Platonis auctoritas, qui quidem in Gorgia recte docet, *non debere posteros rationem legis querere, sed eam, quasi Dei vocem & præceptum observare*, sed ita, ut & hoc testimonium Gaudentio parum videatur profuturum. Quis enim non videt, Platonem de obsequio, quod legibus debetur, loqui? Ad illud extorquendum sufficit sine ratione legislatoris voluntas, idque est, quod apud Plutarchum, uti opinor, innuit Pausaniās, dum ait, *τὸς νόμος τῶν ἀνδρῶν, & τὸς ἀνδρας τῶν νόμων κυρίως εἶναι δεῖν*, legibus auctoritatem in homines, non hominibus in leges convenire. Ubi autem in interpretandis legibus versamur, nihil profecto proficiemus ad rei summam, nisi earum rationem accurate teneamus. Quemadmodum igitur nemo ignorat, legata, quæ Ulpianus (u) legis modo relinqui observat, quod ad heredis obsequium attinet, adeo a sola testatoris voluntate pendere, ut ne falsa quidem adjecta causa evanescant, (x) & tamen in eorum interpretatione potissimum inquirendum

(u) Ulpian.
Fragm.
Tit. 24.
§. 1.

(x) L. 17.
§. 2. L. 72.
§. 6. ff. de

PRÆFATIO. xix

dum esse, quam testator supremi iudicii
sui rationem habuerit; (y) ita nec ab-
surdum debet videri, bonis civibus so-
lam sufficere testatoris voluntatem, &

cond. &
dem.
(y) L. 24.
ff. de reb.
cred.

Ictos tamen de legum rationibus, tan-
quam veræ interpretationis fontibus, la-
borare. Hæc sunt, quæ Gaudentius pro
sua sententia attulit argumenta. Quem
enim ipse sibi ex Thomæ Aquinatis ope-
ribus injicit scrupulum, tam male exi-
mit, ut dubitem an sibi ipsi satisfecerit.
Illud autem non prætermittendum
arbitror, quod quum sub finem nihil
maiores sine certa ratione constituisse fa-
teatur, eam tamen rationem nemini mor-
taliū perspectam esse contendat. Ita
enim porro differit Gaudentius: *Hac in
re non esse & non esse notum, & non pos-
se inveniri idem est. Nihil sane absque ra-
tione constituerint maiores nostri, dum nos
sape lateant causæ, quæ ipsos ad aliquid
constituendum impulerint.* Itane vero tam
male ominemur de humano ingenio, ut
quod Gaudentium latuit, id neminem
mortalium scire posse putemus? Et si
quædam latent, an de inveniendis reli-
quis omnis plane spes præcisa erit? Sunt
sane, nè quid dissimulemus, quorum nos
ratio plane fugit, qualem esse L. 9. ff. de
religios. iudicabat Cujacius (z). Sunt,
quorum causas & veteres Icti vel igno-
rarunt, vel ad liquidum saltim nun-
quam perduxerunt, quod idem Cuja-
cius (a) quibusdam exemplis demonstra-
vit.

(z) Cujac.
O serv.
Lib. VIII.
Cap. XII.

(a) Idem.
O serv.

XX P R Æ F A T I O.

Lib XVII. vit. Sunt denique, quorum origines &
 Cap. XV. causas descripturi veteres, uti sit, nu-
 bem pro Junone, id est, ætiologias ina-
 nes & falsas pro veris arripuerint, quod
 observasse passim sibi visus est Radul-
 phus Fornerius. (b) At ideo non cre-
 dendum, tam effœtam esse naturam, ut,
 quæ nunc fingit, ingenia nihil eorum,
 quæ veteres ignorarunt, pervideant. Mul-
 tas profecto easque apertissimas juris ra-
 tiones nobis recluserunt viri Antiquita-
 tum Romanarum peritiores, multas no-
 stræ ætatis hominibus diligentior Philoso-
 phiæ Stoicæ cultura suggessit, multas ip-
 sa Reip. Rom. facies, eorumque tempo-
 rum prodidit conditio; de quibus fortas-
 sis omnibus veteres juris Auctores ne
 per somnium quidem cogitaverant. Nec
 dubium est, quin novis in dies hujus
 generis observationibus jurisprudentiam
 locupletaturi sint viri docti, si rem serio
 agere velint.

Ne exemplis rem confirmem, ipse,
 quem nunc manu mitto liber efficit, ad
 id quippe unice comparatus, ut, reddi-
 tis jurium rationibus, iisque paullo dili-
 gentius inter se conjunctis & coagmen-
 tatis, jurisprudentiam sibi haud male
 constare ostenderem. Quid in eo præsti-
 terim, tuum erit, *Benevole Lector*, judi-
 care. Videbis, his me conatum esse id
 perficere, cujus aliquatenus periculum
 feceram in adornandis Institutionibus.
 Reperies & hic jurium origines diligenter
 inve-


P R Æ F A T I O. xxi

investigatas, reperiēs definitiones perquam perspicuas, axiomata clara, & quæ ex definitionibus illis sua sponte fluunt, conclusiones denique necessarias, & ad sua quasque principia revocatas. Si quid tibi videbitur melius & concinnius explicari potuisse, non multum quidem repugnabo: facile tamen me tunc consolabitur adhibitæ diligentia & profligati non minimi laboris conscientia, & præcipue prolixa bene de jurisprudentia merendi voluntas, quam & hæc scribenti mihi haud defuisse, si æquo animo ad judicandum accesseris, facile animadvertes. Præcipua libri dos, & qua ego me magnopere delectari fateor, est brevitās. Quamvis enim, si paragraphos, ad quos te ubique in parenthesi remisi, evolvere volueris, facile sis observaturus, me jura non modo enarrare, sed perpetua instituta ratiocinatione inter se connectere; non multum tamen aliorum hujus generis molem excedere libellum, quin & plerisque adstrictiorem esse, res ipsa docet. Haud paullo brevior fuisset futurus, si aliorum exemplo titulos integros, quin & totos libros fuisset præterverētus. Sed quamquam ea, quæ in foro evanuerunt, in prælectionibus juridicis prætermitti facile patiar; religioni tamen mihi duxi compendium juris ulla parte mutilum dare; maxime quum & obsoleta illa juris capita aliquando rationes juris haud inelegantes suppeditent. Eorum, quæ

quæ ad commodiorem libri usum pertinent, nihil a me prætermissum esse, facile credes, si summaria margini adscripta, & indices, in quibus conficiendis ipse laborem parum amœnum solus profligavi, expenderis. Typorum vero nitorem ac chartæ puritatem debes Bibliopolis celeberrimis, *Jansoniis a VVasberge*, fratribus, qui nullis pepercere sumptibus, ut opusculum quam nitidissimum atque emendatissimum prælo exiret. Quo nomine viris integerrimis eo magis publice ago gratias, quo facilius eos ab hoc instituto deterrere potuisset illiberale illud Bibliopolæ Germani facinus, qui elementa juris secundum Institutionum ordinem adornata non modo me inconsulto recudit, sed & externam libelli formam, ut merx eo facilius extruderetur suo arbitrio immutavit, eoque, quantum in ipso fuit, justis libri possessoribus spem honesti lucri haud minimam interceptit. Enimvero tantum abest, ut hæc injuria, (quo enim aptiore vocabulo appellem, quod non jure fit?) viros optimos fregerit, ut ad urgendum opus eos reddiderit tanto alacriores. Quare non modo tibi nunc Digesta tam eleganter exscripta exhibent, sed & illum Institutionum libellum, a me ipso castigatum locupletatumque, eadem forma recidunt, proximis quæ Lipsiæ celebrabuntur, nundinis, ut spero, proditurum. Quare quando in posterum editionem hanc nitidissimam, &
a me

PRÆFATIO. xxiii

a me revisam, eodem ferme ære tibi
 comparare poteris, parum sane prudenter
 consuleres rationibus tuis, si emere mal-
 les Marpurgensem, quam, ne id nescias,
 pro mea non agnosco. Duriuscula hæc
 sunt, fateor, sed *nunquid minus mihi idem*
jus æquum est esse, quod mecum est aliis,
quando aliena non curo; ne curent mea?
 Tu vale, *Lector Humanissime*, & studiis
 nostris favere perge. Francqueræ Frisio-
 rum ipsis Kal. Juliis clō lcccxxvii.



NOI RIFORMATORI

Dello Studio di Padova

A Vendo veduto per la Fede di revisione, ed approvazione del P. Fr. Tommaso Maria Gennari Inquisitore, nel Libro intitolato: *Elementa Juris, secundum ordinem Pandectarum, Auctore Jo. Gottl. Heineccio*; non esservi cosa alcuna contro la Santa Fede Cattolica, e parimente per attestato del Segretario nostro, niente contro Principi, e buoni costumi, concediamo Licenza che possa essere stampato, osservando gli ordini in materia di Stampe, e presentando le solite copie alle pubbliche Librerie di Venezia, e di Padova.

Dat. 5. Novembre 1736.


(Michiel Morosini Kav. Rif.
(Gio: Emo Proc. Rif.
(

Agostino Gadaldini Segr.

Registrata nel Magistrato Eccell. degli Esecutori contro la Bestemmia, li 10. Novembre 1736.

Francesco Querini Mod.

ELE-



ELEMENTA JURIS

secundum ordinem

PANDECTARUM.

PARS PRIMÆ,

feu ΠΡΩΤΑ.

LIBER PRIMUS.

TITULUS PRIMUS.

DE JUSTITIA & JURE.

§. I.



Iurisprudentiam tradituris merito a fine, ad quem comparata est, objectoque, in quo versatur, auspicandum videtur. Quum itaque *Justitiæ* fruendæ causa reperta sit jurisprudentia, hæc

autem in *Jure* interpretando applicandoque versetur; apposite sane Justinianus *πρὸς τὸν ἀρχαῖον*

A

quæ-

Jurispru-
dentia finis & ob-
jectum.

quædam de *Justitia*, tanquam proximo artis nostræ fine, * nec non de *Jure*, ejusque origine & speciebus præmisit.

* Ultimus enim est interna reip. tranquillitas, & ut illa recte gubernetur. §. 7. *proam. Inst.*

§. II.

Quid *justitia*?

Justitiam Ulpianus plane *somôs* definit *constantem & perpetuam voluntatem jus suum cuique tribuendi*. * L. 10. *princ. ff. & pr. Inst. h. t.*

* Genus est *virtus*, quæ Stoicis est *consentienti cum ratione & perpetua constantia*, Cic. *Tarad. III. 1. vel constans & perpetue vite ratio*. Id. *de Legib. I. 17.* Differentiæ causâ additur, *jus suum cuique tribuendi*, uti in L. 11. §. 1. *ff. depos. & Novell. LXIX. præf.* Id enim adeo *justitiæ proprium* est, ut *lex Græcis inde dicta sit νόμος, quasi distributrix*. Burg. *Elect. jur. Cap. I.*

§. III.

An eam *justitiam* per se assequatur *Ictus*?

Quantvis autem hic finis, a quo *justitiæ sacerdotes* appellamur, L. 1. §. 1. *ff. h. t. Gell. XIV. 4.* sit pulcherrimus; tamen quia *Ictus* omnia refert ad internam tranquillitatem rei-publicæ, (§. I.) satisfactum sibi profecto credit, modo ne vaga profiliat *frænis natura remotis*, Horat. *Serm. II. 7. v. 74.* licet non semper adsit constans illa ac perpetua bene agendi voluntas. *

* Sane cogitationis pœnam in foro nemo patitur. L. 18. *ff. de pœn.* nec præmia & pœnæ, quibus *Icti* alios meliores reddere conantur, L. 1. §. 1. *ff. h. t.* animo emendando sufficiunt, sed ut cives actiones externas ad legem componant, efficiunt.

§. IV.

Justitia ex-

Quum itaque *justitia* jus suum cuique tribuat,

buat, (§. II.) alia autem jura ad facultatem, pletrix & alia ad aptitudinem pertineant, Grot. de J. B. attributrix. & P. I. 1. 4. vel, ut est in L. 17. §. 3. ff. commod. quædam necessitatis, quædam officii magis & voluntatis sint; recte justitia a Grotio in Expletricem & attributricem dividitur.

§. V.

Expletrix est, quæ, quod cuique jure perfecto & ex necessitate debetur, tribuit. *Attributrix*, quæ tribuit, quæ officii magis & voluntatis sunt, quam necessitatis (§. IV.) Unde facile patet, expletriciis officia coactionem admittere, non item, quæ ex attributrice proficiscuntur. Utriusque definitio-
nes.

§. VI.

Quare opus non est vulgari illa justitiæ divisione in *Universalem*, & *Particularem*, quarum illam in *Χρῆσις ἀπὸ τοῦ τοῦ πρὸς ἑαυτὴν*, in exercitio omnium virtutum erga alios; hanc in abstinentia ab injusta lucri cupiditate consistere ajunt. Arist. *Eth. ad Nicom. V. 1*. Quis enim rem in totum & partem, vel in genus & speciem divideret? Justitia
universalis & particularis.

§. VII.

Nec magis opus est particularis justitiæ divisione in *Commutativam*, quæ in contractibus & rerum commutatione rationem arithmeti-
cam sequitur, & *Distributivam*, quæ in tribuendis bonis vel malis proportionem geometricam observat. Arist. *ibid. V. 2*. Sunt enim hæc ex eorum numero, quæ ut plurimum, sed non semper ita habent. * Commutativa & distributiva.

* Demonstrarunt hoc Grot. de J. B. & P. I. 8. 2. Wissenbach ad Inst. Disp. L. 13. seq. Pagenstech. Sicilim. Manip. II. 13. p. 111. seq.

§. VIII.

A justitiæ fonte *Jus* manavit. Cic. apud Quid *jus*
A 2 Augu-

eiusque
prima di-
visio in pu-
blicum &
privatum.

Augustin. de Civ. Dei XII. 21. L. 1. pr. ff. h. t. quod hic pro complexione legum unius generis accipitur, & hinc ab Ulpiano* in *publicum & privatum*, tanquam duas hujus *studii positiones*, ** dispescitur. L. 1. §. 2. ff. h. t.

* Alias enim rectius dividitur in *divinum & humanum*: illud in *naturale & positivum*: positivum in *universale & particulare*. Humanum in *publicum & privatum*. (Inst. §. XXXIV. seq.)

** *Studium* hic est jurisprudentia, a quo & Jcti *Studiosi* appellantur, L. 2. §. 27. de o. i. vel *juris studiosis* L. 1. ff. de Offic. ad sess. L. 9. §. 4. ff. de pen. L. 4. ff. de extraord. cogn. Imitantur Jcti Philosophos, qui & ipsi artem suam *studium* appellabant. Merill. Obs. I. 11. Tanta nimirum erat inter Jctos & Philosophos æmulatio, ut illi sibi tribuerent omnia, quibus sibi Philosophi quam maxime placebant. Exempla hujus inveterati odii habes in L. 1. §. 1. ff. h. t. L. 1. §. 4. 5. ff. de extr. cogn. L. 8. §. 4. ff. de vacat. & excus. mun.

§. IX.

Utriusque
definitio-
nes.

Jus publicum est, quod de statu reipublice præcipit: *privatum*, quod ad singulorum utilitatem, * id est, ad singulorum patrimonium pertinet. L. 1. §. 2. ff. h. t.

* Ab objecto itaque discrimen est, non ab origine vel fine: siquidem hoc sensu omne jus vocatur publicum, veluti actio Paulliana. L. 8. ff. de tutel. excusationes tutorum, L. 29. ff. de test. tut. usucapio, L. 18. §. 1. ff. de damn. infect. nuptiæ, L. 12. §. 3. ff. de capt. & postl. Add. Cujac. Obs. XXVII. §. 36. Wissenb. ad Inst. Disp. I. 24.

§. X.

Varie ju-

Addunt alii tertiam speciem, *Jus sacrum*, velu-

De Justitia & Jure. Pars I. 5

veluti Quintilianus *Inst. Orat. IV. 2.* & ipse ris publici
Justinianus in *L. 23. pr. C. de Sacr. Eccles.* Sed species.
id pertinet ad jus publicum, quippe in sacris
quoque & sacerdotibus consistens, *L. 1. §. 2. ff.*
hoc rit. adeoque ejus pars est, æque ac olim
jus faciale, Pontificium, * Augurale, Sena-
torium. Cic. *de Offic. I. 11. III. 29. ad Fam.*
III. 9. de Legib. II. 18.

* Pontifices quibus de rebus judicaverint, a mul-
tis quæritur. De iis tantum opinor, quæ ul-
lo modo ad religionem pertinebant. Diximus
in *Antiq. Rom. Lib. I. Tit. II. §. 31.* Add. Ra-
dolph. Forner. *Rev. Quotid. VI. 2.*

§. XI.

Jus privatum tripartitum est, * compositum Privati ju-
quippe ex naturalibus præceptis, gentium & ris fontes.
civilibus. *§. ult. Inst. & L. 1. §. 2. ff. h. t.*

* An non & jus publicum? Omnino, si jus na-
turæ recte definias. Ulpiano autem jus natu-
rale est, quod natura omnia animalia docuit.
Et ex hujusmodi jure nulla omnino pars juris
publici manare potuit. Ita recte Jac. Cujac.
Not. post. ad §. ult. Inst. & in L. 1. ff. h. t.

§. XII.

Jus naturale ex Stoicorum hypotefi (*Inst. Jus natu-
§. XXXVI.*) est, quod natura omnia animalia ra- & gen-
docuit: Jus gentium, quod solis hominibus in- tium.
zet se commune est. *L. 1. §. 3. 4. ff. h. t.*

§. XIII.

Jus inter homines commune duplex vide- Jus gen-
batur veteribus. Aliud enim naturalis ratio tium vel
inter omnes homines constituit, & hinc apud primarium
omnes peræque custoditur: *§. 1. Inst. de J. N. G. vel secundarium.*
& *C. L. 9. ff. h. t.* aliud usu exigente & hu-
manis necessitatibus est introductum: d. *§. 1.*
Inst. eod. Unde illud doctores Primarium;
hoc Secundarium appellant. *

* In libris nostris jus gentium *primarium* vocatur jus commune L. 6. pr. b. t. cum genere humano proditum, L. 1. pr. ff. de acq. rer. dom. quod naturali ratione inter omnes homines peræque servatur L. 1. pr. eod. ratio naturalis L. 3. pr. eod. naturalis æquitas: L. 19. ff. de capt. & postlim. *Secundarium* contra jus, quod necessitas constituit. Legib. 40. ff. de L. illius exempla habes in L. 2. hujus in L. 4. & 5. ff. hoc tit.

§. XIV.

Quid de
his divisio-
nibus sen-
tiendum?

Enimvero, quum bruta, ne ipso quidem diffidente Ulpiano, sensu careant, L. 1. §. 3. ff. si quadr. paup. sec. dic. adeoque in ea nec jus cadat, nec obligatio: consequens est, ut nullum sit jus hominibus cum brutis commune. Jus itaque gentium *primarium* (§. XIII.) est ipsum jus naturale *, quod gentium negotiis applicatum & jus gentium dici potest. (Inst. §. XII.) *Secundarium* autem, fere in moribus positum, hoc nomen vix tueretur, Pufendorf. de J. N. & G. II. 23.

* Hinc & veteres sæpe promiscue accepere jus naturale & gentium. L. ult. pr. juncta L. 14. §. 2. ff. de r. n. L. 31. pr. ff. de pos. L. 84. §. 1. ff. de r. j. quos sequitur Justinianus. §. 11. Instit. de rer. divis.

§. XV.

Quid jus
civile?

Denique jus *civile* est, quod quisque populus liber sibi proprium constituit. Hoc ergo non recta ratio sancit, sed summus imperans reip. cujusque utilitati attemperat. L. 11. ff. hoc tit. Elegantibus exemplis id illustrat Theophil. §. 2. Inst. de J. N. G. & C.

§. XVI.

Vel scri-
ptum vel
non scri-
ptum.

Jus hoc vel solemniter promulgatur, vel tacite & sine promulgatione inolefcit. Hinc illud *scriptum* dicitur, eo sensu, quo πάρεν νόμος

vetus est leges promulgare, (Inst. §. XLIV. *)
hoc non scriptum §. 3. Inst. de J. N. G. & C.
L. 6. §. 1. ff. hoc tit. illius species Romæ erant
Lex, Plebiscitum, Senatusconsultum, Princi-
pum Placita, Magistratum edicta & responsa
prudentum §. 3. I. L. 7. pr. §. 1. hoc tit. Hu-
jus præcipua species consuetudo est.

§. XVII.

Ceterum quum jus naturæ naturalis ratio
inter omnes homines constituerit, (§. XIII.
XIV.) civile autem ab imperante cujusque
reip. utilitati attemperetur; (§. XV.) con-
sequens est 1) ut naturalia jura semper fir-
ma atque immutabilia permaneant, * 2) ci-
vilia autem vel tacito consensu summæ po-
testatis, vel alia lege postea lata sæpe mu-
tentur. §. II. Inst. hoc tit.

Jus naturæ
immutabi-
le, civile
non item.

* Atqui jus civile naturali non per omnia servit,
sed ei vel addit aliquid, vel detrahit. L. 6.
pr. ff. hoc tit. Responsum cape. Dum jus ci-
vile naturali aliquid addit, ex. gr. actionem,
solemnitatem, tempus, quantitatem, sane il-
lud non mutat, sed adjuvat & confirmat. De-
trahit autem jus civile non juri naturali præ-
ceptivo, (sic enim ei non detraheret, sed
derogaret,) verum permissivo, naturalem li-
bertatem restringendo. Populum autem libe-
rum libertati naturali in quibusdam renuntiare
posse, nemo dubitat.

§. XVIII.

Ex horum omnium jurium scientia præcla-
ra illa facultas, quam jurisprudentiam ap-
pellamus efflorescit, quam Ulpianus ex æmu-
latione (§. VIII. **) definit divinarum at-
que humanarum rerum notitiam, justî atque
injustî scientiam, L. 10. §. 1. ff. hoc tit. id est,
philosophiam * in justî injustique scientia
occupatam. (Inst. §. XXV.)

Jurispru-
dentia de-
finitio val-
gatis.

* Multi enim veterum, & maxime ipsi Jcti jurisprudentiam partem philosophiæ, immo *veram non simulatam philosophiam* esse existimabant. L. 1. §. 1. ff. h. t. Ita & Quintilian. *Inst. Orat. XII. 2. Omnis JURIS questio aut verborum proprietate, aut æqui disputatione, aut voluntatis conjectura continetur. Quorum pars ad Rationalem; pars ad Moralem Philosophiam redundat.*

§. XIX.

Verior definitio.

Enimvero, quum Philosophia doctrinas suas ex sola recta ratione; Jurisprudentia maxime ex legibus arbitrio summorum imperantium reip. utilitati attemperatis arcessat; (§. XV.) magis apposite hanc esse dices *habitudinem præsticum leges interpretandi, applicandique speciebus obveneritibus.* (Inst. §. XXVI.)

§. XX.

Quid interpretatio?

Jcti ergo est, primum *leges scire*, id est, vim earum potestatemque tenere; L. 17. ff. de *Legib.* deinde easdem *applicare* negotiis. Priori Jcti officio inservit *Interpretatio*, quæ est facultas vim potestatemque legum ex earum verbis & ratione eruendi. Qui itaque sola verba caprat, non Jctus est, sed *Legulejus*.

§. XXI.

Declarativa.

Quum vero interpres vim & potestatem legum ex earum verbis & ratione eliciat; (§. XX.) consequens est, 1) ut si verba ratione conveniunt, *Declarativa* interpretationi locus sit. 2) Ut in ea potissimum notio vocabulorum, textus *ovvaxi*, & conjuncta loco & re expendenda sint. L. 24. 26. 27. 28. ff. de *Legib.* 3) Ut in eadem semper præferri oporteat sententiam, quæ vitio caret. L. 19. ff. *cod.*

§. XXII.

Extensiva & restrictiva.

Ex eodem recte colligitur, 4) *Extensiva* interpretatione opus esse, quoties latius patet ratio

ratio legis, quam verba. Exempla habes in §. un. *Inst. de legit. patr. tut.* L. 16. ff. de *sponsal.* L. 59. ff. de *r. n. 5.*) Ubi eadem ratio est, ibi eandem esse debere juris dispositionem. 6.) *restrictivam* adhibendam, si verba latius ratione pateant, ut in L. 6. §. 2. ff. de *jure patr.* 7.) Interpretationem restrictivam semper æquitatis majorem habere rationem, quam stricti juris.

§. XXIII.

Denique ex eodem principio facile patet, 8) cessante in totum ratione legis, legem quoque cessare, non autem 9) legem amittere vigorem suum, si certis duntaxat casibus cesset ratio. Ex. gr. quamvis aliquando impubes ante pilos sapiat, non ideo magis is testari poterit, quam reliqui ejusdem ætatis adolescentes. B. Huber *Posit. Pand. I.* 3. 14.

An cessante ratione juris jus cesset?

§. XXIV.

Quum porro JCTi sit, etiam applicate jura speciebus obvenientibus; (§. XX.) consequens est 1) ut qui cruda studia in forum propellit, evertendisque aliorum fortunis quæstum facit, non JCTus sit, sed *Rabula*. 2) Ut is demum JCTi tueatur nomen, qui *respondendo, agendo, cavendo, judicandoque* sit idoneus. Cic. de *Orat. I.* 48. 3.) Ut talis sit vere justitiæ sacerdos, civitatis suæ oraculum, pacis decus atque ornamentum. Id. de *Oratore I.* 45. 4) Ut inepte stulti sint, qui tanto quemque deteriorem Christianum putant, quanto sit juris peritior. Ita scilicet nemo erit Christianus, nisi qui legum studium exsecratus cum Tertulliano a toga ad pallium transeat. Belle, sapienter, lepide, ut nihil supra.

Applicatio juris in quo consistat?

T I T. II.

De Origine Juris & omnium Magistratuum
& successione prudentum.

§. XXV.

Ratio or-
dinis.

H Actenus de Jure generatim, jam de ejus Origine agitur, duce Pomponio, cujus fragmentum a *various* suspicione Bern. Henr. Reinoldus; a variis doctorum reprehensionibus Amplifs. vir, Corn. van Bynkerh. in *prætermiſſis* ad L. 2. h. t. erudite vindicarunt.

§. XXVI.

Tres reip.
& juris
Rom. pe-
riodi.

Quum vero jus civile, de cujus origine hic agitur statui utilitatique reip. attemperandum sit, (§. XV.) & resp. Rom. tres potissimum mutationes subierit; totidem quoque Juris ætates ac periodos fuisse oportet. Initio enim urbs *Regibus* paruit per annos CCXLIV. Deinde iis exactis, *libertas* inter perpetuas fere Optimatum plebisque discordias fluctuavit. Postremo *Cæsares* omnia ad se traxerunt, nemine adversante, veri *tyranni*, quamvis carerent nomine.

§. XXVII.

Quo sensu
initio Ro-
mani jure
incerto
egerint?

Quum Roma esset colonia Albanorum, Dionys. Hal. I. p. 61. 72. II. p. 78. III. p. 172. coloniarum autem sacra moresque majorum religiose servarent; verosimile sane est, primos colonos Albana jura Roman attulisse. Hinc initio *populus Rom. sine lege certa, sine jure certo*, (puta scripto,) *agere instituerat*, omniaque, (quæ præter mores patrios utilitas reip. exigere videbatur,) *manu a Regibus*, (Romulo, ejusque paulo post collega, Tito Tatius,) *gubernabantur*. L. 2. §. 1. ff. hoc tit. Tacit. Ann. III. 26.

§. XXVIII.

§. XXVIII.

Postea Romulus populum, cui facultatem ferendileges, creandi magistratus, deque pace & bello statuendi reliquerat, Dion. Halic. *II. p. 55.*) in XXX. curias descripsit, Liv. I. 13. & sic leges quasdam curias * ad populum tulit. L. 2. §. 2. ff. *hoc tit.*

Leges curiaticas Romulo laque.

* E. g. de sanctitate mœnium, Plut. *Quest. Rom. XXXI.* de patria potestate, Dionys. Hal. *II. p. 96. Collat. Leg. Mos. & Rom. IV. 1.* de nuptiarum sævitia in soceros, Fest. voce *plorare*: de ritu nuptiarum, Dionys. *II. p. 95.* de honore matronali, Plut. *Romul. p. 30.* de partu monstroso, Dionys. *II. p. 98.* Reliquæ Romuli leges fere ad jus publicum pertinent.

§. XXIX.

Tulerunt & sequentes Reges. L. 2. §. 2. ff. *hoc tit.* Nam & Numa religionibus populum devinxit, * repertaque quædam a Tullo & Anco, ** sed præcipue Serv. Tullius sanctorum legum, quibus & Reges obtemperarent * Tacit. *Ann. III. 26.*

Finis
successoribus.

* Ad jus tamen privatum pertinent leges Numæ de pellicatu, Fest. voce *pellex.* de fide in contractibus sancienda, Lib. I. 21. de filio, quem pater uxorem ducere jussit, non venundando: Plut. *Num. p. 71.* fortassis etiam illa de mortua gravida non nisi excisso sætu tumulanda. L. 2. ff. *de mort. inf.*

** Tulli est lex de tergeminiis ex ærario alienatis. Dionys. Hal. *III. p. 215.* Anco jus faciale debuit originem. Liv. I. 32.

* * Leges Servii de contractibus, cessione bonorum, censu, aliisque memorantur apud Dionys. Hal. *IV. p. 215. 220. 239. seq.* de liberorum sævitia adversus parentes, apud Fest. in voce *plorare*. Idem institutis comitiis centuriatis,

legibus curiatis finem fecisse videtur. Liv. I.
43. Dionys. IV. p. 221.

§. XXX.

Leges re-
gia quo-
modo exo-
leverint?

Regibus lege Tribunicia L. Junii Bruti, Tri-
buni Celerum, exactis, leges quoque eorum
exolescere, & cives incerto magis jure & con-
suetudine iterum agere ceperunt, quam per
latam legem, idque populus prope Vigint. (id
est, sexaginta) annos passus est. L. 2. §. 3. ff.
h. 1. Itaque ne tunc quidem sine omni jure
fuit resp. sed sine jure scripto: legibus quip-
pe regis non ab usu remotis, sed consuetu-
dinum patriarum loco observatis, L. 8. ff. de
his, qui sui vel al. jur. & postea maximam
partem in XII. Tabulas translatis. Dionys. II.
p. 96. Liv. VI. 1.

§. XXXI.

Jus Papi-
rianum.

Hinc non sub Tarquinio Superbo, sed Re-
gibus jam ejectis, leges regias juri sacro
Numæ subjunxit, & in sexto libro suo conscri-
psit C. Papirius. * Dionys. Hal. III. p. 187.
L. 2. §. 2. ff. h. 1. Unde Jus Papirianum, in
quod luculentus existit Gracii Flacci com-
mentarius. L. 144. ff. de v. s.

* Cajum vocat Dionysius apud Pomponium in
vulgatis editionibus, modo Sextus vocatur L. 2.
§. 2. modo Publius L. 2. §. 36. Sed uti priore
loco pro libro Sexti, libro sexto rescribendum
esse monuit Cujacius: ita posteriore tentari
posset: Fuit autem in primis peritus Publ. Jur.
(id est publici juris) Papirius.

§. XXXII.

Duodecim
Tabulæ.

Interea rep. inter diversa optinatum ple-
bisque studia fluctuante, (§. XXVI.) & neu-
tra parte alteri potestatem ferendi leges con-
cedente, demum Tresviros in Græciam, le-
ges inde petitorios mittere placuit. Accitis ita-
que, quæ usquam egregia occurrebant, De-
cem-

cemviri legum ferendarum causa constituti, Hermodori Ephesii consilio usi, inde primum X. tabulas compilaverunt, quibus paullo post binas alias adjecerunt. Liv. III. 31. seq. Dionys. Hal. X. p. 676. L. 2. §. 4. h. t. Et hæ populi suffragiis probatæ in tanto aliarum super alias coacervatarum legum cumulo, fons erant universi publici privatiq[ue] juris. Liv. III. 34.

§. XXXIII.

Inde enim JCTi deinde interpretando eliciebant permulta, quæ propalam verbis non continebantur. S. un. Inst. de legit. patr. tut. Inde natus jus civile. Multas etiam juris controversias disputatione Fori perducebant ad liquidum. 7. 2. §. 5. h. t. Quæ omnia in sensu strictiore Juris Civilis nomine veniunt. L. 2. §. 2. ff. hoc tit.

§. XXXIV.

Iidem JCTi auctores sunt actionum Legis: Item Actiones legis. id est, I. formularum & conceptionum verborum, quibus inter se homines discrepant; L. 2. §. 6. h. t. II. solemnitatum quarundam, quibus actus voluntariæ jurisdictionis coram magistratu essent explicandi. L. 3. ff. de offic. Procons. L. 4. de adopt. L. 1. de off. jurid.

§. XXXV.

Ab his quodammodo differunt Actus legitimi, Et actus legitimi. itidem solemniter, sed non coram magistratu, explicandi. In eo autem par utrorumque ratio est, quod I. nec diem nec II. conditionem, nec III. procuratorem admittunt, nec IV. iterato fieri possunt. L. 123. pr. L. 77. ff. de r. j. & V. a pupillo explicari nequeunt sine tutoris auctoritate. L. 19. ff. de auct. tut.

§. XXXVI.

Hæc omnia quum Pontifices & JCTi initio Jus Flavianum. in latenti haberent; Cn. Flavius, Appii Claudii scriba, fastos dierum, quæ lege agere fas esset, actionumque formulas, ab Appio collectas, divulgat. Unde Jus Flavianum, de quo

quo L. 2. §. 6. 7. ff. hoc tit. Cic. pro Muræ. X. ad Attic. IV. 1. Liv. IX. 46. Plin. Hist. Nat. XXXIII. 1. Gell. VI. 9.

§. XXXVII.

Jus Ælianum.

Hinc indignati Juri, & subveriti, ne regnum illud forense deminueretur, novas composuerant formulas, occultisque perscriptas notis domi asservabant. At vero & hæc mysteria evulgavit egregie cordatus homo. Sex. Ælius Carus, L. 2. §. 2. ff. h. t. auctor Juris Æliani, a quo diversa haud fuisse videntur ejusdem Tripartita, de quibus L. 2. §. 38. h. t. Add. Henr. Noris. Cenotaph. Pisan. p. 419.

§. XXXVIII.

Varia leges & plebiscita post XII. tab.

Ab eo tempore, quo Decemviri leges XII. tabularum pertulerant, varia subinde prodire Leges, varia Plebiscita, quibus vel adderetur aliquid istis legibus, vel eadem explicarentur, aut emendarentur, quo in numero maxime fuit lex Æbutia. Indicem legum & Plebiscitorum texunt Paull. Manutius, Ant. Augustinus, Franc. Hottomannus, Paullus Merula, Jan. Vinc. Gravina.

§. XXXIX.

Legum & plebiscitorum differentia.

Et Leges quidem ab universo populo, patribus, & plebe, rogante magistratu senatorio ferebantur. §. 3. Inst. de J. N. G. & C. Unde & populiscita vocantur Tacito Annal. III. 58. Plebiscita contra erant sanctiones, rogante plebejo magistratu, veluti Tribuno plebis, plebis suffragiis confirmata. D. §. 4. Inst. de J. N. G. & C. De ritu leges ferendi diximus in Antiq. Rom. I. 2. 1. p. 38. seq.

§. XL.

Plebiscita quando legum vigorem acceperint?

At plebiscita etiam leges dici coeperunt, postquam primum anno U. C. CCCIV. lege Horatia, deinde anno CCCCXIV. Publilia, ac demum anno CCCCLVI. Hortensia cautum, ut, quod plebs tributum jussisset, populum

pulum teneret. Liv. III. 55. VIII. 12. Gell.
XV. 38. L. 2. §. 8. ff. hoc tit.

§. XLI.

Porro ab anno U. C. CCCCLXXXIX. quo Edicta
magistra-
tuum.
Prætores & Aediles Cur. in urbe esse cœpe-
runt, nova juri accessio facta est per *edicta*
Magistratum, sub honorum auspiciis de re-
bus ad cujusque jurisdictionem pertinentibus,
a Prætoribus, * Præsidibus provinciarum,
atque Aedilibus Cur. quotannis proposita,
Cic. de Fin. II. 22.

* An etiam a Pr. peregrino? Negant Fr. Hottoman. & V. C. Ge. Schubart. de fat. jurispr. Rom. p. 399. Affermat clarissimus Reinold. Var. XXXVII. p. 267. eo argumento adductus, quod in L. 9. §. 4. ff. de dolo mal. memorantur Labeonis libri prætoris peregrini. Enimvero his libris Labeonem non edictum prætoris peregr. interpretatum, sed ejus officia exposuisse, vel inde patet, quod & libros Prætoris Urbani, L. 19. ff. de v. s. & ab his diversos libros ad edictum scripsit. L. 1. §. 5. ff. de fugitiv. Gell. IV. 2. Certiora sunt testimonia Boethii ad Cic. Top. & Theophili §. 7. Inst. de J. N. G. & C. Ille enim: *Edicta*, inquit, *magistratum* sunt, quæ Prætores Urbani & Peregrini, vel Aediles Curul. jura dixerunt. Hic autem: Κατατάξαι δὲ τὸ νομοθετῆν δεξιότατος καὶ πλείωτοι καὶ Ὀυβριώ καὶ καὶ πλείωτοι τῶν πρεσβυτέρων, καὶ Aedilibus Curulibus. Add. Valer. Max. I. 3. 2.

§. XLII.

His edictis multa innovata, adjuvandi, sup- Inde jus
honora-
rium.
plendi, corrigendique juris civilis gratia, ob-
tentuque utilitatis publicæ. L. 7. §. 1. ff. de
just. & jur. Hinc I. nova vocabula in fraudem
juris veteris inventa, e. g. *bonorum possessio*,
constitutum, *hypotheca*. Hinc II. novæ actiones
principiis juris civilis adversæ, veluti *Publi-*
cia

ciana, Pauliana. Hinc III. restitutiones in integrum. Hinc IV. exceptiones datæ ex negotiis jure civili invalidis. Hinc denique V. tot fictiones, quales habes in §. 4. 5. *Inst. de act.* Vid. *Ant. Rom. I. 3. 24.*

§. XLIII.

Ejus auctoritas.

Et quamvis magistratus non sint legislatores: (§. XV.) L. 12. §. 4. *ff. de publ. in rem act.* L. 12. §. 1. *ff. de bon. poss. eorum tamen edicta, usu fori probata, demum juris scripti auctoritatem propter vetustatem obtinuerunt.* Cic. *de Invent. II. 22.* dictaque *Jus Honorarium*, * quod *vivam vocem juris civilis* esse, ait L. 8. *ff. de just. & jur.*

* Prætura κατ' ἐξοχὴν videtur honor adpellata; quemadmodum Prætor Honoratus. Ovid. *Fast. I.* Verbaque Honoratus libera Prætor habet. Vid. Car. Annib. Fabrot. *ad Theopbil. p. 26.*

§. XLIV.

SC. & lex Cornelia de edictis perpetuis.

Quum vero & singulis annis nova edicta proponerentur, (§. XLI.) & proposita eo ipso anno subinde mutarentur, multa que jura nova statuerentur κατὰ χάριν, ἢ κατ' ἐξοχὴν τινῶν, in gratiam odiumve certorum hominum: Dio XXXVI. p. 21. demum anno U. C. IJCXXXVI. SC. cautum, ut Prætores ex suis edictis perpetuis jus dicerent. Dodvvel. *Prælect. Cambd. p. 333. 665.* In quam sententiam & lex Cornelia facta. Dio Cass. XXXVI. p. 27. *Conf. Antiq. nostr. Rom. I. 2. 23. p. 52.*

§. XLV.

Mutatio juris sub Imperatoribus facta.

Tale fuit jus, libera republica: sub Imperatoribus tres distinguendæ periodi; quarum prima ab Augusto ad Hadrianum; altera ab hoc ad Constantinum M. postrema ab hoc ad Justinianum porrigitur. Ista ad jurisprudentiam antiquam; illa ad mediam; hæc ad novam referenda est. §. 3. *Inst. de legit. agn. success.* Jac.

Jac. Perizon. de lege Vocon. p. 198. (*Institut.*
S. VI. *)

S. XLVI.

Et *Augustus* quidem tyrannidis averfatus suspicionem, nihil admodum circa modum leges ferendi innovavit. Veteri sane ritu latae leges *Juliae* de publicis judiciis, *Ælia Sentia*, *Fufia Caninia*, *Papia Poppæja*, *Zonar.* *Annal. Tom. I. Lib. X. p. 153.* immo & plebiscitum tum prodiit, lex puta *Falcidia*, *Dio XLVIII. p. 430.*

Augustus
veteri ri-
tu leges
tulit.

S. XLVII.

Attamen callido satis consilio instituit, ut certis tantum personis facultas daretur de jure respondendi, judicibusque ab earum responsis discedere haud liceret: L. 2. S. ult. ff. h. t. S. 8. *Inst. de J. N. G. & C.* quum antea responderent, quibuscunque esset studiorum fiducia, & *J*ctorum responsa saepe ab *O*ratioribus dicendo everterentur. *Cic. pro Mur. XIII. pro Cæcin. XXIV.* Cujus instituti rationem reddimus in *Ant. Rom. I. 2. 39. x.*

Certis
*J*ctis jus
dedit de
jure res-
pondendi.

S. XLVIII.

Major facta rerum conversio, comitiis a *Tiberio* eo obtentu, quod in tanta hominum turba plebs non facile, multoque difficilius populus conveniret, e campo in curiam translatis: L. 2. S. 9. h. t. *Tacit. Annal. I. 15.* Ex eo sane tempore raro leges latae more majorum, * & pro populo omnem rempublicam *Senatus* procurare cœpit.

Comitia e
campo in
curiam
translata.

* Non tamen plane nullæ. Anno enim U. C. *DCCLXXI.* lata lex *Junia Norbana*: *Ulp. Frag. I. 10.* paullo post, uti videtur, *Vesellia*: *Gravin. de Legib. & SC. S. XXIV. p. 535.* postremo anno U. C. *I3CCCXIII.* lex *Petronia*, de qua *Paull. Rec. Sent. IV. 12. & L. 24. ff. de manum.*

S. XLIX.

§. XLIX.

Idem SC. Quum ergo ex eo non ambigeretur, Senat-
rum jus facere posse: L. 9. ff. de Legib. orta
sunt *Senatusconsulta*, * id est, jura, præmis-
sa Principis oratione a Senatu loco populi
constituta. L. 2. §. 9. hoc tit. §. 5. Inst. de J.
N. G. & C. Tac. Ann. XI. 15. Unde non ob-
scure, cur SCta & *Orationes Principum* ap-
pellentur. L. 8. ff. de transact. L. 1. ff. in quib.
causs. pign. L. 52. §. 10. ff. pro soc. L. 60. pr.
ff. de r. n. & passim.

* Extant SC. & libera rep. facta. Sed illa non
leges fuere, verum decreta de rebus curæ am-
plissimi istius ordinis demandatis, nisi tribuum
suffragiis confirmarentur. Inst. XLVIII. *)
Dionys. Hal. IX. p. 595. X. p. 676. Liv. IX. 8.

§. L.

Quandiu SCta fa- Hujusmodi SC. quam plurima condita ad
SCta fa- tempora usque Antonini Caracallæ. Quæ po-
sta? stea decrevit Senatus, ea fere ad honorem
principum pertinebant, nec pro lege erant,
nisi lege *Augusta*, id est, edicto principali
confirmata. Symmach. Epist. X. 21.

§. LI.

Jus per Ex quo enim Romani principatum ferre di-
rescripta dicerant, & lege Regia, (quæ & *lex imperii*
principum L. 3. C. de test. & *Augustum privilegium*, in
introduc- L. un. §. 14. C. de cad. toll.) populus in princi-
tum. pem omne contulerat imperium: L. 1. pr. ff.
de const. princ. §. 6. Inst. de J. N. G. & C.
cœpit paullatim jus novum constitutionibus
principalibus inveni.

§. LII.

Maxima Factum id jam a temporibus Vespasiani,
mutatio a L. 4. §. 6. ff. de legation. quibus lex illa regia
tempore veluti ad *ἀρχὴν* videtur pervenisse. Antiq. no-
Hadriani str. Rom. I. 2. 65. 67. p. 88. Potissimum tamen
multa innovata ab *Hadriano*, quem principem
in

in ceremoniis, Legibus, gymnasiis, doctoresque curandis Numam imitari voluisse, ex Victore Schotti observat Dodvv. Præl. Cambd. VII. p. 294.

§. LIII.

Primo enim per Salv. Julianum conficiendum curavit *edictum* Prætoris perpetuum. *Edicta perpetua compilata.* Aur. Viêt. c. XVIII. Eutrop. VIII. 9. Deinde vel ab eodem, ut videtur Dodvv. p. 395. vel, quod Ez. Spanh. Orb. Rom. II. 12. mavult, a Marco compilari jussu *edictum* Provinciale. Nec dubitandum, quin eadem opera præstita sit *Edicto* Ædilitio. Saltem hæc tria edicta fere sola ex eo tempore in foro regnarunt, & præcipue commentariis illustrata sunt a Jureconsultis.

§. LIV.

Iisdem quoque temporibus auditum proverbium: *ἐκεῖ τε ἡ Πάρις, ἐκεῖ πάλιν ἡ ἑβραϊστὶς*, Roma est, ubi Imperator est. Herodian. I. 6. Hinc non modo in Senatu, sed & inter peregrinandum nova jura constituere cœperunt Impp. totam illam veterem & squalentem legum silvam novis principalium rescriptorum & edictorum securibus truncantes, Tertullian. Apol. IV.

§. LV.

Quumque Christiana religio publice recepta aliam vitam aliosque mores postularet; mirum non est, harum constitutionum numerum a temporibus Constantini M. maxime increvisse. Hinc universum fere jus immutatum a Constantinis, Theodosiis, Valentinianis: nec incredibile est, compilatos ideo esse codices *Gregorianum* & *Hermogenianum*, ut exstaret veteris & paganæ jurisprudentiæ monumentum: quemadmodum eum in finem *Codex Theodosianus* confectus, ut in manus hominum venirent *legitimorum Principum constitutio*.

Iam innumeræ constitutiones editæ.

Maxima mutatio sub Impp. Christianis.

ziones. Jac. Gothofr. Proleg. Cod. Theodosian. cap. I. seq.

§. LVI.

Altera tituli pars de magistratibus.

Haec tenus de origine juris : jam de Magistratibus agendum, sed breviter, ne, quae infra titulum X. & sequentibus erunt dicenda, occupemus.

§. LVII.

Magistratus quid? & quotuplices?

Magistratus erant personae publicae, rempublicam in partibus sibi a populo creditis per tempus legitimum administrantes. Quia itaque vel in urbe vel in provinciis officiis fungebantur; hinc in Urbanos & Provinciales dividi solent.

§. LVIII.

Extraordinarii, ordinarii, majores, minores.

Alii porro erant Ordinarii, qui ordinarie statisque temporibus creabantur: alii Extraordinarii, qui interdum, & extra ordinem. Utrique, si auspiciis majoribus & lege curiata constituerentur, Majores; sin minoribus in comitiis tributis; Minores dicebantur. Gell. Noct. Att. XIII. 15. Omnes hi initio patricii, quibus solis competeat *ἡ πᾶς πόλις πρὸς αἰῶνα*, civitatis regimen: Dionys. Halic. II. p. 83. post continuos furores tribunitios promiscue sere patres vel plebeji. Cic. pro Dom. XIV.

§. LIX.

Reges.

Initio urbem Reges habuere, non prout libitum, imperitantes, uti visum Tacito Ann. III. 26. sed ita cum patribus & populo partiti rempublicam, ut illi consilio Reges juvarent, magistratusque obirent: hi curiatim vel centuriatim de legibus, honoribus, pace belloque statuerent: ipsi sacris, legibus, comitiis, senatui, exercitibus praesent. Dionys. II. p. 85. 87. Unde Romanos ex tribus rerumformis unam fecisse, scribit L. Ampelius libro memor. extr. p. m. 405.

§. LX.

Dicuntur & reges magistratus, L. 2. §. 13. ^{Magistra-}
14. *hoc t.* sed improprie. Sub illis præcipui ^{tus sub re-}
magistratus erant *Tribuni Celerum*, qui Equi- ^{gibus.}
tibus præfecti proximum a regibus locum
obtinebant: L. 2. §. 15. *h. t.* Liv. I. 15. *Præfe-*
Et Urbi, profectis ab urbe regibus, extra
ordinem constituti: L. 2. §. 33. *hoc tit.* Tacit.
Ann. VI. 11. & Interreges, qui tempore inter-
regni singuli per quinos dies summæ rerum
præerant. Liv. I. 17.

§. LXI.

Exactis regibus, primi magistratus *urbani*,
maiores & ordinarii erant bini *Consules*, * ^{Consules}
quotannis populi suffragiis creati, ne pote-
stas vel mora vel solitudine corrumpetur.
Flor. I. 9. Initio ex patribus legebantur,
(§. LVIII.) ab anno U. C. CCCLXIII.
etiam ex plebe: Liv. VII. 1. eademque fere
potestate, qua olim Reges, præerant repu-
blicæ. Dionys. Hal. IV. p. 268.

* Aliquando tamen & unus sine collega creatus
Cn. Pompejus Magnus. Dio Cass. XL. p. 244.

§. LXII.

Eodem tempore, quo primum consules ex ^{Prætorum}
plebe sumti, (§. LXI.) creatus etiam *Prætor*, ^{numerus.}
quem penes juris dicendi potestas esset. Tunc
unus sufficere visus: anno CCCLXXXVII. al-
ter accessit, cui inter peregrinos obveniret
jurisdictio. Hinc pro numero provinciarum
modo quatuor, modo sex, modo plures crea-
ti, quorum unus præturam urbanam, alter
peregrinam, reliqui vel provincias vel quæ-
stiones de publicis judiciis sortito accipie-
bant. Sub Imperatoribus, modo XVI. modo
XVIII. Prætores fuere, L. 2. §. 32. *h. t.* quem
numerus Augustus ad XII. reduxit. Et quam-
vis eum numerum se non excessurum, juras-
set

set Tiberius: Tac. *Annal.* I. 14. anno tamen DCCLXXXVII. iterum XVI. memorantur Prætores apud Dion. LVIII. p. 634.

§. LXIII.

Prætores
fideic. fil-
calis, tu-
telaris.

His porro Claudius Imp. addidit duos Prætores *Fideicommissarios*, ex quibus unum Titus Imp. detraxit. L. 2. §. 32. h. t. Sub Nerva Prætor *Fiscalis*: d. l. 2. §. 32. sub Marco Antonio *Tutelar*is accessit. L. 6. §. 13. ff. de *excus. tut.* Jul. Capit. Marc. X.

§. LXIV.

Censores.

Censores duo singulis lustris creabantur ab anno U. C. CCCXII. fere consulares. Liv. IV. 8. VII. 32. Eorum initio quinquennis potestas, postea annua & sex mensium per legem Æmiliam. Liv. IV. 24. Hi censum agebant, lustrum condebant, senatum legebant, parum decore viventes notabant*, opera publica & vectigalia locabant, cælibatum prohibebant. Just. Lips. de *Censu & Censorib.*

* Neque tamen ea ignominia notati infames fiebant, ut eleganter demonstravit V. C. H. B. Reinold. *Var. XV. p. 110. seq.*

§. LXV.

Dictator.

Inter *extraordinarios*, *urbanos*, *maiores* eminebat *Dictator*, in rebus trepidis* ab alterutro. *Coss.* noctu & silentio dici solitus. Is ubi postridie jussu populi equum conscenderat, sibi *Magistratum Equitum* nominabat, summoque gaudebat imperio, adeo, ut initio & in magistratus animadverteret, Polyb. III. 87. nec ab eo esset provocatio. Fest. voce: *optima lege*. At postea cautum, ut a Dictatore posset provocari. Liv. III. 55. & ut non nisi semel ea potestas esset, neque dictator extra Italiam esset cum imperio.* Dio XXXVI. p. 16.

* Interfecto Cæsare incivilis illa potestas plane sup.

suppressa, sancitumque additis execrationibus, ne quis in posterum dictaturæ mentionem faceret. *Cic. Philipp. I. 2. Dio Cass. XLIV. p. 267.* Et inde est, quod Augustus dictaturam, magna vi offerente populo, genu nixus, dejecta ab humeris toga nudoque pectore deprecaretur. *Sueton. Aug. LII.*

§. LXVI.

Extra ordinem & *Præfæctus Urbi* ex veteri *Præfæctus* *urbi.* instituto creabatur, absentibus ab urbe Consulibus. *Dionys. II. 85. Liv. III. 29.* Deinde Prætor vice Consulium absentium in urbe fungebatur, & *Pr. Urbi* tantum feriarum Latinarum causa creabatur, quia tunc omnes magistratus ab urbe per aliquot dies oportebat abesse. *L. 2. §. 33. hoc tit.*

§. LXVII.

Hoc quoque temporis tractu constitui solebant *Interreges*, quoties sine supremo magistratu erat respublica. *Liv. III. 8.* Horum quidem summum imperium, sed brevi quonorum dierum spatio circumscriptum. *Liv. ibid. & VI. 1.*

§. LXVIII.

Extra ordinem, suppressa reliquorum magistratuum potestate, semel constitutos constitat *Decem viros legum ferendarum causa*, (*§. XXXII.*) quorum singuli per denos dies cum fascibus & sine provocatione jus dicebant. *Liv. III. 32.* Sed eam potestatem populus, Appii Claudii libidine exacerbatus, altero statim anno suppressit. *Liv. III. 36.*

§. LXIX.

Denique *Tribuni Militum* terni creari ceperunt consulari potestate ab anno U.C.CCCX. *Tribuni militum consulari potestate.* quando inter patres & plebem certamen de consule plebejo creando quam maxime fervebat. *Liv. IV. 6.* Ex eo tempore ad annum

CCCLXXVIII.

CCCLXXVIII. modo Coss. præfuere reip. modo Tribuni militum, & hi jam patricii, jam plebeji, aliquando terni, nonnunquam seni, immo & octeni, Diod. Sic. Grut. *Insc. p. DCC.* nunquam tamen viceni, * ut est in L. 2. §. 25. *hoc tit.*

* Probabile est, Pomponium scripsisse: *Interdum enim VI. fuerunt, interdum plures, nonnunquam pauciores: ex illo autem VI. librarium exculpisse Viginti.* Perizon. *Anim. Hist. II. p. 46.*

§. LXX.

Tribuni plebis. Et hi quidem magistratus urbani *maiores*, tum ordinarii tum extraordinarii. Sequuntur *minores*, qui ipsi quoque vel *ordinarii* vel *extraordinarii* erant. Inter ordinarios primi *Tribuni Plebis*, quorum bini primum post primam plebis secessionem creati, mox quini, demum decem, eo quo collegio tribunorum alter alteri poterat intercedere, Liv. IV. 49. VI. 35. (*Inst. §. CCXLII. **)

§. LXXI.

Horum officium & potestas. Horum vero erat, plebi adversus magistratum sævitiam auxilio esse, Liv. II. 33. plebiscita ad plebem ferre, (§. XXXIX.) & consilia senatus plebi adversa illo solemniter *Veto* turbare. Unde sæpe ipsis Coss. vincula minati. Liv. II. 56. Plutarch. *in Mar. p. 407.* Sæpe potestate illa abusi, omnia pro lubitu miscebant, idque tanto impudentius, quod se sacrosanctos esse non ignorarent. Liv. II. 33.

§. LXXII.

Ædiles, plebeji, curules, ceterales. *Ædiles*, a tribunis proximi, vel *plebeji* vel *curules* erant. Illi statim cum Tribunis plebis creati cœpti, ut istis essent adiutores, causasque leviores ab illis delegatas cognoscere, ædiumque, annonæ & ludorum curam haberent. Dionys. VI. p. 411. Hi a sella curuli dicti, & ludorum causa primum creati au-

ti anno U. C. CCCLXXXVII. Liv. VI. *extr.*
L. 2. §. 26. h. t. ædes & vias publicas tueban-
 tur, foro præerant, aliaque ad decus urbis
 pertinentia curabant, eoque nomine quotan-
 nis proponebant edicta (§. XLI.) *Ædiles Ce-*
reales primum creati a Julio Cæsare *L. 2.*
§. 32. h. t. Reinold. Var. III. p. 26.

§. LXXIII.

Quæstores Tacitus *Ann. XI. 22.* & Ulpianus *Quæsto-*
L. un. pr. de off. Quæst. jam sub Regibus fuisse; *res.*
 at Plutarch. *Poplic. p. 103.* a P. Valerio Po-
 plicola primum creatos tradit. Forſan hic
 quæſturam, a Tarquinio Superbo ſuppreſſam,
 reſtituerit. De eorum officio nos plura *Lib. I.*
Tit. XIII.

§. LXXIV.

Quæſtores ſequēbantur XXVI. Viri, quo- *XXVI.*
 rum numerum Auguſtus ad XX. redegiffe di- *viri.*
 citur, Dio *LIV. p. 540.* Fuere in hoc nume-
 ro *Decemviri ſſitibus judicandis. L. 2. §. 29.*
*h. t. * Duumviri* viarum publicarum extra ur-
 bem curatores. Dio Caſſ. *Lib. LIV. p. 450.*
Triumviri auro, argento, æri ſtando feriun-
 do, ſeu cudendo numiſmati præfeſti. *L. 2.*
§. 30. h. t. quorum aliquando IV. memorantur
 in numo gentis *Livinejæ* apud Vajlland: *Qua-*
tuorviri in Campaniam mitti ſoliti, Dio *ibid.*
Triumviri capitales, qui carceris cuſtodiam
 habebant, juffu populi in fontes animadverte-
 bant, leviorisq; fortis hominibus juſ dicebant.
L. 2. §. 30. h. t. Salluſt. *Catil. LV.* Plaut. *Am-*
phit. I. 2. 3. Aſin. I. 2. v. 5. & ibi viri docti,
 & denique *Quatuorviri viis urbanis curandis*, de
 quibus *L. 2. §. 30. h. t.* Grut. *Inſc. p. CCCCLVII. 2.*

- * Decemviri ſſitibus jud. Prætori juſ dicenti ſ
 vel haſtam centumviralem cogenti, in conſi-
 lio erant. Unde & collegium eorum, quod
 ex V. ſenatoribus totidemque Equitibus con-

habat, *Consilium* vocatur in §. 4. *Inst. qui & ex quib. causis. manum. Grot. Inst. p. DCXXI. 2. Add. Antiq. nostr. Rom. IV. 6. 9.*

§. LXXV.

Quinque viri cis & ultra Tiberim, functi pro magistratibus, quibus conveniens erat, vespertinis temporibus in publicum esse, L. 2. §. 31. h. t. Eorum originem docet Livius XXXIX. 14. ex quo etiam scimus, illos adjutores datos Triumviris capitalibus, ut cum iis vigilas per urbem disponerent, cœtus nocturnos prohiberent, incendia caverent arcerentque.

§. LXXVI.

Magistratus minores extraordinarii. Extraordinarii magistratus minores fuerunt varii, veluti *Præfectus Annone*, *Quinqueviri Mensarii*, a dispensatione pecuniæ dicti: Liv. VII. 21. *Daumviri Navales*, classi reficiendæ ornandæque & oræ maritimæ præfecti: Liv. IX. 30. XI. 18. quamvis hi non adeo commode urbanis accenseantur magistratibus.

§. LXXVII.

Magistratus provinciales. Provinciis aliis Consules, aliis Proconsules, aliis Prætores præficebantur cum summo imperio. Adjuncti his erant *Legati*, *Questores*, variique comites, de quibus diximus in *Antiq. Rom. App. I. 103. p. 332. seq.*

§. LXXVIII.

Status magistratuum urbanorum sub Imp. Sub *Imperatoribus* eadem magistratuum vocabula, * nihil usquam prisca & integri moris omnibus, ex ætate æqualitate, jussu principum aspectantibus, Tacit. *Ann. I. 3.* qui tribuniciam pot. proconsulare imperium, præfecturam morum, legum denique, senatus & magistratuum munia ad se, nullo adversante, traxerant. Id. *Ann. I. 1.* Novi tamen exco-
gitati magistratus, veluti *Præfectura Prætorii*,

De Origine Juris. Pars I. 27
 vii, *Praefectura Urbis*, *Praefectura Vigilum*,
 de quibus infra suo loco.

* Adeo ut & Tribuni plebis in urbe essent.
 Dio LVII. p. 316. Tacit. Hist. IV. 9. Plin.
 Epist. I. 23.

§. LXXIX.

Provinciae post Augusti tempora aliae popu-
 li erant, aliae *Principis*. In illas ex veteri in-
 stituto mittebantur viri consulares & prae-
 torii, nomine *Procoff.* vel *Propraetorum*. In has
Legati Aug. Procoff. vel *Propraet.* Minoribus
 praerant *Procuratores Caes.* Sola Aegyptus sub-
 erat *Praef. Aug.* Ibidem & in Italia erant *Ju-
 ridici*, aliquando & *Consulares*. Nec ignoti
Correctores, *Rationales*, *Catholici*, aliique *.

Magistra-
 tus provin-
 ciales post
 Augustum.

* A Constantini M. temporibus plane immutata
 provinciarum dispositio. Unde alia fere ma-
 gistratuum vocabula in Codice, quam in Pan-
 dectis; quae egregie illustrant Guid. Pancirol.
 in Notit. utriusque Imp. & Jac. Gothofred. ad
 Codicem Theod.

§. LXXX.

Reliquum est, ut de *JCtorum* vel *Pruden-
 rum Successione* agamus. Libera rep. praecipue
 notandi *C. Papirius*, juris Papiriani auctor,
 (§. XXXI.) *Tiberius Coruncanus*, primus jus
 publice professus, L. 2. §. 35. h. t. *Sex. Aelius
 Catus*, juris Aeliani conditor (§. XXXVII.)
 ejusque frater *P. Aelius*, *M. Porcius Cato* cum
 pater, tum filius, regulae Catonianae auctor,
P. Mucius, *Brutus* & *M. Manilius*, qui jus
 civile fundasse dicuntur. L. 2. §. 39. hoc tit.
Ser. Sulpitius, quem unum inter *JCtos* ad-
 miratur Cic. Brut. XLI. L. 2. §. 42. h. t. *Gra-
 nius Flaccus*, juris Papiriani interpretes,
 (§. XXXI.) & *C. Trebatius Testa*, a quo co-
 dicillorum jus probatum, pr. Inst. h. t.

Præcipui
JCti, libe-
 ra rep.

§. LXXXI.

Ab Augusto ad Hadrianum. Sub Augusto eminuerunt *Antistius Labeo* & *Atejus Capito*, duo pacis decora, sed inter se parum amica, Tac. Ann. III. 75. nec non *Alfenus Varus* & *Vinellius*: sub Tiberio & successoribus *Masurius Sabinus*, *Nerva*, *Fabius Mela*, *C. Cassius Longinus*, *Proculus*: sub Vespasianis *Attilicinus*, *Urseus Ferox*, *Plautius*, *Pegasus*, a quo SC. *Pegasianum*, (Vid. Menag. Amæn. Jur. Cap. XVII.) *Nerva* filius & *Cal. Sabinus*.

§. LXXXII.

Sub Hadriano. Ab Hadriani temporibus uberrimus fuit *I*ctorum proventus. Tunc enim floruerunt *Minicius Natalis*, *P. Juventius Celsus* filius, *Priscus Javolenus*, *T. Aristo*, magnifice collaudatus a Plin. Epist. I. 22. *Neratius Priscus*, cujus nomen restituit Cujac. Obs. I. 9. & editi perpetui conditor celeberrimus, *Salvius Iulianus* (§. LIII.)

§. LXXXIII.

Sub Antoninis. Sub Antoninis celebrantur *Papirius Fronte*, *Terentius Clemens*, *Junius Mauricianus*, *Sex. Caelius Africanus*, *Papirius Justus*, *Cajus*, quem suum vocat *Justinianus Imp.* §. 6. proëm. Inst. *Venulejus Saturninus*, *Pomponius*, legis 2. h. t. celeberrimus auctor, (§. XXV.) *Cerbidius Scævola*, *Volusius Macrianus*, de quo Jac. Gothof. Diff. ad L. *de veris* ff. ad L. Rhod. de jact. cap. II. *Marcellus*, *Florentinus*, & *Tarentinus Paternus*.

§. LXXXIV.

Sub Severo & successoribus. Severi & successorum tempora illustrarunt *Tertullianus*, *Arius Menander*, *Papinianus*, *I*ctorum coryphæus, *Callistratus*, *Furius Antianus*, *Marcianus*, *Triphoninus*, & qui utramque paginam in Pandectis faciunt, *Ulpianus* & *Paulus*, *Licinus Rufinus*, *Æmilius Macer*, & *Heretinus Modestinus*; A Gordiani tem-

temporibus fere defecerunt JCtorum oracula, nisi quod sub Constantino M. Hermogenianus, Arcadius Carissus & Julius Aquila ad veterum gloriam aspirarunt. Qui enim postea Romæ, Constantinopoli & Beryti jura docuerunt, multum ab illa veterum doctrina abfuerunt.

§. LXXXV.

Ceterum JCti hi plerique omnes flos erant additi: V. C. Eu. Otto Orat. de Philos. Stoic. JC. ipsi tamen in sectas divisi. Origo diffensionum a Q. Antistio Labeone & C. Atreio Capitone; (§. LXXXI.) ingenio studioque dissimillimis, quorum ille libertatis studiosissimus; hic ad adulationem maxime proclivis fuisse fertur. Gell. XIII. 12. Tacit. Ann. III. 70.

§. LXXXVI.

Tales hi JCti in republica: in jurisprudentia plane in contraria currebant. Capito enim in his, quæ ei tradita fuerant, perseverasse; Labeo qualitate & fiducia ingenii plura innovare instituisse dicitur. L. 2. §. 47. h. t. Quæ diversa placita quisque, ut fit, ad discipulos transmittit, perpetuis disputationibus occasionem datura.

Labeonis
& Capito-
nis diversa
ingenia.

§. LXXXVII.

Et Labeoni quidem successit M. Cocceius Nerva, pater; (§. LXXXI.) huic Sempronius Proculus, a quo Proculianorum vocabulum: Hunc excepit Pegasus; (§. LXXXII.) a quo Pegasiani; Pegasus Celsus Pater, cujus discipuli Celsus filius, & Neratius. Capitoni contra successit Masurius Sabinus, (§. LXXXI.) a quo Sabinianorum nomen, Sabino C. Cassius Longinus, a quo Cassianorum vocabulum: Cassio M. Celsus Sabinus, huic Javolenus Priscus, Javoleno Salvius Julianus. (§. LXXXII.) L. 2. §. 47. hoc tit.

Utriusque
sectatores.

Scholarum
Proculi &
Sabini dis-
ensiones.

Utriusque scholæ hoc potissimum notamus
discrimen, quod *L. Capitonis* sectatores vete-
ra tuerentur, * *Labconis* multa innovarent.
(§. LXXXVI.) Exempla sunt in *L. 27. §. 31.*
L. 51. ff. ad L. Aquil. L. 6. de condit. ob turp.
causs. L. 31. ff. ad L. Falc. L. 3. §. 18. de acq.
poss. L. 12. de auct. tut. II. Quod illius fami-
lia magis naturalem rationem; hujus jus sub-
tilius probaret. Exempla habes in *§. 2. Inst.*
de empt. & vend. L. 11. ff. de acq. rer. dom. n.
L. 7. §. 7. eod. III. Quod illi magis æquita-
tem & benigniorem sententiam, hi juris stri-
cti rigorem sequerentur. Vid. *L. 51. §. 2. ad*
L. Aquil. L. 20. ff. de reb. cred. L. 13. ff. de lib.
& postum. L. 91. §. 3. ff. de verb. obl. Merill.
Obs. I. 3.

* Adeo ut parum curarent juris originem &
rationem. Et eo quidem pertinent *L. 20. L. 21.*
ff. de Legib.

§. LXXXIX.

Finis se-
ctarum.

Sed post variam utriusque scholæ fortu-
nam, postquam Imperatores illas *JCtorum*
dissensiones variis rescriptis tollere cœperant;
L. 1. L. 49. ff. ad L. Falcid. L. 17. ff. de jur. pa-
tron. L. 7. de iis, quæ in fraud. cred. L. 9. C.
qui test. fac. L. 11. ff. de jurisdict. L. 4. ff. de
lege commiss. sub Hadriani temporibus refri-
xit sectæ studium, & *JCti* fere neutrarum
partium esse cœperunt. Merill. *Obserr. I. 6.*
VIII. 1. qui tamen *Obserr. I. 28. & VII. 18.*
Ulpium Marcellum adhuc *Proculejanis* favil-
se observat.

T I T. III.

De Legibus SC. & longa Consuetudine.

§. XC.

HÆc de *juris origine*. Jam de diversis *juris speciebus*, quarum tres hoc titulo *considerantur*, *Lex*, *SC.* & *Consuetudo*, una sequente, puta *Constitutiones Principum*, reliquarum specierum nulla hic habita ratione.

§. XCI.

Nimirum *jus vel scriptum est vel non scriptum*: illius species variæ sunt, veluti *lex*, *plebiscitum*, *SC. principis placitum*, *magistratus edictum*, *responsa prudentum*. (§. XVI.) Sed quemadmodum *lex* tunc accipitur in sensu strictissimo; ita hic *latius sumpta* omne *jus scriptum* denotat, ut in *L. 1. L. 32. ff. h. t. L. 1. §. 2. ff. unde cogn.* adeoque *Lex* hic est commune præceptum summi imperantis obligans cives, ut ad ejus normam actiones suas componant. (*Inst. §. LXXVII.*)

§. XCII.

Ex qua definitione fluunt axiomata: I. *Lex est præceptum commune*. *L. 1. ff. h. t.* II. *Fertur a summa potestate*. *L. 12. C. h. t.* III. *Ad ejus præscriptum omnes, qui in rep. sunt, vitam instituere debent*. *L. 2. ff. h. t.* IV. *Legis virtus est imperare, vetare, permittere, punire*. *L. 7. hoc tit.*

§. XCIII.

Quum itaque *lex sit commune præceptum*; (§. CXII. 1.) consequens est, 1) ut *Demosthenes & Papinianus* in *L. 1. L. 2. ff. hoc tit.* non satis accurate eam definiant *νόμος πολι- τικὸς*, communem civitatis sponsionem.

* Nam 1) conceptus legis & pacti, præcepti & sponsionis maxime discrepant. Deinde 2) lex & dissentientes ac invitos obstringit. Denique 3) lex intelligi nequit sine superiore, seu legislatore, qui in statu populari est totus populus, singulos in rep. viventes obligans per modum præcepti. Quapropter obligatio singulorum ad legem servandam ex pacto quidem est, sed eo, quo semel in legislatoriam summi imperantis potestatem consenserunt, non quo singulas leges speciatim approbant.

§. XCIV.

Obligat
in futu-
rum, mo-
do promul-
gata.

Et eodem, quod lex sit præceptum commune, (§. XCII. 1.) sequitur, 2) ut non obliget, nisi promulgata; *L. 9. h. t. 3.*) Ut publice promulgata statim obstringat, nisi certum tempus, a quo vigorem habitura, expressum sit, veluti duo menses * *Nov. LXVI. c. 4.*) Ut formam det negotiis futuris, nec ad præterita porrigenda sit, *L. 22. ff. h. t.* nisi vel explicet legem antiquiorem, *Nov. XIX. præfat.* vel legislator diserte meminerit pendendum vel præteritarum causarum. *L. 7. c. h. t. L. ult. C. de pact. pign.*

* Id tempus veteribus dictum *Vacatio*, Suet. *Aug. XXXIV.* ubi de triennii vacatione, civibus data ob legem Juliam de maritandis, quam Dio *LVI. p. 66.* pereleganter vocat *ἡμεραν πρὸς παρασκευὴν διδόντων*, tempus ad præparandum datum.

§. XCV.

De quibus
rebus fe-
ratur?

Nec minus inde inferendum, 5) leges attemperandas esse circumstantiis, quales ut plurimum in rebus humanis observantur, quamvis aliquando aliter se habere possint. * Quo pertinent *L. 3. 4. 5. 6. ff. h. t. 6.*) Easdem non ferri in singulas personas. *L. 8. ff. h. t.*

* E. 8.

* E. g. leges ponunt, parentes optimum consilium pro liberis capere; nullum esse impuberis animi iudicium; neminem suum iactare velle; quamvis aliquando res multo aliter se habeat.

§. XCVI.

Deinde, quum leges ferantur a summa potestate; (§. XCII. 2.) consequens est, 1.) ut municipia non leges condant, sed statuta, a summo imperante confirmanda, Ziegl. *de Jure majest.* l. 5. 17. 2.) Ut quæ a collegiis & corporibus communis utilitatis causa statuuntur, non leges sint, sed pactiones, quæ ratæ sunt, dum ne quid ex publica lege corrumpant. L. 4. ff. de colleg. & corp.

An & municipia & collegia leges ferant?

§. XCVII.

Ex quo axioma porro intelligimus, 3.) principem legibus a se latis non teneri: * quamvis digna maiestate vox sit, legibus obligatum se principem profiteri & revera majus imperio videantur, submittere legibus principatum. L. 4. C. h. t. S. ult. Inst. quibus mod. test. infirm. L. 3. de testam. 4.) Eundem legem abrogare, ei derogare, obrogare, subrogare, Ulp. *Pragm.* l. 3. immo & 4.) alios legibus solvere posse. L. 31. ff. de r. n.

Principis potestas in leges.

* Itaque huc non pertinet L. 31. ff. h. t. Princeps enim revera non est solutus legibus, sed ab earum obligatione immunis. Romani principes, quamdiu tyrannidis suspicionem averfabantur, hoc libertatis simulacro illudebant civibus, ut se legibus teneri præ se ferrent, quippe non a se, sed a populo senatuque iactis. (§. XI. VI. XLIX.) Hinc aliquando speciatim aliqua lege solvebantur: Dio LIX. p. 747. aliquando generatim per legem regiam.

§. XCVIII.

Quum porro ad legem omnes, qui in rep. sunt, Quam

B 5

lege obli-
gentur?

sunt, vitam componere teneantur: (§. XCII. 3.) consequens est, 1.) ut illa obliget omnes cives, etiam sacerdotio venerabiles, L. 43. §. 1. C. de Ep. & cler. L. 33. §. 1. C. de Episcop. aud. 2.) Ut & cives temporarii legi parere debeant, quandiu vivunt in rep. L. 7. §. 10. ff. de interd. & releg. adeoque 3.) & in contrahendis negotiis, civitatis, in qua contrahunt, jura sequuti censeantur, modo non de rebus immobilibus, in alia provincia sitis, contraxerint: Sand. Dec. IV. 8. 7. 4.) Ut peccantes ex lege provinciae, ubi peccarunt, plectantur. Hub. Posit. Pand. h. t. §. XXII. seq. & ibi Praelect. §. XCIX.

Lex minus
quam per-
fecta &
imperfec-
ta.

Denique quia legis virtus est imperare, vetare, permittere, punire (§. CIV. 4.) 1.) recte lex irrogans poenam, nec tamen actum rescindens, minus, quam perfecta: * omni sanctione poenali destituta imperfecta dicitur. Ulpian. Fragm. L. 1.

* Existimari posset, nullam hodie esse legem minus quam perfectam ob L. 5. C. de Legib. qua omnia contra legem facta nulla esse jubentur, licet legislator non specialiter dixerit, inutile esse debere, quod factum est. Sed hodiernum sapissime leges patiuntur actum subsistere, poenam irrogasse contentae. Vid. Ampl. Z. Huber. Obs. rer. jud. Cent. I. Obs. I.

§. C.

Lex per-
missiva
consilium,
fraus le-
gis.

Porro inde colligimus, 2.) recte legem permissivam eatenus dici legem, quatenus ea cives omnes obstringuntur, ne alios jure suo uti prohibeant, alias injuriarum rei futuri. L. 5. §. 1. ff. qui satisd. cog. 3.) Consilia non esse leges, quum & ab inferioribus proficisci possint, nec legis virtute polleant: idemque dicendum esse de textibus suasoriis, quales §. 3. Inst. de pup. subst. §. 5. Inst. de her. qual. & diff.

diff. 4) perinde esse, siue quis contra *verba legis*, siue contra *eius sententiam* quid fecerit, siquidem priore casu *contra legem*; posteriore *in fraudem legis* egisse dicitur. L. 29. L. 30. ff. *hoc tit.*

§. CI.

Hæc de *legibus*. De SC. quum supra, *Quid con-*
quantum satis est, dictum sit, (§. XLIX.) *suetudo*
progredimur jam ad jus non scriptum, seu
Consuetudinem, (§. XVI.) quæ est jus sine
promulgatione moribus introductum, & ta-
cito summæ potestatis consensu auctoritatem
consequutum. (*Inst.* §. LXXI.) L. 32. L. 33.
ff. *h. t.* Merrill. *Obs.* I. 38.

§. CII.

Ex qua definitione prono alveo fluit, I. De *eius*
consuetudinem sine promulgatione in rep. in- *natura a-*
olescere, L. 33. ff. *h. t.* II. Eam non nisi a le- *xiomata.*
gislatoris consensu auctoritatem consequi. L.
32. §. 1. *h. t.* III. Semel invecam vigorem le-
gis habere. §. 9. *Inst. de Jur. N. G. & C.* L. 32.
§. 1. ff. *h. t.* L. ult. *C. quæ sit long. consu.*

§. CIII.

Quum itaque consuetudo sine promulgatio- *Ejus pro-*
ne inoleseat in republica; (§. CII. 1.) con- *batio &*
sequens est, 1) ut, an inoleverit, facti quæ- *configua-*
stio sit, eaque probationem requirat, ex actuum *tio.*
uniformium frequentia, L. 34. ff. *h. t.* L. 1. *C.*
quæ sit long. consu. & diuturnitate temporis
petendam. L. 33. L. 35. ff. *hoc tit.* Cujac. *obs.*
XX. 1. 2) Ut non mutetur natura consuetu-
dinis, si vel maxime in scripturam rediga-
tur, arg. L. 4. ff. *de pig. & hypoth.* L. 4. ff.
de fid. instr.

§. CIV.

Quumque consuetudo a summo imperante
auctoritatem consequatur; §. CII. 2.) conse- *Quid si ra-*
quens est, 1) ut nullius auctoritatis sit, si *tionis ad-*
rectæ rationi, vel juri naturali & immuta- *versa, vel*
bili *per erro-*
ta? *rem inve-*

bili (§. XVII.) adversetur. *Nov. CXXXIV. cap. 1. L. 2. C. quæ sit long. consu. c. 2. sequ. X. de consu. 2.)* Ut nec major sit vis consuetudinis per errorem, vel clam & furtim, vel vi in vectæ. *L. 39. ff. h. t. Qualis est consuetudo novitios examinandi in academiis. Const. omnem resp. §. 9. ad Antecess.*

§. CV.

Ejus effectus.

Denique quum consuetudo semel in vecta pro lege sit; (§. CII. 3. consequens est 1) ut polleat virtute imperandi, vetandi, permittendi, puniendi; §. XCII. 4.) *Wesemb. Paratitl. h. t. 2.)* Ut optima sit legis interpretis. *L. 37. h. t. 3.)* Ut legem veterem tollat, sive derogat, * *L. 32. §. 1. h. t. 4.)* Ut & ipsa nova lege, veterive a principe renovata tolli, vel desuetudine contraria exolescere possit. *Plin. Epist. X. 116. 5)* Ut iudici quoque instar normæ sit in ferendis sententiis, *pr. Inst. de off. judic.*

* Atqui ob stare videtur *L. 2. C. quæ sit long. consuet.* ubi negatur, consuetudinem suo usque adeo valere momento, ut aut rationem vincat aut legem. Sed ex ea lex agit de consuetudine rationi adversa; maxime de religione pagana, quam rationem & legem, postea latam, vincere, recte negat *Constantinus M. Vid. Nood. h. t. p. 16. Joseph. Averan. Interp. Jur. II. 1. 9.*

T I T. IV.

De Constitutionibus Principum.

§. CVI.

Ratio ordinis.

Legis latius acceptæ species etiam sunt *Constitutiones Principum*; (§. XCI.) Quum enim lege Regia populus omne illis jus detur-
lit-

lisset; (§. LI.) frequentius coeperunt leges novas constitutionibus condere: de quibus jam agitur paullo plenius.

§. CVII.

Sunt autem *Constitutiones* Principum placita, quæ, si illi volunt, legis habent vigorem. §. 6. *Inst. de J. N. G. & C. L. 1. pr. ff. h. t.* Ex qua definitione fluit axioma: Constitutiones a voluntate Principum vim auctoritatemque adipiscuntur.

Constitutio quid?

§. CVIII.

Vult vero princeps, ut constitutiones suæ vel ad omnes pertineant; quæ *Generales* appellantur: vel uni alterive aliquid indulgeant imponantve, quæ *Speciales* vel *Privilegia* dicuntur. §. 6. *Inst. eod. Generales*, si ad aliorum preces prodeunt, *Rescripta*; * si causa inter partes cognita, *Decreta*; si denique motu principis proprio, *Edicta & Mandata* nuncupantur, d. §. 6. *Inst. & L. 1. §. 1. ff. h. t.*

Et quotuplex?

* Aliquando tamen *rescripta*, vocabulo latius accepto, omnes reliquas constitutionum species comprehendunt. Merill. *Obj. II. 26.*

§. CIX.

Quandoquidem autem *rescripta* ad aliorum preces prodeunt; (§. CVIII.) preces vero illæ vel a privato, vel a magistratu, vel ab universitate quadam proficiunt; hinc primo casu *rescripta Adnotationes* vel *Subnotationes*: L. 6. *seq. C. de div. princ. rescr. L. 1. C. de prec. imp. off. secundo Epistolæ*; L. 3. §. 1. *ff. de test. L. 6. §. 3. ff. de off. procons.* tertio *Sanctiones Pragmaticæ* appellantur. * L. 7. *pr. & §. 1. C. de div. princ. rescr.*

Rescriptorum varia genera.

* *Subnotationes* vocantur, quia statim princeps per magistrum libellorum *αἰτήσεις* subnotari jubebat, quid putaret rescribendum. Exempla sunt in L.

in *L. ἀξιῶσι ff. de L. Rhod. de jast. & apud Gruter. Inscr. p. DCVII.* Quæ magistratibus respondebant principes, per modum *epistolarum* concipi consuevissē, docet Plinii *Epistolarum liber X.* Denique rescripta etiam *facta* dicuntur. Jul. Capit. *Vit. Opil. Macr. XIII.* Unde Græci rescripta quædam vocabant *παραγραμμά.* Vid. Jac. Gothofr. *ad Cod. Theod. Tom. I. P. 25.*

§. CX.

Quantæ
sint aucto-
ritatis?

Quumque, uti omnes constitutiones, ita & rescripta, auctoritatem suam a voluntate principis adipiscantur; (§. CVII.) consequens est, 1.) ut rescripta jus tantum ratione impetrantis faciant. *L. 2. L. 3. Cod. de Legib. 2.)* Ut ne huic quidem prosint, si vel a) preces veritate haud nitantur, *L. ult. C. de div. pr. rescr. c. 2. X. de rescr.* (quo casu & contra rescripta, modo peremptoria non sint, sup-
plicare licet, *L. 2. C. de prec. imp. off. Jac. Gothofr. ad C. Theod. tom. I. p. 14.)* vel β) non adscriptus sit dies & Consul, * *L. 4. Cod. de div. pr. rescr. vel γ)* desit subscriptio sacro encausto, vel costis muricis & triti conchylii ardore facta. *L. 6. C. eod. Bern. Montfauc. Palæogr. Græc. p. 2. seq. vel δ)* ipsum falsitatis suspitione laboret, *L. ult. ff. ad L. Corn. de fals. vel denique ε)* eo quidam contra jus alteri quæsitum ipsamve utilitatem publicam statuatur. *L. 3. L. 7. C. de prec. imp. off. L. ult. C. si contra jus vel utilit. publ.*

* Equidem Tribonianus hanc *L. 4. C. de div. princ. rescript.* ad beneficia personalia restrinxit: sed *L. 1. C. Theod. de Const. princ. & edict.* unde illam decerpit, generatim de omnibus rescriptis loquitur. Et ita etiam in foro servatur. Bartol. *ad §. pen. Const. de novo Cod. fac.*

§. CXI.

Decreta causa cognita prodeunt. (§. CVIII. *Decreta*
 Illa vero causæ cognitio vel pro tribunali, *quodupli-*
 vel de plano suscipiebatur. L. 3. §. 8. ff. de
bon. possess. L. 2. §. 1. ff. quis ordo in possess. serv.
 Merill. Obs. II. 26. Si pro tribunali, tunc la-
 ta sententia *Decretum* κατ' ἐξ-χρῶ; fin de
 plano, *Interloquutio* dicebatur. L. 1. §. 1. ff.
 h. t. §. 6. Inst. de J. N. G. & C.

§. CXII.

Quum itaque & hæc a voluntate principis *Forum au-*
 auctoritatem fortiantur; (§. CVII.) conse- *fortis.*
 quens est, 1) ut decreta jus tantum inter
 partes faciant, L. 2. L. 3. C. de Legib. nec 2)
 pro legibus sint, nisi vel jus vetus & obscu-
 rum interpretentur, L. 12. §. 12. C. eod. vel
 principes ea in similibus casibus observari di-
 serte jubeant. L. 3. C. eod. 3.) Ut multo mi-
 nus tribunalium ac curiarum decreta pro le-
 gibus sint, quum illa collegia, ne, si vellent
 quidem, leges condere possint; (§. XCII. 2)
 L. 63. ff. de re jud. L. 2. C. quib. res jud. non
 noc. tot. tit. C. int. alios act. & jud.

§. CXIII.

Edicta & Mandata in eo conveniunt, quod *Edictorum*
 motu principis proprio prodire soleant; (§. *& manda-*
 CVIII.) sed differunt tamen, quod illa uni- *torum dif-*
 versis civibus jus commune præscribunt, hæc *ferentia.*
 ad certas tantum personas diriguntur. *
 L. 3. C. de const. princ. L. 1. C. de mand. princ.

* Sunt autem vel *ordinaria*, quæ magistratibus,
 principum administris, legatis prefecturis dan-
 tur; Nov. XVII. vel *extraordinaria*, urgente
 aliqua necessitate, ad certas personas missa. Il-
 la ἐντολὰι & παραγγέλματα, hodie *instructio-*
 nis: hæc πρὸς αἴτης vel κελύσεις, dicuntur,
 Jac. Gothofr. ad C. Theod. Tom. I. pag. 28.

§. CXIV.

§. CXIV.

Forandem auctoritas. Ex quo sequitur, 1) ut *Mandata* non sint leges, nisi quatenus aliis civibus necessitatem imponunt, istum ad quem directa sunt, non impediendi. 2) Ut *Edicta* vere & proprie sint leges, L. 6. C. de sec. nupt. L. 2. C. ubi curial. vel cohort. L. 6. C. de divers. præt. urb. 3) Ut eadem æque ac aliæ leges in futurum tantum obligent; (§. XCIV. 4) L. 7. C. de Legib. L. pen. C. de decurion.

§. CXV.

Privilegium quid & quotuplex?

Haftenus de constitutionibus generalibus. *Specialia* vel *Privilegia* (§. CVIII.) sunt constitutiones, quibus imperans vel ob meritum aliquid indulget, vel pœnam extra ordinem irrogat; ut tamen ad exemplum non trahantur. §. 6. Inst. de J. N. G. & C. Hinc recte in *Favorabilia* & *Odiosa*, & quia vel in personam vel in ipsam rem extra ordinem aliquid statuitur, in *Privilegia Personæ* & *Causæ* dividuntur. L. 3. §. 1. ff. de cens. L. 96. ff. de r. j. L. 1. §. 43. ff. de acqu. quolid. & astiv.

§. CXVI.

Axiomata de privilegiis.

Inde axiomata: I. *Privilegia* non nisi a summa potestate conceduntur; II. eadem vel rei vel personæ inhærent, III. neque ad exemplum sunt trahenda. §. 6. Inst. de J. N. G. & C.

§. CXVII.

Quis ea concedat vel irroget?

Quum itaque privilegia a summa potestate concedantur; (CXVI. 1) consequens est, 1) ut ea indulgere vel irrogare nequeant magistratus, quos nec severiores nec mitiores esse decet legibus. L. 8. §. 2. C. ad L. Jul. de vi publ. & priv. 2.) Ut ea eatenus sint leges, veteribus *Privæ Leges*, Gell. X. 20.) quatenus alii prohibentur privilegiatum turbare. 3) Ut principis quoque sit, æstimare, quem is

no;

modum esse velit beneficii sui. L. 191. ff. de r. j. Plin. Epist. X. 119.

§. CXVIII.

Quumque privilegia vel rei inhæreant, vel personæ; §. CXVI. 2) facile patet, 4) privilegia causæ transire ad heredes, non item privilegia personæ. L. 68. L. 196. ff. de r. j.

An ad heredes transeant?

§. CXIX.

Denique quum ad exemplum privilegia trahi non oporteat; (§. CXVI. 3.) consequens est, 1) ut in iis locus non sit interpretationi extensivæ, nisi princeps id velit, vel ratio juris haud refragetur; quo de casu intelligenda L. 8. ff. h. t. 2.) Ut privilegium nocere non debeat æque privilegiato. L. 8. pr. ff. de excus. 3) Ut a privilegiis maxime differant *Jura Singularia* vel *Beneficia legis*, quamvis & ipsa privilegiorum nomine veniant. Cujac. Obs. XV. 8.

Forum auctoritas & differentia a juribus singularibus.

§. CXX.

Ceterum ex ipsa natura privilegiorum hætenus descripta apparet, expirare illa 1) persona vel re, quibus inhærent, (§. CXVI. 2.) extincta; L. 68. ff. de r. j. 2) qualitate, ob quam indulta, cessante; L. 4. §. 1. ff. de muner. & honor. 3) renuntiatione sive expressa, sive tacita, ad quam & non usum decem annorum retuleris. L. 29. C. de pact. L. 1. ff. de nund. L. 3. ff. de mun. & honor.

Quomodo privilegia expirant?

TIT. V.

De Statu Hominum.

§. CXXI.

Q Uos hætenus expendimus titulos, ii veluti *prolegomena pandectarum* constituunt. (§. I.) Sequitur jam ipsum jus, cuius

Ratio ordinis.

cujus quum tria objecta p odita sint a veteribus, *Personæ, Res & Actiones*; L. 1. ff. hoc tit. §. 12. *Inst. de J. N. G. & C.* eundem ordinem & Tribonianus in Pand. & is sequitur adeoque primo omnium agi de statu hominum.

§. CXXII.

Quid homo? *Homo est, cuicumque mens ratione prædita in corpore humano contigit, (Inst. §. LXXV.)* siue mas sit siue femina. L. 1. L. 152. ff. de v. s. *Persona est homo consideratus cum suo statu. * (Inst. ib.)* Unde sine statu nec persona intelligitur.

* Sumpta hæc notio a Comicis, quibus qualitas vel conditio adscititia, quam actores in scena præ se ferunt, *persona*, dicitur. Fest. voce *personata fabula*. Serv. ad Virgil. *Georg. II. v. 387.*

§. CXXIII.

Status quid, & quoruplex? *Status est qualitas, cujus ratione homines diversis juribus utuntur. Quæ qualitas quum vel a natura sit vel ab instituto hominum; recte status hominum in Naturalem & Civilem dividitur.*

§. CXXIV.

Homines vel nascituri vel nati. *Secundum statum naturalem (§. CXXIII.) homines sunt I.) vel nascituri, qui & ventres * L. 9. ff. ad L. Falc. L. 84. ff. de acqu. vel omitt. her. L. 12. ff. de collat. vel nati. Sed de illis humanitatis egregiique publici causa receptum est axioma: Is, qui nasci speratur, quum de ipsius jure quæritur, pro superstite est. L. 23 L. ff. de verb. sign. L. 7. L. 26. ff. hoc tit.*

* Alioquin embryo veteribus juris auctoribus non erat homo, arg. L. 9. pr. ff. ad L. Aquil. nec animal, sed spes animalis, L. 2. ff. de mort. inf.

inf. immo portio mulieris & viscerum: L. 1. §. 1. ff. de ventr. insp. L. 39. ff. de pæn. idque ex principiis Stoicorum, quibus embryo itidem erat μέρος τῆς γαστρὸς, & ζῶν ὥσπερ οἱ κάρποι μέρεα τῆς γυναικὸς. Portio ventris, non animal: quemadmodum fructus partes sint arborum, item τῆς μήτρας μέρος, portio matricis: Plutarch. Placit. Philos. N. 15. & 16. maternorum viscerum latens onus, Senec. Epist. ult. Add. Em. Merrill. Obs. I. 16. Franc. ab Amaya Obs. III. 1. 2.

§. CXXV.

Ex quo axiomatic sequitur, 1) ut nascituri omnia jura in tempus nascendi integra retineant. L. 3. ff. si pars her. pet. L. 18. L. 26. ff. h. t. L. 23. ff. de capt. & postlim. 2) Ut hæc fictio effectum sortiatur, dum postea vivi & perfecti utero exeant. L. 30. §. 1. ff. de acqu. her. L. 29. ff. de neg. gest. L. 19. §. 2. ff. de test. tut. L. 141. ff. de v. s. 3) Ut hæc fictio ipsius tantum embryonibus, non aliis profit. L. 7. ff. h. t. L. 231. de v. s. 4) Ut mulieris prægnantis tortura vel supplicium eousque sit differendum, donec partum fuderit. L. 18. ff. h. t. L. 3. ff. de pæn.

Juransci-
tutorum.

§. CXXVI.

Nati (§. CXXVI.) sunt, qui jam vivi ex utero prodierunt. Ex qua definitione patet, 1) excisos utero, quamvis non nati sed editi dicantur, esse tamen homines. L. 132. L. 141. ff. de v. s. 2) Contra id nomen haud mereri monstra, contra formam humani generis procreata, (§. CXXII.) L. 14. ff. h. t. L. 38. ff. de v. s. adeoque 3) ea nec in liberorum numero esse, nisi quod ad orbitatis pœnas effugiendas profint. L. 135. ff. de v. s. 4) Eos, qui membrorum humanorum officia ampliarunt, quamvis ostentorum nomine veniant, homi-

Et nato-
rum.

hominibus tamen merito accensendos esse.
L. 38. ff. de v. s. L. 14. h. t.

§. CXXVII.

Homines, vel masculi vel feminae. Nascuntur autem homines II. vel masculi vel feminae. Et quamvis juribus in dubio indidem utantur; L. 4. L. de lib. prater. quia tamen leges attemperari solent circumstantiis, quales ut plurimum in rebus humanis observantur, (§. XCV. §.) ut plurimum vero sexus masculinus prudentia animique constantia excellere solet, axioma receptum est: Ratione dignitatis mares; ratione eorum, quæ fragilitas sexus excusat, feminae, melioris conditionis habentur.

§. CXXVIII.

Jura masculorum & feminarum. Inde Jcti colligunt, 1) mares solos capaces esse munerum publicorum officiorumque civilium, patriæque potestatis, L. 2. de v. j. L. 196. pr. & §. 1. ff. de v. s. 2) Feminis aliquando nocere haud debere juris ignorantiam. L. 9. pr. ff. de jur. & fact. ign. 3) Eadem ob quædam delicta paullo mitius puniendas L. 38. §. 1. ad L. Jul. de adult. Nov. XII. cap. 1. LXXXIV. cap. 10. 4) Non teneri illas, si pro aliis intercesserint. L. 1. ff. ad Sc. Vell. Auth. si qua mulier C. eod. 5) Androgynos ejus sexus juribus frui, quem tanquam prævalentem elegerint L. 10. ff. hoc tit. L. 15. §. 1. ff. de testam. L. 6. §. ult. ff. de lib. & posthum.

§. CXXIX.

Homines, vel majores vel minores, puberes, impuberes. Sunt porro homines III. vel majores XXV. annis, * vel minores. Minores vel puberes vel impuberes. Pubertas minus plena in masculis anno XIV. in feminis XII. pr. Inst. quib. mod. tut. fin. L. 25. C. de nupt. L. ult. L. quando tut. esse des. Merill. Obs. I. 14. & 22. Plena in pueris anno XVIII. in puellis anno XIV. finitur §. 4. Inst. de adopt. L. 14. §. 1. ff. de

ff. de alim. leg. Denique *impuberes* usque ad annum VII. *infantes* sunt. L. 18. C. de jure del. L. 1. §. 2. *ff. de adm. tur.* Macrob. *Somn. Scip. I. 6.* Reliquum tempus ad pubertatem usque in duas partes æquales dividitur, adeoque pueri ad annum X. & dimidium; puellæ ad IX. & dimidium *infantiae proximi*, ab isto tempore *pubertati proximi* dicuntur, dolique capaces habentur. §. 18. *Inst. de obl. quæ ex del.* L. 111. *ff. de r. j.*

* Annum hunc finivit lex Lætoria, Plaut. *Pseud. Act. I. scen. 3. v. 68.* dicta ideo quia *vicenaria*: ceu patet ex L. 2. C. *Teod. de don.* (*Inst. §. CCLXXV.*) Unde simul intelliges, cur major ætas sæpe dicatur *legitima*. Briffon. *Select. Antiqu. III. 2.*

§. CXXX.

Majores IV. vel juvenes sunt, vel *senes*. *Juvenes*, L. 69. *ff. de leg. 3.* Senectutem veteres plerumque ab anno LXX. videntur auspicati. L. 2. *§. ult. ff. de decur. junct.* L. 3. C. *cod. L. ult. Cod. qui etat. vel prof.* L. 3. *ff. de jur. immun.* L. 2. §. 7. *ff. de vacat. & excus. mun.* Add. A. A. Pagenstech. *Admonitor. ad Pand. h. t. §. LV.* Longissima autem hominis ætas semper visa est illa C. annorum. L. 56. *ff. de usufr. L. 23. C. de Sacr. Eccles. Plin. Hist. Nat. VII. 4.*

§. CXXXI.

Haftenus de statu *naturali*. *Civilis* (§. CXXXIII.) a veteribus in statum *libertatis*, villis quoque *Civitatis & Familiae* dispescitur. L. ult. *ff. de cap. min.* *Status civilis? duplex?*

§. CXXXII.

Secundum statum *libertatis* homines vel *servi* sunt vel *liberi*. *Libertatis & servitutis* definitiones jam alio loco expendimus. (*Inst. §. LXXIX.*) *Liberi* nobis sunt personæ, quæ non *Quinam liberi & servi?*

non sunt iusta servitute ; Servi contra sunt homines, non personæ, (§. CXXII.) in alterius iusto dominio constituti.

§. CXXXIII.

De servorum conditione axiomata.

Quoniam itaque servi non sint personæ ; (§. CXXXII.) consequens est, I. ut sint res, L. 32. §. 2. ff. de legat. 2. & quidem res mancipi. Ulp. Fragm. XIX. 1. II. Ut sint sine capite, * §. 4. Inst. de cap. dim. ideoque pro nullis, immo pro mortuis habeantur. L. 31. L. 209. ff. de reg. jur.

* Caput enim est status ille civilis triplex : (§. CXXXI.) qui cur capitis nomine veniat, diximus in Antiq. Rom. I. 16. 1. seq.

§. CXXXIV.

Jura domini in servum.

Quod si itaque servi sunt res ; (§. CXXXIII.) facile intelligitur, I. cur domino in servos fuerit jus vitæ & necis. * L. 1. §. 1. ff. de his, qui sui vel al. jur. §. 1. Inst. cod. 2. Cur quidquid acquirunt, acquirant dominis. §. 3. Inst. per quas pers. cuiq. acq. L. 1. §. 1. ff. de his, qui sui. At jus vitæ & necis dominis ademerunt novæ leges, sola relicta modice castigandi facultate. L. 1. §. 2. ff. cod. L. un. Cod. de emend. serv. Unde non modo cædes servi poena L. Corneliæ de sicariis coercetur. L. 1. §. 2. ff. ad L. Corn. de sicar. verum etiam omnis sævitia dominorum extra ordinem vindicatur. L. 1. §. 2. L. 2. ff. de his, qui sui vel al. jur.

* Id est iurisdictio & imperium domesticum, quo & patres in liberos, & mariti in uxores, quæ in manum convenerant, utebantur. Præclara quædam eam in rem habet Rad. Forner. Rer. Quotid. I. 2.

§. CXXXV.

Una om-

Quinque servi caput non habeant ; (§. CXXXIII.)

CXXXIII. 2) consequens est, 1) ut exper-
 tes sint juris publici & privati, adeo ut nec
 injuria affici credantur. L. 15. §. 35. de in-
 jur. 2) Ut omnes sint ejusdem conditionis ,

§. 2. Inst. de jure pers. adeoque 3) & statu
 liberi, quamvis statutam in tempus vel con-
 ditionem libertatem habere dicantur, L. 1. ff.
 de statu lib. æque tamen servi sint , L. 9. ff.
 eod. ac coloni & adscriptitii, quamvis hi paul-
 lo benignius habiti, ipsiusque clericalis di-
 gnitatis capaces vili sint. L. 21. L. de agric.
 & cens. Nov. LXXIII. 17. Donell. Comment.
 II. 9.

§. CXXXVI.

Servos vel nasci ex ancillis nostris, vel
 fieri, & quidem vel jure gentium per capti-
 vitatem in bello justo, L. 21. §. 1. ff. de capt.
 & postlim. vel jure civili, per revocationem
 liberti ingrati in servitutem, vel propter do-
 lum, si major. XX. annis pretii participandi
 causa venundari se passus sit : alio loco,
 quantum satis est, diximus, (Instiut. §.
 LXXXI. seq.

§. CXXXVII.

Sunt & hodie servi, ut semper apud gen-
 tes originis Germanicæ fuerunt, sed a Ro-
 manis illis diversissimi. Tacit. de mor. Germ.
 cap. XXV. Isti quidem sunt fundo vel glebæ
 adscripti; sed personæ tamen, non res. Hinc
 1) dominus in eos non utitur jure vitæ &
 necis, sed jure modice castigandi, & ali-
 quando de causis eorum & delictis statuen-
 di. Quæ dominica veterum potestas, ita
 immutata, vocatur Jurisdictio Patrimonialis.
 Vid. Diss. nostr. de origin. & indol. ju-
 risd. patrim.

§. CXXXVIII.

Deinde 2) & jure connubii, contractuum
 & testamenti factionis gaudent, immo & 3)
 ad-

Quibus
 modis in
 dominium
 quis redi-
 gatur?

An hodie
 servi sint?
 & an do-
 minus in
 eos habeat
 jus vitæ &
 necis?

An omnia
 acquirant
 dominis.

acquirunt sibi ipsis, modo dominis præstent operas, censum, maritagium, & præcipuum ex hæreditatibus seu mortuarium. Vid. Potgiess. de cond. serv. Hertii & cel. Thomasi Diss. de hominib. propr. Harprecht. de jure mortuar.

§. CXXXIX.

Quibus
modis ho-
die servi
fiant?

Denique 3) nascuntur quoque homines proprii ex ancillis nostris, at non fiunt per captivitatem, sed multis modis aliis, veluti per matrimonium, per additionem voluntariam, per commorationem iis in locis, ubi aer dicitur servos facere, quo & jus *Wildfangatus* retuleris. Vid. Potgiess. Hert. Thomas. ib.

§. CXL.

Liberi sunt
vel inge-
nui vel li-
bertini.

Servis opponuntur *liberi homines*, (§. CXXXII.) quorum alii *ingenui* sunt, qui *statim ut nascuntur, liberi sunt*, quod fit, si quis matrem vel tempore conceptionis, vel tempore partus, vel tempore intermedio per momentum saltem liberam habuit: * *pr. Inst. de ingen. alii libertini*, qui sive a domino, sive a rep. sive a lege ipsa *ex justa servitute manumissi sunt*. L. 6. ff. h. t. *pr. Inst. de libertin.* Unde patronus, cui libertus debet, quod persona esse cœpit, liberto loco patris vel agnati proximi esse censetur. Lactant. Div. Inst. IV. 3. L. 88. §. 6. de leg. 2. L. 108. ff. de cond. & dem.

* Immo sufficit ad ingenuitatem, si mater jure sit libera, quamvis de facto adhuc serviat, e. g. in fideicommissaria libertate moram passa. Quo pertinet illud *θεμα παράδοξον* in L. 1. §. 1. ff. de suis & legit. quod possit & ex ancilla ingenuus nasci.

§. CXLI.

Cives &
peregrini,

Ast de libertinis infra plura erunt dicenda.

da. Pergimus ad statum *Civitatis*, (§. CXXXI.) secundum quem homines vel sunt *cives Rom.* vel *Peregrini*. *Cives* ratione juris, tum publici, tum privati, multis gaudebant prærogativis, veluti jure census, tributorum, suffragiis honorum, sacrorum, militiæ, libertatis, gentilitatis, omnibus, patriæ potestatis, testamenti factionis, hæreditatis, usucapionis, &c. de quibus omnibus in *Antiq. Rom. Adp. l. 15. sequ.* *Peregrini* contra his omnibus juribus erant destituti. L. 10. §. 6. ff. de in jus voc.

§. CXLII.

Enimvero hoc discrimen inter ingenuos in orbe Rom. sustulit Antonius Caracalla, L. 17. ff. h. t. Exc. Peiresc. p. 745. Ez. Spanh. Orb. Rom. II. 6. Postea & ad libertinos hoc beneficium protulit Justinianus, sublato discrimine dedititiorum Latinorum & civium. L. un. C. de Lat. lib. coll. L. un. C. de dedit. lib. coll. Novell. LXXXVIII. cap. 2. Denique quod ad jura successionum attinet, discrimen inter cives & peregrinos plane sustulit Fridericus Imp. Auth. Omnes peregrini C. comm. de success. quæ juri albinagii, tunc fere ubique recepto, videtur opposita.

T I T. VI.

De his, qui sui vel alieni jur. sunt.

§. CXLIII.

Tertius status est *Familiæ*, (§. CXXXI.) secundum quem homines sunt vel sui juris, qui nec patriæ nec dominicæ cujusquam potestati subsunt, vel alieni, qui alterutri potestati sunt subjecti, princ. Inst. L. 1. pr. ff. hoc tit. Priores dicuntur *paterfamilias*, Hein. Pand. T. I. C. *miliæ*, Ultima divisio in homines sui & alieni juris.

miliās, posteriores vel *filiifamilias*, vel *ser-
vi familiares* vocantur. L. 4. L. I. §. 1. h. t.
L. 195. §. 2. ff. de v. s.

§. CXLIV.

Patriæ po-
testatis de-
finitio.

Patria Potestas, (de dominica enim supe-
riore titulo actum,) est dominium Quirita-
rium patris in liberos. (*Inst.* §. CXXXV.)
V. A. Corn. Van Bynkersh. *de jur. occid. lib.*
cap. I. p. 145. Sunt itaque filii filiaque fami-
lias liberi sunt cives, adeoque & ratione
aliorum hominum personæ: (§. CXXII.)
at *ἀνθρώπων* ratione patris, immo res *man-
cipi*, quæ venundari, mancipari, vindicarique
possunt. * *Caj. Inst. I. 6. 3. L. I. §. 2. ff. de
rei vind.*

* Unde facile patet, ita descriptam patriam
potestatem non esse juris gentium, sed civi-
lis: quod & Imperator agnoscit. §. 2. *Inst.*
de pat. pot.

§. CXLV.

De ejus
natura a-
xiomata.

Inde ergo axiomata: I. Liberi ratione pa-
tris, cujus in potestate erant, non videban-
tur melioris conditionis, quam servi. *Liban.*
Declam. XXVII. Seneca Controv. III. 9. & 16.
Sext. Emp. Pyrrh. Hypoth. III. 24. II. Ita-
que ratione patris non sunt personæ, sed res.
(§. CXLIV. *Merill. Obs. III. 4.* Ad civita-
tis tamen jura & causas publicas quod at-
tinet, pro personis, civibus, & patribus fa-
milias habentur. L. 9. ff. h. t. L. 14. pr. ff.
ad SC. Trebell. cap. ult. de judic. in 6.

§. CXLVI.

Jura patris
in filium
filiamve
familias.

Quum itaque ratione patris non essent me-
lioris conditionis, quam servi: (§. CXLV.
consequens est, 1) ut pater in liberos ha-
beret jus vitæ & necis. L. 11. ff. de lib. &
posthum. 2) Ut filius ter venundari posset ex
instituto Romuli: *Dionys. Hall. II. p. 97. ex*
Nu-

De his, qui sui vel al. jur. sunt. Pars I. § I

Numæ lege tum demum extra commercium
futurus, si jussu patris uxorem duxisset. Id.
II. p. 98. 3) Ut quidquid acquireret filius
filiave fam. indistincte acquirerent patri, *pr.*
Inst. per quas pers. cuiqu. adquir. 4) Ut &
filius & filia ob delicta privata a patre noxæ
dari possent. §. 7. *Inst. de nox. act. L. 3. §. 4.*
ff. de lib. hom. exhib. Collat. Leg. Mos. &
Rom. tit. 2. §. 3.

§. CXLVII.

Enimvero quia duriora hæc videbantur &
statui Monarchico minus congrua; (§. XV. ^{Jus no-}
XXVI.) hinc jure novo 1) parentibus ademp- ^{vum.}
tum jus vitæ, & necis, *L. 11. ff. de lib. &*
post. L. ult. C. de patr. pot. modica tantum
coercitione relicta, *L. 3. C. eod. L. un. Cod. de*
emend. prop. facultateque in gravioribus libe-
rorum delictis judici præscribendi senten-
tiam. *L. 3. C. de patr. pot. 2)* Ademptum iis-
dem jus vendendi liberos, præterquam, ur-
gente extrema necessitate, sanguinolentos.
L. 2. C. de patr. qui fil. distr. 3) Jus acqui-
rendi haud parum restrictum, inventis variis
peculiis, de quibus infra. 4) Ademptum de-
nique jus liberos noxæ dandi, §. 7. *Inst. de*
noxal. act. quum ipsi liberi conveniantur, &
condemnatione sequuta, actio judicati detur
contra patrem de peculio. §. ult. *Inst. eodem*
L. 5. §. 5. de o. & a. L. 3. §. 11. de pecul. Qui-
bus juribus, præterquam facultate sententiam
præscribendi, eo magis hodie utimur, quo
minus unquam patria potestas Romana Ger-
manicæ originis gentibus innotuit.

§. CXLVIII.

Quumque filiifam. ratione patris non sint
personæ, sed res; (§. CXLV. 2.) consequens ^{Unitas}
est, 1) ut pater & filius in negotiis privatis ^{personæ}
pro una persona habeantur. *L. ult. C. de im-* ^{patris &}
pub. & al. substit. Merill. *Obs. III. 4. 2)* Ut ^{filiis varia-}
effecta. ^{que ejus}

inter eos nec actio sit, nec obligatio, L. 4 ff. de judic. §. 6. Inst. de inut. stip. 3.) Ut pater possit legare super pecunia tutelave suæ rei, L. 53. ff. de r. s. Ulpian. Fragm. II. 14. adeoque & liberis pupillariter substituere, §. 4. Inst. de pup. subst. & tutorem dare testamento. §. 3. Inst. de testam. tut. L. 1. pr. ff. eodem.

§. CXLIX.

Item alia,
quæ ex eo-
dem axio-
ma effluunt

Ex eodem principio fluit, 4) filium filiamve fam. posse ex jure Quiritum vindicari, L. 1. §. 1. ff. de rei vind. actionibus præjudicialibus vel actione ad exhibendum peti, §. 13. Inst. de act. L. 1. §. 1. de lib. exhib. immo & furti, iis surreptis, agi. L. 14. §. 13. L. 38. §. 1. ff. de furt. 5) Ut non modo ipsi liberi sint in potestate patris, sed & nepotes neptefve ex filiis. (§. 3. Inst. h. t. 6) Ut filius condere testamentum nequeat, pr. Inst. quib. non est perm. fac. test. nisi de peculio castrensi & quasi castrensi (Inst. §. CCCCLXXXVIII.) L. 3. C. de cast. pecul.

§. CL.

Jura filii-
famil. in
caussis pu-
blicis.

Denique quum in causis publicis filiifamil. pro patribusfamil. habeantur, (§. CXLV. 3) sequitur, 1) ut possint tutelam aliave muneris publica suscipere: pr. Inst. qui test. tutor. dar. immo & 2) magistratus gerere, L. 9. ff. h. t. cui dignitati personæque a rep. impositæ ipsa patria potestas cedit. * L. 13. §. 5. ff. de SC. Trebell. Gell. II. 2. Vir. Ampl. Corn. Van Bykersh. Obs. I. 18. p. 75.

* Si tamen in magistratu contra remp. facere viderentur, penes patrem animadvertendi jus fuisse videtur. Pertinere saltem huc videntur, quæ de filio concionante ex rostris detractio refert Dionys. Hal. II. p. 97. quæque de Cassio habet Valer. Max. V. 8. 2.

§. CLI.

§. CLI.

Ceterum ex eodem principio, quod liberi non essent melioris conditionis, quam servi, (§. CXLV. 1) facile colligas, totidem modis redigi aliquem in patriam potestatem, quot quis redigitur in dominicam. (§. CXXXVI.) Nam & liberi aut nascuntur ex justis nuptiis, aut fiunt sive jure gentium per adoptionem, sive jure civili per legitimacionem. * pr. Inst. de patr. pot. §. 13. Inst. de nupt. pr. Inst. de adopt.

Modi acquirendi patriam potestatem.

* Non per nominationem filii in instrumento publico factam, ceu colligunt ex Nov. CXVII. cap. 2. Ex illa enim tantum præsumptio nascitur, aliquem esse filium, valitura tandiu, donec probetur contrarium.

§. CLII.

Primum itaque liberi nascuntur ex justis nuptiis (§. CLI.) receptumque principium: Pater est, quem justæ nuptiæ demonstrant. L. 5. ff. de in jus voc. vel: Qui ex viro & uxore ejus natus est, is filius est. L. 6. h. t. Ex justis autem nuptiis dicitur nasci, quæ ex conjunctione secundum leges inita, justoque tempore nascitur. * L. 12. ff. de stat. hom. §. 12. Inst. de nupt.

* Justum tempus, a nuptiis brevissimum, est septem mensium, vel 182. dierum cum parte diei sequentis: L. 12. ff. de stat. hom. L. 2. §. ult. ff. de suis & legit. hered. Longissimum contra a morte mariti decem mensium completorum, d. L. 3. §. 11. eod. L. pen. Cod. de posthum. her. inst. Add. Nov. XXXIV. cap. 2.

§. CLIII.

Quum itaque pater sit, quem justæ nuptiæ demonstrant; (§. CLII.) consequens est, 1) ut pro filio sit præsumptio, etiamsi neget pater esse filium.

Ex his

præsumptio nascitur, aliquem esse filium.

ter materve illum suum esse, idque vel ad-
 eta vel jurejurando confirmet. L. 6. ff. h. t.
 L. 29. §. ult. ff. de probat. immo etiam si ma-
 ter sit adultera. L. 11. §. 4. ff. ad L. Jul. de
 adult. 2) Ut tamen hæc præsumptio cedat
 veritari, si demonstretur ex absentia vel im-
 potentia mariti, eum patrem esse non posse.
 L. 6. ff. h. t. L. 1. §. 14. ff. de agnosc. vel al.
 lib. 3) Ut ante septimum mensem, post nu-
 ptias tamen natus, legitimatus sit, non legiti-
 mus, L. 12. ff. de stat. hom. 4) Ut ex vi-
 dua post decimum mensem natus non sit le-
 gitimus, nec heres suus, L. 3. §. pen. ff. de
 suis & legit. her.

§. CLIV.

Illegiti-
 mon m
 coaditio.

Porro inde recte inferas, 5) extra matri-
 monium natos non esse legitimos: sed, si ex
 concubina vel femina honesta prodierunt, li-
 beros naturales; §. ult. Inst. de nupt. tot. tit.
 C. de nat. lib. si ex muliere quæstuariorum, spu-
 rios vel vulgo quæstios; §. 12. Inst. de nupt.
 L. 23. ff. de stat. hom. si denique ex adultera
 vel persona proxime conjuncta; adulterinos
 vel incestuosos vocari. Nov. CXXXIX. cap. 1. *
 6) Ratione matris non esse spurios. L. 5. de
 in jus voc. §. 3. Inst. de SC. Orph. 7) Illegiti-
 mos omnes sine patre esse intelligi. §. 12.
 Inst. de nupt. 8) & hinc conditionem matris
 sequi. L. 19. L. 24. ff. de statu hom.

* Et secundum hunc ordinem liberi naturales me-
 lloris sunt conditionis, quam spurii, quia il-
 li, si soli extant, sextantem ex hereditate pa-
 tris naturalis accipiunt, cum matre dividen-
 dum: Nov. LXXXIX. cap. 13. §. 4. Spurii me-
 lloris conditionis, quam adulterini & ince-
 stuosi, quippe qui ne alimenta quidem ca-
 piunt. Nov. LXXXIX. cap. ult.

Alter modus, quo liberi in patriam potestatem rediguntur, est *legitimatio*, (§. CLI.) quæ est actus, quo liberi illegitimi finguntur ex justis nuptiis nati, & hinc instar legitimorum rediguntur in patriam potestatem. (*Inst.* §. CLXVI.) Id autem fit vel ex constitutione Constantini M. * per *subsequens matrimonium*, vel ex Theodosii Junioris, per *oblationem Curiae*, vel ex Justiniani, per *rescriptum Principis*.

II. Legit-
timatio
quid &
quomodo
plex?

* Si recte ponas calculum, hæc quoque legitimandi ratio Justiniano debetur. Constantini enim constitutio, a Zenone, Anastasio, Justiniano renovata, L. 5. L. 6. L. 7. C. de nat. lib. quamvis hodie non extet, tamen in præteritum dumtaxat valuit, indulgitque, ut, qui ad id tempus concubinas habuissent, easque uxores duxissent, liberos naturales haberent in patria potestate. Eodem modo & Zeno, Anastasius, Justinus videtur edixisse ad concubinatum per indirectum subruendum. Sed primus Justinianus hanc legitimationem valere in perpetuum jussit. Nov. LXXIV. cap. I. Vid. Desid. Herald. Quotid. rer. I. 4. 2.

§. CLVI.

Per *subsequens* itaque *matrimonium* legitimantur, quorum pater feminam, ad quam consuetudinem habuit, & ex qua ipsi nati sunt, uxorem duxit. L. 10. L. 11. C. de nat. lib. Cujus subsequenti matrimonii signum olim erant instrumenta dotalia, §. ult. *Inst.* de nupt. & d. L. 10. 11. C. de nat. lib. hodie *ἱερογύα*. (*Inst.* (§. CLXIX. cap. 6. X. qui lib. sint legit.

Per subse-
quens ma-
trimoniū.

§. CLVII.

Per *oblationem curiæ* patriam acquirebat potestatem, qui vel filium offerret curiæ, vel

Per obla-
tionem cu-
riæ.

filiam nuptum daret decurioni. *S. ult. inst. de nupt. L. 3. L. 4. L. 9. de nat. lib. Em. Merill Obs. VII. 26. p. 109. (Inst. S. CLXX. *)* Quod privilegium, quum ob insignes curialis conditionis molestias datum sit, hodie omnino cessat. (*S. XXIII. 8.*)

S. CLVIII.

Denique *per rescriptum* legitimantur, quorum parens, quum uxorem ducere non posset feminam, sacrum Principis oraculum imperavit. *Nov. LXXXIX. cap. 9.*

S. CLIX.

Quum itaque hic intercedat fictio; (*S. CLV.*) consequens est, 1) ut legitimatio pertineat ad naturales, non ad spurios, adulterinos, & incestuosos, quorum inter parentes fingi non possunt nuptiæ. *Nov. LXXXIX. 14. LXXIV. cap. 6. CXVII. cap. 2.*

S. CLX.

Quumque ea homines sui juris in alienam potestatem redigantur; (*S. CLV.*) consequens est, 2) ut accedere oporteat liberorum consensum, ne in conditionem deteriore inveniatur. *L. 11. ff. de his qui sui vel al. jur. sunt.* 3) Ut legitimati succedant patri. Quod in legitimatis per subsequens matrimonium dubio caret. *S. 2. Inst. de her. ab intest. L. 10. c. de nat. lib.* Nec ambigitur, idem dicendum esse de legitimatis per rescriptum, si soli sint. *Nov. LXXXIX. cap. 9.* Extantibus jam legitimis non succedunt, nisi & pater id velit, & princeps diserte jusserit. Quo casu tamen legitimis præcipuam esse portionem oportere legitimam, non pauci æquum censent. (*Inst. S. CLXXII.*)

S. CLXI.

Postremo & *Adoptione* justii liberi fiunt, de quo postremo patriam potestatem acquirendi

III. Adop-
ptio.

De Adoptione & Emancipatione. Pars I. 57
rendi modo, necnon de modis, quibus hæc
potestas solvitur, agitur titulo insequente,

T I T. VII.

De Adoptionibus & Emancipationibus, & aliis
modis, quibus Potestas solvitur.

§. CLXII.

Adoptio latius accepta est actio solemnis, Adoptio
quid?
qua in locum filii vel nepotis adsciscitur
is, qui natura talis non est. (*Instit. §.
CXXV.*) Succurrit itaque lex sterilitati na-
turæ, fingitque, adoptivum æque jure filium
nepotemve esse, ac si ex adoptante ejusve fi-
lio, eorumque matribus familias esset na-
tus, Gell. *N. 19. L. 44. ff. hoc tit.*

§. CLXIII.

Ex quo sane manifestum est, I. adoptio- De ejus
natura a-
xiomati.
nem imitari naturam. §. 4. *Instit. h. t.* II. Ean-
dem *πρὸς ἀγαθὴν παρρησίαν* in solatium co-
rum, qui liberos non habent, esse inventam
Theoph. princ. Instit. hoc tit.

§. CLXIV.

Quod si itaque adoptio imitatur naturam, Qui ado-
ptare pos-
sint, vel
non pos-
sint?
(§. CLXIII. 1.) sequitur sane, 1) ut in his
tantum personis habeat locum, in quibus &
natura potest habere. *L. 16. ff. hoc t. 2)* Ut
adoptare possint spadones. §. 9. *Instit. L. 2. §. 1.*
L. 40. §. 2. ff. h. t. non autem castrati, §. 9.
Instit. eod. nec 3) impuberes, §. 4. *Instit. eodem*
nec 4) natu minor majorem, *L. 15. §. 3. eod.*
adeoque 5) pater filium plena saltem puber-
tate; (§. CXXIX.) avus nepotem XXXVI.
annis præcedere debeat. §. 4. *Institut. L. 40.*
§. 1. *ff. hoc tit.*

§. CLXV.

Quumque adoptio sit modus acquirendi pa- An & fe-
mina?
triam

triam potestatem; (§. CLXI.) consequens est, 1) ut nec femina adoptare possit, in quam non cadit jus patriæ potestatis. In solatium tamen liberorum amissorum & his adoptio concessa indulgentia Principum. §. 10. *Inst. L. 5. C. h. t.*

§. CLXVI.

An & ii
qui liberos
jam ha-
bent, vel
sperant?

Quia denique adoptio in solatium eorum, qui liberos non habent, inventa est; (§. CLXIII. 2) consequens est, 1) ut non promiscue & inexplorate adoptare possint sexagenariis minores, quippe quos decet liberis procreandis studere. L. 15. §. 2. ff. h. t. Nec 2) quibus jam sunt liberi. §. L. 17. §. 3. *hoc tit.* adeo, ut 3) nec in locum nepotis qui adoptare possit, nisi consentiente filio. L. 5. L. 6. ff. h. t. nec 4) plures simul, sine iusta ac idonea causa. L. 15. §. 3. *eod.*

* Atqui existant exempla adoptionum contra has regulas factarum. Vid. V. C. B. H. Reinoldi *Var. cap. XLII. p. 307.* Sed id extra ordinem probataque causa concessum. L. 15. §. 2. ff. h. t. Qui juvenes vel parentes sine necessitate liberos adoptabant, non immunes erant a reprehensione, etiam si Principes essent. V. C. Jac. Perizon. *Animadv. Hist. c. III. p. 125.*

§. CLXVII.

Adoptio
quorum-
plex?

Generalis autem hæc adoptio duobus modis fit. Si enim homo sui juris in patriam alterius potestatem redigitur, *arrogatio*; si filius familias in filii vel nepotis locum adsciscitur, *adoptio* dicitur L. 1. §. 1. ff. & §. 1. *Instit. hoc tit.*

§. CLXVIII.

Axiomata
de arrogatione & adoptione.

Ex quo pater, I. arrogationem esse capitis deminutionem. §. 3. *Instit. de cap. min.* II. Adoptionem contra vere esse alienationem, patre dominium Quiritarium, quod in liberos

De Adoption. & Emancipation. Pars I. 59
ros habet, (§. CXLIV.) per venditionem
sibi vetere jure concessam, (§. CXLVI.)
in alium transferente.

§. CLXIX.

Ex priore axiomate sequebantur, 1) ut ar- Quomodo
fiat arro-
gatio?
rogationem fieri oporteret in comitiis cala-
tis, adhibita auctoritate Pontificum. * Cic.
pro dom. cap. XXX. Gell. N. 19. 2) Ut, po-
testate populi per legem regiam in principem
translata, (§. LI.) hisque simul Pontificis
Max. munere functis, sufficere cœperit au-
ctoritas vel rescriptum summæ potestatis,
idque hodiernum sufficiat. L. 2. *pr. ff. §. 1.*
Inst. h. t. 3) Ut arrogatum ipsum auctorem
fieri, vel si minorennis sit, curatoris quoque
consensum accedere oporteat. L. 8. *ff. hoc tit.*
L. ult. L. de auct. præst. L. 11. *ff. de his qui*
sui vel al. jur. Cicer. ibid. cap. XXVIII.
Gell. *ibid.*

* Populi opus erat suffragio, quod sine illo nec
e tabulis censualibus deleri, nec heres fieri
quisquam posset. Pontificum erat cognoscere,
an fas esset, arrogatum in aliena transire, an
forte sacra gentis propriæ ea arrogatione in-
tererant? *κ. τ. λ. Vid. Antiqu. nostr. Rom. hæ-*
tit. §. VI. seq. p. 152.

§. CLXX.

Ex quo porro inferas, 4) arrogari posse Qui arro-
gari pos-
sunt?
omnes, qui sunt sui juris, etiam proprios
emancipatos. L. 12. L. 41. *ff. hoc tit.* nec non
5) extra matrimonium quæsitos, L. ultim.
ff. hoc tit. 6) minores cum consensu curato-
rum. (§. CLXIX. 3) non autem 7) olim
impuberes, qui auctores fieri nequeunt.
Gell. *ibid.*

§. CLXXI.

Ast & hos arrogari passus est Antoninus Quomodo
arrogatur
im. uberes?
Pius, si 1) tutorum auctoritas, 2) consen-
sus

fusque propinquorum accederet. Si 3) præmitteretur causæ cognitio, 4) arrogatorque satisfaceret, α) pupillo intra pubertatem mortuo, bona ejus perventura ad eos, ad quos ea res pertineat: β) si arrogatum impubere fine iusta causa emancipaturus exheredaturusque sit, ei se redditurum bona, simulque quartam suorum bonorum. * §. 3. *Inst.* L. 17. L. 18. *seq.* L. 22. §. 1. L. 2. C. h. t. L. 18. §. 15. ff. de inoffic. test.

* Sed qualis hæc quarta? Omniumne bonorum, an legitimæ portionis? Sententiam diximus alibi. (*Inst.* §. CLXXXI.)

§. CLXXII.

Arrogationis effectus.

Denique ex eodem axiomate priore sequitur, 1) ut cum arrogato etiam liberi, si quos in potestate habet, in patriam arrogatoris potestatem transeant. (§. CXLIX. 5) L. 2. §. ult. L. 15. pr. ff. §. 11. *Inst.* h. t. 2) Ut omnia jura, quorum civilis est ratio, veluti agnationis, dignitatis, imaginum, arrogatus acquirat, non quæ a natura sunt, e. g. cognitionis. L. 13. L. 44. L. 23. pr. ff. h. t. L. 3. §. 6. 10. ff. de Senat. Perizon. *Diss.* Sel. 2. p. 83.

§. CLXXIII.

Quomodo facta adoptio?

Quumque adoptio esset alienatio, eaque dominium Quiritarium in alium transferretur; (§. CLXVIII. 2) facile patet, 1) cur eam fieri oportuerit per emancipationem, seu per æs & libram, sequuta cessione in jure. L. ult. C. h. t. Gell. V. 10. Ulp. *Fragm.* VIII. 1. 2) Cur sit legis actio, (§. XXXIV.) L. 4. ff. L. 1. C. h. t. L. 3. ff. de off. proc. adeoque 3) nec ad tempus, nec per tabulas, nec opera procuratoris fieri possit. L. 34. ff. L. 4. C. h. t. 3) Cur abolitio emancipationis ritu sufficere postea cœperit imperium magistratus: L. ult. C. hoc tit. & 4.) Cur adoptio non jure facta possit

De Adoption. & Emancipation. Pars I. 61
possit a Principe confirmari . L. 38. seq. ff.
hoc tit.

§. CLXXIV.

Ex eodem axioma sequitur, 5) ut adoptari possint filii filiaeve familias, non liberi illegitimi, in nullius potestate constituti, *L. 7. C. de nat. lib. 6*) Ut in hac adoptione sufficiat patris naturalis voluntas, nec adoptivi requiratur consensus. *L. 5. ff. h. t. & 7*) ob hanc causam & infantes possint in adoptionem dari.

Qui adoptari possint?

§. CLXXV.

Quamvis vero adoptionis eadem olim ac arrogationis essent effecta, eaque liberi semper in adoptantis potestatem redigerentur; *L. 23. pr. ff. h. t.* Justinianus tamen eos tantum, qui ab adscendentibus fuerint adoptati, in illorum potestatem transire, ab extraneis autem adoptatos in patris naturalis potestate manere voluit, tributo tamen iis jure, adoptanti ab intestato succedendi. * §. 2. *Inst. L. pen. C. hoc tit.*

Effecta adoptionis plena & minus plena.

* Unde prior species adoptionis a doctoribus *Plena vel Perfecta*; posterior *Minus Plena vel Imperfecta* solet appellari.

§. CLXXVI.

Haecenus de modis acquirendi patriam potestatem: proximum est, ut, quibus modis ea solvatur, dispiciamus. Quum autem patria potestas esset dominium Quiritarium; (§. CXLIV.) consequens erat, 1) ut quibuscunque modis dominium Quiritarium definebat, iisdem & jus patriae potestatis solveretur, (*Inst. §. CXC.*) adeoque 2) exhereditatio non solvat patriam potestatem. §. 4. *Inst. de pup. subst.*

Axiomata de solvenda patria potestate.

§. CLXXVII.

Quum itaque mors omnia solvat; sequitur, Ea solvitur,

tur 1) Mor-
te & 2))
Capitis de-
minutione
maxima &
med.

tur, ut 1) *Morte patris liberi primi gradus*
sui juris fiant, ulteriorum graduum non al-
ter, quam si nemo sit, cujus in potestatem
recidant, *pr. Inst. quib. mod. jus patr. pot. solv.*
II.) Ut potestas etiam *Capitis Deminutione*
maxima & media, vel morte civili, solva-
tur. §. 1. *Inst. eod.* quamvis reversi ex capti-
vitate jure postliminii; restituti Principis in-
dulgentia jura pristina recuperent. §. 1. §.
Inst. eod. L. 1. C. de sent. pass.

§. CLXXVIII.

3) Eman-
cipatione
triplici.

Quumque & alienatione expiret dominium;
facile patet, III) cur *Emanicipatione* liberi
exeant ex patria potestate. Quæ in *Vete-*
rem, Anastasiam & Justinianeam dividitur.
Vetus fiebat per trinas venundationes & ma-
numissiones imaginarias, quoties liberi ma-
sculi primi gradus; §. CXLVI. 2) vel una
venditione & manumissione, quoties filia vel
nepotes ex patria potestate dimittebantur.
Cai. Inst. I. 8. 3. Antiq. nostr. Rom. I. 12. 6.
Anastasiana fit per rescriptum principis: *L.*
pen. C. de emanc. lib. Justinianea denique au-
ctoritate cujusvis magistratus. *L. 36. ff. h. t.*
L. ult. C. de emanc.

§. CLXXIX.

Ejus esse-
ntia.

Quum itaque vetus emancipatio fieret tri-
na venditione imaginaria; (§. CLXXVIII.)
consequens est, 1) ut ea esset species capitis
deminutionis. *L. 3. §. 1. ff. de cap. min. 2)* Ut
ideo filii consensus merito requiratur. *L. 5.*
C. de emanc. lib. Nov. LXXXIX. cap. 11. 3.) Ut,
qui filium tertium mancipatum manumitte-
bat, (quod ipse pater naturalis, interposito
fiduciæ, sibi reservare solebat, (§. ult. *Inst.*
de legit. cogn. succ.) is jura patronatus in
emancipato retineret. §. unic. *Inst. de legit.*
patr. tut. L. 3. §. ult. ff. de legit. tut.

§. CLXXX.

§. CLXXX.

Quamvis porro IV) dignitate nec domi-
nium nec patria potestas olim solveretur ; ^{4) Digni-}
* Dionys. Hal. *Lib. II. p. 96.* jure tamen no-
vo primum Patriciatus, §. 4. *Inst. quib. mod.*
patr. pot. L. ult. Cod. de Coss. deinde & alia
dignitates majores, veluti Consularatus, Con-
sularitas, Præfectura prætorii & urbis, Ma-
gisterium militum, Patronatus fisci, *L. ult.*
C. de decur. Nov. LXXXI. pr. & cap. I. §. 1.
immo & Episcopatus *Nov. LXXXI. cap. 3. a*
patria potestate liberabant.

* Virgines enim Vestales, & Flamines Diales
sui quidem juris fiebant : non tamen ob di-
gnitatem sacerdotii (sic enim multo magis
Pontificatus Maximus patriam potestatem de-
buisse solvere,) sed quia a Pontifice capie-
bantur. §. CLXXVII. 2.

§. CLXXXI.

Denique quemadmodum nemo cogitur invi-
tus rerum suarum dominio se abdicare ; ita ^{An pater}
& pater nullo pene modo ad emancipandum ^{ad eman-}
cogitur. §. *ult. Inst. quib. mod. patr. pot. solv.* ^{cipandum}
Sunt tamen quidam casus, quibus pater in- ^{cogi pos-}
vitus cogitur ad emancipandum. De iis nos ^{sit ?}
alibi ex instituto. (*Inst. §. CXCVIII.*)

§. CLXXXII.

Hodie communibus Europæ moribus paullo ^{Separatio}
rariorem esse emancipationem etiam Justinia- ^{liberorum}
neam, & tacite fere liberos exire patria po- ^{hodierna}
testate, simul ac separatam instituunt œco-
nomiam ; denique eam separationem sine ja-
ctura jurium familiæ fieri, jam alibi monui-
mus, (*Inst. §. CXCIX.*) ubi & de separatio-
ne ex jure Lubecensi actum. Addatur cele-
berrimi Just. Henn. Bohmeri *Diss. de statu*
lib. sui jur. fact. per separationem vel nuptias.
Hal. 1721.

T I T. VIII.

De Divisione rerum & qualitate.

§. CLXXXIII.

Quid res
& pecu-
nia?

Alterum juris objectum sunt Res. (§. CXXI.) Res autem vocantur, quæcunque ejus sunt naturæ, ut in bonis esse possint; quemadmodum quæ vere & actu sunt in patrimonio, Pecuniæ nomine veniunt. (Institur. §. CCCXI.) seq. L. 5. pr. ff. de v. s.

§. CLXXXIV.

Res divini
juris, sa-
cræ, reli-
giosæ, san-
ctæ.

Res sunt vel *Divini*, quæ in nullius; vel *Humani Juris*, quæ in alicujus bonis sunt. L. 1. pr. ff. hoc tit. Prioris generis sunt res *Sacræ* publice dedicatæ consecratæque Deo. L. 6. §. 3. ff. §. 8. Inst. h. tit. *Religiosæ*, quas unusquisque sua voluntate facit, dum mortuum infert in locum suum. L. 6. §. 4. h. t. & quodammodo *Sanctæ*, quo nomine veniunt vel diis mediocribus solemniter ritu dedicatæ, vel sanctione pœnali adversus hominum injurias munitæ. L. 8. pr. L. 9. §. 3. ff. §. 10. Inst. hoc tit.

§. CLXXXV.

Jura rerum
sacrarum.

Inde ergo facile patet, 1) res sacras ex his principiis esse nullius, extra commercium positas, adeoque nec æstimationem recipere, L. 9. §. ult. h. t. nec alienari posse. §. 8. Inst. eod. nisi captivorum redimendorum, pauperum alendorum & æris alieni ecclesiarum solvendi causa, d. §. 8. L. 21. C. de Sacr. Eccl. Nov. CXX. cap. 10. 2) Semel consecratas religionem in perpetuum occupari, etiam diruto ædificio, L. 6. §. 3. ff. §. 8. Inst. h. t. L. 73. ff. de contr. empt. nisi vel ab hoste capiantur. L. 36.

L. 36. ff. de relig. vel locus evocatis sacris religione liberetur. L. 9. §. 2. ff. h. t.

§. CLXXXVI.

Nec minus inde colligere licebit, 3) pri- Quenam
sacra hant
& sint?
vata auctoritate & sine jussu Principis sacra
constitui non potuisse. L. 9. §. 1. L. 6. §. 3.
ff. h. t. 4) Sacrum non esse sacrarium, ubi
sacra reponuntur. L. 9. §. 2. ff. h. t. 3) Tem-
pla apud nos ob usum tantum sacra esse,
alioquin res sanctas potius & universitatis.
4) Multo minus sacras esse res ecclesiasti-
cas, ἐμπύσως cultui divino inservientes. Un-
de & facilius alienantur, si interesse videtur
ecclesiæ. L. 14. L. 17. §. 1. de Sacr. Eccl.
CXX. cap. 7.

§. CLXXXVII.

Ex religiosarum definitione (CLXXXIV.) Jurarum
religiosa-
rum.
consequitur, 1) ut cenotaphium non sit re-
ligiosum. L. 42. ff. de religios. quamvis in alia
omnia iret Martianus. L. 6. §. ult. L. 5. ff.
hoc tit. Binkersh. Obs. I. 5. 2) Ut sepulcra
non sint in commercio, L. 12. §. 1. ff. de re-
ligios. L. 14. C. de legat. quamvis ipsum jus
inferendi in bonis esse, & in alium transfer-
ri possit. L. 14. C. de legat. 3) Ut, si plu-
ribus locis condantur reliquiæ, is dumtaxat
religiosus fiat, ubi caput conditum. L. 44.
ff. de religios. Merill. Obs. II. 40. 4) Ut se-
pulcrum semel factum religio perpetuo occu-
pet, nec reliquiæ sine auctoritate Pontificum
tolli transferrique; attamen monumentum re-
fici possit, modo ossa tangantur. L. 44. §. 1.
ff. de relig. Plin. Epist. X. 73. Grut. Inscript.
DLXXXVIII. 1. * 5) Ut, cessante hodie Deo-
rum Manium religione, nec sepulcra religio-
sa dici, nec jura illa applicari possint sepul-
cris & cœmeteriis nostris.

* Et inde, cur sepulcrum in vetustis marmori-
bus

bus toties dicatur *Domus Aeterna*, rationem percommode reddit Rad. Forner. *Rev. Quotid.* III. 6.

§. CLXXXVIII.

Jura rerum
sanctarum.

Denique ex rerum sanctarum definitione (§. CLXXXIV.) inferunt JCti, 1) muros utroque sensu ; portas posteriores saltem sanctas esse §. 10. *Inst. h. t. L. 3. §. 17. ff. de re milit.* Plutarch. *Quaest. Rom. cap. LXXXVII. 2*) Qui muros portasve violat, eum capitis esse damnandum. §. 10. *Inst. L. ult. ff. h. t. 3*) Hoc jus & ad municipia & castra esse porrigendum. L. 8. §. 2. *ff. h. t. 3*) Neminem vel muros reficere, vel iis aliquid inaedificare, vel immittere posse, sine consensu Principis vel Praesidis. L. 8. §. 2. L. 9. §. 4. *ff. h. t.*

§. CLXXXIX.

Res huma-
ni juris
quotupli-
ces?

Haecenus de rebus *Divini Juris*. Quae *Humani Juris* sunt ex principiis Stoicis in *Communes, Publicas, Universitatis & Singulorum* dividuntur. L. 1. *pr. L. 2. pr. ff. princ. Inst. h. t. Noodt. Probabil. I. 8.*

§. CXC.

Communes, publi-
cae, univer-
sitatis, sin-
gulorum.

Communes sunt, quae, quoad proprietatem, sunt totius generis humani, quoad usum, singulorum hominum. L. 2. §. 1. L. 4. *pr. L. 5. §. 1. L. 6. pr. L. pen. ff. h. t. Publicae*, quae in proprietate sunt populi, quoad usum singulorum e populo. L. 4. §. 1. L. 5. *pr. ff. §. 2. Inst. h. t. Universitatis*, quae in proprietate sunt universitatis, ita tamen, ut usus singulis pateat. L. 6. §. 1. *ff. §. 6. Inst. h. t. Singulorum* denique, quae & in proprietate & usu sunt singulorum. L. 1. *pr. ff. §. 11. Inst. hoc tit.*

§. CXCI.

Jura re-
rum com-

Ex quibus definitionibus sequitur, 1) ut res omnes innoxii & inexhausti usus sint communes,

munes, e. g. mare, aqua profluens, littora. L. 2. §. 1. L. 4. seq. h. t. 2) Ut tamen & hæc munium, publicarū, universitat. sint domini capaces, quatenus possunt occupari & possideri, L. 2. §. 8. ff. ne quid in loc. publ. L. 14. ff. de injur. 3) Ut, quum publicarum rerum proprietas sit penes populum, ille quoque eas Principi vel privatis concedere possit, sive hi investituram pro se allegent, sive præscriptionem. L. 7. ff. de divers. & temp. præscr. L. 45. pr. ff. de usurp. & usuc. 4) Ut a rebus universitatis differant Universitatum Patrimonia, quorum usus non patet singulis.

§. CXCH.

Nec minus inde patet, 5) hereditatem jacentem vere quidem esse nullius, posse tamen hereditas jacens an res privata? pro re privata vel singulorum haberi, quatenus jura singunt, eam in plerisque * sustinere personam defuncti, pr. Inst. de stip. serv. L. 61. pr. ff. de acquir. rer. dom. aliquando & heredis futuri. L. 24. ff. de novat. Vinn. ad §. 2. Inst. de hered. Inst.

* Dico in plerisque. Aliud enim in usufructus acquisitione obtinet. L. 26. ff. de stip. serv. itemque in expilatione hereditatis. L. 1. §. 1. ff. si is, qui test. lib. L. 68. ff. de furt. De aliis casibus suo loco. Vid. Vinn. ad pr. Inst. de stip. serv.

§. CXCHII.

Porro res dividuntur in Corporales quæ tangi possunt, & Incorporales, quæ tangi non possunt, quales sunt, quæ in jure consistunt, veluti hereditas, usufructus, obligatio. L. 1. §. 1. ff. h. t. §. un. Inst. de reb. corp. & incorp. Stoica hæc esse, jam alibi observavimus. (Inst. §. CCCLXXXVI.)

§. CXCHIV.

Corporales aliæ sunt Mobiles, quæ vel se ipsas Mobiles & immobiles.

ipsas movent virtute interna, ut animalia ;
 * L. 93. ff. de v. s. vel salvæ e loco in locum
 moventur, ut pecunia, supellex, navis :
 L. 79. §. 1. ff. de legat. 3. L. 2. ff. de supell.
 leg. L. ult. ff. de req. reis, vel eo consilio po-
 sitæ sunt, ut mox tollantur, ut ædificia &
 opera temporaria: L. 18. ff. de act. empr. L. 60.
 ff. de a. r. d. Aliæ Immobiles, quæ vel salvæ
 moveri nequeunt, ut fundus, ædes, ager.
 L. 1. ff. de condict. trit. vel usus perpetui causæ
 junguntur immobilibus, aut horum usui
 destinantur, ut *fixa vineta*. L. 13. §. ult. L. 14.
 15. L. 17. §. 5. 6. 7. ff. de act. empr. L. 242.
 §. ult. ff. de v. s.

* Aliquando tamen *se moventia a mobilibus* se-
 junguntur, si pateat, testatorem illa sola in
 mente habuisse. Est hæc elegans illa quæstio
 inter Tiberonem & Servium agitata, de qua
 L. 7. ff. de supell. leg. Add. Jo: Goedd. *Commenti*
ad L. 93. ff. de v. s. p. 732.

§. CXCIV.

Incorpora- Quum itaque ad res tantum corporales hæc
 les, nec divisio pertineat; (§. CXCIV.) consequens
 mobiles, nec immo- sane est, 1) ut res incorporales vel jura neu-
 biles. trius sint generis, nec sub rebus mobilibus
 & immobilibus comprehendantur. L. 7. §. 4.
 ff. de pecul. L. 15. §. 2. ff. de re jud. L. ult.
 §. 7. de rei ux. act.

§. CXCVI.

Jus in re Jus circa res nobis competens aliud est *In*
 & ad rem. *Re*, quod est facultas hominis in rem com-
 petens sine respectu ad certam personam :
 (*Inst.* §. CCCXXXII.) cujus species sunt
Dominium Hereditas, Servitus, Pignus: non
 autem possessio. * Aliud jus *Ad rem*, id est
 facultas competens personæ in personam, ut
 hæc aliquid dare vel facere teneatur. Quo
 pertinent omnes *Obligationes*.

* Poss-

* Possessio enim nec jus perpetuum tribuit, nec producit actionem in rem. Omnia enim interdicta sunt in personam concepta. Quod itaque Doctores possessionem jus in re producere contendunt, id ex confusione juris civilis & canonici est. Hoc enim jure demum actio spoli prodata est adversus quemcunque possessorem, cap. 18. X. de rest. spoliat.

T I T. IX.

De Senatoribus.

§. CXC VII.

Reliquum est tertium juris objectum, puta *Actiones*. (CXXI.) Quum vero actiones instituendæ sint coram iis, penes quos est juris dicendi potestas, sub finem hujus libri longus instituitur tractatus partim de Senatoribus, qui tum causas maximi momenti cognoscere solebant: Tac. *Ann. II.* 28. partim de Magistratibus quales potissimum ad Alexandri Severi tempora fuerunt.

§. CXC VIII.

Senatus Rom. erat consilium publicum, cui Senatorum origo & numerus. jus erat sententiam dicere de Republica. Primus Romulus centum in consilium adhibuit, quos ex auctoritate *Patres*; ob ætatem *Senatum* appellavit. Flor. I. 1. Liv. I. 8. Hunc numerum deinde duplicavit, Sabinis in civitatem receptis. Dionys. Hal. II. p. III. Tarquinius Priscus rursus centum adjecit: Liv. I. 35. A Gracchorum temporibus DC. Senatores memorantur, trecentis ex ordine equestri superiori numero adjectis, Plutarch. *Gracch.* p. 857. qui numerus, quum ob frequentes seditiones esset diminutus, denuo ex equestri ordi-

ordine suppletus est per legem Livii Drusi. Appian. *de bell. civ.* I. 630. Sub Jul. Cæsare adjectis peregrinis ultra DCCCC. Senatores erant: Dio Cass. *Lib. XLIII.* p. 237. quumque plures adjecisset Antonius, quos contemptus causa *Ornicos* appellabant, Augustus Senatum intra veterem numerum DC. personarum revocavit. Svet. *Aug. c. XXXV.* Dio Cass. *LII.* p. 494. *LIV.* p. 530. Successores ejus numerum Senatorum sub arbitrio auxisse videntur.

§. CXCIX.

Qui in
eum ordi-
nem adle-
cti?

Legebantur initio ex solis patribus: postea etiam ex plebejis, maxime ex viris Consularibus, Censoriis, Prætoriiis, Ædilitiis, Quæstoriis, immo & Tribuniciiis: demum etiam ex peregrinis, Svet. *Cæs. cap. LXXX. Vesp. cap. IX.* Jus legendi initio penes Reges, deinde penes Coss. postea penes Censores, (§. LXIV.) denique penes Principes erat. Toti Senatui præerat *Princeps Senatus*, quo nomine postea Augustus cuncta sub imperium accepit, Tacit. *Ann. I. 1.*

§. CC.

Senatus
munia.

Quæ libera rep. fuerint munia Senatus, accurate docuit Polyb. *Hist. VI. 12.* Comitiiis a Tiberio e campo in curiam translatis. (§. XLVIII.) Senatus jus faciebat, (§. XLIX.) L. 9. ff. *de Legib.* honores decernebat, de bello & pace statuebat, & causas publicas & privatas majoris momenti cognoscebat. L. 1. §. 10. ff. *de postul.* L. 1. §. 2. ff. *a quib. appell.* L. 14. fin. ff. *ad L. Corn. de fals.*

§. CCI.

Senatorum
privilegia.

Magna itaque Senatorum dignitas, multa privilegia. Nam 1) erant viri clarissimi: L. 8. h. r. quæ dignitas 2) etiam ad eorum filios, filias innuptas, nepotesque ex filiis, tum naturales, tum adoptivos, modo hi in potestate ma-

re manerent, immo & ad postumos in Senatoria dignitate conceptos transibat . * L. 1. §. 1. L. 5. L. 6. L. 7. L. 8. L. 10. ff. h. t. Deinde 3) duplex habebant domicilium , ita ut utroque loco commoda capere possent : L. pen. C. de incol. (quibus non opponendæ L. 22. §. 5. & L. 23. ff. ad munic. ubi de oneribus agitur .) 4) Gaudebant privilegio fori . L. 1. L. 2. C. ubi Senat. 5) Immunes erant a muneribus sordidis , etiam patrimonialibus : L. 4. L. 5. L. 14. C. de dign. nec 6) diris quæstionibus aut suppliciis plebejorum subiciebantur . L. 11. C. de quæstion. L. 16. C. de dignit.

* Id privilegium ab Augusto videtur arcescendum , qui Senatorum filiis latum clavum & jus intrandi curiam dedit . Svet. Aug. capit. XXXVIII.

§. CCII.

Sed evuluit demum ea dignitas , ex quo Principes omnia suo arbitrio agere cœperant . Unde non tam Scta amplius e curia prodibant , quam acclamationes & laudationes Principum immodicæ : quarum exempla passim obvia apud Plinium , Tacitum & Historiæ Augustæ scriptores .

T I T. X.

De Officio Consulis.

§. CCIII.

Sequuntur jam Magistratus . Inter urbanos autem eminebant *Consules* , quorum de origine & potestate sub libera Rep. jam supra actum : (§. LXI.) Sub imperatoribus manebat Consulare nomen , manebant insignia , nec levis honor videbatur Consulatus , quem ipsi

Consulatum
conditio
sub Imperatoribus .

ipſi Principes maxime in Quinquenna libus Decennalibus, Vicennalibus ſuſcipere non dubitabant. Vid. Ant. Pagi. *Differt. Hypat.* Alſi raro tum annuum erat Conſulare Imperium; ſape ſemeſtre, trimeſtre, bimeſtre, menſtruum. Unde tot Conſules ſuffecti etiam in Pandectis, quos fruſtra in ſactis quæſiveris. Ant. Auguſt. de Nom. propr. Pandect. cap. II. p. 257.

§. CCIV.

Eorum ju-
riſdictio.

Multum quoque Conſulum poteſtati decelſit, Principibus omnia ad ſe trahentibus. Erant tamen, qui Conſulibus tantum ju- riſdictionem voluntariam ſalvã fuiſſe exiſtimant ob L. un. ff. h. t. Sane & contentioſa gaudebant, iudices dabant & arbitros, L. 1. §. 3. ff. de appell. L. 50. ff. de cond. & demonſtr. decreta interponebant, L. 3. ff. de alim. & cibariis leg. ſententias ferebant, L. 29. pr. ff. de legat. 2. immo & in facinoroſos animadvertabant, quamvis relegare non poſſent. L. 14. §. 2. ff. de interd. & releg. Cujac. *Paræmiſi.* CI. Noodt. & CI. Schulting. h. t.

§. CCV.

Quando
Coſſ. ſuc-
ceſſio de-
ſierit?

Vulgo Conſulum ſucceſſionem Romæ anno U. C. CCCCX. Conſtantinopoli anno DXCI. in Baſilio defeciſſe perhibent. Sed capta a Gothiſ urbe, Conſularem tamen dignitatem manſiſſe, patet ex Caſſiod. *Var. IX. 22.* Conſtantinopoli etiam anno DCXLVI. Mauricius Aug. Conſulatum geſſit. Reineſ. *Inſcript. p. DCCCCLX.* Unde Leo Sapiens eum primus videtur Conſtantinopoli ſuſtulſiſſe. Nov. Leon. XCIV.

T I T. XI.

De Officio Praefecti Praetorio.

§. CCVI.

Praefectura Praetorii sub Augusto audiri ^{Praefectura} coepit, (§. LXXVIII.) qui praetoriano ^{et Praetorii origo.} militi Mecanatis consilio duos viros * equestris ordinis praefecit, quos *Praefectos Praetorio* vocavit. Dio *LII. p. 480. LV. p. 555.* Postea, quum Tiberius cohortes in castra ad portam Viminalem contraxisset; coepit hic Magistratus inter potentissimos censer. Suet. Tib. *cap. XXXVII.* Tacit. *Annal. IV. 2.* Herodian. *V. 1.* Unde ἡ ἀρχὴ δευτέρᾳ μετὰ τὰ πρῶτα, *Magistratus ab Imperatore secundus*, dicitur Zosimo *II. 32.* πρῶτος ἡ πρὸς τὴν ἐξουσίαν καὶ δευτέρως βασιλικὴ ἀποδίδεται, *potestas, quae non multum a principatu abest*, Herodiano *Hist. V. 1.*

* Hic numerus postea servatus a Tiberio, Tacit. *Ann. I. 24.* sub Commodio, Herodian. *I. 9.* sub Severo, Idem *I. 13.* sub Caracalla, Idem *IV. 12.* Aliquando tamen unus; aliquando tres memorantur. Indicem eorum texit Petr. Fab. *Semestr. I. 10.*

§. CCVII.

Quamvis enim initio militaris esset hic ^{Officium} Magistratus, similisque magisterio equitum ^{Praefecti Praetorio.} (§. LXV.) videretur Pompejo, *L. 2. §. 10. ff. de orig. jur. L. un. pr. ff. hoc tit.* sensum tamen in tantum crevit eorum auctoritas, ut & juri dicundo praessent. Hinc tot Praefectos Praetorio inter JCtos reperimus. Vid. Herodian. *IV. 12.* e. g. Macrinum, Papinianum, Ulpianum, Add. *V. C. Eu. Otton. Papinian. p. 116.*

Hein. Pand. T. I.

D §. CCVIII.

Ejus pote-
stas & ju-
risdictio

Curam itaque gerebant disciplinae publi-
cae, & vice facta judicabant. Unde & edi-
cta proponebant, *L. 2. C. de offic. P. P. Or.
& Illyr.* quaestiones habebant. Herodian. I.
8. & sententias ferebant tanta cum auctori-
tate, ut ab iis appellari non posset, sed sup-
plicatio tantum intra biennium admitteretur,
L. un. §. 1. ff. b. r. multoque minus restituc-
tio adversus illas impetraretur, nisi ab ipso
Praefecto Praetorio. *L. un. fin. hoc tit.* Erant
itaque praecipui Principum administri, He-
rodian. V. 1. Zosim. II. 32. quin parentes
Principum & tutores reipublicae. *Grat. Inscr.
p. ccccxxxix. 4.* At Constantinus, exau-
ctorato milite praetoriano, castrisque dirutis,
ipsum orbem Romanum in quatuor Praefectur-
as divisit, Orientis, Illyrici, Italiae & Gal-
liae, Praefectorumque censurae Provinciarum
Praesides subjecit: *tit. C. de off. Praef. Or. &
Illyr. Afr. Zosim. II. 33. Jac. Gothof. Notit.
Dign. C. Theod. subjunct. Notit. utriusque imp.
cum Comment. Panciroli.*

T I T. XII.

De Officio Praefecti Urbis.

§. CCIX.

Praefecti
urbis offi-
cium.

DE hujus Praefecturae origine jam supra
diximus. (§. LX. LXVI. LXXVIII.)
Ordinarius Magistratus esse coepit per Augu-
stum: Tacit. *Ann. VI. 11. Suet. Aug. capit.
XXXVII.* hujusque Praefecti initio erat, coer-
cere servitia, & quod audacia civium turbi-
dum, nisi vim metueret. Tacit. *Ann. VI. 11.
L. 1. §. 8. 10. ff. hoc tit.* Postea merum impe-
rium exercuit intra urbem & centesimum ab
urbe

De Officio Præfetti Urbis. Pars I. 75
 urbe lapidem. L. 1. pr. §. 4. *hoc tit.* Florianus
 Imp. appellationes omnium potestatum di-
 gnitatumque adjecit. Vopisc. *Florian. Capit.*
VI. L. 17. C. de appellat. L. 13. C. Theod. eo-
dem. Ab ipso tamen Præfecto urbi ad Imp.
 provocabatur, L. 38. pr. ff. de min. L. 23. C.
Theod. de appell.

§. CCX.

Animadvertibat itaque in facinorosos, L. *Ejusdem*
 17. pr. §. 3. §. 4. & 10. *hoc tit.* iique etiam *jurisdi-*
 ab aliis Magistratibus ad eum remittebantur. *ctio.*
 L. 1. §. ult. ff. §. 10. 11. *Inst. de susp. tutor.*
 Habebat jus gladii, immo & deportandi. L.
 1. §. 3. *hoc tit.* non tamen ante tempora Se-
 veri. L. 1. §. 4. ff. de legat. 3. Jus porro di-
 cebat inter argentarios, L. pen. *hoc tit.* forum
 armentorum carminumque & disciplinam spē-
 ctaculorum curabat. L. 1. §. 11. 12. ff. *hoc t.*
 Extra urbem quidem jus non magis dicebat,
 quam Prætor: attamen de omni causa, quæ
 extra muros ad centesimum usque lapidem
 acciderat, in urbe judicabat, judicemque da-
 bat. Et ita intelligendam esse L. ult. ff. h. r.
 recte animadvertit Joann. Goedd. ad L. 2. ff.
de verbor. signific. num. 3. p. 53. Denique &
 militibus stationariis per urbem dispositis
 quietem popularium tuebatur. L. 1. §. 12. ff.
hoc tit.

§. CCXI.

Manfit hæc Præfectura ad extrema reip. tem- *Quandiu*
 pora: immo capta urbe eam restituit Atha- *hæc Præ-*
 laricus, Gothorum Rex Cassiod. *Var. IX. 7.* *fectura*
 Conf. Fel. Contelor. *de Præfet. Urb.* apud Sal- *manferit:*
 lengr. *Thesaur. Ant. Rom. Tom. I.*

TIT. XIII.

De Officio Quaestoris.

§. CCXII.

Quæstorum
offi-
cium.

Quæstorum, quorum de origine jam supra actum, (§. LXXIII.) alii erant *paricidii*, de quibus Liv. IV. 51. XXXVIII. 54. Fest. voce *Quæstores* L. 2. §. 23. de o. j. alii *æarii*, de quibus hic agendum. Quemadmodum enim illi judiciis publicis præerant: ita penes hos, libera adhuc Rep. erat cura pecuniæ publicæ. Liv. XXXIII. 42. Præterea prædam sub hasta vendebant, Dionys. Hal. X. p. 648. SCta & signa militaria adservabant, Liv. IV. 22. & denique legatis hospitia & lautia præbebant. Liv. XXVIII. 39.

§. CCXIII.

Forum nu-
merus &
potestatis
diminu-
tio.

Eorum initio duo creati, dictique Urbani: Liv. IV. 53. deinde quatuor, quorum duo Cons. in bello adesse solebant. Liv. IV. 54. Hinc octo constituti; Liv. *Epit.* XV. & ex Sullæ instituto XX. Tacit. *Ann.* XI. 20. quem numerum Cæsar duplicavit. Dio Cass. XLIII. p. 237. Plerique ex his cum Præsidibus ibant in Provincias; (§. LXXVII.) Cic. *pro Mur. cap. VIII.* * reliqui domi æarium curabant. Enimvero cura ista æarii ab Augusto ad Prætorios viros; Suet. *August. cap. XXXVI.* Dio Cass. LIII. p. 497.) & postea a Nerone ad Præfectos æarii translata, Tac. *Ann.* XIII. 28. *Histor.* IV. 9. Plin. *Epistol.* III. 4. Quæstoribus fere solum jus sententiam in Senatu dicendi superfuit. L. *unic.* §. 3. ff. *hæc tit.*

* Etiam

De Officio Quaestoris. Pars I. 77

* Etiam sub Imperatoribus in provincias populi ibant Quaestores, ceu patet ex Tacit. Agric. cap. VI. & Serab. Lib. III. p. 253.

§. CCIV.

Erant etiam inter eos, qui orationes & Quaestores libellos Principum in Senatu praelegerent, candidati. dicti *Quaestores Candidati*, quod id majorum honorum esset auspiciū. L. un. §. 2. 4. ff. h. t. *Antiq. nostr. Rom. I. 2. 45.*

T I T. XIV.

De Officio Praetoris.

§. CCXV.

DE Praetorum origine, & numero supra ^{Praetorum} actum. (§. LXII.) Officiū in eo erat ^{officiū.} positum, quod possent tria illa verba fari: *do, dico, addico*. * Macrob. Saturn. l. 16. *dabant* enim actiones, advocatos, recuperatores, iudices, arbitros, tutores, bonorum possessionem, restitutionem in integrum. *Dicebant* viam in vindictis: (*Antiq. Rom. IV. 4. 24.*) nec non, dum edicta proponebant, vel interdicta dabant. *Addicebant* denique in cessionibus, iudiciis divisiis, manumissionibus Conf. Car. Sigen. *de iudic. I. 7.*

* Acta Praetoris etiam servi rata esse, veteres exemplo Barbarii Philippi demonstrant. L. 3. ff. h. t. quod egregie suo more illustrat Jac. Gothofr. in *Diff. de elect. Inhabilis magister per error. fact.*

§. CCXVI.

Quibusdam ex Praetoribus iurisdictione, aliis ^{An & me-} quaestiones ex legibus iudiciorum publicorum ^{rum impe-} sortito obveniebant, L. 1. L. 2. ff. *h. t. L. 2.* ^{rium ha-} ^{buerint.}

§. 32. ff. de o. j. qui tunc loco hastæ & fascium gladium ante se positum habebant. Sigon. de judic. II. 4. Alii in provincias ibant cum summo imperio. Urbanus contra & Peregrinus, destituti mero imperio, si quid animadversione dignum incideret, reos ad Præfectum urbi remittere tenebantur. §. CCX.) L. 2. ff. de susp. tut. L. ult. ff. de in jus voc.

§. CCXVII.

Eorum potestas finem exolevit.

Postremis temporibus ita paulatim eversum est regnum eorum forense, ut eorum officium fere in actibus voluntariæ jurisdictionis & ludorum editione consisteret. Ez. Spanh. de usu & Præst. num. p. 109.

TIT. XV.

De Officio Præfecti Vigilum.

§. CCXVIII.

Præfecti vig. officii & potestas,

Hunc Magistratum Augustus, pluribus uno die coortis incendiis instituit, prætecitque septem cohortibus, ut incendiorum pericula averteret. L. 2. §. 33. ff. de o. j. L. 3. pr. hoc tit. Suet. Aug. cap. XXX. Itaque noctu obibat urbem cum hamis & dolabris, L. 3. §. 3. ff. hoc tit. jus de incendiariis, furibus, raptoribus, receptatoribus dicebat, eosque, qui negligentius ignem habebant, etiam fustium admonitione castigabat. * L. 3. §. 1. 2. §. L. ult. ff. h. t. Unde in locum Quinquivirum cis & ultra Tiberim, (§. LXXV.) videtur successisse.

* Gavissus itaque est mero imperio seu jure animadvertendi in levioris notæ homines: quamvis atrociores fures ad Præfectum Urbi remittere.

De Officio Præfecti Vigilum. Pars I. 79

tere deberet *L. 3. §. 1. ff. h. t.* Hinc non est, quod vulgarem lectionem sollicitemus in *L. 56. §. 1. ff. de furt.* ubi & Græci habent *πυρράχων*. Ampl. Bynkersh. *Obs. II. 8.* Nec magis mutaverim quidquam in *L. 15. ff. de condit. caus. dat.* quia & ibi de furto, & quidem a servo admissio, agitur.

§. CCXIX.

Ast, quum Præfecti Vigilum paullatim ipsi se furibus sociarent; Justinianus, suppresso hoc magistratu, eam curam Prætori populi mandavit. *Nov. XIII. Add. Nic. Alamann. ad Procop. Anecd. p. 93.*

Hujus Præfecturæ ratio.

TIT. XVI.

De Officio Procons. & Legati.

§. CCXX.

DE Provinciarum administratione, qualis libera rep. erat, nihil est, quod hic addendum videatur. (§. LXXVII.) Augustus provincias ita cum populo partitus est, ut huic pacatas relinqueret, sibi bello turbatas & futuras cum Ægypto servaret. Dio Cass. *LIII. p. 503.* Strabo *XVII. fin.* Suet. *Aug. cap. XLVII.* Quamvis & in illas vere summum haberet imperium ob Proconsularem potestatem, Imperatoribus decerni solitam. Dodyvell. *Prælect. Cambd. IX. 2. p. 344.*

Provinciarum inter populum & Principem divisio.

§. CCXXI.

In populi provincias a Senatu mittebantur viri consulares vel prætorii, qui Procons. vel Propræt. vocabantur. Procons. plenissimam habebant potestatem, omniumque magistratuum urbanorum partes ad illos in provincia pertinebant. *L. 7. §. ult. L. 8. l. 9. pr. ff. hoc tit.*

Procons. jurisdictio.

Hinc & voluntariam & contentiosam jurisdictionem exercebant, & illam quidem statim urbe egressi, *L. 2. pr. ff. h. t.* hanc non nisi in provincia. *L. 1. ff. eod. iidem* tutores dabant ex lege Julia & Titia, edictaque proponebant, quorum in locum edictum provinciale perpetuum successit, (§. LIII.) iudices dabant, &c.

§. CCXXII.

Et imperium.

Habebant etiam imperium merum, seu jus gladii, *L. 6. pr. L. 11. ff. h. t.* Nec tamen imperium militare iis reliquerat Augustus, adeoque nec copiis præerant, nisi extra ordinem legiones ducere juberentur. *Lips. Excess. ad Tacit. Ann. 1. litt. M.* Curam disciplinæ militaris Procons. commendat Justinianus: *Nov. XXX. cap. 1.* sed tunc quidem discrimen istud provinciarum dudum evanuerat.

§. CCXXIII.

Procons. ingressus in Provincæ & insignia.

Quæ in ingressu egressuque provinciarum, itemque in recipiendis repudiandisque xeniiis & munusculis observanda essent Procons., accurate docet Ulpian. *L. 4. L. 6. §. 3. L. 7. L. 9. L. 10. ff. h. t.* Urbe egressi utebantur insignibus, fascibus nimirum cum securibus, olim quidem XII. postea sex tantum. *L. 1. & L. 14. ff. hoc tit.* Appian. *Syriac. p. 95.* Plutarch. *Paull. p. 276.* Urbem contra ingressi imperium deponebant, *L. ult. ff. hoc tit.*

§. CCXXIV.

Ejus legati.

Procons. & Proprætoribus adjungebantur legati, & ὑπαρχοὶ πραιποσίτοι, *1. Petr. II. 14.* qui vice illorum fungerentur, quoties opus esset. Numerus non semper idem. Q. Ciceroni, Prætori Asiæ, tres saltem legatos fuisse patet ex Cic. *ad Q. Frat. Epist. I. 1.* Contra Achajæ Procons. unum tantum Legatum habuisse observat Dio Cass. *LV. p. 567.* Poterat itaque huic Procons. mandare jurisdictionem,

De Officio Procons. & Legati. Pars I. 81
nem, si vellet: *L. 13. ff. h. t.* (cui non repugnat *L. 4. §. 6. ff. h. t.*) alioquin Legatus nihil proprii habebat. * *d. L. 13.*

* At propriam quodammodo jurisdictionem legatis tribuunt Severus & Antoninus Aug. *L. 4. pr. ff. de off. ejus, cui mand. jurisd.* Propriam fieri coepisse, postquam fuisset mandata, existimat Perennon. *Animadv. cap. XXVI.* Sed hæc valde diluta. In *L. 4.* Imperatores ajunt, Braduam Procons. propriam jurisdictionem legato dedisse: propriam Braduæ, non Legati.

§. CCXXV.

Itaque Legatus ea habebat, mandata jurisdictione, quæ mandari poterant. Hinc non erat apud eum legis actio: * *L. 2. §. 1. L. 3. ff. h. t.* multoque minus mero imperio pollebat. *L. 6. pr. ff. h. t. L. 1. ff. de off. ejus, cui mand. jurisd.* Si quid ergo animadversione dignum incideret: reum ad Procons. mittebat. *L. 11. ff. h. t.* ideoque mandari ipsi poterat custodiarum cognitio, ut præauditas ad Procons. remitteret. *L. 6. pr. L. un. C. hoc tit.* Id singulare est, quod tutorem dare posset, *L. 1. §. 1. ff. de tut. & cur. dat. L. pen. ff. hoc tit.* de suspectis tutoribus cognoscere, *L. 4. pr. ff. de off. ejus, cui mand. jurisd.* Quam facultatem Legatis specialis S^cto. vel Oratione Marci Antonini Imp. datam, novimus. *L. 1. §. ff. de tut. & cur. dat.*

Forum
potestas
mandata
jurisdictione
competens.

* Negat hac *L. 2. 1.* Ulpianus, coram Legato posse manumitti: id autem disceat affirmat Paullus *L. 17. §. 1. ff. de manum. vind.* Manifesta sane *contraria*. Et quum vix verosimile videatur, vel Ulpianum, vel Paullum jus suorum temporum ignorasse; verosimillimum videtur, hunc scripisse: Sed & apud Legatum pro Cons. manumittere possumus, id est, apud

Legatum Aug. pro Cons. seu praesidem, compilatorem autem ibi perperam intellexisse legatum proconsulis, quumque hoc vocabulum antecessisset, rescripisse: Legatum ejus.

TIT. XVII.

De Officio Praefecti Augustalis.

§. CCXXVI.

*Praefectura
Augustalis
origo.*

INter provincias Principi reservatas, Aegyptum veluti praecipuam sibi seposuerat Augustus. (§. CCXX.) Quumque in fatis esse diceretur, ut Aegyptii libertatem recuperarent, simul ac fasces Rom. in regno essent visi; Trebell. Poll. in *Emil. Cic. ad fam. Ep. I. 7.* hac superstitione in commodum suum versa Augustus eo misit virum equestrem, sibi per omnia obnoxium, nullis fascibus, sed imperio vere proconsulari instructum, Tac. *Ann. II. 59. XII. 60. Hist. I. 11. Dio Cass. LIII. p. 554. Arian. Exp. Alex. III. 6.* Senatoribus ipso provinciae aditu exclusis. Suet. Tiber. *cap. LII. Tacit. Ann. I. 59.*

§. CCXXVII.

*Potestas
Praefecti.*

Vocabatur is *Praefectus Augustalis*, *) & Aegypto omni praerat nomine Principis. *L. un. ff. h. t.* Quumque Proconsulari simile esset ejus imperium; omnem habebat jurisdictionem, voluntariam aequae ac contentiosae, sed & legis actionem, Tac. *Ann. XII. 60.* tutoris dationem, *L. 1. ff. de tut. & cur. dat. immo & imperium merum.*

* Ita vocatur in rubrica tituli. Alias etiam occurrunt vocabula *Praefecti Aegypti*, *L. un. ff. hoc tit. L. 21. ff. de man. vind. L. 1. ff. de tut. & cur.*

Et cur. dat. Reines. Inscr. p. CCCCLX. Vicarii Augustalis, L. 2. de his, qui met. jud. non appell. Augustalis, viri spectabilis, L. 59. Cod. de decur. ΕΠΑΡΧΟΥ ΤΗΣ ΧΩΡΑΣ, Strab. Lib. XVII.

T I T. XVIII.

De Officio Præsidis.

§. CCXXVIII.

Præsidis vocabulum alioquin generale, omnibusque, qui Provincias regunt, commune. L. 1. ff. h. t. hic speciatim illis, qui in Principis provincias mittebantur, tribuitur, dictis alias *Legatis Aug. procons.* vel *propretore*. (§. LXXIX.) L. 20. ff. hoc tit. Spanh. de usu & præst. num. p. 180.

Præsides
quinam
di ii?

§. CCXXIX.

Hi in provinciis suis æque ac Procons. majus omnibus habebant imperium post Principem, eaque ibi soli curabant, quæ in urbe varii Magistratus. L. 4. L. 10. L. 11. ff. h. t. Hinc & voluntariam jurisdictionem exercebant, L. 2. L. 5. L. 17. ff. h. t. & contentiosam, L. 8. eod. & extraordinariam, L. 5. eod. immo & jus gladii, L. 3. L. 6. L. 13. L. 14. L. 21. h. t. L. 6. pr. L. ult. ff. de pæn. ita tamen circumscriptum, ut nec deportare possent, * L. 2. §. 1. ff. de pæn. L. 6. §. 1. de interd. & releg. nec liberam mortis facultatem concedere, L. 8. §. 1. de pæn. nec bona publicare post Theodosii & Valentiniani constitutionem. L. un. C. Theod. ne sine jussu princip. cert. jud. lic. confisc.

Eorum
potestas.

* Cur, vero, qui majus supplicium irrogare poterant,

terant, non poterant deportare? Nobis probatur sententia B. Huberi *Digress. III. 7.* observantis, deportationem fere personis egregiis irrogatam, ubi viliores ultimo supplicio afficiebantur. Paull. *Rec. Sent. IV. 23. 1. IV. 15. 1. seq. IV. 26. 1. seq. V. 19. 2. V. 20. 2. V. 22. 1.* Quam conjecturam firmare videtur L. 27. * §. 1. 2. ff. de pan.

§. CCXXX.

Et imperium militare.

In eo autem major erat Præsidum, quam Procons. potestas, quod & legiones ducerent, & exercitibus præessent vice Principis. Dio Cass. *LIII. p. 504.* Id quod non concessum esse Procons. supra jam observavimus. (§. CCXXII.)

T I T. XIX.

De Officio Procuratoris Caesaris vel Rationalis.

§. CCXXXI.

Procuratores Caesaris quotuplices?

Quemadmodum cum Procons. & Proprætoribus in Provincias populi ibant Quæstores, ut reditus ærario debitos colligerent, & in tabulas referrent; (§. CCXIII. *) ita in Provincias Principis fere ibant *Procuratores Caesaris*; * qui duorum erant generum. Alii enim res Principum fiscales tantum curabant; alii in provinciis minoribus simul vice Præsidum fungebantur, qualis in Judæa Pontius Pilatus. ** Tacit. *Ann. XV. 44.* Tert. *Apol. cap. XXI.*

* Dicti etiam Curatores Caesaris, V. A. Corn. var. Bynkersh. *Obs. II. 20.* Procuratores Principis, L. 31. ff. ex quib. caus. maj. Procuratores Imperato-

ratoris, L. ult. ff. de jure fisc. Procuratores Aug. Procuratores fisci Asiatici, Procuratores Aug. a rationibus, Rationales summarum, vel summarum rei. Reines. Inscr. Class. VI. 30. XX. 190. IX. 60. VI. 57. & 126. sequ. III. 55. XIII. 43. VI. 29.

** Tales præter Judæam accipere solebant dux Mauritanie, Rhætia, Noricum, Thracia, Alpes maritimæ, Epirus, Pontus, Tacit. Hist. I. 11. Lips. Excess. ad Tac. Ann. XII. litt. B. Corsica. Tac. Hist. II. 16. Sardinia, & aliæ.

§. CCXXXII.

Priores vere erant procuratores, sive summarum rei præpositi, quo casu *Catholici*, vel *Catholiciani*, dicebantur, L. 9. §. ult. C. de hon. proscr. sive uni alterive reddituum generi, quales erant *Procuratores Vicefiscæ Hereditarium, caducorum*. Id præ aliis mandatariis habebant singulare, quod servus Cæs. eorum jussu posset adire hereditatem, L. 1. §. 2. hoc t. junct. L. 99. de acqu. hered. L. 77. ff. de r. j. & quod a temporibus Claudii ipsis competere notio causarum fiscalium, modo essent pecuniariæ. * Tacit. Ann. XII. 60. L. 9. pr. ff. de offic. procons. L. 1. L. 2. L. 6. Cod. ubi causæ fisc. Ceteroquin nec jurisdictione gaudebant, L. 23. §. 1. ff. de appell. nec mero imperio. L. 2. C. de mod. mult. L. 3. pr. ff. h. t.

Potestas eorum, qui fiscum procurabant.

* Cretæ tamen Procuratori ex lege Fabia cognitionem datam esse, ex Ulp. Frag. XIV. colligi posse videtur. Vid. Ampl. van. Bynkersh. Obs. II. 20.

§. CCXXXIII.

Posterioris generis Procuratores eadem potestate Provinciis præerant, qua Præsides, 4. Cod. ad L. Fab. de lag. L. 2. C. de pæn. & hinc vice Præsidis agere, vice Præsidis fungidum.
vicem

Necnon eorum, qui Provinciis præerant vice Præsidis.

vicem Præsidis tueri dicebantur L. I. C. de *pe-*
dan. jud. L. 3. C. ubi causf. fisco. L. 2. Cod. de
pæn. d. L. 4. C. ad L. Fab. de plag. Hinc & im-
 perio mero & jurisdictione pollebant, exem-
 ploque sunt Copronius qui Judææ præfuisse
 dicitur *τὸ ἐν τῇ ἰουδαίᾳ*. Joseph. *Ant. Jud.*
XVIII. 1. & Hilarianus, qui loco Proconsf. *jus*
gladii accepisse fertur in *Actis SS. Perpetue*
& Felicit. a L. Holstenio & Teod. Ruinaro
 edictis. Vid. Noris. *Cenotaph. Pisan. II. 16.*
8. p. 290. seq. Bynkersh. Observ. II. 20.

T I T. XX.

De Officio Juridici.

§. CCXXXIV.

Juridici
 ubi jus di-
 xerint?

Juridici erant magistratus, certo terræ tra-
 ctui juris dicendi causa præfecti. Tales
 in Italia loco Consularium constituerat Mar-
 cus Imp. Jul. Capitol. *vit. Marc. capit. XI.*
 Unde Juridici per Flaminiam & Picenum,
 apud Grut. *Inscr. p. MXCIH. 3.* itemque per
 Apuliam & Picenum, *ibid. p. CCCCLXV. 5. 6.*
 & omnium celeberrimus Juridicus Alexandri-
 næ civitatis, non ita dictus, quod soli Ale-
 xandriæ jus diceret, * (toti quippe Ægy-
 pto cum Præfecto præpositus;) sed quod ibi
 tribunal haberet.

* Hinc dicitur *Juridicus per Ægyptum*, Grut.
Inscr. p. CCCLXXII. 4. quia toti Provinciæ
 præerat cum Præfecto Augustali, cujus simul
 actiones speculatus videtur, ne res novas mo-
 liretur. Vid. Reines. *ad Inscr. Class. II. 26.*

§. CCXXXV.

Eorum po-
 restas.

Jus dicebant, tanquam Consf. & Prætores,
 sed

De Off. ejus, cui mand. Jur. Pars I. 37

sed fascibus tamen non utebantur. §. CCXXVI.)
Dodvvell. *Prælect. Cambd.* IX. 11. Erat & apud
eos legis actio, L. 1. ff. *hoc tit.* quin & tuto-
res dabant Juridici Alexandrini ex constitu-
tione Marci Imp. L. 2. ff. *hoc tit.* §. 5. *Inst.*
de Aril. tut. Gavisos etiam esse jurisdictione
contentiosa, vel ex nominibus patet. Vocan-
tur enim *Juridici*, in rubr. h. r. *Αμυνόμενοι*
apud Strab. XIII. & *Romani Judices* apud
Sext. Rufum.

T I T. XXI.

De Officio ejus, cui mandata Jurisdictio.

§. CCXXXVI.

Magistratum, quos hactenus descripsimus, Cur hunc
titulum
præterve-
hamur?
propria erat Jurisdictio. Subjungitur
tractatus de jurisdictione *mandata*, qualem
supra in Legato Proconsul. vidimus. Sed de
hac commodius agetur Libri II. Tit. I.

T I T. XXII.

De Officio Assessorum.

§. CCXXXVII.

Assessores hic non sunt, qui *jus dicenti* Assessores
quidam?
cum jure suffragii assident, quales olim
in urbe erant *Decemviri stlitibus judicandis*,
(§. LXXIV. *) in provinciis XXV. Recupe-
ratores, Cives Romani, Ulp. *Fragm. tit. I.*
12. 13. quorum *confessus & consilium* diceba-
tur, vel *συμβέλιον* *Act. XXV. 12.* Sed intelli-
guntur hic *jurisperiti*, a magistratibus *jus*
dicentibus adhibiti in consilium in cognitioni-
bis, postulationibus, libellis, edictis, decre-
tis, epistolis. * L. 1. ff. *hoc tit.*

* Non

* Non ergo suffragii jus habebant, sed jus dicentem instruebant, similes iis, qui in his regionibus *Pensionarii* vel *Adviseurs*; in Germania *Syndici* appellantur.

§. CCXXXVIII.

Quid Jura
de iistan-
ciant.

Hinc facile jam intelligimus, 1) cur ei muneri adhiberentur jurisperiti, seu, uti exemplo philosophorum eleganter vocantur, *juris studiosi*. L. 2. ff. h. t. 2) Cur, si quid ab iis peccatum, id non Magistratibus, sed Assessoribus vitio verteretur. L. 2. ff. quod quisque jur. 3) Cur hi, si essent advocati, non possent in eo adjutorio, ubi in consilium adhiberi solebant, causas agere. L. 8. §. ult. C. de postul.

§. CCXXXIX.

Eorum sa-
larium?

Deberi iis salarium, facile patet. Et olim quidem ejus quantitas conventionione definiebatur. L. 4. ff. hoc tit. Postea ordinarium salarium iis constitutum ab Alexandro Imp. Lamprid. *Vit. Alex. cap. XLVI. L. 32. ff. ex quib. caus. maj.* Debetur integrum, licet Præses, antequam dies venerit, decesserit; L. 4. ff. hoc tit. L. 1. §. 13. ff. de extr. cogn. nisi intra tempus, quod residuum erat, alii operam addixerint Assessores. Quo casu sane iniquum videbatur, eos eodem tempore pro iisdem operis duplex lucrum captare.

L I B E R II.

TIT. I.

De Jurisdictione.

§. CCXL.

Quum haftenus de Magistratibus actum sit? Quid juris proximum est, ut de eorundem potestate, quæ in *Jurisdictione* & *Imperio* consistit, agamus. Est autem *Jurisdictionis* notio jure magistratus competens. Cujac. *Paratit. ff. h. t.*

§. CCXLI.

Ex qua definitione aperte fluunt axiomata: I. Jurisdictio omnis vi officii vel jure magistratus competit. *L. 1. pr. ff. de offic. ejus, cui mand. jurisd.* II. ea non in aliqua vi & coactione, sed in sola notione consistit. Id quod vel jurisdictionis voluntariæ exempla satis confirmant.

De ejus natura axiomata.

§. CCXLII.

Quum igitur jurisdictio omnis jure magistratus competat; (§. CCXLI. 1) consequens est, 1) ut nec arbitrio jurisdictio tribui possit, *L. 11. §. 3. L. 17. §. 3. L. 19. pr. ff. de recept. nec 2) judici pedaneo*; quippe qui notionem quidem habet, sed non jure magistratus. *L. 3. hoc tit. L. 46. de judic. L. ult. de offic. prat. L. 5. de re jud.*

An jus dicant arbitri & judices pedanei?

§. CCXLIII.

Nec minus inde patet, 2) jurisdictionem, qua passim hodie per Europam gaudent nobiles & possessores prædiorum feudalium, ex principiis juris Rom. non esse jurisdictionem immo & ratione originis suæ esse meram potestatem veterum Germanorum dominicam in servos vel homines proprios, novo jurisdictione.

An jurisdictio patrimonialis vera talis?

ctionis schemate palliatam. Vid. *Diss. nostr. de orig. atque indole jurisd. patr.*

§. CCXLIV.

Jurisdictio
in quocon-
sistat?

Quumque jurisdictio in sola notione consistat; (§. CCLXI. 2.) sequitur, 4) ut ea tantum in deterrendo & Judice dando sit posita. * *Alcon. Præd. ad Aet. 1. in Verr. cap. IV. p. 368. edit. nov. Car. Sigon. de Judic. l. 7. p. 1696. Tom. II. Thesaur. Græv. 4)* Ut, simulac aliqua vis & coactio accedit, statim sese exerat imperium. *L. 3. fin. L. 4. ff. h. t. 6)* Ut non exequutio, sed sententia sit *extremum in jurisdictione*, cui qui non paret, jus dicenti non videtur obtemperasse. *L. 1. §. 1. ff. si quis jus dic. non obtemp.*

* *Decernebat* Prætor, dum dabat actionem, dum restituebat in integrum, dum interloquebatur de plano, vel manumittentibus consilium dabat. *Judicem dabat*, ubi audito partium jure, judicem, recuperatorem, vel arbitrum nominabat, inquisitionem in factum, & ex formula præscripta laturum sententiam. *L. 5. L. 16. pr. ff. de re jud.* Quando *decernebat*, vel *Dare*, vel *Dicere* vel *Addicere* dicebatur: si judicare jubebat, *Dabat* tantum. *Car. Sigon. ib.* Quæ apud Magistratum explicabantur, *In Jure*; quæ apud judicem, *In Judicio* fieri dicebantur. *L. 15. ff. rem. rat. hab. Cic. de Invent. II. 19.*

§. CCXLV.

Imperium
quid &
quodplex:

A *jurisdictione* differt *Imperium*, quod hic quid & nihil aliud est, quam potestas armata: Unde & *κατ' ἐξουσίαν* potestas dicitur, *L. 3. ff. h. t.* Dividitur in *merum & mixtum*, * quorum illud est potestas gladii, ad animadvertendum facinorosos homines, speciali lege concessa, *d. L. 3. h. t. L. 1. pr. ff. de off. ejus, cui mand. jurisd.* Hoc contra modica coercitio, quæ *jurisdictioni* cohæret, *L. 1. §. ult. L. ult. §. 1. ff. de*

ff. de offic. ejus, cui mand. jur. vel per hypallagen imperium, cui inest jurisdictio. L. 3. hoc tit.

* Accipienda itaque sunt vocabula in sensu vulgari, quo merum opponitur mixto. Unde & Græcos ἐξουσίαν καὶ ἀρχὴν ἀμεικτὰν, potestatem vel imperium merum, opponere solere πᾶσι μίχθῃ, ei, quod mixtum est, erudite observat V. A. Zach. Hub. *Diff. jurid. I. 1. 4.* & in jure nostro aliquando nan merum vocatur imperium mixtum. *L. ult. §. 1. ff. de offic. ejus, cui mand. jurisd.*

§. CCXLVI.

Quumque itaque merum imperium sit jus gladii; (§. CCXLV.) consequens est, 1.) ut illi nulla plane admixta sit jurisdictio. * 2.) Ut, qui imperium hoc habet, pro gravitate delicti animadvertere possit in facinorosos, vel vitam civilem naturalemve adimendo, vel leviozem irrogando pœnam, *L. 28. pr. ff. de pœn.* nisi hæc potestas legibus restricta sit. (§. CCXXIX. *) 3.) Ut & ex officio dare possit operam, ut provincia malis hominibus purgetur. *L. 3. §. 3. ff. de offic. præsid.*

In quo consistat imperium merum?

* Quamvis enim notio præcedat animadversionem; ea tamen jurisdictio non est, quia non jure magistratus competit, (§. CCXL.) sed ex lege speciali. (§. CCXLV.)

§. CCXLVII.

Quumque hoc merum imperium lege speciali concedatur; (§. CCXLV.) sequitur, 1.) ut non nisi a summa potestate proficisci possit. *L. 2. §. 23. ff. de o. i. L. 3. C. h. t. 2.*) Ut, qui imperio illo pollet, nihil habeat proprii, adeoque istud vice summæ potestatis exercent. *L. 1. pr. ff. de offic. ejus, cui mand. jurisd.*

Quis illud habeat?

§. CCXLVIII.

In quo
constat
imperium
mixtum?

Ex mixti porro imperii definitione ; (§. CCXLV.) fluit, 1) jurisdictionem & mixtum imperium non magis esse *συνωρύχον*, quam vinum & aquam illi admixtam . 2) Ei, cui data jurisdictio, id quoque datum videri, sine quo explicari illa nequeat, id est, imperium mixtum . L. 2. ff. hoc tit. 3) Quemque Magistratum posse jurisdictionem suam imperio tueri, L. un. pr. ff. si quis jus dic. non obtemp. immo & 4) in dubio aestimare, suane sit jurisdictio . L. 2. §. 1. ff. si in jus voc. non ier. 5) Imperium hoc consistere in modica coercitione . L. 1. §. ult. ff. de offic. ejus, cui mand. jur. qualis est pignoris capio, multa, in possessionum missio, interdictio fori, manus militaris, & aliquando apprehensio personæ . L. 9. §. ult. ff. ad L. Jul. pecul. L. 4. §. 2. 4. ff. de damn. inf. L. 9. pr. §. 1. ff. de pen. L. 68. ff. de rei vindic.

§. CCXLIX.

Jurisdictio
l. vel vo-
luntaria
vel con-
tentiosa.

His præmissis, facile intelliguntur varæ jurisdictionis divisiones . Nam l. recte dividitur in voluntariam, quæ inter volentes, & sine causæ cognitione exercetur, & contentiosam, quæ inter invitos & litigantes cum causæ cognitione explicatur . L. 2. pr. ff. de offic. procons.

§. CCL.

Utriusque
differen-
tia.

Ex quibus definitionibus prono alveo fluit, 1) voluntariam etiam in causis propriis explicari posse, L. 3. L. 4. ff. de adopt. L. 2. ff. de offic. præf. contentiosam non posse . L. 10. ff. h. t. 2) Illam quocunque loco & de plano; L. 36. pr. ff. de adopt. §. 2. Inst. de libertin. hanc nonnisi pro tribunali; L. pen. ff. de just. & jur. 3) Illam & diebus feriatis; L. 8. C. de fer. hanc festis tantum diebus exerceri . L. 2. L. 7. L. 8. L. ult. §. 1. C. cod. 4) Illam recte

recte explicari extra territorium. L. 2. ff. de offic. procons. L. 36. §. 1. ff. de adop. & a iudice incompetente: * L. 27. L. 30. L. de donat. quod ad hanc vero attinet, extra territorium jus dicenti impune non patere. L. ult. ff. hoc tit.

* Nisi huiusmodi actus ita sit comparatus, ut periculum inde imminet iudici competenti. Exemplum habes in L. 16. C. de pred. & al. reb. min.

§. CCLI.

Deinde jurisdictio II. alia est *Ordinaria*, II. Vel ordinaria, quæ magistratui jure ordinario competit, ut ab ejus officio separari nequeat, veluti discernere & iudicem dare; (§. CCLIV. 4) alia *Extraordinaria*, quæ nonnisi certis magistratibus speciali lege defertur, v. g. tutoris datio, legis actio. L. 7. §. ult. ff. de offic. Proc. L. 6. §. 2. ff. de tutel.

§. CCLII.

Dividitur jurisdictio III. in *Propriam*, quæ III. Vel jure magistratus competit in subditos, L. 5. propria vel L. 6. ff. h. tit. *Mandatam*, quam quis mandato mandata, magistratus, eam tanquam propriam habentis, explicat. L. 5. L. 16. ff. hoc tit. L. 1. §. 1. L. 3. ff. de offic. ejus, cui mand. jurisd. & *Prorogata* * quæ voluntate partium, vel ex præscripto legis extra terminos suos exercetur. L. 1. L. 2. ff. de judic.

* Prorogari tantum de tempore dici observat V. C. Jac. Perizon. Animad. Hist. cap. VI. p. 229. & hinc emendandum putat locum Liv. XLII. 30. ubi *prorogatio imperii* non de tempore, sed de loco, accipitur. Quæ si ita sint, incommode sane Jcti nostri dixerint *prorogare jurisdictionem*, quum dicere potius debuissent *propagare jurisdictionem*. Conf. Cl. Noodr. de jurisd. Lib. II. cap. XII. Sed codices

ces tamen hanc emendationem non probant. Nec stringere videtur argumentum Perizonii, provocationem semper involvere temporis ac durationis significationem, sumptam quippe a comitiis, quorum proprium fuerit vocabulum rogatio, & quæ inde oriuntur, in quibus etiam prorogare, id est, longius vel in proximum annum rogare Imperatoribus imperium. Nam quid obstat, quominus & ultra territorium alicui rogaretur, e. g. ut Dictator cum potestate esset extra Italiam?

§. CCLIII.

Quis & quam jurisdictionem mandare possit?

Quum itaque magistratus mandare possit jurisdictionem sibi propriam; (§. CCLII.) consequens est, 1) ut ipsi mandatarii, veluti legati Procons. jurisdictionem mandare nequeant. *L. ult. pr. ff. de offic. ejus, cui mand. jurisd.* 2) Ut a Principe delegati quasi magistratus sint, adeoque mandare possint: *arg. L. 5. C. de judic.* 3) Ut nec imperium meum mandari possit, (§. CCXLVII. 2) nec jurisdictio extraordinaria. (§. CCLI.) *L. I. pr. L. 2. pr. §. 1. ff. de off. ejus, cui mand. jurisd. L. 8. pr. ff. de tut. dat. L. 8. §. 18. ff. de transact. L. 70. ff. de r. j. 4.)* Ut contra recte mandetur ordinaria, sive tora, sive pro parte. *L. 16. sequ. hoc tit. L. 4. §. 1. ff. de off. ejus, cui mand. jurisd.*

§. CCLIV.

Mandati hujus natura.

Quumque jurisdictionem mandatarius vel mandati explicet; (§. CCLII.) facile patet, 5) eum omnia agere nomine mandantis: *L. 6. §. 2. ff. de off. proc. & 6.)* iisdem modis cessare mandatam jurisdictionem, quibus ipsum mandatum finiri solet, veluti morte mandantis & mandatarii, *L. 6. ff. h. t. & illius revocatione. L. 6. §. 1. ff. de offic. procons.* *

* Sin-

- * Singulare id fuisse videtur quod Legato a Proconsule adimi quidem posset mandata jurisdictionis, sed non nisi inconsulto Principe, *dist. L. 6. §. 1.*

§. CCLV.

Quia porro conventionem prorogari potest Jurisdictio
jurisdictio; (§. CCLII.) nemo dubitabit, 1) Jurisdictio
conventio-
ne proro-
gata. quin & *expresse* fieri possit, seu verbis, &
tacite, seu ipso facto: modo, si *expresse* pa-
cto nudo facta, ante aditionem judicis pro-
rogantem non poeniteat. * *L. 18. ff. h. t.* Nec
dubium est, 2) quin *tacite* jurisdictionem
prorogasse censeatur, quisquis non allegata
præscriptione fori litem contestatus est: *L. 4. C. hoc tit.* modo judex incompetens non per
errorem aditus sit. *L. 15. hoc tit. L. 2. pr. ff. de judic.*

- * Quod tamen hodie, quando omnia pacta va-
lidam obligationem producant, secus se ha-
bere videtur.

§. CCLVI.

Ex præscripto etiam legis (§. CCLII.) Nec non
jurisdictio prorogatur per *Reconventionem*, ex præscri-
ptio legum
per recon-
ventionē. quæ est mutua litigantium coram eodem ju-
dice petitio. *L. 11. §. 1. ff. h. tit.* Leges enim
probant hoc axioma: Cujus in agendo actor
servat arbitrium, eum & contra se habere
judicem non dedignari debet. *L. 11. §. 1. ff. hoc tit.*

§. CCLVII.

Ex quo sequitur, 1) ut reconventio insti- Reconven-
tui possit quocunque tempore, etiam post li- tionis na-
tis contestationem: *L. 14. C. de sent. & in- tura.*
terloq. Nov. LXIX. cap. 2. quamvis in foro fe-
re contraria opinio inoleverit. Vid. Brunnem.
Process. Civil. X. 11. 2) Ut locum habeat in
caussis omnibus, *L. 22. ff. de judic.* 3) Ut
con-

conventio & reconventio pari passu ambulent, & simul tractentur, nisi, an reconventioni locus sit, demum finita conventione constare possit, * L. 10. C. de injur.

* Moribus Saxonum, quos multa Germaniæ fora probant, nunquam reconventio admittitur, nisi finita conventione, & in causis connexis. Ideo fit, ut actor ibi caveat de reconventione & expensis. Zanger. de Except. II. 1. 387. Suendendorff. ad Fibig. pag. 783.

§. CCLVIII.

Alia jurisdictionis species, & usus tituli hodiernus.

Porro IV. jurisdictio alia civilis est, alia *Militaris*, de qua L. 6. C. hoc tit. L. 2. C. ubi quis de curial. & cohort. & tot. tit. C. de offic. civ. & milit. jud. & ibi Cujac. Paratitl. alia *Ecclesiastica*, Justiniano adhuc *Audientia tit. C. de Episc. audient.* Quibus hodie sexcentæ aliæ accedunt, veluti *circumsepta*, *academica*, *nautica*, *silvestris*, *metallica*, *feudalis*, *patrimonialis*, *mercatoria*, quas omnes jus Romanum ignorat.

§. CCLIX.

Edictum de a'bo corrupto.

Hactenus de jurisdictione. Quum vero quique magistratus jurisdictionem suam tueri possit; (§. CCXLVIII. 3) titulo huic annexum animadvertimus edictum *De Albo Corrupto* * L. 7. pr. ff. h. t. ut, si quis id, quod jurisdictionis perpetuæ causa, vel in charta, vel in alia materia, propositum fuerit, dolo malo corruerit, in eum quingentorum aureorum judicium cuilibet e populo daretur.

* Album quid fuerit, alio loco disputavimus. Addi tamen potest Claud. Salmas. de modo Ujur. p. 678.

§. CCLX.

Actionis hujus natura.

Ex quo edicto patet, 1) judicium hoc pertinuisse ad edicta annua & formulas actionum, non

non ad ea, quæ de rebus incidentibus proponebantur. 2) Notari edicto dolum malum, nec eum teneri, qui casu vel ex imperitia corripit. *L. 7. §. 4. ff. h. t.* 3) Judicium hoc fuisse popolare, pœnamque quingentorum aureorum, cuivis e populo agenti fuisse applicatam: *L. 12. pr. ff. de v. f. & ibi Goedd. n. 15.* 4) Si plures corruerint, illud contra singulos dari in solidum, *L. 7. §. ult. L. 8. L. 9. ff. hoc tit.* 5) Concurrisse hoc iudicium cum persequutione ex Lege Cornelia de falsis. *L. pen. pr. ff. ad L. Corn. de fals. Paull. Rec. Sent. V. 25. 4.*

§. CCLXI.

Enimvero actionis hujus natura ipsa satis docet, ejus hodie nullum esse usum, quamvis magistratuum edicta quæcunque corruptos extra ordinem puniri posse, nemo dubitet.

An ejus
hodie ul-
lus usus
sit?

T I T. II.

Quod quisque juris in alterum statuerit, ut ipse eodem jure utatur.

§. CCLXII.

AD jurisdictionem etiam hoc pertinet edictum. Quum enim Prætores olim per annum sæpe mutarent edicta, multaque jura nova statuerent *πρὸς χάριν ἢ κατ' ἐχθρὰν τινῶν*, in gratiam odiumve quorundam hominum: Dio XXXVI. p. 21. non solum Lex Cornelia huic improbitati opposita, (§. XLIV.) verum etiam ab ipsis Magistratibus edicto cautum est, ut magistratus, qui quid novi juris in aliquem statuerit, vel is, qui apud magistratum aliquid novi juris obtinuerit, quandoque postea, adversariis eorum postulanti-
bus, eo-

Hujus edi-
cti occa-
sio.

dem jure uterentur, & eodem jure adversus eos decerneretur. L. 1. §. 1. L. ult. ff. hoc tit. Cic. Ep. ad Q. Fratr. I. 1.

§. CCLXIII.

De ejusna-
tura axio-
mata.

Inde ergo patet, I. poenam hoc edicto pro-
poni iis, qui vel propria vel aliena juridi-
ctione abutuntur, eamque in gratiam odium-
ve infligunt. II. Poenam hanc ex talionis ju-
re manare, adeoque esse æquissimam, L. 1.
pr. ff. hoc tit.

§. CCLXIV.

Quinam in
illud inci-
dant?

Ex priore axioma sequitur, 1) ut edi-
ctum & ad Magistratum, novum jus statuen-
tem, pertineat, & ad partes illud postulatio-
ne sua impetrantes. L. 3. hoc tit. 2) Ut utro-
que casu puniatur dolus cum effectu conjun-
ctus, adeoque 3) non incidat in edictum
magistratus, consilio assessoris statuens, (§.
CCXXXVIII. 2) L. 2. ff. h. t. nec 4) qui sta-
tuere decreverat, nec statuit tamen, L. 1.
§. 2. hoc tit. nec 5) pars litigans, quæ vel
jus novum nunquam postulavit, vel eo sal-
tem non usæ est. L. 3. pr. hoc tit.

§. CCLXV.

Pœna jus
novum sta-
nientium,
vel impe-
trantium.

Quumque hic pœna talionis obtineat;
(§. CCLXIII. 2.) consequens est, 1) ut
jus novum statuentes vel impetrantes, ad-
versario quocunque postulante, eodem jure
uti teneantur. L. 3. §. 2. h. t. 2) Ut, si is,
contra quem jus novum statutum, ipse tale
quid fecerit, edictum cesset. L. ult. ff. hoc tit.
3) Ut, quod ex jure hujusmodi novo so-
lutum est, repeti, ex hoc edicto non possit.
L. 4. §. ult. hoc tit.

§. CCLXVI.

Actionis
ex hoc edi-
cto descen-
dit.

Ex quibus omnibus patet, dari ex hoc
edicto actionem adversario cuicunque, (§.
CCLXV. 1) adversus eum, qui in magistra-
tu jus novum dolose statuerat, vel eum, qui
illud

Si quis Jus dicenti non Obtemp. Pars I. 99
illud postulando impetraverat, eoque usus
fuerat; (§. CCLXIV.) vel eorum heredes.
L. 3. §. 5. ff. hoc tit. ad id, ut eodem jure
utantur. L. 1. §. 1. ff. hoc tit.

§. CCLXVII.

Quemadmodum vero inde, quod magistra-
tus nostri jus novum statuere nequeunt, sa-
tis patet, hujus edicti hodie nullum plane
usum esse; ita quod contra abusum jurisdic-
tionis sancitum est (§. CCLXXIII. 1.) sa-
tis incommode a doctoribus applicatur *juri*
retorsionis, quo inter se uti solent provincie,
diversis jurebus utentes. Hic sane non est ju-
risdictionis abusus, nec dolo malo jus no-
vum statuitur, nec retorsio juris fit in pœ-
nam, sed ad obtinendam æqualitatem. Æquis-
simum enim est, ut quo jure cives nostri apud
vicinos uti tenentur, eo & vicini apud nos
utantur. Quod variis exemplis illustrant
Sand. Decis. I. 17. 3. B. Stryk. *Uf. Mod.* ff. h. t.
§. IV. seq. B. Huber. *hoc tit.*

An ex hoc
edicto fit
jus retor-
sionis?

T I T. III.

Si quis jus dicenti non obtemperaverit.

§. CCLXVIII.

AD tuendam jurisdictionem (§. CCXLVIII.
3.) etiam pertinet hoc edictum. Quum
enim extremum in jurisdictione sit senten-
tia, (§. CCXLIV. 6.) eique non semper
obtemperant cives, Prætor, permittente le-
ge veteri, * edixerat, ut, qui *jus dicenti*
non obtemperaverit, is intra annum in id,
quanti ea res est, condemnaretur. L. un. §. 1.
seq. ff. hoc tit.

Edictum
adversus
eos, qui
jus dicen-
ti non ob-
tempera-
verint.

* Dionys. Halic. X. pag. 674. antiquissimam hanc
E 2 legem

legem esse ait, ἡν τὰς ἀρχαῖς πάσαι ἐξ
αὐτῆς ἀναγκάσονται, ἢ παραμύνηται εἰς τὴν αὐτῆς
ἐξουσίαν ἐμπεῖν, ut magistratibus omnibus inso-
lentes, & jurisdictioni suæ haud obtemperan-
tes, multare liceret.

§. CCLXIX.

De ejus natura axiomata. Ex quo fluunt axiomata : I. Hoc edictum persequitur illos, qui, quod extremum est in jurisdictione, non faciunt. *L. un. §. 1. ff. hoc tit.* II. Poena est quanti res est, *d. L. un. §. ult. hoc tit.* III. Judicium hoc poenale an-
nale est *d. L. un. §. ult.*

§. CCLXX.

Qui in edi- Quum itaque hoc edictum persequatur eos, cum inci-
dant? qui, quod extremum est in jurisdictione, non faciunt, (§. CCLXIX. 1) extremum autem in jurisdictione sit sententia ; (§. CCXLIX. 6) consequens est,) ut non solum, qui exsequutioni resistit, in edictum incidat, (uti vulgo tradunt,) sed & qui in causa est, ut exsequutio decernatur, e. g. qui rem mobilem a se vindicari passus non est, sed duci eam, vel ferri, passus est. *L. un. §. 1. ff. hoc tit. 2)* Ut nihil intersit, siue reus non obtemperet, siue actor, siue alterutrius tutor, curator, procurator, modo id non suo, sed dominorum periculo faciant. *L. unic. §. 2. 3. ff. hoc tit. 3)* Ut hoc edictum ad heredes non pertineat. *d. L. unic. §. ult. hoc tit.*

§. CCLXXI.

Quæ poena eo propo- Quumque poena sit, quanti res est ; (§. CCLXIX. 2) sequitur, 4) ut non obtemperans, præter rem quæ in judicium deducta est, etiam ejusdem pretium vel æstimationem præstare debuerit, adeoque poena vere in eo constiterit, quod quum alioquin, si obtemperasset, simplici rei præstatione defun-
gi po-

De in jus vocando. Pars I. 101
gi potuisset, jam ob contumaciam duplici ten-
neretur, & rei, etiam nullo jure petita,
æstimationem præstare juberetur.

§. CCLXXII.

Datur itaque ex hoc edicto actio adver- Qualis in-
sario * adversus non obtemperantem, (§. de actio
CCLXX. 2) non adversus ejus heredes, nascatur?
(§. CCLXX. 3) ad id, quanti res est, intra
annum (§. CCLXIX. 3) consequendum.

* Dupliciter ergo falli videtur vir summus, Jac.
Cujacius in *Præl. ad h. t.* quod & popularem
hanc actionem fuisse existimat, & pœnam in-
ter fiscum & actorem divisam censet. Vide
Em. Merill. *Variant. Cujac. I. 6.*

§. CCLXXIII.

Hodie magistratus in immorigeros & pro- Usus ho-
caces ex officio animadvertit pignoris capio- diernus.
ne, mandata pœnalia decernit, quin & ar-
mata manu sententias suas exsequitur. Id
quod & juri Romano consentaneum esse, ex
L. 68. ff. de rei vind. patet. Addatur V. A.
Corn. van Binkersh. *Obs. III. 14.*

TIT. IV.

De in jus vocando.

§. CCLXXIV.

Hæc de jurisdictione. Quum vero, quæ Ratio or-
diinis.
apud magistratum, jus dicentem, sunt,
in jure fieri dicantur; (§. CCXLIX. *) de
iis jam titulis in sequentibus agitur, immo
in tota, quæ restat, prima parte. Vocantur
hæc alias a Justiniano *πρότα*, qualia sunt 1)
in jus vocatio, 2) editio actionis, 3) ad-
vocatorum & procuratorum constitutio, 4)
restitutio in integrum, & 5) compromissum.

Ita fere A. A. Pagenstecher in *Admonitor.*
ad Pand. I. 68. p. 48.

§. CCLXXV.

In jus vo-
catio quo-
modo facta
ex Legibus
XII. tabu-
larum?

In jus vocatio, quæ omnium actionum in-
stituendarum principium erat, §. *ult. Inst. de*
pæn. temer. litig. ex legibus XII. Tab. ita fie-
bat privata auctoritate, ut acturus adversa-
rium, in publico deprehensum inclamaret:
ambula in jus: si hic tergiversaretur, pe-
demve strueret, præsentem antestaretur, eo-
que facto manum injicere, & invitum ob-
torto collo ad tribunal rapere posset. Quin-
tantus erat juris antiqui rigor, ut nec sene-
ctus, nec valetudo reum plane eximeret,
sed is jumento injectus ad Prætorem abri-
peretur. * *Fest. vocib. pedem struit, & strue-*
re. Gell. XX. 1.

* Ita generatim lex XII. Tabularum, de qua Jac-
Gothofred. *Tab. I.* Quamvis vero Bachov. ad
Trentl. Vol. I. Disp. IV. thes. 1. litt. B. tantum
de personis villibus, latitantibus, tergiversan-
tibus, aut vadimonium deferentibus, eam le-
gem intelligendam putet; nullo tamen idoneo
argumento sententiam probavit. Nec hone-
stioribus personis, parentibus, patronis, ma-
tronis opus fuisset privilegio, si lex tantum
ad viliores personas pertinuisset.

§. CCLXXVI.

Quid fue-
rit?

Erat itaque in jus vocatio vetus actus pri-
vatus, quo acturus adversarium, in publico
obvium; juris experiundi causa ad magistra-
tum, qui juri dicundo præerat, vocabat,
nolentemque manu injecta ducebat. *L. 1. hoc*
tit. L. 2. ff. si quis in jus voc. non ier. Un-
de eam in jus vocandi rationem quodam-
modo ignominiosam, & cultioribus insequen-
tium temporum moribus indignam fuisse,
facile colligitur.

§. CCLXXVII.

§. CCLXXVII.

Quum itaque fieret in publico ; (Paragr. *Ubi quis*
 CCLXXVI.) consequens est, 1) ut nullum *vocari*
 licuerit de domo sua in jus vocare , L. 18. *posse?*
hoc tit. multoque minus extrahere . L. 21. *eod.*
 L. 1. C. de offic. divers. jud. nisi a) criminis
 publici reum Nov. CXXXIV. cap. 5. vel β)
 fisci, reive publicæ debitorem . L. 1. Cod. de
exact. trib. L. 31. C. de decur. 2) Ut, si ad-
 versarius nec sui copiam faceret, nec defen-
 deretur , acturus in ejus bona mitti posset
 post triginta dies distrahenda . L. 19. *hoc tit.*
 L. 21. §. 2. ff. ex quib. caus. maj. Cujac. Obs. X.
 10. 3) Ut in publico conspectus, si aditum
 ad se præberet, recte in jus vocaretur , d.
 L. 19. *hoc tit.*

§. CCLXXVIII.

Quumque ignominiosa esset in jus vocatio ; An omnes
 (§. CCLXXVI.) non abs re inferebat Præ- *vocari po-*
 tor, quasdam personas plane non posse voca- *tuerint?*
 ri, quasdam impetrata demum a se venia,
 quasdam sine omni vi vocandas esse.

§. CCLXXIX.

Vocari plane non poterant I. quibus ob di- *Qui vel*
 gnitatem reverentia debebatur, quales magi- *non, vel*
 stratus, qui cum potestate erant ; L. 2. h. t. *tantum*
 II. rationis usu destituti, veluti furiosi, in- *certo mo-*
 fantes, impuberes: L. 4. pr. L. 22. *hoc tit.* III. *do vocari*
 publica solemnitate occupati, ut sacra fa- *potuerint?*
 cientes, equo publico in causâ publica trans-
 vecti, judicantes, nuptias celebrantes, fu-
 nus ducentes. L. 2. L. 3. L. 4. ff. *hoc tit.* Sive
 impetrata venia vocari non poterant I. pa-
 rentes cujuscunque sexus & gradus, etiam
 adoptivi; L. 4. §. 2. 3. L. 5. L. 6. L. 7. L. 8. h. t.
 II. patroni patronæ cujuscunque generis ;
 L. 8. §. 1. L. 9. L. 10. *hoc tit.* III. patroni pa-
 tronæ parentes, & liberi cujuscunque fe-
 xus & gradus. L. 10. §. 5. & 9. ff. *hoc tit.* De-

nique sine vi vocandæ erant matronæ, quarum pudicitia is habitus honor, ut eas attingere nefas esset adversario. Valer. Max. II. 1. 5. cujus juris vestigium superesse videtur in L. 1. C. de offic. divers. jud.

S. CCLXXX.

Actio contra vocantes sine venia?

De iis, qui sine venia vocari non poterant, edixerat Prætor, ut, si quis has personas sine permissu suo in jus vocasset, in eum quinquaginta aureorum judicium daretur. L. 4. §. 1. L. pen. hoc tit. Unde dabatur actio personis, sine venia vocatis, non earum heredibus, adversus in jus vocantem, non ejus heredem, ad pœnam L. aureorum, L. pen. hoc tit. aut si solvendo non esset, ad castigationem, Præfecti urbi arbitrio sustinendam, L. ult. hoc tit.

S. CCLXXXI.

Vetus in jus vocatio tempore Justiniani jam evanuerat?

Quamvis vero vetus illa in jus vocatio sensim evanuerit, & tempore Justiniani in jus vocatio per apparitores fieret: * §. 24. Inst. de act. Nov. LIII. c. 3. §. 1. 2. Nov. LXXIX. cap. 3. Nov. LXIX. Nov. CXII. cap. 2. jura tamen; proximis paragraphis exposita, adhuc observari consuevisse, vel inde colligas, quod ea tam fusc in Pandectis explicari passus est Imperator.

* Historiam hujus mutationis accurate tradit Cl. Noodt. ad h. t. Tom. II. Op. p. 55. Nimirum primum sub Græcis Imperatoribus rei vocari cœperunt privata quidam auctoritate, sed tamen per apparitores. L. 3. L. 7. Cod. de præscript. 30. vel 40. ann. L. 3. C. de ann. except. Postea Justinianus sanxit, ut primum actor libellum ad acta offerret, eumque reo exhiberet apparitor, reus autem huic libello conventionali subscriberet, ac fateretur, se illum eo die accepisse, simulque solutis sportulis de iudicio

cio fisci caveret; quemadmodum & ab astore præstanda erat cautio, de lite intra duos menses contestanda sub pœna dupli, item de permanendo in iudicio usque ad finem litis, necnon de decima parte summæ libello comprehensæ impensarum nomine adversario præstanda, si litem temere movisse judicaretur. Quo facto reo indulgebatur spatium XX. dierum, a momento oblatis libelli computandum, ad deliberandum utrum cedere, an contendere malit. Nov. LIII. XCVI. CXII.

§. CCLXXXII.

Diversa ab hac in jus vocatione est *citatio*, cuius jus nostrum meminit. Illa enim initio litis, & semel fiebat; hæc eo die, quo reus se adfuturum promiserat, & repetebatur, quotiescunque partes vel in iure vel in iudicio adesse oportebat. L. 7. ff. de in integr. rest. L. 10. ff. de publ. jud. Illa privata auctoritate ab ipso astore fiebat: hæc iussu iudicis per vocem præconis, vel per edictum. Vid. Fr. Duaren. Disp. anniv. l. 7. Noodt. hoc tit. p. 53.

Ab ea quomodo differat citatio?

§. CCLXXXIII.

Est itaque *citatio*, (quæ hodie sola obtinet,) legitima rei vocatio, iussu iudicis, rogatu actoris facta & ad rei notitiam rite perducta. Eaque a Doctoribus vulgo in *Verbalem* & *Realem* dividitur, quarum illam verbis vel scriptura; hanc personæ, vel rerum ejus apprehensione, quam *arrestum* vocant, fieri tradunt. Quid sit?

* Sed quum *arresto* illi non quadret definitio citationis, eique tantum in criminali persequutione, vel adversus suspectos de fuga, vel contra contumaces locus sit; L. 58. ff. de re jud. L. 3. ff. de custod. & exhib. reor. L. 10. §. 16. ff. quæ

in fraud. cred. L. 8. C. quomod. & quand. facile patet, illud non esse citationem, sed remedium, quo utendum, ne citatio fiat inutilis. V. C. Ant. Schulting. πρὸς h. t. §. IV.

§. CCLXXXIV.

Vel viva
voce fit,
vel per
scripturam,
vel modo
ordinario,
vel per
edictum,
vocemve
præconis.

Verbalis, quæ sola citationis nomen tuetur, I. vel fit *viva voce* per apparitorem, vel per *scripturam*, cui simul inferendus libellus conventionalis, ut deliberare reus possit, cedere an contendere satius sit. *Auth. Off. feratur. C. de lit. contest. II.* Eadem vel *ordinaria* est, quæ fit per scripturam reo insinuandam, vel *extraordinaria*, * quæ fit per *edictum* publice propositum, L. 1. §. 1. ff. de agn. & alend. lib. L. 68. seq. ff. de judic. vel per *voce* præconis. L. 7. ff. de in int. res. L. 10. ff. de publ. judic. Nov. CXII. cap. 3.

* Sed vel inde, quod *extraordinaria* est hæc citatio, colligas, ei ordinarie locum non esse, nisi vel lateat reus, vel ipsius citati interfit, rem ad ejus notitiam pertingere. Qualis est edictalis citatio creditorum, in concursu creditorum proponi solita. Brunnemann. de Concurs. Cred. cap. II.

§. CCLXXXV.

Citationis
materia.

Quum itaque citatio sit *vocatio legitima*: (§. CCLXXXIII.) res ipsa docet, eam complecti debere I. nomen judicis, actoris, rei. II. causam, ob quam reus se sistere debeat, (quem in finem vel libelli exemplum citationi includi, vel ejus summa in ipsa citatione repeti solet.) III. locum, ubi jus dicendum sit; IV. diem: quo reus adesse debeat, quem nec nimis propinquum esse, (pragmatici *terminum iusto angustiores* vocant) nec in diem feriatum incidere oportet. V. Actum in iudicio suscipiendum.

§. CCLXXXVI.

§. CCLXXXVI.

Quumque rite ad rei notitiam perducere debeat; (§. CCLXXXIII.) consequens est, 1) ut insinuanda sit vel *in faciem*, vel *ad domum*, L. 13. §. 1. ff. de excus. L. 1. §. 1. ff. de agn. & al. lib. vel, si nemo recipiat, adibus affingenda, L. 4. §. 5. de damn. inf. 2.) Ut, si quis extra territorium citandus sit, iudex alterius subsidio uti debeat. (Paragr. CCLIV. 5.) L. 15. §. 1. ff. de re jud. Unde divisio citationis notissima in *mediatam* & *immediatam*. Ejus insinatio.

§. CCLXXXVII.

Ceterum citationis effecta sunt varia, veluti I. quod citatum semper obstringit cogitque se sistere in iudicio: L. 2. si quis in jus voc. non ser. quamvis non semper iudex procedat in contumaciam, sed reum in expensas damnatum, iterum ac tertium citare soleat, * II. Quod interruptit prescriptionem L. 2. L. 3. C. de ann. exc. L. 3. L. 7. ff. de prescript. trigint. vel quadr. ann. III. Quod inducit preventionem & litis pendentiam, modo non fuerit circumducta. L. 5. L. 73. §. 1. ff. de iudic. L. ult. Cod. hoc tit. V. Quod in actionibus in rem, rem facit litigiosam. Auth. litigiosa C. de litig. Effecta.

* Et inde divisio citationis in *Dilatoriam* & *Peremptoriam*, quam doctores ex L. 68. & seq. ff. de iudic. exculpunt; in qua tamen lege de citatione, quæ coepta lite, & jam sententiae matura, per edictum fieri possit, agitur. Cujac. obs. X. 10. Sed quatenus iudex non statim ad primas citationes in causa procedit, eatenus recte se habet hæc divisio. L. 70. L. 71. L. 72. ff. de iud. Procedit tamen iudex post primam citationem, si actus explicandus in iudicio, qui & absente citato commode explica-

ri potest. Quod est fundamentum distinctionis in citationem *Monitoriam* & *Arbitrariam*.
B. Stryk. *Introduct. ad Prax. IV. 5.*

TIT. V.

Si quis in jus vocatus non ierit, sive quis eum vocaverit, quem ex edicto non debuerit.

§. CCLXXXVIII.

Edicta hoc
titulo ex-
plicata.

Sequuntur bina edicta, itidem ad in jus vocationem pertinentia. Priore caverat prætor, ut, si quis in jus vocatus non ierit, quum ire eum oporteret, in multam pro jurisdictione magistratus condemnaretur. * L. 2. pr. §. 1. ff. hoc tit. Posteriore autem, ut si quis vocatus fuerit, qui ex edicto non debuerit, is neque sequeretur, neque diceretur, arg. rubr. hoc tit. L. 48. ff. de v. s. & ibi Goedd. num. 1.

* Quum enim XII. Tab. cautum fuisset: In jus vocatus nequeat, Jac. Gothofred. ad leg. XII. Tab. tab. L. & cuius magistratui liceret jurisdictionem suam poenali iudicio, (§. CCXLVIII. 3.) & majestatem suam contemnentes multare, L. 5. ff. de jud. facile patet, edictum hoc juris Romani principiis satis esse consentaneum.

§. CCLXXXIX.

Ad quem
vocari ire
teneantur?

Quum itaque in jus vocato eundum esse dicitur; (§. CCLXXXVIII.) res ipsa docet,
1) id intelligi debere de magistratu, cui in vocatum sit jurisdictio. L. ult. ff. de jurisd.
2) Si dubia videatur jurisdictio, vocato nihilominus eundum esse, ut hoc sciatur, an ejus sit jurisdictio, L. 2. pr. hoc tit.

(§. CCXLVIII.)

Si quis in ius voc. non ierit. Pars I. 109
(§. CCXLVIII. 4.) 3) Edictum hoc ad
citationem ad iudicem pedaneum plane non
pertinere. L. 3. *pr. hoc tit.*

§. CCXC.

Quumque eos tantum coerceat edictum, Qui vocati non te-
neantur
ire?
quos ire oportebat; (§. CCLXXXVIII.) se-
quitur, 1) ut non sit mulctandus, qui die
feriato vocatus non ierit. L. 2. §. 1. *hoc tit.*
Nec 2) qui vel plane non, vel non sine ve-
nia Prætoris, erat vocandus; (§. CCXVI.
sequ.) quo in numero etiam sunt, qui in
vinculis, vel privatis vel publicis, habentur.
L. 48. ff. *de v. s.* Cujac. *Observ. VII. 16.*

§. CCXCI.

Quumque contemptus magistratus hoc edi-
cto vindicetur; (§. CCLXXXVIII. *) con-
sequens est, 1) ut multa sine dolo irroga-
ri nequeat, adeoque excusetur, qui ex rusti-
citate non ierit. L. 2. §. 1. *hoc tit.* 2) Ut quo
major sit magistratus dignitas, eo major mul-
cta irroganda sit ei, qui vocatus non ierit. *
L. 2. §. 1. *h. t.* 3) Ut, cessante hodie edicti
ratione, ipsius edicti non magnus usus sit,
sed contumacia reorum plane aliis remediis
coerceatur, de quibus paullo post erit agen-
dam. (Lib. II. tit. XI.)

* Legibus enim antiquis fuisse definitum, quan-
tum cuique magistratui pignus capere, quan-
tam mulctam irrogare liceret, patet ex L. 244.
fin. ff. de v. s. Tacit. *Ann. XIII. 28.*

T I T. VI.

In jus vocati ut eant, aut satis vel cautum dent.

§. CCXCII.

Edictum
hoc titulo
explica-
tum.

QUamvis in jus vocato esset eundem: (§. CCLXXXVIII.) leges tamen XII. Tabularum simul sanxerant, ut, si satisfdaret, dimitteretur. Gell. XVI. 10. L. 22. §. 1. ff. de in jus voc. In eandem sententiam edixerat Prætor, in jus vocatus ut iret, vel satis aut cautum daret: fidejussor autem pro personæ qualitate locuplex daretur. Rubr. & L. 1. ff. hoc tit.

§. CCXCIII.

Quomodo
satis dan-
dum.

Liberabat itaque hoc edictum vocatos, si satisfdarent pro personæ qualitate. Ex quo sequitur, 1) ut requirantur fidejussores locupletes, id est tales, qui & solvendo sint, & facile possint conveniri. L. 1. ff. si quis in jus voc. non ier. 2) Ut pro personis necessariis, parentibus, patronis, fidejussor qualicumque accipiendus sit. L. 1. L. 2. ff. h. t. 3) Ut, qui fidejussores locupletes accipere recusat, cum eo injuriarum agi possit; (§. C. 2.) L. 5. §. 1. ff. qui satisfd. 4) Ut in quinquaginta aureorum multam (§. CCLXXX.) incidat, qui personam necessariam, oblato qualicumque fidejussore, non statim dimiserit. L. 2. L. 3. ff. hoc tit.

§. CCXCIV.

Ufus ho-
diernus.

Enimvero, cessante hodie in jus vocatione, cessante etiam obligatione, vocantem e vestigio sequendi, facile patet, ipsum quoque edictum hoc moribus nostris haud quadrare.

Ne quis eum, qui in jus voc. Pars I. III

T I T. VII.

Ne quis eum, qui in jus vocabitur,
vi eximat.

§. CCXCV.

Q Uum ignominiosa quodammodo esset ve-
tus in jus vocatio ; (§. CCLXXVI.)
non sane mirandum est, aliquando evenisse,
ut ductus raptusque ad judicem ab amicis vi
eximeretur. Et proinde Prætor edixerat, ut
qui in jus vocatum vi exemerit, vel fecerit
dolo malo, quo magis eximeretur, adversus
eum in factum judicium daretur. L. 3. §. 2.
L. 4. §. 2. L. 5. §. 1. hoc tit.

Edictum
contra vi
eximen-
tes.

§. CCXCVI.

Ex quibus verbis JCTi intulerunt, in edi-
ctum incidere etiam eos, 1) qui per alios
exemerint, sive præsentis ipsi fuerint, sive
absentes. L. 5. pr. hoc tit. 2) Qui exemerint
etiam per calumniam vocatum. L. 5. §. 1. h. t.
Non autem 3) qui exemerint eum, qui ex
edicto vocari non posset. L. 1. §. 2. L. 2. hoc
tit. nec 4) qui exemerint servum, L. 3. pr.
h. t. vel 5) ad judicem pedaneum, vel ad
magistratum incompetentem vocatum. L. 3.
§. 1. L. 2. hoc tit. nec 6) qui eximere irrito
conatu voluit. L. 2. §. 2. hoc tit.

Qui in hoc
edictum
incidant,
vel non
incidant.

§. CCXCVII.

Dabatur itaque ex hoc edicto intra annum
actio in factum ei, qui in jus vocaverat,
ejusve, si interfit, heredi, L. 5. §. 4. hoc tit.
contra eximentem, vel, si plures exemerint,
contra singulos in solidum, L. 5. §. 3. hoc tit.
non contra eorum heredes, L. 5. §. 4. eod. in
id quanti res, de qua lis est, ab actore fue-
rit æstimata. * L. 5. §. 1. hoc tit.

Actionis
ex hoc edi-
cto oritur
descriptio.

* Ni-

* Nihil itaque in hoc textu mutandum : quod ausus est Ant. Fab. *Ration. ad hoc tit.* Petebat enim actor summam, quam libello fuerat complexus, ac prout ipse rem ab initio aestimaverat. Vid. Jac. Gothofr. *Animad. cap. I.*

§. CCXCVIII.

An aliquis illius usus? Ceterum ex ipsa citationis hodiernæ natura & indole satis patet, usum hujus edicti nullum in foris nostris superesse.

T I T. VIII.

Qui satisfacere cogantur, vel jurato promittant, vel suæ promissioni committantur.

§. CCXCIX.

Cautio
quid &
quotuplex?

Quum in jus vocatum aut ire, aut de iudicio fisci satis cautumve dare oportere; (§. CCXCH.) jam de modo hujus cautionis agitur. Cavere est securum reddere adversarium. L. 1. *hoc tit.* Quumque securitas illa præstetur, vel datis fidejussoribus, quæ proprie satisfactio dicitur, d. L. 1. vel depositis, pignoribus, L. 1. §. 9. ff. de collat. bon. vel præstito jurejurando. L. 17. C. de dignit. vel nuda repromissione, §. 2. Inst. de satisf. facile patet, cur cautio a doctoribus in Fidejussoriam, Pignoratitiam, Juratoriam, & nude Promissoriam * dividi soleat.

* In jure nostro aliquando omnes hæ species promiscue dicuntur Satisfactiones: L. 61. ff. de v. s. L. 21. §. 2. ff. de pecun. constit. L. 49. ff. de solut. Duæ priores etiam Cautiones Idoneæ vocantur. L. 59. ff. §. ult. ff. mand. L. 4. §. 8. de fideic. libert. quarta in specie Cautio appellatur.

L. 3. C. de verb. & rer. sing. Vid. Barn. Briffon.
de v. f. voce cautio.

§. CCC.

De his omnibus tenenda axiomata : I. Prætor semper exigit satisfactionem, seu cautionem per fidejussores. L. 7. ff. de præ. stipul. II. Pignoratitia admittitur; si cautio non est prætoria, vel de re certæ æstimationis ligatur, vel pars adversa in ea acquiescat : arg. L. 61. de v. f. III. Juratoria & nude promissoria solo privilegio nituntur.

De cautio-
nibus a-
xiomata.

§. CCCI.

Quum itaque cautione securus reddatur adversarius; (§. CCXCIX.) idque ordinarie fiat per satisfactionem; (§. CCC. 1) consequens est, 1) ut dandi sint fidejussores, qui se possint obligare, non mulieres, minores, servi, L. 8. §. 1. 2. hoc tit. nec privilegio fori gaudentes, nisi illi renuntient, L. 7. hoc tit. L. 1. si quis in jus voc. non ier. 2) Ut iidem debeant esse locupletes. * Præterquam si a personis conjunctis dentur, quo casu qualescunque accipiendi sunt. (§. CCXCIII. 1. 2.) L. 2. §. 2. seq. hoc tit. 3) Ut, si fidejussores vel obligari, vel locupletes esse deherint, novi, causa cognita, exigi possint. L. 8. §. 3. L. 10. §. 1. hoc tit. 4) Ut semel dati in omnem causam teneantur. L. 2. §. 5. L. 3. hoc tit. Ut cesset obligatio fidejussorum, si vel stipulatori nullum jus agendi esse appareat, L. 2. §. 1. hoc tit. vel is, qui dedit antequam judicio sistendus esset, rebus humanis excesserit. L. 4. L. 5. hoc tit.

Cautio fi-
dejussoria.

* Sintne locupletes, necne, arbitri æstimant.
L. 9. L. 10. hoc tit. Add. Cujac. Op. posthum.
Tom. II. p. 911. Cl. Schulting. πρὸς hoc tit.

§. CCCII.

§. CCCII.

Qui jurato
promit-
tant?

Quemadmodum cautio juratoria privilegio nititur; (§. CCC. 3) ita eo gaudere animadvertimus 1) viros illustres, quibus ipsa dignitas fidem conciliat. L. 17. *Cod. de dign.* 2) Possessores rerum immobilium, (quos vulgo suæ promissioni committi docent, qui error etiam in foro dominatur.) L. 26. §. 6. *Cod. de Episc. audient. L. ultim. §. 1. Codic. de sportul. L. ult. Cod. de princip. agent. in reb.* Add. Cujac. *Observ. XII. 22. & ad Nov. LIII. Noodt. ad hoc tit. pag. 59. Cl. Schult. præ hoc tit.*

§. CCCIII.

Quinam
possessores
rerum im-
mobili-
um habean-
tur?

Ut quis possessor rerum immobilium dicatur (§. CCCII. 2) sufficit 1) possessio rerum sub ea jurisdictione sitarum etiam pro parte; L. 15. §. 1. 6. *h. t.* 2) dominium etiam utile, revocabile, naturale, quod vocant, adeo ut & emphyteuta ob fundi emphyteuticarii, & uterque conjux ob fundum dotalem a satisfactione liberentur. L. 15. §. 3. *hoc tit.* etiam si de illis bonis lis mota sit. L. 15. §. 6. *h. t.* non autem 3) usufructus, spes domini, actio personalis. L. 15. §. 1. §. 4. *h. t.*

§. CCCIV.

Qui suæ
promissio-
ni commit-
tantur?

Denique ex privilegio etiam est, quod quidam suæ promissioni committuntur. (§. CCC. 3) Eo in numero sunt 1) fiscus & resp. quæ semper censetur locuples. L. 1. §. 18. L. 6. §. 1. *ff. ut legat. vel fideic. caus. car. 2.*) Clerici. L. 25. §. 1. L. 33. §. 3. *Cod. de Episc. & cler.* & hodie ex errore pragmaticorum, usu fori probato, 3) omnes rerum immobilium possessores, (§. CCCII. 2) ob male intellectam L. 15. *pr. ff. hoc tit.*

§. CCCV.

Ufus ho-
diernus?

Hodie communi fori usu cautio de iudicio sisti non nisi certis casibus exigitur: mul-
taque

Si ex noxali causa agatur. Pars I. 115
taque alia passim recepta sunt genera cau-
tionum, quæ Romani fere ignorarunt, &
de quibus infra Libr. XLVI. quædam mo-
nebinus.

TIT. IX.

*Si ex noxali causa agatur, quemadmodum
caveatur.*

§. CCCVI.

Superiore titulo generatim de cautione Edictum de cautio-
ne noxali
ter agenti
præstan-
da.
*judicio fisci actum: jam de specie singu-
lari. Nam singulare quid obtinet in judiciis*
noxalibus, (Inst. §. MCCXXVIII. seq.) de
quibus Prætor edixerat, ut, si quis eum, de
quo noxalis actio esset, judicio fisci promise-
rit, is in eadem causa, in qua tunc esset,
eum exhibere teneretur, donec acceptum esset
judicium. L. 1. pr. ff. h. r.

§. CCCVII.

Quum vero in eadem causa exhibere sit ita
exhibere, ut jus actoris non fiat deterius; Qualem
& in qua
causa fer-
vum exhi-
bere te-
neatur fi-
dejussor?
(L. 1. §. 1. hoc tit.) consequens est, 1) ut
exhibendus sit servus non alienatus. L. 1. §. 1.
L. 2. pr. hoc tit. 2) Ut non recte exhibeat,
quoad criminalem animadversionem, qui ex-
hibet manumissum, quippe tunc leniori pœ-
na afficiendum. * L. pen. ff. hoc tit. 3) Ut
cesset fidejussoris obligatio lite contestata,
ex qua quasi ex contractu securus est actor.
L. 1. pr. hoc tit. 4) Ut non committatur sti-
pulatio, capite, antequam exhiberetur, no-
xæ dato, vel casu interveniente. L. 1. L. 2.
hoc tit. L. 69. ff. de v. o.

* At idem Ulpianus, cujus est L. pen. hoc tit. in
L. 1. pr. §. 1. ff. de pen. scribit, servum, cri-
mine

mine admissio libertatem consequutum, eam penam sustinere debere, quam sustineret, si tunc sententiam esset passus, quum deliquisset. Sed posterior lex intelligenda de casu, quando servus post litis contestationem libertatem consequutus est: prior de manumissione ante litis contestationem facta. Add. Cujac. Obs. X. 22. & VV. CC. Noodt. & Schulting. hoc tit.

§. CCCVIII.

Enimvero, quum homines proprii, in vincula passim obvii, hodie ipsi ex delictis suis conveniantur, adeoque actiones noxales ex foris nostris exsulent: hujus quoque edicti nullam usum esse, res ipsa docet.

T I T. X.

De eo, per quem factum erit, quominus quis in iudicio sistat.

§. CCCIX.

Edictum
hoc titulo
explican-
dum.

Non solum VI. aliquando eximebatur in jus vocatus; (§. CCXCV.) verum dolo aliorum fiebat, quominus quis iudicio sisteret. Contra hos Prætor proposuerat edictum, minatusque erat, se adversus eos, quanti actoris interfuerit, * iudicium daturum, L. 1. pr. §. 1. L. 3. ff. hoc tit.

* Intererat autem vocanti, si interea actio exspirasset, vel dominium usucapione esset sublatum. L. 3. pr. hoc tit. Id damnum resarciendum erat ab eo, per quem factum erat, quominus quis in iudicio sisteret. Si ab hoc nihil consequebatur actor, actio restitutoria dabatur adversus reum, d. L. 3. §. 1. hoc tit.

§. CCCX.

Ex quo patet, 1) incidere in edictum qui venienti triste quid nuntiant, *L. 1. §. 2. h. tit.* five ipsi fecerint, five per alios. *L. 1. §. 1. eod.* five ob actorem in jus iturum hoc modo morati sint: five ob reum, modo eorum interfit. *L. 1. §. 3. L. 3. §. 2. hoc tit. 2.)* Actionem hanc esse poenalem, *L. 1. §. 4. hoc tit.* & contra plures impediētes dari in solidum, ita tamen, ut, uno solvente, reliqui liberentur, *d. L. 1. §. 4. 3.)* Eam cessare, si ipse adversarius in dolo fuerit. *L. 1. §. 3. L. 3. §. 3. hoc tit.*

Quinam in illud edictum incidunt?

§. CCCXI.

Fluit ergo ex hoc edicto actio *In Factum* poenalis; (§. CCCX. 2) competens tum in jus vocanti, tum vocato, si interfit, (§. CCCX. 1) eorumve heredibus, *L. 1. §. ult. h. tit.* adversus eos, per quos factum est, quo minus iudicio sisterent, non adversus eorum heredes, nisi quatenus ad hos aliquid pervenit, *d. L. 1. §. ult. hoc tit.* ad id, quanti interest. (§. CCCIX. *) cujus actionis hodie non magnus usus esse potest. B. Stryk. *Uf. Pand. hodie hoc tit. §. II.*

Actionis ex illo ortæ descriptio.

T I T. XI.

Si quis cautionibus, in iudicio sistendi causa factis non obtemperaverit.

§. CCCXII.

Diximus paullo ante, quo pacto de iudicio fisci cavendum fuerit reo. Itio in ius a vadendo dicebatur *Vadimonium*: Salmas. de modo usur. cap. XVI. p. 692. eoque nomine & ipsa cautio in iudicio sistendi causa facta, veniebat. Qui itaque cautionibus illis obtemperaverat.

Quid sit vadimonium deferere?

perabat, is *vadimonium obire*, *vadimonium sistere*, *ad vadimonium venire*; qui non obtemperabat, *vadimonium deferere* dicebatur. Cl. Schultling. *παρά τ. §. VII.*

§. CCCXIII.

Quid eremodiciū?

Quemadmodum ergo *vadimonium* deferrebat, qui in jus non veniebat constituto die; ita, si alteruter litigantium, lite jam contestata, ad iudicem pedaneum non veniret, *Eremodiciū* contrahere dicebatur. L. 7. §. ult. ff. de min. L. 13. prin. ff. judic. solv. L. 13. §. 3. 4. C. de judic. Unde Papinianus vocat *desertam litem*, quæ in iudiciū deducta. L. 31. §. 2. de neg. gest. Paulus vero *litem desertam*, quæ contestata erat. L. 11. jud. solv. Hic de *vadimonio deserto* * agitur.

* Quamvis hoc vocabulum in Pandectis ubique expunxerit Tribonianus. Vid. Salmas. de mod. usur. cap. XVI.

§. CCCXIV.

De *vadimonio deserto* editum Prætoris.

De eo, qui cautioni in iudicio sistendi causa factæ non obtemperaverit, edixerat Prætor, ut, si neque potestatem sui faceret, neque defenderetur, in bona ejus iretur. * L. 2. ff. ex quib. caus. in poss. eatur. L. 10. 11. 12. de v. f.

* Non ergo in contumaciam ferebatur sententia; si ante litis contestationem abesset reus, neque id patiebatur jus vetus: L. 2. fin. C. ubi in rem. act. Sed si reus *vadimonium* non obiret, adversus fidejussorem dabatur conditio certi vel ex stipulatu, prout certa vel incerta pœna promissa fuerat, L. ult. ff. si quis in jus voc. non ier. vel si reus latitaret, nec defenderetur, in ejus bona ibatur.

§. CCCXV.

A contu-

Attamen ab hac contumaciæ pœna liberabant

bant justæ causæ; modo nec affectatæ, nec
iis specialiter renunciatum esset. L. 2. §. 8. 9. macia ex-
cusant ju-
stæ caus-
æ.
L. 4. §. 4. *hoc tit.* Omnis autem justa vide-
tur causæ, quæ reum a suspitione doli, con-
temptæque Prætoris majestatis liberat. arg.
L. 2. §. 9. *hoc tit.*

§. CCCXVI.

Ex quo patet, excusare I. casum & infir- Quoniam
illæ sint?
mitatem, veluti valetudinem, tempestatem,
vim fluminis, furorem, languorem ex partu.
L. 2. §. 3. 4. 5. *hoc tit.* II. Vim majorem, ve-
luti captivitatem, vincula, moram a magi-
stratu objectam, capitalem sententiam, (ea-
tenus scilicet, ut fidejussor liberetur.) L. 4.
pr. §. 1. 3. L. 2. §. 9. L. 3. ff. *cod.* III. Officii
rationem, veluti munus municipale, testimo-
nii dictionem, funus domesticum. L. 2. §. 1.
2. L. 4. §. 2. *hoc t.* IV. Absentiam innoxiam,
veluti si jam de lite transactum, vel si jus
actoris factum non sit deterius. L. 2. *pr.* L. 8.
hoc tit. L. 23. *de obl. & act.* V. Purgationem
moræ intra breve tempus. L. 8. *h. t.* VI. Fe-
rias. L. 1. L. 6. ff. *de fer.* L. 2. §. 1. *si quis
in jus voc. non ierit.*

§. CCCXVII.

Si actor tribus citatus editis, quorum Quid si
actor absit,
veleremo-
diciū con-
trahatur?
unumquodque XXX. dierum spatium comple-
ctitur, se non sistit, reus anno elapso sen-
tentiam impetrare potest. Nov. CXII. c. p. 3.
Eremodiciū contrahens in litis impensas con-
demnatur, eoque absente causæ peragitur in
contumaciam. L. 73. ff. L. 13. §. 2. *seq. Cod.*
de judic. Nov. LXIX. cap. 3. CXII. capit. 3.
§. *ultim.*

§. CCCXVIII.

Hodie quoque actoris & rei contumaciam Usus ho-
diernus.
puniri, si accuserur ab adversario, palam est.
Sed praxis admodum varia. Plerumque actor,
circumducens citationem, in impensas con-
dem-

demnatur, reusque ab instantia absolutus non tenetur prius respondere, quam actor satisfecerit, se litem prosequuturum. Reus, si citationi dilatoriae non paruerit, in expensas condemnari; si peremptoriam insuper habuerit, exceptionibus dilatoriis privari solet. Quamvis hæc magis ex jure canonico esse videantur, tit. X. de dol. & contumac. tit. eod. in 6. Add. celebr. Boehmer. Jus Ecclesiast. II. 14. p. 1136. seq.

TIT. XII.

De Feriis, & Dilationibus, & diversis temporibus.

§. CCCXIX.

Ferix
quid?

INter justas causas, quæ a contumacia excusant, referuntur etiam *Feriæ & Dilationes*, (§. CCCXVI. 6) de quibus hoc titulo. Sunt autem *Feriæ dies*, qui a forensibus negotiis dant vacationem. L. pen. h. t.

* Olim dies dividebantur in *Fastos*, quibus Prætor tria verba *Do*, *Dico*, *Addico* fari poterat, (§. CCXV.) *Nefastos*, per quos tria verba silebantur, Ovid. *Fast.* 1. v. 47. Varro de *Lingua Lat.* V. 4. & *Intercisos*, quibus per aliquam diem partem forum fervebat, altera parte a litibus vacua. Macrobi. *Saturn.* l. 16. *Nefasti* iterum non erant unius generis. Alii enim erant *Allienses*, alii *atri*, alii, quibus rex comitiavirfas. Varr. V. 5. Gell. IV. 9. Add. Rad. Forner. *Rer. quotid.* II. 21. alii *feriati*, qui, abolita superstitione paganica, soli nefasti manserant. Unde de his præcipue agitur hoc titulo.

§. CCCXX.

Quotupli-
ces?

Ex his aliæ sunt *Divinæ*, quæ religioni & cultui divino dicatæ, L. ult. c. h. t. aliæ *Humanæ*,

De Feriis, & Dilationibus. Pars I. 121

manæ, quæ hominum, negotiorumque humanorum causa institutæ. Utræque iterum dividuntur in *Solemnes*, quæ statò tempore recurrunt, & *Repentinæ*, quæ urgente aliqua causa extra ordinem indicuntur. L. 26. §. 7. ff. ex quib. causis. maj.

§. CCCXXI.

Divinæ *solemnes* potissimum sunt, quæ in fastis vel calendariis signantur, veluti Natalis Domini, Pascha, Pentecostes, Anni sæculares; *repentinæ* Supplicationes ob res prosperè gestas, vel calamitatem publicam. *Humanae* *solemnes* præcipuæ feriæ Messium ab VIII. Kal. Jul. ad Kal. Aug. Vindemiarum a X. Kal. Sept. ad Id. Octobr. L. 1. pr. L. 4. ff. L. 2. L. 7. C. hoc tit. Ant. nostr. Rom. IV. 6. 11. Nundinarum, L. un. C. de nund. & olim Kalendarum Januariarum, quæ hodie in divinarum numero sunt. *Repentinæ* variæ esse possunt ob lætitiæ aliquam publicam, adventum Principis vel Præsidis, cladem vel luctum publicum, &c. V. A. Corn. van Bynkersh. Obs. II. 6.

§. CCCXXII.

Quum itaque feriæ vacationem dent a negotiis forensibus; (§. CCCXIX.) sequitur, 1) ut eæ a solo Principe, vel summa potestate sint indicendæ; L. 4. hoc tit. quamvis libera Rep. magistratibus ea potestas competeret. Macrob. Saturn. I. 16. ipsique Imperatores Præsidibus id indulgerent, ut feriis messium ac vindemiarum, ob climatum diversitatem, certa tempora possent assignare. L. 4. ff. h. t. L. 7. de off. procons.

§. CCCXXIII.

Quumque Feriæ divinæ cultui divino sint dicatæ; (§. CCCXX.) consequens est, 1) ut tunc silere debeat strepitus forensis, omnesque actus judiciales, iis diebus explicati, ipso jure nulli sint. L. 2. L. 7. L. 8. L. ultim.

§. 1. *C. hoc tit. 2.*) Ut & artium officia, negotiationes, operæ, iis diebus merito interquiescant. *L. 3. L. ult. pr. §. 1. C. eodem 3.*) Ut his feriis recte expediantur, quæ vel cultum divinum non turbant, veluti actus voluntariæ jurisdictionis, *L. 2. L. 8. Cod. hoc tit.* vel moram non ferunt, ut persecutio facinorosorum, *L. pen. C. cod. L. 3. C. de episc. aud. disciplina militaris, L. pen. hoc tit. & agricultura necessaria. L. 3. C. hoc tit.*

§. CCCXIV.

Quid humanis?

Quumque feriæ humanæ tantum hominum causa sint institutæ; (§. CCCXX.) facile patet 1) eas quoque conjunctas esse cum iustitia. *L. 2. L. 7. C. eod. 2.*) Speciatim ferias messium & vindemiarum omnibus prodesse, *L. 1. pr. L. 6. ff. hoc tit.* attamen multo minus dubitandum esse, quin quæ moram non ferunt, his diebus possint expediri. *L. 1. §. 2. L. 2. L. 3. ff. hoc tit. L. 1. §. 4. ff. de nor. op. nunt. 3.*) Cognitiones, & sententias tempore feriarum publicatas, nullius momenti esse, nisi partes ultro suo juri renuntiaverint. *L. 1. §. 1. ff. hoc tit.*

§. CCCXXV.

Dilationes, quid & quotuplices?

Dilationes, de quibus altera pars tituli agit, sunt dierum, rei in judicio peragendæ præfinitorum, prorogationes: *L. 3. C. de temp. in integr. rest.* eæque, si a partibus sibi invicem conceduntur, *Conventionales*; si ab ipsa lege, *Legales*, si denique a iudice, *Judiciales* a doctoribus vocantur.

§. CCCXXVI.

Legales.

Legalium permultæ sunt, veluti 1) decem dierum a citatione dilatoria, *L. 68. ff. de judic. 2.*) viginti dierum, ab in jus vocatione reo ad deliberandum concessarum; (§. CCLXXXI.) *Auth. generaliter. C. de lit. cont. 3.*) trium mensium, si probatio in eadem provin-

vincia, sex mensium, si extra provinciam in
continenti tamen, novem, si in transmarina
provincia suscipienda. *L. 1. C. de dilat. Auth.*
jubemus C. de judic. Auth. at qui C. de prob.
4) quatuor mensium a re judicata, &c. *L.*
ult. C. de usur. rer. jud.

§. CCCXXVII.

Quia autem concessio dilationis pertinet
ad jura litigantium; consequens est, 1) ut
ipsæ partes conventionem sibi invicem possint
dilationes in infinitum indulgere. 2) Ut ju-
diciis potestas sit restrictior, adeo ut in ra-
tionibus reddendis reo unam vel alteram,
actori nullam; *L. 1. Cod. de dil. L. 5. fin. ff. de*
dol. & met. exc. in causis pecuniariis, nisi
quid improvisum emerferit, tantum unam,
L. ultim. L. 7. ff. hoc tit. in criminalibus reo
tres, accusatori duas, sed non nisi causa co-
gnita, concedere possit, L. 41. ff. ad L. Jul.
de adult. 3) Ut alterutri concessa dilatio
utrique sit communis. L. 3. L. 6. C. de temp.
in int. rest. 4) Ut omne tempus dilationis
sit continuum. L. 3. Cod. hoc tit. L. 2. vers.
pen. Cod. de temp. appell.

Conven-
tionales &
judiciales.

§. CCCXXVIII.

Tertia pars rubricæ est de diversis tempori-
bus. At quænam illa? Cujacius in *Parat. hoc*
tit. suspicatur, Pandectarum compilatores in-
tellexisse ipsas dilationes a lege concessas.
Jac. Gothofredus in Manuali Ser. ff. p. 26.
huc refert dies messium, vindemiarum prid.
Kal. Jan. & similes. B. Huberus *h. t. de tem-*
poribus, intra quæ lites finiendæ, (de qui-
b. L. 13. L. ult. Cod. de jud. L. 54. Cod. de de-
curion.) agi debuisse existimat. Nobis, quid
promittat Tribonianus, non liquet: id li-
quet, cum, quod promisit, non præstitisse.
Addemus quædam de tempore generatim,
F 2 cujus

De quibus
diversis
tempori-
bus rubri-
ca loqua-
tur?

cujus potiores periodi sunt, *dies*, *mensis*, *annus*.

§. CCCXXIX.

Dies quo-
tuplex?

Dies est vel *Naturalis*, qui a solis ortu ad occasum porrigitur, & cui opponitur *tempus nocturnum*, L. 2. §. 1. L. 124. L. 134. ff. de v. s. vel *Civilis*, qui complectitur totum *vix* *diebus* viginti quatuor horarum, apud Romanos a media nocte ad mediam noctem computatum. L. 8. hoc tit. L. 5. ff. qui test. fac. poss. L. 6. L. 7. ff. de usucap. Hic inceptus pro completo habetur, non ille: hic in iis, quæ ad jus & leges pertinent, potissimum consideratur; ille in his, quæ ad factum naturalemque actionem pertinent. * Vid. Jo. Goedd. ad L. 2. §. 1. de v. s.

* E. g. in jure reddendo, solis occasus suprema tempestas erat ex lege XII. tabularum. Vide Gell. N. A. XVII. 2. Plin. Hist. Nat. VII. 5. 50. Varr. de Ling. Lat. V. 2. VI. 3.

§. CCCXXX.

Mensis.

Mensis spatium, quamvis non semper ejusdem quantitatis sit, a Jctis tamen fere accipitur pro XXX. diebus. L. 40. ff. de reb. cred. L. 101. ff. de r. j. adeo, ut nec diem intercalarem connumerarent. L. 98. ff. de v. s. L. 2. ff. de divers. & temp. præsc. V. A. Bynkersh. Obs. IV. 8. p. 368.

§. CCCXXXI.

Annus cō-
tinuus &
utilis.

Annus vel est *continuus* CCCLXV. dierum civilium, L. 4. §. 5. de statu lib. vel *utilis*, totidem dierum naturalium; in quem tamen numerum non nisi illi, quibus experiundi potestas est, referuntur, id est, quibus vel notitiam rei habuimus, vel Prætor sui faciebat copiam. * L. 1. ff. de div. & temp. præsc. L. 55. ff. de Emil. edict. Ex quo facile etiam intelliges, qui dies & menses dicantur.

* Quum autem difficilis sit hujus anni computatio: Justinianus in restitutionibus in integrum, annum utilem in quadriennium continuum mutavit. L. 7. ff. de temp. in int. rest.

T I T. XIII.

De edendo.

§. CCCXXXI.

H Actenus de in jus vocatione: sequitur Ratio ordinis. doctrina de edendo, quam ita cum superiore coherere fingunt, quod & hæc fuerit iusta causa non eundi, si in jus vocans edere noluerit actionem. Cujac. Obs. X. 10. Jac. Gothofr. Manual. jur. in Ser. ff. p. 26. Sed quum actionem in jure demum edendam fuisse ex L. 1. §. 1. hoc tit. & Plaut. Pers. IV. 9. v. 9. & Aulul. IV. 10. v. 30. manifestum sit; veriore ordinis rationem dixeris, partim, quod si non ederetur actio iusta, hæc esset dilationem petendi causa, Noodt. hoc tit. pag. 64. partim quod editio actionis esset alterum, quod supra inter prædicta, seu ea, quæ in jure sunt, retulimus. (§. CCLXXIV.)

§. CCCXXXIII.

Edere est copiam describendi facere, vel in libello complecti & dare, vel dictare, edere, & vel adversarium ducere ad album, & demonstrare, quid dictaturus sit ex edicto. L. 1. §. 1. ff. hoc tit. Et his modis edebantur Actio, Instrumenta, & ab argentariis Rationes, nisi quod postremus modus ad actiones solas pertinebat.

F 3

§. CCCXXXIV.

§. CCCXXXIV.

Quid a-
ctio? quid
libellus?

De actione edixerat Prætor, ut qua quis-
que actione agere vellet, eam edere cogeretur.
L. 1. pr. h. t. Erat autem actio formula agen-
di, (§. XXXIV. 1.) vel ex albo prætoris re-
citata, (§. CCCXXXIII.) vel libello com-
prehensa. Sed quum formulæ jam pridem
evanuerint; (L. 1. 2. C. de form. subl.) adhuc
in usu est libellus, per quem intelligimus
scripturam, intentionem actoris complexans.
L. 1. §. 1. L. 6. §. 7. hoc tit. §. 24. Inst. de act.
L. 7. ff. de inoff. test.

§. CCCXXXV.

Libelli
materia.

Pit itaque hodie actionis editio, vel viva
voce, vel, quod magis receptum, per obla-
tionem libelli. Quumque libellus intentionem
actoris complecti debeat; (§. CCCXXXIV.)
consequens est, 1) ut is constet facti narra-
tione, causâ petendi,* & conclusione seu peti-
tione, factâ congrua. ** §. 1. C. 14. Inst. de
act. L. 6. ff. de r. v. Unde ejus materiam Do-
ctores vulgo ad formam syllogismi reducere
solent.

* Causâ petendi in actionibus personalibus asse-
renda, & quidem specialis, adeoque non suf-
ficit ita egisse: Ajo, te mihi centum dare de-
bere ex contractu: sed exprimendum est genus
contractus, veluti ex empto, mutuo, locato.
In actionibus realibus generalis sufficit petendi
causâ, id est jus in re, ex quo agitur, quam-
vis non exprimat modus acquirendi: e. g.
Ajo, hunc fundum meum esse jure domini.
L. 14. §. 2. juncta L. 11. §. 2. ff. de exc. rei
jud. L. 33. ff. de judic. L. 3. C. hoc tit. Attamen
& hic præstat, adjunxisse causâ specialem,
ut si causâ ceciderim, possim ex alio funda-
mento agere, nec mihi obset exceptio rei ju-
dicatæ. Gail. Obs. L. 16. Schoten. h. t.

** Petitio certa esse debet, non vaga. §. 32. *Inst. de act.* Admittitur tamen aliquando petitio generalis 1) in judiciis universalibus, L. 7. ff. si pars her. pet. 2) in causis criminalibus, L. 1. §. 4. ff. ad SC. Turpil. 3) in actionibus, in quibus ex post facto demum fieri potest estimatio. L. 76. §. 1. ff. de r. v. L. 24. ff. de r. j. L. ult. ff. de pret. stipul. Aliquando & disjunctiva est petitio, si talis est obligatio rei: L. 16. §. 3. ff. de pign. L. 75. §. 8. ff. de v. o. Addunt actionem ex L. 2. C. de resc. vend. Sed ea tantum ad rescissionem agendum, quamvis rei deinde sit electio.

§. CCCXXXVI.

Ex eodem sequitur, 2) ut plures actiones, quæ ad idem tendunt, non sint cumulandæ, arg. L. 6. ff. de exc. rei judic. L. 76. §. pen. de legat. 2. L. 43. §. 1. ff. de r. j. nisi ita cummlarentur, ut unam postea, qua uti velis, eligas. §. 4. *Inst. quod cum eo.* L. 1. §. 4. ff. quid legat. L. 17. ff. de præscr. verb. L. 1. ff. de Public. in rem act. Senec. de Clem. 11. 3. 3) Ut tamen recte cumulentur actiones de rebus diversis, & ad diversa tendentes, modo non sint sibi invicem contrariæ. L. ult. Cod. de annal. exc. Ital. contr. toll. L. 11. pr. ff. de jurisd.

An plures
actiones
possint cum-
mulari?

§. CCCXXXVII.

Porro inde patet, 1) libellum requiri brevem, & qui nihil supervacuum contineat. L. ult. §. 1. C. de appell. 2) clarum, ex quo factum & intentio actoris facile intelligatur, arg. *Auth. generaliter Cod. de lit. cont.* 3) aptum, ut congrua sit factio & causæ petitio. 4) certum denique, ut reus, quid quantumque a se petatur, intelligat. Quamvis ex odex, pro re nata, defectum sanabilem ex of-

Virtutes
libelli.

128 *Pand. Lib. II. Tit. XIII.*
ficio nobili supplere possit. * arg. L. 12. ff.
de reb. dub.

* Alioquin ipse actor libellum *Emendare* potest,
tam ante litem contestatam, quam iudicio
jam accepto. §. 33. 34. *Inst. de act.* Nec gene-
re actionis *Mutato*, nova opus est instantia:
d. §. 34. 35. *Inst. de act.* ex quibus textibus etiam
patet, non licuisse olim vel emendare vel mu-
tare actionem lite jam contestata, nisi impe-
trata in integrum restitutione. Vid. V. C. Ge-
rardi Noodt. *de Jurisd. I.* 13.

§. CCCXXXVIII.

Varia li-
bellorum
clausula.

Denique inde patet, 5) plerasque formu-
las & clausulas, quas commendat acuta prag-
maticorum natio, esse supervacuas immo ali-
quando ridiculas. 6) Nec ex numero exi-
mendam esse formulam petendi restitutionem
impensarum, a iudice quippe ex officio de-
cernendam: L. 79. pr. ff. L. 13. §. 6. *Cod. de*
judic. quamvis in foro aliquando aliter sen-
tire soleant.

§. CCCXXXIX.

Editio in-
strumento-
rum.

Præter actionem, etiam *Instrumenta* edun-
tur, una cum libello, ut adversario eo pro-
clivius sit deliberare, cedere, an contendere
malit. (§. CCCXXXIII.) Unde ea in re
plus reo indulgent leges, quam actori, im-
primis, quum non ferendum videatur, ut
quis tela, in jugulum suum defigenda, sub-
ministret adversario.

§. CCCXL.

Quis ede-
re de-
beat?

Ex quo intulerunt Jcti, 1) actorem de-
bere reo edere instrumenta, quibus usus
sit, L. 1. §. 3. L. 2. *hoc tit.* L. 7. C. *de rest.* non
ea, quibus usus non est: nisi sint commu-
nia. L. 2. L. 7. C. *h. t.* L. 5. ff. *fam. ere.* vel reus
iis ad excipiendum usus sit. L. 5. C. *h. t.* 2)
Reum ad editionem non obstringi, nisi a)
iis actor

iis actor usurus sit ad probandam replicationem, *L. fin. C. h. t. β*) vel instrumenta sint communia, *L. 7. C. h. t. γ*) publica auctoritate confecta, *L. 2. C. L. 3. L. 4. ff. hoc tit. vel δ*) nisi causa sit fiscalis, *L. 3. h. t. L. 2. §. 1. ff. de jur. fisc. vel ε*) alia iusta ratio id suadeat. *L. 2. C. hoc tit. L. 95. §. ultim. ad L. Falc. L. 5. ff. de jur. delib. L. 4. ff. de act. emt. 3*) Ut & tertius ad edenda instrumenta compelli queat, Cujac. *Obs. X. 8. 4*) nec fiscus editionem detrectet, modo quis editis contra eum vel civitatem non utatur. *L. 45. §. 6. de jur. fisci.*

§. CCCXLI.

Quumque editio instrumentorum non probationis causa fiat, sed ut eo proclivius alteri sit deliberare; (§. CCCXXXIX.) consequens est, 1) ut edenda tantum sint instrumentorum exempla, etiam non subscripta, *L. 11. ff. h. tit. 2*) Ut tamen integra edenda sint necessario, nec sufficiat, si locus, qui ad rem instruendum pertinet, inde exscribatur. *L. 1. §. 4. h. t. 3*) Ut sine die & consule possint edi. *L. 1. §. 2. h. t. ne quid exco-gizetur ex die & consule, & prelato die fiat.* Quæ verba explicat Cujac. *Obs. III. 7.*

§. CCCXLII.

Quum denique plerumque editio molesta videatur hominibus, & ideo sæpe illam detrectent; consequens est, ut proditum esse debeat medium hanc contumaciam coercendi. Hinc, si actor edere nolit, incommodo afficitur, ceu colligitur ex *L. 1. §. ult. hoc tit.* sed quali? procul dubio, ut iis postea instrumentis uti non possit, adeoque, aliis destitutus probationibus, causa cadat, nonnisi ex iusta causa restituendus. *L. 1. §. ult. h. t.* Cl. Schult. *πρὸ τ. h. t.* Reus edere detrectans pro confesso habitus videtur. Hann. ad We-

Quomodo
sit edi-
tio?

Quid si
ei requis
no. t?

señb. *hoc tit.* Tertius denique in omne damnum ei, qui editionem petit, tenebatur. Hodie si quis neger, se possidere, defertur ei iusjurandum, quod nec possideat instrumentum, nec dolo possidere defierit, modo, qui petit, prius juret de calumnia.

§. CCCXLIII.

Argentarii
qui?

Denique & *Argentarii* tenentur edere rationes. (§. CCCXXXIII.) Erant autem *argentarii*, qui pecunias fœnori dabant, actiones habebant, aliis solvebant, pro aliis constituiebant, rationes conficiebant, pecuniam suo periculo trajici patiebantur. *z. r. r.*

* *Cic. pro Flacc. cap. XIX. Cujac. Obs. X. 14. Salmas. de Usur. cap. XVII. p. 499.*

* Differunt itaque a *Nummulariis*, quia argentariorum negotiatio publicam causam habebat. *L. 10. §. 1. hoc tit.* Unde & mensæ argentariorum in foro positæ erant: *Cujac. ib.* hi autem privatim collybisticam exercebant. Ad hos tamen edictum fuisse prolatum, ex *L. 9. §. 2. hoc tit.* colligas.

§. CCCXLIV.

De his Prætor
quid
edixerit?

Quum itaque argentariorum negotiatio publica causam habere videretur: (§. CCCXLIII. *) non iniquum erat edictum Prætoris, ut rationem cuilibet, quantum ad eum pertineat, edant, adjecto die & Consule. *L. 4. pr. hoc tit.*

§. CCCXLV.

Quomodo
rationes
edere de-
beant?

Ex quo sequitur, 1) ut non totum librum inspiciendi, describendique copiam facere teneatur argentarius; sed eam tantum rationis partem, quæ ad instruendum alterum pertinet. *L. 10. §. 2. hoc tit.* 2) Ut edere debeat cum die & Consule, sine quibus accepta & data haud intelliguntur. *L. 1. §. 2. L. 6. hoc tit.* 3) Ut & heredes argentarii edere debeant.

beant. L. 4. §. 2. seq. L. 6. §. 1. L. 9. §. 1. eod. 4) Ut non immerito editionem petens prius præstare debeat iurjurandum calumniæ. L. 6. §. 2. L. 9. §. 3. hoc tit.

§. CCCXLVI.

Recte etiam ex ipsa hujus negotiationis Quoloq: indole collegerunt veteres, §) editionem fieri debere in loco , ubi argentaria exercetur , alio autem loco , descriptum dumtaxat sumptibus petentis dari oportere . L. 4. §. ultim. L. ult. hoc tit.

§. CCCXLVII.

Datur ergo hoc nomine intra annum actio Quæ a lio in factum ei, cuius interest, ejusve heredi, ad id p- dita ? L. ult. hoc tit. contra argentarium, ejusve heredem (§. CCCLXV. 3.) dolo malo non edentem ad id, quod intererat actoris, quum rationes edere argentarius juberetur . L. 8. pr. §. 1. ff. hoc tit.

T I T. XIV.

De Pactis .

§. CCCXLVIII.

Redit Tribonianus ad causas, quæ in jus Ratio or- vocatum ab eundo liberabant. Quo præ- dinis. cipue etiam ex lege XII. Tabularum pertinebant Pacta & Transactiones. Unde hoc titulo de pactis ; sequente de transactionibus agitur .

§. CCCXLIX.

Pactum, vel Conventio, est duorum plu- Quid pa- riumve in idem placitum de dando aliquo fa- ctum, & ciendore consensus. L. 1. §. 2. hoc. t. consensus, quotuplex consensus? vel verus est, vel præsumptus. Verus vel signis ordinariis, veluti verbis, litteris, immo nutu L. 52. §. penult. ff. de o. & a. ex-

§. CCCLVI.

Adjecta *Pactum adjectum vel contractui bonæ fidei*
 quæ pro- accedit, *vel stricti juris*. Contractui b. f.
 ducant a- adjectum, pro ejus parte habetur, si in con-
 ctionem? tinenti adjectum sit. L. 7. §. 5. *hoc tit.* nec
 naturæ contractus adversetur: L. 27. ff. *de r. j.*
 adeoque & actionem, quæ ex illo contractu
 est, producit. L. 7. §. 5. 6. ff. L. 13. c. *hoc tit.*
 Sin ex intervallo accessit, non nisi ad excep-
 tionem prodest, æque ac si contractui stri-
 cti juris adjectum sit. L. 6. §. 5. 6. L. 13. c.
hoc tit. L. 15. §. 1. ff. *de reb. cred.* Naturæ con-
 tractus repugnans plane inutile est, & nec
 actionem, nec exceptionem producit. L. 14.
 L. 29. §. 2. ff. *pro soc.* L. 13. *pr. hoc tit.* Pactum,
 contractui stricti juris adjectum quomodo-
 cunque, nec contractui inest, nec actionem
 producit, sed exceptionem, L. 7. §. 5. 6. ff.
 L. 13. c. *hoc tit.*

§. CCCLVII.

Pacta in Deinde pacta quædam *in rem* sunt, si ge-
 re & per- neraliter paciscar, ne petam: quædam *in*
 sonam. *personam*, quoties, ne a certa persona pe-
 tam, paciscor. L. 7. §. 8. *hoc tit.* Ex quo se-
 quitur, ut pacta *in rem* & heredibus & fi-
 dejussoribus profint; pacta *in personam* non
 item. L. 22. *pr. §. ult.* L. 40. *pr. L. ult.* L. 25.
pr. §. 1. ff. hoc tit.

§. CCCLVIII.

Pacta ex- Denique pacta quædam *expressa* sunt, quæ
 pressa & expresso consensu; (§. CCCXLIX.) quædam
 tacita. *tacita*, quæ *tacito* ineuntur. L. 2. *pr. ff. hoc tit.*
 Sic tacite remissum videtur debitum, reddi-
 to chirographo; L. 2. c. *h. t.* jus pignoris re-
 missum, reddito pignore. L. 1. §. 1. *de lib.*
leg. L. 9. c. *de remiss. pign.*

§. CCCLIX.

Contractus Contractus veri, & quasi con-
 tractus. Pacto stricto accepto opponitur *contractus*,
 qui quum sit conventio; (§. CCCLII.)

con-

conventio autem in idem placitum consensus, (§. CCCLIX.) consensus denique in *verum & præsumptum* dividatur; (dict. §. CCCXLIX.) hinc & contractus, qui vero consensu ineuntur, *contractus veri*, qui ex consensu præsumpto, & propter æquitatem ficto nascuntur, *obligationes quasi ex contractu* appellantur.

§. CCCLX.

Quumque contractus habeant vel nomen & causam simul, vel causam tantum; (§. CCCLII.) priores *nominati*, posteriores *innominati* appellantur: * quales sunt illi quatuor: *Do, ut des: Do, ut facias: Facio, ut des; Facio, ut facias.* L. 7. §. 1. 2. ff. h. t. L. 1. §. 2. de rer. permut. Quumque ii innominati contractus ex una saltem parte causam habeant, sequitur, ut ex parte ejus, qui nondum satisfecit contractui, sint instar pacti nudi, & hinc alteri, qui jam dedit, vel fecit, jus sit poenitendi, quamdiu alter non adimplevit contractum. L. 3. §. 2. L. 5. pr. seq. ff. de condict. caus. dat. L. 5. §. 1. ff. de prescr. verb. Quod hodie secus se habet. (§. CCCLXXVI.)

Veri vel nominati, vel innominati.

* Ex quibus definitionibus consequitur, ut contractus *nominati* etiam actionem sui nominis producant, (§. CCCLI.) ex *innominatis* autem actio generalis *prescriptis verbis* vel *in factum* nascatur. L. 17. §. ult. L. 22. ff. de prescr. verb.

§. CCCLXI.

Causa, quam & *nominati* & *innominati* contractus habent, (§. CCCLX.) est *rei traditio*, vel *verborum solemnitas*, vel *scriptura*, vel *nudus consensus*. Et hinc contractus, qui *rei* traditione substantiam capiunt, *Reales*: * qui verbis solemnibus perficiuntur, *Ver-*

Vel reales, vel verbales, vel litterales, vel consensuales.

Verborum Obligationes; qui *litteris* constant, *Litterales*; qui solo denique consensu incurrunt, *consensuales* dicuntur. §. 2. *Institur. de obligat.*

* *Reales*, præter innominatos omnes, sunt *mutuum*, *commodatum*, *depositum*, *pignus*: *Verbalis* jure novo, sola *stipulatio*: (*Inst. §. DCCCXXVIII.*) *Litteralis*, contractus *chirographarius* à *Justiniano* inventus: *Consensuales*, *emptio venditio*, *locatio conductio*, *emphyteusis*, *societas*, *mandatum*.

§. CCCLXII.

Quid quasi
si contra-
ctus?

Obligationes quasi ex contractu sunt, quæ ex consensu præsumpto, vel a legislatore ob æquitatem ficto, oriuntur. (* §. CCCLIX.) Inducitur autem consensus ex regulis æquitati vel maxime consentaneis: I. Nemo cum alterius damno sine ratione debet locupletior fieri. *L. 14. ff. de cond. ind.* II. Qui vult, quod antecedit, non debet nolle, quod consequitur. III. Quisque videtur probare id, quod sibi afferat utilitatem. *x. t. l.*

* Talia negotia sunt *negotiorum gestio*, *tutela*, *hereditatis aditio*, *hereditatis vel rei communio*, *indebiti solutio*, & alia complura. Hæc enim in tit. *Inst. de obl. quæ quasi ex contr. tantum exempli causa* afferuntur.

§. CCCLXIII.

Contractus
joris gen-
tium & ci-
vilis.

Dividuntur porro contractus ratione originis in eos, qui sunt *Juris Gentium*, ut *emptio*, *venditio*, & plerique omnes, & eos, qui *Juris Civilis*, quales sunt *stipulatio* & *obligatio litterarum*. *L. 5. ff. de just. et jur.*

§. CCCLXIV.

Unilatera-
les, & bi-
laterales.

Præterea ratione obligationis, quam gi-
gnunt, vel sunt *ΜΟΝΟΠΛΕΤΟΙ*, seu *UNI-*
LATE-

LATERALES, vel ΔΙΠΑΕΥΡΟΙ, seu **BILATERALES**. Quemadmodum enim in illis unus tantum contrahentium obligatur, veluti in *mutuo*, *stipulatione*, *obligatione litterarum*, *solutione indebiti*, ita in his uterque obligatur, * ut in *emptione venditione*, *locatione conductione*, &c.

* Vel statim *ab initio*, ut in *emptione venditione*, *locatione conductione*, vel *ex post facto*, si alter impensas fecit, vel damnum passus est. Priore casu actio utraque est *Directa*; posteriore altera *Directa*, altera *Contraria* dicitur, quæ semper datur ad indemnitatem consequendam.

§. CCCLXV.

Denique, quoad effectum, alii *Bona Fidei* Bona fidei & stricti juris. sunt, uti bilaterales omnes, alii *Stricti Juris*, uti unilaterales, quorum de discrimine alio loco egimus, (*Inst. §. DCCCLXXXI.* *) quamvis ejus hodie ulum fere nullum superesse, plerique ingenue fateantur.

§. CCCLXVI.

Hactenus de variis conventionum speciebus. Jam, ut ad pacta latius accepta (*§. CCCXLIX.*) redeamus, ex eorum definitione fluunt axiomata: I. Pacta sine consensu non intelliguntur. II. Ineuntur inter personas. III. Iis promittunt paciscentes, aliquid daturus aut facturos.

§. CCCLXVII.

Quum pacta sine consensu non intelligantur; (*§. CCCLXVI. 1*) consequens est, 1) ut, qui consentire possunt, & pacisci possint, si aliud non obstat, adeoque & cæci, surdi, muti, *L. 4. §. 1. hoc tit. 2*) ut pacta inire nequeant furiosi, mente capti, *§. 8. Inst. de inutil. stip. L. 5. L. 40. ff. de r. j.* infantes, *§. 9. Inst. de inutil. stip. &*, qui furiosis comparantur, pro-

De natura conventionum axiomata.

Qui pacisci possunt?

prodigi. L. 1. ff. de cur. furios. L. 40. ff. de r. j. L. 6. ff. de verb. obl.

§. CCCLXVIII.

An & im-
puberes &
minores?

Ex eodem patet, 3) impuberes, licet con-
sentire, aliosque sibi obligatos habere pos-
sint, tamen, quia nondum perfectum eorum
est animi iudicium, sua promissione tantum
naturaliter obligari, §. 9. *Inst. de inut. stipul.*
L. 25. §. 1. ff. quando dies leg. L. 111. ff. de
r. j. non civiliter sine auctoritate tutorum.
L. 6. de v. o. L. 9. pr. de auct. tut. 4) Mi-
norem contra & sine curatoris consensu, ci-
viliter se obligare. * L. 101. ff. de v. o. L. 43.
ff. de o. & a.

* Vulgo aliter sentiunt, sed sola fere consili
L. 3. C. de in int. rest. min. ubi tamen non di-
citur, contractum a minore initum esse nul-
lum, sed eum non servari, & minorem implo-
rare in integrum restitutionem, si necdum tem-
pora prefinita excefferint, causa cognita non
prohiberi. Si vero contractus restitutione in
integrum rescinditur, valet proculdubio ipso
jure: si valet ipso jure, minor obligatur ci-
viliter. Vid. Ampl. Zach. Huger. *Diss. Lib. III.*
p. 504. edit. nov.

§. CCCLXIX.

An filiifam-
ilias &
servi?

Deinde quum pacta ineant personæ; (§. CCCLXVI. 2) consequens est, 1) ut paci-
sci inter se non possint pater & filius, (§. CXLVIII. 1. 2) L. 7. ff. de obl. & act. §. 6.
Inst. de inut. stip. L. 2. pr. ff. de contr. empt.
nisi de rebus castrensisibus & quasi castrensi-
bus. L. 2. ff. ad SC. Macedon. 2) Ut nec
duo filiifamilias, in ejusdem patris potestate
constituti, pactum inire queant. L. 38. ff. de
condict. indeb. 3) Ut nec servi se obstrin-
gere possint, nisi naturaliter; (§. CXXXII.)
L. 14. ff. de obl. & act. L. 21. §. 1. hoc tit.
§. CCCLXX.

§. CCCLXX.

Inde etiam est, 4) quod pacta tantum Pacta cur
tertio nec
valent inter paciscentes, adeoque tertio nec
profunt, nec obsunt, §. 19. *Inst. de inut. stip.*
L. 11. ff. de o. & a. L. 17. §. pen. L. 27. §. 4.
L. 73. §. ult. L. 74. hoc tit. nisi sint pacta in
rem, (§. CCCLVII.) vel ipsius stipulantis
inter sit, id, quod tertio promissum, præsta-
ri. §. 22. *Inst. de inut. stipul.*

§. CCCLXXI.

Quamvis vero pactis non omnibus adhistat Edictum
Prætoris
de pactis
servandis.
jus civile; (§. CCCL.) ea tamen se serva-
turum pollicetur Prætor edicto illo pulcher-
rimo: *Pacta conventa, que neque dolo malo,*
neque adversus leges, plebiscita, Sæta, edicta
Principum, neque quo fraus cui eorum fiat,
facta erunt, servabo. L. 7. §. 7. hoc tit.

§. CCCLXXII.

Non itaque servat Prætor pacta 1) dolo Quæ pacta
malo vel vi inita, L. 116. ff. de r. j. L. 2. non ser-
vet?
§. 8. *de vi bon. rapt. nec* 2) pacta juri con-
traria, qualia sunt a) pacta de quota litis,
L. 53. hoc tit. β) pactum inofficiosum medici
cum ægroto. *L. 9. C. de Prof. & med. γ)* pa-
cta successoria, *L. 15. L. ult. C. hoc tit. L. ult.*
ff. de suis & leg. her. & δ) quæcunque bo-
nis moribus adversantur. *L. 7. §. 3. 13. seq.*
L. 27. §. 4. L. 28. ff. hoc tit.

§. CCCLXXIII.

Reliqua pacta servat Prætor, & quidem Quomodo
pacta ser-
vantur?
vel *Actionem* dando, vel *Exceptionem*. *L. 44.*
§. 1. ff. fam. cre. Actionem dat, si pactum
est non nudum; (§. CCCLV.) *exceptionem,*
si pactum est nudum; (§. CCCLIV.) *L. 7.*
§. 4. hoc tit.

§. CCCLXXIV.

At hodie omnia pacta, animo delibe- Ufus ho-
dicinus.
rato inita, & legibus bonisque moribus
haud repugnantia & obligationem & a-
actio-

140 Pand. Lib. II. Tit. XV.
tionem producere, non ambigitur. (Inſt.
§. DCCLXXVII. *)

T I T. XV.

De Tranſactionibus.

§. CCCLXXV.

Quid tranſactio?

A Pactis, ut a genere ſpecies, diſſert Tranſactio, quæ nihil aliud eſt, quam conventio, * qua res dubia, dato aliquo vel retento vel promiſſo, deciditur. L. 1. ff. L. 28. Cod. hoc tit.

* Potest itaque iniri pacto nudo; L. 2. L. 15. ff. L. 28. C. h. tit. contractu innominato, L. 5. L. 33. C. cod. ſtipulatione, tam ſimplici, quam Aquiliana. L. 2. L. 16. ff. L. 4. L. 15. L. 32. C. hoc tit. accedente modo pœna conventionali, L. 15. ff. L. 37. C. hoc tit. modo jurejurando, L. 41. L. 42. C. hoc tit. modo ſcriptura, L. 28. Cod. hoc tit. Nec intereſt, in judicio inecatur, an intra privatos parietes. L. 28. Cod. hoc tit.

§. CCCLXXVI.

Est vel generalis, vel ſpecialis. Quia autem vel de omnibus rebus dubiis tranſigimus, L. 11. ff. L. 29. C. hoc tit. vel de cauſa aliqua ſpeciali; L. 9. L. 12. ff. L. 31. Cod. hoc tit. hinc tranſactio in Generalem & Specialem dividitur: quamvis & generalis ad ignorata non trahenda ſit. L. 35. ff. de pact.

§. CCCLXXVII.

De natura tranſactionis axiomata. Ex definitione tranſactionis; §. CCCLXXV.) ſiunt axiomata: I. Tranſigitur tantum de re dubia. L. 1. ff. L. 2. Cod. hoc tit. II. Tranſactio ſit dato aliquo, vel retento, vel promiſſo, L. 38. Cod. hoc tit. adeoque eſt ſpecies alienatio-

De Transactionibus. Pars I. 141
nationis . III. Transactione lites deciduntur
ab ipsis partibus .

S. CCCLXXVIII.

Quum itaque transigamus de re dubia ; Transactio
(S. CCCLXXVII. 1) consequens est , 1) ponit cau-
sam du-
biam .
ut transactio non sit confundenda cum aliis
pactis , quæ & de re certa ineuntur . L. 1.
ff. h. t. 2) Ut sufficiat metus litis imminen-
tis , L. 1. ff. L. 2. Cod. hoc tit. 3) Ut frustra
transactiones impugnentur ob læsionem enor-
mem . L. 10. L. 16. L. 19. L. 23. L. 25. C. hoc
tit. L. 78. S. ult. ff. ad SC. Treb. L. 65. S. 1.
ff. de condi&ct. indeb.

S. CCCLXXIX.

Ex quo axioma te etiam colligimus , 4) An etiam
nullam esse rationem pro illicita habendi valeat de
transactio nem de controversia testamentaria testamen-
to relis-
tabulis nondum inspectis . Illam sane probare tabulis nō
videntur , L. 12. ff. h. t. L. ult. C. de reb. cred. inspectis ?
jun&ct. L. 2. ff. de jurejur. Nec aliud evincit
L. 6. ff. hoc tit. quippe cum L. 1. ff. de testam.
quemadmodum aper. conjungenda .

* Manifestum enim est , non esse hanc legem
aliquam prohibitivam , sed consilium . Vid. A. A.
Pagenstech. Sicilim. Manip. IV. p. 60. & Ad-
monitor. ad Pand. Part. I. §. 161. pag. 100.
VV. CC. Schulting. & Gundling. Dissertatio-
nibus singularibus .

S. CCCLXXX.

Quum deinde transactio fiat dato aliquo Qui trans-
vel retento , vel promisso , adeoque sit spe- figere pos-
cies alienationis ; (S. CCCLXXVII. 2) con- sunt ?
sequens est , 1) ut transigere possint , qui
possunt pacisci & alienare , adeoque 2) nec
procuratori ea potestas concedenda sit , nisi
vel speciali mandato instructo , L. 60. de proc.
vel generaliter ad universa bona dato , &
in domini utilitatem transigenti ; L. 17. S. ult.
ff. de

ff. de iurejur. L. 12. ff. de pact. nec 3) iudicis & administratoribus civitatum. *L. 12. C. h. r. nec 4*) tutoribus & curatoribus, nisi jus pupilli admodum dubium sit, vel Prætor super transactione de bonis immobilibus decretum interponat; *L. 54. L. 56. ff. de furt. L. 32. C. L. 22. ff. de adm. iur. immo nec 5*) patri in bonis filii adventitiis, nisi ex iusta causa, adhibitoque filii, si iustæ ætatis sit, consensu. *L. ult. §. 3. C. de bon. quæ lib.*

§. CCCLXXXI.

An & super delicto privato transactio valeat?

Ex eodem principio colligimus, 6) de rebus quemque suis recte transigere, adeoque 7) & de delictis privatis, ex quibus civiliter agitur: ejusque transactionis quidem hunc esse effectum, ut actio extinguatur, *L. 54. §. ult. L. 13. Cod. de furt. reum tamen, tanquam confessum, infamia notari, si de famoso delicto transegerit. L. 4. §. ult. ff. de his qui not. inf. 8*) Non esse ferendum, qui super persecutione criminali ex his delictis transegerit. *L. 7. §. 1. ff. ad Sc. Turpill.*

§. CCCLXXXII.

An super publico?

Ex quo porro inferimus, 9) multo minus transigere licere super criminibus publicis, & transigentes semper pro prævaricatoribus & corruptoribus habendos: si tamen 10) quaeratur, an qui super crimine publico transigit, pro confesso & infami habendus sit? distinguendum esse inter crimina *Capitalia* & *Non capitalia*, respondendumque, ei, qui de *capitalibus* transigit, esse ignoscendum, * tanquam sanguinem suum qualiter qualiter redimenti, *L. 1. ff. de bon. eor. qui ante sentent. nec pro confesso vel infami habendum; vigorem tamen disciplinæ publicæ ea transactione non impediri: De non capitalibus autem transigentem & falsi reum esse, & pro confesso & infami reputari, & a pœna neutiquam liberari;*

De Transactionibus. Pars I. 143
berari. L. ult. ff. de præv. L. 18. C. hoc tit.
Conf. V. C. Nood. Dioclet. & Maximian.
cap. V. seq.

* Exceptum tamen adulterium, super quo,
quamvis capitali, transactio non initur sine
infamia. L. 18. C. h. t. idque ob lenocinii tur-
pitudinem, qua se polluit transigens cum adul-
tero. Ob gravitatem criminis etiam persecu-
tio reorum majestatis læsæ excipitur, L. 5.
C. ad L. Jul. Maj. Cujac. Obs. VI. 11.

§. CCCLXXXIII.

Denique inde patet, 11) analogiæ juris An de ali-
haud quidem refragari transactionem de ali-
mentis: 12) ob insignetamen damnum, cum
hac transactione plerumque conjunctum, re-
cte Marcum Antoninum Imp. Oratione vel
SC. cavisse, ut de alimentis futuris (L. 8.
C. hoc tit.) non aliter rata sit transactio,
quam si auctore Prætoris & prævia causæ co-
gnitione facta sit, vel alimentarius ea melio-
rem reddat conditionem suam. L. 8. ff. h. tit.
L. 14. ff. de condit. indeb.

§. CCCLXXXIV.

Quum denique lis decidatur transactione; Transa-
(§. CCCLXXVII. 3) sequitur, 1) ut illa tionis ef-
jurijurando vel rei judicatæ æquiparanda sit, fecta,
L. 20. C. hoc tit. L. 31. ff. de jurejur. adeoque 2)
nec per indebiti conditionem, L. 32. C. hoc
tit. L. 65. §. 1. ff. de cond. indeb. nec ob læ-
sionem enormem; (§. CCCLXXXVIII. 3)
nec ob instrumenta noviter reperta, L. 19.
C. hoc tit. (nisi in causâ pupillari & reip.
L. 35. ff. de re jud.) nec per rescriptum Prin-
cipis impugnari rescindique possit. L. 16. C.
hoc tit. 3) Ut tamen omnino rescindatur ob
metum, dolum, errorem calculi, falsaque
instrumenta. L. 13. L. 4. L. 19. L. 29. L. 42.
C. hoc tit. L. un. C. de err. calc. L. 1. Cod. si ex
fals.

fals. instr. 4) Ut sit strictæ interpretationis & nec ad alias causas; quam de quibus propalam contractum, nec ad alias personas, quæ non transegerunt, proferri debeat. L. 5. L. 9. §. 1. L. 3. ff. *hoc tit.* junct. L. 29. §. 2. ff. *de inoff. test.* Ampl. Bynkersh. *Obs.* III. 2.

§. CCCLXXXV.

Quæ juris
remedia
ex transac-
tione na-
scentur?

Ceterum quemadmodum variis modis transigitur; (§. CCCLXXXV. *) ita & varia inde nascuntur remedia juris. Si enim 1) per pactum nudum inita transactio, tantum ad exceptionem prodest; (§. CCCLXXXIII.) L. 12. C. *h. tit.* Si 2) per stipulationem: conditionem certi vel ex stipulatu producit: L. 6. L. 33. L. 37. L. 40. *hoc tit.* Si 3) per contractum innominatum; transigenti dabitur actio præscriptis verbis; (§. CCCLX. *) L. 6. L. 33. *Cod. hoc tit.* Moribus tamen etiam ex pacto nudo actionem dari, jam supra monuimus. (§. CCCLXXXIV.)

LIBER III.

TIT. I.

De Posulando.

§. CCCLXXXVI.

Ratio or-
dinis.

HActenus duo, ad τὰ πρῶτα pertinentia, vidimus, nimirum in *ius vocationem*, & *editionem* actionis. Sequitur *Advocatorum* & *Procuratorum constitutio*; (§. CCLXXIV. 3) de qua hoc libro agitur. *Advocatorum* autem quum sit *postulare*; de hoc *advocatorum* officio hoc titulo primo differitur.

§. CCCLXXXVII.

§. CCCLXXXVII.

Nimirum postulare est desiderium suum, Quid po-
 vel amici, in jure apud eum, qui jurisdictione stulare?
 ne præest, exponere, vel alterius desiderio con-
 tradicere. L. I. §. 2. ff. hoc tit. Id qui facie-
 bant, officio civili defungi videbantur. *
 ff. 2. princ. ff. de r. j. Unde Juvenal. Sat.
 VII. v. 107.

Dic igitur, quid causidicis civilia præ-
 stent officia?

Add. Suet. Tiber. VIII. Senec. de Tranq. anim.
 I. 3. Plin. Epist. VIII. 63. Quintil. Inst. Orat.
 II. 4. III. 10.

* Alia enim erant officia Publica, cum digni-
 tate conjuncta, publicaue auctoritate colla-
 ta: alia Civilia, quæ quis privato quidem ar-
 bitrio obibat, nec tamen nisi in conspectu
 civium poterant peragi, Jac. Gothofr. Com-
 ment. ad L. 2. ff. de re jur. p. 25.

§. CCCLXXXVIII.

Pro se itaque postulabant actor & reus: Qui quæ-
 pro aliis advocati, vel causarum patroni. de postu-
 Quum autem postulare esset officium civile; lare pro-
 (§. CCCLXXXVII.) a decore alienum vi-
 debatur Prætori, promiscue omnes admitti
 ad postulandum. L. I. pr. hoc tit. Cujus exem-
 plum quum & Principes imitarentur, factum
 est, ut alii Prætoris edicto, alii Legibus,
 vel Constitutionibus Principum a postulando
 arcerentur. Quibus & per sententiam remo-
 tos addere licebit.

§. CCCLXXXIX.

Et Prætor quidem tres fecit ordines. Nam Prætor
 I. quosdam, natura incapaces officii civilis, tres ordi-
 in universum postulare vetuit. II. Quosdam nes fecit.

Hein. Pand. T. I.

G

mo-

moraliter inhabiles, vel parum idoneos tantum, pro aliis postulare non passus est. III. Quosdam levioris notæ homines tantum pro se & certis personis admisit.

§. CCCXC.

Alies nec pro se, nec pro aliis admisit. Quum itaque natura incapaces in universum postulare vetuerit; (§. CCCLXXXIX. 1) non obscurum est, cur non admisit 1) minores annis septemdecim, quippe vix posita prætexta viris adscriptos. * *L. 1. §. 3. ff. hoc tit. Ampl. V. Bynkersh. Obs. IV. 11. 2)* nec surdos, qui decretum Prætoris exaudire nequeunt. *L. 1. §. 3. eod.* Ne tamen hi indefensi essent, iis non habentibus advocatos se daturum esse, Prætor edicto promiserat. *L. 1. §. 4. ff. hoc tit.*

* Verum quidem est, quod demonstravit Henr. Noris *Cenot. Pisan. II. 4. p. 114.* ordinarie adulescentes incunte anno ætatis XVI. togam virilem sumpsisse: aliquando tamen id serius factum esse, facile potest probari.

§. CCCXCI.

Alios pro se, non pro aliis. Et quia quosdam moraliter inhabiles tantum pro aliis postulare passus non est; (§. CCCLXXXIX. 2) facile reddideris rationem, 1) cur feminas non admisit, postulaturas pro aliis. * *L. 1. §. 5. ff. h. t. L. 1. ff. de r. j. 2)* Cur & cæcos pro aliis postulare vetuerit, quippe qui insignia magistratuum venerari non possent. *L. 1. §. 5. ff. hoc tit. Ampl. Bynkersh. Obs. IV. 12. 3)* Cur & nefanda corpore passos, capitali sententia damnatos, & arenarios foro abesse iusserit.

* Huic edicto an *C. Afrania* impudentia dederit occasionem, ceu in *d. L. 1. §. 5. h. t.* traditur, non adeo expeditum est. Sane illa *C. Afrania* non pro aliis, sed pro se, tanto cum latratu postu-

postulavit, nec occasionem dedit, foro arcendi feminas, sed tantum muliebris calumnie evasis exemplum, ut pro improbis feminarum moribus Afranie nomen obijceretur. Valer. Maxim. VIII. 3. Refert potius Plutarchus in Num. p. 77. Numam ne de rebus quidem necessariis dicere passum esse sine viro mulierem, additque, quum femina aliquando in foro causam pro se ipsa dixisset, Senatum consuluisse deos, τίος ἀρα τῇ πέλει σημεῖον εἶναι τὸ χρησιμώτερον, *ecquid hoc exemplum urbi portenderet.* Verosimile itaque est, feminis nunquam licuisse Romæ postulare, nec pro se, nec pro aliis, & Ulpianum ejus rei originem non satis perspectam habuisse.

§. CCCXCII.

Denique quum in tertio ordine levioris notæ homines tantum pro se certisque personis admiserit; (§. CCCLXXXIX. 3) in proclivi est, judicare, in hoc ordine censerī omnes infamia notatos, L. 1. §. 8. hoc tit. qui tantum pro se, proximisque cognatis, & affinibus, nec non pro fatuis & furiosis, quibus curatores dari solent, postulare poterant. L. 1. §. 8. L. 3. §. 4. L. 4. L. 5. hoc tit.

§. CCCXCIII.

Hos Prætor postulare prohibuit. Leges & Constitutiones autem postulare vetant I.) ob officii rationem 1.) patronos fisci, quibus non licet adversus fiscum, nisi in causa propria liberorum & parentum & pupillorum suorum postulare, L. 10. pr. hoc tit. 2.) Decuriones, quibus nefas adversus patriam postulare, exceptis iisdem casibus, L. 10. §. 1. hoc tit. 3.) judices in causis, quas ipsi cognoscunt, L. 6. pr. Cod. hoc tit. II. Ob religionem 4.) hæreticos, L. ult. C. hoc tit. III. Ob incommodum adversario imminens 5.) potentiores, tit. Cod.

ne lic. potentior. litig. patroc. præst. IV. Ob
suspicionem 6) pactos de quota litis , (§.
CCCLXXII. 2. 2) L. 5. C. h. t. & 7.) qui a
judice dati patrocinium sine causa detrecta-
runt . L. pen. Cod. hoc tit.

§. CCCXCIV.

Quid si
quis in-
tentia ju-
dicis pro-
hibeatur?

Aliquando & in pœnam ob delictum qui-
dam prohibentur postulare, vel ad tempus ,
vel in perpetuum . L. 8. pr. §. 1. ff. hoc tit.
Ejusdem interdicti is est effectus, ut coram
eo magistratu postulaturus repellatur , extra
territorium autem non prohibeatur aliis pa-
trociniū præstare, nisi ob causam famosam
sit prohibitus . L. 9. ff. eod.

§. CCCXCV.

Advoca-
torum mu-
nus hono-
rificum.

Ceterum ex hac Prætoris ipsorumque Prin-
cipum severitate patet , honorificum atque
utile reip. esse *Advocatorum* officium , &
quod non debeat malis tabularum artibus
dehonestari . L. 4. L. 13. Cod. adv. div. jud.
Quo æquiores fuere legislatores , qui & de
salario iis prospexerunt , & eosdem privile-
gio non uno ornavunt .

§. CCCXCVI.

Honora-
rium iis
debitum.

Debetur itaque advocatis jure novo * ho-
noraryum , idque permissum *conditione* vel
ex stipulato ; non promissum *extraordinaria*
prosecutione petitur . L. 1. §. 10. 12. ff. de extr.
cogn. L. 9. Cod. de judic. Si annuum salarium
promissum, integrum debetur, etiamsi advo-
catus initio anni decesserit , L. 1. §. 13. ff.
de extr. cogn. L. 15. §. 1. L. 3. §. ult. L. 5.
§. ult. C. de adv. div. jud. adeoque hoc ca-
su multo minus id , quod prænumeratum
est, repeti potest . L. ult. C. de condict. caus.
dat. caus. non sequ. d. L. 1. §. 13. ff. de extr.
cogn.

* Aliud jure veteri , ob legem Cinciam , que
ne quis

ne quidem dona ac munera caussarum patro-
nos accipere patiebatur. Historiam hujus le-
gis, & quomodo sensim evanuerit, erudi-
te docuit Joann. Fridr. Brummer. de Leg.
Cincia.

§. CCCXCVII.

Privilegia potissimum in hoc consistunt 1) Eorundem
quod a muneribus & functionibus sordidis privilegia.
excusantur. L. 3. L. 6. de adv. divers. jud. 2)
Quod licet sint filii familias, tamen opera
hac forensi omnia sibi acquirant, tanquam
peculium quasi castrense. L. 8. Cod. eodem 3)
Quod eorum liberi idem ambientes officium
aliis præferantur. L. 3. §. 5. L. 5. §. 5. Cod.
eodem.

TIT. II.

De his, qui notantur infamia.

§. CCCXCVIII.

Q Uia Prætor in tertio ordine postulare Quid in-
prohibuerat infames; (§. CCCXCII.) famia?
hi qui sint, hoc proximo titulo docetur.
Est autem infamia privatio existimationis ob
violatam turpibus factis honestatem. * L. 17.
C. hoc tit. L. 3. Cod. de re mil. L. 3. pr. ff. de
test. L. 31. Cod. de decur.

* Ex qua definitione consequitur, *Levis Notæ*
Maculam, quam ex statu & vitæ genere con-
temptiore nasci ajunt, non esse infamiam, sed
falsam vulgi opinionem; immo eam ne qui-
dem præsidium reperire in C. 27. de inoffic.
test. Ostendimus in *Diss. de levis notæ ma-*
cula.

§. CCCXCIX.

Facti vel juris vel facti. Dividitur in infamiam *Juris & Facti*. Quamvis enim omnis infamia ex turpibus factis oriatur; (§. CCCXCVIII.) alia tamen hujusmodi facinora ipso jure notantur; unde nascitur *infamia Juris*; alia tantum bonorum graviumque virorum judicio turpissima censentur; unde *infamia facti*. L. 2. C. de dign. L. 13. C. hoc tit. L. 39. §. uli. ff. de furt. L. 2. ff. de obs. par.

§. CD.

Infamia juris quod-plex? Infamia *Juris* vel *apud a Lege*, vel *ip-
sius per judicis* sententiam infligitur. L. 1. ff. hoc tit. Quam *lex* inurit, ea vel ex *edicto* Prætoris, vel ex *Lege* aliqua *Civili*, aut *Con-
stitutione Principis* descendit.

§. CDI.

Edicto Prætoris notantur quidam ob vitæ genus. Prætor ea de re longum instituit tractatum. L. 1. ff. hoc tit. notatque quosdam *ob turpe vitæ genus*, veluti 1) *lucris* causa prodeunt in scenam, L. 1. pr. hoc tit. modo revera cant, L. 3. h. t. non qui virtutis causa exercentur, quales thymelici, athletæ, mystici, agitatores, qui aquam equis spargunt, *Spargatæ*, designatores. De iis vid. V. C. Ger. Noodt. h. t. 2) *Lenones & lenas*, sive palam haberent lupanaria, sive quaestu illo turpissimo tanquam alterius negotiationis accessione uterentur. L. 4. §. 2. hoc tit. L. 43. §. 7. ff. de rit. nupr.

§. CDII.

Alii ob violatam pietatem & turbationem sanguinis. Notat etiam Prætor II. *ob violatam pietatem turbatumque sanguinem* 1) eum, qui *filiamfamilias*, mortuo genero, intra annum luctus * elocavit: L. 8. hoc tit. L. 1. 2. Cod. de sec. nupr. 2) Eum, qui, sui juris quum esset, eam sciens uxorem duxit, L. 1. L. II. §. 4. hoc tit. L. 9. de jur. & fact. ign. 3) *Patrem*, qui *filiumfamilias* hujusmodi viduam duc-

ducere iussit: *L. 1. L. 11. §. 4. hoc tit. 4*) Ipsam mulierem, quæ, quum sui juris esset, intra annum luctus nupsit. *L. 1. pr. ff. hoc tit. L. 1. 2. Cod. de sec. nupt.* nisi his omnibus casibus Princeps mulieri jus citius nubendi indulserit. *L. 10. pr. hoc tit.*

* Tempus luctus olim erat X. mensium, Senec. *Consol. ad Alb. cap. XV.* Quum vero Hadriani temporibus dubitari cœpisset, possitne & undecimo mense partus legitimus nasci? Gell. III. 16. duodecim menses lugere iussæ sunt viduæ. Add. *L. 2. C. de secund. nupt.* Em. Merill. *Obs. V. 30.* Præcipua itaque causa hujus sanctionis est periculum turbandi sanguinis: *L. 11. §. 1. ff. hoc tit.* ex eoque patet, cessare infamiam, 1) si feminam citius fuso partu nupsit. *L. 11. §. 2. ff. eod. 2.)* si intra annum luctus sponsalia tantum fecerit. *L. 10. §. 1. ff. eod. 3.)* Si viduus, vel sponsus, mortua sponsa statim nuptias fecerit: *L. 9. ff. eod. 4.)* Si filia, antequam eluxerit parentes vel liberos, nupsit, *L. 23. ff. hoc tit.* quocum tamen jungendus locus Pauli *Reg. Sent. Lib. 1. Tit. ultim. §. 13.* ex quo patet, Tribonianum legem 23. interpolasse.

§. CDIII.

Denique III. *ob perfidiam* Prætor notat 1) Alii ob eos, qui sua sponte, non jussu patris, binas *perfidiam* nuptias binave sponsalia eodem tempore constituta habuerunt: 2) Patrem, qui nomine filii filiæve suæ simile quid eodem tempore constituerit. *L. 13. §. 1. 2. ff. hoc tit.*

§. CDIV.

Hos Prætor notavit: *Principes* infamiae notationibus tam inusserunt I. *ob turpe vite genus* 1) mulieribus quæstuariis *L. pen. h. tit. L. 41. L. 43. ff. de r. n. 2)* Improbis fœneratoribus, *L. 20.*

rantur, ob
vitæ genus
& impro-
bitatem.

C. h. t. II. Ob improbitatem 3) in adulterio deprehensis. L. 43. §. pen. de r. n. 4) Advocatis de quota litis pactis ; (§. CCCLXXXIII. 3 a) L. 5. L. 6. §. 1. C. de postul. 5) Mulieribus sui juris intra annum luctus nuptis. L. 2. C. de sec. nupt. 6) Professore vel studiosum juris injuria afficientibus. Auth. Habita C. ne fil. pro patre.

§. CDV.

Alii ob
perfidiam.

Nec minus III. ob perfidiam & dolum constitutionibus notantur 7) majorennis jurtam transactionem violantes. L. 41. Cod. de transact. 8) Tutores vel curatores, rationibus nondum redditis, pupillarum vel adultarum matrimonium sive pro se, sive pro filio affectantes. L. 7. Cod. de interd. matrim. inter pupill. 9) Milites, aliena prædia conducentes, L. ult. C. locat. 10) Mulieres, per calumniam ventris nomine in possessionem euntes. L. 15. seq. hoc tit.

§. CDVI.

Alii ob flagitium paternum.

Denique IV. ob parentum flagitium Principalis constitutio notat 11) liberos perduellum. L. 5. §. 1. C. ad L. Jul. majest. Id quod eo iniquius videtur, quod hic nulla in liberis est turpitudine, ob quam fama & existimatione privari debeant ; (§. CCCXCVIII.)

§. CDVII.

Qui infames
sunt per
sententiam
judicis,
ex edicto
Prætoris ?

Quemadmodum autem hos omnes Lex *ἀπίστος* notat ; (§. CD.) ita *ἐμπύστος* & per *sententiam* judicis notari jubet Prætor 1) milites ab exercitu ignominie causa dimissos : L. 1. pr. L. 2. hoc tit. 2) qui calumnie vel prævaricationis causa aliquid fecerint in judicio publico. L. 1. L. 4. §. 4. ff. hoc tit. 3) Furti, vi bonorum raptorum, injuriarum, ex dolo malo suo nomine damnati patitive ; (§. CCCLXXXI. 6) L. 1. L. 5. §. ult. L. 6. §. 1. seq. hoc tit. 4) Judicio tutelæ, depositi,

De his, qui not. infam. Pars I. 153
positi, pro socio, mandati * directo, ob do-
lum vel culpam latam damnati, non de his
actionibus transigentes. L. 1. L. 6. §. ult. L. 7.
hoc tit. Cic. pro Sex. Rosc. cap. XXXVIII.
pro Q. Rosc. cap. VI.

* Soli hi contractus infamant, quia eos non
nisi cum eo inimus, cujus in amicitia maxi-
mam collocavimus fiduciam. Turpissimum au-
tem est amicitiae & fidei obtentu fidem falle-
re. Et hinc facile patet, cur & culpa lata pro
dolo hic habeatur. §. 6. *Inst. L. 7. §. 1. ff. de*
susp. tut. L. 42. L. 226. ff. de v. s. L. 1. §. 5.
de o. & a. Aequè enim turpe, doloque pro-
ximum est, amici spem supina negligentia
destituere, quam perfidia.

§. CDVIII.

Jus autem civile præterea notat 5) omnes
judicio publico damnatos. L. 7. ff. §. 2. *Inst. per jus ci-
publ. jud. itemque 6) ob crimina extraordi- vile?*
naria expilatæ hereditatis, L. 12. *C. hoc tit.*
sepulcri violati, L. 1. ff. *de sep. violat. stel-*
lionatus, cum actione famosa cumulati, sen-
tentiam passos. L. 13. §. ult. ff. *hoc tit. L. 2.*
ff. de stellionat.

§. CDIX.

Denique quum infamia facti ex vita dis-
soluta, & quovis facto turpi lege haud no-
tatu, proficiatur; (§. CCCXCIX.) non
est, quod exempla hic ex legibus accumu-
lare velimus.

§. CDX.

Ceterum quum infamia sit privatio existi-
mationis; (§. CCCXCVIII.) consequens
est, 1) ut infames non sint capaces honorum,
(quamvis infamia facti magis ambientibus
impedimento esse; infamia juris etiam eos,
qui jam honore funguntur, dignitate privare
soleat.) L. 2. L. 12. *C. de dign. L. 3. Cod. de re*

mil. 2) Ut infamia eleuet fidem testimoniū,
L. 3. L. 13. L. 21. ff. de testam. 3) Ut nec po-
stulare possint, nisi pro se & certis perso-
nis; (§. CCCXCH.) L. 1. §. 5. seq. ff. de
postul.

§. CDXI.

Ratione
heredita-
tis.

Singulare est, 4) quod infames ne heredi-
tate quidem semper digni habeantur. Sane
nec querelam inofficiosi ipsi instituere pos-
sunt. L. 11. L. 19. C. de inoff. test. & institu-
ti heredes, etiam a fratribus & sororibus
testatoris germanis & consanguineis hac que-
rela remouentur. L. 27. Cod. eod. Add. Diss.
nosfr. de levis notæ macula.

§. CDXII.

Infamia
inmerito
notati.

Præterea quum infamia ob violatam turpi-
bus factis honestatem inuratur; (§. CCC-
XCVIII.) merito inferimus, 1) non ictum
fustium infamare, sed causam. L. 22. ff.
L. 14. C. hoc tit. 2) Facultatibus a fortuna
evolutum, postquam bonis cessit, non ideo
existimationis famæque jacturam facere,
L. 11. C. hoc tit. 3) Injuriam facere spuris.
L. 26. ff. de pæn. L. 3. §. 2. ff. de decur. car-
nificibus, lictoribus, castratoribus suum, qui
iis infamiæ labem adspargunt.

§. CDXIII.

Infamia
quomodo
evitetur?

Ceterum infamiam & evitari, & abolere
posse, non ambigitur. Quum enim infamia
juris impetus nascatur ex sententia judicis;
(§. CD.) consequens est, ut evitetur 1) si
lis per procuratorem fuerit suscepta: * L. 1.
L. 4. §. ult. L. 6. §. 1. 2. ff. hoc tit. 2) si de
contractu infamante tractatum sit ante sen-
tentiam; (§. CDVII. 4.) 3) si sententia
sit injusta, veluti si major pœna irrogata,
quam leges sanciant. L. 13. princ. hoc tit.
L. 10. §. 2. ff. de pæn.

* Ratio hujus juris ex dominio litis fuit, de quo titulo insequente. Quum enim sententia ferretur in procuratorem, tanquam dominum litis; ipse reus non fiebat infamis. Et quia procurator factis turpibus non lacerat honestatem; (§. CCCCXCVIII.) nec ipse poterat notari. L. 6. §. 2. L. 14. hoc tit. Proinde in universum hoc modo evitabatur infamia. Q. E. D.

§. CDXIV.

Ex ipsa juris infamiae natura fuit, eam aboleri 1) restitutione a Principe impetrata. L. 7. Cod. de sent. pass. L. ult. Cod. de gen. abolit. L. 2. §. 9. 10. ff. de postul. 2) Tempore elapso, si quis damnatus ob causam in se non famosam. L. 3. L. 6. C. h. t. L. 5. ff. de decurion. L. 8. ff. de postul. 2) Denique 3) infamiam facti virtute vitaeque emendatione elui res ipsa docet. Vid. Corn. Nep. Vit. Themistocl. cap. I. Quod secus se habet in infamia juris. L. 34. §. 4. ff. de r. n.

TIT. III.

De Procuratoribus, & Defensoribus.

§. CDXV.

AB advocatis, de quibus titulo I. differunt *Procuratores*. Illi enim personae aderant; hi causam suscipiebant. Cujac. Paratit. C. h. t. Sunt vero generatim accepti *Procuratores*, qui aliena negotia mandato domini administrant. * L. 1. pr. ff. hoc tit.

* Unde non obscurum est, quomodo differentia *Defensoribus* & *Negotiorum Gestoribus*, qui item aliena negotia, sed sine mandato domini,

ni, procurant. L. 43. §. ultim. L. 46. §. 2.
L. 70. hoc tit. §. 1. Inst. de oblig. que quasi
ex contr.

§. CDXVI.

Est vel
judicialis
vel extra-
judicialis.
Quum vero negotia aliena vel in iudicio,
vel extra illud peragantur; procuratores etiam
in *Judiciales* & *Extrajudiciales* dividi so-
lent. Hic de prioribus potissimum agitur,
qui negotia in iudicio dominorum mandato
peragunt. L. 33. pr. §. 1. L. 35. §. 3. L. 43.
pr. hoc tit.

§. CDXVII.

Vel uni-
versalis,
vel singu-
laris.
Et quia non ambigitur, vel omnium ne-
gotiorum bonorumve administrationem, vel
unius rei, mandari posse: procuratores etiam
in *universales* & *singulares* dividuntur. L. 1.
§. 1. L. 58. hoc tit. L. 17. §. ultim. ff. de iur.
rejur.

§. CDXVIII.

Vel in rem
suam vel in
alienam.
Si ad finem mandati respicias: alii man-
dantis gratia, & in ejus utilitatem, negotia
aliena administrant, alii in utilitatem suam.
Unde *in rem alienam*; hi
in rem suam appellantur, quales sunt *cessio-
narii*, L. 4. ff. de re judic. L. 4. C. h. t. L. 17.
§. ultim. ff. de iurejur. qui pro dominis sunt.
L. 55. ff. de proc.

§. CDXIX.

Vel priva-
torum vel
universita-
tis vel
principis.
Si mandantis habemus rationem; is vel
privatus est, qui negotia sua alteri commit-
tit, vel *universitas*, vel *Princeps*. Isto casu
mandatarius strictiore sensu *Procurator*; illo
Astor vel *Syndicus*; hoc *Procurator Principis*,
vel *rationalis*. (§. CCXXXI. sequent.)
vocatur.

§. CDXX.

Procura-
tores cur
olim non
admissi.
Procuratores judiciales, de quibus hic
agitur, sere admissi a Romanis. * (Inst. §.
MCCXLIV.)

MCCXLIV.) nec olim iis locus erat, nisi pro populo, pro libertate, Liv. III. 45. pro pupillo, & ex lege Hostilia in actione furti, pro eo qui apud hostes esset, vel reip. causa abesset, vel in eorum cuius potestate esset: *pr. Inst. de iis, per quos ag. poss.*

* Quum enim omnes agendi formulæ essent actiones legis, (§. XXXIV. 1.) illarum autem ea natura, ut per alium explicari non possent; (§. XXXV. 2.) facile patet Procuratores in jure & iudicio admitti non potuisse. Hinc primum admissi *Cognitores*, qui litem alienam procurabant, altero præsentem. Eorum passim meminit Cicero, nusquam autem jus nostrum. Vid. VV. CC. Ger. Noodt. & Ant. Schult. *hoc tit.*

§. CDXXI.

Quum vero id molestissimum esset, procuratores demum admitti quidem cœperunt ex edicto Prætoris, sed ita, ut domini litis fieri fingerentur. L. 4. §. 3. ff. de alienat. iud. mut. caus. fact. L. 4. §. ult. ff. de appell. L. 22. 23. C. de procur. Alteserr. de Fictio. jur. II. 13. Hujus domini veluti causa vel titulus erat domini mandatum; L. 1. princ. *hoc tit.* §. ult. de appellat. qua procurator hoc dominium veluti occupabat. (*Inst.* §. MCCXLVII.)

Cur de-
mum ad-
missi, tan-
quam do-
mini litis?

§. CDXXII.

Ex quibus omnibus fluunt axiomata: I. Axiomata
Procurator constituitur a domino. II. Con- de procu-
stituitur intercedente mandato. III. Rite ratoribus.

§. CDXXIII.

Quum itaque procurator constituitur a do- Quam
mino; (§. CDXXII. 5.) consequens est, 1) procura-
ut tutor & curator ante litis contestationem tores con-
stituunt?

non

non procuratorem, sed actorem periculo suo & decreto magistratus constituent. §. ult. *Inst. de curat.* L. 11. C. h. t. 2) Ut pupillus infantia major & minor litem procuratori recte committant, auctore tutore, vel curatore consentiente. L. 11. C. hoc tit.

§. CDXXIV.

An furiosi
infantes,
prodigi?

Quumque constituatur intercedente mandato, (§. CDXXII. 1.) sequitur, 1) ut iidem procuratorem constituent, qui & mandare, & res suas libere administrare possunt, adeoque 2) non furiosi, mente capti, infantes, surdi, muti, prodigi. L. 5. L. 40. ff. de r. j. 2) Ut recte tamen procuratori mandet pater ratione peculii adventitii ordinarii liberorum: quia pater & filius pro una persona habentur. (§. CXLVIII. 2) L. 1. Cod. de bon. mat.

§. CDXXV.

Qui procuratores
esse non
possint?

Ex eodem inferimus, 3) natura inhabiles ad negotia aliorum gerenda, procuratores esse non posse, veluti furiosos, mente captos, infantes, surdos & mutos, minores XVII. annis. (CCCXC. 1) §. 5. *Inst. ex quib. caus. man. non poss.* 4) Nec magis constituendos, qui ab officiis civilibus (§. CCCLXXXVII.) remonentur, veluti feminas. L. 4. ff. L. 18. L. 21. C. hoc tit. L. 2. ff. de r. j. quæ tamen procuratrices recte fiunt in rem suam. L. 41. ff. hoc tit. nec, 5) qui vitæ genere & officio prohibentur, ut absentes reip. causa, L. 54. hoc tit. decuriones, L. 34. C. de decur. milites, nisi in causa cohortis. L. 8. §. 2. L. 54. ff. hoc tit. L. 7. L. 13. Cod. hoc tit. clerici. Nov. CXXIII. cap. 6.

§. CDXXVI.

An potentiores &
infames?

Nec ob aliam rationem rejiciuntur 6) potentiores, qui terrori esse possent adversario, tot. tit. C. ne liceat potent. nec non 7) infames.

infames, si manifesta sit infamia, *S. ultim. Inst. de exc. junct. L. 6. Cod. hoc tit. Paull. Rec. Sent. I. 2. 1.*

§. CDXXVII.

Quum vero mandatum vel verum sit, vel *Procuratores veri.* *præsumptum*, sequitur, 1) ut verus sit *Procurator*, qui vero mandato instructus litigat, siue expresse, siue tacito, adeoque 2) nihil interfit, siue dominus præsens, siue absens per epistolam mandet, *L. 2. §. 1. ult. h. r.* siue præsens & sciens alterum negotia geri patiat. *L. 18. ff. mand. gestave rata habuerit. L. 66. ff. hoc tit.*

§. CDXXVIII.

Quumque & *præsumptum* mandatum sufficiat; (*S. CDXXXVII.*) facile redditur *Procuratores præsumpti.* ratio, cur admittantur 1) personæ cognitione vel affinitate junctæ, *L. 35. pr. ff. h. r.* 2) litis consortes post litis contestationem, *L. 2. C. de consort. ejusd. litt. 3)* mariti ratione bonorum uxorum, *L. 21. C. hoc tit. 4)* mandato quidem, sed non satis idoneo, instructi. *L. 1. Cod. hoc tit. 5)* Cur hi tamen de rato cavere teneantur. *L. 36. L. 40. §. ult. ff. L. 1. C. hoc tit.*

§. CDXXIX.

Porro ex secundo hoc axioma, (*S. Procuratores falsi.* *CDXXII. 2)* consequitur 1) eum, qui nec vero nec præsumpto mandato instructus pro alio litigat, esset *Procuratorem falsum*, nec 2) admittendum, si vel maxime cavere velit, rem ratam haberi. *L. 24. C. h. r. 3)* Omnia, ab eo gesta, nulla atque inutilia esse, nisi ea rata habuerit dominus. *L. 27. pr. ff. 24. C. hoc tit. L. 56. ff. de judic.*

§. CDXXX.

Denique ex eodem colligimus 4) *Procuratoris non esse*, excedere fines mandati. *L. 5. ff. mand. 5)* Eundem sine speciali mandato *Procuratoris potestas.* expli-

explicare non posse, quæcunque in præjudicium mandantis vergere possent: adeoque 6) ei non licere alienare, L. 6. ff. *hoc tit.* transigere, L. 60. *hoc tit.* iusjurandum deferre, referre, præstare, L. 17. ff. *de iurejur.* restitutionem in integrum petere, L. 25. §. 1. ff. *de min. hereditatem* adire. L. 25. §. 5. *de acquir. vel amitt. her.* 7) Distinctionem inter procuratorem *cum libera*, & *sine libera* esse otiosam & inanem. * 8) Inter dominum & procuratorem nasci actionem mandati directam, & contrariam. L. 43. §. 2. L. 46. §. 5. 6. ff. *hoc tit.*

* Nec enim procuratori *cum libera* plus licere, quam procuratori *sine libera*, patet ex L. 12. ff. *de pact.* L. 17. §. ult. *de iurejur.* L. 12. ff. *de pignor. act.* L. 20. §. 1. *de novat.*

§. CDXXXI.

De natura domini litis contestationem sit dominus litis; (§. CDXXII. 3) non obscurum est contestat-
 rium: In iis tantum causis locus est procuratori, in quibus alius personam domini suscipere potest.

§. CDXXXII.

In quibus causis procurator admit-
 tatur?

Ex quo confectario colligimus, 1) posse procuratorem constitui in causis civilibus omnibus etiam famosis; (§. CDXXIII. 1. *), L. 1. §. pen. *hoc tit.* L. 6. §. 2. ff. *de his, qui not. inf.* 2) non posse autem in criminalibus, vel ex parte accusatoris propter inscriptionem in crimen, (nisi vir illustris injuriarum criminaliter agere velit,) vel ex parte rei, nisi a) vir illustris injuriarum conveniatur, L. ult. C. *de injur.* b) vel rei absentia excusanda sit, L. 71. ff. *h. r.* L. pen. §. 1. ff. *de publ. judic.* vel c) nisi causa sit talis,

lis, ut & absenti poena irrogari possit. L. 33.
§. 3. ff. hoc tit.

§. CDXXXIII.

Ex eo autem dominio litis semel suscepto non difficile erit reddere rationem, 1) cur procurator cogi possit, ut mandantem defendat. L. 33. sequ. hoc tit. 2) Cur & procurator rei cogatur litem suscipere, L. 8. §. 3. seq. hoc tit. 3) Cur procuratoris culpa domino noceat, * L. 10. C. hoc tit. 4) Cur & substituere possit. L. 23. C. hoc tit. 5) Cur in eum feratur sententia. L. 1. Cod. de sentent. & interloquit. 6) Cur denique procuratori, & contra eum, æque actio judicati competat, ac mandanti & contra mandantem. L. 28. ff. hoc titul.

Dominii
litis effe-
cta.

* Potest tamen hic, si actio mandati adversus procuratorem instituta inanis sit, a Prætorē consequi restitutionem in integrum. L. 8. §. 1. ff. mand. L. 13. §. ult. Cod. de jud.

§. CDXXXIV.

Quemadmodum vero dominium, ita & Procuratoris officium non finitur 1) nuda revocatione domini, lite jam contestata, (§. CDXXII. 2.) nisi cognita causa. L. 16. L. 17. ff. L. 22. C. h. t. nec 2) morte mandantis. L. 23. C. h. t. Finitur tamen 3) renuntiatione procuratoris, modo non intempestiva; §. 11. Inst. de mand. L. 8. §. 3. seq. h. t. item 4) mutuo dissensu, L. 58. ff. de pact. & 5) morte mandatarii, §. 18. Inst. de mand.

Quomodo
cesset pro-
curatoris
officium?

§. CDXXXV.

Quamvis autem pleraque hodie eodem modo se habeant; effecta tamen domini litis omnia in plerisque foris evanuisse, singulari & perdocte scripta dissertatione de Dominio litis evicit Celeb. Boehmerus, collega olim conjunctissimus.

Usus ho-
diernus.

§. CDXXXVI.

Defenso-
res qui &
quotupli-
ces?

Hæc de *Procuratoribus*, a quibus differre diximus *defensores*, sine mandato reorum causam suscipientes, (§. CDXX. *) Ex quo patet, de *voluntariis* defensoribus hic agi; id est, de iis, qui se ipsi obtulerunt. *L. 61. ff. hoc tit. & necessarios*, qui alium defendere coguntur, huc plane non pertinere.

* Tales sunt ipsi *procuratores*, semel litis domini facti, (§. CDXXXII. 1.) quippe qui a Prætoribus coguntur dominum defendere: *L. 33. hoc tit.* itemque *venditores*, obstricti ad defendendos emptores, si quis ab iis rem venditam evincere velit. *L. 31. §. 1. L. 74. §. pen. ff. de evict.*

§. CDXXXVII.

Cur & qui-
nā admit-
tantur de-
fensores?

Quamvis enim sine mandato, sive vero, sive præsumpto, Procurator non admittatur; (§. CDXXXVII.) tam favorabilis tamen est reorum defensio, 1) ut quilibet pro iis admittatur, etiam extraneus. *L. 12. C. hoc tit.* 2) Ut defensor eorum ne de rato quidem caveat, nisi in actionibus in rem. *L. 42. §. 2. L. 40. §. 2. ff. hoc tit.*

§. CDXXXVIII.

Torum
conditio.

Ne tamen elusorium fiat iudicium, oportet defensorem 1) vicem rei in omnibus subire, atque id, quod ipse reus debet, præstare, *L. 35. §. 3. L. 51. ff. hoc tit.* adeoque & 2) satisfacere, iudicatum solvi. *L. 46. §. 2. ff. hoc tit. L. 5. §. 3. L. 6. ff. de iudic. solv. §. 4. Inst. de satisf.* Ex quo 3) consequitur, ut actio iudicati non in rem, sed adversus defensorem detur. *L. 28. L. 61. ff. hoc tit. 2)* Ut rei beneficia & defensori profint. *L. 51. §. 1. hoc tit.*

T I T. IV.

Quod cuiuscunque universitatis nomine,
vel contra eam agatur.

§. CDXXXIX.

Procuratores universitatis Syndicos vel *Acto-*
res vocari diximus. (§. CDXIX.) De his *Quid &*
hoc titulo agitur. Est autem *Universitas* mul- *quotuplex*
tudo hominum, certo sub regimine commu- *universi-*
nis commodi gratia consociata. B. Hub. *tas?*
Posit. Pand. hoc tit. §. 1. seq. Quod si illa per-
missu summæ potestatis coit, *Licita*; sin-
clam & privata auctoritate, *Illicita* vocatur.
Hæc in criminis notam incidit: *tit. ff. de col-*
leg. & corp. illa personæ vice fungitur. *L. 22.*
ff. de fidejuss.

§. CDXL.

Quum itaque licitæ universitates personæ *Ea contra-*
vice fungantur: (§. CDXXXIX.) sequitur, *here, de-*
1) ut contrahendo obligent pariter, ac obli- *linquere &*
gentur, *L. 7. §. 1. hoc tit. 2*) Ut & delin- *conveniri*
quant, adeoque & ex delicto obligentur. *potest.*
L. 9. §. 1. ff. quod met. caus. 3) Ut res suas
habeant, & patrimonium, (§. CXC. seq.)
itemque 4) communem arcam. *L. 1. §. 1.*
ff. hoc tit. 4) Ut & agant in rem æque ac
personam, & ab aliis conveniantur.

§. CDXLI.

Quandoquidem itaque & agunt & conve- *Et hinc*
niuntur universitates, (CDXL. 4) nec ta- *opus est*
men tota multitudo commode in jus ire po- *actoribus*
test; omnino opus est procuratoribus uni- *& syndi-*
versitatum, qui si ad singulas causas dan- *cis.*
tur, *Actores*; si ad universas, *Syndici* ap-
pellantur. *L. 1. §. 2. L. 6. §. 1. 3. L. ultim.*
ff. hoc tit.

§. CDXLII.

§. CDXLII.

Quomodo
constituan-
tur?

Quumque actor vel syndicus sit procurator universitatis. (§. CDXLI. 1) consequens est, 2) ut ab universitate, vel iis, quibus ea id negotii dedit, eligantur. *L. 6. §. 1. hoc tit. 2*) Ut, si universitas eum constituat, pluribus suffragiis eligatur, quia in re id legibus cautum, 2) ut vel duæ saltim partes rite convocatæ adsint; *L. 3. L. 4. ff. h. t. L. 2. 3. ff. de decret. ab ord. fac. β*) ut hunc numerum ipsa eligendi persona supplere possit. *L. 4. ff. hoc tit. γ*) ut patris suffragium filio, & filii parenti profit. (§. CCLV. 3) *L. 5. ff. h. t.*

§. CDXLIII.

Forum of-
ficium.

Ex eodem principio fuit, 3) idem esse procuratoris & syndici officium. *L. 6. §. 3. hoc tit. 4*) Illum agere posse nomine universitatis, *L. 3. hoc tit.* quum contra unicuique ex universitate immo & extraneo universitatem defendere liceat exemplo defensoris privati. *L. 1. §. ult. hoc tit.*

T I T. V.

De negotiis gestis.

§. CDXLIV.

Ratio or-
dinis.

Diximus partim de procuratoribus, actoribus, syndicis, mandato instructis, partim de defensoribus, qui sine mandato reum defendunt. Illi mandati cum domino agunt; (§. CDXXX. 8) hi actione negotiorum gestorum contraria indemnitatem consequuntur. Ea propter hic de Negotiis Gestis agitur.

§. CDXLV.

Quid ne-
gotiorum
gestio?

Negotiorum Gestio est quasi contractus, (§. CCCXLII. *) quo quis negotia alterius ignorantis

De negotiis gestis. Pars I. 165
rantis gratis & sponte suscipit. * §. I. Instit.
de obl. qua quasi ex contr. Ergo & negotio-
rum gestor recte vocatur procurator volunta-
rius. Cic. in Brut. cap. IV. Paull. Recept.
Sent. I. 3. 3.

* Quemadmodum vero Procurator vel judicialia
vel extrajudicialia negotia alterius mandato
gerit; (§. CCCCXVI.) ita & negotiorum
gestor utraque sponte suscipit. L. 41. ff. b. r.
Invaluit tamen, ut, qui in judicio sine man-
dato negotia rei gerit, *Defensor*; qui extra
judicium aliena negotia suscipit, *Negotiorum*
Gestor audiat.

§. CDXLVI.

Inde axiomata: I. Negotiorum gestio spe- De ejus
ciatim ita dicta in negotiis, extra judicium natura a-
curandis, versatur. II. Obligatio ignorantis xiomata.
nascitur ex consensu, ob utilitatem illi alla-
tam, præsumpto. (§. CCCLXII. 3)

§. CDXLVII.

Quum itaque in negotiis, extra judicium Quis ne-
curandis, versetur negotiorum gestio; (§. gotia ge-
CDXLVI. 1) consequens est, 1) ut unus- rere pos-
quisque negotia gerere, & ignorantem obli- sit.
gare possit, modo gerat utiliter, L. 3. pr. hoc
tit. adeoque 2) nec femina, L. 3. §. 1. L. 31.
§. 6. hoc tit. nec 3) pupillus excipiantur,
L. 3. §. 4. hoc tit. *

* In qua lege pro verbis: *Pupillus sane si ne-
gotia gesserit*, frustra vir summus, Jac. Cujac.
Obs. XIII. 7. rescribi jubet: *Pupilli sane si ne-
gotia gesserit*. Vid. Bachov. *πῶς*. p. 869. Et
Cl. Schulting. *hoc tit.*

§. CDXLVIII.

Quumque hæc obligatio ex consensu ob Cujus-
utilitatem ignorantem allatam præsumpto, na- nam?
scatur; (§. CDXLVI. 2) consequens est, 1)
ut ne-

ut negotia uniuscujusque utiliter geriqueant.
L. 3. §. 3. ff. hoc tit. adeoque 2) etiam ejus,
 qui consentire vere non potest, veluti furio-
 si, *L. 3. §. 5. hoc tit.* 3) etiam pupilli, (qui
 tamen eatenus tantum tenetur, quatenus fa-
 ctus est locupletior,) *L. 6. pr. ff. L. 2. Cod.
 hoc tit.* 4) etiam ejus, qui apud hostes est,
L. 19. §. ult. hoc tit. itemque 5) nascituri,
L. 29. ff. hoc tit. 6) mortui, *L. 3. pr. L. 21.
 §. 1. hoc tit. L. 1. ff. de relig. & sumpt. fun.
 & 7) ejus denique, cujus in persona erra-
 tum est. L. 5. §. 1. hoc tit.*

§. CDXLIX.

Quæ ne-
 gotia, &
 quomodo
 gerenda?

Ex eodem axiomate colligimus, 8) nego-
 tiorum gestorem utiliter gerendo obligare
 ignorantem, quamvis utilitas postea interce-
 pta sit. *L. 10. §. 1. L. 12. §. 2. L. 22. hoc tit.*
 9) Eundem teneri ad diligentiam exactis-
 simam, * (*Inst. §. DCCLXXXVIII. 3) §. 1.
 Inst. de obl. quæ quasi ex contr. L. 23. ff. de
 r. j. 10)* Neminem obligari, ut omnia ne-
 gotia gerat, nisi adsit, qui omnia suscipere
 velit. *L. 6. §. 12. L. 15. L. 16. L. 21. §. 2. ff.
 L. 20. Cod. hoc tit.* 11) Eum, qui inchoata
 dereliquit, etiam de non gestis teneri. *L. 21.
 §. 2. hoc tit.*

* Adde tamen exceptiones, 1) si quis a Præ-
 tore jussus, vel 2) affectione ductus, nec
 bona alterius distrahantur, vel 3) negotia
 alioquin peritura gesserit, quibus casibus lata
 tantum culpa præstat. *L. 3. §. 8. 9. hoc tit.*
 Item 4) si quis insoliti quid & novi non
 ex more boni patrisfamilias gesserit. Siqui-
 dem tunc & casum præstat, lucro tamen cum
 damno pensato. *L. 11. hoc tit.*

§. CDL.

Actio ne-
 gotiorum
 gestorum.

Itaque, quum ex hoc quasi contractu utrin-
 que nascatur obligatio; facile patet 1) & du-
 pli-

plicem Negotiorum Gestorum actionem. Directam alteram, alteram Contrariam inde ori-
 ri. (§. CCCLXIV. *) §. 1. Inst. de obl. qua
 quasi ex contr. 2) Utranque esse bonæ fidei.
 (§. CCCLXV.) §. 28. Inst. de act.

§. CDLI.

Directa nimirum datur domino, ejusve he- Directa.
 redi, nec non ei, cujus interest, L. 2. L. 3.
 §. 7. L. 47. ff. h. t. adversus negotiorum ge-
 storem, ejusve heredem, ad reddendas ratio-
 nes, restituenda reliqua, L. 2. L. 23. hoc tit.
 & usuras, si pecunia aliena usus est, etiam
 centesimas, L. 38. h. t. præstandas, omne de-
 nique damnum, quacunque culpa datum,
 (§. CDXLIX. 9) rescariendum.

§. CDLII.

Contraria autem competit negotiorum ge- Contraria.
 stori, ejusve heredi, adversus dominum,
 heredemve ejus, ad indemnitatem, §. 1. Inst.
 cod. id est, ad impensas necessarias & uti-
 les, L. 2. L. 27. L. 45. ff. L. 10. Cod. hoc tit.
 immo & usuras pecuniæ, quam pro domi-
 no solvit, vel quas ex pecunia sua conse-
 qui potuisset, restituendas. L. 19. §. 4. ff.
 L. 18. Cod. hoc tit.

§. CDLIII.

Ceterum ex natura negotiorum gestionis Quando
 hætenus descripta consequitur, 1) cessare cesset actio
 contrariam actionem, si quis inutiliter ges- contraria?
 ferit. (§. CDXLVII. 1.) L. 10. §. 1. h. t. ve-
 luti voluptatis tantum causa impensas facien-
 do, L. 25. L. 27. hoc tit. vel proprium potius,
 quam domini lucrum quærendo, L. 6. §. 3.
 h. t. 2) Cessare eandem, si quis inviti & pro-
 hibentis negotia suscepit, nisi utilitati pu-
 blicæ prohibitio illa refragetur. L. ult. C. L. 8.
 §. ult. ff. hoc tit. 3) Cessare denique, si quis
 pietatis causa donandique animo gesserit :
 L. 27. §. 1. L. 44. ff. L. 1. L. 11. L. 13. L. 15.
 Cod.

168 Pand. Lib. III. Tit. VI.
Cod. hoc tit. quamvis id, præterquam de matre, vel avia, vix videatur præsumendum.
L. 54. ff. hoc tit.

T I T. VI.

De Calumniatoribus.

§. CDLIV.

Quis calumniator?

Procurator, Defensor, Syndicus, negotiorum Gestor alterius causam b. f. suscipiunt: Calumniator, pecunia accepta, dolose & calumniæ causa alteri facessit negotium. Quamvis enim variis modis accipiat calumnia; L. 233. ff. de v. s. & ibi Jo: Goedd. & Des. Herald. Animadv. ad Jus Att. & Rom. II. 15. hic tamen Calumniator vocatur, quisquis ut calumniæ causa negotium faceret, vel non faceret, pecuniam accepit, vel depectus est. L. 1. pr. L. 3. §. 2. L. pen. hoc tit.

§. CDLV.

Quid sit accipere pecuniam?

Quum itaque pecuniam aliquem accepisse, vel depectum esse ponatur, (§. CDLIX.) pecunia autem sit, quidquid in patrimonio est; (§. CLXXXIII.) consequens est, 1) ut perinde sit, si pecuniam, si aliud quid, acceperit. L. 1. §. ult. ff. h. t. 2) Ut & accepisse quid videatur, qui obligatione fuit liberatus, vel 3) pecuniam gratis utendam accepit, vel aliter impetravit, L. 2. hoc tit. vel 4) ullum aliud propter hoc sensit compendium. L. 3. pr. eod. 5) Ut nihil denique intersit, si quis a tertio pecuniam accepit, ut mihi facesset negotium, si a me, quominus facesset. L. 3. §. ultim. L. 6. ff. hoc tit. 6) Ut & turpia pacta & transactiones cum in finem ineuntes, calumniatores sint. L. 3. §. 2. hoc tit.

§. CDLVI.

§. CDLVI.

Quamvis autem contra accipientem & conditio ob turpem causam, L. 5. §. 1. *hoc tit.* & persequutio ex lege Julia repetundarum, L. 1. §. 1. ff. *hoc tit.* locum habeat; Prator tamen edixerat, se intra annum in quadruplum ejus pecuniæ, quam accepisse, depectusve quis esse dicatur; post annum simpli in factum actionem daturum. L. 1. princ. L. 3. §. 2. L. pen. ff. *hoc tit.*

Pratoris
edictum
de calum-
niatori-
bus.

§. CDLVII.

Ex quo edicto fuit actio in Factum de Calumniatoribus, competens ei, qui dedit pecuniam, ne sibi negotium fieret, vel ei, propter quem data est, L. 3. §. ultim. L. 6. *hoc tit.* non ejus heredi, L. 4. eod. nec ei, qui calumniæ causa dedit, L. 3. §. ult. eod. contra accipientem, (§. CDLV.) non contra ejus heredem, nisi quatenus ad eum lucrum pervenit. L. 5. princ. ff. *hoc tit.* intra annum * in quadruplum, post annum in simplum, L. 1. princ. *hoc tit.*

Actionis
de calum-
niatoribus
descriptio.

* Annus hic in persona ejus, qui dedit, ne sibi negotium fieret, ab ipso momento, quo dedit: in persona ejus propter quem data pecunia, a die notitiæ inchoatur. L. 6. ff. *hoc tit.*

LIBER IV.

TIT. I.

De in integrum restitutionibus.

§. CDLVIII.

Quid re-
stitutio in
integrum? **I**Nter *res*, de quibus hactenus agitur
quartum est *restitutio in integrum*, (§. CCLXXIV.) quæ, quatenus a Prætorè pe-
titur, est *redintegranda rei vel causse actio*:
Paull. Rec. Sent. l. 7. 1. quatenus datur,
cassæ jure stricto amissæ ob læsionem redin-
tegratio. * L. 3. ff. hoc tit. l. 2. C. in quib.
causs. in int. rest. necess.

* Non ergo huc pertinent rescissiones, quæ per
ipsas leges fiunt, L. 33. ff. de re jud. l. 31.
de jurejur. l. 2. Cod. de resc. vend. nec resti-
tutio sententiam passorum, quæ fit a Princi-
pe. l. 1. §. 10. l. 27. ff. de pen. l. 1. l. 6.
seq. de sent. pass. & restit. Hic enim agitur
de restitutione, quam Prætores contra jus ci-
vile strictum æquitatis obtentu dare solebant.
(§. XLII. 3.)

§. CDLIX.

De ejus
natura a-
xiomata. Inde axiomata: I. Restitutio in integrum
pertinet tantum ad actus summo jure vali-
dos. l. 16. pr. de min. II. Locum habet ob
læsionem, eamque haud nullius momenti.
l. 4. h. t. III. Ob justam duntaxat causam
conceditur: l. 1. seq. h. t. IV. Nec nisi a ma-
gistratu. l. ult. C. ubi & apud quem cogn. V.
Restitutione omnia reducuntur ad pristinam
causam. l. 24. §. 4. de minor.

§. CDLX.

Quando
opus sit in Quam itaque restitutio in integrum perti-
neat tantum ad negotia, ipso jure valida;
(§. CDLIX.)

(§. CDLIX. 1.) consequens est, ut ea non integrum
opus sit, si 1) vel actus ipso jure non sub- restitutione
sistit. *L. 16. pr. ff. de min. L. 2. C. de filios. min.*
vel 2) læsis in mundo est remedium civile
ordinarium. * *d. L. 16. ff. de min.*

* Nisi forte pinguius faciliusve eo remedio sit
beneficium Prætoris, veluti si restitui minor
malit, ob faciliorem læsionis qualiscunque
probationem, quam uti remedio, *L. 2. C. de
resc. vend.* in quo ei probanda læsio enormis
vel ultra dimidiam.

§. CDLXI.

Quum deinde restitutio detur ob læsionem Ob quæ
alicujus momenti; (§. CDLIX. 2.) conse- læsionem
quens est, 1) ut minima non curet Prætor, detur?
nec audiat in integrum restitutionem peten-
tes propter rem vel summam minimam. *L. 4.
ff. hoc tit. 2*) Ut læsio facta non præsumatur
a parente vel patrono, nec ob eam detur
restitutio in integrum. *L. 2. C. qui & advers.
quos 3*) Ut probatione læsionis causæque
cognitione opus sit. * *L. 3. hoc tit.*

* Eam cognitionem Prætor extra ordinem in
se suscipiebat in causis minorum: *L. 24. §.
ult. de minor.* in aliis restitutionibus iudex &
Prætor dabatur. *L. 9. §. 3. quod med. caus.*
*L. 1. §. 1. ff. de dol. mal. L. 1. §. 1. ex quib.
causs. maj.*

§. CDLXII.

Quum porro ob justam duntaxat causam Ob quas
concedatur restitutio; (§. CDLIX. 3.) Præ- causas?
tori talis sufficere videbatur causa, cui ad-
fistebat æquitas, quamvis nullum lædentis de-
lictum concurreret. Et tales causæ justæ ac
æquissimæ videbantur I. *metus*, II. *dolus*, III.
atras, IV. *status mutatio*, V. *absentia Reip.*

172 Pand. Lib. IV. Tit. I.
caussa, & VI. alienatio iudicii mutandi causa
facta. *)

* Paullus Recept. Sent. 1. 6. 2. omissa alienatione iudicii mutandi causa facta, addit *Iustum Errorem*. Eoque vulgo referunt generalem illam clausulam Prætoris: L. 1. §. 1. ff. quib. ex caus. major. Sed omnino in mente Paullus habet restitutionem ejus, qui cum pupillo, falso tutore auctore, contraxit ex errore iusto. De hac enim restitutione Prætorum inter reliquas restitutiones egisse, ex inscriptionibus fragmentorum patet. L. 1. sequ. ff. quod falso tutor.

§. CDLXIII.

A quo magistratu?

Quandoquidem præterea restitutio datur a magistratu; (§. CDLIX. 4.) facile patet, 1) eam potestatem non competiisse magistratibus municipalibus, arbitris, iudicibus pedaneis. L. 2. ff. ad municip. L. ult. C. ubi & apud quem cogn. 2) Restituere posse magistratum contra suam vel decessorum, magistratuumque inferiorum, non adversus superiorum sententiam. * L. 16. §. ultim. L. 17. sequ. L. 42. ff. de min. L. 18. C. ubi & apud quem cogn.

* De singulari Præfectorum Prætorio privilegio, ut ab eorum sententia restituere nemo posset, præter ipsos Præfectos, supra diximus. (§. CCVII.)

§. CDLXIV.

Ubi & quando petenda?

Ex eodem colligunt veteres, 3) restitutionem in integrum vel in foro domicilii, vel in foro rei sitæ esse petendam. L. 7. L. ultim. C. ubi & ap. quem. cogn. 4.) Eandem petendam intra annum, * L. 35. ff. de o. & a. vel hodie intra quadriennium a tempore remoti impedimenti. (§. CCCXXI.) * L. ult. Cod.

Cod. de temp. in integr. restit. excepta restitutione ob capitis deminutionem, quæ perpetua est, *L. 1. §. ultim. ff. de cap. min. & actione doli*, quæ biennio expirat. *L. ult. Cod. de dol.*

* Annum enim erat magistratum officium, nec diutius durabant actiones Prætoris rescissoriæ. (*Inst. §. MCCLXX. 3.*) Justinianus vero eum annum utilem in quinquennium mutavit in restitutionibus in integrum: non tamen in actione doli, ubi non erat questio de anno utili, de quo solo agit *L. ult. Cod. de temp. in int. rest.* Vid. A. A. Pagenst. *Sicilim. Manip. III. §. 21.*

§. CDLXV.

Denique quum restitutione in integrum ^{Ejus esse.} omnia reducantur ad statum priorem; (*§. 2a.*

CDLIX. 5.) consequens est, 1) ut, ea petita, nihil innovandum sit, omniaque manere debeant in statu pristino. *L. 42. ff. de min. L. unic. C. in integr. rest. postul. ne quid nov. fiat. 2)* Ut, ea impetrata, omnia in priorem statum redeant, & sic læsio plane aboleatur. *L. 24. §. 4. ff. de min.*

§. CDLXVI.

Ceterum quamvis restitutio in integrum vel ^{Quomodo} per modum *exceptionis*, vel per modum *actionis* ^{petetur?} petatur: *L. 9. §. 3. L. 14. §. 6. ff. quod met. caus. L. 9. §. 4. ff. de iurejur. L. ult. ff. de dol.* tamen & exceptionem vim actionis habere, recte observat V. C. Jos. Averan. *Interpret. Jur. II. 10. 4.* Utraque enim datur læsis, *L. 1. h. t.* eorumve Procuratoribus, speciali mandato instructis, (*§. CDXXX. 5.*) *tit. Cod. etiam per proc. caus. in int. rest. agn. poss. itemque successoribus, L. 6. hoc tit. Leg. 14. §. 2. quod met. caus. L. 18. §. ultim. L. 19. ff. de min. adversus lædentes*, & aliquando

contra tertios possessores, L. 14. §. 3. *quod met. caus.* L. 13. §. 1. L. 14. *de min. ad rem*, rescisso negotio, in pristinum statum reducendam. *

* Idque uno eodemque iudicio petitur, & una eademque sententia a Pratore indulgetur: ut non opus sit per vulgata illa divisione iudicii in *rescindens* & *rescissorium*. Bachov. *pp. 948.*

T I T. II.

Quod metus causa gestum erit.

§. CDLXVII.

Acti Romanorum actum metu viari non existimabant.

Causarum, ob quas in integrum restituit Prætor, prima est *metus*. (§. CDLXII.) Quamvis enim, quod metus causa gestum, jure naturali & gentium non subsistat; Jctis tamen Romanis, Stoæ fere adscriptis, * (§. LXXXV.) & consensus vi & metu extortus obligare, & *coactus etiam velle* censetur. L. 21. §. 5. *ff. hoc tit.*

* Ita enim Stoici, qui quum sapientem suum negarent ullo metu perturbari, non poterant sane favere ex metu aliquid agentibus, tanquam stolidis, & affectuum suorum intemperie agitatiss. Vid. Cujac. *Obs. XVI. 40.*

§. CDLXVIII.

Contrastamen b. f. ob metum erant nulli.

Attamen Jcti, Stoicis paulo benigniores, distinguebant inter contractus *bonæ fidei* & *stricti juris*. Quum illos consensus & b. f. sustineat, cui nihil tam contrarium, quam vis & metus; L. 136. *de r. j.* consequi videbatur, ut exceptio vis, metus & doli iis inhi ipso jure, L. 3. *ff. de resc. vend.* L. 21. *sol. matr.*

Quod met. caus. gest. erit. Pars I. 175
matr. L. 84. §. 5. ff. de legat. 1. nec laxis opus
*sit restitutione in integrum. * Symmachus*
Epist. II. 87. L. 1. C. de resc. vend.

* At aliquando tamen & in negotiis b. f. locus
est restitutioni in integrum. L. 3. 4. 5. 7. &
ult. Cod. hoc tit. L. 21. §. 5. L. ult. §. 1. ff.
hoc tit. L. 83. ff. de acq. vel omitt. her. Ve-
rum id dicendum est, si alia actio non sit,
qua nostrum consequamur, veluti si, qui co-
egit vendere, non sit solvendo, & res jam
a tertio possideatur. Vid. V. C. Ger. Noodt.
de Form. emend. dol. mal. cap. XVI. pag. 382.
Tom. I. Op.

§. CDLXIX.

At contractus negotiaque stricti juris sub-
sistebant, etiam si metu adactus quis contra-
xisset, veluti stipulationes & acceptilationes:
L. 9. Cod. de contr. & committ. stip. quibus si-
mile videbatur negotium, si quis metu coac-
tus ab emptione vel locatione discesserit.
L. 21. §. 4. ff. hoc tit. Excepta tamen erat pro-
missio dotis, quæ ob vim metumque ipso ju-
re nulla habetur, L. 21. §. 3. hoc tit. itemque
nuptiæ, L. 22. ff. de ritu nupt. & auctoritas
tutoris L. 1. §. 1. ff. de auct. tut.

Contractus
stricti ju-
ris subsi-
stebant.

* Addunt alij manumissionem metu extortam.
Sed id verum tantum, si vel ipse servus li-
bertatem vi extorserit, L. 4. §. 17. ff. qui &
a quib. manum. lib. non fiant, vel populus.
L. 7. per eod. Alioquin non Prætores, sed
Principem, adversus libertatem restituere,
patet ex L. fin. L. 10. ff. de minor. V. d. V. C.
Ant. Schult. præf. hoc tit.

§. CDLXX.

Quum tamen hæc philosophia parum at-
temperata videretur vitæ civili; primum Cn.
Octavius Prætor temporibus Sullanis (Cic. lum.

Historia
edicti de
restitutio-
ne ob do-
lum.

ad Q. Fratr. Ep. I. 1. 7.) edicto suo actionem & exceptionem metus dedisse videtur vi & metu coactis, sed non nisi contra illos, qui vi & metu aliquid abstulerant. Cic. *Verrin.* III. cap. 65. Postea Cassius metus actionem, (non tamen exceptionem) dedit non solum iis, quibus aliquid vi ablatum, sed & omni casu, quo quid metus causa gestum fuerat. L. 4. §. 33. ff. de dol. & met. excepti. Denique interpretatione & exceptio admittitur. Et hinc edictum: *Quod vi & metus causa gestum erit, ratum non habebo.* L. 1. ff. hoc tit.

§. CDLXXI.

Quid metus & vis?

Est autem metus instantis vel futuri periculi causa mentis trepidatio. L. 1. hoc tit. vis contra majoris rei impetus, qui repelli non potest. L. 2. ff. eod.

§. CDLXXII.

De restitutione hac axiomata.

Ex quibus definitionibus, ipsoque Pratoris edicto fluunt axiomata: I. Ob vim injuriam & atrociorē datur restitutio in integrum. L. 3. §. 1. h. t. II. Ea vis movet Prætorem, qua quis latus est. (§. CDLIX. 2) III. Prætor rescindit, quidquid metus causa gestum est. (§. CDLXX.)

§. CDLXXIII.

An omnis vis & metus sufficiat ad restitutionem?

Ex primo axioma (§. CDLXXII. 1.) inferimus, 1) non hic sufficere vim iustam, qua magistratus immorigeros coercet. L. 3. §. 1. ff. hoc tit. 2) Nec restitutionem dari ob metum reverentialem, arg. L. 22. ff. de ritu nupt. L. 26. §. 1. de pign. act. 3) Nec attendendum unum timorem vel terrorem Panicum, L. 5. L. 6. hoc tit. L. 148. de reg. jur. qualis vana mali imminentis, accusationis, infamiae, suspicio. L. 9. pr. ff. L. 10. Cod. hoc tit. 4) Merito autem Prætorem moveri, si quid gestum metu mortis, servitutis, exilii, dolo-

Quod met. caus. gest. erit. Pars I. 177

dolorum, vinculorum, stupri, L. 3. §. 1. L. 4.
L. 7. L. 8. §. 1. 2. L. 22. L. ult. §. 1. ff. L. 4.
Cod. hoc tit. vel ob minas capitales, & ab
homine sævo profectas. L. 7. C. junct. L. 7.
L. 9. pr. ff. L. 9. C. hoc tit.

§. CDLXXIV.

Quumque vi læsum aliquem esse oporteat; Coinam illa detur?
(§. CDLXXII. 2.) consequens est, 1) ut
læsiō probanda sit. L. 12. §. ult. ff. h. t. 2)
Ut, si quis debitori extorsit, quod debebat,
jus quidem crediti amittat, & vim fecisse
videatur, L. 13. h. t. L. ult. Cod. ad L. Jul. de
vi priv. nec tamen debitor ideo restituendus
sit in integrum. L. 12. fin. h. t.

§. CDLXXV.

Quum denique, quidquid metus causa ge- Adversus quem?
stum, Prætor rescindat, (§. CDLXXII. 3)
nullamque personam edicto exprimat; intul-
erunt veteres, 1) non modo adversus eum,
qui metum incutit, Prætores succurrere læ-
so, siue extet res, siue plane perierit; L. 9.
§. 8. L. 14. §. 5. L. 1. C. hoc tit. verum etiam
2) adversus quemcunque rei extortæ posses-
sorem: L. 9. §. ult. L. 14. §. 3. & 5. ff. h. t.
adeoque 3) actionem ex hoc edicto in rem
scriptam esse.

§. CDLXXVI.

Restituit itaque Prætor, dando vel actio- Quota-
plex ex
hoc edicto
detur re-
medium?
nem quod metus causa, si res jam ab alio
possideatur, vel exceptionem, si ipse, cui vis
facta est, vel ejus heredes, possideant. (§.
CDLXX.) L. 9. §. 3. h. t.

§. CDLXXVII.

Actio quod metus causa est Prætoriam, in Ad ni-
rem scripta (§. CDLXXV. 3.) arbitraria, quod ne-
tari ca-
sa defi-
ptio.
(Inst. §. MCLXXXIV.) competens per vim
injustam & atrocem læso, (§. CDLXXIV.
sequ.) ejusve heredi, & omnibus, quorum
interest, L. 16. §. 2. L. 14. §. 2. 6. 8. ff. h. t.

adversus eum, qui metum intulit, & omnem rei vi extortæ possessorem, (§. CDLXXV.) adversus plures, in solidum, ita tamen, ut uno solvente reliqui liberentur, L. 14. §. ult. (non autem contra heredes, nisi quatenus ad eos pervenit, L. 16. §. ult. L. seq. ff. h. t.) ad rem cum omni causa restituendam, * vel nisi arbitrio iudicis restituatur, intra annum utilem, vel hodie quadriennium (§. CDLXIV. 4) in quadruplum, post annum in simplum ** L. 14. §. 1. seq. §. 11. hoc tit. §. 25. inst. de act.

* Si res metu extorta casu perierit; tunc distinguitur, perieritne apud eum, qui metum incussit, vel, malæ fidei possessorem, an apud b. f. possessorem. Si apud illos periit, tunc aut ante condemnationem, aut post condemnationem intra quatuor menses, seu tempus iudicati, aut post iudicati tempus interdidit: & sic primo casu reorum periculo perit, secundo rei non rem, sed triplum tamen præstant, si res apud dominum æque fuisset peritura. Tertio casu & in rem & in triplum tenentur. Sin apud tertium b. f. possessorem ante sententiam res periit, damnum erit domini; post sententiam & tempus iudicati, possessoris, L. 14. §. 5. 11. ff. L. 1. C. h. t. L. 18. §. 1. ff. de dól. mal. L. 40. pr. ff. de her. pet.

** Durat enim hæc actio, quatenus ob contumaciam in quadruplum datur, quatuor annos, L. ult. C. de temp. in int. rest. quatenus simplum petitur, ut reliquæ in rem scriptæ, imitatur actiones in rem, & non nisi longi temporis præscriptione excluditur. (Inst. §. MCCLXIX.) L. 3. C. de his, quæ vi met. caus.

Exceptio
quod me-
tus causa.

Exceptio quod metus causa competit metu
ad promittendum adactis, eorumve heredi-
bus

bus & quorumcunque interest, contra omnes ex eo promisso agentes. L. 14. §. 6. hoc r. L. 7. §. 1. ff. de except. De ea infra Lib. XLIV. Tit. IV. erit agendum.

T I T. III.

De dolo malo.

§. CDLXXIX.

Altera causa restitutionis est *dolus*, (§. CDLXII.) & quidem *malus*. *) Ut enim *dolus* generatim est, quum aliud agitur, aliud simulatur; (sic C. Gallus Aquilius parum accurate dolum malum definit apud Cic. *Offic. III. 14.*) ita *dolus bonus* est solertia, qua simulatione quadam, non ad alterum lædendum, sed ad justitiam utilitatemque utitur, V. C. Ever. *Hotto Diss. de dolo bono cap. II. Dolus malus* denique quævis calliditas, fallacia, machinatio, ad circumveniendum, fallendum, decipiendum alterum adhibita. L. 1. §. 2. hoc tit.

Quid *dolus*, quidve *dolus bonus* & *malus*?

* Fuit itaque hoc vocabulum ἐν τῶν μύσων non modo apud Romanos, verum etiam apud Græcos, quibus etiam alius δόλος κακός, alius δόλος ἀγαθός. Eustath. ad *Iliad. 8.* Add. Muret. *Var. Lect. XVIII. 4.* Cl. Ottho *laudatæ Dissert. cap. I. §. 1.*

§. CDLXXX.

Quamvis autem *dolus* æque, ac *metus*, *Dolus negotia non omnia reddebat nulla.* adversetur consensui; denuo tamen Jcti, Stoæ addicti, non omnem contractum dolo nullum fieri existimabant. Nec leges dolum antiquissimis temporibus vindicabant, præterquam in tutela ex XII. Tabulis, & in cir-

180 Pand. Lib. IV. Tit. III.
cumscriptio adolescentium ex lege Læro-
ria. Cic. de Offic. III. 13.

§. CDLXXXI.

In contra-
ctibus b. f.
distingue-
batur inter
dolum qui
dat causam
contr. &
inciden-
tem.

Bonæ fidei contractibus, quorum formulis
continebatur: *ex Fide bona*, vel *quantum
equius melius*, vel *ut inter bonos bene agere
oportet*, (*Inst. §. MCLXXXIII.*) nihil qui-
dem magis contrarium est dolo malo: nec
hi tamen semper nulli erant; sed tantum, si
dolus causam dedisset contractui. Si enim
dolus inciderat, actione ordinaria ex contra-
ctu purgabatur. L. 7. pr. ff. h. r. L. 12. ff. de ju-
re dot. L. 12. §. 4. §. ff. de act. empt.

* Rejiciunt hanc distinctionem Cl. Noodt. de
form. doli mali empt. Cap. III. & VII. & Sum-
mermann. in præf. hoc tit. quorum ille acute
conjicit, omnes contractus, b. f. fuisse ipso
jure nullos, siue inciderit dolus, siue iis cau-
sam dederit: hic vero omnes contractus, tum
b. f. tum stricti juris, ob quemcunque dolum
ipso jure valuisse contendit. Posterior tamen
sententia diserte repugnat L. 16. §. 1. de min.
& L. 3. §. 3. pro soc. Prior admodum proba-
bilis esset, modo non repugnarent L. 7. pr.
hoc tit. & L. 12. de jur. dot. Ex illa autem
duo commata extrudere cum viro celeberrimo
de Jurisd. l. 14. & de form. doli mali
cap. XIV. ego quidem non ausim.

§. CDLXXXII.

Contractus
stricti ju-
ris ob do-
lum non
infamati.

At stricti juris negotia, siue inciderit do-
lus, siue causam contrahendo dederit, ipso
jure subsistebant, ceu docet exemplum Can-
nii apud Cic. de Offic. III. 14. Unde hanc ad-
hibebant cautionem contrahentes, ut seor-
sum, dolum abesse vel absuturum, sibi stipu-
larentur. L. 1. §. 4. hoc tit. L. 121. princ. de
Verb. oblig.

§. CDLXXXIII.

§. CDLXXXIII.

Demum C. Aquilius Gallus, Ciceronis aequalis, (Cic. Top. Cap. VII.) qui nunquam solebat juris civilis rationem ab æquitate sejungere, (Id. pro Cæcin. cap. XXVIII.) formulas de dolo malo, *omnis malitiæ everricula*, proposuit Cic. de Nat. Deor. III. 30. Unde natum edictum: *Quæ dolo malo facta esse dicentur, si de his rebus alia actio non erit, & justa causa esse videbitur, judicium dabo* L. I. §. I. ff. hoc tit.

Edictum
Prætoris
de resti-
tutione ob
doli ma-
lum.

§. CDLXXXIV.

Inde axiomata: I. Causa hujus restitutionis est dolus malus. II. Datur illa in subsidium. III. Præmittenda omnino causæ cognitio. IV. ea impetrata, omnia ad priorem statum reducuntur, & alter dolose egisse judicatur.

Axiomata
de hac re-
stitutione.

§. CDLXXXV.

Quum itaque hujus restitutionis causa sit dolus malus; (§. CDLXXXIV. 1.) consequens est, 1) ut ob dolum bonum non detur restitutio. L. 37. hoc tit. L. 16. §. 4. de min. junct. L. 2. C. de resc. vend. 2) Ut detur contra, si & pubertati proximus alium dolo malo circumvenerit. L. 13. §. I. hoc tit. L. III. pr. ff. de reg. jur.

Ob quæ
dolum de-
tur?

§. CDLXXXVI.

Quumque in subsidium detur hæc restitutio; (§. CDLXXXIV. 2) sequitur, 1) ut ea opus non sit, si dolus causam dederit contractui bonæ fidei, quippe qui tunc ipso jure nullus est. (§. CDLXXXI. 2) Ut, si dolus in hujusmodi contractum inciderit, ne tunc quidem locus sit restitutioni, quum vel ex contractu agi, vel, re adhuc integra, exceptio doli opponi possit. (§. eod.) L. 7. pr. §. 3. L. 9. pr. hoc tit. L. 21. ff. sol. matr. 3) Ut contractus tantum stricti juris hoc modo rescin-

Quibus in
negotiis?

rescindendi sint, L. 36. ff. de v. o. L. ult. *hoc tit.* L. 5. C. de inur. stip. five alia actio non detur, five, an alia sit, dubitetur, L. 7. §. 3. *hoc tit.*

§. CDLXXXVII.

Causæ
cognitio
præmit-
tenda.

Quum porro præmittenda sit causæ cognitio; (§. CDLXXXIV. 3) sequitur, ut despiciendum sit, an alia actione rem consequi possit deceptus; (§. CDLXXXVI.) L. 3. §. 4. *hoc tit.* 3) Ut & dolus sit probandus; (§. CDLXI. 2) L. 16. *hoc tit.* 3) Ut æstimare deceat Prætozem, an calliditas sit magna & evidens, & duos saltim aureos excedat. * L. 7. §. ult. L. 9. §. ult. L. 10. L. 11. *pr. hoc tit.*

* Quia enim, ut mox apparebit, actio hæc erat famosa; non videbatur operæ pretium, ob minimam læsionem actionem dari, quæ reo infamia irrogetur. (§. CDLXI. 1.)

§. CDLXXXVIII.

Restitu-
tionis hu-
jus esse-
tia.

Denique ex quarto axioma (§. CDLXXXIV. 4) consequitur, 1) ut omnis amissa causa restituatur. L. 35. ff. de verb. sign. 2) Ut, si res ipsa restitui nequeat, decipiens teneatur in id, quod interest. L. 18. *pr. hoc tit.* 3) Ut condemnatus infamis fiat, (§. CDVII. 3) L. 1. §. 4. h. t. L. 1. de his, qui not. infam. adeoque 4) hæc actio non danda sit adversus eos, quibus actor debet reverentiam, sed contra hos in factum agere deceat. L. 11. §. 1. h. t.

§. CDLXXXIX.

Petitur
vel actio-
ne vel ex-
ceptione.

Restituit autem & hic Prætor, & actionem de dolo malo dando: & re adhuc integra exceptionem; (§. CDXLVI.) L. 1. §. 4. 5. L. 7. *pr. §. 1. 8. hoc tit.* Illa binos annos durat, a die admitti doli computandos, L. ult. C. h. t. (§. CDLXIV. 4) quamvis, eo elapso, adhuc actio-

De dolo malo. Pars I. 183
actioni in factum locus sit. L. 28. h. t. L. 35.
de obl. & act. Hæc perpetua est. L. 5. §. fin.
ff. de dol. & met. exc.

§. CDXC.

Actio de dolo malo Prætorias (§. CDLXXXIII.)
personalis, arbitraria (Inst. §. MCLXXXV.) Adio de
competit dolo deceptis in contractu stricti ju- dolo ma-
ris (§. CDLXXXVI. 3) nullaque alia actio- lo.
ne tutis, (§. CDLXXXVII. 1) eorumve he-
redibus, L. 1. pr. L. 13. hoc tit. adversus de-
cipientes, & eorum quidem plures in soli-
dum, ita tamen, ut uno solvente reliqui li-
berentur, L. 17. pr. hoc tit. non adversus ter-
tium possessorem, arg. L. 15. §. ult. L. 1. §. 4.
hoc tit. nec adversus heredes, nisi quatenus
ad eos pervenit, L. 17. §. 1. L. 26. seq. hoc tit.
ad rem dolo amissam cum omni causa resti-
tuendam; (§. CDLXXXVIII. 1) vel, nisi
restituatur, aut perierit, in id, quanti rem
esse actor juraverit, (§. CDLXXXVIII. 2)
L. 18. pr. §. 1. hoc tit.

§. CDXCI.

Exceptio doli mali itidem competit circum- Exceptio
ventis, eorumve heredibus, vel iis, quorum doli.
interest, L. 2. §. 2. ff. de dol. mal. & met. exc.
L. 7. §. 1. ff. de except. contra circumvenien-
tes, * si hi illos ex contractu hujusmodi con-
veniant. L. ult. hoc tit. L. 36. de verb. obl. L. 5.
de inut. stipul. De hac quoque exceptione in-
fra. Lib. XLIV. Tit. IV.

* Quia & hæc exceptio famam suggillat, ad-
versus eos, quibus debetur reverentia, po-
tius exceptione in factum utendum est. (§.
CDLXXXVIII. 4.) L. 4. §. 16. ff. de dol. mal.
& met. exc.

T I T. IV.

De Minoribus XXV. Annis.

§. CDXCII.

Lex Latoria
ut prospexerit
minoribus:

Tertia in integrum restitutionis causa est lubricum *etatis*; (§. CDLXII.) Quum enim inter omnes constaret, fragile esse juventutis consilium, multisque suppositum captionibus; primum lex *latoria* & minorennitatis annos finivit; (§. CXXIX. *) & minoribus volentibus curatores dari iussit, Jul. Capit. *Marc. cap. X.* (Iast. §. CCLXXI. *) & læsis minoribus auxilium pollicita est, sed non nisi dolo circumventis, maxime per stipulationem. Plaut. *Rud. V. 3. v. 25.* Priscian. VIII. p. 794. XVIII. p. 1164.

§. CDXCII.

Prætoris
de iis edi-
ctum, ex
eoque axi-
omata.

Ast Prætor & sine dolo læsis subveniendum putavit, edixitque: *Quod cum minore, quam XXV. annis natu, gestum esse dicatur, uti quæque res sit, se animadvertsurum.* L. 1. §. 1. *hoc tit.* Ex quo edicto fluunt axiomata: I. Prætor succurrit minoribus. II. Ob læsionem qualemcunque. III. Causa tamen cognita. IV. Hoc quoque remedium in subsidium petendum. V. Impetrati vero is effectus est, ut omnia ad pristinam causam reducantur.

§. CDXCIV.

Petunt il-
lam mino-
res.

Quum itaque minoribus succurrat Prætor; (§. CDXCIII. 1) consequens est, 1) ut id beneficium pertineat ad ea, quæ, anno *etatis* XXV. nondum adimpleto, gesta sunt. L. 1. §. 1. L. 3. §. 3. *hoc tit.* 2) Ut si bifexto, sive priore, sive posteriore, nati sint, in iis id biduum pro uno die habeatur; (§. CCCXXX.)

CCCXXX.) L. 3. §. 3. *hoc tit. 3*) Ut nihil
interfit, five eo tempore, quo lædebantur,
nati, five in utero, five puberes five impu-
beres, five patresfamil. five filii famil. fue-
rint. L. 3. §. 4. *hoc tit. Cod. de filiofam. mi-
nor. 4*) Ut nec doctrina, nec munus Decu-
rionatus, obftet minoribus in facto erranti-
bus, quominus petere possint in integrum
restitutionem, arg. L. 1. §. ult. *hoc tit. L. 41.
ff. de recept. L. 1. C. qui & adv. quos L. 2. ff.
de jur. & fact. ign.*

§. CDXCV.

Nec minus inde colligas, §) nihil refer- Sive cum
re, tutoris curatorisve auctoritate & consen- five sine
su aliquid gestum, an his non intervenienti- tutore, vel
bus: L. ult. C. si adv. rem. jud. tit. C. si tut. vel curatore,
curat. interv. quum §) ne quidem, si decre- gesserint.
tum magistratus intervenierit, hoc beneficium
cesset. L. 11. C. de præd. & al. reb. min. sin.
decret. non alien.

§. CDXCVI.

Contra ex eodem axiomate patet, 7) ces- Qui mino-
sare hoc beneficium, si major factus adole- res non re-
scens rem ratam habuerit. L. 3. §. 1. 2. *hoc t. stituatur?*
Cod. si maj. fact. 8) Cessare etiam, si minor
cum minore habuerit negotium; (§. CXIX.
2) L. 11. §. pen. L. 34. *hoc tit.* Nec non 9) si
pubes jurejurando, quod gestum est, con-
firmavit, *Auth. Sacramenta puberum. Codic.
si adv. vendit. vel 10*) si veniam ætatis im-
petrarit a Principe, modo non læsus sit
alienando immobilia. *Leg. 3. Codic. de his,
qui ven. atat.*

§. CDXCVII.

Quum porro ob qualemcunque læsionem de- Ob quam
tur restitutio; (§. CDXCIII. 2) consequens læsionem
est, ut nihil interfit, i) five dolo læsus sit detur re-
minor, five sine dolo; L. 11. §. 3. ff. L. 5. pr. stitutio?
C. h. t. 2) five contraxerit, five aliud ges-
serit

ferit negotium; L. 7. §. 1. ff. h. t. c. si adversum jud. & sequentes: 3) si in iudicio, si privatim quid gesserit; L. 7. §. 4. II. 12. L. 8. seq. L. 16. §. ult. hoc tit. 4) si cum fisco, si cum privato intercesserit negotium; tit. c. si adv. fisc. 5) si pauperior factus sit, si aliud senserit incommodum. L. 6. L. 7. §. 6. seq. L. 44. seq. ff. hoc tit.

§. CDXCVIII.

Ob quam
non de-
tur?

Ex eodem vero patet, non dari restitutionem, 1) si minor se ipsum læserit, veluti delinquendo, L. 9. §. 2. L. 37. §. 1. hoc tit. L. 7. c. de pæn. maiorem se dolose dicendo, tit. c. si min. se major. persecutionem pœnalem omittendo; L. 37. pr. hoc tit. 2) Si læsio fato vel vi divina contigerit; L. 11. §. 4. §. hoc tit. 3) Si solum ex decreto iudicis; L. 25. c. de admin. tut. 4) Si non a possidente læsus sit, sed a tertio. * L. 13. §. 1. L. 14. hoc tit. 5) Si læsus dicatur a parente vel patrone, quorum pudor non est fugillandus, L. ult. c. qui & adv. quos.

* Nec enim contra tertium datur possessorem, nisi is vel mala fide possideat, L. 13. §. 1. L. 14. h. t. vel minor alio modo rem, quam habere ejus interest consequi non possit, dist. L. 13. §. 1. L. 14. L. 9. pr. ff. h. t.

§. CDXCIX.

Quæ causæ
cogni-
tio præce-
dere de-
beat?

Quum præterea & hic causæ cognitione opus sit; (§. CDXCIII. 3) consequens est, 1) ut probari oporteat ætatem minorem. L. 43. ff. L. 4. c. hoc tit. 2) & læsionem. L. 7. §. 3. ff. L. 5. pr. c. hoc tit. L. 9. §. 4. ff. de jur. rejur. 3) Ut nonnisi semel peti possit, tit. c. si saps rest. per. 4) Ut, si semel denegata, frustra deinde petatur. L. 1. L. 3. Cod. eod. 5) Ut & in eo vertatur cognitio, an petatur jure tempore, id est intra quadriennium a pri-

De minoribus XXV. annis. Pars I. 187
mo die majorennitatis, quippe quo primum
experiundi fuit potestas; (§. CDLXIV. 4.)
L. ult. pr. C. de temp. in int. rest.

§. D.

Quumque & hæc restitutio tantum detur Quando
in subsidium; (CDXCIII. 4) consequens non detur
est, 1) ut ea opus non sit, si, quod ge- hæc resti-
stum, nullum est ipso jure. *L. 16. §. 1. ff.* tutio?
L. 3. Cod. hoc tit. 2) Ut nec eidem locus sit,
si alia minori in promptu sit actio ordina-
ria. *L. 16. pr. hoc tit.*

§. DI.

Denique quum impetrata hac actione om- Ejus esse-
nia ad pristinam causam reducantur; (§. da.
CDXCIII. 5) consequens est, 1) ut minor
omnia recipiat in ea causa, qualis tempore
gesti negotii fuit. *L. 27. §. 2. h. t. 2)* Ut idem
alteri debeat restituere; quo factus est locu-
pletior. *L. 7. §. 5. L. 24. §. 4. L. 40. §. 1. L. 47.*
§. 1. ff. hoc tit. L. unic. Cod. de reputat. 3.)
Ut & heredibus minoris detur, *L. 18. §. ult.*
L. 19. hoc tit. L. unic. C. si adv. dot. non autem
minori data profit alijs majoribus, nisi res
sit individua. *L. unic. Cod. si in comm. ead.*
causs. L. 10. pr. ff. quemadm. serv. amitt. immo
ne quidem fidejussoribus & mandatoribus,
L. 13. pr. L. 23. hoc tit. nisi dolo læsus sit mi-
nor, *L. 7. §. 1. ff. de except. L. 2. Cod. de fideic.*
min. vel illi debitorem minorem esse igno-
raverint. L. 48. §. 1. ff. de fidejuss. arg. L. 3.
pr. ff. ad SC. Mac.

§. DII.

Unde simul patet, 4) cur non detur, si Non datur
negotium rescindi non possit, adeoque 2) restitutio,
nec hodie in nuptiis ei sit locus: Struv. Exerc. si negotiū
VIII. §. 57. nec 3) adversus libertatem: *L. 2. rescindi*
Cod. si adv. libert. L. 9. §. ult. L. 31. ff. hoc tit. nequit.
nisi hoc casu a principe ex magna causa im-
petretur: *L. 10. h. t. nec 4)* adversus præscri-
ptio-

ptionem longissimi temporis, *L. ult. Cod. in quib. causss. in int. rest.*

§. DIIL.

An actione
ordinaria
petatur
hzc resti-
tutio?

Ceterum ex hoc titulo prodita non est actio ordinaria, sed Prætor imploratus extra ordinem, cognita causa; (§. CDXXI. 3. *) restituit in integrum. *L. 24. §. ult. h. t.*

§. DIV.

Minoribus
æquipara-
tur resp.
civitates,
Ecclesiæ.

Corollarii loco addimus, quod & Respublicæ, Civitates, Ecclesiæ, quia sub aliorum cura sunt, in hac saltem causa restitutionis, minoribus æquiparentur, *L. 3. C. de jur. reip. L. 4. C. ex. quib. causss. maj. L. 1. C. de offic. ejus, qui vic. alien. iisque quadriennium a tempore gesti negotii vel scientiæ currat, cap. 1. 2. de restitut. in 6.*

T I T. V.

De Capite diminutis.

§. DV.

Capitis
deminutio
quid?

SEquitur quarta in integrum restitutionis causa, *Capitis Deminutio.* (§. CDLXII.) Quumque *Caput* idem sit, ac status civilis, secundum quem homines Romæ in Tabulas censuales referebantur; (*Inst. §. CCXXIII.*) capitis deminutio nihil aliud erit, quam *prioris status mutatio.* *L. 1. pr. Inst. h. t.*

§. DVI.

Quotu-
plex?

Quandoquidem vero *status civilis* in juri-
bus *Libertatis, Civitatis & Familiæ* consistit;
(§. CXXXI.) status mutatio, qua *libertas*
amittitur, capitis deminutio *Maxima*; qua
civitas, Media; qua jura familiæ, *Minima*
* appellatur. *L. ult. hoc tit.* Priores, quia ef-
ficiunt, ut homines personæ civiles esse de-
finant, (§. CXXII.) morti æquiparantur,

Mor-

De Capite minutis. Pars I. 189
Mortisque Civilis nomine veniunt. L. 1. Inst.
quib. mod. jus patr. pot. solv. L. 209. ff. de
regul. jur.

* Aliquando bimebris tantum occurrit divisio.
Veluti, *L. 1. §. 4. ff. de suis & legit. L. 1.*
§. 8. ff. ad SC. Tertull. Rationem reddidit
V. C. Gerard. Noodt. probab. L. 12. Obs. II. 23.

§. DVII.

Maximam mediamque capitis deminutionem
passi, quia pro mortuis erant, (§. DVI.)
omnia jura amittebant. Quumque non ma-
gis, quam mortui, conveniri aut convenire
alios possent; ob eam non dabatur restitu-
tio in integrum, *L. 2. pr. L. 7. §. 2. hoc tit.*
sed, si qui capite ita minutos obligatos ha-
berent, iis actio utilis adversus fiscum, eos-
ve, ad quos bona eorum pervenerant, com-
petebat, *d. L. 2. & 7. ff. h. t.*

An ob ma-
ximam &
mediam
data resti-
tutio?

§. DVIII.

At *minimam* passi deminutionem capitis,
veluti adoptivi & emancipati, quia, ob ven-
ditionis intervenientis ritum, in imaginariam
servilem causam deducebantur, (§. CLXXIII.
1. CLXXVIII.) *L. 3. §. 1. hoc tit.* eo ipso
momento & civiliter obligati esse, & alios
habere obligatos definebant; *L. 2. §. 2. hoc tit.*
nisi quod salvæ essent 1) obligationes ex cri-
minibus admittis. *L. 2. §. 3. L. 7. §. 1. hoc tit.*
2) ex jure publico descendentes, *L. 5. §. 2.*
L. 6. L. 7. pr. h. t. & 3) quæ naturalem habent
præstationem, & in facto consistere intelli-
guntur. *L. 8. seq. hoc tit.*

Cur ea
opus fue-
rit ob mi-
nimam?

§. DIX.

Quum vero æquitatis causa edixisset Præ-
tor: qui quare, posteaquam quid cum his
actum contractumque sit, capite diminui de-
minutæ esse dicantur, in eos easve perinde,
quasi id factum non sit, se judicium datu-
rum;

Restitutio-
nis hujus
natura &
effecta.

um ; *L. 1. §. 1. hoc tit.* inferebant veteres ,
 1) impetrata hac restitutione , jura & actio-
 nes omnes iis & in eos competere incipere ,
L. 2. §. 1. & ult. hoc tit. 2) Non prodesse
 hanc restitutionem arrogatori ; *L. 2. §. 4. hoc*
tit. nec 3) iis , qui postea cum capite mi-
 nutis contraxerint . *L. 3. §. 2. h. t.* 4) Eam ,
 quia nec poenalis nec rescissoria proprie sit ,
 merito esse perpetuam : (*§. CDLXIV. 4*)
L. 2. §. ult. hoc tit.

§. DX.

An hodie Enimvero , quum imaginaria illa servilis
 aliquis e- causa jampridem evanuerit , *L. ult. Cod. de*
 jus usus? *emanc. L. ult. C. de adopr.* immo apud originis
 Germanicæ gentes nunquam audita sit : du-
 bitari profecto nequit , quin & hujus restitua-
 tionis nullus hodie sit usus .

T I T. VI.

Ex quibus causis majores XXV. annis in
integrum restituuntur?

§. DXI.

Restitutio
 propter ab-
 sentiam.

Quinta restitutionis in integrum causa
 est *absentia* , (*§. CDLXII.*) ex loco
 domicilii æstimanda . * *L. 32. ff. hoc tit. L. 137.*
§. 1. L. 199. ff. de verb. sign. Quum enim ab-
 sente altero , dum non est conveniendi co-
 pia , jus alterius per usucapionem vel præ-
 scriptionem facile posset expirare : hinc
 æquissimum Prætori visum , & absentibus
 contra præsentem , & his contra illos , re-
 stitutione in integrum subvenire . *L. 1. princ.*
L. 21. pr. hoc tit.

* Non ergo huc pertinet absentia a loco , ubi
 quis domicilium non habet , vel morari non
 solet .

solet. Quamvis propter hanc anni usucapio-
nis soleant duplicari, pr. Inst. de usucap.

§. DXII.

Tres itaque Prætor edicti partes fecit. Primapars
edicti, qua
absentibus
contra præ-
sentes sub-
venitur.
Prima absentibus contra præsentibus subveniens,
promisit, si cujus quid de bonis fuerit dimi-
nutum, quum is metu aut sine dolo malo reip.
caussa abesset, in re vinculis, servitute, ho-
stiumve potestate esset, postea cujus actionis
eorum cui dies exisse dicatur, se earum rerum
actionem intra annum, quo primum experiun-
di potestas fuerit, in integrum restitutum.
L. I. §. I. hoc tit.

§. DXIII.

Altera edicti parte, præsentibus subveniens Altera qua
præsen-
tibus contra
absentes.
contra absentes, monuit si quis quid usu suum
fecisset, aut, quod non utendo amissum, es-
set consequutus actione qua solutus ob id,
quod dies ejus exierit, quum absens non de-
fenderetur, in re vinculis esset, secumque
agendi potestatem non fecisset, aut, quum eum
in invitum in jus vocare non liceret, neque de-
fenderetur, quamque magistratus ea de re ap-
pellatus esset, si ve cui per magistratum, si-
ne dolo ipsius, actio exempta esse diceretur:
se earum rerum actionem intra annum, quo
primum ea de re experiundi potestas futu-
ra sit in integrum restitutum. dict. L. I.
hoc tit.

§. DXIV.

Tertia denique edicti parte generalem hanc Tertia de
restitutio-
ne ob qua-
cunque ju-
stam causam.
subjecit formulam: Item, si qua alia mihi
justa causa esse videbitur, in integrum resti-
tuam, quoad ejus per leges, plebiscita, sena-
tus consulta, edicta, decreta principum lice-
bit. L. 5. §. I. ff. hoc tit.

§. DXV.

Inde ergo axiomata: I. Qui ob metum, De hac re
remp.

stitutione
axiomata.

remp. vel necessitatem sine dolo absunt, ii adversus præsentes restituantur. II. In prima parte edicti non distinguitur, defendaturne quis, an non. III. Præsens adversus absentem semper restituitur, nisi hic defendatur. IV. Quotiescunque iusta absentiae vel restitutionis causa est, Prætor in integrum restituit. V. Impetrata hac restitutione, usucapio vel præscriptio rescinditur, fingiturque, eum qui usucepit, non usucepisse. §. 3. 5. *Inst. de action.*

§. DXVI.

Ex prima
edicti par-
te restituū-
tor metus
caussa ab-
sentes.

Quum itaque, qui *ob metum* sine dolo malo absunt, adversus præsentes restituantur; (§. DXV. 1) sequitur, 1) ut Prætor non moveatur absentia ob quemlibet terrorem Panicum, sed si quis, iusto timore mortis vel cruciatus corporis contreritus, absit. L. 2. §. 1. L. 3. *hoc tit. 2*) Ut ejus rei difficultas sit iudicis, an iusto metu contreritus quis absit, d. L. 3. *fin. hoc tit.*

§. DXVII.

Absentes
reip. caus-
sa.

Quumque & *reip. causa* sine dolo malo absentibus succurratur; (§. DXV. 1) consequens est, 1) ut hoc privilegium non pertineat ad magistratus, qui in urbe jus dicunt. L. 5. §. 1. L. 6. *h. t.* (quamvis milites, Romæ militantes, *reip. causa* abesse censeantur ex privilegio Antonini Pii. L. 7. *junct. L. 35. §. 4. h. t.*) 2) Ut nec *reip. causa* videantur abesse, qui data opera hoc affectant, ut absint, vel qui dicis causa absunt, vel maturius proficiscuntur, vel tardius revertuntur, vel sui commodi causa, vel ob privatum negotium, alio divertunt. L. 4. L. 5. L. 35. §. 9. L. 36. L. 37. L. 38. §. 1. *h. t.* 3) Ut qui publica auctoritate & publici commodi causa absint, iis tantum hoc beneficium profic, L. 35. *seq. ff. hoc tit.*

§. DXVIII.

§. DXVIII.

Quum porro ob necessitatem sine dolo malo absentes restituantur ; (§. DXV. 1) sequitur, ut eo beneficio fruantur, 1) qui vel in publicis vel privatis vinculis habiti abfuerunt, L. 9. hoc tit. siue custodia militari, siue vinculis & compedibus coerciti fuerint. L. 10. h. t. 2) Qui siue bona fide servierunt, siue detenti fuerunt. * L. 11. hoc tit. 3) Ab hostibus capti, vel ibi nati : L. 14. L. 15. hoc tit. non autem 4) transfugæ, d. L. 14.

* Non qui de statu litigantes in libertate morantur, quippe quibus negligentia nocet, quia hi possent, si vellent, rerum suarum satagere. L. 12. hoc tit.

§. DXIX.

Et quia hic non distinguitur, defensio sit absens nec ne ; (§. DXV. 2) sequitur, 1) ut indistincte restituatur absens L. 15. pr. ff. L. 1. C. hoc tit. 2) nisi procuratorem reliquit, ab eoque rem salvam habere possit, L. 28. pr. L. 39. hoc tit. 3) Ut nec illi competat hoc beneficium, quo jam reverso usucapio adimpleta est, nisi id intra modicum tempus, postquam rediit, veluti dum hospitium conducit, sarcinas componit, advocatum quaerit, contingat, nec negligentia concurrat. L. 15. L. 3. L. 16. hoc tit.

An hic datur restitutio procuratore relicto ?

§. DXX.

Quandoquidem etiam praesens adversus absentem, nisi defendatur, semper restituitur ; (§. DXV. 3) consequens est, 1) ut hic certæ personæ non sint enumerandæ, contra quas Prætor restituit. L. 21. §. 1. h. t. 2) Ut detur restitutio, si nemo defendat absentem, id est, si nec procurator sit, nec sponte quis sese offerat ad iudicium pro eo accipiendum, satisfaciendumque iudicatum solvi. L. 21. §. 2. 3.

Quinam ex secunda edicti parte restituantur ?

L. 22. h. t. 3) Ut praesenti etiam tunc succurratur, si in vinculis fuit, nec ideo agere potuit. L. 23. *pr. hoc tit.*

§. DXXI.

Contra
quos &
quibus ca-
sibus?

Ex eodem sequitur, ut locus etiam sit re-stitutioni 4) si reus non quidem absit, sed secum agendi potestatem non faciat, * L. 23. §. 4. L. 24. *hoc tit. 5*) Si reus more majorum sine fraude in jus vocari non possit, (§. CCLXXIX.) L. 26. §. 2. *hoc tit.* non si vocari nequeat sine venia a Praetore impetrata. (§. CCLXXIV.) L. 26. §. 2. h. t. 6) Si praesenti per magistratum sine dolo malo ipse actio exempta sit, veluti dilationibus concessis, vel non facta sui copia. L. 26. §. 4. 5. 6. *hoc tit.*

* At quum restitutiones tantum dentur in subsidium, (§. CBLX. 2.) contra latitantem autem proditum sit remedium ordinarium, ut si copiam sui non faciat, in ejus bona eatur; (§. CCLXXVII. 2.) videri posset haec restitutio supervacua. Sed jam Ulpianus respondit, nec semper latitare, qui sui copiam non facit, nec missionem illam, praecipue ex secundo decreto, tam facile impetrari. L. 21. §. 2. L. 23. §. 4. *hoc tit.*

§. DXXII.

Ex tertia
edicti par-
te qui re-
stituuntur?

Quumque ex generali clausula Praetoris restitutio concedatur ob quamcunque justam absentiae causam; (§. DXV. 4) consequens est ut ex ea formula subveniat 1) legatione pro municipio functis, L. 26. §. 9. *hoc tit.* quaravis proprie non absint reip. causa: arg. L. 16. ff. de verb. sign. 2) testimonii, cognitionis, vel appellationis causa evocatis; L. 26. §. 9. *hoc tit.* 3) studiorum, vel ex alia probabili causa absentibus: L. 28. *pr. h. t. 4*) sub fidejussorum satisfactione captis: L. 28. §. 1.

Ex quib. caus. maj. XXV. ann. Pars I. 195

§. 1. *hoc vit. 5*) non ex errore, vel ignorantia quid agentibus, ad quos hæc clausula non pertinet, nisi ob quasdam causas. L. 2. ff. de in int. rest. L. 15. §. 5. quod vi aut clam. §. 35. Inst. de act. L. 1. §. ult. L. 2. ff. quod fals. iur. Saltem non petenda restitutio contra præscriptionem longi vel longissimi temporis. L. ult. Cod. de præsc. long. temp. L. 3. L. 4. C. de præscr. XXX. vel XL. ann. junct. L. 1. Cod. si adv. vend.

§. DXXIII.

Quum denique impetrata hac restitutione usucapio escindatur, fingaturque, eum, qui usucepit, non usucepisse; (§. DXV. 5) facile patet, cur & actio & exceptio ex hoc edicto fluat, quæ utraque dicitur *rescissoria*. *

Restitutio hæc petitur vel actione, vel exceptione.

* Vocatur etiam actio hæc *Publiciana*. L. 35. ff. de oblig. & act. L. 57. ff. mand. Ex eoque recte colligere nobis videmur, eam Publicio Prætori deberi, æque ac alteram *Publicianam* in rem actionem, maxime quum sibi sint admodum similes, & utraque simili fictione nitatur. §. 3. Inst. de act. Non tamen tribuenda Publicio, Ciceronis æquali, de quo Cic. pro Cluent. cap. XLV. quamvis ita conjecerit Bertrand. Vit. Jurispr. II. 16. sed alteri antiquiori. Nam Terentius jam hujus restitutionis meminisse videtur in Phorm. II. 4. v. 9. ubi Cratinus, advocatus, ad Patrem, quo absente filius nuptias fecerat:

Mibi, inquit,

Sic hoc videtur: quod Te absente hic filius

Egit, restitui in integrum æquum est & bonum:

Et id impetrabis. Dixi.

§. DXXIV.

Actio-
rescissoriae
descriptio.

Et actio quidem rescissoria Prætoria modo in rem, modo in personam, * competit, tum absenti, qui jus suum per usucapionem, vel præscriptionem amisit; (§. DXXVI. sequ. DXXII.) tum præsentī, cujus jus ab absente exclusum, (§. DXX. sequ.) eorumve heredibus, L. 35. §. 6. hoc tit. contra eum, qui usucepit, ejusve heredem, L. 30. pr. ff. eod. ut res cum omni causa, vel actio amissa, rescissa usucapione vel præscriptione, restituitur. L. 23. §. 2. L. 27. L. 28. §. ult. ff. L. ult. Cod. hoc tit. §. 5. Inst. de act.

* Quando enim ex dominio Prætorio seu ficto, vel ex alio jure in re nascitur, est realis : §. 5. Inst. de act. si actio personalis amissa restitui petitur, personalis est, L. 3. Cod. hoc tit. Vid. Pagenst. Aphorism. IV. §. 0. p. 420.

§. DXXV.

Exceptio
rescissoria.

Exceptio, quæ & ipsa rescissoria dici potest, datur absenti reip. causa, a quo, possessionem post usucapionem nactus, res vindicatur. L. 28. §. 5. ff. hoc tit. vid. V. C. Ger. Noodt. hoc tit. Tom. II. Op. pag. 129.

§. DXXVI.

An Actio-
nem re-
scissoriam
tollat L. 2.
C. de ann.
except.

Dubitari posset, an actioni rescissoriæ locus hodie sit, invento faciliore remedio, ut adversus absentem per denuntiationem vel libellum judici, eove absente, Episcopo vel defensori loci porrectum, fiat interruptio usucapionis. L. 2. Cod. de ann. except. Vid. Bachov. ad Treul. Vol. I. Disp. XI. th. 17. Sed quum hoc remedium rescissoria actione non sit pinguius, eoque casu alterum ab altero tolli non soleat; arg. L. 3. §. 1. ff. naut. caup. stab. nec nova hac lege Justinianus vetus remedium sustulerit; nihil videtur obstare, quominus rescissoria actione etiam hodie

De alienat. jud. mut. caus. Pars I. 197
hodie præsentibus contra absentes succurri
censeamus.

TIT. VII.

*De alienatione judicii mutandi causa
facta.*

§. DXXVII.

Ultima in integrum restitutionis causa est *alienatio judicii mutandi causa facta*. Edictum de alienatione judicii mut. causa facta.
(§. CDLXII.) Quamvis enim, qui dolo possidere desit, pro possessore habeatur; *L. 131. L. 150. ff. de reg. jur.* tamen, quia rei vindictio ob dominii probationem in se est difficilior, Prætori visum, promptius dare remedium, * & edicto cavere: *si dolo malo alienatio judicii mutandi causa facta fuerit, neque arbitrio judicis pristina judicii causa restituatur, se intra annum in integrum restitutum, ut actor, quanti interest ejus, alium adversarium non habuisse consequatur. L. ult. L. 4. §. 1. 3. L. 8. §. 1. L. 6. L. 3. §. 4. L. 4. §. 5. hoc tit.*

* Falluntur itaque qui hanc restitutionem putant supervacuum. Falluntur, qui eam ob hanc causam hodie cessare autumant. Nec falluntur tamen, qui eam proprie restitutionem esse negant, siquidem nec alienatio rescinditur, nec ullum jus amissum restituitur.

§. DXXVIII.

Quum itaque Prætor contra alienantem judicii mutandi causa auxilium promittat; (§. DXXVII.) sequitur, ut locus sit huic remedio, 1) si quis vel dominium, vel possessionem in alium transtulit. *L. 4. ff. 2. hoc tit.* 2) Si quis vendidit rem alienam judicii mutan-

Ob quam alienationem Prætor subveniat?

di causa. L. 8. §. 2. *hoc tit.* 3) Si alienatio facta inter vivos, L. 8. §. 3. *hoc tit.* 4) & quidem ante litis contestationem, arg. L. 2. C. de litigios. L. 8. §. 1. *hoc tit.*

§. DXXIX.

Ob quem
solum?

Quumque dolo malo alienationem factam esse oporteat ; (§. DXXVII.) consequens est, ut in edictum incidat, 1) qui eo consilio alienavit, ut causam nostram redderet duriores, L. 1. pr. §. 1. L. 2. L. 3. pr. L. 8. §. 1. *hoc tit.* non autem, 2) qui in solum dedit, L. 10. pr. *hoc tit.* rem vitiosam redhibuit, L. 8. §. ultim. L. 9. *hoc tit.* ob verecundiam & odium litis, vel valetudinem, senectutem, vel occupationes, in alium transtulit. L. 4. §. 1. *hoc tit.* nec, 3) qui jus nostrum alienando non reddidit deterius. L. 3. §. ultim. L. 4. §. 5. L. 8. §. 4. ff. *hoc tit.*

§. DXXX.

Quæ actio
ex hoc e-
dicto de-
tur?

Datur ergo intra annum utilem, vel hodie intra quadriennium, (§. CDLIV. 4) actio in factum, L. 1. princ. ff. *hoc tit.* personalis, L. 7. *hoc tit.* rei persecutoria, L. 4. §. ultim. L. 7. *hoc tit.* ei, cujus causa per alienationem deterius facta est, ejusve heredi, L. 4. §. ultim. *hoc tit.* adversus alienantem dolo malo, & judicii mutandi causa, (§. DCCXXVIII. sequ.) non adversus ejus heredes, dict. L. 4. §. ultim. L. 7. *hoc tit.* ad id, quod interest actoris, alium adversarium se non habuisse, consequendum. L. 3. §. 4. L. 1. princ. *hoc tit.*

TIT. VIII.

De receptis (arbitris , *) & qui arbitrium
receperunt , ut sententiam dicant .

§. DXXXI.

Ultimum in *ἐπὶ πῶρον* , est compromissum Quid ar-
biter?
in arbitros , (§. CCLXXIV. 5) quo sa-
pe fit , ut non eatur ad iudicem . Cicet. *pro*
Cæ. in. cap. II. Est autem *arbitr* hoc loco **
vir bonus , qui , partium compromissa vel con-
stipulatione electus , officium causam cognoscen-
di definiendique recepit . L. 1. L. 13. §. 2. ff.
L. pen. Cod. hoc tit.

* Ita in Accursiana editione est : & sic idoneum
sensum habet rubrica . Vid. Rad. Forner. *Rer.*
Quotid. II. 1. Cl. Noodt. hoc tit. Tom. II.
Op. p. 135.

** Alias enim & iudices a Prætorē , in b. & e
arbitrariis iudiciis dati . *Arbitri* vocabentur :
(*Inst. §. MCLXXXI.*) item , qui conciliandis
partibus sine compromisso operam dabant ,
L. 13. §. 2. hoc tit. nec non , qui in con-
tractibus aliquid definiunt . *L. 76. ff. pro*
soc.

§. DXXXII.

Inde fluunt axiomata : I. Arbitr loco ju- De ar-
tritis axio-
mata.
dicis est , nec iudex tamen . II. Ut quis ar-
biter sit , ex parte litigantium compromif-
sum , ex parte electi receptio requiritur .
III. Arbitri , est causam cognoscere & de-
finire , IV. partium autem , stare ejus sen-
tentia .

§. DXXXIII.

Quum itaque arbitr sit loco iudicis ; (§. Qui eligi
non pos-
sunt?
DXXXII. 1) consequens est , 1) ut , qui causam
I 4

iam cognoscere ac definiri non posse intelliguntur, nec arbitri esse possint, adeoque 2) nec furiosi, menteque capti, nec 3) impuberes, nec 4) surdi & muti, *L. 9. §. 1. hoc tit. L. 5. ff. de reg. jur.* nec 5) minores XX. annis, *L. 41. ff. hoc tit.* nec 6) feminae, * *L. ultim. Cod. hoc tit.* nec 7) servi hoc officio fungi possint. *L. 7. pr. §. 1. hoc tit. L. 68. de verb. sign.*

* Aliud tamen jure canonico per *c. 4. X. hoc tit.* ubi quum ratio addatur, quod in Gallia feminae jurisdictionis capaces habeantur: non inepte hoc capitulum applicatur iis omnibus locis, ubi & feminae feudorum & jurisdictionis patrimonialis sunt participes.

§. DXXXIV.

Qui possint?

Quia tamen iudices non sunt; (§. DXXXII. 1) facile patet, 8) rem maxime ad compromittentium voluntatem redire, & hinc 9) & filium in causa patris, (*L. 5. L. 6. hoc tit.* itaque 10) infamem, *L. 7. pr. hoc tit.* & 11) minorem, modo XX. annorum sit, *L. 41. hoc tit.* eligi posse: non autem 12) iudicem ordinarium, *L. 9. §. 2. hoc tit.* quod & ipsum tamen jus canonicum concedit, *cap. 7. & 10. X. de arbitr.*

§. DXXXV.

A quibus, & quomodo eligantur?

Quumque, ut quis arbiter sit, ex parte litigantium compromissum requiratur; (§. DXXXII. 2.) consequens est, 1) ut compromittere possint, qui possunt transigere. (§. CCCLXXX. 2.) Ut compromittatur vel stipulatione interposita, vel nudo pacto. * *L. 11. §. 3. L. 13. §. 2. 3. L. 27. §. 7. ff. L. 5. Cod. hoc tit. 3.)* Ut compromisso utilissime accedat stipulatio poenae conventionalis, *L. 11. §. 2. L. 27. §. ult. ff. L. 5. C. hoc tit.* non, quod olim frequentissime accessit, iurandum.

De rec. & qui arbit. rec. Pars I. 201
dum. Auth. Decernit. C. h. r. Nov. LXXXIII.
cap. 11. §. 1. Def. Herald. Jus Att. & Rom.
V. 14. 12.

* Idque jure Rom. dat tantum exceptionem, si
e. g. qui arbitrio non fletit, a me petat.
L. 5. Cod. hoc tit. Hodie stipulatio & pactum
pari passu ambulant. (§. CCCLXXIV.)

§. DXXXVI.

Ex eodem axioma sequitur, 4) ut com- De quibus
promissum valeat, de quacunque causa pri- causis?
vati arbitrii, non 5) de delictis publicis,
caussive famosis, L. 32. §. 6. hoc tit. nec 6)
de actionibus popularibus, vel 7) causis
status de libertate & ingenuitate. L. 32. §. 7.
hoc tit. nec 9) de restitutionibus in inte-
grum, & si qua alia sine jurisdictione & pu-
blica auctoritate explicari nequeunt. L. ult.
Cid. ubi & apud qu.

§. DXXXVII.

Quia præterea & ex parte arbitri receptio Quis rece-
requiritur; (§. DXXXII. 2) recte inferes 9) pisse dica-
arbitrium recipere esse rem liberam, & so- tur arbi-
lutam, & extra necessitatem jurisdictionis trium?
positam, adeoque neminem cogi, ut arbitrium
recipiat. L. 3. §. 1. hoc tit. 10) Eum, qui ad
partes tantum conciliandas operam promisit,
non esse arbitrum. L. 13. §. 2. hoc tit. 3)
Illum, qui semel recepit arbitrium, ad co-
gnoscendum, ferendamque sententiam cogi
posse. L. 3. §. 1. hoc tit.

§. DXXXVIII.

Quum porro arbitri sit causam cognosce- Arbitri of-
re, & ferre sententiam; (§. DXLII. 3) ficiū.
consequens est, 1) ut is procedere debeat
servato juris ordine. L. 1. hoc tit.) Ut sen-
tentiam ferre debeat de causa, de qua com-
promissum, non de alia. L. 32. §. 15. 17. 21.
L. 21. §. 4. seq. L. 26. pr. h. t. 3) Ut non di-
cant

cant sententiam plures arbitri, quibusdam absentibus, nisi in hunc casum litigantes diserte compromiserint. *L. 17. §. ult. L. 27. §. 3. hoc tit. 4*) Ut si plures arbitri in re ipsa dissentiant, id, quod pars major iudicavit, præferatur; si in quantitate omnes dissentiant, sequendum sit id, quod minimum est, *d. L. 17. §. 6. L. 18. L. 27. §. 2. h. t. 5*) Ut, si pares numero arbitri dissentiant, tertia persona eligenda sit, cujus auctoritati pareatur, & quæ in Germania vocatur *ein Odmann. L. 17. §. 5. 6. hoc tit.*

§. DXXXIX.

In primis
in publi-
canda sen-
tentia.

Ex eodem axioma colligitur, 6) arbitros sententiam concipere debere secundum leges & jura recepta *arg. pr. Inst. de offic. jud. 7*) Eisdem illam publicare debere præsentibus partibus, si rem intelligant. *L. 27. §. 4. 5. L. 40. ff. hoc tit. nec non 8*) loco, in quem compromissum. *L. 21. §. 10. h. t. 9*) die non feriato, *L. 2. L. 7. Cod. L. 5. ff. de ferio*) tempore convento, nisi vel tempus nullum partes expresse-rint, vel temporis prorogandi arbitris fecerint potestatem, vel jurare velint arbitri, sibi nondum liquere, *L. 14. L. 27. princ. L. 32. §. 11. L. 21. §. 5. L. 53. L. 13. §. ult. hoc tit.*

§. DXL.

Quomodo
cogatur
arbitr,
ferre sen-
tentiam?

Quumque, qui arbitrium receperunt, cogi possint ad ferendam sententiam, (*§. DXXXVII. 3*) non inique sane edixerat Prætor, qui arbitrium receperit, cum se sententiam dicere coacturum. *L. 3. §. 2. hoc tit.* Ex quo colligebant Juri, 1.) posse arbitrum, sententiam dicere renuentem, mulctæ dictione, aliisque remediis prætoriiis, coerceri, *L. 31. §. 12. hoc tit. 2*) Eundem tamen excusari, si iusta ipsi causa suppetat recusandi arbitrium. *

* Qua-

- * Quales iustæ causæ sunt, 1) litigantium pro-
tervia & inconstantia: L. 9. §. 4. 5. L. 11.
L. 12. pr. L. 15. L. 17. §. 1. b. t. 2.) vitium
in compromisso: L. 11. §. 4. 5. L. 12. L. 13.
pr. eod. 3.) inimicitia capitalis, inter arbitrum
alterutrum litigantium subnata: 4) senectus:
5) valetudo: 6) munus in rep. suscipiendum:
L. 15. L. 16. pr. §. 1. eod. 7) cessio bonorum,
ab alterutro litigantium facta: L. 17. pr. b. t.
8) pœna commissæ: L. 32. §. 1. L. 34. §. 1.
hoc tit. 9) transactio 10) interitus hominis,
vel rei, de quibus litigatur: L. 32. §. 5. hoc
tit. 11) mors, vel furor compromittentis.
L. 27. pr. §. 1. hoc tit.

§. DXLI.

Denique quum partium sit, stare sententiæ
arbitri; (§. DXXXII. 5) consequens est, 1)
ut stare ei debeant, siue æqua siue iniqua sit
sententia. L. 27. §. 2. hoc tit. 2) Ut arbitrer
ipse sententiam mutare nequeat. L. 19. §. 2.
hoc tit. 3) Ut non detur appellatio. L. 32.
§. 14. b. t. sed 4) tantum exceptio doli mali,
si inhonestum quid iusserit arbitrer, L. 21.
§. 7. hoc tit. vel ex gratia aut odio male ju-
dicarit. L. 31. L. 32. §. 14. ff. L. 3. C. b. t. 5)
Ut si arbitri omnes & singuli in ipsa re dis-
sentiant, partes stare sententiæ non tenean-
tur. L. 27. §. 3. eod.

Partes sta-
re debent
sententiæ
arbitri.

§. DXLII.

Attamen, quum arbitro non ob potestatem
publicam, sed tantum ex compromisso pa-
reatur; facile patet, 1) ex ejus sententia
non dari actionem judicati, sed tantum 2)
actionem vel ad pœnam conventionalem con-
sequendam, L. 2. L. 21. §. 4. ff. L. 1. L. 2. C.
b. t. vel 3) ad id, quod interest, L. 27. §.
ult. b. t. nec non 4) exceptio, si sententia a
partibus subscripta, vel decendii silentio fir-

Quomodo
stare co-
gatur?

204 Pand. Lib. IV. Tit. VIII.
mata sit, L. 5. Cod. hoc tit. quod laudum hō-
mologiatum vocant.

§. DXLIII.

Quomodo
finiatur ar-
bitri offi-
cium?

Ceterum ex arbitri natura & indole, ha-
tenus exposita, per se patet, finiri arbitri
officium, 1) morte alterutrius compromit-
tentis, nisi & heredum nomine compromis-
sum sit: L. 27. §. 1. L. 32. §. 19. L. 49. §. 2.
h. t. 2) Tempore in quod compromissum,
elapso: L. 21. §. 8. L. 32. §. 3. h. t. 3) Mutua
remissione: L. 13. pr. L. 32. §. 3. h. t. 4) Pœ-
na semel commissa; L. 32. §. 1. L. 34. §. 1. cod.
5) Novo compromisso: L. 9. §. ult. L. 10. co-
dem, 6) Adito iudice: L. 9. §. ultim. L. 30.
hoc tit. 7) Inita transactione: 8) Rei, de
qua litigatur, interitu: L. 32. §. 5. eodem,
9) Dicta publicataque sententia. L. 19.
§. ultim. hoc tit.

TIT. XI.

Nautæ, caupones, stabularii ne receptis
restituant.

§. DXLIV.

Ratio or-
dinis.

Hunc titulum fugitivum esse puto cum
Cujacio: quia ad τὰ ἀσφα judicialiorum,
vel ea, quæ in jure fiunt, nihil facit actio
de receptis. Tribonianus tamen eam huc re-
jecit, sive occasione vocabuli recepta, sive
quod Julianus, in edicto perpetuo, edicta de
receptis arbitris, & de receptis a nautis,
cauponibus, stabulariis conjunxerat.

§. DXLV.

Cur de re-
ceptis ca-
verit Prae-
tor?

Nautæ, caupones, & stabulorum exercito-
res, levissimæ fidei homines videbantur Ro-
manis, & hinc famosum forum App. I.

Differtum Nautis, Cauponibus, atque Malignis.

Apud Horat. *Sermone I. 5. vers. 4.* Quia tamen necesse erat, homines fidem eorum sequi, resque illorum custodia committere; *L. 1. §. 1. hoc tit.* æquum videbatur Prætori, eos ad recepta restituenda cogere.

§. DXLVI.

Quia vero vel ipsi nautæ, caupones & stabularii damnum nobis dant, vel eorum homines, quorum opera & ministerio utuntur, vel vectores & viatores; primo casu ex vero delicto; altero quasi ex delicto; postremo quasi ex contractu obligantur nautæ, caupones, stabularii.

Quotuplex obligatio ex recepto nascatur?

§. DXLVII.

Quasi contractus fundamentum est receptio, ex qua præsumptio nascitur, eos se ad custodiam exactissimam obstrinxisse. *L. 1. §. 8. L. 2. ff. hoc tit.* Quemamodum enim in ipsorum arbitrio erat, ne quem, ejusve res, reciperent, *L. 1. §. 1. hoc tit.* * ita recepta exactissime custodire & restituere merito tenentur, ne, dum volunt, quod antecedit, id, quod consequitur, nolle videantur. (§. CCCLII. 2.)

Fundamentum obligationis ex quasi contractu.

* Atqui in *L. un. §. 6. furt. adv. naut. caup.* dicitur, eos viatores repellere non posse. Utrumque verum. Recipere an velint, in eorum arbitrio est: semel receptos repellere nequeunt.

§. DXLVIII.

Quæ quum ita sint, æquissimum sane est edictum Prætoris: Nautæ, caupones, stabularii, quod cujusque saluum fore receperunt, nisi restituent, in eos iudicium dabo. *L. 1. pr. ff. hoc tit.* Ex quo fluunt axiomata: I. Funda-

De eo axiomata.

da-

damenrum hujus judicii est receptio. II. Ex ea nascitur obligatio ad custodiam exactissimam.

§. DXLIX.

Qui dicantur receptisse?

Quum itaque receptio sit hujus judicii fundamentum; (§. CXLVIII. 1.) sequitur 2) ut, siue per se receperint, siue per magistrum navis, aut insitorem, aut alium, cui id negotii dederunt, obligentur; non autem, si quid ab iis receptum, quorum opera ad id uti non solent. *L. 1. §. 2. 4. 5. hoc tit. L. 1. §. 6. ff. de exerc. act. 2)* Ut nihil referat, siue res iis assignatae sint, siue non sint, siue jam in navem illatae, siue in litore perierint. *L. 1. §. 6. 7. 8. L. 2. hoc tit. 3)* Ut quoque perinde sint siue mercede conducti, siue gratis receperint. *L. 6. princ. hoc tit.*

§. DL.

Quid recipiunt restituendum?

Ex eodem patet, 4) nihil omnino interesse, siue nostras res ceperint, siue alienas, modo nostra inter sit, eas non periisse. *L. 1. §. 6. 7. hoc tit.* quum non ex rerum, quas receperunt, qualitate, sed ex receptione nascatur obligatio.

§. DLI.

Ad quid ex receptione obligentur?

Quumque ex receptione nascatur obligatio ad custodiam exactissimam; (§. CXLVIII. 2) consequens est, 1) ut omne damnum teneantur refarcire, etiam a vectoribus & viatoribus datum. *L. 7. princ. hoc tit. 2)* Ut non praestent casum fortuitum, seu damnum fatale, quod extra navem, cauponam, stabulum accidit. *L. 3. §. 2. L. 4. pr. h. t. 3)* ut liberentur, si praedixerint, ut quisque res suas custodiat, & navigantes, vel viatores in eo acquieverint. *L. 7. pr. h. t.*

§. DLII.

§. DLII.

Ex hoc itaque quasi contractu nascitur actio Actionis de recepto in factum de recepto personalis, rei persequutoria, * competens vectoribus & viatoribus, ex quasi contr. de scriptio. quorum res in navem, cauponam, stabulum receptæ sunt (§. DL.) eorumve heredibus, adversus nautas, caupones, stabularios, qui receperunt, (§. DXLIX.) eorumve heredes. L. 3. §. 4. hoc tit. ut recepta restituant, damnumque omne, præterquam fatale, resarciant. (§. DLI.)

* Unde facile patet, hanc actionem esse perpetuam : deque ea re tanto minus dubitandum quod & altera actio ex quasi delicto, contra naturam harum actionum, perpetua est. L. 7. §. 6. hoc tit.

§. DLIII.

Datur etiam quasi ex delicto actio, cujus Obligatio fundamentum est culpa nautarum, cauponum, nautarum, cauponum, stabul. ex quasi delicto. stabulariorum, qua se alligant, dum malorum hominum ministerio utuntur. L. 5. §. ult. de oblig. & act. §. ult. Inst. de obl. que quasi ex del. L. ult. pr. ff. §. 4. hoc tit. Si ergo ab his datum sit, promittit Prætor, se in factum, in exercitores, caupones & stabularios in duplum iudicium daturum. Leg. 5. §. ultim. de obligat. & act. §. ultim. Inst. de oblig. que quasi ex del. L. unic. ff. furt. adv. naut.

§. DLIV.

Datur ergo & hoc casu actio in factum, Actionis huius & superioris differentia. quæ a superiore ita differt, 1) quod illa sit rei persequutoria ex quasi contractu, (§. DLII.) hæc penalis ex quasi delicto. 2) Quod illa detur ob damnum a vectoribus & viatoribus ; (§. DLI. 1) hæc ob damnum a ministris & familia datum. Leg. 4. L. 6. §. 3. hoc tit. 3) Quod illa in simplicum (§. DLII.)

(§. DLII.) hæc in duplum detur . *L. ult. §. 1. hoc tit. §. ult. Instit. de obl. quæ quasi ex del. 4*) Quod illa competat contra heredes ; (§. DLII.) hæc minime . *L. ultim. §. ultim. hoc tit.*

§. DLV.

Ufus hodiernus .

Ceterum tantum abest , ut actiones hæ , (præterquam quod in duplum non facile agitur ,) hodie extra usum sint , ut eas & nunc utiliter in foro institui videamus , si res ab exercitoribus cursus publici receptæ , vel viatorum vel aurigarum culpa perierint . *Stryk. de action. invest. I. 9. 35. Consil. Marp. II. 20. 6.*



209
PANDECTARUM

PARS SECUNDA,

QUÆ

DE JUDICIIS

INSCRIBITUR.

L I B E R V.

TIT. I.

*De Judiciis, & ubi quisque agere
vel conveniri debeat.*

S. I.

IN prima Pandectarum parte de *πρώτον* Ratio ore
seu de iis, quæ *in jure* fiunt, actum; *dinis.*
(P. I. S. CCXLIV. *) sequuntur jam,
quæ *in judicio*, vel apud judicem peda-
neum fiunt. Qua occasione de præcipuis ju-
diciis vel actionibus, in foro instituendis,
agitur. Unde facile etiam patet, cur hæc
secunda pars inscribatur *De Judiciis*.

S. II.

Judex in vetere illo sensu erat *vir bonus*, Quid i-
a *Pratore datus*, ad cognoscendum de facto, *dicium?*
ferendamque ex formula præscripta sententiam.
Quidquid ergo tunc coram eo iudice pedaneo
fiebat, id *judicium* dicebatur. Enimvero,
quum id *magistratum*, & *judicium* discrim-
men jam Justiniani temporibus fere exoleve-
rit;

rit; (*Inst. S. MCCCXXVII.*) hodie *Judicium* est legitima *causſæ* diſceptatio & deciſio, a *judice* competente facta.

S. III.

Judicium
civile &
criminale.

Ratione itaque tam *cauſſarum*, quam *perſonarum* litigantium, ipſiuſque *modi* litigandi *judicia* varie dividi poſſe, facile patet. Quod enim ad *cauſſas*, de quibus litigatur, attinet; alia *judicia* ſunt *Civilia*, quibus de cauſis civilibus, vel de rebus ad ſingulorum patrimonium pertinentibus, diſceptatur: alia *Criminalia*, quibus de ſeveritate publicæ diſciplinæ, in delinquentes & facinorofos exercenda, agitur. *L. 5. S. 1. Cod. de juridi. L. 1. pr. ff. de quæſt. L. 13. C. hoc tit. L. 1. S. ult. ff. de pæn.*

S. IV.

Publicum,
privatum,
ordinariuſ;
extraordi-
narium.

Criminalia *judicia* vel ob delicta privata inſtituuntur, quæ dicuntur *Privata*: vel ob crimina publica, quæ *Publica* appellantur, *L. 1. ff. de publ. jud. Publica*, ſi ex *Legibus* quibuſdam ſpecialibus publicorum *judiciorum* deſcendunt, dicuntur *Ordinaria* vel *Publica*; ſin, nulla lata lege ſpeciali, extra ordinem vindicantur, *Extraordinaria*. *

* Recte V. C. Jo: Georg. Grævius in præfat. Tomi II. *Theſaur. Antiq. Rom.* pagina, ſi numeres, 30. *Publica*, inquit, crimina erant de criminibus, de quibus *lex certa* lata erat, & finita illa *lege pænâ*, ſecundum quam legem poſtulabatur, a quocunque cive, qui publici criminis aliquem volebat accuſare, niſi eſſent, quibus jure id licebat. *Publica* dicebantur, & quia pertinebant ad ſtatum publicum, ſive rei-publicæ, non ad privatorum ſtatum; ut *judicia privata*, & quia ex legibus publicis oriebantur. *Extraordinaria* erant, quæ ex legibus publicis non oriebantur, ſed in quibus querebatur de crimini-

minibus, de quibus aut nullae leges erant, aut si leges essent, cum crimen atrocius duceretur, quam ut secundum leges judicaretur puniendum esse. In judiciis Publicis sortiebantur inter se Praetores, quam quisque deberet exercere quaestionem, de vi, de adulterio: in Extraordinariis cognoscebant aut Cons. aut totus Senatus, aut Princeps, aut Praefectus urbi intra centesimum lapidem, aut Praefectus Praetorio ultra centesimum lapidem, aut in provinciis Imperatoris Legati Augusti pro Praetore, in populi vero Proconsul. In judiciis Extraordinariis non poterat quilibet civium accusare, ut in Judiciis Publicis, sed ejus intererat. Non itaque erant extraordinaria judicia privata, quamvis publicis opponantur: saepe enim agebatur ad animadversionem publicam. Privata quidem vocantur in L. 1. §. ult. ff. de pœn. Sed rationem reddimus jena alibi. (Inst. §. MXXXVI. *)

S. V.

In publicis ordinariis, & quibusdam extraordinariis, (L. 3. pr. §. ult. L. 6. de sepulcr. viol.) unicuique e populo jus erat accusandi. Idem vero etiam in quibusdam actionibus poenalibus, vel jurisdictionis, vel publicae securitatis tuendae causa proditis, observamus. Et haec speciatim dicuntur Populæ, quippe quæ tuendi juris publici causa cui vis e populo dantur. L. 43. §. 2. de procur. L. 1. ff. de popul. act.

Quænam
judicia
sint popu-
laria?

* Unde non confundenda cum Judiciis Populi, quando populus de capite civis Romani in comitiis suffragia ferebat: de quibus nos in Antiq. Rom. IV. 18. 34. seq. pag. 325. seq.

S. VI.

Deinde quum judicia civilia de singulorum Civilia.
pa-

vel realia,
vel perso-
nalia.

patrimonio instituuntur, (§. III.) & hinc dici etiam soleant *Pecuniaria*, jus autem nostrum vel sit *in re*, vel *ad rem*; (P. I. §. CXCVI.) judicia quæ ex illo nascuntur, *in Rem*, vel *Realia*, quæ ex hoc, *Personalia* appellantur. §. 1. *Inst. de act.* Illis rem a quocunque possessore vindicamus. Hæc adversus illos instituimus, quibuscum nobis fuit negotium, L. 25. *princ. ff. de oblig. & action.* non adversus tertium possessorem, nisi sint ex actionibus *in rem scriptis*. (Institut. §. MCLXVI.)

§. VII.

Petitoria
& possessoria.

Eadem judicia civilia vel de ipsa proprietate instituuntur, vel de possessione tantum. Illa *Petitoria*; hæc *Possessoria* appellantur. L. 14. §. ult. *ff. de except. rei jud.* Hæc illis præmittenda sunt, ut constet, unde petendum sit, quemque petitoris partibus fungi oporteat. L. 35. *ff. de acquir. vel amitt. poss.*

§. VIII.

Universalia, generalia, singularia.

Præterea, quia vel de *universitate juris* agitur, v. g. de hereditate, vel de *certo bonorum genere*, veluti in societate, tutela &c. vel de *re singulari*, e. c. de fundo, equo & similibus; hinc judicia etiam in *Universalia*, *Generalia* & *Singularia* dispesci solent, L. 1. *pr. ff. de rei vind.* L. 18. §. *ultim. de pet. her.* L. 38. *ff. pro soc.* Ceterum judicia *universalia* id *singulare* habent, 1) quod petitio sufficiat generalis. 2) quod pretium succedat in locum rei. L. 22. *ff. de her. petit. immo* & 3) res in locum pretii, non quidem, si ex hereditariis numis comparata. L. 20. §. 1. L. 25. §. 1. *ead.* sed si hereditatis causa empta sit, L. 10. *pr. §. ult. eod.* Quod secus in judiciis singularibus.

Simplicia
& duplicia.

§. IX.

Hæ divisiones omnes causarum diversitate nituntur.

nituntur. Ratione *Personarum litigantium* (S. III.) quædam judicia ita sunt comparata, ut ob dubiam vel communem possessionem uterque actoris partibus fungi posset, * qualia sunt judicia finium regundorum, familiarum erciscundarum, communi dividundo, interdicta uti possidentis & utrubi: in aliis unus tantum agere potest. *Illa Duplicitia; hæc Simplicia* vocantur. L. 44. S. 4. ff. fam. exc. L. 13. 14. ff. hoc tit. S. ult. inst. de Interd.

* Dico *Tosset*. Nec enim actu uterque agere potest. Hinc pro actore habetur, qui primus ad iudicium provocavit: si uterque simul provocavit, qui prior petiit: si per convicium uterque petiit, quem fors elegerit. L. 2. S. 1. ff. comm. div. L. 13. hoc tit.

S. X.

Denique ratione *Modi litigandi* (S. III.) *Ordinaria; extraordi-* ita differebant judicia, ut in aliis Prætor *naria.* daret iudicem pedaneum vel arbitrum, de facto cogniturum, in aliis ipse extra ordinem cognosceret. *Illa Ordinaria; hæc Extraordinaria*, vel *Cognitiones*, vocabantur. L. 178. S. pen. de verb. signif. L. 4. S. 1. de neg. gest. V. C. Ger. Noodt. de iurisd. I. 7. Unde, abolito magistratuum & iudicum discrimine, omnia judicia extraordinaria esse dicuntur. S. ult. Inst. de interd.

S. XI.

Quumque alia judicia solemnibus juris ordinibus; alia sine ambagibus breviter expediantur; *Ordinaria; & summa-* hinc alio sensu *illa Ordinaria; hæc Summaria* *ria.* vocantur; quo pertinent omnes causæ moram non ferentes, veluti alimentorum, L. 5. S. 8. ff. de agn. & alend. lib. L. 9. ff. de jur. delib. de mortuo inferendo, L. 43. ff. de religiosis, honorariorum, L. 1. ff. de exir. cogn. uno-

momentaneæ possessionis, *L. unic. Cod. si de mom. poss.*

§. XII.

Axiomata de judiciis. Hæc de variis judiciorum generibus. Ceterum ex ipsa definitione judicii (§. II.) fluunt axiomata: I. Judicium constituunt *Actor, Reus, Judex*. II. Judicem oportet esse competentem, quotiescunque causæ cognitione opus est. (P. I. §. CCXLIX. *seq.*) III. judicium initium capit a litis contestatione.

§. XIII.

Quid actor, reus, judex? Per *Actorem* intelligimus eum, qui in judicio sibi vel jus in re esse, vel ab aliquo dari fieri oportere intendit. *L. 62. L. 13. L. 14. hoc tit.* *Reus* nobis est is, unde petitur. *Judex* denique hodie (§. II.) quilibet magistratus, vel vir bonus & habilis, publica auctoritate juris dicundi causa constitutus. *L. 137. §. 2. ff. de verbor. obligat. L. 4. §. 1. ff. fam. etc.*

§. XIV.

An agere possint inter se pater & filius, nec servus? Quum itaque actor & reus sint personæ diversæ; (§. XII. 1.) consequens est, 1) ut inter patrem & filium familias, ob unitatem personæ, nullum judicium subsistat. (P. I. §. CXLVIII. 2. *L. 4. L. 11. ff. h. t. L. 3. C. de in jus voc. 2*) Ut aliter se res habeat in peculio castrensi vel quasi castrensi. (*Instit. §. CDLXXVIII. 1*) *L. 4. ff. h. t. L. 4. §. 1. ff. de castr. pecul. 3*) Ut nec servus, qui persona plane non est, (P. I. §. CXXXII.) agere possit. *L. 44. §. 1. L. 53. ff. L. 6. C. h. t.*

§. XV.

An infantes, furiosi, prodigi, pupilli, minores? Quumque actor aliquid intendat; (§. XII.) sequitur, ut agere non possint 1) rationis usu destituti, v. c. infantes, furiosi, mente capti, *L. 5. ff. de reg. jur. nec 2*) qui se obligare nequeunt. * Unde 3) nec pupilli, minores, prodigi, sine tutorum curatorumve aucto-

auctoritate & consensu, agere possunt, *L. 3. §. 11. de pecul. L. 1. ff. de curat. fur. L. 1. 2. C. qui legit. pers. stand. in jud. nisi veniam ætatis impetrarint minores, L. 10. C. de appell. L. 1. L. 3. Cod. de his, qui ven. æt. vel causa sit momentaneæ possessionis. L. ult. C. qui legit. pers. stand.*

* Qui enim aliquid intendunt, cum iis sit litis contestatio. Per litis contestationem quasi contrahitur. Ex quasi contractu mutua obligatio nascitur, qui ergo se obligare nequeunt sine tutore vel curatore, ii nec agere sine illis possunt. Q. E. D.

§. XVI.

Quumque actor vel jus sibi in re esse, vel aliquid dari fieri oportere intendat; (*§. XIII.*) merito infertur, 1) ratione peculii profectitii patrem agere debere, non filium, (*Inst. §. CDLXXIX. **) nisi absente patre. *L. 9. L. 13. ff. de oblig. & act. L. 18. §. 1. h. r. 2*) Eundem agere de peculio adventitio ordinario, filio tamen, si justæ ætatis sit, consentiente. (*Inst. §. CDLXXX. L. ult. §. 3. C. de bon. quæ lib. 3*) De extraordinario filium agere consentiente patre. * *d. L. ult. pr. fin. §. 1. C. eod. 4*) de castrensi & quasi castrensi eo etiam non consentiente. *L. 4. h. r.*

An filiusfam. recte agat contra tertium?

* Quamvis enim hoc peculium pleno jure sit filii; (*Inst. §. CDLXXXI.*) sine patris tamen consensu agere non debet, quia in eo pro patrefamiliâs non habetur. *L. 2. ff. de SC. Maced. Videtur id quodammodo mutatum per Nov. CXVII. cap. I. quæ filiosfam. plenam indulget facultatem, quocunque modo de hujusmodi peculio inter vivos disponendi.*

§. XVII.

Ex eodem sequitur, 5) ut invitus agere nemo

An quis agere cogatur?

nemo cogatur; *L. un. C. ut nem. inv. ag. cog.* nisi aut expresse vel tacite quis obligatus sit ad agendum, uti in casibus *L. 13. S. pen. de act. empr. L. 15. S. ult. de legat. 1. L. 8. S. ult. de opt. leg. L. 2. pr. S. 2. ad L. Rhod. de jact. L. 5. S. 12. commod. L. 1. C. de his, quib. ut indign. L. 9. ff. ad SC. Silan.* aut ad agendum quis ex *Lege Diffamari 5. C. de ingen. manum.* vel ex *Lege Si contendat 28. ff. de fidejuss.* provocetur.

§. XVIII.

Provocatio ex *L. Diffamari, & ex L. Si contendat.*

Ex Lege Diffamari fieri dicitur provocatio, si diffamatio præcessit, vel alter sibi adversus me, sive in re mea, jus esse jactavit. * *Ex Lege Si Contendat*, quoties ex dilata actione periculum mihi imminet amittendæ exceptionis. Utroque casu provocatur alter, ut aut actionem, si juri suo confidit, instituat, aut perpetuum sibi silentium imponi patiatur. *B. Strykius in Not. ad Lauterb. p. 98.*

* Sed hujus provocationis fundamentum frustra quæras in *L. 5. C. de ingen. manum.* Vid. *Ant. Matthæi Colleg. Cod. Disp. XIV. Cl. Noodt. ad hoc tit. pag. 147. Tom. II. Op.* ubi hoc remedium ad solam diffamationem status ingenuitatis pertinere docent. Sed usus fori illud protulit ad omnes diffamationes.

§. XIX.

Olim & magistratus agere & conveniri non poterat.

Olim ob singularem rationem (*P. I. S. CCLXXIX. 1*) agere & conveniri prohibebantur magistratus, quamdiu erant cum imperio. *L. 48. ff. hoc tit.* Quod hodie, vel ipsa lege teste, non semper observatur, quia raro apud nos annum esse solet magistratuum judicumque imperium.

§. XX.

Quis reus esse possit

Quum porro *Reus* sit, unde petitur; (*§. XIII. 1*) facile patet, *1*) eum reum esse posse,

se, qui res suas libere administrat, adeoque
 2) nec furiosum, prodigum, infantem, nec
 3) pupillum vel minorem sine tutoris cura-
 torisve auctoritate & consensu, nec 4) fi-
 liumfam. ratione peculii profectitii & adven-
 titii ordinarii, actione reali pulsandum esse.
*L. 1. 2. Cod. qui legit. pers. stand. L. 54. de
 re jud. §. 1. per quas pers. cuq. acquir. §. 1.)*
 recte conveniri filiumfam. actione personali,
 & ex judicato tunc agi adversus patrem de
 peculio. *L. 39. de oblig. & act. L. 3. §. 11.
 de pecul. 6)* Servos quoque judicium pecu-
 niarium suscipere non posse. *L. 3. §. 8. ff.
 de pecul.*

§. XXI.

Ex eodem inferitur, 7) nec alium pro alio
 conveniri posse, *tituli Cod. ne uxor pro mar.
 ne fil. pro patre,* nec 8) unum ex universi-
 tate de universitatis debito, *tit. C. ut null.
 ex vican. pro al. vican. 9)* Repressalias etiam,
 quas vocant, non esse juri Rom. consenta-
 neas: *Auth. Habita C. ne fil. pro patr. quam-
 vis nonnunquam concedi soleant. Grot. de
 J. B. & P. III. 2.*

An &
 alius pro
 alio con-
 venire
 queat?

§. XXII.

Ad *Judicem* denique quod attinet, quum
 illum habilem esse oporteat; (§. XIII.) con-
 sequens est, 1) ut furiosus, mente captus,
 impubes, surdus & mutus ei officio admo-
 vendi non sint. *L. 12. §. 2. ff. h. t. 2)* Ut idem
 dicendum de minoribus XVIII. annis, *L. 57.
 pr. de re judic. 3)* de mulieribus & servis,
L. 12. §. 2. h. t. necnon 4) de juris imperi-
 tis, *Nov. LXXXII. pr. & cap. Franc. Hotom.
 Quæst. XXIV. 5)* de senatu motis, *L. 12. §. 2.
 h. t. & 6)* ex cleri *αἱρετικοὶ* principii
 de hæreticis. *Auth. Credentes C. de hæres.*

Judices
 quinam
 esse ne-
 queant?

§. XXIII.

Deinde, quia & virum bonum esse decet
Hein. Pand. T. I. K judi-

Quinam
 suspecti?

judicem; (§. XIII.) non sane personam judicis sustinere debent, qui vel ob affectum, L. 10. ff. de *jurisd.* vel ob spem commodi, aut ob detrimentum imminens, L. 17. *hoc tit.* L. unica. C. *ne quis in sua cau.* vel ob patrocinium alterutri litigantium præstitum, L. 6. C. de *postul.* vel ob aliam justam causam suspensionem incurrunt. Adeoque 2) recte hi repelluntur exceptione suspecti judicis. * L. 16. L. 18. *Cod. hoc tit.*

* Enimvero, quum probanda sit hæc exceptio; L. 9. *princ. ff. de liber. caus.* expeditius remedium introductum est per c. 11. de *rescript.* in 6. puta *injurandum perhorrescentie*, ad quod se litigans, etiam nulla allegata suspensionis causa, offerre potest, Vid. Celeb. Boehmeri *Jus ecclesiast. Protest.* II. 1. 14. sequent.

§. XXIV.

Quinam Denique quum & competentem esse oporteat judicem. (§. 12. 2) is vero sit competens, qui reum cogere & coercere potest; consequens est, 1) ut actoris sit, sequi forum rei, L. 2. C. de *jurisd. omni. judic.* L. ult. C. *ubi in rem act.* 2) Ut reo, ad incompetentem judicem vocato, vel impune liceat non parere, si manifesta sit fori incompetentia, L. ultim. ff. de *jurisd.* vel, 3) si quodammodo dubia, ei in mundo sit exceptio incompetentis judicis, vel præscriptio fori. L. ult. C. de *except.*

§. XXV.

Forum rei; (§. XXIV. 1) sciendum est, forum quemque fortiri aut ex *jure communi*, aut ex *jure singulari*, vel *privilegio*. Quod ex *jure communi quis habet*, id vel *generale* est, ad omnes perinde causas pertинens, vel *speciale*,

le, certis causis proprium. Generalia sunt fora domicilii, & originis. Specialia fora contractus, delicti, rei sitæ, continentie causarum, & prorogata jurisdictionis.

§. XXVI.

Primum forum generale in domicilii loco agnoscimus. Id ex juris Rom. principiis vel commune est, vel proprium. Commune omnium civium Roman. domicilium erat Roma. L. 33. ff. ad munic. L. ultim. ff. de interd. & releg. L. 6. §. II. ff. de excus. quam omnes tanquam majorem patriam venerabantur. Cicer. de Legib. II. 1. Ez. Spanhem. Orb. Rom. I. 1. 7. Antiq. nostr. Rom. Append. Lib. I. 3.

Forum
domicilii
commu-
nis.

§. XXVII.

Inde ergo est, 1) quod civis, ubicunque lares posuisset, Romæ tamen deprehensus, forum ibi agnoscere teneretur. L. 19. §. 3. L. 24. L. 26. ff. hoc tit. 2) Quamvis ex privilegio jus domum revocandi haberent legati, & testimonii appellationisve causa Romanam evocati, nisi ibi simul forum contractus esset. L. 2. §. 3. 4. L. 8. L. 24. seq. L. 36. §. 1. L. 42. hoc tit.

Qui ibi
conveniri
potuerint

§. XXVIII.

Domicilium proprium est vel voluntarium, ubi quis lares & fortunarum sedem constituit, non inde discessurus, si nihil revocet; L. 7. C. de incol. L. 203. ff. de v. s. vel necessarium, quod quis alicubi, urgente necessitate, constituit.

Domici-
lium pro-
priū quo-
tuplex?

§. XXIX.

Ex priore definitione sequitur, 1) ut nec habitatio sine animi destinatione, nec contestatio animi sine habitatione faciat domicilium. L. 17. §. 13. L. 20. L. 27. L. 2. ff. ad munic. 2) Ut, si quis duobus locis hoc modo elegerit domicilium, actor arbitrari possit,

Volunta-
rium ubi
sit?

fit, utro in loco eum velit convenire. *L. 6. §. 2. L. 27. §. 2. eod. 3*) Ut, qui nusquam & ubique habitat, ibi recte conveniatur, ubi deprehenditur *L. 27. §. 2. ff. eod. L. 2. Cod. ubi quis de curial. vel cohort.*

§. XXX.

Ubi necessarium?

Ex posteriore colligimus, 1) relegatum vel in loco, unde relegatus est, vel in loco, ubi commoratur, conveniendum. *L. 27. §. ult. L. 22. §. 3. ad munic. 2*) Uxorem sequi domicilium mariti. *L. 5. ff. de rit. nupt. L. ult. §. 3. ad municip. L. un. C. de mulier. in quo loco L. 65. fin. hoc tit. 3*) Senatores & in patria, & Romæ, tanquam dignitatis suæ domicilio, esse conveniendos. *L. 11. ff. de Senator. L. 8. C. de incol.*

§. XXXI.

Quæ actiones in foro domicilii institui possint?

Quum autem hoc forum *domicilii* sit generale; (§. XXV.) sequitur, 1) ut ibi institui possint omnes actiones, personales ac reales; (nisi quod quædam, quæ in foro hoc commode excipi nequeant, speciatim exceptæ sunt. *) *L. 3. C. ubi in rem L. 2. C. de jurisd. 2*) Ut & heredes, in foro defuncti, respondere teneantur, accepto jam a defuncto iudicio. *L. 19. pr. L. 34. ff. hoc tit.*

* Sic speciatim cautum, 1) ut administrator rationes reddere cogatur in loco, ubi administravit. *L. 1. Cod. ubi de ration. 2*) Ut domicilium, quod quis tempore contractus habuit, translato domicilio duret. *L. 2. Cod. de jurisd. 3*) Ut iudicium possessionum hereditarium remittatur ad forum rei sitæ. *L. un. C. ubi de hered.*

§. XXXII.

Fori originis.

Alterum forum generale est *originis* (§. XXV.) Ita enim se habebat jus Romanorum publicum, ut municipes, tametsi Romam vel alio

alio migrassent, in municipio tamen non ipsi modo jura omnia retinerent, sed & eorum liberi & liberti ibidem forum agnoscere tenerentur, unde pater * vel patronus essent oriundi, L. 1. §. 1. 2. L. 6. §. 1. seq. L. 22. L. 23. L. 27. pr. L. 29. ad munic. Antiq. nostr. Rom. Append. Lib. 1. §.

* Maternæ originis ratio non habebatur, nisi in illegitimis liberis: (P. I. §. CLIV. 8.) Apud Ilenses tamen, Delphicos & Ponticos ex legitimo quoque nati matrimonio domicilium maternæ originis sequebantur. L. 1. §. 2. ff. ad munic. Cujus privilegii originem ratione Ponticorum ab Amazonibus, ratione Ilensium a Veneris & Minervæ Ilensis veneratione, & denique ratione Delphicorum a Pythia non insoite arcessit Jac. Gothofr. ad L. 51. C. Theod. de decurion. Lib. XII. tit. 1. ex qua & 61. lege ejusdem tituli discimus, etiam Antiochenis simile fuisse privilegium. Vid. Zosim. Hist. III. 11.

§. XXXIII.

Si generale fuit hoc forum, quod plerique hæcenus visum, illud ad omnes causas pertinuisse oportuit; (§. XXV.) Sed Joann. Goedd. ad L. 190. ff. de v. s. n. 4. p. 1060. jam olim suspicatus est, hoc forum tantum ad munera ibi subeunda pertinere, idque probat V. C. Noodt. ad h. t. p. 153. Mihi nondum liquet. Id vero certissimum, hujus fori hodie usum plane nullum esse.

§. XXXIV.

Inter fora specialia primum est forum contractus; (§. XXV.) quod ibi quisque fortitur, ubi daturum facturumque se promittit, vel, si id non expressum, ubi contractus perfectus. L. 19. §. 2. L. 45. pr. hoc tit. L. 21.

Ad quas
causas
pertinuit?

Fori contractus.

L. 55. ff. de o. & a. Ex quo facile patet, eligi posse hoc forum, quoties lis de contractu oriatur, 1) si reum ibi citatio deprehendat, non transeuntem quidem, vel παραπλην, sed negotii causa eo loco commorantem, vel 2) si ibi habeat bona, quorum in possessionem actor mitti possit, L. 19. §. 1. 2. hoc tit. 3) modo id fiat salvo privilegio nundinarum. L. un. C. de nund.

§. XXXV.

Forum delicti:

Forum delicti eo loco est, ubi quis delictum vel inchoavit, vel perfecit, L. 1. Cod. ubi de crim. vel eo perpetrato deprehenditur. L. 3. L. 13. ff. de offic. præs. Ex quo sequitur, 1) ut fugiens, nulla habita ratione dignitatis, & edictis citari, & investigari possit. L. 1. C. ubi senat. 2) Ut, quamvis olim rei remittendi essent ad Præsidem, cuius in provincia crimen admissum fuerat; L. 7. §. 4. 5. de custod. L. ult. ff. de accus. ea remissio tamen hodie non tam necessitatis sit, quam voluntatis & officii.

§. XXXVI.

Forum rei sitæ.

In foro rei sitæ institui possunt actiones omnes in rem: sive corporalem, sive incorporalem, sive mobilem, sive immobilem. L. 1. L. ult. Cod. ubi in rem. excepta hereditatis petitione, in foro domicilii (secus ac si de possessione hereditiarum rerum litigetur, (§. XXX. * 3) instituenda. L. 1. C. ubi de hered.

§. XXXVII.

Forum continentie causarum, & prorogata jurisdictionis.

Forum continentie causarum locum habet, si causæ sint ita connexæ, ut commode separari nequeant. L. 10. Cod. hoc tit. Forum denique prorogata jurisdictionis, quod tamen si incompetens, reus tamen vel ultro agnoscit, vel reconventus ob actionem, adversus alium ibi institutam, agnoscere tenetur. L. 1.

C. de jurisd. De posteriore diximus supra ;
(P. I. §. CCLV. sequent.) de priorē infra
Lib. XI. tit. II. erit agendum.

§. XXXVIII.

Reliqua sunt fora ex *Jure singulari* orta , Forum
privilegia-
tum quæ-
ritur?
feu ex *privilegio* ; (§. XXV.) Privilegia au-
tem hæc , vel ad *causam* , de qua litigatur ,
vel ad *personas litigantes* pertinet.

§. XXXIX.

Quod ad *causæ privilegia* attinet , tali Privilegia
causæ.
fere gaudent 1) causæ status , L. 3. L. 4.
L. ultim. Cod. ubi causæ stat. & hodie 2)
causæ ecclesiasticæ , cap. 3. X. de judic. tit.
X. de for. compet. 3) feudales , 1. F. 18. 2.
F. 55. §. 2. immo 4) & passim causæ mer-
catorum , metallicæ , nauticæ , silvestres ,
academicæ , &c.

§. XL.

Privilegio etiam gaudent *personæ litigan-
tes* , & quidem 1) inter *Affores* personæ Privilegia
afforum &
reorum.
miserabiles & cunis evolutæ , ut statim reum
possint trahere ad tribunal superius : L. unic.
Cod. quand. imp. int. pupill. vid. vel al. pers.
miserab. 2) inter reos clerici , L. 33. Cod. de
Episc. & cler. Nov. LXXXIII. Nov. CXXIII.
cap. 21. Senatores , illisque sublimiores , tit.
Cod. ubi senat. vel clariss. Professores & stu-
diosi , Auth. Habita Cod. ne fil. pro patr. Mi-
lites , L. penult. Cod. de jurisd. quamvis hi
ob delicta communia & a iudice ordinario
puniri queant . L. 2. pr. ff. de re milit.

§. XLI.

Pergimus ad *litis contestationem* , a qua ini- Quid olim
litisconte-
statio?
tium caput iudicium ; (§. XII. 3) Ea olim
fiebatur ; ubi iudex datus erat , adhibitis testi-
bus. * Unde definitur , quod sit *iudicii sus-
cepti utrimque facta professio* , super petiti-
one actoris & rei contradictione . L. unic. C. de
lit. cont. L. 14. §. 1. C. hoc tit.

* Nimirum edita coram Prætorē actione, reus excipiebat, actor replicabat, reus duplicabat. Eo facto sponſione ſe invicem provocabant, & Prætor judicem dabat, eumque ſi placebat litigantibus, addicebat, ex formula laturum ſententiam. Ne itaque a ſtatu quæſtionis abiretur, dicebant, quam in cauſam ſponſerint, quod hunc judicem ſuſceperint, & Præſentibus acclamabant: *Teſtes eſtote*. Feſt. *vocæ conſeſtatio*, Cujac. *Obſ. IX. 21.* Joann. Goedd. *ad L. 36. ff. de v. ſ. num. 6. ſequent. p. 445. ſeq.*

§. XLII.

Quotuplex
ſit?

Quæ definitio & hodie tolerari poteſt, ex eaque patet, 1) reum ſemper contradicere intentioni actoris, adeoque 2) litis conteſtationem ſemper eſſe negativam, & hinc 3) diſiſionem ejus in *aſſirmativam* & *negativam* hodiernis quidem moribus non incongruam, * non magis tamen Romanam eſſe, quam alias in compendiis obvias, in litis conteſtationem *puram & eventualem; explicitam, vel ſpecialem, & implicitam, ſeu generalem.*

* Poſtquam enim litis conteſtatione *explicita & ſpecialis* ad ſingula capita libelli in foro paſſim penetravit; fieri non potuit, quin reus vel narrationem facti veram eſſe concederet, petitionem tamen actoris exceptione peremptoria elideret vel facto & petitioni pure contradiceret. Priore caſu litis conteſtationem *aſſirmativam*; poſteriore *negativam* eſſe dicunt, quum tamen revera ſemper reus contradicat actoris intentioni.

§. XLIII.

Quis effe-
ctus.

Quum itaque ſit judicii ſuſcepti utrinque facta profeſſio; (§. XLI.) conſequens eſt, 1) ut ex-

ut excludat exceptiones declinatorias & dilatorias. *L. 19. Cod. de prob. 2*) Ut in actionibus personalibus rem faciat litigiosam. *L. 2. Cod. de religiof. 3*) Ut sit quali contractus inter actorem & reum. *L. 3. §. 11. ff. de pcul. adeoque 3*) novationem inducat necessariam. *L. 11. fin. L. 29. ff. de novat. L. ult. C. de usur. rei. jud. & 5*) efficiat, ut actiones & perpetuæ fiant, & ad heredes transeant. *L. 139. pr. L. 87. L. 164. de reg. jur. L. 1. §. 1. C. de ann. except. 6*) Ut possessorem constituat in mala fide, *L. 10. C. de acq. poss. efficiatque*, ut & ad fructus quosvis, ex eo tempore restituendos, teneatur. *L. 22. C. de rei vind. Ut & 7*) ipsam usucapionem interrumpat. *L. 26. C. de rei vind. L. ultim. Cod. de ann. exc.*

T I T. II.

De inofficioso Testamento.

§. XLIV.

Postquam de judiciis dictum est generaliter, agi jam incipit de variis causis, quæ in iudicium deduci solent, & quidem primo de judiciis *in rem*, tam *universalibus*, quam *singularibus*, (§. VIII.) Inter *universalia* est *hereditatis petitio*, cujus non præparatoria actio, sed species, est *querela inofficiosi Testamenti*. *L. 8. §. 8. L. 20. L. 21. §. 2. L. 27. §. 3. ff. L. 34. C. hoc tit. Vinn. Sect. 2. I. 19. Averan. de Interpr. Jur. I 8. §.* quæ hic præmittitur.

§. XLV.

Dicitur testamentum *inofficiosum*, quod recte quidem, sed non ex officio pietatis, factum est. *L. 2. L. 3. ff. hoc tit. Officium autem* Quil testamentum inofficiosum ?
 K 5 pro-

proprie est, quod sibi invicem debent propinqui, quos necessitudo suscitatur, & opem ferre jubet. Senec. de Benef. III. 18. Cujusmodi officium est, quod propinqui propinquis, non nisi ex sonica causa, spem hereditatis debent intervertere.

§. XLVI.

Hujus
querelæ
origo.

Quum autem, quæ officii sunt, aptitudinem quidem, at non facultatem agendi cogendi que alterum, producant: (P. I. §. IV.) nullum olim erat remedium proditum, rescindendi testamentum, quo liberi & propinqui, injuste licet exheredati præteritive, uterentur. L. 11. ff. de lib. & post Liv. I. 34. Cicer. de Orat. I. 38. At postea JCI * excogitarunt remedium, quo injuste hereditate exclusis subveniretur, idque iniquitas iura non actionem vocarunt, sed querelam quia cognati non accusare, agere, litigare, sed conqueri inter se dicebantur. Voss. Institut. Orat. I. 6. 2.

* Non itaque hæc querela lege quadam Glicis est, quod visum Cujac. Obs. II. 21. XVII. 17. nec ex edicto Prætoris, uti existimat P. Pithoeus ad Pavlat. Leg. Mos. & Rom. XVI. 3. nec ex constitutionibus Principum, quod suspicatus est Duaren. ad hoc tit. cap. II. sed ex interpretatione prudentum, ceu probavimus in Antiq. Rom. II. 18. §. edit. secunda, ubi & ex Valerio Max. VII. 8. 7. ostendimus, eam jam ante annum U. C. DCLXXXII. fuisse usu receptam. Addatur V. A. Corn. van Bynkersh. Obs. II. 22.

§. XLVII.

Ejusdem
fundamen-
tum.

Nimirum quum animadverterent, furiosum etiam ex principiis legum XII. tab. condere non posse testamentum; fingeant, eum, qui pro-

propinquos contra officium pietatis sine causa hereditate excluderit, non fuisse sanæ mentis, *pr. Inst. L. 17. §. 1. ff. hoc tit.* idque inde inferebant, quod de illis, nihil tale meritis, iudicium tam malignum intulisset. Eleganter Theophilus: ἐμεμῆνα διὰ τοῦτο, ἐπειδὴν τὴν φύσιν ἀλόγως ἐμίσησεν. Ideo insaniisse existimandus est, quod naturam sine causa odisset.

* Eodem fere modo Græci Basilic. XXXIX. 1. τῶς γὰρ οὐκ ἔστιν εἰπεῖν μανίαν, τὸ χαλεπαίνειν οὕτως κατὰ τῆς φύσεως; Cur furorem non dicerentur, ita naturam succensere? Fabrott. ad Theoph. *hoc tit. p. 298.*

§. XLVIII.

Dabatur itaque hæc querela initio omnibus cognatis proximis, etiam matri, nondum lato SC. Tertylliano, quibus homines leves & indigni fuissent prælati, Valer. Max. VII. 7. 8. Joann. Van der Water *Obs. I. 12.* Epimvero, introducta ex rationibus legis Falcidiæ portione legitima, (*Inst. §. DLXXXI. **) iis tantum competere coepit hoc remedium, quibus portio illa legitima debetur. §. 1. & 3. *Inst. L. 1. ff. L. ult. C. hoc tit.*

Quibus ea competat?

§. XLIX.

Est autem portio legitima pars bonorum lege definita, liberis, parentibus, & certo casu fratribus & sororibus, a testatore sine onere relinquenda. Nov. I. præf. §. 2. Novell. LXXXIX. §. 3. L. 8. §. 8. ff. L. 29. C. *hoc tit.* Ea initio fuit quarta portionis, ab intestato debita: Paull. *Recept. sent. IV. §. 5.* Plin. *Epist. V. I. d. L. 8. §. 8. 9. ff. L. 8. C. hoc tit. L. 21. C. fam. etc.* at postea Justinianus constituit, ut si liberi (vel parentes, fratresve vel sorores) sint quatuor vel pauciores, (connumeratis etiam exhereditatis arg. L. 8. §. 8. *hoc tit.*)

Quid portio legitima?

hoc tit.) *ut* hac portio legitima sit *ut* iuris: si in
quinque vel plures, semis bonorum. *Novell.*
XXIII. cap. 1. Nov. XXXIX. & XCII.

§. I.

De natura
hujus que-
relæ axio-
mata.

Ex hac origine & fundamento istius que-
relæ fluunt axiomata: I. Querela inofficiosi
datur tantum iis, quibus legitima debetur;
(§. XLVIII.) II. Ea rescinduntur testamen-
ta jure facta, sed non ex officio pietatis.
(§. XLV.) III. Quia colore dementiae su-
prema propinquorum judicia subvertit, (§.
XLVII.) odiosa habetur.

§. II.

Qui illum
instituant

Quum itaque iis tantum detur hæc que-
rela, quibus debetur portio legitima; (§.
I. 1) sequitur, ut competat, 1) liberis,
(§. XLIX.) §. 1. *Inst. L. 1. 14. L. 15. §. 2. ff.*
hoc tit. & quidem ratione patris legitimis,
suis & emancipatis, *L. 7. L. 23. hoc tit.* ratio-
ne matris etiam naturalibus & vulgo quæstis,
(P. I. §. CLII. §. CLIV. 6.) *L. 8. ff. unde*
cogn. L. 20. §. 1. h. t. natis pariter ac postu-
mis: L. 6. pr. ff. §. 2. Inst. hoc tit. 2) paren-
tibus utriusque sexus & cujuscunque gradus,
si liberi non extent; *L. 1. L. 30. ff. L. 28. Cod.*
hoc tit. 3) nec, his superstitis, fratribus
& sororibus, germanis & consanguineis,*
quibus turpis persona antelata, modo ipsi sint
integre existimationis; (P. I. §. CDXI.)
L. 27. Cod. hoc tit.

* Ita Constantinus M. in *L. 27. C. hoc tit.* Sed
posse tamen hodie & uterinos hanc querelam
instituire, dicto ex *Nov. CXVIII. cap. 4.* ar-
gumento, merito existimamus. Id quod &
Græci videntur observasse. *Basil. XXXIX. 56.*
Theop. ad §. 1. Inst. hoc tit. Harmenop. Trompt.
N. 6. 2.

§. LII.

Quumque hac querela testamenta jure facta rescindantur; (§. L. 2) consequens est Quibus casibus ea opus sit?
 1) ut quoties testamentum injustum est, hac querela non sit opus; adeoque 2) liberi sui a patre præteriti potius querela nullitatis utantur. *L. 1. ff. de injust. rupt. irr. test. 3)*
 Ut a matre avove materno sive exheredati, sive præteriti, recte hoc remedium adhibeant. *§. 5. & ultim. Instit. de exh. lib. 4)*
 Ut parentes sive exheredati, sive præteriti, testamentum inofficiosum dicant. *L. 14. ff. hoc tit.*

§. LIII.

Ex eodem patet, 5) querela hac cum effectu instituta, olim rem rediisse ad causam intestati, adeoque 6) & legata & fideicommissa concidisse. *L. 8. §. pen. L. 28. fin. ff. hoc tit.* At 7) Justinianus tamen id ratione parentum & liberorum mutavit *Novella CXV. cap. 3. & 4.* (ratione fratrum enim & fororum nihil mutatum videmus, *Nov. XXII. cap. 47.*) sanxitque, ut, sola rescissa heredis institutione, reliqua testamenti capita subsistant.

§. LIV.

Quia itaque hodieum res, saltim quod ad heredis institutionem attinet, ad causam intestati redit; (§. LIII. 7) Jcti non abs re inferebant, 7) locum in hac querela esse edicto successorio, (*Instit. §. DCCXXIV.*) adeoque, propiore omittente, remotiores admitteri. *L. pen. pr. ff. hoc tit. 8)* In eadem obtinere jus accrescendi, adeoque utroque fratre injuste exheredato, si alter non agat, ejus portionem alteri agenti accrescere, non autem si, uno exheredato, alteri relicta sit portio legitima. *L. 23. §. ultim. L. 16. L. 17. ff. hoc tit.*

§. LV.

Querela
hæc in
subsidiu
datur.

Quia denique odiosa hæc querela habetur ; (§. L. 3) facile reddi poterit ratio , 1) cur non nisi in subsidium detur , & tanquam ultimum adjutorium ; §. 2. *Inst. L. ult. Cod. hoc tit. 2*) Cur nec a patre præteritis hac querela opus sit , (§. LII. 2) nec iis , qui testamentum agnascendo rumpunt , §. 2. *Instit. hoc tit. L. ult. Cod. de lib. præter. nec emancipatis præteritis* , qui bonorum possessionem contra tabulas possunt impetrare . *L. 23. ff. hoc tit. nec impuberibus arrogatis* , qui quartam D. Pii judicio familiæ eriscundæ consequuntur . (*Instit. §. CLXXXI. **) *L. 8. §. 15. ff. hoc tit.*

§. LVI.

Non si in-
stitui pos-
sit actio
expleto-
ria .

Porro jam non obscurum est , 3) cur liberi & parentes , in quacunque parte instituti heredes , *Novell. CXV. cap. 3.* vel fratres & sorores , quibus aliquid quocunque titulo relictum , non hac querela utantur , sed conditione ex *L. 30. Cod. hoc tit. & Novell. CXV. cap. 3.* (quam expletoriam vocant Doctores ,) quæ datur liberis parentibusve , in quacunque re institutis , fratribus & sororibus , aliquid quocunque titulo ex testamento consequutis , eorumve heredibus adversus heredes institutos , ad supplendum quod deest legitimæ portioni .

§. LVII.

Quandiu
duret hæc
querela ,
& an ad
heredes
transeat ?

Porro ex eodem hujus querelæ odio reddenda ratio , 4) cur illa tantum quinquennium duret ab adita hereditate , nisi quis iusta gravissimæque causæ , quominus ageret , impeditus sit . *L. 8. §. ultim. ff. L. 34. fin. Cod. hoc tit. 5*) Cur nec ad heredes transmittatur , nisi præparata . *L. 5. §. ultim. hoc tit. 6*) Cur victoria actori tantum non ter-

tio ,

De inefficioso Testam. Pars II. 231
tio, profit. *C. quib. res jud. non noc. L. 63.*
ff. de re jud.

§. LVIII.

Denique jam facile patet, 7) cur tot ca- Quando cesset?
sibus cesset hæc querela, veluti a) in testa-
mento militis ; *L. 8. §. 4. ff. L. 9. C. hoc tit. β*)
in substitutione pupillari, si e. g. mater præ-
terita: *L. 8. §. 5. h. t. γ*) propter transactio-
nem vel remissionem, siue expressam, siue ta-
citam, *L. 6. C. L. 17. pr. L. pen. L. 10. §. 1. L.*
12. pr. L. 23. §. 1. L. pen. §. pen. ff. h. t. modo
non vivo patre, vel cogente officio, pro alio
factam. *§. 4. 5. Inst. L. 50. §. 1. ff. L. 35. §. 1.*
C. hoc tit. δ) ob exheredationem bona men-
te factam. *L. 18. ff. de lib. & post.*

§. LIX.

Est itaque hæc querela actio in rem, (§. Querela
inofficiosa
descriptio
XLIV.) competens liberis suis injuste exhe-
redatis, vel a matre, avove materno præte-
ritis, (§. LII. 1. 2) itemque parentibus si-
ve exheredatis, siue præteritis, (§. eod. 3)
nec non fratribus sororibusque integræ exi-
stimationis, quibus turpis persona prælata,
(§. LI. 3.) non tamen horum omnium he-
redibus, nisi jam sit præparata ; (§. LVII. 5)
contra heredes testamento institutos, qui he-
reditatem jam adierunt vel quibus illa ex
fideicommissio jam restituta est, *L. 1. C. h. r.*
immo & contra fiscum, qui bona vel heredis
vel defuncti occupavit, *L. 10. h. r.* ad rescin-
dendam heredis institutionem ; (§. LIII. 7)
parentemque ab intestato ad successionem
admittendum.

T I T. III.

De hereditatis petitione.

§. LX.

Ratio ordinis.

SEquitur jam proprie sic dicta *hereditatis petitio*, cujus fundamentum est *jus hereditarium*. Quum vero *jus hereditarium* vel *ex jure civili* descendat, vel *ex edicto Prætoris*, ex illo autem vel *directa*, vel *fideicommissaria* hereditas petatur; recte quoque hereditatis petitio in *civilem* & *Prætoriam* & illa iterum in *directam* & *fideicommissariam* dividitur. Jam de *civili* & *directa*, & quidem illa, qua tota hereditas petitur, agendum est.

§. LXI.

Quid jus hereditarium?

Jus hereditarium, ex quo hereditatis petitio nascitur; (§. LX.) est *jus in re*; (P. I. §. CXCVI.) nimirum *jus succedendi in universum jus defuncti*, vel *ex testamento*, vel *ex lege natum*.

§. LXII.

De petitione hereditatis axiomata.

Ex qua definitione fluunt axiomata: I. Hereditatem petere tantum possunt heredes. II. Ea petitur universitas juris. III. Adeoque & omnis causa a possessore præstanda est, & accessio. IV. Bonæ fidei possessoris melior merito conditio est, quam ejus, qui m. f. *jus alterius hereditarium intervertere conatur*.

§. LXIII.

Est illa actio in rem.

Quum itaque fundamentum hujus actionis sit *jus in re*; (§. LXI.) sequitur, ut sit *actio in rem*, vel *realis*, L. 25. §. 18. L. 49. ff. h. t. L. 27. §. 3. ff. de rei vind. sed talis tamen, quæ mix-

* Ostendi in Institutionibus, posse & sine mixtis actionibus exponi divisiones actionum. Sed non tamen ideo dicam scripserim iis, qui mixtas ex personalibus & realibus admittunt actiones. Nam e. g. hereditatis petitio vere habet duplex *fundamentum*, jus hereditarium, & administrationem alienæ hereditatis, quamvis illud primum, hoc secundarium sit. Vere habet duplex *objectum*, quum & hereditas petatur, & præstationes personales. Refert etiam vere personalium æque ac realium actionum *naturam*. *Harum*, dum datur adversus quemvis possessorem. *Illarum*, dum triginta demum annorum præscriptione excluditur. Vinum, cui guttula aquæ accessit, mixtum est, quamvis denominationem vini retineat. Et sunt sane actiones, quibus aliquid admixtum est ex diverso genere, quæ tamen a principali fundamento vel *reales* vel *personales* recte dicuntur.

S. LXIV.

Quumque ea petitio heredibus detur; (S. Cui de-
LXII. 1) sequitur, 1) ut directe agere ne-
queant, nisi heredes testamentarii & legitimi.
L. 1. L. 3. ff. h. t. 2) Ut & pater & dominus
recte agant, quorum jussu hereditas a filio-
fam. vel servo adita. L. 2. L. 3. ff. h. t. 3) Ut
& heres heredis, etiam extranei, qui jam
adiit, vel pro herede gessit, hac actione di-
recta uti possit. L. 3. ff. h. t. L. 194. ff. de reg.
jur. 4) contra autem hereditatis emptor utili-
tantum hereditatis petitione hereditatem a
se emptam persequatur. L. 54. pr. ff. h. t.

* Quia autem viventis nulla est hereditas; hinc
facile patet, eum, qui absentis petit heredi-
tatem, mortem ejus probare debere. Nec enim

mortuus quis præsumitur, nisi exceſſerit longiſſimam hominis ætatem, ſeu C. annos. (P. I. §. CXXX.) Aſt Menoch. de Præſumptionibus Vl. 49. 11. Carpzov. Part. III. Conſt. XV. deſ. 57. annos ſeptuaginta ſufficere exiſtimant, ob eſſatum Moſis, Tj. XC. 11. quæ ſententia fere in Foris Germ. recepta eſt. Interea hereditas proximis cognatis committi ſolet ſi ſatiſſident, eam abſenti forſan redituro reſtitutum iri.

§. LXV.

Contra
quos?

Quia porro hereditatis petitio eſt iudicium de univerſitate juris; (LXII. 2) conſequens eſt, 1) ut non inſtituenda ſit adverſus poſſeſſorem, titulo ſingulari ſubnixum. L. 7. Cod. hoc tit. a quo vindicanda potius erit res hereditaria, ſed 2) adverſus eum, qui pro herede vel pro poſſeſſore, * L. 9. L. 11. ff. L. 7. C. hoc tit. adeoque 3) poſſeſſor vel reus, in hac actione edere debeat titulum. L. 11. C. hoc tit.

* Pro Herede autem poſſidere, eſt putare, ſe tanquam heredem habere, L. 11. pr. ff. L. 11. C. hoc tit. ſive bona fide quis ita putet, ſive mala L. 13. §. 8. L. 20. §. 13. L. 25. §. 6. hoc tit. Pro Poſſeſſore poſſidere eſt nullo iure detinere ſcientem, hereditatem ad ſe non pertinere §. 3. Inſt. de interd. Unde hic & Pædo vocetur L. 11. §. 1. L. 12. L. 13. pr. hoc tit.

§. LXVI.

Qui ſingū-
tur poſſi-
dere?

Ex quo porro ſequitur, 4) ut qui dolo poſſidere deſiit, & hic pro poſſeſſore habeatur. (P. I. §. DXXVII.) L. 131. ff. de r. j. L. 13. §. 2. & 14. L. 25. §. 8. hoc tit. 5) Ut idem dicendum ſit de eo, qui liti ſe obtrulit, aut, ignorante actore, calumniæ cauſa dixit,

dixit, se possidere. *L. 13. §. 13. L. 45. ff. h. t.*
6) Ut utrique possessores, quamvis tantum
fictione juris tales sint, æstimationem tamen,
in pœnam præstare teneantur. Ex quo porro
inferendum, 7) æstimationem hanc, ab il-
lis præstitam, verum possessorem non libera-
re. *L. 13. §. 14. hoc tit. L. 95. §. 9. de solut. 8)*
Emptorem hereditatis a vero herede super-
veniente utili hereditatis petitione conveni-
ri posse, & quidem, si mala fide possideat,
indistincte, sin bona; quum res aliter sal-
va esse heredi nequeat, *L. 13. §. 4. 8. 9.*
hoc tit.

§. LXVII.

Quemadmodum porro hereditas petitur cum
omni causa & accessione; (§. LXII. 3) ita
facile intelligitur, restituenda esse 1) omnia
corpora & jura, tam ad hereditatem perti-
nentia, *L. 18. §. ult. hoc tit.* quam 2) quæ
non fuere in dominio defuncti, & quorum
periculum ad heredem pertinet, ex. gr. res
oppignoratæ, depositas, commodatas: *L. 19.*
pr. hoc tit. 3) pretia rerum distractarum: *
L. 16. §. 1. L. 20. §. 6. 12. 16. hoc tit. 4)
lucrum ex hereditate perceptum: *L. 27. §. 1.*
L. 52. L. 56. hoc tit. 5) omnes accessiones :
L. 20. pr. §. 3. L. 15. seq. hoc tit. & deni-
que 6) fructus, quos possessor ex heredita-
te vel ejus occasione percepit. *L. 20. §. 1. ff.*
hoc tit.

Quid re-
stituendū
Heredi ?

* Hæc enim in judiciis universalibus succedunt
in locum rei. §. VIII. 2.) *L. 22. fin. ff. h. t.*
secus fac in judiciis singularibus. Cujac. in
African. ad L. 23. ff. de reb. cred. Moller Se-
mestr. l. 4. 10.

§. LXVIII.

Quia tamen merito melior esse debet bo-
næ, quam malæ fidei possessoris conditio ;
(§. LXII.)

Quid fru-
ctus ?

(§. LXII. 4) de fructibus receptæ sunt regulæ , I. Fructus a litis contestatione præstandi sunt indistincte , (§. XLIII. 6) L. 40. ff. *hoc tit.* II. Malæ fidei possessor & exstantes , & perceptos , & percipiendos restituit . L. 20. §. 6. L. 25. §. 2. *hoc tit.* III. Bonæ fidei possessor restituit tantum exstantes , & ex consumptis illos , quibus factus est locupletior . L. 22. L. 25. §. 11. & 15. L. 36. §. 4. L. 40. §. 1. *hoc tit.*

§. LXIX.

Quoddam-
num præ-
standum?

Ex quo principio & regulæ fluunt de culpæ & casus præstatione : I. Bonæ fidei possessor non præstat culpam , sed malæ fidei possessor . L. 48. pr. ff. *de acq. rer. dom.* L. 25. §. 2. II. L. 18. L. 30. L. 31. §. 3. *hoc tit.* II. Casum fortuitum prædo (§. LXV. *) præstat . L. 7. §. ultim. L. 8. L. ult. ff. *de condict. furt.* itemque malæ fidei possessor , apud quem res post litis contestationem perit . L. 40. pr. *hoc tit.* Quæ fere omnia sunt ex SCto , P. *Juventio Celso & Q. Julio Balbo Conf.* facto , anno U. C. ICCCCCCLXXXII. cujus verba recitantur explicanturque L. 20. §. 6. *sequent.* L. 21. *seq. hoc tit.*

§. LXX.

Quæ im-
pensis re-
st tuendæ?

Quia tamen iniquum est , alterum cum alterius damno fieri locupletiores ; (P. I. §. CCCLXII. 1) reo etiam eatenus prospexerunt leges , 1) ut bonæ fidei possessor impensas tum necessarias tum utiles tum voluptarias , in rem hereditariam factas , indistincte deducat . L. 38. L. 39. ff. *hoc tit.* 2) Ut malæ fidei possessor impensas necessarias semper deducat , utiles nonnisi eo casu , si existent , voluptarias tantum tollat , si id re salva possit fieri . L. 39. §. 1. ff. *hoc tit.*

§. LXXI.

Actionis
hujus de-
scriptio.

Est itaque *Hereditatis Petitio* actio universalis ,

salis, (§. VIII.) realis, sed mixtam quodammodo causam habens, (§. LXIII.) competens directe heredi, utiliter hereditatis emptori, (§. LXIV. 4) adversus eum, qui pro herede vel pro possessore possidet, vel dolo possidere desiit, vel non possidens liti se obtulit, (§. LXV. seq.) in id, ut actor pro herede declaretur, & hereditas ei cum omni causa & accessione, fructibus, & indemnitate restituatur. (§. LXVII. seq.)

§. LXXII.

Ceterum ex ea ratione, quod mixtam quodammodo causam habet hereditatis petitio, videtur invaluisse, 1) ut haberetur pro actione bonæ fidei. §. 28. *Inst. de act. L. ult. S. ult. C. hoc tit. 2*) Ut duret XXX. annos, (§. LXIII. *) *L. 7. C. hoc tit.* sive liberi petant, sive extranei. Eorum enim ratione obtinere præscriptionem nonagenariam, error est doctorum, ex male intellecta *L. 1. §. 11. ff. de success. edict.* conceptus. Struv. *Synt. jur. civ. Exerc. X. 68.*

Est bonæ fidei & perpetua.

T I T. IV.

Si pars hereditatis petatur.

§. LXXIII.

Aliquando non tota hereditas, sed ejus Pars, vel ex testamento, vel ex lege debita, petitur. Tunc eadem obtinent, nisi quod 1) hic non æstimetur, quantum reus possideat, sed quantum actori debetur, tantum & petere possit. *L. 2. §. 1. hoc tit. 2.*) Quod si tot sint possessores, quot heredes, non singuli heredes a singulis possessoribus, sed omnes ab omnibus petant. *L. 1. §. 2. h. t.* 3) Quod vel certam partem petant singuli, si de

Hujus hereditatis petitionis a superiore differentia.

si de ea satis constet, vel *incertam*, si in ventre sit coheres. L. 1. §. 5. *hoc tit.* De quo casu in favorem, uti opinor, tergeminarum, qui Romæ ob Horationum tergeminarum fortitudinem erat maximus, (P. 1. §. XXIX. **) cautum fuerat, ut ventri tres portiones seponerentur, L. 3. ff. *hoc tit.* L. 28. §. *ult. de judic.* & si forte plures nati fuerint, singulis heredibus pro rata decresceret; sin pauciores, accresceret. L. 3. L. 4. *hoc tit.*

TIT. V.

De possessoria Hereditatis petitione.

§. LXXIV.

Hujus petitionis a civili differencia.

Quum & Prætor iis aliquando det bonorum possessionem, quorum vel testatores vel leges nullam habuerunt rationem; his quoque contra possessores datur hereditatis petitio *Prætoria*, vel *Possessoria*, * (§. IX.) quæ civilem imitatur per omnia, nisi quod hic non heres institutus, vel legitimus, agit, sed bonorum possessor. L. 1. L. 2. ff. *hoc tit.*

* Ita dicitur, non quod possessorium sit hoc iudicium: (§. VII.) quod enim magis petitorium vocabis, quam quo hereditas petitur? sed quia hic agit bonorum possessor.

T I T. VI.

De fideicommissaria Hereditatis petitione.

§. LXXV.

Quia etiam fideicommissarii consequuntur hereditatem; (*Inst.* §. DCLVI. *seq.*) eorum commodo *Fideicommissaria hereditatis petitio* prodita est: (§. LX.) Quum enim heres fiduciarius stricto jure, etiam post restitutionem hereditatem, heres maneat; (*Inst.* §. DCLVII. 2.) §. 3. *Inst. de fideic. her.* L. 88. ff. *de her. inst.* non poterat sane heres fideicommissarius, cui verbis tantum & nuda declaratione hereditas fuerat restituta, actione directa hereditatem a possessore petere, sed Prætoris beneficio * ei dabatur hæc utilis *Fideicommissaria*.

Cur fideic. hereditatis petitio inventa?

* Est itaque vere actio Prætoris, ut ex *pr. Inst.* de *perp. & temp. act.* patet. Dissentit Arn. Vinn. ad *d. princ. Inst. cod.* Sed vide tu, sis, quæ notavimus in *Additamentis nostris* ad Vinnium.

§. LXXVI.

Competit itaque hæc actio fideicommissario, cui hereditas, ejusve pars, a fiduciario solis verbis restituta ejusve heredi, adversus eum, qui pro herede vel pro possessore possidet, ad hereditatem cum omni causa, accessione, fructibus, indemnitate, pro qualitate possessionis restituendam. L. 1. L. 3. ff. *hoc tit.*

Ejus descriptio.

§. LXXVII.

Non itaque hæc actio comparata est ad hereditatem, a fiduciario herede consequendam. L. 3. §. 1. ff. *h. t.* Quis enim hereditatem

An & adversus fiduciarium detur?

tem peteret a vero herede? (§. LXV.) At si fiduciarius restituere ex fideicommissio noleret; fideicommissarius cum illo, si jam adierit hereditatem, aget ex testamento, §. 5. *Inst. de obl. quæ quasi ex contr. vel si adire nolit, ex Nov. L. cap. I.*

L I B E R VI.

T I T. I.

De rei vindicatione.

§. LXXVIII.

Quid do-
minium?

TRansimus jam ad actiones *in rem singulares*, & quidem ex specie secunda juris in re, puta ex *Dominio*, ortas, per quod hic intelligimus *jus in re corporali*, ex quo facultas de re ejusque fructibus disponendi, eamque vindicandi, nascitur, nisi vel lex, vel conventio, vel testatoris voluntas obstat. (*Inst. §. CCCXXXV.*) *L. 21. C. mand. L. ult. C. de reb. alien. non alien.*

§. LXXIX.

Est vel
plenum,
vel minus
plenum.

Quum autem illa de re disponendi facultas aut tota penes unum sit, aut ita divisa inter duos, ut unus partem juris de re disponendi sibi reservarit, alteri & dispositionis parte & omni utilitate concessa; priore casu dominium a doctoribus *plenum*; posteriore *minus plenum* vocatur. Et tunc ei, qui facultatem aliquam disponendi sibi reservavit, *Dominium directum*; alteri, qui omnem utilitatem suam facit, *utile* tribuitur, cujus species numerant ex jure Romano *jus emphy-*

De rei vindicatione. Pars II. 241
 teneos & superficies, quibus ex moribus ad-
 dendum *jus vassali* in feudo. *

* Nec expecta hic leges. Doctorum hæc divisio
 est, toleranda sane, quamvis vocabula non ad-
 modum sint concinna. Et Vassali quidem jus
 utrum dominium sit, an usufructus, disqui-
 rere, non est hujus loci. *Emphyteuta* dominus
 vocatur in L. 12. fin. C. de fund. patr. L. ult. C.
 de cens. & censit. L. 1. L. 8. L. 11. C. de omnē
 agr. desert. At idem dominus esse negatur in
 L. 1. §. 1. ff. si ager vectig. Superficiario leges
 nostræ tribuunt *jus in re*, L. 19. ff. de damno
 inf. & tale quidem, ex quo rei vindicatio
 sed tamen duntaxat utilis, competit L. 73.
 §. ult. L. 74. L. 75. hoc tit. Quum ergo hæc
 jura & sint dominium, & non sint; non ma-
 le aliud dominium doctores vocarunt *Plenum*,
 quo vocabulo, quamvis alio sensu, & Mode-
 stinum usum videas L. 4. pr. ff. de alien. vel
 cibari. leg. & Justinianum §. ult. Inst. de usufr.
 aliud *Minus Plenum*. Quumque in hoc porro
 unus partem facultatis disponendi retineat,
 alter omnem utilitatem capiat; illum voca-
 runt *Directum* dominum, den *remgen derra*,
 hunc *Utilem*, barbare quidem, sed non ab-
 surde tamen Justinianus forte hunc *usu domi-*
nium vocasset, uti in *Novell. cap. 4.* Nos sane
 hic circulos doctorum turbare noluimus.

§. LXXX.

Dividunt etiam dominium in *Civile*, qua- *Civile &*
 le marito in dote immobili competere pu- *naturale.*
 tant, & *naturale*, quod uxori in eadem tri-
 buunt constante matrimonio. Sed quum hæc
 divisio non sit domini in genere, sed in spe-
 cie domini dotis, & JCrus olim dominium
quorundam seu *naturale*, plane aliud quid si-
 gnificavit; (*Instit. §. CCCXXXVI.*) rectius
 Hein. Pand. T. I. L forte

forte dominium mariti in re dotali referas
ad species *dominii utilis*. Vid. V. C. A. A.
Pagenstech. *Aphorism. Lib. II. §. 22.*

§. LXXXI.

Verum &
fictam.

Utilior erit divisio *dominii* in *verum & fictum*. Uti enim *illud* competit in re corporali reapse acquisita; ita hoc vocamus, quando Prætor aliquem usufructu fignit, qui non usufructu. (P. I. §. XLII. 5.) §. 3. *Inst. de action.*

§. LXXXII.

Ex domi-
nio oritur
rei vindi-
catio.

Quum autem *dominii* omnis effectus sit facultas rem vindicandi; (§. LXXVIII.) ad hanc comparata est actio, quæ *rei vindicatio* * appellatur, quam actionem in rem esse, ex dominio pleno ortam, facile patet.

* *Vindicatio*, inquit Cicero *de Invent. II. 53.* est, per quam vis & injuria, & omnino omne, quod obfuturum est, defendendo aut ulciscendo propulsatur. In primis autem, si jus in rem alieni interverteretur ab alio, ea vis videbatur vindicæ digna. Unde omnes in rem actiones *vindicationes* dicebantur. §. 15. *Inst. de act.* Strictissime *rei vindicatio* dicitur actio realis ex dominio orta.

§. LXXXIII.

Cui illa
non de-
tur?

Quum itaque ex dominio pleno oriatur hæc actio; (§. LXXXII.) sequitur, 1) titulum nemini tribuere jus vindicandi, sed tantum actionem in personam, L. 3. *pr. de obl. & act.* adeoque 2) emptorem non vindicare rem sibi venditam, necdum traditam. 3) Rem, duobus venditam, non vindicare eum, qui prior emit, sed cui priori tradita est. L. 72. ff. L. 15. *Cod. hoc tit.* 4) Rem in singularibus non succedere in locum pretii, L. 8. *Cod. si quis alt. vel sibi sub alt. nom.* adeoque nec eum, cujus pecunia emptum, rem

rem emptam vindicare, (§. VIII. 3) exceptis pupillo, minore, milite, L. 8. C. hoc rit. L. 2. ff. quando ex fact. tut. & uxore, si maritus pecunia non dotali, sed ab ea donata, rem compararit. L. 55. ff. de donat. int. vir. & uxor. junct. L. 12. Cod. de jure dotium. His enim rei vindicatio utilis conceditur. L. 3. Cod. hoc rit.

§. LXXXIV.

Ex eodem sequitur, 5) ut directa rei vindicatio non nisi ex pleno dominio detur, ex minus pleno tantum utilis. L. 33. L. 66. ff. L. 9. Cod. hoc rit. L. 30. Cod. de jur. dor. 6) Ut actor teneatur dominium, ab auctore suo in re translatum, aut usucapione acquisitum, rite probare. L. 20. pr. ff. de acquir. rerum dom.

§. LXXXV.

Ex eodem principio colligimus, vindicari tantum posse 7) res corporales, §. 1. Instit. de action. 8) singulares, sive per individuum sive collective, L. 1. §. 3. L. 2. L. 3. pr. L. 16. hoc rit. 9) commercio non exemptas, * L. 1. §. 2. L. 23. §. 1. hoc rit. 10) quæ supersunt ex re nostra, quæ periit, modo alii rei junctæ non sint: siquidem hoc casu, si separari possunt, actione ad exhibendum, si non possunt, actione in factum petuntur: L. 49. §. 1. L. 23. §. 5. hoc rit. L. 6. ad exhib. 11) non autem universitates juris. L. 56. hoc rit.

Quid vnde
dicetur?

* Singulare quid observamus in tigno juncto; quod, quamvis in commercio sit, vindicari tamen nequit, prohibente lege XII. tabularum. L. 23. §. 6. ff. hoc rit. L. 1. ff. de tigno junct. Rationem reddidimus jam alibi. (Instit. §. CCCLXV.)

§. LXXXVI.

Quum porro rei vindicatio sit actio in vindicandam rem;

tum a
possessione
vero?

rem; (§. LXXXII.) facile patet, 1) eam competere adversus quemcunque possessorem, vel detentorem, modo ante sententiam possideat. * L. 9. L. 27. §. 1. L. 36. *pr. hoc tit.* 2) Possessionem ab actore esse probandam. L. 8. L. 18. *Cod. de probat.* L. 24. L. ult. C. *hoc tit.* 2) Res, quæ vindicantur, ab eodem speciatim esse designandas, ut, an possideat reus, appareat. L. 5. §. ult. L. 6. h. t. 3) Detentores nudos auctorem nominando liberari: L. 2. C. *ubi in rem act.* 4) Non autem possessorem hic, ut in hereditatis petitione, (§. LXV. 3.) edere debere titulum possessionis, L. 73. ff. L. ult. C. *hoc tit.*

* At ex veteris juris Germanici principiis vindicare quis rem suam non poterat, si ipse eam alteri commodasset, locasset, vel apud alterum deposuisset, illaque postea ad tertium pervenisset. Unde vetus parœmia juris: *band muss band wuabren*: id est, rem quisque suam reponere debet ab eo, cui dedit. *Jus Provinc. Sax. II. 60.* Retinent hoc principium jus Lubecense, *Mev. ad Jus Lib. III. 2. 1.* Hamburgense, *Stat. Hamb. II. 2. 4. seq.* Culmenense in Prussia, *Jus Culm. III. 5. V. 6.* Suecicum, *Loccen. Synops. jur. Succ. XII. 5.* immo & Belgicum, *Groenevveg. ad §. 16. Inst. de obl. quæ ex del. num. 3.* Addatur Hert. *Par. ram. Jur. Germ. I. 18. p. 426.*

§. LXXXVII.

Tum a fi-
do.

Quemadmodum autem hereditatis petitio & adversus quosdam fictos possessores datur; (§. LXXI.) ita & in rei vindicatione pro possessoribus habentur, 1) qui dolo deserunt possidere, id quod post Hadriani tempora per interpretationem SCti, de hereditatis petitione facti, (§. LXIX.) in vectum esse, manifesto patet ex L. 27. §. 3. h. t.) Liti se of-

se offerentes, e. g. detentores, non laudantes auctorem; (§. LXXXVI. 3.) non autem 3) possessorum heredes, nisi vere possident, L. 42. L. 55. h. r. vel aliquid ex persona defuncti commiserunt. * L. 42. h. r.

* Quid si locupletiores ex re facti sint heredes quam possessor ante litem contestatam dolo possidere desit? Tunc non actione *in rem*, sed *in factum* conveniendos illos esse, monuit Julianus L. 52. hoc tit.

§. LXXXVIII.

Nec minus rei vindicatio, quia est actio *in rem*, datur ad consequendam rem nostram cum omni causa & accessionibus. L. 13. L. 17. §. 1. L. 34. L. 68. hoc tit. Ex quo sequitur 1) ut fructus pro qualitate possessionis sint restituendi. L. 17. §. 1. L. 20. L. 34. hoc tit. Ut & dominus possessorem secundum hanc possessionis qualitatem indemnem debeat prestare ratione impensarum, in rem suam factarum: L. 37. L. 38. hoc tit. non tamen 3) refundere pretium, quo possessor rem acquisivit; L. 3. L. 23. Cod. hoc tit. L. 2. C. de furt. nisi forte hic eam, alioquin perituram, a prædone vel hoste redemerit. L. 5. ff. de captiv. & postlim.

Ad quid sibi invicem teneantur possessor & dominus?

§. LXXXIX.

Quum itaque & hic fructus & impensæ restituendæ sint pro qualitate possessionis; (§. LXXXVIII. 1. 2.) consequens est, 4) ut regulæ supra traditæ, (§. LXVIII. LXIX. LXX.) & hic habeant locum, hoc tantum observato discrimine, 1) quod hic b. f. possessor ex fructibus consumptis nihil restituat, quamvis sit factus locupletior. L. 4. §. 2. ff. fin. regund. 2) Quod m. f. possessor hic utiles impensas tantum tollat. * L. 37. ff. L. 5. C. h. r. 3) Quod bonæ etiam fidei possessor

Quid circa fructus & impensas observandum?

voluptarias impensas non deducat, sed tollat. *L. 38. fin. ff. hoc tit.*

* Immo & b. f. possessor eas non repetit, sed tollit, si domino, iis redditis, laribus, sepulcro avito, similibusve carendum foret. Si tollere tunc paratus est b. f. possessor: nec id potest, si dominus tantum solvere velit, quantum habiturus esset re ablata. *L. 38. ff. hoc tit.*

§. XC.

Aktionis
ius de-
scriptio.

Est itaque rei vindicatio actio in rem, (§. LXXXIII.) competens domino, & quidem directa, ex dominio pleno; utilis, ex minus pleno, (§. LXXXIV.) contra quemcunque possessorem verum vel fictum, (§. LXXXVI. sequ.) in id, ut actor dominus declaretur, eique res restituatur * cum omni causa, accessionibus, fructibusque, pro qualitate possessionis. (§. LXXXVIII.) sequ.

* Et quidem simpliciter res restituenda, alias manu militari extorquenda. Si reus restituere non possit, & dolo malo fecerit, ne possideat, actor ad iuramentum in litem admittitur. Si sine rei dolo res perit, actio datur in id, quod interest. *L. 68. hoc tit.*

T. I. T. II.

De Publiciana in rem actio.

§. XCI.

(Ratio inventæ huius actionis.)

Superior in rem actio ex dominio vera erat. Datur autem ex ficto dominio (§. LXXXI.) vindicationis species, a Publicio quodam Prætoris inventa, (P. I. §. DXXXIII. *) a quo & Publiciana in rem actio appellatur. §. 4.

§. 4. *Inst. de act.* Quum enim rei vindicatio civilis institui non possit, nisi probatione domini difficillima (§. LXXXIV. 6.) defungi velis; Prætor in gratiam eorum, qui rem bona fide & iusto titulo acquisitam, sibi que traditam, a non domino vindicaturi sunt, faciliorem hanc actionem invenit. L. 7. §. 6. ff. *hoc tit.*

§. XCII.

Edixerat enim, si qui b. f. emit, id, quod traditum ex iusta causa non a domino & non usucaptum petierit, iudicium se daturum. L. 1. pr. L. 7. §. 11. *hoc tit.* Ex quo edicto fluunt axiomata: I. Qui b. f. & ex iusta causa rem acquisitam, sibi que traditam, vindicat a tertio, eum Prætor fingit usucepisse, quum non usuceperit. §. 4. *Instit. de act.* II. Ea fictio tamen non debet obesse vero domino, sed illi, qui nullo vel infirmiore jure possidet.

De ejus
natura a-
xiomata.

§. XCIII.

Ex priore itaque axioma inferimus, 1) Quis hac sufficere auctori, si, quum rem emeret, & traditam acciperet, in bona fide fuerit, nec ei obesse malam fidem supervenientem. * L. 7. §. 11. 14. 17. *hoc tit.* L. 10. ff. *de usur. & usuc.* 2) Non requiri hic, ut actor fuerit dominus, vel alienandi habuerit facultatem, L. 7. §. 3. 4. *hoc tit.* sed, 3) ut res nec vitiosa, L. 9. §. 5. L. 12. §. 4. *hoc tit.* & 4) ex iusta causa, & ad transferendum dominium habili, (*Instit.* §. CCCXXXIX. *) acquisita, & 5) tradita sit. L. 9. *princ.* §. 1. *hoc tit.* nisi res & sine traditione acquiratur. (*Inst.* §. CCCXXXIX. **) L. 1. §. 2. L. 2. L. 3. L. 12. §. 1. *hoc tit.*

Quis hac
actione u-
tatur?

* Quid vero iis locis, ubi cap. ult. X. de pre-
ser. in foro regnat? Ibi & hinc bonam fi-
dem
L. 4.

dem perpetuam requiri, existimat Bachov. ad *Trenth. Vol. 1. Disp. XV. 13. C.* Sed perperam. Non enim in hoc iudicio id agitur, ut ius veri domini excludatur, quemadmodum in usucapione; sed ut res ab eo, qui nullo vel infirmiore jure possidet, vindicetur. Hic autem, si malam fidem supervenientem auctori obijcere auderet, excipere procubio videtur de jure tertii. Hælg. *Donell. Encl. XX. 18. R. Struv. hoc tit. §. 47.*

§. XCIV.

An & verus dominus & emptor?

Ex eodem patet, 6) non opus esse hac actione vero domino, L. 1. §. 1. h. t. quamvis & is, ad levandum probationis onus, (§. XCI.) actionem hanc, si velit, eligere vel eam cum rei vindicatione cumulare possit. 7) Re duobus vendita, & uni tradita, hic quoque non agere, qui prior emit, sed meliorem esse conditionem possidentis. (§. LXXXIII. 4.) L. 7. §. 16. L. 9. §. 4. h. t.

§. XCV.

Contra quem detur?

Ex posteriore axiomate (§. XCII. 2.) sequitur, 1) ut non detur hæc actio adversus eum, qui æque bona fide, & ex iusto titulo, rem traditam accepit: L. 9. §. 4. hoc tit. nec 2) contra verum dominum, nisi sit iusta causa, quæ vero domino b. f. emptorem præferri suadeat: L. penult. L. ultim. hoc tit. L. 63. & 72. ff. de rei vind. L. 8. §. 15. de damn. inf. L. 7. §. 7. hoc tit. L. 24. ff. de exc. rei jud. sed 3) contra eum, qui infirmiore jure possidet, atque inde semper opus esse causæ cognitione. L. 57. ff. mand.

§. XCVI.

Quid sit?

Est itaque actio *Publiciana*, actio in rem Prætoria, (§. XCI.) qua is, qui a non domino rem, bona fide, & ex iusta causa traditam accepit, (§. XCIII.) amissa possessione,

Si ager vectigalis, &c. Pars II. 249
ne, adversus quemcunque possessorem, jure
infirmiore subnixum, (§. XCV.) agit, ad
rem, cum omni causa eodem modo, ut in
rei vindicatione, (§. LXXXVIII. seq.) L. 7.
§. 8. ff. hoc tit. restituendam.

TIT. III.

*Si ager vectigalis, id est, emphyteuticarius
petatur.*

§. XCVII.

QUum utilis rei vindicatio etiam ex mi- Quid jus
emphy-
teuticos?
nus pleno dominio detur; (§. LXXXIV. s.) sane eam & emphyteutæ competere oportet. Jus enim emphyteutæ est dominium utile, (§. LXXXIX. *) alteri a domino pro car-
none annuo concessum. L. 3. §. 4. de reb. cor.
qui sub tut. L. 3. C. hoc tit.

* Non ergo hic agimus de contractu, quo jus
illud constituitur, (de eo enim infra sub titulo
locati erit dicendi locus,) sed de jure in re,
quia hic actiones in rem consideramus. Ceter-
um *Vectigales* hic sunt agri, qui a Romanis
permittebantur municipiis, ut ex eorum redi-
tibus onera publica sustinerent, sacra peragen-
da curarent, templa & ædificia publica facta
recta servarent. Hi enim, sive in perpetuum,
sive ad tempus indefinitum, locabantur pro
pensione annua, quæ *vectigal*. dicebatur. V. C.
Petr. Burn. de *Vectig. Pop. Rom.* pag. 128. 148.
Reliqui omnes agri, a privatis vel ecclesiis hoc
modo locati, *Emphyteuticarii* dicebantur, quod
vocabulum sub Constantini M. tempora inva-
luisse suspicatur Schilter. Exerc. XVI. 66.

§. XCVIII.

Petitur ergo ager vectigalis, vel emphy- Utilis rei
teu.
L 5

emphyteu- teuticarius, *utili rei vindicatione*; (S. XCVII.)
 ticarię vin- competente emphyteutę adversus omnem agri
 dicatio. vestigalis, vel emphyteuticarii possessorem,
 immo ipsum dominum directum, ad agrum
 illum, cum omni causa & fructibus pro qua-
 litate possessionis restituendum. L. 1. S. ult.
 L. ult. hoc tit.

LIBER VII.

TIT. I.

De usufructu, & quemadmodum quis utatur
 fruatur.

S. XCIX.

Ratio or-
 dinis.

HActenus de actionibus in rem, ex Jure
 hereditario & Dominio ortis. Sequitur
 tertium jus in re, puta *servitus*, cujus oc-
 casione * actiones *confessoria* & *negatoria* com-
 petunt.

* *Confessoria* actio est ex servitute: *negatoria* tan-
 tum occasione servitutis datur, fundamentique
 loco ipsi est libertas naturalis. Unde caute
 Ulpianus actiones *confessoriam* & *negatoriam*
de servitutibus competere ait, non ex *servitu-*
ribus. L. 2. pr. ff. si serv. vindic.

S. C.

Quid ser-
 vitus?

Servitus est *jus in re* (P. I. S. CXCVI.)
aliena, quo dominus aliquid pati vel non fa-
 cere tenetur in suo, ad alterius utilitatem.
 Ex qua definitione per se liquet. I. *Servitu-*
tem ratione dominantis esse *jus in re aliena*.
 L. 26. ff. si serv. urb. pred. L. 5. pr. ff. si usu-
 fruct. pet. II. Ratione servientis eam consi-
 flere

tere in patiendo vel non faciendo, & III. nunquam in faciendo. * L. 15. §. 1. de servit.

* Aliud tamen veteri jure Germanico, cujus hodiernum multa supersunt vestigia, in molendinis, furnis, & cauponis bannariis, in bonis censiticis, ex quibus a possessore census præstandus, quum tamen sit dominus, similibusque juribus, passim per Germaniam obviis. Vid. Stryk. *Uf. Hodiern. ff. tit. de servit. §. IV. V.* & Ger. Gottl. Titii JCI Lipsi. *Diss. de servitute in faciendo consistente.*

§. CI.

Servit autem vel *res personæ*, vel *res rei*, Quotum est prædium prædio. Et hinc aliæ sunt plex 2
servitutes personales, veluti usufructus, servitus operarum, usus, habitatio, de quibus hoc libro agitur. Aliæ Reales vel Prædiales, de quibus libro insequente dicemus. L. 1. ff. de servit.

§. CII.

Uti & frui differunt, ut minus & majus. Quid usus
Usus enim necessitate circumscribitur; frui- fructus
tio non modo ad necessitatem, verum etiam ad omnem utilitatem voluptatemque pertinet. Seneca de *Vit. beat. cap. X.* Utrumque opponitur *abusui*: quia salva re utimur & fruimur, disperdendo autem rem & fructum, abutimur. Donat. ad *Terent. Prol. andr.* Et jam facile intelliges definitionem, quod usufructus sit *jus rebus alienis* * *utendi fruendi*, salva eorum substantia. L. 1. ff. hoc tit.

* Ergo huc non pertinet usufructus *Cassalis*, domino in re sua competens. L. 78. pr. ff. de *jure dot.* L. 21. §. 3. de *except. rei jud.* L. 126. §. 1. de *v. o.* Hic enim non servitus est, sed pars domini. L. 4. ff. hoc tit. Nec *legatum Reditus*, quia hic fructus non ipse legatarius

percipit, sed heres praestat. L. 38. ff. de usufr. & usufr. leg.

§. CIII.

De ejusna-
tura axio-
mata.

Ex qua definitione fluunt axiomata: I. usufructus competit in re aliena. II. Usufructuarius omnes fructus, & ad necessitatem & ad utilitatem voluptatemque pertinentes, percipit. III. Uti tamen & frui, non abuti, debet.

§. CIV.

Constitui-
tur vel le-
ge.

Quum itaque usufructus competat in re aliena; (§. CIII. 1.) dominium autem, vel conventionem vel lege, vel testatoris voluntate restringatur; (§. LXXVIII.) consequens est, 1) ut & usufructus detur legitimus, qualis est, a) qui patri competit in peculio adventitio filii, (Instit. §. CDIXXX. seq. L. 6. Cod. de bon. que lib. nec non §) in parte bonorum emancipati dimidia, §. 2. Instit. per quas pers. cuiq. acqu. L. 6. §. 3. Cod. de bon. que lib. 2) conjugi egenae in portione, in quam ex bonis mariti una cum liberis succedit; Nov. CXVII. cap. 1. denique d) viduae binubae in bonis, a conjuge mortuo acceptis. L. 3. L. 5. Cod. de sec. nupt. Nov. XXII. cap. 45. *

* Moribus Germaniae & marito, constante matrimonio, debetur usufructus in bonis uxoris paraphernalibus. Jus Prov. Saxon. R. 31. Carpz. Part. II. Const. XV. Def. 25. Non ergo hic usufructus probandus ex L. 9. §. 3. ff. de jur. dot. L. 11. C. de pacti. contr. quum jus Romanum illud plane ignoret.

§. CV.

Vel adju-
dicatione.

Ex eodem principio facile redditur ratio, 2) cur lex & judici id indulgeat, ut in judiciis divorciis, si res aliter exitum habere

nequeat, uni usufructum, alteri proprietatem, deducendo usufructu, adjudicare possit. S. 4. sequ. Institut. de offic. judic. L. 6. §. 1. hoc tit. L. 6. §. 10. comm. div. L. 16. §. 1. fam. mil. excisc.

S. CVI.

Denique eo minus dubitandum, 3) quin possit unusquisque in re sua alteri usufructum constituere, modo libera ei sit administrandi facultas arg. L. ult. Cod. de reb. alien. non alien. 4) Quin id fieri possit & per stipulationem, & per ultimam voluntatem; S. 1. Instit. L. 6. pr. ff. hoc tit. L. 80. ff. de legat. 1. 5) & expressa conventionione, & tacita, qualis est X. annorum inter praesentes, XX. inter absentes patientia: L. ult. fin. C. de long. temp. praescri. 6) & pure, & in diem, & sub conditione. L. 5. Cod. hoc tit. L. 16. §. 2. ff. fam. excisc.

Vel fatis
prioris do-
minii.

S. CVII.

Quumque usufructus sit jus in re, (S. CIII. 1.) consequens est, (Inst. S. CXXXIX. **) 7) ut ex stipulatione tantum jus personale nascatur, adeoque eam sequi debeat, quasi traditio, in usu usufructuarii, & proprietarii patientia consistens, L. ultim. ff. de serv. L. 1. ff. de serv. praed. rust. L. 11. §. 1. ff. de Public. in rem act. 8) Ut ea traditione opus non sit in usufructu, a lege, vel per adjudicationem; vel per ultimam voluntatem constituto: (Inst. ibid.) L. ultim. ff. de serv. leg. S. ult. Inst. de offic. jud.

Subsequen-
te quasi
traditio-
ne.

S. CVIII.

Quum porro usufructuarius omnes fructus, & ad necessitatem, & utilitatem voluptatemque pertinentes, percipiat; (S. CIII. 2.) sequitur, 1) ut omnes fructus ordinarie ex re provenientes, suos faciat: L. 7. princ. L. 9. pr. L. 29. L. 41. L. 59. §. 5. hoc tit. non autem

Quos fru-
ctus perci-
piat usu-
fructua-
rius?

rem thesauros, partumve ancillarum, fortus secundos, qui in fructu esse negantur. L. 8. L. 68. ff. hoc tit. §. 37. Inst. de rer. div. L. 28. §. 1. ff. de usur. & fruct. L. 7. §. 12. ff. solut. matrim. 3) Ut ea omnia licita sint usufructuario, sine quibus fructus percipere non posset: L. 1. §. 1. ff. usufr. per. L. 44. §. 9. ff. de legat. 1. L. 73. hoc tit.

§. CIX.

Ius proprietarii & usufructuarii in re fructuaria.

Ex eodem colligas, 4) proprietarium fundo fructuario imponere non posse servitutem. L. 15. §. ultim. L. 16. hoc tit. 5) Usufructuarium fructus posse vendere, locare, precario concedere, modo, si naturales sint, ipsi per se vel alium eos perceperit, §. 36. Inst. de rer. div. L. 12. §. 5. L. 27. L. 48. §. 1. hoc tit. vel civilium, ex prædio urbano percipiendorum, dies jam cesserit. L. 26. ff. hoc tit. 6) Eundem tamen ipsum usufructum alii, quam proprietario, cedendo, nihil agere. §. 3. Inst. hoc tit.

§. CX.

Quis onera ferat?

Nec male ex eodem principio intulere veteres, 7) usufructuarium merito & onera ferre, adeoque & tributa, vectigalia, stipendia, rei fructuariæ imposita, solvere debere. L. 7. §. 2. L. 27. §. 3. L. 64. seq. ff. hoc tit. L. 28. ff. de usufruct. leg. L. 2. Cod. de annon. & tribut.

§. CXI.

Quomodo utendum fructuum?

Denique, quia utendum fructuum est salva rei substantia; (§. CIII. 3.) sequitur, 1) ut verus usufructus locum non habeat in re fungibili, quam utendo assumimus. 2) Ut metallis & lapidicinis tum demum uti frui possimus, si renascatur. L. 7. §. 13. ff. solut. matr. 3) Ut usufructuarius rem merito reficiat, vel, si ob impenfarum magnitudinem nolit, eam derelinquere possit, modo eam non.

non sua culpa reddiderit deteriore . L. 7. S. 2. 3. L. 64. L. 95. ff. L. 7. Cod. hoc tit. 4) Ut recte colere , & quasi paterf. uti , adeoque in locum demortuorum capitum ex fœtu submittere & in locum mortuarum vitium arborumve alias substituere debeat , S. 38. Inst. de rer. divis. L. 9. S. 2. L. 65. 68. S. ult. L. 69. seq. hoc tit. 5) ut tamen ei fas non sit , rem in aliam melioremve formam transmutare . L. 13. S. pen. ff. hoc tit. junct. L. 44. L. 73. ff. hoc tit.

T I T. II.

De usufructu accrescendo .

S. CXII.

U S usufructus & per modum legati relinqui solet . (S. CVI. 4.) In legatis locus est ^{Quid jus accrescendi?} *Juri accrescendi* , quod est jus , quo , deficiente uno ex collegatariis , ejus portio accrescit portioni reliquorum , quocunque modo conjunctorum . (Inst. S. DCXXIV.) Idem jus & in usufructu obtinet , nisi quod hic usufructus personæ , non portio portioni accrescit . L. 33. fin. ff. de usufr.

S. CXIII.

Ex quo sequitur , 1) ut usufructus accrescat , quamvis collegatarius jam usufructus sit ^{Quomodo usufructus accrescat ?} L. 1. S. 3. hoc tit. secus ac in aliis legatis . L. unic. S. 4. de caduc. toll. 2) Ut usufructus accrescat collegatario , qui ipse partem suam amisit , nec deficiens portio hoc casu ad propriarium redeat . L. 10. hoc tit. L. 33. S. 1. de usufr. L. 3. S. ultim. hoc tit. secus denuo ac in aliis legatis .

T I T. III.

Quando dies ususfructus legari cedat?

§. CXIV.

Quando dies legatorum cedat? **D**ies legatorum cedere dicitur, ex quo deberi cœperunt. *L. 213. ff. de verb. sign.* Debentur autem hodie * legata, pure vel in certum diem relicta, statim a morte testatoris: sub conditione, vel in diem incertum relicta conditione vel die existente, *L. 5. §. 1. 2. L. 21. L. 22. quando dies legat. vel fid. eodem.*

* Ita & jure vetere, quod jus reduxit Justinianus, ne heredes legatariorum, ante apertas tabulas aditamve hereditatem exstinctorum, legatis privarentur. *L. unic. §. 5. Coda de caduc. toll.* Ante Justinianum ex lege Julia & Papia legatorum plerumque dies cedebat a momento apertarum tabularum. Fufius rem exposuimus in *Comment. ad leg. Jul. & Pap. III. 2.*

§. CXV.

Quando dies ususfructus legari?

Enimvero & hic a reliquis legatis discendit ususfructus, quia 1) pure relicti dies cedit ab adita hereditate, * *L. unic. §. 2. hoc tit. 2)* in diem vel sub conditione relicti, die vel conditione existente. *L. unico §. 3. hoc tit. L. 3. quando dies leg. ced. 3.* in singulos annos vel menses relicti non semel, sed a cujuscvis anni vel mensis initio; quasi plura essent legata. *L. unic. princ. & §. 1. hoc tit.*

* Ratio enim cur Justinianus diem legatorum a

mor-

morte testatoris cedere iussit, erat favor heredum legatarii (§. CXIV. *) Hic vero cessat in usufructu, qui ad heredes transmittitur. *L. unic. §. 6. de cad. toll.*

T I T. IV.

*Quibus modis usufructus vel usus
amittitur?*

§. CXVI.

EX iisdem, quæ hactenus stabilivimus, principiis facile ostendi poterit, quibus modis ususfructus amittatur. Quia enim est servitus personalis; (§. CI.) consequens est, 1) ut finiatur 1) *Morte usufructuarii*, §. 3. *Inst. de usufr.* adeoque 2) non transeat ad heredes, nisi his diserte fuerit relictus, quo casu ille tantum ad primos heredes transit. *L. 5. princ. L. 14. Cod. hoc tit. 3)* Ut filio relictus usufr. quia per hunc patri acquiritur, (*P. I. §. CXLVI. 2.*) mortuo filio, non extinguatur, sed patri salvus sit. *L. ult. C. de usufr. 4)* Ut, quia longissima hominis ætas est centum annorum, (*P. I. §. CXXX.*) ususfructus, civitati vel universitati relictus, circumacto eo ævo exspiret. *L. 56. ff. de usufruct. L. 8. ff. de usufr. leg. 5)* Ut, finito usufructu, ad heredes nihil transeat, præter fructus naturales perceptos, *L. 13. ff. hoc tit. & pensiones, ex prædio non frugifero, quarum dies cessit, (§. CIX. 5.) ex frugifero, quæ debentur ex fructibus, jam a colono ante mortem fructuarii perceptis. L. 26. & L. 58. ff. de usufr.*

Finietur usufructus morte usufructuarii.

§. CXVII.

Deinde quum hæc servitus sit personalis, per

Capitis diminutione.

per capitis deminutionem autem maximam & mediam aliquis civilem mortem obire censeatur ; (P. I. §. DVI.) consequens est , 6) ut finiatur II. *Maxima & Media Capitis Deminutione* . * §. 3. *Inst. de usufr. L. 1. L. 2. §. 1. L. 3. hoc tit.* adeoque 7) & civitas aratrum passa uti frui destinat . L. 21. *hoc t. Petr. Fab. Semestr. I. 8.*

* Olim etiam *Minima* , ob imaginariam causam servilem . (P. I. §. CLXXXIII. . CLXXXIX. DVIII.) Paull. *Rec. Sent. III. 6.* quod mutatum ab imperatore L. pen. §. 2. C. de usufruct.

§. CXVIII.

Rei interitu. Quia porro usufructus est jus in re aliena ; (§. CII.) sequitur sane , 1) ut extinguatur III. *Re ita Intereunte* , ut non eadem maneat . L. 23. ff. §. 3. *Inst. de usufr. L. 30. L. 5. §. 2. seq. hoc tit.* non autem 2) si ita sensim res reficiatur per partes , ut tota nova fiat . L. 10. §. 1. *hoc tit.* nec 3) si ab inundato fundo aqua recesserit . L. 23. *hoc tit.* nec 4) si ager ab hoste occupatus , vel servus captus fuerit liberatus . L. 26. ff. *hoc tit.*

§. CXIX.

Consolidatione. Ex eodem principio patet , 4) usumfructum finire IV. *Consolidatione* , sive cessione (§. CIX. 6.) sive ex quacunque alia causa proprietatem cum usufructu conjungatur . §. 3. *Inst. de usufr. L. 17. L. 27. hoc tit.*

§. CXX.

Non usu. Præterea quum usufructus in jure consistat ; (P. I. §. CXCI.) jura autem non usu X. annorum inter præsentem , XX. inter absentes , amittantur ; consequens est , 1) ut & usufructus V. *Non usu* extinguatur . L. pen. §. 1. *Cod. de usufr. L. 13. C. de serv.* adeoque & 2) qui parte non utitur , pro parte.

Quibus modis usufr. &c. Pars II. 259
parte illa usumfructum amittat. L. 25. ff.
hoc titul.

π An & male utendo? Negatur, quia proprietarius cautione usufructuaria securus est. L. 13. §. 2. de usufr. L. 1. §. 4. usufr. quemad. cau. Nec obstat §. 3. Inst. de usufr. ubi non uti per modum & tempus est non quasi possidere per justum tempus, ceu ex L. 16. C. de usufr. ad quam respicit Imperator, patet. Modus ergo utendi consistit in quasi possessione & perceptione fructuum.

§. CXXI.

Quum denique per stipulationem & ultimam voluntatem usufructus vel pure, vel sub conditione, vel *in diem*, a priore domino constitui possit; (§. CVI. 6.) finire sane illum oportet VI. *Lapsu Temporis*, si *in diem*; vel *Existente conditione*, si sub conditione sit constitutus. L. 15. ff. *hoc tit.* L. 5. Cod. de usufr. itemque VII. *Soluta jure constituentis temporario*. L. 16. L. 19. *hoc tit.* L. 8. §. 2. de *peric. & comm. rei vend.* L. 54. ff. de r. j.

Lapsu temporis vel existente conditione, itemque soluto jure constituentis.

§. CXXII.

Corollariorum loco addendum, 1) eodem modis communes esse *usufructui* & *usui*, rubr. ff. *h. tit.* 2) Finitum usumfructum cum proprietate consolidari, §. 4. Inst. de usufr. nisi adsit conjunctus collegatarius cui possit accrescere. (§. CXIII.) L. unic. §. 4. C. de *caduc. toll.*

Quid juris finito usufructu?

TIT. V.

De usufructu earum rerum, quæ usu consumuntur, vel mutantur.

§. CXXIII.

Quid quasi usufructus?

Verum usufructum in rebus non fungibilibus consistere, supra vidimus. (§. CXI. 1.) Cic. *Topic. III.* At postquam Senatus censuit, omnium rerum, quas in cuiusque patrimonio esse constaret, usufructum legari posse: *L. 1. hoc tit. Ulp. Fragm. XXIV. 26. seq. Antiq. Rom. II. 6. 7. pag. 480.* etiam in fungibilibus rebus constitui coepit *Quasi usufructus*, qui nihil aliud est, quam *jus abutendi* (§. CII.) *rebus alienis fungibilibus*, (id est, quæ numero, mensura & pondere constant, *L. 2. §. 1. ff. de reb. cred.*) *prestita cautione*, finito hoc quasi usufructu res ejusdem quantitatis & qualitatis, earumve estimationem, proprietario restitutum iri. §. 2. *Inst. hoc tit. L. 7. 8. hoc tit.*

§. CXXIV.

Ejus natura.

Ex qua definitione facile patet, 1) iisdem modis constitui quasi usufructum, ac usufructum. *L. 1. L. 2. ff. hoc tit. 2)* Ei locum esse in rebus omnibus, quæ usu consumuntur, adeoque & in vestimentis. * §. 2. *Inst. hoc tit. 3)* Cautionem de re æque bona, ejusve estimatione, finito usufructu, restituenda abscisse requiri, ipsamque ingredi hujus servitutis substantiam. §. 2. *Inst. de usufr. 4)* Finiri quasi usufructum morte & capitis deminutione, *L. 9. L. 10. ff. hoc tit.* non autem rei interitu, non usu, &c.

* Nec obstat *L. 15. §. 4. ff. de usufruct.* In vestimentis.

Si ususfr. petatur, &c. Pars II. 261

mentis enim & verus usufructus constitui potest, si testator ea in specie ad proprietarium redire iusserit : & quasi usufructus, si legatario præceperit, ut similia vel eorum æstimationem restitueret, eoque nomine caveret proprietario.

§. CXXV.

Ex eo simul liquet, 5) quid intersit inter *quasi usumfructum* & *mutuum*, quippe quod *Ejus differentia a mutuo.* & sine cautione subsistit, & sæpe cum usuraria conventionem conjunctum est, nec ad dies vitæ dari solet, & semper obligat debitorem ad tantundem in eo genere restituendum.

T I T. VI.

Si usufructus petatur, vel ad alium pertinere negatur.

§. CXXVI.

Quia usufructus est servitus, (§. C.) occasione autem servitutum dentur actiones *Confessoria* & *Negatoria*; (§. XCIX.) easdem etiam de usufructu competere, palam est. Illa enim usufructuarius jus suum a quovis turbatore vindicat: hac dominus negat, alii id jus in re sua competere. *L. 5. §. ult. hoc tit.* Sed de his actionibus ex instituto agemus *Lib. VIII. Tit. V.* *Que actiones de usufructu cōpetant?*

TIT. VII.

De operis servorum.

§. CXXVII.

Quid ser-
vitus ope-
rarum?

HActenus de prima servitute personali ; nempe de *usufructu*. Sequitur jam altera servitus, puta, *Operarum*; (§. C.) quæ nihil aliud est, quam *jus utilitatem ex servi alieni operis, eorumque mercede, percipiendi*. Unde quamvis veteres hanc servitutem modo ad *usufructum*, modo ad *usum*, retulisse videantur; *L. 3. L. 4. L. 5. ff. hoc tit.* plus tamen est in *usufructu*, & minus in *usu*, quam in servitute operum, adeoque recte pro singulari ac diversa servitutum personalium specie habetur. *L. 1. §. 9. ff. ad L. Falc. L. 5. §. 3. ff. de usufruct. quemad. cav.*

§. CXXVIII.

Idus natu-
ra.

Ceterum ex hac definitione consequitur 1) ut cui hoc jus competit, is omne commodum ex operis earumque mercede, non & alia lucra per servum percipiat, e. g. hereditatem 2) Ut & servi operas locare possit. *L. 3. hoc tit.* 3) Ut quum operæ in facto consistant, hujus servitutis dies cedat a die, quo indirecte sunt, non ab adita hereditate. *L. 1. ff. hoc tit. L. 7. ff. de usufr. leg. 4)* Ut ob eandem rationem hæc servitus non extinguatur capitis deminutione. *L. 2. hoc tit. L. 2. ff. usu leg.* sed morte naturali & usucapione. *L. 2. eod.*

T I T. VIII.

De usu & habitatione.

§. CXXIX.

Reliquæ servitutes personales sunt *Usus* & *Habitatio*, de quibus hoc titulo agitur. Et *Usus* quidem est *jus alienis rebus utendi*; (§. CII.) *salva earum substantia*: §. 1. *Inst. hoc tit.* *Habitatio* autem *jus aedes alienas, salva earum substantia, inhabitandi*. §. 5. *Inst. eod.* Ex quibus definitionibus fluunt axiomata: I. *Usus sola necessitate circum-*scribitur. * (§. CII.) II. *Habitatio in solo* facto *habitationis* consistit. Ceterum hæ tres servitutes, hætenus recensitæ, usufructui ferre vicinæ sunt, & iisdem modis acquiruntur. (§. CIV. seq.)

Definitio-
nes & axio-
mata.

* Unde *Usui fructus deesse*, eleganter dicitur in L. 14. §. 1. ff. *hōc tit.*

§. CXXX.

Quum itaque *usus* necessitate tantum circumscribatur; (§. CXXIX. 1.) sequitur, 1) ut, qui *Fundi* usum habet, possit oleribus, pomis, floribus, fœno, stramentis & lignis, ad usum quotidianum uti, non foliis, * oleo, frumento, frugibus, nisi modice, immo ne illis quidem ad compendium. L. 10. §. 4. L. 12. pr. §. 1. ff. §. 1. *Instit. hoc tit.* 2) Ut usufrarius *Ædium* cum uxore, liberis, familia ibi habitare, & vix hospitem recipere, nullam autem partem *ædium* alii locare possit. L. 2. §. 1. L. 3. seq. L. 10. princ. §. 1. 2. 3. ff. §. 2. *Instit. hoc tit.* 3. 3) Ut usufrarius *Pecoris* stercore, ad stercoreandum agrum, itemque modico lactis & lanæ uti possit. §. 3. *Inst. hoc tit.*

Usus fundi, ædium, pecoris.

* Ita Florentiæ legitur, quum in aliis editionibus sit *doliis*. Vid. *Addit. nostr. ad Vin. hoc tit. §. 1.*

§. CXXXI.

Habitatio-
nis effe-
ctus.

Quandoquidem deinde habitatio in solo facto habitationis consistit; (§. CXXXIX. 2) recte infertur a veteribus, 1) eum, cui habitatio legata, non modo omnia cubacula inhabitare, L. 13. C. de usufr. verum etiam 2) ea indistincte aliis utenda concedere, vel locare posse. §. 5. Inst. d. L. 13. C. eod. 3) Habitationem, nec capitis deminutione, nec non usu perimi. L. 10. pr. hoc tit. quum usus contra iisdem modis & acquiratur & amittatur, quibus ususfructus. L. 1. §. 1. ff. pr. Inst. hoc tit.

T I T. IX.

Usufructuarius quemadmodum caveat.

§. CXXXII.

Cautionis
usufructua-
riæ defini-
tio.

Explicatis singulis servitutibus personali- bus, id, quod omnibus commune est, expenditur, nimirum *Cautio Usufructuaria*, quæ est *cautio*, a Prætoribus inventa, qua proprietarius de salva rei fructuaria substantia securus præstatur. L. 1. pr. hoc tit.

§. CXXXIII.

Quomodo
præstanda:

Quum itaque Prætoribus sit hæc cautio; (§. CXXXII.) consequens est, (P. I. §. CCC. 1) 1) ut præstanda sit datis fidejussoribus, L. 13. princ. ff. L. 4. Cod. de usufr. 2) Ut ne a testatore quidem remitti possit. L. 1. Cod. de usufruct.

A quibus
& cui ca-
vendum?

§. CXXXIV.

Quumque ea securus præstetur proprietarius;

Usufr. quemad. caveat. Pars II. 265
 rius; (§. CXXXII.) sequitur, 1) ut caveri
 debeat ab usufructuario unoquoque: L. 1.
 L. 4. C. de usufr. L. 1. §. 2. L. 5. §. 5. & ult.
 ff. hoc tit. 2) & quidem proprietariis, si eo-
 rum plures sint, omnibus. L. 8. ff. hoc tit.
 L. 13. pr. ff. de usufr. 3) Ut non præstitam
 cautionem proprietarius, re jam tradita,
 conditione ex lege petere; L. 7. pr. h. t. L. 5.
 §. 1. ff. de usufr. ear. rer. vel ipsam rem vin-
 dicare, & exceptionem usufructuarii replica-
 tione non præstitæ cautionis elidere possit.
 L. 7. pr. hoc tit. 4) Ut proprietarius hanc
 cautionem recte remittat. L. 46. ff. L. penult.
 Cod. de pact.

§. CXXXV.

Denique quum caveat usufructuarius, sub- De quo cau-
 stantiam rei salvam fore proprietario; (§. vendum?
 CXXXII.) non obscurum sane est, 1) cau-
 tionem hanc duo capita complecti, alterum,
fructuarium usurum fructurum boni viri arbi-
tratu; (§. CXI.) L. 1. §. 6. hoc tit. L. 13. de
usufr. alterum, eundem, quum ususfructus ad
eum pertinere desierit, (§. CXVI. sequent.)
restituturum, quod inde exstabit. L. 3. princ.
 §. 1. ff. hoc tit. 2) Hanc cautionem ab illa,
 quam quasi usufructuarius præstat, esse di-
 versissimam. (§. CXXIV.)

§. CXXXVI.

Cessat tamen hæc cautio, 1) in usufru- Quando
 ctu, patria lege constituto. L. ult. §. 4. L. 6. hæc cautio
 §. 2. Cod. de bon. quæ lib. 2) Si fisco hoc jus cesset?
 concessum. L. 1. §. 18. ff. ut legat. vel fideic.
 caus. 3) Usufructu pure; proprietate in diem
 legata. L. 9. §. 2. hoc tit. 4) Si proprietarius
 huic juri, in sui favorem invecito, vel ex-
 presse vel tacite renunciaverit, cautionemque
 remiserit. L. 46. ff. L. pen. C. de pact. L. 71.
 ff. ad L. Falcid.

LIBER VIII.

TIT. I.

De servitutibus.

§. CXXXVII.

Servitus **S**ervitutes *personales*, de quibus superio-
 rædialis re libro actum, jam excipiunt *Reales*,
 quid? (§. CI.) quas in eo consistere diximus,
 quod prædium *serviat* prædio. §. 3. *Inst. hoc tit.*
L. 1. §. 1. ff. comm. præd. Et ex *nat' & xlv*
servitutes dici solent.

§. CXXXVIII.

Prædia ur- Prædia sunt, vel *urbana*, quo nomine om-
 bana & ru- nia ædificia, & loca, habitationi vel volu-
 stica. ptari destinata, *L. 198. ff. de verb. sign. vel*
rustica, quo omnia loca, fructibus colligen-
 dis destinata, veniunt, sive ædificia sint, si-
 ve fundi. *L. 211. ff. eodem sive ruri, sive in*
urbe posita, siquidem urbana, vel rustica
 prædia non locus facit, sed materia: *dict.*
L. 198. ff. de v. s.

§. CXXXIX.

Servitutes Quum itaque prædia, quibus servitutes
 vel rusti- præstantur, vel *rustica* sint, vel *urbana*;
 corum vel (§. CXXXVIII.) servitutes quoque prædio-
 urb. præ- rum rusticorum dicuntur, quas prædium debet
 ditorum. prædio rustico: *Urbanorum*, quas prædium debet
 prædio urbano. *L. 1. hoc tit. illæ in solo:*
hæ in superficie consistere dicuntur in L. 3.
hoc tit. L. 20. de serv. prædior. urb. L. 13. de
serv. præd. rust.

§. CXL.

Affirmati- Quumque ea porro sit servitutum natura,
 va, & ne- ut dominus prædii servientis aliquid *patri*,
 gativæ. vel

De serv. præd. urb. Pars II. 267
vel non facere teneatur in suo prædio; (S. C. 2) inde est, quod servitutes prædiales dividantur in affirmativas, & negativas, quarum illæ in patiando; hæ in non faciendo consistunt.

T I T. II.

De servitutibus prædiorum urbanorum.

S. CXLI.

Primum genus servitutum realium sunt illæ, quæ prædiis Urbanis præstantur, & partim ob commodiorem ædificationem, partim ob aquam, fumum, sordesque, partim ob lumen & prospectum inventæ sunt.

Varia
servitutes
prædiorum
urbanorum.

S. CXLII.

Ad commodiorem ædificationem comparatæ sunt I. servitus oneris ferendi, quæ est jus ædium nostrarum partem imponendi vicini columnæ vel parieti. S. I. Institut. hoc tit. II. Servitus tigni immittendi, quæ est jus, tignum ex suo ædificio immittendi in parietem vicini, ut ibi requiescat. L. 20. L. 25. hoc tit. L. 242. S. I. ff. de verb. sign. Priorem servitutem vulgo dicunt ἀνόμελον, quia dominus parieti aliquid facere, puta, parietem reficere, teneatur. * L. 33. hoc tit. L. 6. S. 2. si serv. vind.

Servitus
oneris fe-
rendi, &
tigni im-
mittendi.

* Sed in istis tamen legibus non est quæstio; an dominus prædii servientis teneatur reficere columnam, vel parietem; sed an tale pactum iniri possit, ut reficiat? Quidam id negabant, quod servitus consistere nequeat in faciendo. (S. C. 3.) Alii affirmabant, quod eo facto quis non cogatur ad faciendum, siquidem ei salva sit libertas, derelinquendi columnam, vel pa-

rietem. Itaque, si non intercefferat hujusmodi pactum, proculdubio sequendum erat jus commune.

§. CXLIII.

*Proficiendi & prote-
gendi.* Ad eundem finem comparata est III. *servitus proficiendi*, quæ est *jus tignum vel partem ædificii nostri provehendi*, ita, ut solo vel *area alienæ immineat*, nec usquam tamen in illa requiescat. Quo & *maniana* & *suggrundia* pertinent. L. 242. §. 1. de verb. sign. IV. *Servitus protegendi*, quæ est, *jus, protectum habendi supra alienam aream ad arcendas imbrum injurias*. L. 2. hoc tit. d. L. 242. §. 2. ff. de r. s.

§. CXLIV.

Altius tollendi, & non tollendi. Nec minus huc referendæ *servitutes*, V. *Altius tollendi*, & VI. *altius non tollendi*, quarum illa esse dicitur *jus ædes nostras altius tollendi contra statutum*, quod vicino *jus prohibendi indulget*; (Inst. §. CDV.) L. 12. C. de ædif. priv. Hæc *jus prohibendi vicinum*, quo minus ædes suas tollat *altius* §. 1. Instit. L. 2. ff. hoc tit.

§. CXLV.

Stillicidii fluminis, & foraminis. *Aquæ causa inventæ sunt servitutes VII. stillicidii vel recipiendi vel non recipiendi*, & VIII. *fluminis* itidem *vel recipiendi vel non recipiendi*, & IX. *foraminis*. *Stillicidium* dicitur, ubi aqua pluvia stillatim cassitat: *flumen*, quando in canales collecta cum impetu ruit. L. 20. §. 3. 4. ff. hoc tit. * Quod si itaque mihi *jus est aquam pluviam in vicini fundum avertendi*, erit hæc *servitus stillicidii*, vel *fluminis recipiendi*; sin mihi *jus est prohibendi*, ne in suum derivet, sed mihi concedat, habebimus *servitutem fluminis vel stillicidii non recipiendi*, L. 28. L. 2. hoc tit. Add. Pagenst. Admon. ad Pand. hoc tit. §. 97. sequenti.

De servit. præd. urb. Pars II. 269
sequent. Si mihi denique jus est foramen in
imo pariete apertum habendi, pavimenti
proluendi causa, erit *servitus foraminis*,
modo eo quidquam aquæ pluviae perveniat.
* L. 28. ff. hoc tit.

* Alias enim non haberet causam perpetuam,
adeoque nec esset servitus. (*Institut. §.*
CCCXCV.)

§. CXLVI.

Ad fumum & sordes pertinent X. servitus Fumi im-
fumi immittendi: id est, *ius immittendi fu-* mittendi.
mum in superiora aedificia. L. 8. §. 5. *si serv.* & cloacæ.
vind. & XI. servitus cloacæ, vel *ius cogendi*
vicinum, ut sordes nostras in suam aream re-
cipiat. L. 7. ff. de serv. L. 1. §. 4. de cloac.

§. CXLVII.

Denique luminis prospectusque causa reper- Luminum;
tæ sunt servitutes XII. *luminum*, quæ est *ius* & ne lu-
in pariete vicini vel communi fenestras ape- minibus
riendi. L. 4. L. 40. hoc tit. XIII. Servitus ne officiatur
luminibus officiatur, quæ est *ius prohibendi* pro-spe-
vicinum ne quid faciat in suo, quo fenestræ ctus, & ne
nostræ obstruantur. L. 4. L. 15. L. 17. pr. §. 1. ei officia-
L. 23. hoc tit. XIV. Servitus prospectus, quæ tur.
est *ius in prædium vicini prospiciendi*. L. 12.
L. 16. hoc tit. XV. Servitus denique ne pro-
spectus officiatur, quæ est *ius prohibendi* vi-
cinum; ne quid in suo faciat, quo liber qua-
quaversum prospectus nobis intercipiatur. L. 3.
L. 15. hoc tit.

§. CXLVIII.

Nullum est dubium, quin plures esse pos- An non
sint hujus generis servitutes pro diversa ra- plures
tione aedificandi, & habitantium necessitate. dentur?
Exempla habes in L. 17. §. 1. & L. 8. §. 5.
ff. si serv. vind.

T I T. III.

De servitutibus prædiorum rusticorum.

§. CXLXI.

servitutes
præd. rust.
Iter, actus,
via.

S Equuntur servitutes prædiorum rusticorum, quarum præcipuæ sunt. I. Iter. II. Actus. III. Via. Iter est jus eundi ambulandi hominis, non etiam jumentum agendi, vel vehiculum. Actus est jus agendi jumentum, vel vehiculum. Via jus vehundi (ita legendum videtur,) agendi et ambulandi. *
pr. Inst. de serv. L. I. ff. hoc tit.

* Recte hic intelligenda vocabula: Ire est porro & ulterius pergere ad negotia persequenda. Ambulare est animi causa spatii factis in eadem vestigia reflectere. Auf. Pops. de differ. verb. Lib. I. pag. 30. Utrumque vocabulum jungunt veteres, ne quis sola necessitate finiri existimet has servitutes, quia alioquin solius voluptatis causa servitutes constitui non solent. L. 8. pr. ff. de serv. Vehiculum hic intelligendum videtur trusatile, quod manu duci agique, aut propelli solet. V. A. Corn. a Bynkersh. Observ. IV. 7. cui & conjecturam debeo: quod pro eundi legendum sit vehundi.

§. CL.

Cor via Hic earum servitutum finis poscere videbatur, ut singulis hic servitutibus certum spatium attribueretur. Et viam quidem VIII. pedum in porrectum, XVI. in anfractum fuisse, novimus. L. 9. ff. hoc tit. Nec minus de actu constat illum quatuor pedes in porrectum habuisse. Varr. de Ling. Lat. IV. 4.
Iter

Iter procul dubio duorum vel trium pedum fuit, quamvis res fere ad paciscentium arbitrium rediisse videatur. L. 13. §. 2. hoc tit. Et inde facile patet, cur via & actum & iter actus iter duntaxat in se comprehendat. L. 7. hoc tit. L. 13. ff. de serv. Grutt. Inscript. p. CCI. 3.

§. CLI.

Proximæ sunt servitutes IV. aquæductus, Servitutes aquæ ductus, aquæ V. aquæ haustus, & VI. pecoris ad aquam appulsus, haustus, aquæ haustus, pecoris ad aquam appulsus. quorum ista in jure aquam ad prædium nostrum per fundum alienum ducendi; L. 1. pr. h. t. illa in jure aquam ex alieno puteo, vel fonte perenni, (Inst. §. CCCXCV.) ad prædii nostri utilitatem hauriendi; * L. 5. §. 1. L. 9. hoc tit. hæc denique in jure pecora prædii nostri ad aquam alterius appellendi consistit L. 5. §. 1. hoc tit.

* Memoramus prædii dominantis, quia si non in usum prædii, sed personæ conceditur aquæ haustus, vel pecoris ad aquam appulsus, non realis hæc servitus est, sed personalis: L. 14. §. 3. de alim. & cib. leg. pro qua tamen in dubio non est præsumptio. L. 20. §. 3. ff. hoc tit.

§. CLII.

Sequitur VII. Jus pascendi pecora prædii nostri in alieno fundo, in perpetuum prædio nostro constitutum. L. 4. ff. de serv. præd. rust. Jus pascendi, & communis pascui. Ex qua definitione consequitur, 1) ut cum servitute hac confundendum non sit jus communis pascui, quod vicini sibi jure mutui precarii concedunt. B. Stryk. Us. ff. hoc tit. §. XV. 2) Ut, si pastura utrique sufficit, servientis prædii pecora simul ibi pasci queant, modo sana sint. 3) Ut, si non sufficiat utrique, æquissimum videatur, utrique certum numerum arbitrio boni viri præstinari, quamvis

fervientis prædii pecora præferenda esse, vulgo, licet perperam, colligant ex L. 13. §. 1. ff. comm. præd. & L. 6. Cod. de servit. Vid. Stryk. *ibidem*.

§. CLIII.

Aliæ servi-
tutes per
lancem sa-
turam.

Plures passim occurrunt aliæ servitutes prædiorum rusticorum, veluti jus calcis coquendæ, arenæ fodiendæ, cretæ eximendæ. L. 1. §. 1. hoc tit. jura item pedamenta sumendi, fructus cogendi, coactosque habendi in alterius villa, L. 3. §. 5. hoc tit. iugurium in alieno positum habendi, L. 6. §. 1. hoc tit. terram, rudus, saxa jaciendi, posita habendi, provolvendi in alieno, L. 3. §. 2. hoc tit. navigandi in alieno lacu vel stagno, L. 3. §. 1. hoc tit. uvæ in alieno torculari exprimendi, L. 14. fin. ff. de alim. & cib. leg. aves capiendi in alieno, L. 16. ff. hoc tit. sterquilinum, ad alienum parietem positum, habendi, L. 17. §. 2. ff. si serv. vind. Ut autem omnes hæ servitutes facile ex ipsis definitionibus intelliguntur; ita nullum est dubium, quin pro diversâ rei rusticæ ratione innumeræ aliæ constitui possint.

T I T. IV.

Communia prædiorum urbanorum & rusticorum.

§. CLIV.

Cur de
communi-
bus præ-
diorum hic
agatur?

Inter rusticorum urbanorumque prædiorum servitutes non una olim erat differentia. Quum enim illæ essent *res Mancipi*; hæ *nec Mancipi*; (Inst. §. CCCXXX. *) Ulp. Fragm. XIX. illæ in solo; hæ in superficie consisterent; (§. CXXXIX.) fieri non potuit, quin & effectis discreparent, quamvis hodie, sub-
blato

blato inter *res mancipi* & *nec mancipi* discrimine, plerasque differentias ignoremus. Hic tantum *communia* utriusque generis servitutum considerantur. Communes autem sunt I. *modi constituendi* servitutes; communia II. *servitutum attributa*: communes III. *actiones*; communes denique IV. *modi servitutes amittendi*.

§. CLV.

Primum ad *modos constituendi* servitutes quod attinet; de iis observandæ regulæ: I. Servitutes ex necessitate constituit iudex; ex arbitrio dominus prædii. II. Servitutes sunt in bonis.

§. CLVI.

Quum itaque servitutes ex necessitate a iudice, ex arbitrio a domino prædii, constituantur; (§. CLV. 1) consequens est, 1) ut, si quis aditum ad agrum non habeat, iudex possit jus itineris, actus, viæ constituere, damnato altero, ut pretium persolvat. L. 44. §. ult. ff. de leg. 1. 2) Ut solus dominus in re sua alteri servitutem possit concedere, L. 6. pr. L. 8. hoc tit. 3) Ut nec usufructuarius, nec proprietarius, consentiente licet illo, in fundo fructuario servitutem constituere queat. L. 15. §. ultim. de usufr. nec 4) in fundo communi alteruter sociorum, alterius ingratiis. L. 5. ff. hoc tit.

§. CLVII.

Quumque servitutes sint in bonis; (§. CLV. 2.) sequitur, 1) ut eas acquirere possint domini prædiorum qualescunque, L. 6. L. 8. hoc tit. L. 11. §. 1. ff. quemadm. serv. amitt. tum per se, tum per alios, veluti procuratores, servos, &c. L. 20. §. ultim. ff. de acq. rer. dom. 2) Ut usufructuarii servitutem semel positam retinere, non autem acquirere fundo possint, dissentiente licet, ut videtur,

Juliano. L. 15. §. 7. ff. de usufr. 3.) Ut nec vicinus vicino, nec socius locio, servitutem acquirat. L. 5. hoc tit. L. 19. de serv. præd. rust.

§. CLVIII.

Quibus
modis con-
stituantur,
& acqui-
rantur ser-
vitutes?

Ex eodem sequitur 1) ut servitus & ultima voluntate constituitur, L. 16. hoc tit. & 2) passionibus & stipulationibus, subsequente tamen in affirmativis quasi traditione. §. CVII. 7. Inst. §. CCCXXXIII. **) 3) Ut præscriptione longi temporis, id est X. annorum inter præsentēs, & XX. inter absentes, servitutes acquirantur: * L. ult. C. de præscr. long. temp. eaque in præscriptione, quasi possessio nec violenta, nec clandestina, nec precaria, sit loco tituli. L. 10. princ. ff. de serv. vind. L. 2. Cod. de serv. L. ultim. Cod. de præscr. long. temp.

* Usucapi servitutes non poterant post legem Scriboniam, L. 4. §. ultim. ff. de usurp. & usuc. quia tanquam res incorporales non possidentur. L. 32. pr. de serv. pr. urb. At quoniam tamen quasi possidentur, Prætor eos defendebat, qui longo tempore servitutem quasi possederant. L. 10. ff. si serv. vind. Denique constitutione sua & iurum præscriptionem firmavit Justinianus, L. ult. C. de præscr. long. temp. Antiq. Rom. II. 6. 6.

§. CLIX.

An in diem
& sub con-
ditione?

Denique inde colligitur, 4) servitutes etiam in diem & sub conditione constitui posse, pactumve huiusmodi parere exceptionem pacti vel doli mali. (P. I. §. CCCVI.) L. 4. pr. ff. de serv. 5) Posse & modum imponi servitutibus, & usum earum certis temporibus & intervallis secerni. L. 4. §. 1. & ult. L. 5. §. 1. ff. cod.

§. CLX.

§. CLX.

Communia deinde esse diximus servitutum Communia servitutum attributa.
utriusque generis attributa, (§. CLIV.) ve-
luti 1) quod in omnibus servitutibus vicini-
tas, non contiguitas tamen semper prædio-
rum requiratur. L. 1. L. 38. L. 25. ff. de serv.
præd. urb. L. 5. §. 1. L. 7. §. ult. L. ultim. de
serv. præd. rust. L. 7. §. 1. hoc tit. 2) Quod
omnium causa debeat esse perpetua, (§.
CXLVI. *) L. 28. ff. de serv. præd. urb.
L. unic. §. 4. ff. de font. 3) Quod omnes sint
individuae. L. 2. §. 2. L. 27. pr. ff. de verb.
obligat. L. 6. §. 1. L. ult. hoc tit.

T I T. V.

*Si serv. vindicetur, vel ad alium pertinere
negetur.*

§. CLXI.

Communes quoque servitutibus omnibus Actione
occasione
servitutis
nata.
esse diximus tertio actiones. (§. CLIV.)
Omnium enim servitutum, tam realium,
quam personalium, occasione (§. XCIX. §.
CXXVI.) nascuntur actiones confessoria &
negatoria. L. 2. pr. ff. hoc tit. quarum altera
ex servitute, altera ex libertate naturali ori-
tur. (§. XCIX. *)

§. CLXII.

Ex quo fluunt axiomata: I.) Actio con-
fessoria nascitur ex jure in re aliena. II.)
Negatoria nititur libertate naturali. III.) Li-
bertas naturalis præsumitur; jus in re aliena
probandum est.

§. CLXIII.

Quum itaque confessoria ponat jus in re
aliena; (§. CLXII. 1) consequens est, 1) Confesso-
ria cui co-
petat
ut directe ea experiri possit dominus prædii

dominantis, L. 2. §. 1. L. 6. §. 3. *hoc tit.* ut-
liter etiam emphyteuta & superficiarius,
L. 16. ff. de serv. L. 9. ff. de nov. op. nunc-
immo & creditor, cui fundus pignori da-
tus, & fructuarius, (§. CLVII. 2) L. un.
§. 4. ff. re remiss.

§. CLXIV.

Contra quem? Ex eodem sequitur, 2) ut sit actio in
rem, §. 2. *Institut. de action.* L. 6. §. 3. ff.
hoc tit. adeoque 3) non modo adversus
prædii servientis dominum detur, L. 6. §. 3.
hoc tit. verum etiam 4) adversus quosvis
prædii illius possessores, servitutis usu al-
terum prohibentes. L. 10. §. 1. *hoc tit.* im-
mo & 3) contra liti se offerentes, (§.
LXVI. 2. §. LXXXVIII. 2) L. ultim. ff. *se
usufruct. per.*

§. CLXV.

Descriptio hujus actionis. Ex quo facile patet, actionem *confessoriam*
esse actionem in rem, quæ datur cuivis, jus
in prædio dominante habenti, (§. CLXIII.)
adversus quemcunque prædii servientis pos-
sessorem, turbantem, litive se offerentem,
(§. CLXV.) in id, ut actori servitutem
competere declararetur, reus, quanti actoris
interest, condemnnetur, simulque cautionem
de in posterum non turbando præstare, vel
tantum, quantum in liem actor juraverit,
solvere jubeatur. L. 7. *hoc tit.*

§. CLXVI.

Negatoria cui, & con- tra quem detur? Quum porro *negatoria* actio libertate na-
turali nitatur; (§. CLXII. 2.) consequens
est, 1) ut competat domino prædii liberi,
in quo servitutem alius injuria sibi vindic-
cat. * L. 2. pr. ff. L. 4. §. 7. *hoc tit.* L. 5. pr.
se usufr. per. 2) Ut institui possit adversus
quemcunque, sibi servitutem adferere conan-
tem in fundo libero. L. 2. princ. L. 8. §. 5.
L. 17. *hoc tit.*

* Quid

* Quid si actor sit in quasi possessione libertatis? Nihilominus recte agit *L. 5. §. ult. si usuf. pet.* Vides itaque casum illum unicum, quod is, qui possidet, in rem agit. *§. 2. Inst. de act. Theophil. in Paraphr. ibid. & Fabrott. ad Theoph. pag. 624. (Inst. §. MCXXIX. *)*

§. CLXVII.

Denique ex tertio axioma (*§. CLXII.*) *Quis hic probare teneatur?* 3) inferendum, 1) onus probandi hic in reum, sibi servitutem afferentem, devolvi, *L. 23. C. de probat. L. ult. C. de rei vind. præterquam si reus sit in quasi possessione servitutis. * arg. L. 8. §. 3. hoc tit. L. 7. §. ultim. de lib. caus. L. 15. fin. C. de nov. op. nunc. L. 8. L. 74. ff. de prob.*

* Contrariam tamen sententiam, ex Glossa natam, passim in foro triumphare, jam alibi observavimus. (*Inst. §. MCXXXVII.*) Ad Stryk. *de invest. act. li. 2. 4.*

§. CLXVIII.

Quæ quum ita sint, actio *negatoria* est actio in rem, *L. 4. §. 7. hoc tit. §. 2. Inst. de act. competens domino prædii liberi, adversus quemcunque, sibi servitutem in eo afferentem, (§. CLXVI.) in id, ut prædium liberum declaratur, reusque condemnatur in id, quod actoris interest, cautionemque de in posterum non turbando præstare jubeatur. L. 2. princ. L. 7. L. 12. hoc tit.* *Negatoria actionis descriptio.*

T I T. VI.

Quemadmodum servitutes amittuntur.

S. CLXIX.

Funda-
mentum
moderum
amittendi
servitutes.

Communes denique sunt quarto modi ser-
vitutes amittendi; (S. CLIV.) qui om-
nes ex idea & natura *jurium in re aliena*
fluunt.

S. CLXX.

Non usus
& rei in-
teritus.

Quum enim servitutes sint jura in re;
(S. CLXIX.) sequitur sane, 1) ut I. *præ-*
scriptione longi temporis expirent, & rustico-
rum quidem prædiorum servitutes solo non
usu, L. 18. S. 1. *hoc tit.* L. 13. C. de serv. urba-
norum autem usucapta simul a servientis do-
mino libertate. L. 6. L. ff. de serv. præd. urb.
L. 18. S. 2. *hoc tit.* 2) Ut & II.) alterutrius
prædii *interitum* finiantur, L. 14. *hoc tit.* ita
tamen, ut restituto mox prædio reviviscant.
L. 13. pr. de serv. præd. rust. L. 20. S. 2. ff. de
serv. præd. urb.

S. CLXXI.

Remissio
& confu-
sio.

Quumque servitus sit jus in re aliena;
(S. CLXIX.) sequitur, 1) ut & III. *remis-*
sione expiret, sive expresse juri suo renuntiet
dominus prædii dominantis, sive tacite quid
fieri permittat, quod usum servitutis impe-
diat, L. 8. *princ. hoc tit.* 2) Ut finiatur IV.
confusione. Prædio enim utroque in unius re-
ducto dominium, res propria nemini serviri
potest: L. 1. *hoc tit.* L. 30. de serv. præd. urb.
secus ac, si pro parte prædia confunduntur.
L. 8. S. 1. de serv. servit. L. 33. S. 1. L. 34.
de servit. præd. rust.

S. CLXXII.

Solutum.

Ex eadem idea elicias; 3) servitutes etiam
EX-

extingui V. *soluta jure temporario* constit-
tuentis, & VI. *finito tempore*, vel existente
condizione, si in diem, vel sub certa condi-
tione resolutiva concessa sint. Quamvis hoc
casu, non ipso jure, sed exceptione doli
mali vel pacti, finire servitutem, jam su-
pra monuerimus, (S. CLIX. 4.) L. I. §. I.
ff. hoc tit.

jus consti-
tuentis &
lapis tē-
poris.

L I B E R IX.

T I T. I.

Si quadrupes pauperiem fecisse dicatur.

S. CLXXIII.

HActenus judicia quædam in rem expen-
dit Tribonianus; (S. XLIV.) sequun-
tur jam quædam actiones in personam, &
speciatim quidem hoc libro illæ, quæ ad
materiam de *damno dato* pertinent. *Damnum*
autem vel a *libero homine* infertur, vel a ser-
vo, vel a *quadrupede*. Primum Jcti vocant
damnum injuria datum, alterum *noxam*, pos-
tremum *pauperiem*, quamvis & ex hac orta
actio, ob agendi modum, *noxalis* soleat ap-
pellari.

Damnum
quadrupede
dis.

S. CLXXIV.

Quadrupes Jctis est *animal*, quod dorso &
collo domatur. Ulp. *Fragm. XIX. 1.* Hujus-
modi jumenta ex generis sui natura sævire
haud solent. Si tamen a nemine instigata
contra naturam generis alicui noceant, non
quidem deliquisse dicuntur, quippe sensus
expertia, L. I. §. 3. *hoc tit.* sed tamen fecis-
se *pauperiem*. Quare *pauperies* est *damnum si-*
ne.

Quid qua-
drupes ?
Quid pau-
peries ?

ne injuria facientis datum. L. 1. §. 3. hoc tit. Fest. voce pauperies.

§. CLXXV.

De hujus
actionis
natura a-
xiomata.

De ea quum lege XII. Tabularum cautum esset, ut dominus noxi aestimiam offerret, aut quod noxit, daret; L. 1. §. 1. 2. ff. pr. Inst. hoc tit. L. 6. §. 1. ff. de re jud. sua sponte inde fluunt axiomata: I. Actio de pauperie vindicat damnum, a quadrupede datum, contra naturam generis sui. (§. CLXXIV.) II. Ea actio noxalis est. (§. CLXXIII.)

§. CLXXVI.

Quod da-
mnum hac
actione
vindice-
tur?

Quum itaque hæc actio damnum, a quadrupede contra naturam sui generis datum vindicet; (§. CLXXV. 1.) consequens est 1) ut si bestia natura fera nocuerit, non nisi utilis actio competat, æque ac 2) si animal bipes intulerit damnum. L. 1. §. 10. L. pen. ff. §. 1. Inst. hoc tit. 3) Ut, si is, cui nocitum, quadrupedem irritaverit, actioni non sit locus. L. 53. §. 2. ff. ad L. Aquil. 4) Ut & si alius instigaverit, contra instigantem agendum sit ex lege Aquilia. L. 1. §. 4. hoc tit. 5) Ut, si quadrupes secundum naturam nocuerit, veluti gramina vel fruges depascendo, non de pauperie, sed de pastu agendum sit. Paull. Recept. Sent. I. 15. L. 14. §. ultim. de præscr. verb. * 6) Ut congressis inter se arctibus vel bovis, si is, qui provocaverat, perierit, nulla detur de pauperie actio. L. 1. §. 11. ff. hoc tit.

* Hodie passim, & maxime in Germania, hoc casu conceditur jus pignorandi, & quadrupedem, in agro deprehensam, tamdiu includendi, donec de damno dato fuerit satisfactum, modo pignus istud captum statim offeratur magistratui. Gail. de Pignorationibus. Feltmann. de inclus. animal. Quod tamen jus Romanis

Si quadrup. paup. feciss. dic. Pars II. 281

non placuisse, vel ex L. 39. §. 1. ff. ad L. Aquil. patet.

§. CLXXVII.

Quumque noxalis sit hæc actio: (Paragr. CLXXV. 2.) sequitur, 1) ut noxa sequatur Contra quem agatur? caput, adeoque 2) agi possit cum omnibus, qui tempore institutæ actionis possident, L. 1. §. 12. *hoc tit.* & singulos quidem in solidum. L. 1. §. 14. *hoc tit.* 3) Ut hæc actio sit in rem scripta, §. 5. *Instit. de nox. act.* L. 8. L. 12. L. 11. ff. *eod.* 4) Ut, mortuo ante litis contestationem animali, possessor conveniri nequeat. L. 1. §. 13. *hoc tit.* at 5) si tertius occiderit animal post lit. cont. tunc possessor aut æstimationem præstare, aut actionem L. Aquiliæ adversus occidentem cedere teneatur. L. 1. §. 16. *hoc tit.*

§. CLXXVIII.

Ex eodem sequitur, 6) ut agendum sit ad id, ut possessor quadrupedis aut damnum Ad quid? resarciat, aut animal noxæ dedat, L. 1. *pr.* L. 3. *hoc tit.* Cui id adjecerunt leges ut 7) inficians se dominum quadrupedis esse, re aliter se habente, in solidum condemneretur. L. 1. §. 15. *hoc tit.*

§. CLXXIX.

Ex quibus palam est, esse hanc actionem Actionis hujus descriptio. de pauperie civilem; (§. CLXXV.) personalem, in rem scriptam; (§. CLXXVII. 3) noxalem; (§. CLXXV. 2.) quæ competit omni, cujus interest, ejusve heredi, L. 1. §. ult. *hoc tit.* adversus quemcunque, qui tempore litis contestatæ quadrupedem possidet (§. CLXXVII.) ad resarciendum damnum, contra naturam generis a quadrupede datum, (§. CLXXVII.) vel animal noxæ dedendum, (§. CLXXVIII. 6.) immo contra inficientem in solidum. (§. *eod.* 2.)

§. CLXXX.

Ufus ho-
diernus.

Rariorem hodie esse hanc actionem in foro omnes fere agnoscunt. Jure Saxonico, si liber homo occisus fuerit, possessor ad *vergeldum*, quod vocant, tenetur, nisi bestiam expulerit, alioquin ad poenam arbitrariam. Schilter. Exerc. XIX. 11. *seqq. Jus prov. Saxon. II. 40.* In Frisia, si animal antea ob ferociam famosum fuerit, a domino dimidium ejus praestatur, quod praestandum esset, si damnum ab homine fuisset datum, sin latuerit quadrupedis ferocia, aut damnum faciendum, aut animal noxae dandum. Statut. Fris. II. 3. 4. De aliis locis vid. Groeneveeg. de Leg. abrog. ad princ. Inst. hoc tit. num. 5. Grot. Jur. Bat. III. 13. p. 38. Stryk. Us. ff. hoc titul.

T I T. II.

Ad Legem Aquiliam.

§. CLXXXI.

Lex Aquilia.

Sequitur *Damnum* ab homine libero *Injuria* datum. (§. CLXXXIII.) De eo lata fuerat lex *Aquilia*, qua omnibus anterioribus legibus derogatum est. L. 1. pr. hoc tit. Ea deberi videtur L. Aquilio, P. F. L. N. Gallo, Tribuno plebis, anno U. C. DLXXII. Vid. Steph. Vinn. Pig. *Annal. Rom. Tom. II. pag. 330. Antiq. nostr. Rom. IV. 3. 4. p. 175. sequent.*

§. CLXXXII.

Quid *damnum*? quid *injuria*?

Persequitur hæc lex *Damnum Injuria* datum, vel *Damnum Injuria*. L. 30. pr. ff. ad L. *Falc. Injuria* autem hic vocatur, quod non jure fit. L. 5. §. 1. hoc tit. adeoque omnis dolus & culpa. Per *Damnum* denique *quavis patri-*

patrimonii diminutionem, nullo jure, corporis
cujusdam corruptione per corpus factam, intel-
ligimus. Unde ex delicto esse hanc actionem,
non obscurum est.

§. CLXXXIII.

Ex quibus definitionibus fluunt axiomata, De eo a-
I. Ubicumque vel dolo vel culpa damnum ^{axiomata.}
datum, ibi locum habet actio ex L. Aqui-
lia. §. 3. *Inst. hoc tit.* II. Ea lex requirit,
ut corpore per corporis corruptionem patri-
monii nostri facta sit diminutio. *S. ult. Inst.*
hoc tit.

§. CLXXXIV.

Quum itaque culpam, non minus quam Actio da-
dolum, persequatur lex Aquilia; (Paragr. tur ob do-
CLXXXIII. 1.) consequens est, 1) ut quæ- lum, cul-
cunque sufficiat culpa, etiam levissima, pam, im-
L. 44. *princ. hoc tit.* nec 2) quidquam in- peritiam,
terit, committendo datum sit damnum, an infirmita-
omittendo, modo obligatus quis fuerit ad tem.
diligentiam. L. 8. *princ. hoc tit.* 3) Ut &
imperitia hic imputetur, & 4) infirmitas,
si quis affectaverit, in quo imperitia vel in-
firmitas ejus alteri periculosa sit futura.
L. 8. §. 1. L. 9. §. *penult.* L. 13. §. 5. L. 27.
§. 29. *hoc tit.*

§. CLXXXV.

Nec minus inde inferimus, 5) agi non Non ob-
posse cum eo, in quem non cadit culpa, casum in-
veluti cum furioso, demente, * impubere, culpatum-
infantiae propiore. L. 5. §. 2. *hoc tit.* 6) Nec ve tute-
casum cuiquam imputari, §. 3. *Inst. hoc tit.* lam.
adeoque nec 7) damnum ab eo, qui jure suo
utitur, alteri sine injuria datum. Quo in
primis moderamen inculpatæ tutelæ pertinet,
quo quis aggressorem, vi injusta irruentem,
imminente vitæ, corpori, rebusve periculo,
in continenti, tuendi sui causa, occidit,
§. 2. *Inst. hoc tit.* L. 4. *princ.* L. 5. *pr.* L. 45. §. 4.
hic

hoc tit. L. 3. ff. de just. & jure, L. 1. Cod. unde vi.

* Aliquando tamen hoc casu recte agitur cum cognatis & curatoribus, quibus furiosi custodia credita erat. Quo casu quodnam sit Magistratum officium, eleganter docet L. 13. §. 1. L. 14. ff. de offic. praesid.

§. CLXXXVI.

Actio ex L. Aquilia & corporis corruptione, & per corpus illa directa, in to; (§. CLXXXIII. 2.) facile patet; 1) cur utilis in directa ex L. Aquilia actio locum habeat, si factum. corpore corpori damnum datum; 2) utilis, si non corpore, at corpori tamen damnum illatum 3) in factum * denique, si nec corpore nec corpori nocitum, damnum tamen datum sit. §. ult. Inst. hoc tit.

* Prima ergo actio ex verbis legis; altera ex ejusdem ratione & sententia; postrema ex sola aequitate est. Istam Aquilius; illam Jcti; hanc Praetores invenerunt. L. 11. ff. de praeser. verb.

§. CLXXXVII.

Ex hac lege agitur ob damnum aestimabile. Denique, quia haec actio ad patrimonii deminutionem pertinet; (§. CLXXXIII. 2.) facile est ad intelligendum, 1) non competere actionem ex L. Aquilia, ob damnum inestimabile, quale est, si liber homo occisus. L. 3. ff. si quadr. paup. L. ult. ff. de his, qui effud. * 2) Agi tamen posse ob vulneratum liberum hominem, ad resarciendum damnum ex operis cessantibus, & impendiis in curationem factis, non ob cicatrices & deformitatem: L. ult. ff. de his, qui effud. L. 3. §. quadr. paup. quamvis in actione injuriarum, ubi magis ad contumeliam quam damnum respici-

Ad Legem Aquiliam. Pars II. 285
spicitur, harum etiam ratio habeatur, arg.
§. 9. *Inst. de injur.*

* Datur tamen eo casu criminalis persecutio
ex *L. Cornelia de sicariis*. *L. 1. §. 3. ff. ad*
L. Corn. de sicar.

§. CLXXXVIII.

Quia autem ex delicto est hæc actio, (§. *Æstimatio*
CLXXXII.) non abs re Aquilius existima- *quomodo*
vit ; 1) & ad damnum refarciendum con- *fiat ?*
demnandum, & pœna coercendum esse, qui
deliquerit. §. 9. *Inst. hoc tit.* §. 18. *Inst.*
de act. adeoque 2) non corporis modo æsti-
mationem fieri debere, sed & eorum omnium,
quæ nobis ejus occasione absunt e patrimo-
nio. *L. 21. §. 2. L. 23. §. 3. L. 51. §. 2. ff. §. 9.*
Inst. hoc tit. Exempli habes in *L. 22. §. 1.*
L. 23. princ. seq. §. 10. Inst. hoc tit. 3) Eam
actionem dandam esse cuilibet, cujus interest
ob jus in re corrupta, *L. 11. §. 10. L. 17. hoc*
tit. adeoque 4) & heredibus & successoribus,
L. 23. §. 8. hoc tit. non autem 5) com-
modatariis. *L. 11. §. 9. hoc tit.*

§. CLXXXIX.

Ut autem simul pœnam daret delinquens ; Caput pri-
(§. CLXXXVIII. 1) Aquilius non justam *mum legio*
æstimationem præstari jussit, sed aliquid am- *Aquil.*
plius, eaque de causâ tria proposuerat ca-
pita, quorum Primo cautum, ut, qui ser-
vum, servamve, alienum, alienamve, quadru-
pedemve pecudem, (*Inst. §. MLXXXVI. **)
injuria occidisset, quanti id in eo anno pluri-
mi fuerit, tantum æs dare domino damnas es-
set. *L. 2. pr. hoc tit.*

§. CXC.

Secundum caput jam Justiniani tempore ab
usu recesserat, §. 12. *Inst. L. 27. §. 4. ff. hoc tit.* *Capita se-*
& hodie plane ignoratur. * Tercio denique *cundum &*
cautum fuerat, ut ceterarum rerum præter ho- *tertium.*
minem

minem & pecudem occisos, si quid alteri damnum faxit, quod ufferit, fregerit, ruperit iniuria, quanti ea res fuerit in diebus triginta proximis, tantum aes domino dare damnas esset. L. 27. §. 5. hoc tit.

* Probabile tamen est, quædam in hac lege & de servo corrupto existisse, L. 4. L. 5. §. 2. ff. de serv. corr. & de dejectis & effusis: L. 31. ff. ad L. Aquil. V. A. Corn. van Binkersh. Obs. I. 13. adeoque plura fuisse L. Aquiliæ capita, Ger. Nood. de L. Aquil. cap. I. quæ postea exoleverunt, quum Prætor edicta utiliora proposuisset. Add. Antiq. nostr. Rom. IV. 3. 9. p. 179.

§. CXCI.

Capitum
horum dif-
ferentia.

Quare ita differunt hæc capita, 1) quod primum pertinet ad servos, servas, quadrupedesque pecudes occisos: tertium ad omnia reliqua damna, in his & reliquis rebus facta, veluti si quid vulneratum, ustum, fractum, ruptum, §. 13. Inst. L. 27. §. 6. ff. hoc tit. 2) Quod ex primo æstimatur res, quanti intra annum plurimi fuit; ex tertio quanti intra mensem (P. I. §. CCCXXX.) fuit L. 21. pr. ff. §. 14. Inst. hoc tit.

§. CXCII.

Eorundem
convenien-
tia.

Contra in eo conveniunt, 1) quod utroque casu, si plures damnum dederint, singuli tenentur in solidum, nec, uno solvente, reliqui liberantur. L. 11. §. 2. hoc tit. 2) Quod neutro ex capite agi potest cum heredibus. L. 23. §. 8. hoc tit. 3) Quod lis inficiando crescit, adeoque negans a se damnum datum in duplum condemnatur. §. 26. Inst. de act.

§. CXCIII.

Actionis
ex L. Aquil.
ia descri-
ptio.

Est ergo actio ex L. Aquilia civilis, (§. CLXXXI.) vel, si in Factum agatur, prætoriana, (§. CLXXXI. 3. *) personalis ex delicto, (§. CLXXXII.) rei pænæque perfectio.

quitoria, (§. CLXXXVIII. 1.) competens ei, cujus ex jure in re interest, ejusve heredi & successori, (§. CLXXXVIII. 3. 4.) adversus eum, qui damnum dedit; (§. CLXXXIV. seq.) vel, si plures dederint, adversus singulos in solidum, (§. CXCII. 1.) non tamen adversus heredes, (§. CXCII. 2.) ad id, quanti res intra annum vel mensem plurimi fuit, (§. CXC. 2.) vel, si inficiatus sit reus, in duplum. (§. CXCII. 3.)

§. CXCIV.

Ex qua descriptione facile pater, hodie Ufus hodiernus. quidem actionem comperere ob damnum quaecunque injuria datum; non tamen actionem ex L. Aquilia. Nec enim hodie agitur ad id, quanti res intra annum vel mensem plurimi fuit, nec lis inficiando crescit, sed ad veram æstimationem, vel id, quod interest, simulque ad poenam, statutis legibusque plerumque definitam. Vid. Celeb. Thomasi Dissert. de Larva legis Aquiliæ, actioni de damno dato detracta.

T I T. III.

De his, qui effuderint, vel dejecerint.

§. CXCV.

AD damnum, quoque pertinet, si quid Edictum de effusis, ejectis, suspensis. Effusum, vel Dejectum, Suspensumve fuerit. Quemadmodum itaque probabile est, aliquid ea de re sanxisse L. Aquiliam; (§. CXC. *) ita eam sanctionem exclusisse videtur utilius hoc Edictum, quo pollicitus fuerat Prætor, I. Unde in eum locum, quo vulgo iter fit, vel in quo consistit, dejectum vel effusum quid fuerit, in eum, qui ibi habitat, in duplum damni dari iudicium se daturum.

II. Li-

II. Libero homine occiso, se quinquaginta aureorum; si vivat, eive nocium esse dicatur, quantum ob eam rem æquum iudici visum fuerit, tanti iudicium daturum. Si servus insciente domino fecerit, se noxale iudicium daturum. L. 1. pr. hoc tit. III. Si quis in suggrunda, vel protecto supra locum, qua vulgo iter fit, inve quo consistitur, id positum habeat, cuius casus nocere cui possit, in eum se X. solidorum; aut, si servus posuerit, vel suspenderit, noxale iudicium daturum. L. 5. §. 6. hoc tit.

§. CXCVI.

Judicii de
effusis &
dejectis
fundamen-
tum.

Ex primo & secundo edicto nascitur actio de Effusis & Dejectis, cujus fundamentum est quasi delictum, id est factum illicitum, sola culpa, sine dolo admissum. (Instit. §. MXXXIV. §. MCXII.) Culpa vero habitantis in eo consistit, quod homines parum providos in aedes receperit. §. 1. Instit. de obl. quæ quasi ex del. L. 1. §. 4. hoc tit. Factum vero illicitum videtur, quod effunditur, dejiciturque in eum locum, ubi publice interest, homines sine metu & periculo commeari. L. 1. §. 1. hoc tit.

§. CXCVII.

Quando
detur hæc
actio?

Quum itaque id agat Prætor, ut securitati in publico commeantium vel consistentium consulat; (§. CXCVI.) sequitur, 1) ut perinde sit, siue ex coenaculo, siue ex alia ædium parte, aliquis dejecerit, vel effuderit. §. 1. Inst. eod. 2) Ut nec contra eos deneganda sit actio utilis, quorum ex navi quid dejectum vel effusum est. L. 6. §. ult. hoc tit. 3) Ut nec intersit, in publicum, an in privatum locum, die, an noctu, dejectum effusumve sit, modo commeari & consistere ibi homines soleant. L. 1. §. 2. L. 6. §. 1. hoc t. Item 4) effusumne

De his, qui effud. & dejec. Pars II. 289
fumæ vel dejectum sit, an suspensum quid
ceciderit. *L. 1. §. 3. hoc tit.*

§. CXCVIII.

Quumque ex culpa habitatoris agitur; (§. CXCVI.) consequens est, 5) ut agi debeat non cum domino, sed cum habitatore, sive conduxerit, sive ex alia causa habitet: 6) Ut nec hospes conveniendus sit, sed qui eum recepit, *L. 1. §. 9. L. 5. §. 1. h. t.* 7) Ut, si plures diviso cœnaculo habitent, cum eo agi debeat, cujus ex cœnaculo effusum dejectumve est, *L. 5. princ. hoc tit.* 8) si plures in eodem habitent, contra singulos agi possit in solidum, uno tamen solvente, reliqui liberentur. *L. 1. §. 10. L. 2. L. 3. hoc titul.*

Contra
quem?

§. CXCIX.

Quum vero vel habitatoris familia, eo Ad quid?
sciente, vel servus, incio domino, deji-
ciat, effundatve; eoque vel damnum æsti-
mabile, vel inæstimabile contingat; hinc
Prætor, 1) si damnum hoc, modo datum,
æstimationem admittit, actionem dat in du-
plum. *L. 1. pr. h. t. §. 1. Inst. de obl. que qua-
si ex del.* 2) Si liber homo perit, in *L. au-
reos. L. 1. §. 5. hoc tit.* 3) Si is vivat, & ei
nocitum dicatur, in id, quod æquum videat-
ur judici. *L. 1. §. 6. L. ult. hoc tit.* 4) Si ser-
vus effudit dejecitque, actionem noxalem ut
dominus duplum prætet, aut servum noxæ
dedat. * *L. 2. pr. ff. de nox. act.*

* Pro quadruplici hoc casu diversissima est actio-
nis hujus natura. Primo casu perpetua est, &
heredi, non contra heredem, datur. Secundo
est annalis, & popularis, adeoque cuivis ex
populo, sed nec heredi, nec contra heredem,
competit. Tertio iterum perpetua est. *L. 5.*

§. 5. *hoc tit.* Quarto denique noxalis, & in rem scripta. (§. CLXXVII. 1. 2. 3.)

§. CC.

Actio in
factum de
posito vel
suspensio.

Tertia edicti pars de *suspensio* vel *posito* est. Illud enim aut jam *cecidit*, aut *casum* minatur. Si *cecidit*, actio utilis de effusis & dejectis datur: (§. CXCVII. 4.) Sin casum minatur, actio in *factum* popularis competit cuivis ex populo. L. 5. §. *ult. hoc tit.* adversus habitatorem, qui positum suspensionumve habuit, vel poni suspenditive passus est, supra locum, ubi iter sit, aut constituitur, L. 5. §. 9. 10. *hoc tit.* in decem solidos, vel ad servum, qui posuit suspenditive noxæ dandum. L. 2. *pr. ff. de noxal. act.*

§. CCI.

An & contra effundentes, deficientes, suspendentes agipossit?

Corollarii loco observandum, 1) utramque actionem institui posse etiam contra ipsum effundentem, deficientem, ponentem, si de eo constet. L. 5. §. 12. *hoc tit.* 2) Habitatore, si solverit, merito regressum habere adversus deficientem, effundentem, ponentem, vel ex locato, vel in factum, L. 5. §. 4. *hoc tit.*

T I T. IV.

De noxalibus actionibus.

§. CCII.

Noxalium
actionum
natura &
fundamen-
tum.

Reliquæ sunt actiones *noxales*, (Paragr. CLXXIII.) quæ ob damnum ex delictis servorum * (non quidem publicis, ex quibus ipsi servi plectuntur, L. 4. *C. h. t. L. 2. C. de accusat.* sed privatis. L. 200. *ff. de verb. sign.*) ortum dantur. Quum enim servi nihil haberent proprii, dominos autem ex delicto

licto fervorum obligari iniquum esset, lex
jufferat dominum vel damni æstimationem
præstare, vel servum noxæ dare. *L. 2. pr. ff.*
S. 2. Inst. hoc tit.

* Eadem olim ratio erat filiorum filiarumve fa-
milias si damnum delinquendo dedissent. Sed
id a Justiniano sublatum esse, supra monuimus.
(*P. I. §. CXLVI. 4. CXLVII. 4.*)

S. CCIII.

Ex quo patet, I.) noxam & hic caput se- *De iis 2.*
qui. *S. 5. Inst. hoc tit. II.)* Actiones has esse *xiomata.*
adjectitiæ qualitatis, totidemque ejus species
numerari, quot sunt delicta privata, vel
quasi delicta.

S. CCIV.

Quum itaque noxa caput sequatur; (*S. CCIII. 1.*) satis intelligitur, 1) dari has *Contra*
actiones adversus quemcumque servi delin- *quos noxa-*
quentis possessorem *S. 5. Inst. hoc tit. 2)* *liter aga-*
Mortuo ante litis contestationem, servo, actio- *tur?*
nem noxalem exspirare. (*P. I. §. CCCVII.*
4.) 3) Manumissum autem servum post de-
lictum & ante litis contestationem, ipsum
esse conveniendum. (*P. I. §. CCCVII. 3)*
L. 4. C. an serv. pro suo facto L. 18. ff. de con-
dition. furt.

S. CCV.

Quumque actiones noxales sint adjectitiæ
qualitatis; (*S. CCIII. 2.*) consequens est 1) *Ex quibus*
ut noxaliter agatur ex quatuor delictis pri- *delictis*
vatis, omnibusque quasi delictis, 2) ut ex
actiones modo civiles sint, veluti actio noxa-
lis furti nec manifesti, modo prætorie, ut vi
bonorum raptorum *S. 4. Inst. hoc tit. 3)* ut aliæ
perpetuæ sint, ut noxalis ex *L. Aquilia*, aliæ
annales, ut injuriarum &c.

S. CCVI.

Dantur itaque actiones noxales iis, qui ex *Actionum*
N 2 *noxalium*
fin- *descriptio.*

singulis delictis privatis, vel quasi delictis agere possunt, (§. CCV.) adversus quemcunque servi possessorem, (§. CCIV.) eumve, qui dolo possidere desit, L. 21. pr. hoc tit. ad præstandam damni æstimationem, vel servum noxæ dedendum. * (§. CCII.) L. 1. pr. ff. pr. Instit. hoc tit.

* Si quis negabat, servum se in potestate sua habere, nec jurabat tamen, se neque possidere, nec dolo possidere desisse; adversus illum absolute & sine noxæ datione agebatur. L. 21. §. 2. h. t. Quod & tunc obtinebat, si servus, sciente, vel non prohibente domino, damnum delicto dedisset. L. 2. pr. §. 1. L. 3. L. 4. ff. L. 2. L. 4. C. hoc tit.

§. CCVII.

U^{tilis ho-}
diernus. Ceterum & harum actionum nec usum hodie ullum esse in foris nostris, nec esse posse facile, intelligitur, & alibi & ostensum perspicue. (Inst. §. MCCLXXXIV.) Sane servos, qui dominis omnia acquirant, non habemus. Et homines proprii, qui in vicina supersunt, ipsi ex suis maleficiis conveniuntur, & vel damni æstimationem præstant, vel corio solvunt.

L I B E R X.

T I T. I.

Finium regundorum.

§. CCVIII.

Ratio ordinis.

SEquuntur tria judicia, quæ mixtam quodammodo causam continent, (§. LXIII.)*
puta

puta *finium regundorum*, *Familie ereiscundæ*, & *communi dividundo*, quorum simul ea natura est, ut sint *duplicia*, & uterque litigantium petitoris partibus fungi possit. (§. IX.) L. 10. ff. *hoc tit.*

§. CCIX.

Nimirum, quum sæpe contingere soleat, ut fines agrorum confundantur, ex lege XII. tabularum quinque pedum semita, seu spatium inter fundos vacuum erat relinquendum, partim ne fines dissiparentur, Pauli. *Recept. Sent. I. 16.* partim ut locus esset circumactui aratri. Aggen. Urb. ad *Frontin. p. 68.* quod spatium postea & Lex Manilia firmavit. Sicul. Flacc. *de condit. agr. p. 9.* Si ergo de confuso hoc spatium, quod veteres *πεδόπια* vel *limitare iter* vocabant, lis incideret; ad fines regundos tres arbitri dabantur ex Lege XII. tabularum, Jac. Gothofr. *de XII. Tab. p. 132.* sin spatium illud excederet controversia, de proprietate quærebatur. *Frontin. de limit.*

Hoc iudicium quidam locum habeat ex XII. tabulis?

§. CCX.

Idem discrimen nec Prætor sustulerat. Quamvis enim se iudicium daturum edixisset, ut fines vel ex æquo regantur, vel lis per adjudicationem finiatur; L. 2. §. 1. L. 3. seq. ff. *hoc tit.* tamen, & hoc edictum non nisi ad istud *limitare iter* pertinuisse, intelligimus ex L. 3. L. 4. L. 5. *Cod. Theod. hoc tit.* ubi egregia sunt, quæ adnotavit V. C. Jac. Gothofredus.

Quando ex edicto prætoris?

§. CCXI.

Sed sublatum hoc discrimen per L. 5. C. *hoc tit.* adeo, ut leges istæ, in Codice Theodosiano superstites, ne locum quidem in Justiniano invenerint. Hinc jure novo I. hoc iudicium datur ob qualescunque fines agrorum confusos. II. Idem mixtæ naturæ est. * III.

De ejus natura axiomata.

Et id agitur, ut aut veteres fines indagentur, aut lis per adjudicationem terminetur.

* Quamvis enim personale sit iudicium; L. 1. §. 1. Cod. de ann. exc. Ital. tamen & pro rei vindicatione est, L. 1. ff. hoc tit. & quodammodo ex dominio nascitur.

§. CCXII.

Quando
locum ha-
beat?

Quum itaque hoc iudicium detur ob qualescunque fines confusos; (§. CCXI. I.) sequitur, 1) ut ei proprie locus sit in prædiis rusticis *confinis*, non in urbanis *vicinis*; quæ communibus fere parietibus determinantur, adeoque in iis potius locus sit *novi operis nunciationi*, vel interdicto *quod vi aut clam*. L. 2. L. 4. §. 10. hoc tit. 2) ut nec finium regundorum, sed *viæ receptæ*, ad id quod interest, agendum sit, si via publica agros dividat, & alter viam fodiendo in agrum meum rejecerit. L. ult. ff. de viâ publ. & itin. 3) Ut contra recte agatur finium regundorum, si rivus privatus interfluat. L. 6. hoc tit.

§. CCXIII.

Quibus
detur?

Quumque id iudicium quodammodo mixtæ sit naturæ; (§. CCXI. 2.) consequens est, 1) ut detur potissimum dominis agrorum, qui soli actionem *directam* habent, L. 4. §. 5. L. 12. hoc tit. quamvis 2) *utilis* etiam iis competat, qui aliud jus in re habent, veluti fructuario, & creditoribus hypothecariis: L. 4. §. 9. ff. L. 3. C. hoc tit. non tamen 3) sociis agrum communiter possidentibus, partim, quod dominus a domino vindicare non potest, (§. CCXI. *) partim, quod ad divisionem provocare possunt socii, sique tunc in promptu est actio *communis dividundo*. L. 4. §. 6. 7. ff. hoc tit.

§. CCXIV.

§. CCXIV.

Ex eodem jam facile intelligitur, 4) cur Ad quid ? non solum fines regundi, sed omne id, & quam- quod interest, cum fructibus perceptis & da- diu detur ? to damno præstandum sit. L. 4. §. 1. 2. *hoc tit.* 5) Cur ea actio exemplo hereditatis peti- tionis XXX. annos duret. L. ult. C. h. t. L. 1. §. 1. Cod. de ann. exc.

§. CCXV.

Denique ex tertio axioma (§. CCXI. 3.) Judicis of- inferendum judicis officium esse, 1) fines scium. veteres investigare, qui ex monumentis, ru- deribus, censu, vel per testes probantur: L. 2. §. 1. L. 11. *hoc tit.* L. 28. ff. de probat. L. 2. §. 8. ff. de aqua & aqu. plu. arc. 2) eum in finem adhibere agrimensoris, vel 3) in rem præsentem venire. L. 8. §. 1. ff. L. 3. C. *hoc tit.* 4) Si lis aliter commode finiri ne- queat, alteri ex alterius fundo aliquid adju- dicare, hoc ad ejus æstimationem præstan- dam condemnato. * §. pen. Inst. de offic. jud. L. 2. §. 1. L. 3. ff. *hoc tit.*

* Unde est, quod hæc actio dicitur *arbitraria*. (Inst. §. MCLXXXIV.) L. 4. §. 2. 3. L. 7. ff. *hoc tit.* Primo judex veteres fines investigat, deinde si non satis liquet, novos constituit per adjudicationem.

§. CCXVI.

Quæ quum ita sint, judicium *finium re-* Actionis *gundorum* est actio personalis, sed mixtæ hujus de- quodammodo naturæ, (§. CCXI. 2.) du- scriptio. plex, (§. CCVIII.) arbitraria, (§. CCV. *) quæ datur iis, quorum ex jure interest, fi- nes non esse confusos, (§. CCXIII.) ad fines veteres investigandos & restituendos, vel, si lis aliter finiri nequeat, novos adjudicatione constituendos, (§. CCXV.) præstandumque id omne, quod interest. (§. CCXV. 4.)

T I T. II.

Familia erciscundæ.

§. CCXVII.

Judicii hu-
jus origo.

HUjus quoque judicii origo ex XII. Tabulis est, quibus cautum fuerat, ut nomina inter heredes pro portionibus hereditariis, erecta cita sint ceterarum familia rerum, si vellent, erectum citum * faciant, prætorque eam ad rem arbitros det. Jac. Gothofr. Leg. XII. Tab. Tab. V. Postea & Prætor monuit, se familia erciscundæ judicium daturum, vel ad hereditatem dividendam, eaque, quæ alter alteri ex æquo & bono debeat, præstanda, vel ad id, quod divisionem commode non recipit, uni ex heredibus. L. 1. §. 1. L. 2. L. 22. §. 4. hoc tit.

* *Erectum* itaque idem videtur, ac totum, vel integrum: *Ciere* idem est, ac dividere. Unde familiam *erciscere* est hereditatem totam dividere. L. 2. ff. hoc tit. Antiq. nostr. Rom. III. 28. 7.

§. CCXVIII.

De ejus
natura a-
xiomata.

Ex quibus facile patet, I. judicium hoc dari coheredibus, inter quos de divisione hereditatis non convenit. L. 1. pr. L. 24. §. 1. L. 51. §. 1. hoc tit. II. Eo judicio agi, vel ad dividendam hereditatem vel ad adjudicationem rerum. III. Hanc quoque actionem mixtæ quodammodo naturæ esse, & tum ex jure hereditario, tum communis hereditatis administratione, adeoque quasi ex contractu, oriri.

§. CCXIX.

Quinam
agant?

Quum itaque inter coheredes hoc judicio agatur

Familia erciscunde. Pars II. 297

agatur; (§. CCXVIII. 1.) consequens est, ut illi locus sit, 1) si inter se agant heredes, qui jam hereditatem adierunt, L. 49. *hoc tit. 2*) siue instituti, siue legitimi, siue prætorii, L. 2. *pr. L. 24. §. 1. hoc tit. 3*) modo se invicem pro coheredibus agnoscant. L. 1. §. 1. L. 36. L. 49. L. 51. §. 1. *hoc tit. 4*) ut nec intersit, siue alter in divisionem consentiat, siue non consentiat. * L. 43. *hoc tit.*

* Minori tamen ea quoque in re opus esse decreto magistratus, patet ex L. 17. *C. de præd. & al. reb. min.*

§. CCXX.

Ex eodem patet, 5) id iudicium non dari contra possessorem, singulari titulo subnixum, Quo casu ita agendum? L. 2. *pr. L. 25. §. 7. L. 45. ff. hoc tit. 2*) nec locum ei esse, si divisa hereditate, in commune aliquid permanlit. Ejus enim divisio urgeri potest iudicio *communi dividundo*. L. 20. §. 4. *hoc tit.*

§. CCXXI.

Quumque ad divisionem hereditatis agatur, (§. CCXVII. 2.) consequens est, 1) ut id iudicium ad omnes res hereditarias pertineat, siue jure proprietatis, siue ex quacunque alia causa, a defuncto detentas. L. 1. *princ. L. 2. pr. L. 29. L. 25. §. 20. hoc tit. 2*) non autem ad res, quæ communes esse desierunt, L. 12. §. *ult. L. 54. hoc tit. nec 3*) ad res ipso jure divisas, qualia sunt nomina, * (§. CCXVIII.) L. 2. §. *ult. L. 4. princ. L. 25. §. 1. ff. L. 6. Cod. hoc tit. nec 4*) ad res sua natura individuas, veluti servitutes, (§. CLX. 3.) quæ & debentur, & præstantur in solidum, nisi vel mensura & temporibus, vel prædiorum adjudicatione dividantur. L. 22. §. 3. L. 25. §. 9. & 10. L. 30. *hoc titul.*

* Nisi vel coheredibus, vel ipse judici commodius videatur, debita & credita uni pro solvendo attribui. Talem enim stipulationem praetor confirmare solet. L. 2. §. ultim. L. 3. hoc tit.

§. CCXXII.

An & res
noxiae, in-
strumen-
ta &c.

Nec tamen id iudicium pertinet 5) ad res quae vel ob morale, vel civile impedimentum, non sunt in commercio, vel divisionem commodi non recipiunt, quales ex Jurisconsultorum mente erant 6) mala medicamenta, venena, 7) libri improbatæ lectionis, quae omnia corrumpi jubentur. L. 4. §. 1. hoc tit. item 8) res extra commercium positæ, L. 30. hoc tit. 9) instrumenta & tabulae hereditariae, quippe quae vel ejus, qui ex majori parte heres, vel qui major ætate est, custodiæ committendæ, vel apud alium, plurimum coheredum, suffragio, deponendæ. L. 4. §. ult. L. 5. ff. hoc tit.

§. CCXXIII.

Officium
iudicis.

Porro ex hoc axioma patet, 10) res reliquas iudicem posse uni coheredum pro rata, vel admissa licitatione, adjudicare, L. 22. §. 1. 2. h. t. 11) & hunc coheredi certa pecunia condemnare: quin & 12) alteri proprietatem, alteri usumfructum, vel utrique proprietatem & fructus alternis annis addicere. L. 22. §. 1. L. 55. L. 10. L. 16. §. 2. h. t. L. 6. §. 1. de usufr. L. 1. comm. div.

§. CCXXIV.

Quid co-
heres co-
heredi pre-
stare de-
beat?

Quum porro & hoc iudicium mixtæ quodammodo naturæ sit; (§. CCXVIII. 3.) consequens est, 1) ut & hic debeantur fructus, ex communi hereditate percepti, & 2) vice versa etiam impensæ, in hereditatem factæ, restituendæ sint, L. 18. Cod. hoc tit. 3) nec non damna sarcienda, si in re communi cohe-

coheres non eam adhibuerit diligentiam, qua uti solet in sua. *L. 25. §. 16. hoc tit. 4)* Ut & actio duret XXX. annos. *L. 1. Cod. de ann. except.*

§. CCXXV.

Ex eodem patet, §) rem adjudicatam statim acquiri coheredi, §. *ult. Inst. de offic. jud.* adeoque 6) nec locum esse remedio ex *L. 2. Cod. de resc. vend.* propter auctoritatem rei judicatæ: *L. 44. §. 1. L. 37. ff. hoc tit.* quum tamen, si privatim divisio facta, læsus alterius dolo malo, ob quamcunque læsionem *L. 3. C. comm. utr. jud.* sine dolo, ob læsionem enormem, agere possit ex *L. 2. C. de resc. vend. L. 1. comm. div.*

An ob læsionem rescindatur divisio hereditatis?

§. CCXXVI.

Quamobrem judicium *familia erciscunda* est personale, sed quodammodo mixtum, (§. CCXVIII. 3.) duplex, (§. CCVIII.) bonæ fidei, (§. CCXVII.) quo inter se agunt coheredes, (§. CCXIX.) ad dividendam communem hereditatem, (§. CCXI. seq.) præstandumque sibi invicem, quod interest. (§. CCXXIV.)

Actio hujus descriptio.

T I T. III.

Communi dividundo.

§. CCXXVII.

Quemadmodum superius judicium ex *communione universali* inter coheredes originatur; ita hujus fundamentum est *communio rerum ex causa singulari*, veluti donatione legato, & similibus nata. *L. 4. pr. hoc tit.* De hac quoque edixerat Prætor, se ad res communes dividendas, præstandumque, quod se-

Edictum de rebus communibus dividendis.

cuius socio ex bono & aequo debeat, iudicium daturum. L. 1. & seq. ff. L. 3. C. hoc tit.

§. CCXVIII.

De hoc iudicio axiomata.

Ex quo edicto manifestum est, I. hoc quoque iudicium personale, sed quodammodo mixtum esse, & magis ex re, quam ex persona nasci. L. 29. pr. hoc tit. II. eandem actionem & ad res communes dividendas esse comparatam, & ad præstationes personales.

§. CCXXIX.

Qui ita agant?

Ex priore axioma inferitur, 1) *directam* communi dividendo actionem competere sociis ex jure domini; *utilem* & iis, qui aliud jus in re communiter habent. L. 4. pr. L. 7. pr. §. 2. 6. seq. L. 19. §. 4. hoc tit. non autem 2) prædonibus, nec 3) vi, clam aut precario possidentibus, nec 4) colonis, aut 5) depositariis. L. 7. §. 4. ff. hoc tit. 6) Manente quidem communione, meliorem esse causam prohibentis, si socium extra ordinem quidquam in re communi facere velit: L. 12. L. 28. hoc tit. 7) unumquemque tamen socium ad rem communem dividendam provocare posse, adeo, ut ne pactum quidem in contrarium valeat, L. 14. §. 2. L. 15. hoc tit. quia societas est mater discordiarum.

§. CCXXX.

Ad quid?

Quumque hac actione & rei communis divisionem, & præstationes personales, petamus; (§. CCXXVIII. 2) consequens est, ut eadem hic omnia, quæ de iudicio familiaris eriscundæ diximus, (§. CCXXIII. sequent.) obtineant. L. 6. §. 11. hoc tit. Unde titulus codicis: *communis utriusque iudicii.*

Actionis huius descriptio.

§. CCXXXI.

Est itaque iudicium communi dividendo per-

Ad exhibendum. Pars II. 301
personale, sed quodammodo mixtum, (§. CCXXVIII. 1.) duplex, (§. CCVIII.) bonæ fidei, (§. CCXXVII.) competens sociis, (§. CCXXIX.) ad res communes dividendas adjudicandasve, præstandumque, quod socius socio ex æquo bonoque debet, (§. CCXXVII.)

T I T. IV.

Ad exhibendum.

§. CCXXXII.

TRibus hisce judiciis actio *ad exhibendum* vel ideo subjungitur, quod & ipsa quodammodo mixta est. *Exhibere* est facere in publico potestatem, ut ei, qui agit, experiundi sit copia. L. 2. h. t. Quum vero sæpe nostra interfit, rem videre; possessori autem illa rei exhibitio nullum afferat detrimentum; æquitas subegit Prætores, ut ediceret, *se ei, cujus ex justa causa speciatim interfuturum sit, si rem, quam judicio petiturus sit, exhiberi sibi postulaverit, aut si, qui possedit, dolo malo fecerit, quo minus possideret, judicium daturum.* L. 4. L. 5. L. 8. L. penult. hoc tit.

Actiōis
ad exhibendum
fundamē-
tum, &
origo.

§. CCXXXIII.

Ex quo fluunt axiomata: I. Ad exhibendum agit, cujus specialiter interest. II. Unusquisque possessor tenetur exhibere; quia id ei non nocet, & alteri prodest. III. Exhibere debet res cum omni causa.

De ea 2.
axiomata.

§. CCXXXIV.

Quum itaque ad exhibendum agat, cujus specialiter interest; (§. CCXXXIII. 1.) consequens est, 1) ut perinde sit sive in rem acturus, sive in personam actione in rem scri-

Quo casu
ad exhibendum
agatur?

scripta, exhiberi postulet, modo sua interesse doceat: L. 1. L. 3. §. 3. 4. 7. 11. 12. L. 13. L. 14. L. 19. *hoc tit.* 2) Ut iudicis sit, summarie cognoscere, an ejus interfit. L. 3. §. 9. 13. h. r. 3) Ut exhiberi frustra petantur res immobiles. L. 2. C. *quando & quib. quart.* omnino autem 4) exhibendæ sint mobiles, L. 3. §. 8. L. 18. ff. L. ult. C. *hoc tit.* etiam immobilibus junctæ: L. 6. *hoc tit.* excepto tigno juncto, quod nec vindicari, (§. LXXXV.) nec exhiberi leges patiuntur. L. 6. *hoc tit.* L. 1. L. 2. *de tign. junct.*

§. CCXXXV.

Ad quid? Quumque unusquisque possessor exhibere teneatur, cui id non nocet; (§. CCXXXIII. 2.) consequens est, 1) ut sit actio in rem scripta, adeoque 2) detur adversus omnes, qui vel civiliter, vel naturaliter possident, L. 3. §. ult. L. 4. *hoc tit.* nec non 3) adversus eos, qui dolo possidere desierunt. L. 5. §. 2. L. 12. §. 3. L. 14. ff. L. 5. *Cod. hoc tit.* L. 131. ff. *de reg. jur.* 4) Ut exhibitio illa fieri debeat sumptibus petentis. L. 11. §. 1. *hoc tit.*

§. CCXXXVI.

Contra
quos?

Denique quum res exhibenda sit cum omni causa; (§. CCXXXIII. 2.) sequitur, 1) ut exhibitio fieri debeat in ea conditione, in qua res tempore litis contestata fuit, id est, nec usucapta, nec mutata, deteriore reddita. L. 9. §. 5. 6. ff. *hoc tit.* 2) Ut, si jus suum probavit actor, res non modo exhibenda, sed & restituenda sit. L. 9. §. pen. & ult. ff. L. ult. *Cod. hoc tit.* 3) Ut contra dolo malo non exhibentem locus sit jurijurando in litem, & tunc reus præstare teneatur tantum, in quantum juratum. L. 3. §. 2. L. 5. §. 2. *hoc tit.* 4) Ut, si sine dolo vel culpa possessoris non exhibeatur, cautio de re,

De interrogationibus, &c. Pars II. 303
re, si in potestatem venerit, exhibenda, exi-
gi queat. L. 5. §. ult. L. 12. §. 5. hoc tit. §. 1.
Inst. de divis. stip.

§. CCXXXVII.

Est itaque actio ad exhibendum personalis; in re scripta, (§. CCXXXV. 1.) competens dominis, & quorumcunque speciatim inter-
est, (§. CCXXXIV.) adversus quemcun-
que possessorem, (§. CCXXXV. 2.) ad rem
mobilem, (§. CCXXXIV. 4.) quam quis
petiturus est cum omni causa exhibendam,
vel si res dolo non exhibeatur, ad præstan-
dum quod interest, & in quantum in litem
juratum. (§. CCXXXVI.)

Actio
ad exhi-
bendum de-
scriptio.

L I B E R XI.

T I T. I.

*De interrogationibus in jure faciendis, &
interrogatoriis actionibus.*

§. CCXXXVIII.

Totus hic liber miscellaneus est, & su-
periorum quorundam titulorum veluti
supplementum. Et primo quidem actioni ad
exhibendum, tanquam quodammodo affines
subjunguntur actiones interrogatoriæ. Quem-
admodum enim illi potissimum locus est, si
quis in rem agere, vel saltem actione in
rem scripta experiri velit; (§. CCXXXIV.
1.) ita interrogatoriæ actiones personalibus
præmittebantur, ne actor plus petens causa
caderet. L. 1. pr. hoc tit.

Cur inter-
rogatoriæ
actiones in
jure insti-
tutæ?

§. CCXXXIX.

Quia enim plus petentes, quam oporteret, Quid eam
caus-

in re Præ-
tor edixe-
rit ?

caussa cadebant ; §. 33. *Inst. de act.* solebant actores reos in iure interrogare , e. g. an , & qua ex parte heredes sint ? Et hinc Prætor edixerat : *qui in iure interrogatus responderit , ex ejus responsione se actionem daturum adversus eum , qui interrogatus omnino non responderit , se actionem in solidum daturum ,* arg. *L. 4. §. 1. L. 11. §. 5. hoc tit.*

§. CCXL.

De inter-
rogationi-
bus istis
axiomata.

Ex quibus patet , I. interrogationes factas esse , ne actor plus petens causa caderet , II. Interrogatos obstrictos fuisse ad respondendum . III. Responsionem illam quasi ex contractu obligasse reum , ut in tantum cum eo agi posset , in quantum respondisset . *L. 11. §. 9. ff. hoc tit.*

§. CCXLI.

Quando
iis locus
fuerit ?

Quum itaque interrogationes fierent , ne actor plus petendo causa caderet ; (§. CCXL. 1.) consequens est , 1) ut interrogationes illas fieri oportuerit in iure , ante litis contestationem . *L. 4. §. 1. L. 1. pr. ff. hoc tit. 2)* Ut iis tantum locus fuerit , quoties certæ præstationes personales peterentur , veluti in actionibus personalibus , & quodammodo mixtis , arg. *L. 11. Cod. de per. her.* non in actionibus in rem . (§. CCXXXVIII.) *L. 1. ff. hoc tit. L. 73. ff. de rer. vind. 3)* Ut frustra interrogarit actor de re , quam scire sua non interesset , *L. 13. L. 14. §. 1. ff. hoc tit.* itemque 4) si reo ex responsione sua præjudicium irreparabile in alia causa immineret . *L. 6. §. 1. ff. hoc tit.*

§. CCXLII.

Quomodo
responde-
re debue-
rit reus ?

Quumque hoc modo interrogatus obstrictus esset ad respondendum ; (§. CCLX. 2.) consequens est , 1) ut respondendum fuerit reo , si ab actore , multoque magis , si a Prætoris interrogaretur . *L. 9. §. 1. ff. hoc tit. 2)*

Ut

Ut ipse reus, non pro eo alius, potuerit interrogari. L. 9. §. 3. *hoc tit.* 3) Ut reo interrogato non denegandum fuerit spatium deliberandi. L. 5. ff. *hoc tit.* 4) Ut non respondens, vel aliud respondens, ac rogaretur, condemnari potuerit in solidum. L. 11. §. 4. §. 7. *hoc tit.*

§. CCXLIII.

Denique quia reus ex responsione sua, ^{Effectus} tanquam ex quasi contractu obligatur; (§. ^{responsio-} CCXL. 3.) 1) fieri non poterat, quin sua nis.
quisque responsione se oneraret, siue verum dixisset, siue mentitus esset, L. 4. *pr.* L. 11. §. 2. 3. *hoc tit.* nisi sine dolo malo, vel culpa, male respondisset, quo casu ei succurrendum videbatur. L. 11. §. 2. 8. 10. *ult. h. r.*
Nec minus ex eo inferendum, 2) ex hac responsione natam esse actionem, tanquam ex quasi contractu, cujus tot erant species, quot erant conditiones certi. L. 23. §. *ult.* L. 25. §. 1. ff. *ad L. Aquil.*

§. CCXLIV.

Sunt ergo actiones *Interrogatoriæ*, (quæ & ^{Actionum} *Confessoria*, L. 23. §. *ult.* L. 25. §. 1. ff. *ad* ^{interroga-} *L. Aquil.*) actiones personales, adjectivæ ^{tiorum} qualitatis; (§. CCXLIII. 2) prætoriae; (§. ^{descriptio.} CCXXXIX.) competentes iis, qui in jure interrogaverant, iisve, quorum nomine prætor interrogaverat, (§. CCXLI. & CCXLII.) contra respondentes, ad præstandum tantundem, quantum respondendo confessi fuerant. (§. CCXLIII. 1.) L. 1. *princ.* L. 11. §. 9. ff. *hoc tit.*

§. CCXLV.

Enimvero interrogatorias has actiones jampridem non frequentari, jam Callistratus ob- ^{Parum} servat. L. 5. §. 1. ff. *hoc tit.* Unde huc non ^{an hodie} pertinent *Positiones*, quæ hodie ab actore ^{usus?} respectu actionis, vel a reo respectu excep-
ptio-

prionis, offerri solent, cum in firem, ut præstito *jurejurando dandorum*, quod vocant, adversarius præstet *jusjurandum respondendorum*, & ad singulas *καταγ' εναν' respondet*. Gail. Obs. I. 79. § 9. Illæ enim interrogationes ante litis contestationem; (§. CCXLI. 1) hæ post illam locum habent. Illæ ad instruendam actionem; (§. CCXXXIX.) hæ probationis suscipiendæ causa inventæ. Illæ ab usu recesserunt; hæ ubique fere receptæ, ubi non sit litis contestatio specialis ad singula libelli capita. (§. XLII. *)

T I T. II.

*De quibus rebus ad eundem Judicem
eatur?*

§. CCXLVI.

Contin-
entia causa-
rum quid?

Proximus hic titulus est supplementum tituli *de judiciis*, ubi (§. XXXVII.) actum de *Foro continentie Causarum*. *Continentia causarum* est, ubi ad eundem judicem itur. Idque necessario fieri oportet, ubi 1) vel concursus personarum est, vel 2) tanta causarum connexio, ut altera sine altera commode tractari, & plene cognosci nequeat.

§. CCXLVII.

Quibus
casibus ea
adesse di-
catur?

Ex quo axiomate patet, 1) plures litis consortes, quorum non omnium idem forum est, coram judice superiore, omnibusque communi, conveniendos. L. 1. §. 1. L. 2. ff. hoc tit. L. 5. C. arbitr. tut. 2) De hereditate, sub diversis jurisdictionibus sita, itidem litigandum esse coram judice communi & superiore. 3) Causas ita connexas, ut una alteri præjudicium faciat, in eodem foro tra-

De servo corrupto. Pars II. 307
ro tractandas. L. 14. C. de judic. L. 13. C. de
rei vind. L. 35. ff. de acqu. vel amitt. possess.

T I T. III.

De Servo corrupto.

§. CCXLVIII.

Sequentes tituli suppleant doctrinam De Servi corruptio-
damnis, Lib. IX. explicatam. Non leve damnum est, quod ex servi corruptione cap-
pit dominus. Corrupti vero dicitur servus,
quoties, quoad animum, sit deterior alte-
rius nequitia, vel si ab alio sollicitatur ad
aliquid vel faciendum vel cogitandum impro-
be. L. 1. §. 3. hoc tit.

§. CCXLIX.

Quamvis vero de hoc damno & Lege Aquilia aliquid cautum fuisse videatur; (§. CXC. *)
legi tamen illi officisse arbitramur actionem
commodiorem a Præatore introductam, ejus
hoc exstat edictum: Qui servum, servam,
alienum, alienam, recepisse, persuasisse quid
ei dicetur dolomalo, quo eum, eam deteriore
faceret, in eum (quanti ea res erit, in du-
plum judicium dabo.) L. 1. pr. ff. hoc tit.

§. CCL.

Vindicat itaque hoc edictum, I. damnum
servi corruptione datum, ejusque II. æstima-
tionem duplam præstari jubet domino.

§. CCLI.

Quum ergo hoc edicto vindicetur servi
corruptio; (§. CCL. 1.) eaque ad animum
pertineat; (§. CCXLVIII.) consequens est,
ut hujus delicti rei sint, 1) qui servis recep-
tum dederint, refugiumve præstiterint. L. 1.
§. 2. hoc tit. 2) Qui servo quid persuase-
rint, eum ad scelus pellexerint, malove con-
silio

De ea edi-
cium Prae-
toris.

Axiomata
de actione
servi cor-
rupti.

Quinam
servos di-
catur cor-
ruptisse.

filio instruxerint. *L. 1. §. 3. seq. L. 2. ff. h. r.*
 3) Etiam ii, qui dederunt tantum consilium
 improbum, quamvis successu caruerit: *§. 8.*
Inst. de obl. ex delict. nec non, 4) qui per
 errorem servo quid persuaserint, quem libe-
 rum credebant. *L. 5. §. 1. ff. hoc tit.*

§. CCLII.

Quibus, &
 quo effe-
 ctu, actio
 de servo
 corrupto
 competat?

Quumque damni æstimatio dupla præstan-
 da sit; (*§. CCL. 2.*) sequitur, 1) ut hæc
 actio directa soli domino competat, ejusque
 heredibus, *L. 8. L. 13. hoc tit.* non 2) patri,
 ob corruptum filium, qui æstimationem non
 recipit, *L. 14. §. 1. hoc tit.* nec 3) usufru-
 ctuario, ob fructuarium servum corruptum,
L. 9. §. 1. hoc tit. quamvis & patri & usu-
 fructuario actio utilis detur, *d. L. 9. & 14.*
hoc tit. 4) Ut in æstimationem veniat non
 modo, quanti minoris factus est servus. *L. 9.*
§. ult. hoc tit. sed &, 5) quod abstulit il-
 le, sive quid ad corruptorem pervenerit, si-
 ve non pervenerit. (*§. CCLI. 3*) *L. 10.*
L. 11. hoc tit. §. 23. Inst. de act. 6) Ut, si
 servus servum corruerit, cum corruptoris
 domino agendum sit noxaliter. (*§. CCV. 1.*)
L. 5. §. 3. hoc tit.

§. CCLIII.

Actio-
 nis
 hujus de-
 scriptio.

Est itaque actio de *Servo corrupto* persona-
 lis ex delicto, pœnalis mixta, prætorialia,
 (*§. CCXLVIII.*) competens directe domino
 servi corrupti, utiliter etiam usufructuario &
 patri, cujus liberi corrupti, (*§. CCLII. 1.*
2. 3.) adversus corruptorem, (*§. CCLI.*)
 non ejus heredem, *L. 13. hoc tit.* ad du-
 plam æstimationem omnis damni præstan-
 dam. (*§. CCLII. 4. seq.*)

T I T. IV.

De Fugitivis.

§. CCLIV.

Servum etiam corrumpit, qui ei fugam ^{Quis fugi-} persuadet. Hinc sequitur titulus de ^{tivus, quis} *Fugitivis*, per quos alias intelligimus illos, qui ^{erro?} ea mente a dominis aufugiunt, ne redeant: *L. 17. §. 1. ff. de Ædil. ed.* non qui frequenter & sine causa vagantur, vel temporibus in res nugatorias consumptis, serius domum redeunt, *d. L. 14. §. 14. eod.* quippe qui *Errones* appellantur. At in hoc Prætoris edicto pari passu ambulant. *L. 1. §. 5. hoc tit.*

§. CCLV.

Multæ de fugitivis exstabant leges, & varia. Aliæ enim 1) eos, quorum ope & consilio servi fugerant, quive fugitivos celaverant, tanquam fures puniri jubebant. *L. 1. pr. hoc tit.* Aliæ 2) ipsos fugitivos persequantur, qui olim fere stigmatibus urebantur. At postea ejus in locum, ob *L. 17. C. de pæn.* successit collare ferreum litteratum, quale est apud Spon. *Miscell. Erud. antiq. pag. 300. seq.* Aliquando ex fuga retracti magistratibus tradebantur publicisve ministeriis, ut vincirentur. *L. 1. §. 3. 6. seq. hoc tit.* Qui pro liberis se gesserant, multo gravius coercerantur, *L. 2. hoc tit.* omniumque gravissime, quos ad barbaros fuga abstulerat, quippe qui pede manuve truncabantur, vel in metalla dabantur. *L. 3. C. hoc tit.*

§. CCLVI.

Aliæ leges 3) de inquirendis fugitivis agebant. Nam Scto cautum fuerat, ne fugitivi in saltus admitterentur, vel protegerentur, ^{Leges de inquirendis fugitivis.} sta-

statuta in transgressores multa, & impunitate promissa iis, qui magistratibus eos exhibuissent. *L. 1. §. 1. ff. eod.* Eodem SCto. nec non Lege Favia, itemque SCto alio Modesto Conf. facto, & Constitutione DD. Fratrum cautum, ut diligentissime servi quærentur a magistratibus, militibusque stationariis, iique, qui vel non inquirerent, vel celarent; mulctarentur. *L. 1. §. 2. L. 3. L. 4. hoc tit.* Demum Constantinus M. & postea Valens, Valentinianus & Gratianus AAA. edixerunt, ut receptatores fugitivum cum alio servo vel XX. solidis, vel si servus fiscalis sit, cum XII. libris agenti restituerent. *L. 4. L. penult. Cod. hoc titul.*

§. CCLVII.

Ufus ho-
diernus. Hodie homines proprii retracti e fuga arbitrarie puniuntur. Receptum iis dari vetat *Rec. Imp. ann. MDXXIX.* ubi pœnam proscriptionis interminatur imperium iis, qui fugitivos subditos celaverint. Add. Schilt. *Exerc. XXI. 19.* Stryk. *Uf. ff. hoc tit.*

T I T. V.

De Aleatoribus.

§. CCLVIII.

Quid
alea? &
quotupli-
ces ludi?
Q Uum & aleæ studium ad servi corrupti vitia pertineat; *L. 25. §. 6. ff. de Edil. edit.* non obscurum sane est, cur hic de Aleatoribus agatur. Alea dicitur omnis actus, in quo fortuna prædominatur. *L. 8. §. 1. ff. de contr. empr.* adeoque differt a ludis, in quibus ars & ingenium spectatur, quales sunt, ubi certatur hasta, pilo, cursu, saltu, lucta. *L. 2. §. 1. ff. h. t. μόνον βολον, κοντος μόνον βολον, κωπτανός κονταξ, χωρίς τῆς πόρπης, περιχυντὴ, ἱππικὴ,*

De Aleatoribus. Pars II. 311
ἐν τῷ κῶν, vel *ἐν τοῖς κόποις*, & similes. L. 1. Cod.
hoc tit. Jul. Cæs. Buleng. de Lud. Vet. Cap. I.
seq. & cap. 58.

§. CCLIX.

Quamvis autem neutrum ludorum genus in se adversari videatur juri naturali, quum ^{Alea vetita.} ludus in se nihil sit, quam reciproca sub certa conditione donatio; Romæ tamen alea nihil videbatur turpius. Unde *verita legibus alea* apud Horat. *Carm.* III. od. 24. v. 58. Cicer. *Philipp.* III. 23. Quemadmodum itaque ludi artis atque ingenii, itemque symbolarum, in convivium contribuendarum, causa inventi, permittebantur; L. 1. Cod. L. ult. *princ. ff. hoc tit.* ita talarium ludum Prætor penitus proscripserat. L. 1. L. 3. 4. §. *ultim. ff. hoc tit.*

* Idemque curæ erat Ædilibus, a quibus servos aleatores in cloacas deturbari consuevisse docet Frider. Gronov. *Observ.* II. 15. p. 337. *sequent.*

§. CCLX.

Is enim edicto suo monuerat, I. *Si quis* ^{Edicta Prætoris.} *apud quem alea lusum, verberaverit, damnum dederit, vel ex domo ejus quidquam subtractum fuerit; judicium se non daturum.* II. *In eum, qui aleæ ludendæ causa vim intulerit, uti quæque res futura sit, se animadversurum.* III. *Quod aleæ causa solum, ejus conditionem se daturum.* *dict.* L. 1. L. 4. §. *ultim. hoc tit.*

§. CCLXI.

Quum itaque judicium denegat Prætor iis, ^{Contra eos, qui domum aleatoribus præbuerunt.} apud quos alea lusum; (§. CCLX. 1) sequitur, 1) ut non deneganda sit actio collusoribus, qui inter se rapinam fecerunt. L. 1. §. 1. *ff. hoc tit.* 2) Ut ei quidem, qui receptum aleatoribus dedit, actio non detur, siue rei per;

persequutoria, siue poenalis, si quid damni, furti, injuriæve passus sit? * *L. 1. §. 2. hoc t. 3*) ipsi tamen magistratui nihilominus salva sit animadversio, & disciplina publica adversus eos, qui ita deliquerunt.

* Immo tantum abest, ut ei succurrat Prætor; ut Jure novo & domus, in qua lusum dicitur, a fisco occupetur. *L. ult. C. h. t.*

§. CCLXII.

Contra
eos, qui
ludere co-
egerunt.

Quumque in eum se animadversurum prædicat Prætor, qui aleæ ludendæ causâ vim intulerit; (§. CCLX. 2) consequens est, 4) ut non minus ad eos pertineat hoc edictum qui discessuros retinent, quam qui ludere cogunt. *L. 2. pr. h. t. 5*) Ut pro modo delicti modo mitiori poenæ, modo castigationi severiori, immo & condemnationi in lautumias, * locus sit. *L. 1. §. ult. ff. h. t.*

* At quid hoc loco lautumiæ? An lapidicinæ? uti apud Plaut. *Capt. Act. III. Scen. 5. v. 65*. Non videtur, quia Prætoris non erat ita in reos animadvertere. Verosimillima itaque est conjectura V. C. Ger. Noodtii *Pand. hoc tit. pag. 259. per lautumias*, hic intelligentis carcerem, uti apud Liv. XXVI. 27.

§. CCLXIII.

Contra
eos, qui
alea vice-
runt.

Quum denique, quæ alea perditâ, condi- dici queant; (§. CCLX. 3.) consequens est, 6) ut victo competat conditio indebiti, * si solverit: *L. ultim. §. 1. ff. hoc tit. cui non obstat L. 6. Cod. ad L. Falc. 2*) nulla autem actio prodita sit victori ad petendum, quod ei ex victoria debetur. *L. 2. §. 1. ff. quar. rer. act. non detur.*

* Immo odio aleatorum cautum, ut si victus, quod solutum est, non repetat, quilibet id possit,

possit, vel, si nemini libeat, audiatur Episcopus vel procurator fisci, nec ei actioni nisi lapsu L. annorum, præscribatur. L. 1. L. 3. *Cod. hoc tit.*

S. CCLXIV.

Nec tamen ea severitas pertinet ad spon- Sponsiones an sint licitæ?
siones, quæ licet & ipsæ aleam continere videantur, legibus tamen Titia, Publicia & Cornelia sustinentur, si de rebus licitis & honestis sine dolo malo fiant. L. 3. *h. t.*

S. CCLXV.

Enimvero Germanicæ originis gentes semper fuere alexæ studiosissimæ, adeo ut, si An ullus hodie hujus edicti usus?
quis postremo jactu libertatem amitteret, victori sine detractione serviret, idque pro fide laudaretur. Tacit. *de Mor. Germ. cap. XXIV.* Inde haud dubie est, quod & nostrorum temporum tanta non est severitas, ut hoc edictum, in se utilissimum, eadem ubique cura observetur, Stryk. *Us. ff. hoc tit.* nisi quod in Gallia, Germaniæque quibusdam provinciis, paullo severius prohibitos videamus ludos, quos la *bassette* & *pharo* appellant.

T I T. VI.

Si mensor falsum modum dixerit.

S. CCLXVI.

HIC quoque titulus non doctrinam de Mensores non locat se videbatur oportet.
mensuris regundis, seu Cujacio visum, supplet, sed doctrinas de damnis. Damnum enim dat mensor, falsum modum renuntians, si ingenuus; noxiam nocet, si servus sit. L. 3. S. *ult. hoc tit.* Mensor est, qui agros vel ædificia geometricè metitur, modumque re-

nuntiat. * Quorum hominum quum ob raritatem ingeniumque non levis esset aestimatio; Plin. *Epist.* X. 28. 29. non censebantur locasse operas, nec mercedem, sed honorarium mereri. L. 1. *pr. hoc tit.* quod veteribus dicebatur *pulveraticum*. Cujac. *Observ.* IV. 18. Ex quo porro colligebant, eisdem ex locato conveniri non posse.

* Hinc saepe in vetustis monumentis laudantur *Mensores Aedificiorum*. Grut. pag. DCXXIII. Reines. *Inscr. Class.* IX. 8. *Mensores Machinarum*. Reines. *Class.* VII. 16. Grut. pag. XCIX. 1. & similes.

§. CCLXVII.

At Praetor singularem actionem pollicitus fuerat I. adversus mentores, qui falsum modum renuntiaverant, II. ad id, quod interest. L. 1. *pr. L. 3. §. 1. L. 5. §. 1. hoc tit.*

§. CCLXVIII.

Ex priore axioma patet, 1) legendum esse *directe* contra mentores, *utiliter* & adversus alios, qui falsum modum renuntiaverunt. L. ult. §. 2. *hoc tit.* 2) Actione hac vindicari damnum, dolo malo vel lata culpa datum. L. 1. §. 1. *hoc tit.* non autem 3) damnum, ex mentoris imperitia ortum, quum sibi succensere debeat, qui peritiorum non adhibuit. L. 5. §. 1. *hoc tit.*

§. CCLXIX.

Ex posteriore colligimus, 4) actionem ex parte actoris rei persecutoriam, ex parte rei penalem esse, Ger. Noodt. *h. t. p.* 261. 5) Eandem oriri ex delicto, quamvis initium rei ex contractu sit: L. 4. *hoc tit.* Huber. *Præl. Pand. h. t.* §. 11. & hinc eam 6) heredibus, sed non adversus heredes dari, L. 3. §. 5. *ff. hoc tit.* 7) & esse perpetuam. L. 4. *ff. hoc tit.*

§. CCLXX.

§. CCLXX.

Ex quo patet, ex hoc edicto nasci actionem *in factum*, Prætoriam, (§. CCLXVII.) ^{Aktionis istius descriptio.} partim rei persecutoriam, partim pœnalem; (§. CCLXIX. 4.) quæ competit ei, qui ob renuntiatum falsum modum damnum passus est, ejusve heredi, (§. CCLXIX. 6) adversus mensorem, vel utiliter adversus quemcunque alium, qui falsum modum dolo malo dixit, (§. CCLXVIII.) & adversus plures quidem in solidum, ita tamen, ut uno solvente reliqui liberentur, *L. 3. pr. h. t. 6*) ad id, quod interest. (§. CCLXVII. 2.)

§. CCLXXI.

Hodie ei actioni locum esse, plerique fatentur. Celeberrimus Thomasius *Schol. ad Hub. Præl. hoc tit.* mensores, tanquam homines nullius dignitatis, ex locato conveniri posse contendit, observante contra laudatissimo Hubero, *mensores mediam inter artium eruditarum professores, & mercenarios artifices, conditionem obtinere.* Uterque rem tetigit. In Germania sæpe sunt mercenarii artifices. In Belgio mensores, cetera illitterati, non prius artem faciunt, quam a Professore Mathematices in Senatu Academiæ judiciali examen sustinuerint, & postea sollemniter creati sint mensores, hinc eruditus, vel quasi, merito annumerandi.

An mensor hodie actione locati conveniatur?

T I T. VII.

De Religiosis, & sumptibus funerum, & ut funus ducere liceat.

§. CCLXXII.

AD damna etiam pertinent postremi hujus libri tituli. Res quæ dicantur *Religiose* ^{Edictum de cadaveribus}
O 2 jam

vere in lo-
cum ali-
um illi-
co.

jam supra, exposuimus. (P. I. §. CLXXXIV. CLXXXVII.) Quum vero religiosum faciat locum, qui mortuum infert in locum suum; primo Prætor edixerat, si homo mortuus, os-
sare hominis mortui, in locum purum alterius, aut in id sepulcrum, in quo jus non fuerit, illatus fuerit, eum, qui hoc fecit, in factum actione conventum, pænæ pecuniariae subiectum iri. L. 2. §. 2. hoc tit.

§. CCLXXIII.

Actio in
factum ex
hoc edi-
cto.

Ex quo Edicto statim patet, dari hic actionem in factum, personalem, prætoriam, domino, vel usufructuario, cujus in locum purum, vel cenotaphium (vel *utiliter* cujus in arcam lapideam, L. 7. §. 1. h. t.) alius mortuum ejusve ossa intulit, horumve heredibus, adversus inferentem, ejusve heredes, ad id, ut aut cadaver tollat, aut loci æstimationem præster. * L. 7. L. 8. pr. ff. h. t.

* Pænæ pecuniariae, cujus Prætor L. 2. §. 2. meminit quo casu locus fuerit, ex ipso edicto liquet.

§. CCLXXIV.

Edictum
de sumpti-
bus fune-
rum.

Deinde, quia publice interest, cadavera non insepulta manere, L. 43. ff. hoc tit. ejus bono, qui alienum funus curasset, edixerat Prætor, si funeris causa sumptus factus fuerit, ejus recuperandi nomine, in eum, ad quem ea res pertineat, se iudicium daturum. L. 12. §. 2. hoc tit. Quamvis enim mortui negotia geri non possint, tamen negotia gessisse ille fingebatur, qui impensam fecerat in funus alienum ante aditam hereditatem. L. 1. L. 4. ff. hoc tit.

§. CCLXXV.

Cui Præ-
tor promit-
tat actio-
nem.

Quum itaque Prætor actionem illi promittat, qui veluti defuncti negotia gessit; (§. CCLXXIV.) consequens est, 1) actionem hanc

hanc necessariam non esse coheredi, quia
judicio fam. ere. sumptus recuperare potest:
 nec 2) qui heredum mandato funus curavit,
 quia *mandati* actionem habet; nec 3) qui
 adita hereditate curavit funus, quippe cui
actio negotiorum gestorum in promptu est;
 L. 14. §. 12. 15. 16. *hoc tit.* nec 4) qui do-
 nandi animo sumptus fecit, quia hic plane
 nullam actionem habet: L. 14. §. 7. *hoc tit.*
 sed 5) ei, qui hereditate nondum adita fu-
 nus curavit, nullius mandato. L. 1. L. 14.
 §. 7. 9. *seq. ff. hoc tit.*

§. CCLXXVI.

Quumque Prætor judicium polliceatur ad Aliquid:
 recuperandos sumptus, funeris causa factos;
 (§. CCLXXIV.) consequens est, 6) ut eo
 non pertineant sumptus, in morbum vel cu-
 rationem defuncti facti, sed 7) omnes, in
 funus necessario facti, veluti in delationem,
 vel vecturam, vestitum, uncturam cadave-
 ris, in sepulcrum, arcam, monumentum.
 L. 14. §. 3. 4. L. 37. *ff. h. r.* 8) Ut sumptus
 arbitrandi sint pro dignitate, & facultatibus
 mortui, adeoque nec modum excedere, nec
 nimis parce fieri debeant, L. 12. §. 5. L. 14.
 §. 6. 10. *ff. hoc tit.* nec in ea re semper vo-
 luntati defuncti parendum sit. L. 27. *pr. ff.*
de cond. inst.

§. CCLXXVII.

Quum porro inter sit reip. mortuos non in- Act'onis
 sepultos manere; (§. CCLXXIV.) facile funeraria
 reddideris rationem, 9) cur tam luculento privile-
 gio hic gaudeat actor, ut in credito-
 rum concursu omnibus, etiam privilegiata
 hypotheca subnixis, præferatur. L. 18. L. 19.
 L. 26. L. pen. L. ultim. §. fin. *ff. hoc tit.* L. 12.
 C. qui pot. in pign. Nov. XCII. c. 2. 3.

§. CCLXXVIII.

Quumque defuncti negotia gesta fingantur; Contra
 quos?
 O 3 (§. CCLXXIV.)

(§. CCLXXIV.) consequens est, 10) ut agendum sit cum iis, qui in defuncti jura succedunt, id est cum heredibus, vel quibus saltim funerandi officium incumbit. * L. 14. §. 7. *sequ. hoc tit.*

* Id vero officium primo incumbit ei, cui id demandaverat testator, modo is emolumentum ab eo perceperit; deinde heredibus scriptis, vel legitimis L. 12. §. 4. L. 14. L. 17. *hoc tit.* Pater quoque liberos: dominus servos sepelire debet, L. 21. L. 31. §. 1. *hoc tit.* Maritus non nisi in subsidium tenetur, si uxor sit indotata L. 16. *seq. L. 22. L. 27. seq. ff. hoc tit.*

§. CCLXXIX.

Actiois funerariae descriptio. Quæ quum ita sint, actio *funeraria* est actio Prætoria; (§. CCLXXIV.) personalis, ex quasi contractu, negotiorum gestioni æmulo, (*ibid.*) adeoque bonæ fidei, (P. I. §. CDL. 2.) quæ in subsidium, (§. CCLXXV.) & cum privilegio prælationis, (§. CCLXXVII.) datur ei, qui sumptus in funus alienum fecit, (§. CCLXXV. 5) ejulve heredi, L. 31. §. 2. *ff. hoc tit.* contra eos, quibus funerandi incumbit officium, (§. CCLXXVIII.) eorumve heredes, ad sumptus illos, pro defuncti facultatibus & dignitate factos, recuperandos. (§. CCLXXVI.)

§. CCLXXX.

Edictum ut funus ducere liceat? Denique ob eandem publicam utilitatem, (§. CCLXXIV.) Prætor etiam adversus eos videtur edictum proposuisse, qui cadaver sepeliri vetant, illud detinent, nec duci patiuntur. Quam audaciam coercere merito debent omnes magistratus. L. 38. *hoc tit. L. ult. Cod. de sepulcr. viol.* Jure autem novo, qui cadaver detinent obtentu æris alieni, jus crediti amittunt, & tantundem heredibus præ-

De mortuo inferendo, &c. Pars II. 319
præstare tenentur, ac præterea infamia per-
petua & publicatione tertiæ partis bono-
rum plectuntur. Nov. LX. cap. I. & CXXV.
cap. 5. §. 1.

T I T. VIII.

De mortuo inferendo, & sepulcro
ædificando.

§. CCLXXXI.

Superiore titulo de eo actum, qui cada-
ver intulit in locum alienum; jam de
eo, qui illud in locum inferri prohibet, quo
jus est inferendi, vel monumentum extruere
volentem impedit. Priore casu duplex re-
medium proponit Prætor, *actionem in fa-*
ctum, & *interdictum de mortuo inferendo*.
Posteriore *interdictum de sepulcro ædificando*
pollicetur.

Quæstio-
nes hic ex-
plicentur?

§. CCLXXXII.

Actio in factum datur prohibito, quomi-
nus inferret, quo jus erat, non ejus heredi,
adversus prohibentem, non ejus heredem,
in id quantum interest, se non esse prohibi-
tum. L. 9. ff. de religiof. *Interdictum de mor-*
tuo inferendo competit ei, cui jus est, infe-
rendi, contra prohibentem, ut ibi sepelire
liceat, & vis fieri vetetur. L. 1. pr. ff. §. seq.
ff. hoc tit. Simile huic plane est *interdictum*
de sepulcro ædificando, quo impetramus, ut
sepulcrum ædificare liceat, & vis fieri ve-
tetur. L. 1. §. 5. seq. hoc tit.

Earum de-
scriptio.

§. CCLXXXIII.

Quum duo priora remedia ex eadem
caussa nascentur; in arbitrio sane nostro
erit, interdicto uti; an cadavere alibi se-
pulto, in factum ad id, quod interest,
agere.

Ex duabus
prius
alterutra
eligere li-
cebit.

320 Pand. Lib. XI. Tit. VIII.
agere malimus. L. 9. ff. de religiof. & sum-
pt. fun.

§. CCLXXXIV.

Conclusio
hujus ma-
teria.

Sed multa hodie in provipeiis etiam, ubi
purior effulfit religio, de sepultura & sepul-
cris disputantur, quæ non tam ex jure civi-
li, quam ex canonico & ecclesiastico sunt ar-
cessenda. Qualia sunt quæ de sepultura ho-
nesta & inhonesta, solenni & minus solem-
ni; item de sepultura hæreticorum, excom-
municatorum, supplicio affectorum, eorum-
que qui sibi mortem consciverunt, fusa ab
aliis explicantur.



PANDECTARUM

P A R S T E R T I A,

Q U Æ

D E R E B U S

I N S C R I B I T U R.

L I B E R XII.

T I T. I.

*De rebus creditis, si certum petetur, & de
conditione.*

§. I.

Tertia hæc pars digestorum tota est de *Ratio or-*
rebus, L. 2. §. 4. C. de vet. jur. enu- *dinis.*
cl. id est, de rebus creditis, ut pri-
mus titulus habet. Credere est fidem
alterius sequi, & contrahere. L. 1. ff. hoc
tit. & creditores dicuntur, quibuscunque de-
betur ex quacunque actione, vel persequutio-
ne. L. 10. L. 11. ff. de verb. signif. Ergo
in hac parte agitur de contractibus variis.
Quumque ex credito nascentur conditiones,
earque vel certi vel incerti: toto libro hoc,
& initio sequentis, de variis conditionibus
differitur.

§. II.

Primum crediti genus, unde certum con- *Quid mu-*
 dicitur, est *mutuum*, quod est contractus *mutui?*
 O 5 *mutui.*

μοιραναι, re initus, nominatus, (P. I. §. CCCLX. seq.) quo res fungibiles (P. II. §. CXI. 1.) ita dantur, ut fiant accipientis, & tantundem quandoque in eodem genere reddatur.

§. III.

De ex-
matio-
mata. Ex qua definitione patet, I. mutuum consistere tantum in rebus, quæ numero, mensura & pondere constant. L. 2. §. 1. ff. h. t. II. Eum contractum substantiam capere rei traditione. L. 2. §. 3. ff. h. t. III. Mutuum esse alienationem. L. 16. ff. de reb. cred. L. 41. ff. eod. IV. Creditori debitorem obligari non ad idem, sed ad tantundem in eo genere, restituendum, nisi speciem reddere malit. L. 8. pr. ff. mand.

§. IV.

Quæ mu-
tua dari
possint? Quum itaque mutuum consistat in rebus fungibilibus; (§. III. 1.) consequens est, 1) ut mutua dari possit pecunia, frumentum, vinum, & quidquid in genere suo magis functionem recipit per solutionem, quam specie. L. 2. §. 1. hoc tit. 2) Ut in aliis rebus magis sit commodatum, quam mutuum. L. 2. princ. eod.

§. V.

Quomodo
contrahatur mu-
tuum? Quumque traditione contractus hic capiat substantiam; (§. III. 2.) consequens est, 1) ut pactum de mutuando nondum sit mutuum, sed 2) obligatio incipiat a rei datione. L. 2. §. 3. hoc tit. L. 17. pr. ff. de pact. 3) Ut perinde sit, siue ipse creditor rem det, siue ejus nomine alius, L. 15. hoc tit. siue 4) pro pecunia aliud tradatur, ut inde redigatur pecunia, L. 11. princ. hoc tit. modo quæ recepit illud vendiderit, pecuniamque inde redegerit: siquidem alias magis esset contractus innominatus. L. 19. princ. ff. de præscr. verb.

§. VI.

S. VI.

Quum porro mutuum sit alienatio; (S. III. ^{Cujus sit res mutua data?}) sequitur, 1) ut res fiant accipientis, L. 1. S. 2. ff. de obl. & act. pr. Instit. quib. mod. re contr. obl. 2) Ut debitor obstrictus maneat, quamvis res perierit, quod secus se habet, si species debetur. (Inst. S. MIX.) 3) Ut debitor re credita, tanquam sua, abuti possit. L. 5. S. 1. 2. ff. de usufr. ear. rer. quæ usu cons.

S. VII.

Ex eodem axioma patet, 4) eum dare ^{Qui possit credere?} posse mutuum, qui possit alienare. L. 2. S. 4. ff. hoc tit. S. 2. Inst. quib. alien. lic. 5) Eum, qui pecuniam alienam mala fide & invito domino dat mutuum, numos non facere accipientis, sed exstantes a domino vindicari, b. f. consumptos condici, mala fide consumptorum nomine ad exhibendum agi posse. L. 11 S. ult. L. 13. pr. hoc tit. 6) Idem obtinere, si quis a furioso, mente capto, prodigo, infante, pupillo, minore, mutuum sumperit pecuniam. L. 11. S. ult. L. 12. L. 13. L. 19. S. 1. hoc tit. S. 2. Instit. quib. al. lic. L. 24. de obl. & act. *

* Singularis ratio est, cur magistratus provinciarum, quique ibi officio funguntur, fœnus exercere vetantur in provincia. L. 33. ff. hoc tit. Verendum enim erat, ne inviti contrahere cogerentur provinciales, L. unie. Cod. de contr. jud. neve immodico fœnore & exactionibus exhaurirentur. Merrill. Obs. I. 30. Hinc & mutuum sumere pecuniam non licebat iudicibus coram quibus quis litigabat. L. 16. C. si cert. per.

S. VIII.

Quum præterea ex hoc contractu nascatur ^{Quibus?} obligatio. ^{O 6}

obligatio; (S. III. 4.) consequens est, 1) ut iis credi possit, qui possunt obligari: L. 34. S. 1. *hoc tit.* adeoque 2) non furiosis, mente captis, infantibus, nec pupillis, sine tutorum auctoritate. L. 3. C. *quand. ex fact.* nec minoribus & prodigis, sine curatorum consensu. S. 9. *Inst. de inut. stip.* (P. I. S. CCCLXVII. 2. CCCLXVIII.) 3) Ut hi tunc denum obligentur, si probetur, pecuniam in rem eorum versam. (P. I. S. CCCLXII. 1.) L. 1. L. 2. C. *si adv. cred.* 4) Ut neque civitates, sed administratores, teneantur ex mutuo, nisi probetur in rem versum. L. 27. ff. *hoc tit.*

S. IX.

Debitorum obligatio. Ex eodem axioma (S. III. 4.) sequitur, 1) plures debitores non teneri in solidum, nisi sint correi. L. 5. C. *si corr. pet.* 2) Plurium etiam creditorum singulos ratam suam petere posse. L. 9. S. *ead.* L. 13. S. *ultim. ff. hoc tit.* 3) Aliud pro alio invito creditori solvi non posse. L. 2. S. 1. *hoc tit.* L. 16. C. *de solut.* 4) Pecuniam alterius generis recte solvi, modo solvatur tantundem, L. 99. *de solut.* L. 65. S. 1. *de verb. obl.* nisi discrete aliud sibi stipulatus sit creditor. L. 3. *hoc tit.* 5) Mutato pecunie valore, attendendum esse ad tempus contractus. L. 3. *hoc tit.* L. 2. *Con. de vet. num. pot.* (Plura infra Lib. XLVI. Tit. III.)

S. X.

An & usura debeantur? Ex eodem inferendum, 6) usuras non pertinere ad hunc contractum, sed speciatim tantum promissas deberi. L. 24. ff. *de prescr. verb.* L. 3. C. *de usurr.* 7) Ob moram tamen hodie debitorem debere id, quod interest. Add. infra Lib. XXII. Tit. I. S. CIV.

S. XI.

Quæ actio indenascatur? Denique inde facile patet, 8) ex hoc contractu-

De jurejurando, &c. Pars III. 325
tractu actionem nasci, quæ *condictio certi*,
& speciatim *actio mutui* vocatur. L. 5. Cod.
quib. non obl. long. tempor. præscr. Ea est per-
sonalis, stricti juris, (P. I. §. CCCLXV.)
competens creditori, ejusve heredi, (§. VII.)
adversus debitorem, ejusve heredes, (§.
VIII.) ad tantundem in eodem genere red-
dendum. (§. IX.)

§. XII.

Solent hic Doctores etiam de *Litterarum obligatione* agere, quia illam mutuo quodammodo similem esse animadvertunt. Quum vero de ea fideant Pandectæ, nihilque hic addendum videatur iis, quæ jam ad Institutiones differuimus; (*Inst. §. DCCCLXXXVII. sequent.*) non est, quod hic actum agere velimus.

An hic de
litt. oblig.
agendum?

T I T. II.

*De jurejurando sive voluntario, sive necessario,
sive judiciali.*

§. XIII.

Vidimus primam certi conditionem ex *mutuo*. Sequitur altera ex *jurejurando*, de quo hoc & sequente titulo ex instituto agitur. Est autem *jusjurandum* religiosa asseveratio per invocationem Dei, tanquam vindicis, si jurans sciens fefellerit.

Quid jus-
jurandum?

§. XIV.

Quia itaque est asseveratio; (§. XIII.) consequens est, 1) ut jurare non possint, quorum nullum est animi judicium, quales sunt furiosi, mente capti, infantes, & infantie proximi, ebrii, &c. *can. 16. caus. 2. quæst. 5. 2*) Ut cogendi non sint pubertati proximi. L. 34. §. 2. *hoc tit.* quamvis, si velint,

Qui jurare
possint?

lint, recte jurent conscientie adversario, modo jurent in suum commodum, L. 26. *pr. hoc tit.* siquidem alias jusjurandum impuberi fraudi non est. *Auth. sacram. publ. Codic. si adv. vendit. 3*) Ut puberes recte jurent. *Auth. ead.* multoque magis 4) majorennis, sive per se, sive per procuratorem, speciali mandato instructum. L. 9. §. *penult. L. ultim. §. penult. hoc tit.*

§. XV.

Quomodo
jurandum: Quumque sit asseveratio religiosa; (§. XIII.) satis patet, jurandum esse 1) libere & ex animi sententia, adeoque 2) jusjurandum vi metuque injuste extortum, non ratum, sed nullum, aut (ex principiis juris can.) rescindendum esse. *Auth. sacr. publ. C. si adv. vend. 3*) Omnem cavillationem & fraudem jurantis perjurium esse. L. 18. *hoc tit. 4*) Jusjurandum attemperandum esse cujusque religioni. L. 5. §. 1. *hoc tit.*

§. XVI.

De quibus
rebus? Ex eodem inferre licebit, 4) jusjurandum ratum esse de rebus licitis, non contra leges & bonos mores, L. 5. *Cod. de Legib. 5*) Non per omnia probandum esse axioma juris canonici: *Omne jusjurandum est servandum*, quod salva æterna salute servari potest. *Cap. cum contingat. 28. X. de jurejur. & cap. 1. de pact. in 6.*

§. XVII.

Jusjuran-
dum quo-
tuplex? Ceterum commodissime jusjurandum divi-
ditur in *assertorium*, quod de rebus vel fa-
ctis præteritis; & *promissorium*, quod de fu-
turis præstat, quodque jure Romano non
magis actionem produxit, quam pactum nu-
dum. B. Hub. *Praelect. ad Inst. tit. de act. §. XI.* Illud modo de facto alieno præstat, quale est jusjurandum testium. L. 16. L. 18. *Cod. de test.* modo de factis propriis: idque

De iurejurando, Etc. Pars III. 327
in rubr. hoc tit. in voluntarium, necessarium
& iudiciale dispescitur.

§. XVIII.

Voluntarium est, quod pars parti defert Quid vo-
extra iudicium, per modum conventionis. luntariū?
L. 17. pr. hoc tit. L. 25. L. 26. §. ult. hoc tit.
Quumque illud contineat speciem transactio-
nis; L. 2. ff. hoc tit. merito Prætor, se ex eo
actionem daturum, edixerat. L. 3. princ. L. 7.
hoc tit.

§. XIX.

Quum Itaque sit instar transactionis; (§. A quo &
XVIII.) consequens est, 1) ut deferre illud quomodo
possit, qui potest transigere, id est, qui libe- deferatur?
ram habet rerum suarum administrationem.
(P. I. §. CCCLXXX.) L. 17. §. 1. L. 18.
hoc tit. 2) Ut præstari possit de rebus, in
arbitrio paciscentium positis, L. 34. princ. ff.
hoc tit. (P. I. §. CCCLXXXI. seq.) 3) Ut
in arbitrio cuiusque positum sit, præstare id
velit, nec ne, adeoque 4) nec a deferente
exigere queat iusjurandum calumniæ. Dis.
Maestert. ad L. 31. hoc tit.

§. XX.

Ex eodem colligas, 4) præstito hoc iure-
jurando, non quæri amplius, an pecunia de- Eius esse-
beatur, sed an juratum sit? L. 5. §. 2. L. 9.
§. 1. L. 28. L. 30. hoc tit. §. 11. Institut. de
actiō. 5) Jurantem & actionem habere ad-
versus deferentem, si deberi sibi iuravit, d.
§. 11. Inst. de act. & 6) multo magis exce-
ptionem, si se haud debere iuravit, §. 4.
Inst. de except. L. 9. §. 1. L. 28. §. ultim. ff.
hoc tit. 6) Conditionem hanc ex iurejurando
esse Prætoriam, personalem, adjectitiæ qua-
litati, quum tantum actioni, quæ ante ius-
jurandum competebar, accedat. L. 13. §. 3. 5.
ff. hoc tit. Stryk. Us. ff. hoc tit. §. XVI.
pag. 464. seq.

§. XXI.

Quomodo
præstan-
dum?

Ceterum, quia per modum conventionis defertur; (§. XVIII.) per se patet, 7) non præstandum esse sponte, sed altero deferente. *L. 3. pr. §. 4. L. 5. L. 33. hoc tit. 8*) illud nihili esse, si alia forma, & conditione, quam alter detulit, præstetur: *L. 3. §. ultim. L. 4. L. 5. pr. §. 1. hoc tit. 9*) pro præstito contra haberi, si alteri, ad jurandum parato, remittatur. *L. 5. §. ult. L. 9. §. 1. hoc tit.*

Jusjuran-
dum neces-
sarium.

Jusjurandum *necessarium* * est, quod in judicio pars parti loco probationis defert, ex decreto judicis præstandum, aut referendum. Unde & id non modo transactionis, sed & rei judicatæ speciem continet. *L. 2. hoc tit.*

* Hic, ne erres, monendum, jusjurandum *necessarium* & *judiciale* in rubrica quidem hujus tituli occurrere, sed in ipso titulo non defini-ri. Unde his inter Græcos & Latinos, hosque citramontanos & ultramontanos. Stephanus Interpr. *Basilic. Lib. XXII. tit. 3. leg. 1.* Necessarios ὁρμῶς vocat εἰς τὴν δίκην τινὸς καὶ κατηγοροῦν ἐπὶ τῶν τεθέντων δόκτος ἐπαγομένην, ὁ δὲ δίκης ἐπιφέρει, quod in judicio iudex, uno litigatorum ad alterius delationem deferente, imponit. Judiciale autem ipsi est jusjurandum, ὃ ὁ δίκης αὐτὸς οὐκ αἰτῶσθαι, ἀλλ' ἐξ οἰκείας κινήσεως προαίρεσθαι ἐπιφέρει, quod ipse iudex non rogatus, sed ex proprio voluntatis motu defert. Alii aliter. Vid. Maran. in *Paratit. h. t.* Merill. *Obs. III. 13.* At Latini fere *necessarium* vocant, quod a iudice defertur, *judiciale*, quod a parte parti defertur, quamvis & hac in re aliud placeat citramontanis. Vid. Ant. Fab. *Ration. ad L. 1. ff. hoc tit.* Ant. Matth. de *judic. Disp. X. 6.* B. Huber. *Prel. hoc tit.*

hoc tit. §. 6. In re nullius momenti Græcorum hypothesein, utpote in his terris receptiorem, sequuti sumus.

§. XXIII.

Quum itaque & hoc sit instar transactionis, (§. XXII.) consequens est, 1) ut illud recte deferant, quicumque liberam habent rerum suarum administrationem, sive ipsi id faciant, sive per procuratores, mandato speciali instructos. (§. XIX. 4.) L. 17. §. 3. L. 18. L. 19. L. 34. §. 1. *hoc tit. 2*) Ut deferri possit omnibus, qui possunt jurare, & conditionem suam meliorem reddere; pupillis tamen non nisi volentibus. (§. XIV. 3) Ut recte deferatur de causis super quibus & transigere licet, (§. XVI. 4) L. 3. §. 1. 3. L. 9. §. 2. L. 34. *princ. ff. L. 10. Cod. hoc tit.* adeoque non super criminibus, (P. I. §. CCCLXXXII.) maxime, quum accedat præsentissimum perjurii periculum. L. 1. *ff. de bon. eorum.*

A quibus, cui & super quo deferatur?

§. XXIV.

Quumque sit loco probationis; (§. XXII.) consequens est, 1) ut & actor ratione actionis, & reus ratione exceptionis, illud deferre possit, quamvis neuter aliquid probarit: L. 35. *princ. ff. L. 12. princ. Cod. hoc tit. L. 25. §. penult. ff. de probat.* idque 2) tum antea, tum post litis contestationem. L. 12. *pr. Cod. hoc tit. 3*) Ut non prius rata sit illa delatio, quam iudex super illa sit interloquutus. L. 12. §. 1. C. *hoc tit. 4*) Ut deferens jurare teneatur de calumnia. L. 34. §. 4. *hoc tit.* & iusjurandum delatum alias pro præstito habetur. L. 57. *hoc tit.*

Quomodo deferatur, & quo effectus?

§. XXV.

Quia itaque præstatur prævia sententia iudicis interloquutoria; (§. XXIV. 3.) facile

Delatum aut præstandum.

patet, 5) illud aut præstandum, aut referendum esse. * L. 38. *hoc tit.* nisi vel α) deferatur ab eo, qui deferre non potest. (S. XXIII. 1.) L. 35. S. 1. *hoc tit.* vel β) deferens illud jam semel revocavit, L. 11. C. h. t. vel γ) de calumnia jurare nolit. L. 37. ff. h. t. (S. XXV. 4.) vel δ) ipsa delatio fiat super facto alieno. L. 11. ff. de rer. amot. vel ϵ) super eo, super quo juratum, (S. XXII.) vel δ) formula jurisjurandi sit improbatæ religionis. (S. XV. 4.) L. 5. S. 3. *hoc tit.* 6) Præstandum esse in iudicio, nisi quod ad personas egregias, & valetudine impeditas, domum mittitur. L. 15. *hoc tit.*

* In Germania addunt vel conscientiam exonerandam esse probatione, (*seyu gewißen mit Beweiß zuvertreten*) qua defuncti nihilominus adhuc jusjurandum delatum præstare possunt. Sed hoc jurisprudentia nostra ignorat. Vid. cap. 2. Xi de prob.

§. XXVI.

Aut referendum.

Relationis autem quum ea natura sit, ut, qui jurare iussus ab adversario, potius se adversa. ii jurisjurando stare velle promittat; res ipsa sane docet, 7) ei locum esse, si uterque rei vel facti notitiam habeat. L. 34. S. 8. *hoc tit.* 8) semel relatam absolute præstandum, nec exigi debere a referente, sed deferente potius, jusjurandum calumniæ. L. 34. S. 7. *hoc tit.*

§. XXVII.

Ejus præstiti effectus.

Denique quum jusjurandum hujusmodi sit pro re judicata; (S. XXII.) sequitur, 1) ut secundum jusjurandum ferenda sit sententia, L. 34. S. ult. *hoc tit.* & tunc 2) nec appellatio adversus hujusmodi sententiam interponi, L. 52. S. 1. 2. 3. Cod. de reb. cred. nec 3) ea ob-

De jurejurando, &c. Pars III. 331
obtentu perjurii retractari possit. *L. 31. ff.*
L. 1. Cod. hoc tit.

S. XXVIII.

Reliquum est jusjurandum *judiciale*, quod, ^{Judiciale} partibus etiam non petentibus, super facto ^{quotuplex?} dubio a iudice deferretur. *L. 31. ff. hoc tit.* Quod si iudex deferret parti, pro qua militat probatio semiplena, *Suppletorium*; sin illi, contra quam præsumptiones, vel indicia non satis probata, militant, *Purgatorium* a doctoribus vocatur. Quamvis, si verum fateri velimus, suppletorium jusjurandum in jure nostro nullum reperiatur præsidium, & actore non probante plene, reus absolvendus sit. *L. 19. §. 1. C. de test. Duaren. Disp. anniv. II. 33.* Vulgo tamen id probant ex *L. 31. ff. L. 3. Cod. hoc tit.*

S. XXIX.

Ex quibus definitionibus patet, 1) suppletorium non deferri, nisi ei, qui semiplene jam probavit, (id quod probari solet ex *L. 3. C. de reb. cred. L. 12. ff. de test. L. 38. de re jud.*) ita ut ea probatio non fuerit ab adversario elisa. A. A. Pagenstech. *Ad monit. ad Pand. hoc tit. p. 254.* 2) Illud & actori ratione actionis, & reo ratione exceptionis, deferri posse. 3) Locum ei esse duntaxat in causis civilibus, non in judiciis publicis, in quibus accusatoris jusjurandum ad irrogandum supplicium non sufficit. *L. ult. Cod. de probat.*

S. XXX.

Nec minus inde manifestum est, 1) purgatorium in civilibus æque ac criminalibus deferri posse, si in his indicia non sufficiant diris quæstionibus. 2) Jurare renuentem pro confesso esse habendum. *L. 6. §. 4. Cod. de his, qui ad eccl. confug. & tot. tit. X. de purg. canon.* 3) Alioquin, hoc & suppletorio præ-

Suppletorii natura.

Purgatorii indoles.

332 *Pand. Lib. XII. Tit. II.*
præstito, pro jurante esse pronuntiandum.
L. 31. ff. hoc tit.

§. XXXI.

Utriusque
effecta.

Quemadmodum autem utrumque iusjurandum non per modum conventionis, sed a iudice defertur; (§. XXVIII.) ita inde fuit, 1) neutrum esse instar transactionis, adeoque 2) & de perjurio quæri, * & 3) sententiam ob instrumenta nova, eaque sola, rescindi, & 4) a sententia, secundum alterutrum jurantem lata, appellationem interponi posse. *L. 31. ff. hoc tit. L. ult. §. 1. ff. de appell. L. 1. L. ultim. §. 1. 2. 3. Cod. de reb. credit.*

* At qua perjurii pœna? Nulla opinor olim, quum Deorum injurias Diis curæ esse crederent Romani. Tacit. *Ann. I. 73.* Cujac. *Obs. II. 19.* Equidem de saxo Tarpejo quosdam dejectos dicit Gell. *XX. 1.* non tamen perjuros quoscunque, sed qui falsum testimonium dixerant. In *L. 13. §. ultim. ff. de jurejur.* fustibus castos legimus; sed non omnes perjuros, verum illos, qui per genium principis pejeraverant, quod in injuriam principum vergere credebatur. Add. Tertull. *ad Scapul. Min. Fel. Octav. pag. 284.* Harmenop. *Prochir. VII. 1.* Immo & fustium pœnam remisit hoc casu Alexander Imp. *L. 2. C. de reb. cred. de qua lege cum superiore concilianda vid. Cujac. Obs. VIII. 6.* Infamiam tamen perjuris minatur Arcadius & Honorius AA. *L. 41. Cod. de transact.* Legi hic merentur, quæ scripsit V. C. Henr. Bern. Reinold. *Var. Cap. XV.*

T I T. III.

De in litem jurando.

§. XXXII.

HActenus de Jurejurando generatim. Sequitur *jusjurandum in litem*, tunc præstandum, quando non quæritur, an, sed, quantum debeatur? Quapropter est *jusjurandum*, quod actor ejus, quod sibi e patrimonio abest, & ex contumacia non restituitur, æstimandi causa, a judice deferente præstat. *L. 1. ff. hoc tit.*

Jusjurandum in litem quid?

§. XXXIII.

Illud vulgo Doctores dividunt in *jusjurandum Veritatis*, quo actor rem, quæ culpa alterius periit, æstimat tanti, quanti ea est: & *Affectionis*, quo actor rem, quæ dolo alterius periit, æstimat ex affectione ultra verum pretium. Hunn. *de Rer. æstimat. Sect. II. quæst. 5.* Sed hæc invita Themide. Æstimatio enim semper fit in infinitum, non exclusâ judicis facultate, modum illi statuendi. *L. 1. L. 2. §. 1. L. 4. §. 2. hoc tit. Vid. D. Thomas. Diss. de pret. affect. in res fungib. non cadente. Cap. III. §. 3. seq.*

Dividitur in veritatis, & affectionis jusjurandum.

§. XXXIV.

Quum itaque *jusjurandum in litem* ad rem æstimandam comparatum sit; (§. XXXII.) sequitur 1) ut a solo judice deferendum sit. *L. 4. §. 1. ff. hoc tit.* 2) Ut id præstet actor, qui rerum suarum petit æstimationem. *L. 7. hoc tit.* 3) Ut & tutor curatorve possit jurare in litem pro pupillo, furioso, prodigo, minore, nec tamen ad jurandum cogendus sit. *L. 4. pr. ff. hoc tit.* 4) Ut nec pupillo

A quo, & cui deferatur?

pillo deferri possit. *L. 4. pr. hoc tit. nec §)*
 procuratori. *L. 7. hoc tit.*

§. XXXV.

In quibus
causis? Nec minus inde manifestum est, §) de
omni re corporali, ac incorporali, in litem
jurari posse. *L. 7. ff. si serv. vind. 6)* modo
& affectionem & æstimationem recipiat, *L. 3.*
hoc tit. & 7) nobis restituenda sit ex judi-
cio bonæ fidei, aut arbitrario. *L. 2. L. 5. pr.*
ff. hoc tit.

§. XXXVI.

Contra
quem? Quumque detur ob contumaciam rei; (§.
XXXII.) sequitur, 1) ut ei locus sit, si reus
dolo malo non restituat, *L. 5. §. 3. ff. hoc tit.*
vel, quæ æquiparari solet, culpa lata. *L. 2.*
Cod. hoc tit. non ob culpam rei levem, vel
levissimam. *L. 5. §. 3. hoc tit. 2)* Ut non
juretur adversus heredes, nisi lite contesta-
ta. *L. 4. L. 5. C. hoc tit.*

§. XXXVII.

In quan-
tum jura-
ri possit? Quum porro res æstimetur ultra verum re-
rum pretium; (§. XXXII.) sequitur, 1)
ut actori jurare liceat in infinitum. *L. 1.*
L. 2. §. 1. L. 4. §. 2. hoc tit. 2) Ut id tamen
intelligendum sit civiliter, salva moderatio-
ne judicis, ne, arrepta occasione, in im-
mensum juretur. *L. 4. §. 2. L. 5. §. 1. hoc tit.*
3) Ut ordinarie in judiciis b. f. & arbitra-
riis, locum habeat hoc jusjurandum. *L. 5.*
hoc tit. L. 25. §. 10. de her. pet. L. 18. pr. ff.
de dol. mal.

§. XXXVIII.

Quando
cesset? Ex quibus facile patet, cur cesset hoc jus-
jurandum 1) in actione empti, (§. XXXV.
7.) *L. 4. C. de act. empt. 2)* in judiciis stricti
juris; (§. XXXVII. 3.) *L. 5. 6. ff. hoc tit. 3)*
in actione furti, (§. XXXV. 7.) quum tamen
in conditione furtiva in litem jurare possit
actor.

De cond. caussa data, &c. Pars III. 335
actor . L. 9. ff. hoc tit. L. 14. §. 19. L. 71.
ff. de furt.

§. XXXIX.

Ad jusjurandum in litem quodammodo ac-
cedit Zenonianum, quod, prævia æstimatio-
ne, facta a iudice, pro personarum vel re-
rum qualitate, præstatis, cujus res invasæ
direptæve sunt, si singularum rerum pretium
probare nequeat, eo effectu, ut reus præ-
stet, in quantum juratum. Sedes hujus ju-
risjurandi est in L. 9. C. unde vi. Quumque
eo nihil sit æquius; merito mireris, jure Sa-
xonico rem potius hoc casu jurare, damnum
minoris esse. Quod jusjurandum Saxones vo-
cant *minorationis*, vel *den Berminderungs* Cyd.
quamvis & Zenonianum ibi admitti soleat.
Vid. Schilt. Exerc. XXIII. 58. Carpz. Part. I.
Const. 23. def. 17. Horn. Diss. de jurejur. Ze-
non. §. penult.

Jusjuran-
dū Zeno-
nianum.

T I T. IV.

De conditione caussa data, caussa
non sequuta.

§. XL.

Tertia conditio certi est conditio *Caus-
sa data, Caussa non sequuta* quæ & con-
ditio *ob causam dati*, appellatur L. ult. ff.
hoc tit. cujus fundamentum vulgo esse ajunt
contractus innominatos *do, ut des*; vel *do,
ut facias*. Quum enim ea sit horum contra-
ctuum indoles, ut retractari possint, quam-
diu non ab utraque parte adimpleri sunt;
(P. I. §. CCCLX.) L. 5. §. 2. L. 7. ff. de
prescr. verb. consequi putant, ut qui ob caus-
sam dedit, caussa non sequuta, datum jure
meritoque repetat.

Conditio-
nis hujus
fundamen-
tum an sit
contractus
innomina-
tus?

§. XLI.

Verum
ejus fun-
damētum.

Enimvero quamvis hic contractus occasio-
nem det huic conditioni ; tamen quia ex
contractu non agitur ad contractum rescin-
dendum , sed adimplendum , dici sane ne-
quit , hanc conditionem ex contractibus il-
lis innominatis nasci . Est ergo potius ex qua-
li contractu . Fingunt enim & præsumunt le-
ges , illum , qui ob causam accepit , tacite
se obligasse extra id , quod actum erat , ut ,
causa non secuta , acceptum restituat . (P. I.
§. CCCLXII. 1.) L. 13. §. 2. *fn. ff. commod.*
Vid. Bachov. *ad Treutl. Vol. I. Diff. XXII.*
§. 1. *lit. A. & F. Struv. Exerc. XVIII. 4.*
Noodt. *hoc tit. pag. 293.*

§. XLII.

De ejus
natura a-
xiomata.

Inde ergo fluunt axiomata : I. *Conditio*
hæc datur occasione contractus innominati :
do, ut des, vel do, ut facias . II. Eadem
vel ideo æquissima est , quod nemo debeat
cum alterius damno fieri locupletior . (P. I.
§. CCCLXII. 1.)

§. XLIII.

Ejus caus-
sa, & dif-
ferentia ab
aliis con-
ditioni-
bus.

Quum ergo detur occasione contractuum
innominatorum : *do, ut des; vel do, ut fa-*
cias ; (§. XLII. 1.) facile patet , eam insti-
tui , si quid datum , non si quid factum sit ob
causam futuram , L. 1. *seq. hoc tit.* quo ipso
differt a *Conditioe indebiti* . 2) ob caus-
sam , de qua conventum . L. 6. L. 7. C. *hoc tit.*
quo ipso discrepat a *Conditioe sine causa* .
3) ob causam honestam , L. 1. *ff. hoc tit.*
L. 1. §. 1. *ff. de cond. ob turp. caus.* quo ipso
a *Conditioe ob turpem causam* discernitur .
4) ob causam possibilem , quia rei impos-
sibilis promissum plane nullum est . (*Instit.*
§. DXLIX. *) L. 8. C. *hoc tit.*

§. XLIV.

Quando
detur ?

Quumque id agatur , ne quis cum alterius
damno

De cond. causs. data, &c. Pars III. 337
 damno locupletior fiat; (§. XLII. 2) con-
 sequens est 1) ut conditioni locus sit, quo-
 tiescunque causa non sequuta est, sive 2)
 ipsum dantem pœniteat, quod re adhuc in-
 tegra jure facit, (P. I. §. CCCLX.) etiam si
 accipiens contractui stare velit, L. 1. L. 2.
 L. 3. L. 4. pr. §. 2. ff. *hoc tit.* sive 3) acci-
 piens promissum præstare nolit, L. 3. §. 3. §.
ultim. L. ult. ff. L. 8. 9. ult. Cod. hoc tit. sive
 4) casu impeditus, non possit. L. *ultim. ff.*
 L. 5. *Cod. hoc tit.*

§. XLV.

Ex eodem axioma patet, 5) conditio-
 nem hanc esse ex quasi contractu. (P. I. §. CCCLXII. 1.) 6) Eam & heredibus dari,
 L. 2. L. 3. *C. hoc tit.* & contra heredes, L. 8. *C.*
hoc tit. 7) non autem contra successorem sin-
 gularem. L. 4. *C. de rev. perm.* 8) Ea, recte
 peti rem cum omni causa, fructibus, & ac-
 cessionibus, L. 7. §. 1. L. 12. ff. *hoc tit.* L. 38.
pr. §. 1. ff. de usur. non autem 9) cum usu-
 ris, quia est actio stricti juris. L. 4. *Cod. de*
cond. ob turp. causs. 10.) Rei non existantis
 æstimationem esse præstandam. L. 15. *h. t.*

§. XLVI.

Quæ quum ita sint, hæc conditio est
 actio personalis, (§. XLV. 5) stricti juris,
 (§. XLV. 9) quæ datur ei, qui ob causam
 futuram, honestam & possibilem, de qua
 convenerat, dedit, (§. XLIII.) ejusve he-
 redibus, (§. XLV. 6.) adversus eum, qui
 causam non præstitit, (§. XLIV.) ejusve
 heredes, (§. XLV. 6.) ad rem datam cum
 omni causa, accessionibus, fructibusque,
 non tamen cum usuris, restituendam, (§.
 XLV. 8. 9.) vel præstandam ejus æstimo-
 nem. (*ibid.* 10.)

§. XLVII.

Usus hujus conditionis etiamnum esse
Hein. Pand. T. I. P posse, *Ufus hoc
diernus.*

338 *Pand. Lib. XII. Tit. IV.*
 posse, non negaverim. Quia tamen poenitentia facultatem ideo dabit jus Romanum, quia in contractibus innominatis is, qui nondum dederat vel fecerat, alterum ex nudo pacto obligatum habebat, (P. I. §. CCCLX.) & hodie omnia pacta, etiam nuda, producunt obligationem validam; (P. I. §. CCCLXXIV.) cessabit proculdubio casus, de quo (§. XLIV. 2.) Schotan. *Exam. Groeneveg. de Leg. abrog. hoc tit.* Stryk. *Us. ff. hoc tit. §. III.* Nec in Germania, ubi discrimen contractuum b. f. & stricti juris fere ignoratur, iudex dubitabit actori adjudicare usuras, contra ea, quæ (§. XLV. 9.) diximus *Rec. Imp. anni MDC. §. 139.*

T I T. V.

De conditione ob turpem vel injustam causam.

§. XLVIII.

Conditio- nis huius obicura origo. **Q**uartæ etiam conditionis certi *ob turpem vel injustam causam* * obscura origo est. Sive enim ex delicto eam derives, sive ex quasi delicto, sive eam non nativam sed dativam esse dicas: erit quod iure obvertant alii. Quare paullo accuratius inspectione opus erit, unde nascatur obligatio?

* Coniungimus hæc rubrica verba tanquam *superflua*. Quamvis enim alii duplicem inde exculpent conditionem, moti rubricis Codicis *Lib. IV. tit. 7. & 9.* iam ab aliis tamen animadversum est, in *tit. 9. conditionem ob injustam causam*, non aliam esse, quam *conditionem sine causa*. Quum ergo nec solidum *turpium*

pium & injustorum discrimen dari possit, & fatentibus omnibus quoad effectum usumque, nulla sit utriusque conditionis differentia; maluimus illas vel conjungere, vel pro una eademque actione habere. Celeb. Thomaf. ad Strauchium Exerc. XXII. 9.

§. XLIX.

Obligatio illa non videtur oriri ex acceptione ob turpem vel injustam causam, (sic enim semper ad restitutionem esset obstrictus, qui accepit,) sed ex datione honesta ob turpem vel injustam causam. Ideo enim, quia ego dedi honeste, turpiter accipiens obligatur ad restitutionem, adeoque præsumunt finguntque leges, eum se obligasse ad restituendum, quia nemo debet cum alterius damno sine ratione fieri locupletior. (P. I. §. CCCLXII. 1.) Est ergo conditio ex quasi contractu. Hann. ad Vvesemb. hoc tit. num. 3.

Videtur esse ex quasi contractu.

§. L.

Hinc manifeste fluunt axiomata. I. Qui honeste dedit, repetere potest, quod turpiter acceptum. II. Ea quoque actio ideo inventa, ne quis cum alterius damno sine ratione fiat locupletior. (§. XLIX.)

De ea axiomata.

§. LI.

Quum itaque, qui honeste dedit, repetere possit, quod turpiter acceptum; (§. L. 1.) merito infertur, 1) cessare repetitionem, si ipsius dantis sit turpitudine, non accipientis, v. g. si quis meretrici dedit. * L. 4. §. 3. hoc tit. nec non, 2) si par sit dantis, atque accipientis turpitudine, L. 2. §. 1. L. 3. 4. princ. hoc tit. quamvis fiscus turpe hujusmodi lucrum jure eripiat injulte possidenti. Auth. Novo jure Cod. de pen. jud. qui mal. jud. 3) Locum esse conditioni eo tantum casu, si

Quibus detur?

solius accipientis coarguatur turpitudine, veluti si quid datum, ne cædes fieret. L. 1. §. 2. L. 2. princ. §. 1. L. 4. §. 2. ff. L. 1. Cod. hoc tit.

* Illa enim turpiter facit, inquit Ulpianus, quod si meretrix: non turpiter accipit, quum sit meretrix. Quæstus hic turpis erat, si mulier eum prostitueretur. Semel tamen professæ, eum impune faciebat, nec vitio vertebatur mulieri, semel transgressa verecundiæ limites, si gnaviter impudens esset. De professione illa, & conditione corporum quæstuariorum, plura disseruimus in *Comment. ad L. Pap. Popp. L. II. cap. 1.*

§. LII.

Contra
quem, &
ad quid
datur?

Quumque ideo ea actio inventa sit, ne alter cum alterius damno sine ratione fieret locupletior; (§. L. 2.) consequens est, 1) ut sit ex quasi contractu, (P. I. §. CCC-LXII. 1.) adeoque 2) & heredibus, & adversus heredes detur, quamvis id in dubium vocet Cl. Pagenst. *Admon. hoc tit. 3*) Ut & hic repetatur res data cum omni causa, accessionibus, fructibus, L. 38. §. 1. *sequent. ff. de usur. vel 4*) non extantis æstimatio. L. ult. Cod. hoc tit. 5) Ut, si quid promissum ob turpem causam, & cautio, eo nomine data, condici, & adversarii petitio exceptione doli mali elidi possit. * L. 1. C. L. 8. ff. hoc tit.

* Si scilicet manifesta non sit accipientis turpitudine, sed is e. g. ex chirographo, vel alia causa, petat: tunc enim ejus intentionem exceptione elidendam esse, nemo non videt. Alioquin hujusmodi promissio ipso jure nulla est. L. 26. C. L. 123. ff. de verb. oblig.

§. LIII.

§. LIII.

Quamobrem satis patet, esse hanc conditionem actionem personalem, (§. LII. 1) ^{actionis hujus descriptio.} qua is, qui honeste dedit ob turpem causam, (§. LI.) ejusve heredes, (§. LII. 2.) experiuntur adversus eum, qui turpiter accepit, ejusve heredes, (§. LII. 2.) ad rem cum omni causa restituendam, præstandamve æstimationem, cautionemve eo nomine datam reddendam. (§. LII. 3. seq.)

T I T. VI.

De conditione indebiti.

§. LIV.

Quinta certi conditio est *indebiti*, quæ manifeste quasi ex contractu oritur, ^{Quid indebitum?} nempe ex *solutione indebiti*, §. I. *Instit. de obl. quæ quas. ex contr.* §. I. *Instit. de obl. quæ re contrah.* quæ est quasi contractus, quo quis ex errore facti id, quod nec naturaliter quidem debebat, solvendo, alterum, qui ex ignorantia accepit; ad restitutionem obligatum habere censetur. (*Instit. §. CMLXXXVII.*)

§. LV.

Ex qua definitione fluunt axiomata: I. De eo a Conditione indebiti utitur, qui ex errore ^{axiomata.} facti solvit. L. 10. C. L. 9. ff. de jur. & fact. ign. L. 7. ff. L. 6. & 7. C. hoc tit. II. indebitum est, quod nec naturaliter saltem debetur. L. 15. pr. ff. hoc tit. III. Obligatio accipienus hic simillima est obligationi debitoris, maxime si res fungibilis data. Unde & *promutuum* a quibusdam vocatur. §. I. *Instit. de obl. quæ re contr.*

Quis in-
debito so-
luti con-
dicat?

Quum itaque condictione hac utatur, qui ex errore facti solvit; (§. LV. 1.) consequens est, 1) ut, qui sciens solvit, donandi consilio id videatur fecisse, adeoque id condicere nequeat. *L. 1. §. 1. L. 50. ff. hoc tit. L. 53. ff. de reg. jur. 2)* Ut recte contra dicat, qui dubitans solvit, quum qui dubitat, scire non videatur. *L. 2. ff. L. ult. Cod. hoc tit. 3)* Ut error juris non det repetendi causam, *L. 9. ff. L. 10. C. de jur. & fact. ign. L. 7. hoc tit. L. 9. C. ad L. Falc. nisi 4)* iis, quibus jus ignorare licet, quales mulieres, minores, rustici & similes. *d. L. 9. ff. L. ult. C. de jur. & fact. ign. 5)* Ut is demum recte condicat, qui in facto errans, putavit se jure perfecto debere, quum haud deberet. *L. 65. §. 3. L. 52. ff. hoc tit.*

§. LVII.

Quid ea
repeti non
possit?

Quumque condicatur, quod saltim naturaliter non debetur; (§. LV. 2.) consequens est, 1) ut, quamvis civilis nulla sit obligatio, indebiti tamen condictio cesset, modo naturaliter debeat. *L. 13. L. 19. L. 38. §. 2. ff. hoc tit. veluti si quis ex pacto nudo solvit. L. 64. hoc tit. nisi jus civile ex naturali obligatione & actionem & exceptionem plane denegat, * qualis obligatio mulieris fidejубentis, vel intercedentis, L. 40. ff. hoc tit. & pupilli, sine tutoris auctoritate promittentis. L. 41. hoc tit.*

* Ratio enim, cur e.g. ex pacto nudo solum repeti nequeat, ea est, quod repetenti obfutura esset exceptio pacti, *d. L. 64. h. t.* Ubi ergo plane omnem exceptionem denegat jus civile; ibi plane nihil est, quo se tueatur reus, quamvis illi naturaliter debeat. *L. 60. pr. L. 40. ff. hoc tit.*

§. LVIII.

Ex eodem patet, 2) recte condici, quod civiliter quidem debebatur, non autem naturaliter, e. g. si quod metu promisi, solverim. * L. 26. §. 3. 7. L. 40. L. 45. 56. ff. h. r. multoque magis 3) quod nec civiliter nec naturaliter debebatur. L. 16. L. 29. L. 41. ff. hoc tit. quale etiam est, 4) quod ab alio, quam qui debebat, vel alii, quam cui debebatur, solutum. L. 65. §. ultim. ff. L. 5. Cod. hoc tit.

* Quamvis enim jure civili stricto hoc non videretur indebitum; (P. I. §. CDLXVII.) tamen Prætor ob æquitatem naturalem dederat restitutionem in integrum. (Ibid. §. CDLXX.) Quidni ergo & conditio indebiti daretur, quum si vel maxime exciperet reus, promissum ex metu jure civili stricto deberi, actor tamen tutus esset replicatione, nisi restituendus sit in integrum ob metum?

§. LIX.

Quum denique obligatio hæc simillima sit ei quæ ex contractu mutui nascitur; (§. LV. 3.) consequens est, 1) ut hæc conditio sit actio stricti juris; (§. XI.) §. 28. inf. de action. 2) Ut quidem, si restituenda sit species, * ejus etiam fructus & accessiones peti possint, vel si res extincta, ejus æstimatio, L. 7. L. 15. L. 19. §. 2. hoc tit. non tamen 3) usuræ, si quantitas indebite soluta. (§. X. 6) L. 1. C. hoc tit. Id quod hodie passim aliter se habere videtur. (§. XLVII.) Bachov. ad Trentl. Vol. I. Disp. 22. litt. D. E.

Ad quid
detur hæc
conditio?

* Si alternative debens utramque speciem solvit,
ejus electio erit, quam repetere velit. L. 32.

ff. b. r. Aliter Ulpianus *L. 26. §. 13. hoc tit.* sed cujus sententia rejecta *L. pen. Cod. hoc tit.* Quid si vero utraque soluta, alterutra perit? Tunc nec superstes condicatur, nec quæ perit, *d. L. 32. hoc tit.* quia debitor speciei specie existente liberatur.

§. LX.

Ejus descriptio.

Quapropter *condictio indebiti* est actio personalis, (§. LIV.) stricti juris, (§. LIX. 1.) competens ei, qui naturaliter saltem indebitum (§. LVIII. 4.) ex errore facti (§. LVI.) solvit, ejusve heredi, adversus eum, qui ex ignorantia * accepit, (§. LIV.) ejusve heredem, ad restituendum, quod solutum est. (§. LIX. 2.)

* Si enim sciens dolo malo accepit, ipsa condictio furtiva locum habet. *L. 38. §. 1. ff. de solut. L. 18. ff. de cond. furt.* Ceterum inde facile patet, ab actore probari debere & solutionem, & indebitum, quia neutrum præsumitur. Attamen, si reus solutionem negavit, sufficit, si hæc probetur. *L. 25. pr. ff. de prob.* Nec indebiti probatio exigitur a pupillo, minore, muliere, vel forte viro, quidem perfectæ ætatis, sed milite, vel agricultore, & forensium rerum experte, vel alias simplicitate gaudente, & desidiæ dedito. His enim agentibus reus ostendere debet, bene se accepisse pecunias, & debitas ei fuisse solutas, & si non ostenderit, eas redhibere, *d. L. 25. §. 1.* Qui pro parte tantum queritur, vel, debitum postea solutum esse, contendit, is merito probandi fert onus. *L. 25. §. 2. de prob.*

§. LXI.

Quando cesset?

Ex quibus omnibus reddi poterit ratio, cur tot modis cesset hæc condictio. Nec enim

De cond. sine causa. Pars III. 345
 enim 1) datur ob causam transactionis, jurisjurandi, & rei judicate. *L. 26. §. 12. L. 65. §. 1. ff. L. 1. Cod. hoc tit. §. 11. Inst. de act.* quia pro veritate sunt : 2) nec in causis, ex quibus lis inficiando crescit, *§. 7. Instit. de oblat. quæ quasi ex contr.* quia, quod tunc solutum, transactionis causa solutum censetur. *Cel. Thomaf. Schol. ad B. Hub. Instit. Lib. III. tit. 28. §. 12.* nec 3) si pietatis causa subest, *L. 32. §. 2. hoc tit.* quia sic sciens solvisse videtur : (*§. LVI. 1.*) Aliud 4) si actioni huic specialiter renuntiatum, *L. ultim. §. 3. ff. hoc tit.* quia tunc ex errore renuntiassse intelligitur. *Vid. Franc. Duxen. hoc tit. cap. ult.*

T I T. VII.

De conditione sine causa.

§. LXII.

Condictio sexta *sine causa* modo generalis, & reliquarum veluti genus summum est, *L. 1. pr. L. 3. pr. ff. hoc tit. L. 6. C. de cond. ob caus. dat. modo specialis,* quæ datur, ubi reliquæ deficiunt, & æquitas tamen alterum cum alterius damno locupletiores fieri haud patitur. (*P. I. §. CCCLXII. 1.*)

Condictio sine causa quotuplex?

§. LXIII.

Quotiescunque ergo nec ob causam futuram dedi, nec ob causam turpem, nec indebite solvi, & alter tamen rem meam sine causa possidet, toties eam repetere possum conditione sine causa.

De ea 2^a xiomata.

§. LXIV.

Unde ea recte experitur 1) fullo, qui, amissis vestimentis, domino pretium restituit, si dominus vestimenta recuperavit. *L. 2. ff. hoc tit.*

Ejus c. xempla.

hoc tit. 2) Debitor, cujus chirographum creditor, adhuc habet nomine jam expuncto. *L. 2. C. hoc tit. 3*) Mulier, quæ dotem numeravit, quum matrimonium sit nullum. *L. ult. ff. hoc tit.* Quæ exempla satis ostendunt, & aliis permultis casibus locum esse posse huic conditioni.

§. LXV.

Conditio-
nis sine
caussa de-
scriptio.

Quare *condictio sine causa* est actio personalis, competens ei, cujus res sine causa ab alio tenetur, contra eum, qui illam tenet sine causa ad rem istam restituendam. (§. LXIII.)

L I B E R XIII.

T I T. I.

De condictioe furtiva.

§. LXVI.

Conditio
furtiva est
rei perfe-
quatoria
ex delicto.

Septima est *condictio furtiva*, quam ex delicto nasci, nempe ex furto, certissimum est. *L. 2. L. 3. L. 5. ff. de cond. furt.* Quum enim delictum sit factum illicitum sponte admissum, quo quis & ad restitutionem, si fieri possit, & ad poenam obligatur; (*Inst. §. MXXXIII.*) idem & de furto dicendum. Itaque restitutio rei furtivæ *condictioe furtivæ*; poena *actione furti* petitur. (*Inst. §. MLXI. seq.*)

§. LXVII.

Singularia
hujus a-
ctionis.

Enimvero multa singularia hæc actio habet. Nam præter naturam & indolem juris hic dominus rem suam condicit, vel actione personali petit. §. 14. *Inst. de action.* Deinde

vix ratio succurrit, cur, quum rei vindicatio, & actio ad exhibendum, in mundo sit domino, ei & conditio furtiva data sit; Denique hæc actio ex maleficio est, & tamen nec infamat, L. 36. de oblig. & act. & adversus heredes datur. L. 9. hoc tit.

§. LXVIII.

Sed præterquam quod odio furum aliquid recipi potuit; §. 10. Inst. de act. non sane supervacua videri debuit actio, quando nondum receptum fuerat, ut rei vindicatio & adversus eos, qui dolo possidere deficerant, daretur. (P. II. §. LXXXVII. 1.) Nec porro æquum videbatur, ut famosa esset hæc actio, quia est rei persecutoria, L. 36. ff. de oblig. & act. & contra heredes dabatur, & fur, actione furti conventus, estimationis faciebat jacturam. Denique heredes conveniri, vel ideo non erat absurdum, quod rei restitutio & ex bonis peti possit. (Inst. §. MCCLXXIV.) §. 6. Inst. de L. Aquil.

§. LXIX.

Ex his itaque patet, conditionem furtivam esse actionem ex delicto, L. 21. §. 5. de act. rer. am.) personalem, rei persecutoriam, (L. 7. §. 2. hoc tit.) quia dominus rem, sibi furto ablatam, a fure, ejusve herede, dari sibi oportere intendit. Unde axiomata: I. Dominus hic condicit rem suam. §. 14. Inst. de act. II. Condicit eam ex bonis furis.

§. LXX.

Quum itaque dominus condicat rem suam, (§. LXIX. 1) consequens est, 1) ut hæc conditio competat & veris dominis, L. 1. hoc tit. modo rem possederint, (unde legatariis non competit, L. 11. hoc tit.) nec rem ablatam alienarint, L. 10. §. 2. eod. & 2) iis, qui

Germ. heredes furis non tenentur ex delicto, defuncti. Schil. Ex. XIX. 74. Accedunt alia principia, passim recepta, veluti, quod fur laqueo & reip. & domino satisfaciatur. Carpz. Part. IV. Const. 32. def. 22. quod res furtiva, intra annum & diem non vindicata, fisco cedat. Schilt. Exerc. XXIV. 34. seq. quod domino in bonis furis competat tacita hypotheca. Id. §. 49. Sed longa hæc fabula, quam jam alii perpoliverunt satis.

T I T. II.

De conditione ex Lege.

§. LXXVII.

CONDITIONE nis ex lege fundamentum. **E**N octavam conditionem ex Lege, que nascitur ex quavis obligatione, lege nova introducta, si eadem lege cautum non sit, quo genere actionis experiamur. L. un. ff. h. t. Ex quo patet, eam competere, 1) si obligatio nova lege introducta sit, (nam, si eam Prætor introduxit, actio in factum appellatur. L. 11. ff. de præscr. verb.) II. Si eadem lege genus actionis non sit expressum.

§. LXXVIII.

EJUS NATURA. Ex prior axiomate sequitur, 1) ut sit actio personalis, quia ex obligatione nascitur. Ex posteriore, 2) ut sit subsidiaria, adeoque illi locus sit, quotiescunque ex nova lege nec nomen, nec genus actionis eruitur.

§. LXXIX.

ET EXEMPLA. Itaque datur conditio ex lege, quoties agitur 1) ex pacto legitimo. (P. I. §. CCC-LV. *) L. 30. ff. de usur. L. 35. §. ult. C. de don. L. 6. C. de dor. prom. 2) ad supplendam legitimam. (P. II. §. LVI. 4.) L. 30. & L. 35. §. 2.

§. 2. Cod. de inoffic. test. Nov. CXV. cap. 5. 3) ad revocandam donationem, supra modum factam, L. 21. ff. de donat. 4) ad pretium repetendum ab eo, qui rem alienam, bona fide possessam, vendidit, & ex ea re factus est locupletior. L. 32. ff. de reb. cred. 5) ad repetendam pecuniam ab eo, cujus nomine alteri erranti solvimus. L. 32. ff. eod. Ut similia exempla taceamus.

§. LXXX.

Quum itaque sit actio personalis, quæ datur ei, cui quis ex nova lege obligatur; Ejus descriptio, & usus. (§. LXXVII.) contra eum, qui obligatus est, ejusve heredes (nisi ad pœnam ex delicto quis obligatus sit,) ad præstandum, quod nova lex jubet; facile patet, ejus usum esse frequentissimum, & quotidie novos casus occurrere posse, ubi ad hanc conditionem confugiendum sit. Quin quum & mores pro lege sint, (P. I. §. CII. 3.) non absurde a Jurisconsultis commendatur conditio *ex moribus*. Struv. Exerc. XVIII. §1. Schilt. Exerc. II. 20.

T I T. III.

De conditione triticiaria.

§. LXXXI.

Nona hæc conditio *triticiaria* viris etiam doctissimis ingenuam ignorantia suæ confessionem extorquet. Vid. Cel. Noodt. *Comment. Pand. hoc tit. p. 305.* Id tamen hodie per nebulam videmus, eam esse inventam ad æstimationem rei debitæ, justoque tempore non præstitæ, pro ratione loci & temporis consequendam. L. penult. ff. hoc titul.

Conditio triticiaria cur inventa?

§. LXXXII.

De quibus
rebus de-
bitur?

Quum itaque ad æstimationem rei debitæ comparata sit; (§. LXXXI.) facile patet, 1) eam dari de rebus omnibus cujuscunque generis, non autem 2) de pecunia numerata, quæ æstimationem pro ratione loci & temporis non recipit: sed unam potestatem ac valorem habet. L. 1. ff. hoc tit. L. 3. ff. de eo quod cert. loc. L. 1. ff. de contr. empt. 3) Nec interesse, nostra res sit an aliena, corporalis an incorporalis, mobilis an immobilis, modo nobis certo tempore debeat. L. 1. princ. §. 1. L. 2. hoc tit.

§. LXXXIII.

Ad quid?

Quumque æstimatio facienda sit pro ratione loci & temporis; (§. LXXXI.) consequens est, 1) ut, si tempus non adjectum, nec mora commissæ sit a debitore, æstimatio fieri debeat secundum pretium, quod res habuit tempore initi contractus. L. 22. ff. de reb. cred. pr. Inst. quib. mod. re contr. oblig. L. 99. ff. de solut. 2) Ut, si die certo præstanda erat res, æstimatio fieri debeat secundum tempus solutionis, nec, mora licet commissæ, ordinarie crescat æstimatio. L. 12. ff. de reb. cred. L. ultim. ff. hoc tit. L. 37. mand. L. 22. de obl. & act. L. 59. ff. de verb. oblig. L. 11. ff. de re jud. 3) Ut, mora commissæ, omne emergens damnum ferat debitor usque ad sententiam latam, L. 3. hoc tit. L. 2. §. 3. de act. empt. L. 8. §. 1. ff. de cond. furt. L. 12. §. 1. si quis caus. in jud. ff. præterquam si actor in litem jurarit, quia tunc in b. f. judiciis quidem idem manet terminus usque ad tempus sententiæ: in judiciis stricti juris usque ad litis contestationem. L. 3. §. 2. ff. commod. Rem, multis involutam tricis, optime expendivisse videtur

De eo, quod certo loco, &c. Pars III. 353
tur V. C. A. A. Pagenstech. in Diff. ad L.
Vinum 22. ff. de reb. cred. §. 5. seq.

§. LXXXIV.

Quare conditio triticiaria, a tritico tan-
quam nobilissimo mercium genere, vel a pri-
mis edicti verbis, dicta est actio persona-
lis, arbitraria. L. penultim. & ultim. ff. de
cond. trit.) competens ei, cui res qualif-
cunque, præter pecuniam, (§. LXXXII. 2.)
debetur, contra debitorem, ejusve here-
dem, non solventem, ad præstandam pro lo-
ci temporisque ratione rei istius æstimationem.
(§. LXXXIII.)

Ejus de-
scriptio, &
usus.

Ex qua descriptione patet, usum hujus
conditionis in foris fere esse frequentis-
simum, quamvis ejus nomen forte non au-
diatur, & non ubique observentur istæ juris
Romani subtilitates, de quibus superiore §.
diximus. Schilt. Ex. XXIV. 61. B. Huber.
Pand. hoc tit. §. 13.

TIT. IV.

De eo, quod certo loco dari oportet.

§. LXXXV.

DEcima conditio est de eo, quod certo lo-
co, qua opus erat ob discrimen con-
tractum bonæ fidei, & stricti juris. Si enim
certo loco aliquid præstandum erat ex con-
tractu b. f. idque eo loco non præstabatur,
opus non erat hac conditione, quia pactum,
contractibus b. f. in continenti adjectum,
producebat actionem ex ipso contractu, cui
adjectum erat, (P. I. §. CCCLVI.) L. 7. pr.
ff. hoc tit. & judici tunc erat facultas ex bono
& æquo æstimandi, quod alter alteri dare,
facere, deberet. (Inst. §. MCLXXXV.)
§. LXXXVI.

Hac condi-
tione non
opus erat,
si debeba-
tur quid
ex contra-
ctu b. f.

Sed si quid
certo loco
tantum ex
contractu
stricti ju-
ris.

Contra ea, quum pactum contractui stricti juris adjectum, exceptionem, at non actionem produceret; (P. I. §. CCCLVI.) nec iudex hic quidquam, extra id, de quo convenerat, arbitrari posset; non poterat sane debitor, qui Ephesi se soluturum promiserat, Romæ conveniri in foro domicilii, * nec actio prodita erat creditori adversus debitorem, nisi si is Ephesum veniret. Quo ipso, quia data opera obligationem eludere poterat creditor, Prætor merito hanc conditionem introduxit. L. 1. ff. hoc tit.

* Partim, quia Romæ se soluturum nunquam promiserat, sed Ephesi: partim, quod ejus actioni proculdubio obstitisset exceptio pluris petitionis ratione loci. §. 33. Instit. de action.

§. LXXXVII.

Est illa
adjectitiæ
qualitatis.

Ea vero non est conditio specialis, sed adjectitiæ qualitatis. Quemadmodum enim creditor contra debitorem, Ephesi solvere obligatum, Ephesi agit conditione certi ex mutuo, ex stipulatu, actione de constituta pecunia; ita extra Ephesum cum debitore agit ex mutuo, stipulatu, constituta pecunia, de eo, quod certo loco.

§. LXXXVIII.

De ejus-
tura axio-
mata.

Ex quo patet: I.) Actionem hanc instituendam in loco domicilii, eumque solum intelligi in L. 43. ff. de judic. * II. Ea a debitore peti non modo, quod alio loco se soluturum promisit, sed & quod interest, illo loco solutum non esse. L. 2. pr. §. 1. ff. L. unic. Cod. hoc tit.

* Non opus hic ambagibus. Nec foro contrah-
tus

Etus hic locus est, quia ibi agitur ex stipulatu, vel mutuo, sine adjectione quod certo loco, (§. LXXXVII.) nec foro delicti, vel rei sitae, quia hic nec ex delicto agitur, nec actione in rem, nec foro prorogatae jurisdictionis, quia hic quaeritur, ubi reus possit invitatus conveniri? Ergo in foro domicilii agendum. Add. Struv. Exerc. XVIII. 69.

§. LXXXIX.

Ex posteriore axiomate fluit, 1) agi hic de re, certo loco non data, non de facto, certo loco non praestito. * § ultim. Inst. de verb. ob. L. 13. ff. de re jud. 2) Ut actioni locus sit, si non datum, quod ex qualicunque contractu stricti juris debebatur. L. 2. §. 1. L. 5. L. 6. L. 7. §. 1. hoc tit. L. 16. de const. pec. 3) Ut mora debitoris noceat & heredi, & fidejussori, sed huic eatenus, ut obligatio ejus perpetuetur, non ut augeatur. L. Centum Capuae §. ff. hoc tit.

* Factum enim si alio loco praestaretur, non esset idem factum. L. 2. §. 5. hoc tit. L. 115. ff. de verb. oblig. Ita recte subtilem veterum philosophiam expressit Hub. Præl. ad ff. hoc tit. §. 6.

§. XC.

Nec minus inde inferimus, 4) judicem Ad quid : ex actione principali condemnare reum, ut solvat, quod promisit. L. 1. L. 8. ff. hoc tit. ex adjectitia autem ejus qualitate 5) arbitrari, quantum vel actoris interfit, pecuniam in loco constituto non esse solutam. L. 2. princ. §. 1. L. 3. ff. L. unic. Cod. hoc tit. vel rei, illam ibi non esse acceptam. * L. 2. pr. ff. hoc tit.

* Ita intelligendam puto hanc legem : neque placet

placet interpretatio Lauterbachii, qui rei etiam rationem habendam putat, licet in mora fuerit.

§. XCI.

Conditio-
nis hujus
descriptio?

Est itaque hæc actio prætoriam, (§. LXXXVI.) personalis, adjectitiæ qualitatis, (§. LXXXVII.) arbitraria, (§. XC.) instituenda in loco domicilii, (§. LXXXVIII. 1.) ab eo, cui certo loco ex contractu stricti juris dandum erat, ejusve herede, contra illum, qui non solvit, ejusve heredem, vel & fidejussorem, (§. LXXXIX. 3) & contra illum quidem ad solvendum, quod debebat, præstandumque, quod interest; (§. XC.) contra hunc autem, ut solvat, quantum debitor principalis debebat. (§. LXXXIX. 3.)

§. XCII.

Quando
cesset?

Cessabit itaque hæc actio. 1) si actor plane in mora non fuerit, veluti si pecuniam, in loco a se oblatam, depositam, vel statim solvendam dicat. *L. 4. §. 1. h. t.* 2) Si debitoris sit arbitrium, quo locoolvere velit. * *L. 1. §. 2. 3. 4. hoc tit.* 3) Si creditor pecuniam post moram sine protestatione acceperit, quia sic remissile videtur debitori, quod intererat. *L. ult. in fin. hoc tit.*

* His legibus ita cautum. Aut quis promissit copulativa propositione: *Ephefi & Capue centum*, aut disjunctiva. Priore casu divisa est obligatio, adeoque pars *Ephefi*, pars *Capue* præstanda. *L. 2. §. 5.* Posteriore disjunctim mentio fiet, aut diversorum locorum: *Ephefi aut Capue centum*, aut diversarum rerum: *Stichum aut centum dabo Ephefi*: aut rerum locorumque simul: *Ephefi decem aut Capue servum dabo*. Et tunc in prima specie debitoris optio est ubi velitolvere, at, eo non solven-

vente, creditor arbitrat, utriusque eum convenire malit. *L. 2. §. 3. b. t.* Idemque obtinet in specie ultima. *L. 2. §. 2. 3. hoc tit.* In secunda debitor optat, Stichum an centum dare velit. *L. 2. §. 3. hoc tit.*

§. XCIII.

Ceterum postquam hodie discrimen illud contractuum b. f. & stricti juris, cui hæc conditio originem debet, (§. LXXXV.) ferre ubique exolevit, vel, quia illud, ut rectius dicamus, nunquam receptum est; (P. I. §. CCCLXV.) facile patet, hodie sine illa qualitate adjectitia agi posse ex quocunque contractu, ad id, quod interest, loco constituto rem datam non esse. Schilt. *Exerc. XXIV. 63. seq.*

Ufus hodiernus.

T I T. V.

De pecunia constituta.

§. XCIV.

UNdecima superest conditio *Constitutoria*. Est autem *Constituere*, convenire de certo die, vel tempore, quo aliquid fiat. Hinc *constitutum* Ciceroni *pro Cæc. Cap. VII.* dicitur dies, ad quem litigantem privatim disceptare decreverunt. *Ad constitutum* idem est, ac die conventionis definito, *Cic. Lib. XI. ad Attic. Epist. I.* Itaque *pecuniam constituere*, est conventionem definire diem, quo die pecunia, a nobis aliisve debita, solvenda sit. *Gron. Obs. I. 1.*

Quid constituitur.

§. XCV.

Jam facile est ad intelligendum, hujusmodi constitutum, nisi stipulatio accesserit, nullam produxisse obligationem (P. I. §. CCCLI.)

Constitutum primum leges pro-

Et

harant in
argentariis.

Et tamen frequentissime eveniebat inter argentarios, ut absentes promitterent absentibus, pecuniam, vel rem quamvis Romæ debitam, certo die Ephesi datum iri, adeoque stipulatio huic constituto accedere haud posset. Hinc utilitatis causa placuit, validam esse huiusmodi pactionem argentariorum, & inde dari actionem *Receptitiam*, modo verbis civilibus & solemnibus, licet non per stipulationem, iniretur. *L. 2. Cod. hoc tit.* Theoph. ad §. 8. de action. Salmaf. de modo usur. cap. XVI.

§. XCVI.

Prætor
etiam in
aliis per-
sonis.

Hoc exemplum imitatus Prætor & ad alias personas hoc produxit, & grave putans, si-
dem, maxime iterum datam, fallere, edi-
xit: qui pecuniam debitam constituerit, eum
adveniente die solvere debere, sique appareat
eum neque solvisse, neque fecisse, neque per
actorem stesisse, quo minus fieret, quod consti-
tutum sit, eamque pecuniam, quam constitui-
retur, debitam fuisse, adversus eum de pecu-
nia constituta se actionem daturum. *L. 1. §. 1. L. 16. §. 2. L. 18. §. 1. L. 25. ff. hoc tit.* De-
nique Justinianus actionem receptitiam sustu-
lit, & si quid plenius ei inesset, in actionem
constitutoriam transtulit. *L. 2. princ. Cod. hoc tit.*

§. XCVII.

Constituti
definitio.

Quare *Constitutum* nihil aliud est, quam
pactum prætorium, (*P. I. §. CCCLV.*) quo
quis spondet citra stipulationem, se solutu-
rum esse, quod ipse, vel alius debet. Ita
fere Cujac. in *Paravit. h. t.* nisi quod parum
conumode id pactum pro contractu venditæ,
quem sequitur *V. C. A. A. Pangeft. Apho-
rism. IV. §. 53. p. 424.*

§. XCVIII.

De eo 2-
xiomata.

Inde ergo axiomata: I. *Constitutum est*
pa-

pactum, cui Prætor adfistit. II. Ejus virtus oritur ex promisso geminato. III. Quidquid in receptitia actione fuit plenius, id in constitutoriam actionem translatum est.

§. XCIX.

Quum itaque constitutum sit pactum; (§. XCVIII. 1) consequens est, 1) ut constitut-
re possit, quicumque potest pacisci : (P. I. Quis con-
stituere
possit ? §. CCCLXVII. seq.) L. 1. §. 2. 3. L. 14. L. 15.
hoc tit. adeoque 2) & mulier, modo non
pro aliis constituat in fraudem S^ci Velle-
jani, L. 1. §. 1. ff. *hoc tit.* L. 1. pr. ff. ad C^s.
Vell. nec non 3) filiusfamilias, L. 1. §. 3.
hoc tit. 4) Ut contra non possit pupillus,
sine tutoris auctoritate, L. 1. §. 2. *hoc tit.* 5)
Ut & hoc pactum nec profit tertio, nec ob-
sit, (P. I. §. CCCLXX. 4.) adeoque neque
constituere ego possim, alium soluturum,
L. 5. §. 4. *hoc tit.* nec mihi recte constitua-
tur, alii solutum iri. L. 5. §. 5. *hoc tit.* 5)
Ut quidem non possim mihi aut Titio stipu-
lari; solutionem tamen in me aut Titium
recte conferam. L. 7. §. 1. L. 8. L. 9. L. 10.
hoc tit.

§. C.

Deinde quum hoc pacto adfistat Prætor; Quomodo?
(§. XCVIII. 1.) consequens est, 6) ut nec
stipulatio requiratur, nec ulla solemnitas,
adeoque, 7) etiam inter absentes per nun-
tium, vel per epistolam iniri possit, L. 5.
§. 3. L. 14. §. ult. *hoc tit.* modo 8) non con-
stituatur impersonaliter. *Authent. si quando
Cord. de constit. pec.*

§. CI.

Quumque constituti virtus sit ex pacto Quid?
geminato; (§. XCVIII. 2) consequens est,
1) ut possim & pro me, & pro alio, con-
stituere. L. 5. §. 2. *hoc tit.* 2) Ut hoc casu
quo-

quodammodo similis sim fidejussori, adeoque & iisdem beneficiis gaudeam, *L. ult. C. hoc tit. Nov. IV. cap. I. 3.*) Ut constitutum semper ponat debitum qualecunque, *L. 1. §. 6. hoc tit.* siue naturale sit, siue civile, siue mixtum, modo civile non excludatur exceptione pratoria. *L. 1. §. 7. 8. L. 3. §. 1. ff. hoc tit. 4*) Ut constitui etiam possit, quod in diem & sub conditione debetur. *L. 3. §. 2. L. 4. L. 5. pr. §. 1. hoc tit.* Ita tamen, ut in eundem diem, vel sub eadem conditione, constitutum intelligatur. *L. 19. pr. ff. h. tit. 5*) Ut quamvis aliud pro alio volenti creditori constitui possit, e.g. frumentum pro pecunia debita; 6) non tamen constitutum valeat, si vel extra vel supra debitum factum sit. *L. 11. seq. ff. L. 2. pr. C. hoc tit. 7*) Ut constitutum actionem priorem ex debito non consumat, adeoque eo non fiat novatio. * *L. 18. §. ultim. L. 28. hoc tit.*

* Itaque Paulus Apostolus in Epistola ad Philemonem non constituit, quod visum Hug. Grot. & Seip. Gentili in comment. ad hanc Epist. sed expromisit. Vid. Zach. Huber. *Diss. de Chirograph. Pauli.*

§. CII.

Actionis
constitu-
toriae qua-
litates, ex
receptitia
orta.

Denique quum Justinianus, quod plenius erat in actione receptitia, in constitutoriam transtulerit; (§. XCVIII. 3) sequitur, 1) ut jure novo actio constitutoria ad res omnes, mobiles & immobiles, jura & quantitates, & quaecunque in patrimonio sunt, pertineat, *L. 2. C. hoc tit.* quum olim Praetor in edicto tantum per pecuniam intellexisse res, quae numero, mensura & pondere constant, *d. L. 2. pr. C. hoc tit. 2*) Ut constitutum & pure fiat jure novo, quum veteri jure fieret tantum in diem. *L. 17. hoc tit. 3*) Ut actio con-

De pecunia constituta. Pars III. 361
constitutoria hodie omni casu sit perpetua ;
secus ac olim . L. 2. Codic. hoc titul. Add.
Herm. Vultei. Comm. ad §. 8. Instit. de act.
num. 4. 5.

§. CIII.

Itaque actio de Pecunia Constituta, §. 8. 9. Ejus descriptio.
Instit. de act. vel Constitutoria, L. 20. *hoc tit.*
est actio prætorial, (§. XCVI.) personalis,
(§. XCVIII. 1.) perpetua, (§. CII. 3.)
competens creditori, ejusve heredi, adver-
sus eum, qui constituit, se soluturum, ejus-
ve heredes, (§. XCIX. *seq.*) ad solvendum
id, quod constitutum est, (§. CI.) vel præ-
standum, quod interest. (§. CII. 1.) L. 14.
§. 2. *hoc tit.*

§. CIV.

Enimvero quum hodie inter pactum nu- Ufus ho-
dum & stipulationem nihil intersit, omne- diernus.
que pactum deliberatum actionem producat ;
(P. I. §. CCCLXXIV.) pactum geminatum
ejusdem erit effecti, ac simplex, & qui pro
alio constituit, vere erit fidejussor, adeoque
non adeo magnus est hujus actionis usus in
foris nostris. Hub. *Præl. ad Instit. Lib. IV.*
Tit. VI. 13.

T I T. VI.

Commodati, vel contra.

§. CV.

HActenus undecim conditiones, de qui- Ratio cre-
bus Prætor post conditionem certi ex dinis.
mutuo edixisse videtur. Revertimur ad *res*
creditas. In creditum iri diximus non modo
mutuo, sed & aliis contractibus ; (§. I.) ex
quibus inter reales proximus est *Commoda-*
zum, nec cum *locatione* *conductione*, nec
Hein. Pand. T. I. Q cum

362 Pand. Lib. XIII. Tit. VI.
cum mutuo, nec cum precario confunden-
dum. *

* Recte apud Ulpianum observavit Labeo, inter
commodatum, & utendum datum, tantum in-
teresse, quantum inter genus & speciem. L. 1.
§. 1. hoc tit. Aut enim utendum aliquid da-
mus gratis, aut pro certa mercede. Gratis aut
damus rem fungibilem, tunc Mutuum erit,
(§. II.) aut non fungibilem, eamque vel ad
definitum usum, ut in Commodato: vel ad li-
bitum concedentis, ut in Precario. Sin pro
certa mercede res non fungibilis utenda da-
tur, erit Locatio Conductio.

§. CVI.

Quid
commoda-
tum? Est enim Commodatum contractus realis,
(P. I. §. CCCLXI. *) quo res non fungi-
bilis alicui gratis ad certum usum ita tradi-
tur, ut, finito usu, eadem in specie resti-
tuatur.

§. CVII.

De eo a-
xiomata. Inde axiomata: I. Commodatum fit ad
certum & definitum usum. II. Res commo-
data restituenda in specie. III. Contractus
hic præcipue commodatarii gratia initur.

§. CVIII.

Ad quem
eum com-
modatur? Quum itaque commodari soleat ad certum
& definitum usum; (§. CVII. 1.) consequens
est, 1) ut eum definire sit commodantis.
2) Ut, usu nondum finito, res revocari ne-
queat, L. 17. §. 3. ff. L. 3. C. hoc tit. nisi do-
minus improvise casu in eum statum veniat,
ut sine ingenti incommodo re sua carere non
possit, arg. L. 3. C. locat. 3) Ut commodat-
arius re aliter uti non debeat, quam com-
modans velit, vel, si aliter utatur, furtum
usus committat. L. 5. §. 8. ff. hoc tit. §. 6.
Inst. de oblig. quæ ex delict.

§. CIX.

§. CIX.

Quia deinde commodata res restituenda in specie; (§ CVII. 2) non sane obscurum est, 1) commodari posse res fungibiles omnes, corporales ac incorporales, mobiles ac immobiles, proprias & alienas, eatenus, ut commodati actio nascatur. *L. 1. §. 1. hoc tit. L. 15. 16. eod. 2*) Non tamen hunc contractum cadere in res, quæ usu absumentur, nisi forte ad pompam, vel ostentationem, *L. 3. §. ult. L. 4. hoc tit.*

Quid commodari possit?

§. CX.

Ex eodem axioma inferendum, 3) commodatarium rem cum cura custodire, adeoque & dolum & culpam præstare debere. 4) Eundem ferre debere impensas modicas, ad rem conservandam factas. *L. 18. §. 2. h. t.* itemque 4) in communi periculo res commodatas propriis præferre. *L. 5. §. 4. hoc tit. L. 21. fin. hoc tit.* nisi commodans singulorum fidem in solidum sequutus sit, idque ex conventionem pateat, quo casu singulos teneri in solidum. *L. 9. ff. de duob. reis. L. 5. §. ult. hoc tit. 7*) Heredes etiam conveniendos pro rata, nisi unus rem possideat. *L. 3. §. 3. hoc titul.*

Obligatio commodatarii.

§. CXI.

Quum vero commodatum ineatur præcipue commodatarii gratia; (§ CVII. 3) consequens est, 1) ut & commodans non debeat, re commodata alteri, damnum inferre, quamvis minus culpæ præstet, quam commodatarius. 2) Ut, si in utriusque commodum vergat commodatum, par etiam sit utriusque obligatio. *L. 18. pr. hoc tit. 3*) Ut, si in gratiam sui ipsius quis commodet, is ad majus obligatus sit, quam commodatarius. *L. 5. §. 10. hoc tit.*

Et commodantis.

§. CXII.

Transitio
ad doctri-
nam de
præstatio-
ne damni.

Quandoquidem itaque & commodans, & commodatarius damnum sarcire debet, nec tamen eodem modo, (§. CX. 1. §. CXI. 1. seq.) idque etiam in aliis contractibus, quæ speciei restitutionem exigunt, contingit; ejus rei principia semel hic proponere juvabit exemplo aliorum.

§. CXIII.

Damnum
quætriplex:

Damnum contrahenti dat contrahens aut *ἀπαισιόσως*, vel consilio pravo, quod vocamus *Dolum*; aut ex negligentia & socordia, quam *Culpam* appellamus, aut denique per eventum, a divina providentia profectum, & cui resisti nequit, quem *Casum* dicimus.

§. CXIV.

Axiomata
de dolo.

De *Dolo* res clara est. Quum enim is nullatenus possit excusari, notandæ sunt duæ regulæ, vel axiomata: I. Dolus in omni contractu præstandus est, nec conveniri potest, ut ne dolus futurus præstetur. *L. 23. ff. de reg. jur.* II. In contractibus, in quibus præcipue amici fidem sequimur, dolus infamia punitur. *L. 1. ff. de his, qui not. infam.* Cic. pro *Q. Rosci* cap. VI. pro *Sex. Rosci* cap. XL.

§. CXV.

De casu.

Nec magis obscurum est, quid de *casu* sit sentiendum. Quia enim illi resisti non potest; Icti tenent axioma: III. Casum sentit dominus, eumque nemo præstat, nisi eum speciali conventionione in se receperit. * *L. 23. ff. de reg. jur.*

* Addunt vulgo, nisi in mora sit. Sed qui in mora est, in culpa hæret, adeoque non tam casum, quam culpam suam, præstat.

§. CXVI.

Quætriplex
culpa?

At de culpa est paullo difficilior dispositio.

Euclio. Ejus enim infiniti gradus esse possunt. Quia tamen alii sunt patresfamilias, *Argo* *oculatiores*, & ad res suas attentissimi, qualis fere ille apud Plautum Euclio: alii *frugales* quidem, nec tamen sordidi, qualis apud Nepotem T. Pomponius Atticus; alii denique disincti & prodigi, qui nullam rerum suarum curam animum subire patiuntur: hinc qui istorum diligentiam non imitantur; culpam *levissimam*; qui illorum, *levem*; qui ne horum quidem, *latam* committere dicuntur. * L. 18. ff. commod. L. 32. ff. depos. L. 213. §. 2. L. 223. ff. de v. f.

* Nec tamen semper ita loquuntur veteres. Culpam enim *Levissimam* ubi præstandam dicunt, plerumque ajunt, præstandam esse *diligentiam*, vel *custodiam*. L. 5. §. 1. ff. hoc tit. L. 23. ff. de reg. jur. L. 13. §. 1. ff. de pign. act. L. 47. §. pen. de legat. 1. *Levem* frequentissime vocant culpam, L. 5. §. 2. hoc tit. L. 23. de reg. jur. & ibi Jac. Gothofredus, *negligentiam*; *desidiam* & *segnitiem*. L. 72. ff. pro soc. §. ult. Inst. eod. §. 3. Inst. quib. mod. re contr. obl. Culpam denique *Latam* vocant *dissolutam*, *Crassam*, *magnam*, *latiorem*. L. 55. ff. de edil. ed. L. 226. ff. de verb. signific. L. 33. depos. Aliquando eandem & sub doli vocabulo comprehendunt. §. 3. Instit. quib. mod. re contr. obl.

§. CXVII.

Ita in metienda uniuscujusque culpa, & obligatione eandem præstandi æstimanda, Jurisconsulti præcipue solent dispicere, uter ex quoque contractu commodum, uter incommodum maxime percipiat. Illum enim ad majorem, hunc ad minorem diligentiam obstrictum esse, æquissimum videtur. Unde per

Fundam.
tum præ-
stationis
diligentie.

se patet, ubi par utriusque commodum incommodumque esse constat, parem quoque ab utroque diligentiam merito esse exigendam. L. 1. §. 2. ff. hoc tit.

§. CXVIII.

De ea axiomata.

Ex his jam facile intelliges axiomata :
IV. In contractibus, in quibus penes alterum omne commodum, penes alterum incommodum est, ille ordinarie culpam etiam levissimam; hic latam tantum præstat. V. Ubi par utriusque contrahentis commodum atque incommodum est, ab utroque culpa lata & levis præstanda est. VI. Qui sponte se contractui obtulit, vel obligationem suscepit, in qua personæ industria summa requiritur, quamvis solum incommodum sustineat, tamen ad diligentiam exactissimam tenetur. L. 3. §. ultim. ff. ad L. Aquil. VII. Qui alteri rem ultero obtulit, ab altero precario utendum, non nisi latæ culpæ præstationem exigere potest. VIII. Qui socii industriam eligit, vel ex societate non discedit, eam socii diligentiam in re communi æqui bonique debet consulere, quam ipse adhibere solet in propria. §. 9. Inst. de societ. L. 25. §. 16. ff. fam. ercisc.

§. CXIX.

Quæ culpa in commodato præstanda?

Sed ut e diverticulo redeamus in viam, ex his regulis patet: 1) commodatarius ordinarie præstare culpam, etiam levissimam, L. 5. §. 5. ff. hoc tit. §. 2. Instit. quib. mode contr. obl. commodantem, non nisi latam. (§. CXVIII. 4.) dist. L. 5. §. 2. hoc tit. 2) Si in utriusque gratiam commodatum; (§. CX. 2) culpam levem ab utroque præstandam esse; (§. CXVIII. 5.) L. 18. princ. ff. hoc tit. 3) Si commodans in sui tantum gratiam commodavit; (§. CXVI. 3) cum non nisi culpæ latæ præstationem

Commodati, vel contra. Pars III. 367
tionem exigere posse. (§. CXVIII. 4) L. 5.
§. 10. ff. hoc tit.

§. CXX.

Quum itaque commodatarius ex hoc con- Actio com-
tractu *absolute* & ab initio, commodans *se-* modati.
cundum quid & ex post facto obligetur; non
potest non & duplex actio inde nasci, qua-
rum altera *directa*; altera *contraria* appella-
tur. (P. I. §. CCCLXIV. *) Et quia utra-
que ex contractu nominato est, ipsa quoque
utroque casu vocanda erit *actio commodati*.
(P. I. §. CCCLX. *)

§. CXXI.

Actio commodati *directa* est civilis, per- Directa,
sonalis, bonæ fidei, (P. I. §. CCCLXV.)
competens commodanti, ejusve heredibus,
adversus commodatarium, vel plures, nisi
correi sint, pro rata, (§. CX. 5) eorumve
heredes, itidem pro rata, (§. CX. 6) ad
rem commodatam cum omni causa restituen-
dam, præstandumque damnum, culpa etiam
levissima datum. (§. CXIX. 1.)

§. CXXII.

Contraria commodatarius, re jam reddi- Et cont a.
ta * vel ejus heredes experiuntur, adversus ria.
commodantem, ejusve heredes, ad indem-
nitatem. (§. CXI. & CXIX. 1.)

* Si enim nondum reddidit, tutus erit exceptio-
ne doli mali, L. 18. §. ult. ff. hoc tit. & in-
terea, dum indemnitas præstetur, gaudebit ju-
re retentionis, arg. L. 28. ff. de pign. act. Si
res perierit, & æstimatio ab eo petatur, ha-
bebit jus compensationis. L. 18. §. ultim. ff.
hoc tit. L. ult. pr. §. 1. C. de compens.

T I T. VII.

De pignoratitia actione vel contra-

§. CXXIII.

Quid pignus?

Tertius contractus nominatus, qui re initur, est *pignus*. Pignus enim quum constituitur per contractum: constitutum autem sit *jus in re*; (P. I. §. CXCVI.) hic de pignore agimus, quatenus est contractus realis, bonæ fidei, quo res a debitore creditori in securitatem crediti traditur, soluto debito, in specie restituenda.

§. CXXIV.

De eo axiomata. Ex qua definitione notamus axiomata: I. Pignus re initur. II. Traditur in securitatem crediti. III. Soluto debito, restituendum est in specie.

§. CXXV.

Pignoris & hypothecæ differeptia.

Quum re ineatur hic contractus: (§. XXIV. 1) consequens sane est, 1) ut obligatio communis perficiatur rei oppignoratæ traditione. §. ult. Inst. quib. mod. re contr. obl. L. 1. §. 6. ff. de obl. & act. 2) Ut pignoris contractus differat a pacto hypothecæ, quo nihil traditur, sed *jus in re nostra* creditori constituitur. L. 9. §. 2. ff. hoc tit. L. 4. pr. L. 23. de pign. & hypoth.

§. CXXVI.

Quid pignori dari possit?

Deinde quum tradatur in securitatem crediti; (§. CXXIV. 2.) sequitur, 1) ut tradi possit res qualiscunque, sive corporalis, sive incorporalis, sive mobilis, sive immobilis, sive propria, sive aliena, L. 9. §. 4. L. 22. ff. hoc tit. modo sit in commercio. L. 9. de pign. 2) Ut tamen creditor, cui imprudenti res aliena data est, agere possit ad aliud pignus con-

De pignoratitia, &c. Pars III. 369
consequendum, licet solvendo sit debitor,
L. 32. ff. hoc tit. Add. Schilt. Exerc. XXVI.
S. ultim.

§. CXXVII.

Ex eodem inferimus, 3) nec dominium
rei oppignoratae ad creditorem transire, nec
possessionem civilem, nec ulum, sed custo-
diam. L. 38. §. 7. 8. ff. de obl. & act. L. 35.
§. 1. h. t. §. 6. Inst. de obl. quæ ex delict. 4)
Immo posse debitorem pignus ante solutum
debitum revocare, si creditor illo abutatur.
L. fin. pr. ff. hoc tit. 5) Posse quidem debi-
torem adjicere pactum *Antichreseos*, de quo
infra Lib. XX. si tamen illud adjectum non
sit, creditorem omnes fructus restituere, vel
eos in sortem imputari merito pati. L. 22.
§. 1. ff. L. 1. seq. C. hoc tit.

Quid juris
ex hoc
cont actu
transfera-
tur?

§. CXXVIII.

Nec minus inde inferas, 6) esse pignus
contractum accessorium, adeoque debitum
ponere, cui accedat, sive quid civiliter de-
beat, sive naturaliter, L. 5. ff. de pign. &
hyp. L. 2. ff. quæ res pign. modo non sit obli-
gatio inefficax, L. 13. ff. quib. mod. pign. vel
hypot. solut. 7) Solutio debito & pignus re-
peti posse, L. 1. §. 6. ff. de obl. & act. modo
penitus satisfactum. L. 9. §. 3. ff. hoc tit.

Pignus
non ita fi-
sit sine
debito.

§. CXXIX.

Porro, quum pignus in specie restitu-
endum sit; (§. CXXV. 3.) sequitur, 1) ut
si res casu perierit, species pereat domino.
L. 5. L. 6. Cod. hoc tit. 2) Ut tamen culpam
levem debeat uterque præstare, quia utriusque
commodo pignus constituitur. (§. CXVIII.
5) §. ult. Inst. quib. mod. re obl. contr. L. 5.
§. 2. ff. commod. L. 13. §. 1. ff. hoc tit. ubi
conf. Ger. Noodt. Probab. I. 4. 3) Ut, si
dolo possidere desit creditor, teneatur in id,
quod interest. L. 5. C. hoc tit.

Quæ di-
ligentia
utrinque
præstanda?

Q 5

§. CXXX.

§. CXXX.

Actio pignoratitia duplex. Itaque ex hoc etiam contractu fluit actio duplex, (P. I. §. CCCLXIV. *) ejusdem cum contractu nominis; (P. I. §. CCCLX. *) adeoque *pignoratitia*, *directa* & *contraria*, quæ & ipsa civilis, personalis & b. f. est. (P. I. §. CCCLXV.)

§. CXXXI.

Directa. *Directa* datur debitori, qui creditori plene satisfecit, * (§. CXXVIII. 7.) siue dominus sit, siue non sit, L. 9. §. *ultim.* L. 11. §. *ultim.* L. 16. L. 19. L. 22. *hoc tit.* ejusve heredibus, adversus creditorem, ejusve heredes, ac rem oppignoratam restituentem cum omni causa, damnumque, dolo & culpa saltem levi datum, resarciendum. (§. CXXIX. 2.)

* Vel si obtulit debitor solutionem, & per creditorem steterit, quo minus fieret. L. 20. §. 2. ff. *hoc tit.* Vel si actor pecuniam statim in ipso iudicio offerat. L. 9. *ult.* *hoc tit.*

Contraria & utilis. *Contraria* datur creditori ejusve heredibus, adversus debitorem, ejusve heredes, ad indemnitatem. (§. CXXIX.) Quas actiones etiam debitori, qui hypothecam a creditore repetit, & creditori, qui in eam impensas fecit, *utiliter* dari, facile patet. L. 34. ff. *de damn. inf.* L. 11. §. 5. ff. *hoc tit.*

L I B E R XIV.

T I T. I.

De exercitoria actione.

§. CXXXIII.

AD res creditas etiam pertinent actiones, Ratio quæ ex facto alieno adversus nos competit, vel propter negotiationem, sive maritimam, sive terrestrem, inventæ: quales exercitoria, ex lege Rhodia, & institoria; vel propter vinculum potestatis datæ a prætore, ut tributoria, de peculio, de in re verso, quod jussu. Quas omnes hoc & sequente libro, loco licet parum commodo, conjungit Justinianus.

§. CXXXIV.

Actio exercitoria ab exercitore dicitur. *Quis exercitor? quis magister navis?* Exercitor est, ad quem obventiones & reditus navis perveniunt, sive dominus sit, sive navem per averfionem conduxerit, sive ad tempus, sive in perpetuum. L. I. §. 15. ff. hoc tit. Inst. quod cum eo, qui in al. potest, neg. Cui vero ab exercitore totius navis cura demandata est, (modo hic, si pupillus sit, eam curam illi demandarit auctore tutore. L. I. §. 16. hoc tit.) is Magister navis appellatur. L. I. §. 13. 4. 5. ff. hoc tit.

§. CXXXV.

Nauticæ autem negotiationis licet ea indoles sit, ut non possit semper ipse exercitor navigare, & sub alio sole rerum suarum sagtagere, sed plerumque cura demandanda sit navis magistro: jure tamen Romano certum erat, pacta & contractus tantum valere in-

Origo actionis exercitoria.

ter pacificentes, & contrahentes, (P. I. §. CCCLXX.) adeoque ex contractu, cum magistro navis inito, exercitorem nec agere nec conveniri posse, nisi magister ille vel esset exercitoris filius, vel servus, qui cum exercitore pro una persona habebantur. (P. I. §. CXXXIV. 2. §. CXLVIII. 1.)

§. CXXXVI.

Prætoris
de ea edi-
ctum.

Hoc quum admodum turbaret negotiationem maritimam, & interdum ignari, cujus sint conditionis, cum magistris propter navigandi necessitatem contrahere cogerentur; æquum visum prætori, edicere, se ex hujusmodi contractu cum magistro navis, ejus rei nomine, cujus ibi præpositus fuerit, inito, adversus ipsum exercitorem judicium daturum. L. 1. pr. §. 1. 5. seq. hoc tit.

§. CXXXVII.

Axiomata
de hac a-
ctione.

Inde axiomata: I. Exercitor obligatur, qui hunc magistrum præposuit navi. II. Obligatur ex negotiis, quorum causa magistrum præposuit. L. 1. §. 7. hoc tit. III. Ea actione indiget, qui ipsum magistrum navis liberum vel non vult convenire, vel non potest. L. 1. §. 17. ff. hoc tit.

§. CXXXVIII.

Quocum
gestum ef-
fe debeat
negotium?

Quum itaque ideo obligetur exercitor, quod hunc magistrum præposuit navi: (§. CXXXVII. 1.) consequens est, 1) ut nihil intersit, qualem navi magistrum præfecerit, liberum an servum, & si hunc, proprium an alienum, adolescentem an senem, an justæ ætatis. L. 1. §. 4. ff. hoc tit. 2) Ut, pluribus præpositis, ex unius gestis obligetur exercitor, nisi eos, divisis officiis, navi præesse jusserit. L. 1. §. 13. 14. ff. hoc tit. 3) Ut præstare idem debeat facta magistri, adeoque 4) & ex eo teneatur, quod cum eo, quem magister substituit, gestum, L. 1. §. 5.

§. 8. ff. eod. non autem §. 1) quod cum nauta actum. L. 1. §. 2. eodem.

§. CXXXIX.

Quamque obligetur exercitor ex negotiis, Quales quorum causa magistrum navi prapofuit; (§. CXXXVII. 2.) fequitur, 1) ut actio exercitoria non detur ex magiftri delicto, arg. L. 1. §. 2. ff. hoc tit. 2) Ut nec obligetur exercitor, fi adverfus legem prapofitionis cum magiftro contractum, L. 1. §. 12. ff. eodem, veluti 3) fi hic mutuam fumpfit pecuniam in aliam caufam, ob quam prapofitus eft. * L. 1. §. 8. 9. L. ultim. princ. §. 1. ff. hoc tit.

* Aliud dixeris, fi pecuniam mutuam acceperis navis reficiendae caufa, & navis in ea caufa fit, ut refici debeat, & probabilis quantitas obfervata, immo & locus talis fit, in quo refectio fieri debeat. His enim cafibus tenetur exercitor, licet magifter pecuniam impenderit aliis ufibus. L. 1. §. 8. 9. L. ultim. princ. §. 1. eod.

§. CXL.

Denique cum hac actione utatur, qui magiftrum ipfum liberum vel non vult convenire vel non potest; (§. CXXXVII. 3.) facile patet, 1) dari contrahenti optionem, cum magiftro directe agere velit, an cum exercitore actione exercitoria, L. 1. §. 17. ff. hoc tit. Inft. quod cum eo, modo adhuc daret officium. L. fin. de Inftit. act. 2. Actionem adverfus plures exercitores dari in folidum. L. 1. §. ult. L. 2. L. 3. ff. hoc tit. 3) Eandem & adverfus patrem competere, fi filiusfam. ejus voluntate navem exerceat, & quidem in folidum. L. 1. §. 19. feq. hoc tit. 4) Non autem ea actione experiri poffe exercitorem

Quando inde detur actio exercitoria?

374 Pand. Lib. XIV. Tit. II.
torem adversus eos, qui cum magistro con-
traxerunt, nisi quod Præfecti & Præsides
cum extra ordinem juvant, si aliter rem
suam servare nequeat. L. 1. §. 18. hoc tit.

§. CXLI.

Actiois
descriptio. Est itaque actio exercitoria prætoriam, (§. CXXXVI.) & quia ex omni contractu, cum
magistro navis inito datur, (ibid.) adjecti-
tæ qualitatibus, competens ei, qui cum ma-
gistro navis, (§. CXXXVIII.) de negotio,
cui ille præpositus erat, (§. CXXXIX.) con-
traxit, ejusve heredi, L. 4. §. ult. hoc tit.)
adversus exercitorem, ejusve heredes, pa-
tremve, quo volente filius navem exercuit,
(§. CXL. 3.) vel plures exercitores in so-
lidum, ibid. 2.) ad contractum istum adim-
plendum. §. 2. Inst. quod cum eo, qui in al-
potest. est &c.

§. CXLII.

Ufus ho-
diernus. Et ita praxis servat in emporiis maritimis,
nisi quod adversus plures exercitores in soli-
dum actio vix datur, saltem in Hollandia,
de qua Vinn. ad Petr. Peck. de re naut. ad
L. 4. ff. h. t. Grot. de J. E. & P. II. 11. 13.

T I T. II.

De Lege Rhodia de jactu.

§. CXLIII.

Lex Rho-
dia de re
nautica. **R**hodii, populus nauticus, Flor. II. 7. ali-
quando θαλασσοκρατῶν, vel maris domi-
nus, Euseb. Chron. n. 1100. cum aliis legi-
bus, tum maxime nauticis, utebantur æqui-
simis, de quibus Strab. Geogr. XIV. pag. 448.
Θαλασσιὴ δὲ καὶ ἡ διοίκησις τῆς Ῥόδου, καὶ ἡ
ἐπιμέλειά πρὸς τὰ πλεῖστα ἄλλα πολιτεία, καὶ πολεμικά
ναυτικά, ἀφ' ὧς ἐς θαλασσοκράτησιν πολλὰ χρόνον.
Ad-

Admiranda est, & legum Rhodi optimarum constitutio, & industria, cum in aliis reipub. parvibus, tum circa rem nauticam, qua effectum, ut imperium maris diu possiderent.

§. CXLIV.

Quemadmodum itaque eorum usque ad A Romanis
Ciceronis memoriam disciplina navalis, & recepta
gloria, remanserat; Cic. pro lege Manil.
cap. XVIII. ita eorum leges nauticas paulla-
tim receperunt Romani, & confirmarunt
Claudius, Nero, Vespasianus, Trajanus,
Antoninus Pius, immo & Pertinax & Seve-
rus, uti apparet ex fragmento Auctoritatis,
huic legi * præmissæ, quod erudite suo mo-
re illustrat Jac. Gothofr. Diss. de domin. mar.
cap. VIII. seq.

* Ipsam legem Rhodiam habes apud Leunclav.
Jur. Græco Rom. Tom. II. extrema.

§. CXLV.

Hic ejus caput de jactu explicatur. Quum Quid de
enim æquissimum videretur, commune de- jactu sanc-
trimentum fieri eorum, qui propter amissas civerit?
res aliorum consequuti essent, ut merces
suas salvas haberent; L. 2. princ. ff. hoc tit.
cautum fuerat lege Rhodia, ut, si levande
navis gratiæ jactus mercium factus esset,
omnium contributione sarciretur, quod pro
omnibus datum esset. L. 1. ff. hoc tit. Quod
principium tam æquum est, ut & ad simi-
les casus recte extendatur. L. 2. §. 3. hoc
titul.

§. CXLVI.

Unde fluunt axiomata: I. Contributio fit,
si merces, imminente naufragio jactæ, perie- De eo a-
rint. II. Contribuunt illi, qui propter istas xiomata.
res amissas suas salvas habent. III. eo fine,
ut is,

376 Pand. Lib. XIII. Tit. II.
ut is, cujus res perierunt, a reliquis indent-
nis præstetur.

§. CXLVII.

Ob quas
res fiat
contribu-
tio?

Quum ergo contributio fiat, si merces,
imminente naufragio jactæ, perierint; (§. CXLVI. 1.) consequens est, 1) ut cesset
contributio, si, mercibus conservatis, navis
tempestate deterior sit facta, vel si aliquid
exarmaverit, L. 2. §. 1. §. 1. L. 3. ff. *hoc tit.*
vel 2) si res jactæ appareant. L. 1. §. 7. L. 4.
§. 1. ff. *hoc tit.* non autem cesset 3) si quid
ob jactum adspergine, vel alio modo, cor-
ruptum, L. 4. §. ult. ff. *hoc tit.* nec 4) si mer-
ces, levandæ navis causa scaphæ impositæ,
submersæ sint. L. 4. pr. ff. *ead.* nec 5) si mer-
ces quidem non jactæ, sed malus vel arbor
cæsa, vel antenna, velum, gubernaculum,
aliudve navis instrumentum, ejus levandæ
causa, jactum, L. 3. ff. *h. t.*

§. CXLVIII.

A quibus
& pro qui-
bus rebu?

Quumque contribuant illi, qui ob jactum
illum res suas salvas habent; (§. CXLVI. 2.)
consequens est, 6) ut, si navis post jactum
nihilominus perierit, cesset contributio, nisi
forte alio loco perierit, & res per urinato-
res extractæ sint. L. 4. pr. §. 1. L. 5. pr. L. 7.
ff. *hoc tit.* 7) Ut res omnes, etiam quæ na-
vem non onerant, immo & ipsa navis æsti-
manda sit, L. 1. L. 2. §. 2. L. 4. §. 2. h. t. non
tamen libera corpora, nec cibaria in nave.
L. 2. §. 2. *ead.*

§. CXLIX.

Quomodo
fiat æsti-
matio?

Quia denique non lucri causa sit contri-
butio, sed ut is, cujus merces jactæ sunt,
indemnitas præstetur; (§. CXLVI. 3.) æquum
Rhodiis videbatur, 8) ut res amissæ æsti-
mentur, quanti emptæ; servatæ, quanti ve-
nire possent. L. 2. §. 4. *ead.* Ut ipse quoque,
cujus

De Lege Rhodia de jactu. Pars III. 377
cujus merces jactæ, in partem damni veni-
ret. *Arg. L. 1. L. 3. pr. §. 4. h. t.*

§. CL.

Actio ad hanc contributionem obtinendam Quæ actio
singularis non erat prodita *, sed is, qui datur?
merces jactu amiserat, agebat ex locato cum
magistro navis, ut damnum præstaret. Hic
vero vel jure retentionis in mercibus serva-
tis utebatur, donec contributio facta, vel
ex conducto agebat, ut detrimentum propor-
tione communicaretur. *L. 2. pr. ff. §. 2. h. r.*
vel actionem cedebat vectoribus, *arg. L. 51.*
ff. de pec.

* Nec mentio usquam fit conditionis ex *L. Rhod-*
dia de jactu; quamvis in se principiis juris
non repugnet. Unde eam olim competiisse
vix verosimile est. Dissentit D. Pagenst. *Ad-*
monit. ad Pand. Part. II. §. 43.

§. CLI.

Eadem jura & hodie obtinent, nisi quod Usus hodie-
jure *VVisbyensi art. XX.* merces amissæ æsti- diernus.
mentur, quanti in loco, quo avehendæ erant,
vendi potuissent, *Vir Ccl. Ulr. Hub. Præ-*
lect. h. t. §. 6. quamvis alii eas æstimandas
putent, quanti emptæ, si nondum confecto
dimidio itinere jactæ; quanti vendi potuif-
sent, si, itinere majori ex parte confecto
perierint. *Vinn. Not. ad Peck. hoc tit. num.*
CCXXII. idque discrimen etiam in contribu-
tione ejus, qui rem amisit, (*§. CXLIX. 9.*)
observandum esse, monet *Stryck. Us. hodiern.*
ff. hoc tit. §. 7. Denique & directam hodie
conditionem ex *L. nautica* dari, non dubi-
tatur. *Schilt. Exerc. XXVII. §. 24. seq.*

T I T. III.

De infitoria actione.

§. CLII.

Infitor
quis? & de
gestis cum
eo edi-
ctum.

Quemadmodum, qui ab exercitore navi præficitur, *Magister Navis* dicitur, ita qui tabernæ vel loco, ad emendum vendendumque præponitur, vocatur *Infitor*, L. 18. ff. *hoc tit.* eo quod instat gerendo negotio. * L. 3. L. 4. L. 5. pr. §. seq. ff. *hoc tit.* Si quis itaque cum eo, ejus rei causa, cui præpositus fuerat, gessisset, adversus præponentem actionem se daturum, Prætor edixerat. L. 1. L. 5. §. 4. ff. *ead.*

* *Instare* autem est negotiari, uti & Græcis *ἑστῆναι*: ἰστέλλειν, *Novius in Atellana*:

Instat mercaturam, credo rem faciat, frugi est homo.

Ubi adde, quæ notat magnus Scaliger in *Triap*. Ita & Græcis *infitor* est ἰνίστασι ἀπὸ τῆ ἐφίστα, ab *instando*.

§. CLIII.

Eadem hic
omnia, quæ
in exerci-
toria.

Quum itaque in eo tantum hoc edictum ab illo, de exercitoria actione proposito, differat, quod hic de negotiatione, quæ in terra continenti instituitur, ibi de maritima agitur: consequens est, ut hic eadem omnia sint, ac in actione exercitoria. L. 7. §. 1. L. *hoc tit.*

§. CLIV.

Quando
actio infiti-
toria de-

Ergo 1) & hic nihil interest, masculus, an femina, liber, an servus, pubes, an impubes

pubes sit præpositus. L. 7. §. 1. 2. L. 8. ff. hoc tit. 2) Hic quoque servanda lex præpositio-
nis, L. 11. §. 5. ff. hoc tit. adeoque 3) nec
obligatur præponens, si quid non ejus rei
gratia, cui institorem præfecit, cum illo ge-
stum est; L. 5. §. 11. seq. L. 3. Cod. hoc tit.
vel 4) si a præponente palam proscriptum
sit, ne cum institore contrahatur. L. 11. §. 2.
seq. hoc tit. 5) Hic quoque plures præponen-
tes tenentur in solidum. L. 13. §. ult. L. 14.
ff. hoc tit. 6) Hæc denique etiam actio est
perpetua, & heredibus, ac adversus heredes,
datur. L. 15. hoc tit.

§. CLV.

De eo modo disquirunt, an ut magister
navis, ita & institor, alium substituere pos-
sit? Respondet Ulpianus. L. 1. §. 5. ff. de
exerc. act. Facilius hoc in magistro admitten-
dum, quam institore, propter utilitatem. Re-
cte itaque dici posse videtur, magistrum na-
vis etiam invito exercitore substituere; insti-
torem, non nisi domino volente, vel non
prohibente: Facilius enim scire potest, qui
in terra continenti contrahit, quis sit insti-
tor, quam ultra mare, quis hunc vel illum
navi præposuerit.

An & in-
stitor sub-
stituere
possit?

§. CLVI.

Est ergo actio *Institoria* prætoria, & quia
ex quocumque contractu datur, adjestitiæ
qualitatis, competens ei, qui cum institore
contraxit, adversus præponentem, ejusve he-
redes, (§. CLIV. 6.) non præponenti ad-
versus contrahentes, nisi illam rem suam ali-
ter servare nequeat, L. 1. L. 2. ff. hoc tit. ad
contractum adimplendum.

Actio-
nis
hujus de-
scriptio.

TIT. IV.

De tributoria actione.

§. CLVII.

Quid tribuere?

Sequuntur actiones, quæ ex vinculo potestatis nascuntur, (§. CXXXIII.) inter quas prima est *Tributoria*. Tribuere autem, teste Festo, est in publicum conferre, vel distribuere. Edixerat nimirum Prætor, si quis, sciente patre, vel domino, in peculiari merce negotiatus sit, se patrem, dominumve cum reliquis creditoribus, in tributum vocari passurum, & si cujus dolo malo factum fuerit, quo minus ita tribueretur, se quanto minus justo tributum sit, tantum præstare coacturum. L. 1. pr. L. 5. §. 2. L. 7. §. 1. ff. hoc titulo.

§. CLVIII.

De actione tributoria axiomata.

Itaque I. in tributum veniunt merces peculiares. II. Tribuit dominus, vel pater, quo sciente servus filiusve negotiatus est. (P. I. §. CXXXIV. 2. §. CXLV. 1. 2.) L. 5. §. 7. L. ult. ff. hoc tit. III. Si male tributum, datur actio tributoria.

§. CLIX.

De quibus rebus debetur?

Quum itaque in tributum veniant merces peculiares; (§. CLVIII. 1.) consequens est, 1) ut ad omnes negotiationes producatur editum, e. g. ad servos farcinatores, fullones, textores; L. 1. §. 1. ff. hoc tit. non tamen ad omnem negotiationem, quæ cum eo (veluti cum exercitore vel institore) facta est. L. 5. §. 4. ff. eod. 2.) Ut in tributum non veniant merces dominicæ, sed peculiares. L. 11. §. 7. de inst. act. adeoque 3) nec ipsum peculium, sed merces peculiares, pretiumve inde redactum,

Quum, vel quod earum nomine debetur. L. 1. §. 2. L. 5. §. 11. *hoc tit.*

§. CLX.

Quumque pater, vel dominus, quo sciente negotiatus est filius servusve, tribuat, tamquam iudex domesticus; (§. CLVIII. 2.) consequens est, 1) ut sufficiat, si passus sit pater, vel dominus, filium, servumque negotiari, vel si non prohibuerit, quamvis non jusserit. L. 1. §. 3. *ff. hoc tit.* 2) Ut hic pater vel dominus non deducat, quod sibi debetur, uti in peculio, L. 1. §. 2. *ff. hoc tit.* sed 3) ipse cum creditoribus reliquis in tributum veniat. L. 1. *pr.* L. 5. §. 6. *seq. hoc tit.*

Adversus quem?

§. CLXI.

Denique quia, si reale tributum, datur Ad quid? actio tributoria; (§. CLVIII. 3.) manifestum sane est, 1) hic requiri dolum, vel ab initio, vel ex post facto: L. 7. §. 2. *hoc tit.* ejusque 2) reum esse patrem, vel dominum, si ve nolit tribuere, si ve male & inaequaliter tribuat, nisi priore casu peculio vel mercibus cedere paratus sit. L. 7. §. 1. 2. *ff. hoc tit.* 3) Agi adtribuendum pro rata, §. 2. *inst.* quod cum eo, qui in al. pot. adeoque 4) actionem rei persecutoriam esse perpetuam, & in heredem quoque, in quantum ad eum pervenit, dari. L. 7. §. *ultim.* L. 8. L. 9. *ff. eod.*

§. CLXII.

Est itaque actio *Tributoria* praetoria, (§. CLVII.) &, quia ex omni contractu & negotiatione in merce peculiari oritur, (§. CLIX.) adjectitiae qualitatis, competens contrahentibus cum filio vel servo, qui sciente eo, cujus in potestate erant, in merce peculiari negotiati sunt, (§. CLX.) adversus patrem vel dominum, eorumve heredes, (§. CLXI. 4.) dolo malo non distribuentes aequaliter,

Actionis hujus descriptio.

382 Pand. Lib. XIV. Tit. V.
liter, (§. CLXI. 1. 2.) ad merces pro ra-
ta tribuendas. (§. CLXI. 3.)

§. CLXIII.

Ufus ho-
diernus.

Sed quum hodie negotiatio in mercibus
peculiaribus sit rarissima, & filii negotiantes
suis auspiciis, rarius in potestate patria ma-
neant; (P. I. §. CLXXXII.) ipsam quoque
tributoriam actionem in foro haud frequenta-
ri, facile est ad intelligendum. Stryk. *Us.*
hodi. ff. *hoc tit.* §. 1. Ampl. Url. Hub. *Præ-*
lect. *hoc tit.* §. 2.

T I T. V.

Quod cum eo, qui in aliena potestate est,
negotium gestum esse dicetur.

§. CLXIV.

Prætoris
edictum de
contractu,
cum filiof.
inito.

HÆc, si filius, quocum contractum fue-
rat, in potestate manebat. Tunc enim
vel ipse conveniri poterat, exsequutione ta-
men actionis dilata, usque dum sui juris
fieret, L. 5. pr. ff. *hoc tit.* vel pater ejus.
L. 39. ff. de obl. & act. L. 44. ff. de pecul.
L. 5. princ. ff. *hoc tit.* Quid vero, si postea
emancipatus, aut exheredatus, aut in mini-
ma parte institutus esset, vel ab hereditate
paterna abstinuisset? Tunc Prætor ejus rei
nomine, quæ cum eo contracta esset, sive sua
voluntate, sive jussu ejus, cujus in potestate
erat, contraxisset, sive in peculium suum,
sive in patrimonium ejus, cujus in potestate
fuerat, redacta ea res fuisset, actionem, caus-
sa cognita, dat in id, quod facere posset.
L. 2. pr. ff. *hoc tit.*

§. CLXV.

Quid be-
neficium
Dat itaque filiofam. hoc casu Beneficium
Competentie, quod est privilegium, certis
per-

personis competens, (P. I. §. CXV.) quo competens efficitur, ut non possint condemnari in solidum, sed in id, quantum facere possunt. L. 16. L. 30. ff. de re jud. §. 36. Inst. de act. Quum vero sit privilegium personale, sequitur, ut nec sine causa justa, ejusque cognitione, detur, nec personam egrediatur. (P. I. §. CXVI.)

§. CLXVI.

Si ergo sine justa causa non detur; (§. CLXV.) consequens est, 1) ut detur ex commiseratione, si fuerit emancipatus, vel exheredatus, vel si hereditate abstinerit, vel in adoptionem datus, patrem naturalem amiserit, vel si in minima parte heres institutus sit. L. 2. princ. §. 1. hoc tit. 2) Ut non comperat istud beneficium ei, qui in dolo est, vel deliquit, vel se patremfam. dixit. L. 4. §. 1. 2. L. 6. ff. hoc tit. nec 3) ei, cui hereditas paterna ex fideic. restituta. L. 5. §. 1. hoc tit.

§. CLXVII.

Quumque personam non egrediatur hoc privilegium: (§. CLXV.) per se pater, 4) illud sibi arrogare non posse heredes filii familias, L. 4. §. 3. ff. hoc tit. L. 25. ff. de re & judic. immo 5) nec ipsum filiumfamilias, si non statim, ex quo sui juris factus, sed post plures annos, conveniatur. L. 4. §. 4. eodem.

An & heredes filii familias, & semper ipsi filii familias competat?

T I T. VI.

De Senatusconsulto Macedoniano.

§. CLXVIII.

Quamvis filiusfamilias, æque ac pater, ex omnibus contractibus cum illo initis, possit,

Scito Macedon.

quando fa-
tum?

possit, conveniri; (§. CLXIV.) exceptionem tamen induxit SCTus *Macedonianum*, quod utrum Claudii Imp. an Vespasiani temporibus factum sit, non adeo expeditum est ob loca Taciti *Annal. XI. 13.* & Suet. *Vesp. Cap. XI.* Mihi adhuc probabilis videtur P. Fabri conjectura *Semestr. I. 25.* Vespasianum nimirum, Cons. suffectum, sub Claudio retulisse ad senatum, & hinc SCTus modo Claudio, modo Vespasiano tribui.

§. CLXIX.

Quis fue-
rit Mace-
do?

Æque incertum, filiusnefam, qui SCTo occasionem dedit, an ipse scelerator improbus Macedo fuerit vocatus. Prius affirmat Theoph. ad §. 7. *Inst. quod cum eo, qui in al. pot. posterius ex ipsis SCTi verbis apud Ulp. L. I. pr. ff. hoc tit.* colligunt. Quamvis autem vulgo vapulet Theophilus; (Vid. Menag. *Aman. jur. Cap. XXXIX.*) tamen & credibile non est, auctorem tam veterem & bonum in re notissima aberrasse, & Ulpiano non adversari Theophilum, jam Maranus in *Paratit. hoc tit.* observavit. *

* Ait enim Ulpianus: *Quum inter ceteras causas Macedo, quas illi natura administrabat, etiam æs alienum abhibuisset: Ergo Macedo iste inter cetera scelera etiam æs alienum contraxerat. Id vero non dici poterat de sceleratore, sed de ipso debitore, id est, de filiofamilias. L. 213. §. 1. ff. de verb. signific. Adeoque prima hæc causa erat, quæ moverat Senatum quod Macedo filiusfam. mutuum pecuniam sumens, luxuriæ variisque cupiditatibus indulserat, ac demum ad desperationem plane actus patrem occiderat. Ita enim fieri solere, jam Cic. pro Sex. Rosc. Am. cap. XXII. observaverat. Sequitur altera causa: Et quum sæpe materiam peccandi malis moribus præstaret, qui pecun-*

pecuniam, (ne quid amplius diceretur,) malis nominibus crederet. Altera ergo causa erat fœneratorum improbitas. Fœneratorem autem istum dictum esse Macedonem, nusquam dicit Ulpianus. Quid ergo causæ est, cur tot conviciis excipiat Theophilus scriptor sane non futilis, sed doctus, & Justiniano *στυχπορος*, *cujus dotes pauciores intelligunt, quam contemnunt? Vid. præfat. nostram, Vinnii Comment. ad Inst. præmissam.

§. CLXX.

Nimirum quum filiusfamilias, magnitudine contracti æris alieni in desperationem actus, parricidium commisisset, vel saltem insidiatus esset vitæ parentis, §. 7. Inst. quod cum eo, qui in al. pot. & fœnerator, incertis nominibus credendo, * peccandi materiam malis moribus præstitisset; placuit Senatui, nec cui, qui filiosfam. mutuam pecuniam dedisset, etiam post mortem parentis ejus, cujus in potestate fuisset, actio petitione daretur, ut scirent, qui pessimo exemplo fœnerarent, nullius posse filiosfamilias bonum nomen, exspectata patris morte, ferri. L. 1. princ. ff. hoc tit.

SCTi sanc-
tio.

* At, quid incertis nominibus credere? Nominibus non bonis sub usuris immodicis credere. Exemplum habes apud Horat. Serm. I. 2. v. 12. seq. Conf. Ger. Noodt. de Fan. & Usur. II. 13. pag. 291.

§. CLXXI.

Pertinet itaque SCTum I. ad filiosfamilias, De eo axiomata, & II. ad datam iis mutuam pecuniam, & III. eam quidem, quæ nec jussu patris sumpta, nec in rem versa est. IV. Tribuit hoc SCTus exceptionem perpetuam, patri æque ac filio competentem.

Hein. Pand. T. I. R §. CLXXII.

§. CLXXII.

Quis acci-
pere non
possit mu-
tuam pe-
cuniam?

Quum itaque hoc SCtus pertineat ad fi-
liosfamilias: (§. CLXXI. 1.) consequens est,
1) ut nec dignitas hic exceptionem faciat,
L. 1. §. ult. hoc tit. 2) nec sexus, L. 9. §. 2.
eod. 3) nec gradus, L. 14. ff. L. pen. §. 1. C.
hoc tit. 4) Ut tamen locum non habeat SCtus
si filiusf. habeat peculium castrense, vel quasi
castrense, in quibus pro patrefam. habetur:
(Inst. §. CDLXXVIII. 1.) L. 1. §. 3. L. 2. ff.
hoc tit. nec 5) si filius, sui juris factus, vel
expresse vel tacite debitum agnoverit. L. 2.
C. hoc tit. L. 7. §. ult. L. 9. pr. ff. hoc tit.

§. CLXXIII.

Quod mu-
tuum pro-
hibeatur?

Quumque in SCto illo tantum agatur de
pecunia mutua; (§. CLXXI. 2.) sequitur,
1) ut in aliis contractibus exfuler exceptio
SCti Macedoniani, & 2) ne in mutuo qui-
dem competat, si aliud quid extra pecuniam
creditam, modo 3) fraus non facta sit SCto
vendendo filiosf. rem, ut rei pretium haberet
in mutui vicem. L. 3. §. 3. L. 7. §. 3. ff. hoc tit.
L. 3. C. h. t. 4) Ut nihil intersit, siue sub usu-
ris mutua data sit pecunia, siue sine usuris:
L. 7. §. 9. ff. hoc tit. nec, 5) utrum privatus,
an civitas crediderit. L. 15. ff. hoc tit.

§. CLXXIV.

Quando
cesset
SCtus?

Quia porro pecuniam nec jussu patris sum-
ptam, nec in ejus rem versam esse oportet;
(§. CLXXI. 3.) merito inde colligendum,
1) cessare exceptionem, si vel jussu patris
pecunia fœnori sumpta sit, vel is postea ra-
tam rem habuerit, L. 7. §. 12. §. 15. L. 16. ff.
L. 2. C. h. t. itemque 2) si filius fuerit patris
insistor, & ei non contra legem præpositio-
nis creditum; (§. CLIV. 3.) L. 7. §. 11. ff.
h. t. vel 3) si pecunia illa aliud debitum va-
lidum dispunxerit: L. 7. §. 14. hoc tit. vel 4)
studiorum legationisve causa alio loco de-
gens

gens non ultra modum, quem pater subministrare solet, acceperit: L. 7. §. 13. L. 5. C. hoc tit. vel 5) alio modo pecuniam in rem patris verterit. L. 7. §. 12. L. 17. ff. h. r.

§. CLXXV.

Quandoquidem denique exceptio perpetua hoc SCto patri æque ac filio datur; (§. ^{Exceptio} SCti Ma- ^{cedoniani.} CLXXI. 4.) facile intelligitur, 1) fœneratorem nec vindicare posse pecuniam extantem, nec condicere cum effectu consumptam. L. pen. pr. h. r. 2) Ex hoc SCto non repeti posse pecuniam solutam, (§. LVII. 1.) L. 10. ff. hoc tit. L. 40. ff. de condicet. indeb. dari tamen 3) exceptionem L. 7. pr. §. 4. 13. L. 11. ff. hoc tit. tum patri, tum filio, licet hic SCto renuntiaverit, immo & ejus heredibus, fidejussoribus, mandatoribus, L. 9. §. 3. ff. h. r. 4) modo filius. non dolose se gesserit pro patrefamilias L. 1. 6. hoc tit. quo casu pater, non ipse, exceptione utitur. 5) Eandem exceptionem, cum ante, tum post litem contestatam immo & in exequutione opponi posse. L. 11. ff. h. r. 6) Non ramen pupillo vel minori, L. 3. §. 2. h. r. nec 7) ei, qui justo errore credidit. L. 3. pr. ff. L. 2. C. h. r.

L I B E R XV.

T I T. I.

De peculio.

§. CLXXVI.

EX iis, quæ cum servo filiove familias gesta sunt, nascuntur etiam actiones de ^{Quid peculium?} peculio, de in rem verso, & quod jussu, de qui-

quibus hoc libro agitur. (§. CXXXIII.)
peculium est pecunia pusilla, (P. I. §. CL-
 XXXIII.) vid. Menag. *Amen. jur. civil. Cap.*
 XXXIX. p. 319. quam is cave, qui quæve in
 potestate est, separatam habet a rationibus
 paternis vel dominicis, deducto prius, si
 quid patri vel domino debetur. L. 1. §. 5.
 L. 4. pr. §. 1. L. 8. L. 39. L. 40. ff. b. t.

§. CLXXVII.

Quotuplex? Fuit itaque olim totuplex, quotuplex fuit
 potestas. Erat enim aliud *peculium uxorum*
 quæ in manum convenerant, *Inst.* §. CXLVI.
Plaut. Casin. II. 2. v. 26. aliud *servorum*,
 quod isti, genium defraudando, de demen-
 so suo unciatim comparcebant miseri. Te-
 rent. *Phorm. I. 1. v. 5.* aliud *filiorum fami-*
lias, de quo paullo post prolixius: *Uxorum*
 autem *peculium* cum ipsa in manum conven-
 tione obsolevit.

§. CLXXVIII.

Peculium *Servorum* *peculium* unius generis erat, nem-
 pe profectitium. Quamvis enim aliud esset
servi. *Ordinarii*, aliud *Vicarii*, L. 17. L. 18.
 L. 27. §. 1. ff. *hoc tit.* quamvis & aliunde
 aliquid ad servum perveniret; quamvis de-
 nique aliud liberius, aliud minus libere ad-
 ministraret; L. 7. §. 1. *hoc tit.* L. 20. ff. *de*
jurejur. omnia tamen indistincte acquirebat
 domino, §. 3. *Inst. per quas pers. cuiq. acquir.*
 & si quid ejus administrationi committere-
 tur, id ei a domino relinquebatur. Unde
 hic de eo & recte disponebat inter vivos,
 & mortis causa.

§. CLXXIX.

Peculium *filii* *familias* olim erat ejusdem
filii. *quæ-* generis, quia non minus per filium, quam
le olim? per servum, pater omnia acquirebat. (P. I.
 §. CXLVI. 3.) pr. *Inst. per quas pers. cuiq.*
acqu. Unde nec ipse quidquam habebat vel
 pro-

proprii, vel peculii, nisi pater ultro quid illius administrationi, ad exercendam ejus industriam, permetteret.

§. CLXXX.

At postea jus acquirendi per liberos haud parum restrictum est, (P. I. §. CXLVII. 3) Quotum lex hodie sit?
 invento primum peculio *castrense*, & *quasi castrense*, deinde & *adventitio*, quorum historiam dedimus in *Antiq. Rom. II. 9. 2. 334.*
 Ergo jam peculium est vel *Militare*, vel *Paganum*, quorum illud in *Castrense* & *quasi Castrense*; hoc in *Profectitium* & *Adventitium* dividitur.

§. CLXXXI.

Peculium *Castrense* est, quod occasione militiæ sagatæ filius acquirit, L. 11. ff. de cast. Castrense & quasi castrense.
pec. L. 1. Cod. eod. Quasi castrense, quod occasione militiæ togatæ, seu forensis, (L. 14. C. de advoc. div. judicior.) immo per omnes artes liberales, vel per officium publicum, vel liberalitate principis vel Augustæ, acquirit. L. ult. C. de inoff. test. L. 7. C. de bon. qua lib.
 Et in his filiusfam. pro patrefam. habetur. L. 2. ff. ad SC. Maced.

§. CLXXXII.

Ex quo axioma sequitur, ut 1) id omne filiusfam. sibi pleno jure acquirat, L. 4. illo.
 princ. §. 1. ff. de pecul. cast. 2) Ut & testari de eo possit: princ. Inst. quib. non est perm. fac. test. 3) Ut patri in eo peculio nihil placeat juris sit.

§. CLXXXIII.

Peculium *paganum* *profectitium* est, quod vel ex re patris profectum est, vel filio contemplatione patris obvenit. §. 1. Instit. per quas pers. cuiq. acqu. adventitium, quod ex alia causa ad filiumfamilias pervenit. d. §. 1. In illo pater dominium, filius solam administrationem & spem eo potiundi habet. L. 3.

Peculium
profectitium
& adventi-
tium ordi-
narium.

§. 4. ff. de min. L. 31. §. 2. ff. de donat. In hoc ordinarie dominium penes filium; usufructus & administratio penes patrem est, §. 1. Inst. eod. qui & filium emancipans, dimidium usufr. retinet. §. 2. eod.

§. CLXXXIV.

Et extraor- Dixi ordinarie. Datur enim peculium ad-
dinarium. ventitium *extraordinarium*, cujus & domi-
nium & usufructus penes filium est, quo
pertinet 1) quod liberis ea lege relinquitur,
vel donatur, ne usufructus ad patrem per-
veniat. *Novell. CXVII. cap. 1. 2*) Hereditas
renuente patre adita. *L. ult. princ. S. 1. Cod. de bon. quæ lib. 3.*) Bona, in quæ filius una
cum patre successit. *Novell. CXVIII. cap. 2.*
4) Bona, in quibus ex fideicommissio resti-
tuendis pater dolose versatus est. *L. 50. ff. ad
Sctum Trebell.* Plures casus ego quidem haud
invenio.

§. CLXXXV.

Jura filii Ceterum ex axiomatibus, (§. CLXIII.)
& patris datis colligebant, 1) peculium *profectivum*
in bonis saluum habere filiumfamilias, publicatis bo-
norum profectiis nis paternis, *L. 3. §. 4. ff. de min. vel 2.)* si
& adven- emancipato pater illud haud ademerit. *L. 31.
titius. §. 2. ff. de don. 3.)* De adventitio patrem
disponere adhibito filii, si justæ ætatis sit,
consensu, nec tamen 4) illud alienare posse,
nisi urgente necessitate, *L. ult. §. 3. Cod. de
bon. quæ lib. nec eo casu opus esse decreto
judicis, d. L. ult. §. 4. 5. 5.)* Extraordina-
rium patrem administrare posse tanquam cu-
ratorem, nisi testator, vel donator; (§. CLXXXIV. 1.) alium curatorem dederit.
*Novell. CXVII. cap. 1. L. ultim. S. 1. Cod. de
bon. quæ lib.*

§. CLXXXVI.

Edictum Si quid itaque cum eo, qui in aliena po-
tatoris testate erat, negotium gestum esse diceretur,
præ-

prætor se de eo adversus patrem, vel dominum, quatenus in peculio esset, iudicium daturum edixerat. *L. 1. §. 2. L. 21. L. 36. ff. h. t.* Quia enim pater vel dominus filium vel servum passus est negotiari in peculio profectitio, merito adversus ipsum datur actio, quatenus consensit. Quum autem consenserit tantum ratione peculii; merito etiam peculio tenus tantum convenitur.

§. CLXXXVII.

Est itaque actio de peculio prætoria, (§. CLXXXVI.) & quia ex omni contractu, (non ex delicto, quia id pater non consensit, *L. 58. ff. de reg. jur.*) datur, adjectitiæ qualitatatis competens iis, qui cum servo vel filio contraxerunt, contra dominum vel patrem, ad id, quatenus deducto, quod domino vel patri debetur, est in peculio, (§. CLXXXVI.) §. 10. *Institut. de act.* §. 4. *Instit. quod cum eo, qui in al. vel dolo domini patrisve in peculio esse desit.* *L. 21. L. 36. ff. hoc tit.*

Actio
hujus descriptio.

T I T. II.

Quando de peculio actio annalis est.

§. CLXXXVIII.

Quum actio de peculio ex contractibus nascatur, facile patet, eam esse perpetuam, & durare saltem, quoad peculium manet. *L. 1. §. 1. h. t.* Quum autem, soluta potestate patria vel dominica, peculium extinguatur; consequi videbatur, ut & actio de peculio extingueretur. At prætori tamen æquum videbatur, etiam eo casu in anno, quo primum de ea re experiundi potestas esset, iudicium dari. *L. 1. pr. ff. h. t.* Hinc, soluto

Quando
annalis?

392 Pand. Lib. XIV. Tit. III.
vinculo potestatis, adhuc intra annum agitur de peculio, nisi actio principalis citius expiret. L. 2. ff. hoc tit.

T I T. III.

De in rem verso.

§. CLXXXIX.

Quid in rem ver-
tum? S I peculium non adsit, dominus vel pater tenetur de in rem verso. In rem versum, dicitur, quidquid necessario vel utiliter impensum est, licet utilitas postea casu intercepta sit. L. 3. §. 7. hoc tit. Quod voluptatis causa impensum, non aliter, quam si mandatum vel consensus domini patrisve accesserit. L. 3. §. 1. 2. 3. 4. 6. ff. h. t. Unde in rem versum dici nequit, quod servo filiove restitutum est. L. 10. §. 6. ff. h. t.

§. CXC.

Edictum
prætoris
de in rem
verso.

Quum itaque iniquum sit, alterum cum alterius damno fieri locupletiores; (P. I. §. CCCXII. 1.) quatenus quid in rem domini patrisve versum erat, eatenus cum ipsis potius, quam cum servis filiisque, videbatur contractum. L. 1. pr. ff. h. t. & hinc eatenus actionem se daturum prætor promiserat. L. 1. ff. h. t. §. 4. Inst. quod cum eo, qui in al. pot.

§. CXCI.

Actio
de in rem
verso de-
scriptio.

Datur itaque inde actio de in rem verso Prætoriam; (§. CXC.) & adjectitiæ qualitatis, competitque ei, qui cum filio servove contraxit, adversus patrem dominumve, eatenus, quatenus in rem versum est. L. 1. pr. ff. §. 4. Inst. eod. Quumque ratio hujus edicti in ipsa æquitate fundamentum reperiat; merito utilis actio de in rem verso datur, quando ex contractu negotiorum gestor, qui

qui sui juris est, aliquid in rem domini
versum est. L. 7. §. 1. Cod. quod cum eo, qui
in al. pot.

T I T. IV.

Quod jussu.

§. CXCH.

SI consentiente patre vel domino cum iis, Quod jussu
quos in potestate habebat, contractum
fuerat, dabatur actio de peculio; si eodem
inscio, actio de in rem verso; si eo jubente,
actio quod jussu. Est autem jussum præce-
ptum, quod quis dat ei, quem in potestate
habet. Nec interest, testato quis jusserit,
an per epistolam, verbis, an per nuntium,
generatim, an in uno contractu, initio, an
postea rem ratam habuerit. L. 1. §. 1. 3. 4. 6.
ff. hoc tit.

§. CXCH.

Quia autem, qui ita contrahit, cum ipso
domino vel patre contraxisse videbatur, L. 1. Prætoris
pr. ff. hoc tit. prætor se tunc in solidum ad-
versus patrem dominumve actionem daturum
edixerat. L. 1. ff. hoc tit.

§. CXCH.

Datur itaque actio quod jussu prætoris; Actio quod
(§. CXCH.) adjectitiæ qualitatis ei, qui
cum filio servove jussu patris, vel domini
contraxit, adversus patrem vel dominum
in solidum. §. 1. I. ff. hoc tit. quod cum eo, qui
in al. pot.

§. CXCH.

Enimvero quum hodie receptum sit, ut
ex his omnibus causis, ex quibus hæc actio-
nes nascuntur, directo statim a patre vel
domino condici possit: §. ultim. Instit. quod
cum

394 Pand. Lib. XVI. Tit. I.
cum eo, actionum harum adjecticiarum usum
hodie admodum exiguum esse, & ii faten-
tur, qui omnia fere recepta in foris nostris
existimant.

L I B E R XVI.

TIT. I.

Ad SCtus Vellejanum.

S. CXCVI.

SCti Vel-
lejani. 2.
123.

OB affinitatem materię actionibus, quę
ex negotiis, cum servo filiovesam ge-
stis, oriuntur, subjungitur SCtus Vellejanum,
de cujus ætate alii aliter. Vid. Cl. Schul-
ting. Jurisp. antejust. p. 640. Schilt. Exercit.
XXVIII. 3. Sed mihi vix dubitandum vide-
tur, quin hoc SCtus conditum sit anno U.
C. IJCCCLXIII. quo anno & legem Juniam
Vellejam latam arbitror.*

* Non jam inquiram in aliorum sententias. Tan-
tum meæ fundamentum dabo, quam potero
brevissime. M. Silano & Vellejo Tutore Conss.
hoc SCtus factum refert Ulpianus L. 2. ff. hoc
tit. Jam Silani quidem multi reperiuntur, sed
nullus Vellejus Tutor. Atqui hunc nobis sug-
gerit marmor apud Grut. pag. CCCCLXX. 1.
2. ubi bis legitur: L. Silano Flam. Marti C.
Vellaco Tutore Coss. En Vellejum Tutorem Conss.
& quidem collegam Silani anno U. C. IJCCCLXIII.
Id unum interest, quod Ulpianus Silanum Mar-
cum; marmor bis Lucium vocat. Quum vero
Silani sint ex gente Junia, jam facile patet,
quando & a quibus Conss. lata sit Lex Junia
Vel-

Velleja. L. 10. §. 2. ff. de testam. tut. L. 13.
ff. de injust. rupt. irr. test.

§. CXCVII.

Quum enim feminæ frequentius auderent pro aliis intercedere, idque antiquis moribus repugnaret, qui non ferebant, ut Romana mulier ullum officium civile vel virile obiret; (P. I. §. CCCLXXXII. *) L. 2. ff. de reg. jur. L. 1. §. 1. ff. hoc tit. & præterea infirmitati sexus subveniendum videretur; L. 2. §. 2. 3. hoc tit. censuit amplissimus ordo, quia & jam antea ita jus dictum esset, ne fidejussionis & mutui dationis, quibus pro aliis intercesserint, nomine ab his petito, neve in eas actio daretur; recte atque ordine facturos, ad quos de ea re in jure aditum fuerit, si dederint operam, ut in ea re Senatus voluntas serveretur. L. 2. §. 1. ff. hoc tit.

§. CXCVIII.

Veratque itaque hoc S^Ctus mulieribus pro aliis intercedere. Intercedere autem est, aut alienæ obligationi, vel veteri vel novæ, accedere, ut eandem plane in se derivare. Quod fit defendendo, L. 2. §. 5. hoc tit. fidejuben-
do, L. 2. §. 1. L. 25. §. 1. ff. hoc tit. pignora dando, L. ult. §. 1. hoc tit. constituendo, L. 28. ff. de constit. pec. mandando, L. 6. L. 7. hoc tit. expromittendo, L. 8. §. 9. ff. hoc tit. ream se ab initio constituendo pro pecunia alii soluta. L. 4. L. 19. C. L. 8. §. 14. L. 11. L. 12. L. 28. §. 1. ff. hoc tit.

§. CXCVI.

Inde axiomata: I. Mulier non potest intercedere pro aliis. II. Si intercessit, id effectum caret. III. Unde hoc insigne est sexus sequioris privilegium.

§. CC.

Quum ergo intercedere pro aliis non pos-

locus fit *fit mulier; (S. CXCI. 1.) consequens est,*
 SCTo Vel- 1) *ut siue accedat alienæ obligationi, siue*
 lejano 2 *eam novando expromittendoque in se susci-*
piat, hoc SCTo tuta sit. (S. CXCVIII.) 2)
ut tamen hoc SCTus non pertineat ad con-
tractus, quos pro se init: veluti donando,
L. 4. S. 1. L. 21. S. 1. hoc tit. ab alio solven-
do, L. 4. S. 1. L. 5. L. 1. L. 4. Cod. hoc tit.
creditorem suum pro alio delegando, L. 5.
L. 8. S. 5. ff. hoc tit. pignora accepta reddend-
do. L. 8. princ. hoc tit. modo nihil faciat in
fraudem SCTi L. 29. S. ult. hoc tit. 3) Ut ne
tunc quidem in SCTo hoc ipfi sit præsidium,
si in rem suam intercesserit. L. 3. L. 13. L. 21.
seq. hoc tit.

S. CCI.

Quidope- Quamque intercessio mulieris effectu ca-
 reat? reat; (S. CXIX. 2.) sequitur, 1) ut non
 quidem ipso jure irrita sit, L. 7. L. 23. hoc t.
 nisi aliter, quam in instrumento publico, in-
 tercesserit, si quidem tunc ipso jure tuta
 sunt: L. 23. ultim. Cod. hoc tit. sed tamen 2)
 agenti adversus mulierem obstat exceptio SCTi
 Vellejani, L. 40. ff. de condit. indeb. 3) Ut
 ea exceptio quidem mulieri, ejusque heredi-
 bus, fidejussoribus, mandatoribus detur,
 L. 7. S. 1. de except. L. 8. S. 4. ff. hoc tit. non
 tamen 4) mulieris confidejussoribus, qui po-
 tius tenentur in solidum, L. 48. pr. ff. de fi-
 dejuss. quamvis, qui cum muliere expromi-
 sit, pro rata tantum teneatur. L. 8. C. hoc tit.
 L. 18. ff. hoc tit. 5) Ut ei exceptioni locus
 sit adhuc in ipsa exsequutione: arg. L. 11.
 ff. de SCTo ad acced. 6) Ut ex SCTo hoc mu-
 lieri, quæ solvit, actio non detur, ei ta-
 men competat condictio indebiti. (S. LVI.
 LVII. 4. 1.) L. 9. Cod. hoc tit. L. 40. ff. de
 cond. indeb.

§. CCII.

Quamvis vero inutilis sit mulieris inter-
cessio; (§. CXCI. 2.) non tamen ideo peri-
mitur obligatio debitoris, pro quo illa inter-
cessit. L. 1. §. ult. L. 14. ff. hoc tit. L. 4.
L. 23. Cod. eod. Est enim beneficium juris,
quo ob infirmitatem sexus læsis mulieribus
subvenitur: (§. CXCI. 3.) L. 2. 3. §. 2. ff. h.
tit. adeoque aliis non prodest.

An eo pe-
rimatur
obligatio
debitoris
principa-
lis?

§. CCIII.

Quod si ergo est privilegium seu benefi-
cium, (§. CXCI. 3.) facile reddi poterit
ratio, 1) cur ei mulier possit renunciare, de
ejus vi edocta, sive in judicio, sive extra
illud. * L. ult. §. pen. ff. hoc tit. L. 21. C.
hoc tit. Leg. pen. ff. de pact. 2) Cur indigna
videatur eo beneficio, quæ in dolo versatur.
L. 2. §. 3. L. 23. L. 33. pr. ff. hoc tit. L. 5.
L. 18. Cod. eod. vel 3) quæ pretium interces-
sionis abstulit. L. 23. pr. C. hoc tit. vel 4)
quæ perfectæ ætatis cum esset, intercessio-
nem post biennium reiteraverit. L. 22. Cod.
hoc tit. §. 5) Cur nec tunc subveniatur mulie-
ri, si debitum a debitore acceperit, adeoque
non læsa sit. L. 16. hoc tit. 6) Cur nec con-
tra ignorantem creditorem competat hæc ex-
ceptio. L. 4. L. 11. seq. L. 22. seq. hoc tit.
nec 7) contra minorem, si debitor principa-
lis non sit solvendo. L. 32. hoc tit. L. 12. ff.
de min.

Quando
cesset
SCtus ra-
tione mu-
lieris, &
creditorū?

* In judicio tamen abscisse renunciare tenetur
mater, vel avia, si tutelam suscipit. L. ult.
C. quando mul. tut. off. fung. Nov. CXVIII. c. 5.

§. CCIV.

Ex quo facile etiam patet, cur 8) cesset
SCtus, si mulier fidejusserit pro causa pia, ve-
luti dote. L. 12. L. ult. Cod. hoc tit. pro servo
ma-

Quando
ratione
causæ?

398 Pand. Lib. XVI. Tit. I.
manumittendo, & pretium manumissionis pro-
mittente. L. pen. C. h. r.

§. CCV.

Authenti-
ca si qua
mulier.

Ad exemplum hujus SCTi etiam quæ pro
maritis intercedunt, feminis succurrit Justi-
nianus in *Auth. si qua mulier C. ad SC. Vell.*
quia multo facilius hanc uxorum intercessio-
nem eblandiuntur mariti, quam extranei.

§. CCVI.

Ufus a SCTo
differen-
tia.

Differt tamen a SCTo Authentica. Nam
1.) SCTus prohibet, mulieres pro quocum-
que intercedere; (§. CXCVIII.) Authentica
pro marito. 2.) Intercessio, contra SCTus fa-
cta, non est ipso jure nulla (§. CCI. 1.) con-
tra Authenticam facta, ipso jure irrita est.
3.) Intercessio, pro extraneo facta, conva-
lescit, reiterata post biennium; (§. CCIII.
4.) pro marito ne repetita quidem valet. 4)
SCTo potest & extra judicium renunciari:
Authenticæ ne judicio quidem, quamvis
vulgo Doctores admittant renuntiationem ju-
ratam ob c. cum contingat X. de jurejurand.
Struv. Exerc. XXI. 11.

§. CCVII.

Ufus ho-
diernus.

Sed moribus hodiernis admodum restrictus
est SCTi usus. Saltem, quæ mercaturam ex-
ercent, feminæ ex intercessione sua ad mer-
curam pertinente plerisque locis tenentur.
Stryk. *Uf. hod. Digest. II. de SC. Vellejan.*
Different. I.

TIT. II.

De compensationibus.

§. CCVIII.

DE compensatione hic loco non suo agitur, quod & illa, æque ac Exceptio SCti Vellejani, creditum omne minuit: præter depositum. Unde & huic materiæ præmittitur. Est autem *compensatio* debiti & crediti mutui inter se contributio. L. 1. ff. h. t.

§. CCIX.

Ex qua definitione fluunt axiomata: I. Compensationi locus est inter eos, qui sibi invicem debent, L. 1. L. 2. ff. L. 9. *Cod. hoc tit.* II. Eadem obtinet, quoties debitum utrinque est certæ æstimationis. L. 4. L. 8. *Cod. hoc tit.* III. Et tunc obligationem * ipso jure vel tollit, vel minuit. §. 30. *Instit. de act.*

* Sive ex negotio b. f. sit, sive stricti juris. Quamvis ante Justinianum illa ipso jure; hæc, post Marci Antonini constitutionem, (nam ante illa tempora reus in judiciis stricti juris, quod sibi debebatur, singulari actione petebat,) per exceptionem tolleretur. §. 30. *Instit. de act. L. ult. C. de de compens.*

§. CCX.

Quum itaque compensationi locus sit inter eos, qui sibi invicem debent; (§. CCIX. 1) consequens est, 1) ut compensentur tantum debita iusta & vera, quæ per exceptionem elidi non possunt, * L. 14. ff. L. 2. *C. hoc tit.* adeoque 2) civilia mixta & mere naturalia. L. 6. ff. L. 5. L. 6. *Cod. hoc tit.* 3) Ut nihil intersit ex contractu debeatur, an ex maleficio,

cio, si pecuniarie agitur: L. 10. §. 2. L. 17. ff. hoc tit. item personales sint actiones, an reales, L. ult. pr. C. hoc tit. 4.) Ut debitum utrinque liquidum esse oporteat, L. ult. §. 1. Cod. hoc tit. §. 30. Instit. de act. & purum. L. 7. L. 16. §. 1. ff. eod.

* Quid si quis jurarit, se soluturum? Recte nihilominus compensat. (§. XVI. 5.) L. 20. §. 2. ff. de statu lib. L. 19. de lib. caus. L. 4. qui pot. in pign. Nec hoc conscientiae repugnat, quum & compensare sit solvere. L. 76. ff. de verb. sign. Nec movent, quae in contrarium movet Pufend. de F. N. & G. IV. 2. 14. & ibi Hert.

§. CCXI.

Quae per- Ex eodem axiomate patet, 1) compensa-
sonae pos- re posse omnes, cujuscunque sint ætatis, se-
sint eom- xus vel conditionis. L. 11. Cod. hoc tit. 2)
pensare? Nec fiscum debitorem refragari posse com-
pensationi, modo eadem statio debeat: L. 46.
§. 5. ff. de jur. fisco. L. 1. C. hoc tit. 3) Com-
pensationem recte & civitati opponi. (P. I.
§. CDXL. 1.) L. 3. Cod. hoc tit. non autem
tutori, exigenti, quod pupillo debetur. Leg.
23. ff. hoc tit. nec 4) procuratori, exigenti,
quod debetur domino, 5) recte tamen opponi
procuratori in rem suam; (P. I. §. CDXVIII.)
L. 18. pr. L. 21. ff. hoc tit. immo & 5) filium
recte compensare, quod patri debetur, (P. I.
§. CXLVIII. 1.) modo de rato caveat. L. 9.
§. 1. ff. hoc tit.

§. CCXII.

Quae com- Quumque debitum utrinque esse oporteat
pensari nō certa æstimationis; (§. CCIX. 2.) consequens
possint ex est, 1) ut neque species cum specie vel ge-
sua natu- nere, neque 2) diversum genus cum diverso
ra? genere compensari possit. L. 18. pr. ff. de pign.
act. L. 13. §. 2. ff. de pign. L. 2. §. 1. ff. de
resb.

reb. cred. 3) Ut mutui criminis publici nulla sit compensatio; L. 2. S. 4. L. 13. S. 5. ff. ad L. Jul. de adult. quin 4) nec possessionis, injuste occupatae. L. ult. S. 2. Cod. hoc rit.

S. CCXIII.

Ex quo porro colligimus, ex privilegio esse, quod compensatio locum non habet 1) in pretio rerum, a fisco emptarum, Leg. ult. C. h. t. 2.) in causa calendarii, vectigalium, tributorum, frumenti, vel olei publici, alimentorum, pecuniæ, statutis sumptibus servientis, fideicommissi civitatibus debiti. L. 3. Cod. eodem, ac denique 3) in causa depositi, * cui aliquid compensationis nomine opponi, bona fides non patitur. L. ult. S. 1. Cod. hoc rit. L. pen. Cod. depos. S. 30. Instit. de act.

Quæ ex privilegio possint?

* An nec in causa commodati? Ita Cujacio visum ob L. ult. C. commod. Prætextu debiti restitutio commodati non probabiliter recusatur. Sed Justinianus S. 30. Inst. de act. excipit depositi actionem. Hinc ipse Cujac. Obs. IX. 37. suspicatur, corruptam hanc constitutionem in manus Triboniani incidisse, & pro commodatum, in ea legendum esse commendatum, i. e. depositum. Sed simplicius dici potest, distinguendum esse, utrum species commodata exstet, & repetatur a commodante, an ejus preceptæ æstimatio petatur. Priori casu non est debitum mutuum, quia species commodata in dominio commodantis manet, adeoque compensationi non est locus. Posteriori locus est, quia vere tunc invicem debent commodans & commodatarius. Ita erudite & solide hanc litem componunt Hugo Donell. ad S. 30. Inst. de act. & M. Lyklana in Velitar. stud. jur. III. quæst. 20. pag. 140.

S. CCXIV.

§. CCXIV.

Ejus effectus.

Quia denique compensatio obligationem ipso jure vel tollit, vel minuit; (§. CCIX. 3.) consequens est, 1) ut quidem alleganda sit in judicio, quia in facto consistit, L. 2. L. 6. L. 7. seq. C. L. 13. L. 15. L. 19. L. pen. ff. hoc tit. idque 2) & ante litis contestationem, & postea, immo in ipsa executione fieri possit. L. 2. Cod. hoc tit. 3) effectum tamen suum exferat ex eo momento, quo invicem deberi coepit, §. 30. Instit. de act. adeoque 4) pro solutione sit, L. 4. Cod. hoc tit. & tum obligationem, tum ejus accessiones ad summam concurrentem, extinguat, d. §. 30. L. 5. ff. L. 12. Cod. hoc tit. Unde 5) ab eo tempore statim & fidejussores pignoraque liberantur, L. 4. ff. L. 12. Cod. hoc t. & usurae currere desinunt, L. 7. C. de solut. L. 11. L. 12. ff. L. 4. Cod. hoc tit. nec mora committitur, L. 88. ff. de reg. jur. & quod omnia compensatione solutum est, conditione indebiti recte repetitur. Leg. 10. §. 1. h. t.

§. CCXV.

Jus retentionis quid?

Referunt huc Doctores *Jus Retentionis*, idque *compensationem temporariam* vocant. Sed male. Retentione enim illa non fit mutui debiti & crediti contributio, (§. CCVIII.) sed jus pignoris constituitur in re aliena, quam ex justa causa detinemus, donec nobis satisfactum sit. L. 48. ff. de reg. jur. Vid. Beyerl Posit. Dig. hoc t. §. XXXVII.

§. CCXVI.

Quando ei locus sit?

Unde 1) huic juri locus est, etiam si species debeatur. (§. CCXIII.) 2) Eodem recte utitur unusquisque ipso jure ob quaecunque debitum liquidum, ope exceptionis vero, etiam ob illiquidum, e. g. maritus ob impensas, in res dotales factas, L. 5. pr. ff. de imp. in rem doct. fact. creditor in pignore, ob

ob qualecunque debitum, *tit. Cod. etiam ob chirogr. pec. pign. ret.* immo & depositarius in re deposita, ob impensas, in rem depositam factas. (§. CCXIII. 3.) *Leg. 23. ff. depos.* Quæ secus se habere in compensatione vidimus.

* Ita plerique Doctores. Vid. *Struv. Exerc. XXI. 44.* At, ut verum fateamur, id non sequitur ex textu adscripto, nec ex *L. 18. §. ult. ff. commod. L. 20. ff. de acq. poss. L. 38. ff. de her. pet.* Nec obscure hoc jus excludit *L. pen. C. depos.* verbis: *Integra omni legitima ratione servata, depositæ res vel pecuniæ prima fronte restituantur.* Unde æquius videtur, ut, cautione de impensis interposita, depositario iungatur restitutio.

TIT. III.

Depositum vel contra.

§. CCXVII.

Contractuum, qui re ineuntur, ultimus *Depositum* est *Depositum*, de quo hoc titulo agitur. *quid?* Est autem *Depositum* contractus re initus, quo quis alteri rem mobilem, * ita gratis apud se custodiendam, deponi patitur, ut, quandocumque deponenti placuerit, eadem species restituatur.

* Quamvis enim & rei immobilis custodiam possumus alicui commendare; *commendare* autem nihil aliud sit, quam deponere; *L. 186. ff. de verb. signif.* tamen vere nunc mandatum est. *L. 5. §. 4. ff. de præscript. verb.* quia is, cui res immobilis commendatur, non tantum patitur, rem apud se esse, uti depositarius, sed ad

ad factum obligatur. Vid. Ampl. Vir. Huber. *Præf. ad Instit. quib. mod. re contr. obl.*
§. X.

§. CCVIII.

Olim cum
deposita-
rio ageba-
tur in du-
plum.

Quum vero veteribus inexpressibile scelus videretur, depositum non dicam negare, sed de eo negando tantum cogitare: Vid. Isaac. Casaub. *Leſt. Theocrit. p. 85.* & viri docti ad Juvenal. *Sat. XIII. v. 13.* Legibus XII. tabularum cautum fuerat, ut depositarius omnis, qui depositum reddere nollet, actione in duplum posset conveniri. *Pariat. Leg. Mos. & Rom. X. 6.* quasi fur nec manifestus. *L. 13. §. 1. ff. de pos.* At postea Prætor, relicta deponenti conditione furtiva, *d. Leg. 13.* distinxit inter depositum *simplex* & *Miserabile*.

§. CCXIX.

Quotuplex
fit ex edi-
cto præto-
ris?

Simplex est, quod fit extra necessitatem fatalem: *Miserabile*, quod fit tumultus, incendii, ruinæ, naufragii causa. *L. 1. §. 1. ff. hoc tit.* Ejus nomine in simplum; hujus contra depositarium in duplum; contra heredem ejus, si quid defuncti dolo malo factum esse diceretur, in simplum; si dolo ipsius heredis, idem in duplum judicium promiserat. *L. 1. §. 1. ff. h. t.*

§. CCXX.

De depo-
sito axio-
mata.

Ex quibus definitionibus, & edictis jam fluunt axiomata: I. Depositarius patitur rem apud se gratis custodiæ causa deponi. II. Rem depositam statim tenetur in specie restituere. III. Si depositum non restituit, & homo scelestus est, & ex simplici in simplum; ex miserabili ob dolum in duplum tenetur.

§. CCXXI.

Depositi

Quum itaque depositarius rem apud se gra-
tis

tis custodiæ causa deponi patiatur ; (§. *discrimen*
 CCXX. 1.) consequens est , 1) ut , si mer- *ab aliis*
 ces intercedat , locatio conductio sit ; sin- *contracti-*
 aliud quid , contractus innominatus , do , ut *bus .*
 facias , L. 1. §. 8. *seq. hoc tit. 2.)* Ut nec
 dominium , nec usus , nec possessio in depo-
 sitarium transferatur , adeoque 3) si rei fun-
 gibilis usus concedatur , vel expresse vel ta-
 cite , L. 54. ff. *locati* , depositum , simul ac
 mota illa res transeat in mutuum . L. 10. ff.
de reb. cred. L. 1. §. 34. ff. *hoc tit. 4.)* sin
 deposita res non fungibilis utenda data , in
 commodatum , adeoque 5) depositum *irre-*
 gulare , quod fingunt doctores , non sit de-
 positum .

§. CCXXII.

Quumque depositarius id gratis faciat ; (§. *Deposita-*
 CCXX. 1.) sequitur , 6) ut omne ex hoc *rit officiū*
 contractu commodum sit penes deponentem , *in custo-*
 adeoque (§. CXVIII. 5) 7) depositarius *diendo .*
 tantum dolum & culpam latam præstet . L. 1.
 §. 7. 16. 20. *seqq. L. 47. ff. hoc tit.*

* Aliud si maiorem diligentiam promiserit de-
 positarius , L. 1. C. *hoc tit.* vel si se ultro ob-
 tulerit . (§. CXVIII. 6.) vel si in mora sit ,
 siquidem hic & casum ; L. 12. §. *ult. ff. hoc tit.*
 priore casu culpam levissimam præstat . L. 1.
 §. 35. ff. *hoc titul.* Reliquas exceptiones non
 agnoscimus . Nam quod ad irregulare deposi-
 tum attinet , illud non esse depositum , jam
 supra observatum est . (§. CCXXI. 5.)

§. CXXIII.

Quia deinde depositarius rem statim in spe- *Deposita-*
 cie reddere tenetur ; (§. CCXX. 2.) sequi- *rius ab-*
 tur , 1) ut ei non liceat idem in genere red- *scissetene-*
 dere , nisi vel aliud conventum , §. 3. *Instir.* *tur ad*
quib. mod. re contr. obl. vel depositum tran- *reddendū*
 sierit *depositum.*

fierit in mutuum; §. CCIX. 3.) adeoque abscidisse reddenda sit res deposita cum fructibus. L. 1. §. 24. *hoc tit.* L. 31. §. 10. *de usur.* immo & cum accessionibus & usuris tempore moræ. L. 2. L. 4. *Cod. hoc tit.* 3.) Ut cista obsignata deposita, & singulæ res ea comprehensæ, restituendæ sint, nisi signa illæsa appareant. L. 1. §. 41. *ff. hoc tit.* 4.) Ut & prædo possit depositum repetere, L. 1. §. 36. L. 31. §. 1. *ead.* 5.) & ex pluribus deponentibus, vel deponentis heredibus, singuli ratam suam petant. * L. 1. §. 44. L. 17. *pr. hoc tit.* L. 1. §. 36. *ead.* quemadmodum & 6.) si a pluribus heredibus repetitur, pro ea parte, qua quisque heres est, reddere tenetur. L. 7. §. 1. L. 9. *ff. hoc tit.* 7.) Ut nec compensatione, nec deductione, nec doli exceptione, uti contra deponentem debeat depositarius. (§. CCXIII. 3.) L. *pen. C. hoc tit.* L. *ult.* §. 1. *Cod. de compens.*

* Si deposita sit quantitas. Tunc enim pecunia etiam obsignata prætoris auctore & intervenientibus honestis personis, resignanda. L. 1. §. 36. *hoc tit.* Sin species deposita, tota uni ex coheredibus, idonee caventi restituenda. L. 1. §. 36. *h. r.*

§. CCXXIV.

Denique ex tertio axioma; (§. CCXX. Quid si non reddatur? 3.) consequitur, 1.) ut ex omni deposito & heres in solidum ex dolo defuncti teneatur, alias plures pro rata. L. 7. §. 1. *ff. hoc tit.* L. 12. L. 49. *ff. de obl. & act.* 2.) Ut omnis dolus, lataque culpa, depositarii coerceatur infamia. (P. I. §. CCCVII. 4. *) L. 10. *C. h. t.* L. 1. §. 1. *ff. de his, qui not. inf.* Cic. *pro Rosc. Amer. cap. XXXIX.* 3.) Ut ex deposito simplici in simplum detur actio; ex miserabili adversus depositarium in duplum, adversus

fus heredem ex dolo defuncti in simplum ,
ex dolo proprio in duplum . Leg. 1. §. 5.
L. 11. h. r.

§. CCXXV.

Itaque ex hoc contractu nascuntur *Actiones* Actio de-
Depositi directa & contraria, personales, ci- positi di-
viles, bonæ fidei: quarum *illa* competit de- recta.
ponenti, ejusve heredibus, (§. CCXXIII. 5.)
adversus depositarium, ejusve heredes, (§.
CCXXIII. 6.) ad rem depositam in specie
(§. CCXXIII. 1.) cum omni causa, (§.
CCXXIII. 2.) vel si miserabile sit deposi-
tum, ad duplum ejusdem restituendum, (§.
CCXXIX. 3.) præstandumque dolum, cul-
pamque latam. (§. CCXXII. 7.)

§. CCXXVI.

Hæc vero, puta *Contraria*, datur deposita- Contraria
rio adversus deponentem, vel ejusdem here-
des ad indemnitatem. L. 5. pr. L. 12. L. 23.
ff. h. r.

§. CCXXVII.

Quum autem & de *Sequestratione* hic age- Sequestrat-
re soleant doctores; merito quæritur, an ea an deposi-
depositum recte vocetur? Idque affirmo de tum?
Voluntaria, quando litigantes rem religiosam
ultro apud alium deponunt: L. 6. L. 17. pr.
ff. hoc. tit. non autem de *Necessaria*, quæ
nec consensu litigantium fit, adeoque ne qui-
dem contractus est, nec naturam depositi
servat. Est ergo hæc custodia rei litigiosæ,
decreto judicis ex justa causa * alicui de-
mandata. L. 7. §. ult. ff. qui satisfd. cog.

* Ordinario enim neutri litiganti possessio eri-
pienda, adeoque sequestratio prohibita est.
L. un. Cod. de prohib. seq. pecun. Admittitur
tamen ob metum fugæ, dilapidationis, armo-
rum, aliasque justas & magni momenti caus-
tas, d. L. 7. §. ult. qui satisfd. cog. L. 21. §. ult.
de ap-

de appel. L. ult. Cod. de ord. cogn. L. ult. ff. Cod. quib. ad liber. L. 5. C. quor. appel. Singularis casus est in cap. 14. X. de sponsal.

§. CCXXVIII.

Ejus a deposito differentia. Hinc est, 1) quod sequestrari possunt etiam res immobiles. (§. CCXVII.) L. 6. L. 17. hoc tit. 2.) Quod in sequestrem non sola custodia, sed & possessio, (§. CCXXI. 2.) L. 17. §. 1. hoc tit. immo & administratio plerumque transit. 3) Quod res sequestrata non quandocunque libet, repeti potest; (§. CCXVII.) sed lite demum finita. L. 1. §. 22. ff. h. tit. L. 9. §. 3. de dol. 4.) Quod raro sequestres gratis præstant hanc operam. (§. CCXX. 1.) Quæ secus se habere in deposito, vidimus.

§. CCXXIX.

Actio sequestraria directa, & contraria. Datur itaque ex sequestro actio sequestraria, directa & contraria. Illa victori, secundum quem judicatum, contra sequestrem, ad rem sequestratam cum omni causa restituendam, reddendasque rationes. L. 5. §. 1. L. 12. §. 2. h. t. L. 9. §. 3. de dol. Hec sequestri adversus victorem ad indemnitatem.

LIBER XVII.

TIT. I.

Mandati, vel contra.

§. CCXXX.

Mandatum quid? **P**rogredimur ad contractus consensuales, quorum primus hic nobis occurrit Mandatum, a manus datione dictum, * quod est con-

Mandati, vel contra. Pars III. 409
contractus consensualis, bonæ fidei, quo alteri negotium, gratis gerendum, committitur, & ab altero suscipitur. L. 1. h. t.

* Observat Cl. Noodt. *Probab. IV. 12. 1. & Comment. ff. hoc tit. pag. 371.* veteres primum mandatum officio atque amicitia æstimasse, L. 1. §. 4. *hoc tit.* nulla hoc nomine constituta actione, uti in precario. Suffecisse ipsis manus dationem, unde mandatum dictum esse ait Isidor. *Orig. IV. 24.* Erat enim manus fidei sacra, uti Servius scribit ad Virgil. *Æn. III. v. 607.* Unde Tyndarus apud Plaut. *Capl. II. 3. v. 82.*

* *Hæc per dexteram tuam te, Dextera retinet : Manu,*
Obsecro, infidelior mihi ne fias, quam ego sum tibi.

Et Menedemus apud Terent. *Heaut. III. v. 84.*

Cedo dexteram, porro te idem oro, ut facias : Chreme.

Postea actionem ex mandato dederunt Romani, sed ita, ut hodieum hic contractus quam maxime vicaria amicorum opera constet. Cic. *pro Sex. Rosc. Amerin. cap. XXXIX.*

§. CCXXXI.

I. Contrahitur itaque mandatum mutuo consensu. II. Maxime in eo contractu vertitur amici fides. III. Eo gerendum committitur suscipiturque negotium alienum. IV. Alter contrahentium alteri tenetur ex bona fide.

De eo
axiomata.

§. CCXXXII.

Quum itaque mandatum mutuo consensu
Hein. Pand. T. I. S Quo-

Quomodo mandetur: contrahatur: (§. CCXXXI. 1.) consequens est, 1) ut perinde sit, siue præsens quis, siue per epistolam, siue per nuntium mandet: quibusque verbis potissimum uti velit. L. 1. §. 1. 2. ff. *hoc tit.* 2.) Ut & tacitum præsumptumque mandatum detur, (P. I. §. CDXLVII.) L. 6. §. 2. L. 18. L. 53. ff. L. 6. *hoc tit.* immo & 3) ratihabitio, modo nondum perfectio negotio accedat, * pro mandato sit, quod ad effectum attinget. L. 50. ff. *h. r.* L. 60. ff. *de reg. jur.*

* Alias enim, si perfectio negotio accedit, manet negotiorum gestio, Bachov. ad Treutl. Vol. I. Disp. Dip. X. thesi 6. litt. B.

§. CCXXXIII.

Obligatio
mandata-
tur.

Quumque maxime in eo contractu vertatur amici fides; (§. CCXXXI. 2.) sequitur, 1) semel susceptum mandatum consummandum, aut quam primum ei renunciandum sit. L. 22. §. ult. ff. *hoc tit.* 2.) Ut mandatarius diligenter custodire debeat fines mandati, L. 5. pr. §. 3. 4. ff. *hoc tit.* quod facere videtur, etiam dum per alium vel per aequipollens perfecit. L. 8. §. 3. L. 46. L. 62. §. ult. *hoc tit.* 3) eosque si excesserit, ne actionem quidem negotiorum gestorum habeat. L. 41. *hoc tit.* L. 31. §. 4. ff. L. ult. Cod. *de negot. gest.* 4) Ut nihil cum præjudicio mandantis conjunctum, possit sine speciali mandato facere, adeoque 5) divisio inter mandatum cum libera & sine libera sit otiosa. (P. I. §. CDXXX. 7.) 6) Ut non solum dolum, sed & culpam, etiam levissimam, præstare debeat. L. 13. L. 21. C. *hoc tit.* immo 7) ob dolum, & latam culpam, infamia merito notetur. P. I. §. CDVII. 4.) Leg. 21. Cod. *hoc tit.* Leg. 1. Leg. 6. §. 6. *de his, qui not. inf.*

§. CCXXXIV.

Ex eodem axiomate patet, 8) mandantem Et man-
datario teneri ad restituendas impensas dantis.
utiles, & necessarias, L. 10. §. 9. L. 12. §. 9.
L. 27. §. 4. L. 56. §. ult. *hoc tit.* immo & 9)
infamia coercendum esse, si fidem, quam ad-
versarius sequutus est, non præstet: * e. gr.
si pro te fidejussi, & solvi, mandati te si
condemnavero, famosum facio. L. 6. §. 5. ff.
de his, qui not. inf. 10.) Indemnem esse præ-
standum mandatarium, L. 10. L. 20. L. 26.
§. 2. 7. ff. *hoc tit.* licet vel minus impende-
re potuisset, L. 27. §. 4. ff. *hoc tit.* vel con-
silio non responderit eventus. L. 4. C. *hoc tit.*
Nec tamen 11) illud damnum ferre man-
dantem, quod mandatarius casu fortuito,
naufragio, similive infortunio passus est. L.
26. §. 6. ff. *hoc tit.*

* Quod hic singulare, quum alioquin contrario
judicio damnatus infamis haud fiat, L. 1. *de*
his, qui not. inf.

§. CCXXXV.

Quumque porro mandato committatur su- Quæ man-
scipiaturque negotium alienum; (§. CCXXXI. datarii
3.) facile patet, 1) mandari non posse pos-
sint?
gotia turpia. L. 20. §. 3. L. 21. §. 6. L. 11. ff. *h.*
tit. adeoque 2) nullam inde nasci obligatio-
nem inter mandantem & mandatarium, sed
utrumque obligari ad poenam. L. 7. §. ult. ff.
de jurisd. L. 15. §. 1. ff. *ad L. Corn. de sicar.*
L. 5. *Cod. de accus.* 3) Nec commendationem
pro mandato esse, L. 12. §. 12. ff. *h. t.* nec 4)
consilium, neutrum enim obligatorium est, *
nisi vel fraudulentum sit, vel plus, quam
commendatio aut consilium. L. 47. ff. *de reg.*
jur. L. 6. §. 5. L. 32. ff. §. 6. *Instit. hoc tit.*
L. 10. *de dolo mal.* 5) Ex mandato aliena gra-
tia non nasci obligationem. L. 8. §. 6. ff. *h. t.*

412 *Pand. Lib. XVII. Tit. 1.*
nisi postquam adimpletum est a mandatario;
L. 8. §. 6. ff. *hoc tit.*

* Aliud tamen de commendatione mercatorum dicendum, quam obligare experientia docet.
Vid. Finckelth. *Obsev. XVI.* 1. 7.

§. CCXXXVI.

Actio m^{an}
dati d^{ire}
cta.

Denique, quum alter contrahentium alteri ex bona fide teneatur; (§. CCXXI. 4) consequens est, 1) ut duplex ex hoc contractu nascatur *Mandati* actio, altera *directa*, altera *contraria*, utraque personalis & bonæ fidei. Et *directa* quidem datur mandanti, ejusve heredi, adversus mandatarium, ejusve heredum, & si plures sint, contra singulos in solidum, ad negotium susceptum expediendum, rem acquisitam cum fructibus tradendam, reddendas rationes, præstandamque omnem culpam, etiam levissimam. (§. CCXXXIII.)

§. CCXXXVII.

Contraria.

Contraria competit mandatario, qui mandatum perfecit, ejusve heredi; contra mandantem, ejusve heredem, ad indemnitatem.

§. CCXXXVIII.

Quomodo
mandatum
finiatur?

Ceterum finiri mandatum, 1) dissensu contrahentium, §. *ult. Instit. quib. mod. toll. obl.* ex primo axioma patet. Ex secundo vero sequitur, ut exspiret etiam 2) revocatione mandantis, si res adhuc sit integra, L. 12. §. *pen. L. 15. hoc t.* & 3) renuntiatione mandatarii, modo tempestive, vel ex justa causa fiat, L. 22. §. *ult. L. 23. L. 24. L. 25. hoc tit. §. 11. Institut. eod.* nec non 4) morte mandantis, vel mandatarii, L. 26. L. 27. §. 3. L. 57. L. 58. *hoc tit.* nisi huic vel actio cesset, L. 1. *Cod. de oblig. & act.* vel mandatarius, ignorans mandantem decessisse, mandatum exequutus sit, L. 26. L. 58. ff. *hoc tit.* vel

vel aliquid mandatum sit, quod nonnisi post mortem possit perfici. L. 12. §. ult. L. 13. ff. hoc tit.

T I T. II.

Pro socio.

§. CCXXXIX.

Alter, de quo hoc libro agitur, contractus consensualis est *societas*, a rerum *communione* discernenda. (P. II. §. CCCXXVII.) Quemadmodum enim communiter res agi potest citra societatem, ut puta, quum non affectione societatis in communionem indicimus. L. 31. L. 32. L. 34. ff. hoc tit. ita *societas* nonnisi consensu initur, adeoque est contractus consensualis bonæ fidei, de re vel opera honesta, communis lucri causa, in commune conferenda.

§. CCXL.

Unde hic contractus nonnisi fiducia amicitiae initur, adeo ut socii sibi invicem fratrum loco essent. L. 63. pr. hoc tit. Apulej. *Metamorph.* X. p. 388. Petron. *Satyr.* p. 26. & ibi Joann. VVouvver. p. 118.

Ea quasi fraternitas est.

§. CCXLI.

Ceterum *societas* vel *universalis* est, quæ universa bona præsentia & futura communiscantur, L. 3. §. 1. L. 73. §. 1. ff. hoc tit. vel *generalis*, quæ illa tantum, quæ ex quaestu veniunt, in commune conferuntur, L. 7. L. 8. ff. hoc tit. (quæ in dubio magis quam illa, inita esse præsumitur, d. L. 7. hoc tit. vel *singularis*, quando vel certæ rei operæve vel negotiationis causa, *societas* initur. L. 5. pr. L. 52. §. 5. ff. h. t.

Societas quotuplex?

§. CCXLII.

De ea axiomata.

Inde axiomata : I. Societas solo consensu perficitur : II. In societate universali omnia ; in generali ea , quæ ad quæstum pertinent ; in singulari res vel operæ certæ communes sunt . III. Sociorum commune est lucrum & damnum . IV. Contractus hic quam maxime exigit fidem bonam . (§. CCXL.)

§. CCXLIII.

Quomodo inestur societas ?

Quum itaque consensu perficiatur societas ; (§. CCXLII. 1.) consequens est , 1) ut & tacite , facto & per nuntium possit iniri . L. 4. *pr. hoc tit.* 2.) Ut traditio ad implendum quidem contractum requiratur , non autem inde substantiam capiat societas . 3) Ut ne quidem ea opus sit in societate universali , quippe in qua res singulæ tacite & continuo traditæ censentur , etiam sine facto sociorum , *Leg. I. §. I. hoc tit.* exceptis tamen 4) nominibus & actionibus , quæ cum personam non egrediantur , (P. I. §. CXLVI.) cedenda sunt invicem . *Leg. 2. princ. ff. hoc titul.*

§. CCXLIV.

Quid iustum in societate universali ?

Quumque in societate universali omnia communicentur ; (§. CCLII. 2.) consequens est , 1) ut & futura cujusque bona communia fiant , 2) etiam quæ ex causa lucrativa una ex sociis obveniunt , veluti hereditas , legatum , L. 3. §. I. L. 73. *pr. hoc tit.* 3) etiam quæ ex delicto tertii per actionem injuriarum vel ex L. Aquilia , acquiruntur . L. 52. §. 18. *hoc tit.* 4) Ut quemadmodum in acquisitione æqualitas non exigitur , ita nec in erogationibus & impendiis , si uni sociorum pluribus opus sit , quam alteri . L. 73. §. *Idem ff. eod.* quod tamen ad multas , ob unius delictum solvendas , vel lucra ex delictis , non pertinet , L. 52. §. 18. L. 53. *hoc tit.*

§. CCXLV.

§. CCXLV.

Quia porro in societate generali ea, quæ ad quæstum pertinent, communicantur, (§. CCXLII. 2) non dubium est, 1) quia in commune sit conferendum: quidquid ex opera & negotiatione provenit, L. 7. L. 8. L. 71. *princ. hoc tit.* non autem 2) quod ex causa lucrativa, veluti hereditate, legato, donatione. L. 9. *sequent. hoc titul.* 3.) impendia tantum ad quæstum fiunt. L. 12. L. 27. *hoc tit.*

Quid in generali?

§. CCXLVI.

Quandoquidem porro commune esse debet in singulari societate lucrum, & damnum; (§. CCXLII. 3.) consequens est, 1) ut ex arbitrio coeuntium partes fiant, etiam inæquales. §. 1. *Inst. hoc tit.* L. 29. *pr.* §. 1. *hoc tit.* 2.) Ut & partem lucri ferat, qui non pecuniam, sed operam in commune contulit tanquam socius: quamvis reliqui socii pecuniam collatam merito præcipuam habeant. L. 52. §. 2. *ff. hoc tit.* 3.) Ut, si pacto nihil definitum, inter socios servetur æqualitas, non quidem *arithmetica*, sed *geometrica*, pro ratione collatæ pecuniæ vel operæ. L. 6. L. 29. *pr.* L. 80. *ff.* §. 1. *Inst. hoc tit.* 4.) Ut non valeat societas leonina, ex qua unus omne lucrum, alter omne damnum ferat; L. 29. §. 2. *ff. h. t.* nec 5) lucrum intelligatur, nisi deducto damno. L. 30. *ff. h. t.*

Quomodo dividatur inter socios lucrū & damnum?

§. CCXLVII.

Denique, quum hic contractus quam maxime exigit fidem bonam; (§. CCXLII. 4.) æquissimum sane est, 2) ut socius socio præstet eam diligentiam, quam ipse in re sua præstat, ne hic majorem diligentiam exigit ab illo, quam talem, qualem ipse initio in socio probavit, §. 9. *Inst. hoc tit.* & probat etiamnum, dum ex societate non discedit.

Obligatio sociorum.

(*Instit.* §. CMXLVII. *) 2) Ut eam diligentiam socius socio præstet in negotiis singulis, adeoque 3) compendium ex uno negotio cum culpa, in altero commissa non compensentur. *L. 25. L. 26. ff. h. t. 4.*) Ut socius socium & ratione impensarum indemnem præstare debeat, omniaque una ferre, quo socio ex causa societatis absint, *L. 38. §. 1. L. 52. §. 10. 15. L. 67. §. pen. ff. h. t. 5*) Ut casus fortuitus sit communis, si in re communi; non si in re unius socii contigerit. *L. 52. §. 3. 4. L. 58. pr. §. 1. hoc tit. 6*) Ut socius, ex dolo latave culpa conventus, & condemnatus, infamia notetur. (*P. I. §. CDVII. 4.*) *L. 1. L. 6. ff. de his, qui not. inf. §. 2. Inst. de pen. rem. litig.*

§. CCXLVIII.

An socius
conveniri
possit in
solidum?

Ex jure fraternitatis (§. CCXL.) est, quod 7) socius, actione pro socio conventus, gaudet beneficio competentiae, nec ultra condemnatur, quam quantum facere potest. (*Instit.* §. MCC. 4.) §. 38. *Inst. de act. L. 63. ff. pro soc. L. 16. ff. de re jud.* Quare nec 8) socii heres, vel fidejussor, *L. 63. §. 1. 2. h. t. nec 9*) socius, qui dolum admisit. *L. 22. §. 1. de re jud. nec 9*) is, qui se socium esse negavit, hujus beneficii participes est. *L. 67. §. ult. hoc tit. L. 22. §. 1. de re jud.*

§. CCXLIX.

Actionis
pro socio
descriptio?

Datur itaque sociis inter se actio pro socio, utrinque directa, personalis, bonae fidei, (§. CCXXXIX.) ad conferenda bona communia, lucrum communicandum, præstandumque damnum, culpa levi in concreto datum. (§. CCXLVII. 1.)

§. CCL.

Quando ei
non sit locus?

Ex qua descriptione patet, 1) dissoluta societate, si quid inter socios dividendum super;

perfit, non utendum esse actione pro socio, sed communi dividundo, L. 61. ff. commun. div. 2.) Contra socios ab extraneo non pro socio agi, sed actione ex contractu, ex quo nata obligatio. L. 69. ff. pro soc. Quo casu 3.) si omnes contraxerunt, singuli pro rata; si unus suo nomine, nec in rem societatis versum, ipse solus; si unus tanquam insitor pro omnibus, singuli in solidum tenentur. L. 28. L. 52. §. 5. L. 63. §. 3. L. 65. §. 1. L. 82. hoc tit.

§. CCLI.

Denique ex his principiis facile patet, cur Quomodo solvatur societas?
societas solvatur I. mutuo dissensu, quia mutuo consensu contrahitur. L. 63. §. ult. L. 65. §. 3. hoc tit. II. Renuntiatione unius ex sociis, modo non dolosa, nec intempestiva, quia alias socium liberat renuntians, ipse non liberatur.) L. 65. §. 3. 6. 8. L. 64. hoc tit. Socii enim fratrum loco sunt, (§. CCXL.) quos alienos esse oportet a discordia, cujus societas mater esse solet. (P. II. §. CCXXIX. 6.) Unde nec pactum contrarium renuntiationi obstat, veluti si societas contracta in perpetuum, L. 14. L. 70. ff. h. tit. III. Morte unius ex sociis, quia personæ industria electa. L. 65. §. 9. hoc tit. Unde heres non tenetur continuare societatem, * licet expresse ita convenerit, L. 40. L. 59. L. 65. §. 11. hoc tit. excepta societate vectigalium. L. 59. princ. hoc tit. IV. Morte civili. L. 4. §. 1. L. 63. §. ultim. hoc tit. V. Cessione ac publicatione bonorum. L. 4. §. 1. L. 63. §. 10. L. 65. §. 12. hoc tit. VI. Rei interitu. L. 63. §. ult. hoc tit. VII. Lapsu temporis, ad quod societas inita. L. 65. §. 5. ff. hoc tit.

* Heres tamen præstat factum defuncti, & hinc

§ 5

societ.

societati obligatur, L. 36. L. 63. L. 65. §. 9. *hoc tit.* & actione pro socio convenitur ex gesto defuncti. Immo & perficere tenetur a defuncto socio inchoata: L. 40. *hoc tit.* quemadmodum & obligatur, si socius, mortuum esse socium ignorans, utiliter socii negotium gessit. L. 65. §. 13. ff. *hoc tit.*

L I B E R XVIII.

T I T. I.

De contrahenda emptione venditione, & de pactis inter emptorem & venditorem compositis, & quæ res venire non possunt.

§. CCLII.

Quid emptio venditio? **P**roximus est tertius contractus consensualis, de quo omnium prolixissime agitur in Pandectis, puta *emptio venditio*, quippe invento numo, vel pretio eminente, in vita humana frequentissima. L. 1. pr. ff. *h. tit.* Ea autem est contractus juris gentium, * consensualis, (P. I. §. CCCLXI. *) bonæ fidei, (ibid. §. CCCLXV.) de re pro certo pretio tradenda.

* Nulla enim hic forma nova ex jure civili accessit. Unde & inter peregrinos æque, ac ci-
ves Romanos, contrahitur. L. 15. ff. *de interd. & releg.* Ita recte vir desideratissimus Ger. Noodt. ad *Pand. h. t. Tomo II. Op. p. 386.* Sed id tamen intelligendum tantummodo de emptione venditione simplici. Rerum enim mancipi, seu ritus mancipationis.) *Inst. §. CCCXXX. **

CCCXXX. *) qui modus alienandi erat civium Romanorum proprius. Vid. Ampl. Bynkersh. *de reb. mancipi* Cap. 1.

§. CCLIII.

Ex quo facile patet, tria esse, quæ hujus contractus substantiam absolvunt, *consensum*, *rem*, & *pretium*, de quibus observanda axiomata; I. Emptio venditio perficitur consensu, L. 15. *Cod. hoc tit.* II. Omnia emi vendi possunt, quæ sunt in commercio. L. 34. §. 1. *ff. h. t.* III. Pretium debet esse verum, justum, certum, & in pecunia numerata consistere. IV. Est hinc contractus utrinque obligatorius, & hinc bonæ fidei. L. 6. §. 1. *h. t.* §. un. *Inst. de obl. ex consensu.*

De ea axiomata.

§. CCLIV.

Quum itaque *consensu* perficiatur emptio venditio; (§. CCLIII. 1.) consequens est, 1) ut sine consensu sit nulla. L. 9. *pr. ff. h. t.* 2) ut ad vendendum, nisi exigente necessitate vel utilitate publica cogi nemo possit, L. 11. L. 14. *C. h. t.* L. 1. *C. de resc. vend. tit. Cod. ut nem. lic. in empt. spec.* adeoque 3) propter vim illatam emptio venditio nulla sit, vel aliquando rescindatur. (P. I. §. CDLXVIII.) L. 3. *ff. de resc. vendit.* L. 9. §. 3. *ff. quod met. caus.* 4) Ut & dolus, dans causam contractui, emptionem venditionem reddat nullam, incidens actione empti vel exceptione doli purgetur. (P. I. §. CDLXXXI.) L. 7. *pr. L. 9. de dol.* L. 13. §. 5. *ff. de act. empt.*

Consensui repugnat vis, doli &c.

§. CCLV.

Ex eodem sequitur, 4) ut nulla sit emptio, si erratum in genere contractus, in re vendenda, in pretio, L. 9. *pr. h. t.* item in materia, L. 9. §. 2. *cod.* vel majori ejus parte, L. 41. §. 1. *hoc tit.* vel in sexu, L. 11. §. 1. *h. t.* non autem, 5) si erratum in parte

Error.

minori materiae, L. 14. h. t. vel in virginitate, L. 11. §. 5. de act. empt. vel in accessoriis, L. 43. pr. h. t. nisi venditor in dolo sit: d. L. 11. §. 5. Quamvis 6) his casibus omnibus locus sit actioni *quanti minoris*: quare admittitur quidem, si erratum sit in re nullius momenti, veluti in nomine. L. 9. §. 1. *hoc tit.* 7) Ut in emptione, per averfionem ad corpus facta, erroris ratio non habeatur, sed illa tamen attendatur, in facta ad mensuram. L. 40. §. 2. h. t. L. 4. §. 1. L. 13. §. 14. L. 42. ff. de act. empt. L. 45. L. 69. §. ult. ff. de evictio.

§. CCLVI.

¶ An liceat
ab ea re
cedere?

Ex eodem axioma patet, 1) statim perfecta esse emptionem venditionem, simul ac de pretio convenit, L. 1. §. ult. L. 2. §. 1. ff. pr. Inst. *hoc tit.* quamvis nec pretium solutum, nec arrha data sit, L. 2. §. 1. ff. *hoc tit.* nisi ita convenerit, ut in scripturam redigatur, siquidem tunc nonnisi instrumento subscriptione firmato, perfecta habetur emptio venditio, L. 17. Cod. de fide instr. pr. Inst. *hoc tit.* 2) Nondum perfecto contractu locum esse poenitentiae, pr. Inst. *hoc tit.* modo arrham perdere emptor, vel venditor duplum ejus restituere velit, pr. Inst. h. tit. L. 17. C. de fide instr. 3.) Perfecta emptione resilire non posse alterutrum, si vel maxime arrhas amittere, vel duplum restituere velit. * L. 3. §. 6. de resc. vend.

* Quamvis autem & venditio conditionalis, vel ream fungibilem, perfecta sit, dum emptor & venditor consentiant in conditionem, vel in futuram adnumerationem, admensurationem, appensionem, quamvis illa nec dum existerit, haec nondum sequuta sit; facile patet in huiusmodi emptione venditione poenitentiae non esse

esse locum. *L. 8. ff. de per. & comm. rei vend.*
L. 33. §. 5. ff. hoc tit.

§. CCLVII.

Quum deinde emi vendi possint *Res*, quæ sunt in commercio; (§. CCLIII. 3.) sequitur, 1) ut nihil intersit, sintne res præsentæ, an futuræ, *L. 8. §. 1. L. 39. §. 1. L. 78. §. ult. hoc tit. L. 12. L. 25. ff. de act. empt. 2)* corporales, an incorporales, *L. 80. §. 1. h. t. quo & redditus annui referendi: Nov. LXXVII. cap. pen. Nov. CLX. cap. 1. 3)* propriæ, an alienæ, *L. 28. hoc tit.* eatenus, ut domino quidem non noceat, rem suam esse venditam, emptor tamen cum venditore ex empto agere possit ad præstandum evictionem. *L. 30. §. 1. ff. de act. empt.*

§. CCLVIII.

Ex eodem patet, 4) emi vendi non posse res, quas leges venire prohibent, *L. 34. §. 1. L. 62. §. 1. hoc tit.* adeoque 5) nec res sacras, religiosas, sanctas, *L. 6. L. 34. §. 2. L. 62. §. 1. hoc tit.* nec 6) publicas, *§. ult. Inst. hoc tit.* nec 7) liberum hominem, *L. 6. L. 34. §. 2. L. 70. hoc tit.* nec 8) venena mala. *L. 35. §. 2. hoc tit.* nec 9) libros improbatæ lectionis, *L. 4. §. 1. fam. erc. L. 3. §. 1. 3. Cod. de SS. Trinit. L. 10. C. de episc. aud. L. 8. §. 5. C. de heret.* nec 10) res furtivas, *L. 35. §. 4. ff. hoc tit.* nec 11) litigiosas, *L. 2. L. ult. C. de litigios. nec 12) purpuram, L. 1. Cod. quæ res ven. non poss. nec 13) officia publica.* *Nov. VI. cap. 1. §. 3.*

§. CCLIX.

Nec minus inde sequitur 14) ut liceat summæ potestati quarundam rerum vel venditionem sub certa conditione, vel exportationem ad externos prohibere. Vid. Diss. nostr. *navibus ob merces illicitas commissis.* Quo in nume.

numero apud Romanos erant 15) sericum :
L. 2. C. quæ res ven. non poss. 16) frumentum
 publici canonis, *L. 3. C. quæ res vendi non poss.*
 vel, quod ad exercitum mittitur. *L. ult. C.*
ead. 16) arma, *L. un. C. ut arm. us. infc. pr.*
Nov. LXXXV. cap. 1. 17) vinum & oleum.
L. 2. L. 1. C. quæ res exp. non dub.

§. CCLX.

An res ex-
 tinctæ &
 propriæ
 emi pos-
 sint?
 Quia denique res emi vendique possunt,
 quæ possunt tradi; (§. CCLII.) non obse-
 rum sane est, cur 1) nec res extinctæ,
L. 15. pr. ff. hoc tit. nec 2) res propriæ emi
 possint, *L. 15. §. 2. ff. hoc tit.* nisi vel posses-
 sionem rei suæ quis emat, *L. 34. §. 4. hoc tit.*
 vel emptio fiat sub conditione si propria es-
 se defuerit. *L. 61. hoc tit.*

§. CCLXI.

Pretium
 debet esse
 verum.
 Quandoquidem porro Pretium debet esse
 Verum, (§. CCLIII. 3.) consequens est, 1)
 ut non valeat emptio imaginaria, *L. 55. h. t.*
 nec 2) uno forte an intercedente numo do-
 nationis velamentum est. *L. 36. L. 38. ff. L. 3.*
C. hoc tit. L. 13. §. ult. ff. de acq. poss.

§. CCLXII.

Iustum.
 Quia & Iustum esse debet, (§. CCLIII.
 3.) pretium autem iustum conventionale non
 consistit in puncto, *L. 16. §. 4. de min. L. 8.*
C. de resc. vend. consequens est, 3) ut tan-
 tum ob læsionem enormem rescindi possit
 emptio venditio, id est, si ultra dimidium
 læsi sint contrahentes. *Leg. 2. Cod. de resc.*
vendit.

§. CCLXIII.

Certum.
 Quum porro & Certum esse debeat; (§.
 CCLIII. 3.) facile patet, 4) perinde esse,
 siue contrahentes exprimant summam, siue se
 referant ad aliam quantitatem, *L. 7. §. 1. 2.*
ff. hoc tit. vel ad arbitrium certæ personæ,
 modo ista pretium definiat: *L. ult. Cod. §. 1.*
Instit.

Instit. hoc tit. quo casu standum est ejus estimationi, nisi vel manifesto iniqua vel cum lachione enormi conjuncta sit. *L. 78. seq. ff. pro soc. L. 19. C. de transact. 5*) Nullam esse emptionem venditionem, ubi pretium in arbitrium alterius contrahentis, vel tertii incerti, confertur. *L. 35. S. 1. ff. L. 13. L. ult. Cod. hoc tit.*

§. CCLXIV.

Denique, quum secundum idem axioma pretium in pecunia numerata consistere oporteat; (§. CCLIII. 3.) sequitur, 6) ut, si res pro re detur, permutatio sit, non emptio venditio. (*Instit. S. CMVIII. **) *L. 2. S. 2. ff. S. 2. Instit. hoc tit. 7*) Ut, si major pars pretii in numis consistit, emptio venditio; sin in alia re, permutatio facta censeatur. *L. 1. C. de rer. permut. L. 6. C. de pact. int. empt. & vend. sin 8*) par sit pecuniæ & aliarum rerum quantitas moralis, magis pro emptione venditione, tanquam frequentissima hodie, (§. CCLII.) præsumendum sit. 9) Ut hæc decisio non pertineat ad casum, si primo de pecunia convenerit, & deinde alia res venditori volenti in solutum data sit. *L. 9. C. de resc. vend. L. 27. C. de solut.*

In pecuniâ
numerata
consistens.

§. CCLXV.

Postremo, quum hic contractus utrinque sit obligatorius, & bonæ fidei; (§. CCLIII. 4.) consequens est, ut alter alteri debeat præstare, quod æquum & bonum est, nec prius alter cum altero valide agat, quam ex sua parte contractui satisfecerit. 2) Ut inde duplex nascatur actio *Directa*, *Empti & Venditi* 3) Ut omnia pacta huic contractui in continenti adjecta, modo naturæ ejus non adversa, ipsi contractui insint. *L. 72. pr. ff. hoc tit. L. 23. ff. de reg. jur. non autem ex inter-*

Obligatio
ex hoc cō-
tractu.

ter-

424 Pand. Lib. XVIII. Tit. I.
tervallo adjecta, nisi sint detrahentia. (P. I.
§. CCCLVI.)

§. CCLXVI.

Varia pa-
cta adje-
cta,

Ex quo (§. CCLXV. 3.) facile patet,
valere pactum I. de retrovendendo, vel quan-
docunque obtulerit venditor idem pretium,
vel intra certum tempus, vel post tempus
aliquod elapsum. L. 2. C. de pact. inter empt.
II. Pactum *παραπομπικόν*, quo venditor sibi sti-
pulatur, ut, si res denuo ab emptore veneat,
ipse tantundem offerens, reliquis omnibus
præferatur. L. 1. 75. ff. hoc tit. III. Pactum
de *rutis casis in ædibus relinquendis*, L. 40.
§. 5. L. 66. §. 2. ff. hoc tit. L. 17. §. 6. L. 18.
§. 1. ff. de act. empt. IV. Pactum de fundo,
venditori pro certo pretio locando. L. 75. h. t.
V. de casu fortuito præstando (§. CXV.)
L. 78. §. ult. hoc tit. VI. de pœna conventionali
ob moram solvenda. L. 1. C. de pact. int. empt.
VII. Pactum *additionis in diem*. VIII. Pa-
ctum *commissorium*, de quibus paullo post,
& alia quæcunque.

T I T. II.

De additione in diem.

§. CCLXVII.

Additio
in diem
quid?

Quum itaque & *Additio in diem* adji-
ci possit emptioni venditioni; (§. CCLXVI.
7.) de ea hoc titulo agitur. Est autem *Ad-
ditio in diem* pactum, de re vendita ei ad-
dicenda, qui intra certum tempus meliorem
conditionem obtulerit. L. 1. hoc tit. Melior
autem conditio videtur, quæcunque ad uti-
litatem venditoris pertinet. L. 5. h. t.

§. CCLXVIII.

Et semper Semper itaque *additio in diem* fit sub con-
ditio.

ditione, si quis meliorem conditionem obtulerit. Hinc siue tertius obtulerit, ei addicitur, siue tertius non obtulerit, emptori addicitur, tanquam plus offerenti. Ex quo patet, conditionem hanc vel *Suspendere* emptionem, vel *Dissolvere*. fit sub conditione.

§. CCLXIX.

Suspendere hunc contractum dicitur conditio, si id agitur, ut, nemine conditionem meliorem offerente, ille perficiatur: *Dissolvere*, si hic actum sit, ut meliore oblata conditione, ab emptione discedatur. *L. 2. pr. hoc tit.* Unde I. priore casu ante illum diem, qui quem addicitur, venditor manet dominus: *L. 4. pr. ff. hoc tit.* II. posteriore, jus in re tradita ad emptorem transit. *L. 42. ff. de rei vind.* Vel suspensiva vel resolutiva.

§. CCLXX.

Quum itaque priore casu dominium penes venditorem maneat; (§. CCLXIX. 1.) sequitur, 1) ut emptor nec usucapere interim, nec 2) fructus lucrari possit, *L. 4. pr. h. t.* adeoque tum demum perficienda sit emptio venditio, si intra certum diem nemo plus obtulerit. *L. 2. pr. ff. hoc tit.* Quid juris in conditione suspensiva?

§. CCLXXI.

Quumque contra ea jus in re tradita transeat ad emptorem; (§. CCLXIX. 2.) consequens est, 1) ut hic in ea conditione sit, ut usucapere possit, 2) & fructus lucretur, & 3) omne sustineat rei venditæ periculum. *L. 2. §. 1. L. 3. L. 6. pr. ff. h. t.* 4) Ut, meliore oblata conditione, venditori competat actio venditi (P. I. §. CCCLVI.) contra emptorem ad rem emptam ex pacto restituendam. *L. 4. §. 4. L. 14. §. 1. hoc tit.* 5) Ut, si verbis hujusmodi usi sint contrahentes, quibus nullum factum emptoris involvitur, e. g. *res erit inempta, emptio erit nulla*, locus sit rei vindicæ. Quid in resolutiva?

vindicationi adversus tertium possessorem, quia tunc dominium ipso jure redit ad venditorem, simul ac quis plus obtulerit: quod secus se habet, si iis verbis usi sint, quæ factum emptoris involvunt: e. g. *res reddetur, restituetur.* L. 41. *pr. ff. de rei vind.* 6) Ut venditori liceat, posthabita meliore conditione, priorem sequi. L. 9. *ff. hoc tit.*

§. CCLXXII.

Quæ sit Quumque, conditione meliore oblata, a
 melior cō- contractu recedatur, & melior conditio sit,
 ditio, & quæcunque ad venditoris utilitatem pertinet;
 quando il- (§. CCLXVII.) consequens est, 1) ut sine
 la oblata pretio quid additum, sive 2) solutio pretii
 censeatur? facilius, vel maturior, vel opportuniore lo-
 co offeratur, sive 3) emptor magis idoneus
 videatur, conditio melior dicatur oblata.
 L. 4. §. *ult. hoc tit.* 4) Ut æquum sit, em-
 ptorem priorem præferri, si hic tantundem
 offerat, & hinc 5) ista melior conditio illi
 denuncianda sit. L. 6. §. 1. L. 7. L. 8. *hoc tit.*
 6) Ut non sit melior conditio, quæ a falso
 & subornato emptore offertur. L. 4. §. 5. L. 6.
princ. ff. hoc tit.

T I T. III.

De Lege Commissoria.

§. CCLXXIII.

Lex com-
 missoria
 quid?

Eiusdem generis est pactum, quod *Legis*
Commissoria nomine venit. (§. CCLXVI.
 8.) Ea est pactum, quo convenit, ut, pre-
 tio iusto tempore non soluto, res inempta
 sit, L. 2. *ff. hoc tit.* Quam conditionem dis-
 solvere contractum, satis apparet. Leg. 1. *ff.*
hoc tit.

§. CCLXXIV.

§. CCLXXIV.

Quum itaque conditio hæc dissolvat contractum; (§. CCLXXIII.) consequens est, ^{Jus emptoris ante dissolutionem contractus.} 1) ut interim dominium transeat ad emptorem, adeoque is 2) in conditione sit usufructuendi, & 3) fructus ex re perceptos interim suos faciat. L. 5. ff. hoc tit.

§. CCLXXV.

Quumque contractus pretio non soluto rescindatur; (§. CCLXXIII.) sequitur, 1) ^{Post ejus rescissionem quid justum?} ut commissæ lege statim statuere oporteat venditorem, commissoria uti malit, an pretium petere. L. 4. §. 2. L. 7. hoc tit. 2) Ut hæc uti possit, etiamsi emptorem non interpellarit. L. 4. §. ultim. hoc tit. 3) Ut tunc venditori eadem competant actiones, quas ex additione in diem nasci diximus. (§. CCLXXI. 3. 4.) 4) Ut tunc emptor rem cum fructibus restituere, & damnum, in re vendita datum, refarcire cogatur. L. 4. princ. L. 5. hoc tit. 5) Ut idem arrham datam, immo & pretii soluti partem, amittat, L. 6. princ. ff. hoc tit. quo casu tamen & fructus lucratur. L. 4. §. 1. ff. hoc tit.

T I T. IV.

De hereditate vel actione vendita.

§. CCLXXVI.

Quum vendi possint non modo res corporales, verum etiam incorporales; (§. CCLVII. 2.) visum est, de Hereditatis & Actionis venditione hic speciatim agere. Et primo quidem quod ad hereditatem attinet, ea vel Futura est, vel jam Delata. Futuram & viventis hereditatem vendi non posse, vel inde patet, quod pacta successoria non servat

^{Hereditas vendi potest.}

vat prætor, (P. I. §. CCCLXXII. 2. γ)
 L. 2. L. 7. ff. *hoc tit.* nisi quis spem tantum
 hereditatis vendat. L. 11. ff. *hoc tit. Delata*
 autem vendi potest, eoque facto 1) heres
 quidem jus, quod tempore venditionis habet,
 in emptorem transfert; L. 2. pr. ff. *hoc tit.*
 attamen, 2) quia in universalibus judiciis
 pretium succedit in locum rei, (P. II. §. VIII.
 3.) venditor ipso jure heres manet (L. 88.
 ff. *de her. inst.*

§. CCLXXVII.

Quid si Quia itaque hæreditas non delata vendi
 quis vendi- non potest; (§. CCLXXVI.) facile patet,
 derit he- 1) eo casu emptorem pretium a venditore,
 reditatem & omne, quod interest, recte repetere. L. 8.
 vivens, L. 9. ff. *hoc tit.* 2) Si quis credens ad se
 vel ad se pertinere hereditatem, eam vendiderit, eum
 non perti- istius æstimationem præstare debere. L. 8. ff.
 nentem? h. t. 3) Eum, qui dixerit, *si quid juris sibi*
esset, se vendere, hereditate ad eum non per-
 veniente, nihil omnino eo nomine præstare;
 L. 10. ff. *hoc tit.* nisi dolo malo vendiderit.
 L. 12. *hoc tit.*

§. CCLXXVIII.

Quid præ- Quumque deinde heres venditor jus, quod
 stare de- tempore venditionis habet, in emptorem
 beat ven- transferat; (§. CCLXXVI. 1.) sequitur, 1)
 ditor? ut venditor, ejusve heres, L. 2. §. 4. *hoc tit.*
 res hereditarias omnes, quas habet, tradi-
 re, & actiones emptori cedere debeat. L. 14.
 §. 1. ff. L. 4. C. *hoc tit.* L. 2. §. 3. §. 8. *hoc t.*
 2) Ut & pretia rerum venditarum, quippe
 quæ in locum rei succedunt, §. CCLXXVI.
 2.) præstare teneatur, L. 2. §. 3. *hoc tit.* &
 3) quidquid ad eum cum effectu pervenit,
dict. L. 2. §. 3. *eod.* vel 4) dolo ejus malo,
 vel lata culpa, pervenire non potuit. L. 2.
 §. 5. ff. *hoc tit.*

§. CCLXXIX.

§. CCLXXIX.

Ex eodem sequitur, 5) ut non præstet, Quid non quod ipsi forte postea ex substitutione obve- præstet? nit, L. 2. §. 2. *hoc tit.* nec 6) singularum rerum evictionem, L. 1. *Cod. de evict.* L. 2. *pr. ff. hoc tit.* nec 7) indebitum, occasione hereditatis acceptum, L. 2. §. 7. *ff. hoc tit.* nec 8) quod ipse diserte excepit. L. 2. §. 12. *ff. hoc tit.*

§. CCLXXX.

Nec minus inde inferendum, 9) eum in- Venditor demnem ab emptore præstandum, si quid no- ab emptore re indem- mine hereditatis venditæ impenderit, L. 2. nis præ- §. 9. 11. 16. 18. *ff. hoc tit.* L. 10. *ff. de reg. standus.* *jur.* veluti 10) si creditoribus, legatariis, fideicommissariis solverit. L. 2. *Cod. hoc tit.* L. 2. *Cod. de legat.* vel 11.) si impensas in funus defuncti fecerit. L. 2. §. 17. *ff. hoc tit.* Immo inde recte colligitur, 12) vendito- rem ab emptore petere posse, quod ipsi de- functus debebat, quamvis per aditionem he- reditatis confusione extinctum videatur hoc debitum, L. 2. §. 18. *ff. hoc tit.* L. 75. *ff. de solut.* item 13) venditorem ab emptore ser- vilitatem petere posse. L. 2. §. 18. 19. *ff. hoc tit.*

§. CCLXXXI.

Denique, quum venditor hereditatis stri- Venditor ctio jure heres maneat; (§. CCLXXVI. 2.) stricto ju- re heres consequens est, 1) ut ante cessionem em- manet. ptor adversus debitores hereditarios non ha- beat actiones, nisi utiles. L. 5. *C. h. t.* 2) Ut contra venditor a creditoribus hereditariis, legatariis, fideicommissariis recte convenia- tur, L. 2. *C. hoc tit.* L. 2. *C. de legat.* quamvis, quæ eo nomine solvit, ei ab emptore refun- denda sint.) §. CCLXXX. 9.) 3) Uti ei saluum sit jus accrescendi, si pars coheredis deficiat. L. 88. *ff. de her. inst.*

§. CCLXXXII.

§. CCLXXXII.

De actione vendita a- I. modo sit in bonis & alienari possit, id
xiomata. est, modo transeat ad heredes. Et tunc II.
omne jus, quod ex ea causa habet, alteri
cedere debet, L. 23. pr. h. t. & III.) actio-
nem veram præstare. L. 4. ff. hoc tit.

§. CCLXXXIII.

Quæ actio- Quia itaque venditur actio, quæ in bonis
nes vendi est, & alienari, & ad heredes transire po-
possint? rest; §. CCLXXXII. 1.) consequens est,
1) ut nihil intersit, siue sit actio in rem,
siue in personam, L. ult. C. hoc tit. siue jam
competat, siue nondum nata sit, veluti, si
sit ex obligatione conditionali, vel in diem
concepta. L. 17. ff. h. t. 2) Ut contra cedi
non possint accusationes publicæ, L. pen. §. 1.
ff. de publ. jud. nec 3) actiones populares,
L. 7. §. 1. ff. de pop. act. nec 4) litigiosæ quip-
pe inalienabiles, L. 1. §. 1. ff. L. 2. L. ult. C.
de litigios. nec 5) actio injuriarum, querela
inofficiosi nondum præparata, &c. Sande de
Cess. V. 12. Stryk. ad Lauterb. p. 327. Diss.
Brunnem. de Cess. IV. 58.

§. CCLXXXIV.

Actione Quumque tunc venditor omne jus, quod
vendita ex ea causa habet, alteri cedere teneatur:
quid em- (§. CCLXXXII. 2.) sequitur, 1) ut præ-
ptori ce- stare debeat actiones adversus reum ac inter-
dendum? cessores, L. 23. pr. hoc tit. immo & 2) pi-
gnorum persequutionem, L. 6. ff. hoc tit. &
3) quidquid jam compensatione vel exactione
est consequutus. L. 23. §. 1. d. L. 6. h. t. 4)
Ut cessio fieri debeat per mandatum, L. 76.
ff. de solut. adeoque 5) non opus sit debitoris
consensu. L. 3. C. hoc tit. 6) Ut cessionarius
runc instituere possit vel actiones utiles ex
sua persona, vel directas ex jure cesso, tan-
quam procurator in rem suam. L. 7. L. 8.

L. ult.

L. ult. C. hoc tit. L. 8. §. ultim. ff. mand. L. 4. Cod. de procur. Ut tamen 7) omnes exceptiones, quæ cedenti opponi poterant, & cessionario valide obstant. *L. 2. pr. ff. hoc tit.* Ut debitor cessus cedenti non amplius recte solvat, simul ac cessionem factam resciverit. *L. 3. Cod. de novat. Sand. de Sess. XII. II. sequent.*

§. CCLXXXV.

Ex eodem sequitur, 9) ut omnes cedere possint, qui alienare, & 10) cedi omnibus, qui acquirere possunt, nec 11) quanto pretio venditæ cedantur actiones, inter sit, nisi leges ipsæ quosdam casus excipiant.

§. CCLXXXVI.

Prohibent autem leges, 1) actionem cedi potentiori, *L. 2. Cod. ne liceat potent.* Prohibent 2) tutori cedi actionem adversus pupillum, *Nov. LXXII. cap. 5. §. 1. & quidem* 3) utroque casu sub pœna amittendæ actionis. *d. L. 2. & Nov. LXXII. cap. 5.*

§. CCLXXXVII.

In primis Anastasius Imperator sanxit, ut, & quis actiones emerit, ei usque ad ipsam tantummodo solutarum pecuniarum quantitatem & usurarum ejus actiones exercere permittatur. *L. 22. C. mand.* Eique legi Anastasianæ hoc adstruxit Justinianus, ut nulli liceat partem debiti cedere, venditione actionum habita, partem donationis titulo transferre, sed ut voluerit, debitum totum pure donet, & per donationem transferat, alias nihil amplius exigere possit cessionarius, quam pretii nomine persolvit, & omne, quod superfluum est, apud debitorem maneat. *L. 23. Cod. eod.*

§. CCLXXXVIII.

Ex quibus legibus patet, 1) eam prohibitionem non pertinere ad coheredes, actio-

Quis, cui
& quomo-
do quis ce-
dere pos-
sit?

Quibus
cedi non
possit?

Lex An-
stasiana, &
Justiniano
aucta.

Exceptio-
nes & esse-
ntia hujus
legis.

nes sibi invicem cedentes, nec 2) ad actiones, quas creditor vel possessor pro debito, seu rerum, apud se constitutarum, munimine ac tuitione accepit, nec 3) ad nomina insolutum cessa, *L. 22. C. mand.* nec 4) ad cessiones, per donationem factas. *d. L. 22. Cod. hoc tit. 5)* Fiscum hic nihil occupare, sed superfluum lucro debitoris cessi cedere. *L. 23. §. 2. mand.*

§. CCLXXXIX.

*Cedēs non præstat de-
bitorē lo-
cupletē.* Denique, quum veram tantum actionem præstat cedens; (§. CCLXXXII. 3.) consequens est, 1) ut, si locuples non sit debitor cessus, cedens eo nomine nihil præstat, *L. 4. hoc tit.* nisi 2) vel dolose cessionem hujusmodi fecerit, *L. 74. §. ult. de edict.* vel 3) plus se præstiturum receperit. *Diff. L. 4. hoc titul.*

§. CCXC.

*Ufus ho-
lennus.* Et hæc omnia hodiernum observantur. Prohibitionibus, de quibus, (§. CCLXXXVII.) leges Germanorum publicæ id addunt, ne Judæus Christiano cedat nomen contra Christianum, sub pœna amittendæ actionis. *Ord. Polit. anni MD. ICLXXVII. titul. 20. §. 4.* Sed id hodie vix observari, omnes fatentur.

T I T. V.

*De rescindenda venditione, & quando liceat
ab actione discedere.*

§. CCXCI.

*Fundamē-
tū rescin-
dendæ em-
ptionis vē-
ditionis.* **H** Actenus de contrahenda emptione: jam de eadem rescindenda. Quum autem ad substantiam emptionis venditionis tria pertineant, *consensus, res, & pretium;* (§. CCLIII.)

(§. CCLIII.) ex omnibus his modi quidam rescindendi venditionem nascuntur. Et quidem quum emptio venditio perficiatur consensu, (§. CCLIII. 1.) nihilque sit tam naturale, quam eo genere quidque dissolvi, quo colligatum est; L. 35. ff. de reg. jur. sequitur, I. ut emptio venditio re adhuc integra, id est, nondum soluto pretio, nec re tradita, *mutuo* contrahentium *dissensu* dissolvatur, L. 3. pr. ff. L. 5. §. 1. ff. h. t. §. ult. Inst. quib. mod. toll. obl. II. Ut & unus, altero invito, recedere possit, si contractus nondum sit perfectus; (§. CCLVI. 2.) posteaquam autem semel perfectus est, nec ex Principis rescripto, nec dupli oblatione alteruter possit, altero invito, recedere. * L. 3. L. 6. Cod. h. t. L. 5. C. de obl. & act.

Rescindi-
tur mutuo
dissensu
An & unius
voluntate

* Nisi pacto adjecto diserte sibi stipulatus sit emptor vel venditor, ut si displiceat contractus, intra certum diem possit recedere. L. 6. ff. hoc tit. Quo casu, si certa dies definita non sit, intra sexaginta dies statuere debet, quid sibi expediat. L. 31. §. 22. ff. de edilic. edicto.

§. CCXCII.

Quumque nihil consensui tam contrarium sit, quam vis atque metus, L. 116. pr. ff. de reg. jur. immo & dolus; L. 7. pr. ff. de dol. mal. consequens est, III. ut & qui per vim coactus vendidit, contractum rescindere possit. L. 1. L. 8. Cod. hoc tit. L. 1. ff. quod met. caus. IV. Ut & ob dolum, qui causam contractui dedit, emptio venditio sit nulla; ob incidentem autem ea rescindi possit, (§. CCLIV. 4.) L. 5. L. 8. L. 10. C. hoc tit. nisi laesus dolum non ignoraverit, sciensque consenserit. L. 11. hoc tit.

Ob vim &
dolum.

Hein. Pand. T. I. T §. CCXCIII.

§. CCXCIII.

Ob lase-
nem enor-
mem.

Quod ad pretium attinet, quum illud ju-
stum esse oporteat; (§. CCLXIII. 3.) con-
sequens est, V. ut & rescindi possit contra-
ctus *ob laseionem enormen*, sive ultra dimi-
dium, L. 2. Cod. hoc tit. siquidem tam enor-
mis laseio non videtur bonae fidei conve-
nire.

§. CCXCIV.

Quando
remedio
L. 2 C. h. t.
locus sit?

Ex quo principio porro inferimus, 1) ei
rescissioni locum esse, sive emptor, sive ven-
ditor laseus sit. L. 2. Cod. hoc tit. 2) id re-
medium recte porrigi ad alios bonae fidei
contractus, veluti locationem conductionem,
L. 2. ff. pr. Inst. loc. permutationem, L. 1.
C. comm. utr. jud. 3) Non posse hoc reme-
dium adhiberi, si vel nullum, vel non cer-
tum pretium interveniat, veluti in donatio-
ne, L. 22. ff. de don. transactione, L. 78. §.
ult. ff. ad Sctus Trebell. nec 4) ubi alea su-
best, e. g. in sponsonibus, hereditatis ven-
ditione, L. 10. L. 11. de hered. vel act. vende.
nec 5) si quis sciens minoris venderit,
vel majore pretio emerit. L. 11. Cod. hoc tit.
L. 9. Cod. de act. empr. nec 6) si quis huic
beneficio renuntiavit. L. 46. ff. de pact. 7)
Dari eo nomine non actionem empti vendi-
ti, sed conditionem ex L. 2. Cod. hoc tit.
(§. LXXVII.)

§. CCXCV.

Rescissio
et jus re-
tractus le-
gitimi.

Quod ad rem venditam attinet, ob eam
quoque rescindi potest venditio, si ita com-
parata sit, ut locum det VI. juri retractus,
quod in legitimum & conventionale dividunt.
Legitimum jus, quo ob rei personae qualita-
tem, eodem oblato pretio, venditio rescin-
ditur, & res retrahenti addicitur.

§. CCXCVI.

ad vel
ratione rei
competit.

Et hoc quidem ob rei qualitatem compe-
tit

rit 1) domino in prædio emphyteutico, L. ult. C. de jure emphyt. 2) socio, in re comuni, 5. F. 13. 3.) convicanis vel vicinis, in prædio vicino. L. unic. C. non lic. habitat. metrocom. loc. suæ ad extr. transf. 5. F. 13. id quod jus congrui vocant.

§. CCXCVII.

Ob personæ qualitatem competit 4) creditoribus, & inter illos ei, cui major pecunia debetur in rebus debitoris: L. 16. ff. de reb. auct. jud. poss. 5) propter consanguinitatem cognatis. d. L. 16. 5. F. 13.

§. CCXCVIII.

Quumque retrahi possit res, oblato pretio eodem; (§. CCXCV. 6.) consequens est, 1) ut ei juri quidem locus sit in emptione venditione, non in donatione, locatione condictione, transactione. Carpz. Part. II. consil. 31. def. 8. 17. Berlich. Part. II. concl. XXXIX. Cui addendum, quod nec cedi possit jus, quippe personæ inhærens, nec post annum detur moribus fere omnium gentium. Stryk. de Success. ab intest. Diss. VI. 4. 46.

§. CCXCIX.

Haftenus de retractu legitimo. Ex pacto autem adjecto etiam rescinditur emptio venditio VII. ob retractum conventionalem, seu jus *πρὸς τὴν ἐμψύχην* quando convenit, ut, si emptor rem emptam vendere decreverit, non alii vendat, quam venditori. (§. CCLXVI. 2.) L. 75. ff. de contr. empt. L. 21. §. 5. de act. emptio. nec non VIII. ob pactum de retrovendendo, quo convenit, ut, si venditor, ejusve heres, quandocunque, vel intra certum tempus, vel post certum tempus, idem pretium offerat, res vendita ei restituatur. (§. CCLXVI. 1.) de pact. ins. empt. & vend.

Quando
ei locus
sit.

Rescissio
ob pactum
πρὸς τὴν ἐμψύχην
συνέσις, &
de retro-
vendendo.

Quod ius,
et his pa-
ctis nasci-
tur?

Ex quibus definitionibus facile pater, 1) ei, cui ius *periculum* constitutum, venditionem esse denuntiandam, 2) eaque omitta denuntiatione, illum agere posse venditi ad rem, vel id, quod interest, sibi restituendum. *L. 75. de contr. empt.* 3) Eum, cui ius retroemendi est: eadem actione posse ad rei venditæ restitutionem, vel id, quod interest, experiri, *L. 2. Cod. de pact. int. empt.* non autem 4) rem vindicare. *L. 2. L. 7. §. 5. ff. de pact.*

T I T. VI.

De periculo & commodo rei venditæ.

§. CCCI.

Quid peri-
culum &
com-
modum?

AD hunc contractum vel maxime etiam pertinet quaestio de *periculo & commodo* rei venditæ. *Periculum* autem hic est damnum, vel ipse rei venditæ interitus, casu fortuito obtingens, *L. 1. L. 7. L. 15. ff. hoc tit. commodum* omnis utilitas & lucrum, quod rei venditæ accedit.

§. CCCII.

De utro-
que axio-
ma.

Jam quidem alias in confesso est, & casum, (§. CXV. 3.) & commodum ex re, (P. II. §. LXXVIII.) ad dominium pertinere. *L. 3. Cod. de pign. act.* nec minus certum est, dominium ante traditionem ad emptorem non transire. (*Inst. §. CCCXXXIX. ***) §. 3. *Inst. de empt. vend.* Attamen, quum venditor teneatur ad tradendum, (§. CCLII.) adeoque sit debitor speciei, qui speciei interitu liberatur; (*Inst. §. MIX.*) non potuit non inde nasci axioma: Nondum perfecta emptione venditione, periculum & com-

commodum rei venditæ pertinet ad vendito-
rem; ea jam perfecta, ad emptorem. L. 8.
princ. L. 10. ff. hoc tit. §. 3. Instit. de empt.
vend.

§. CCCIII.

Quum itaque periculum & commodum rei
venditæ, & contractu nondum perfecto, sit
penes venditorem; (§. CCCII.) sequitur,
1) ut non transeat prius periculum & com-
modum, quam appareat, quid, quale, quan-
tum, quove pretio venditum sit. * L. 8. pr.
ff. hoc tit. adeoque 2) in conditionata vendi-
tione non prius transeat periculum, quam
existente conditione. d. L. 8. princ. L. 10. hoc
tit. 3) Si de scriptura conficienda convene-
rit, non prius, quam ubi illi subscriptum.
(§. CXCVI. 1.) §. 3. Instit. de empt. vend.
L. 4. Cod. hoc tit. 4) In venditione, ad men-
suram, numerum, pondus facta, non nisi
re admensa, annumerata, appensa. L. 35.
§. 5. ff. de contr. empt. L. 1. §. 1. L. 5. ff.
L. 2. Cod. hoc tit.

* Adeoque aliter perfecta dicitur venditio; ubi
de periculo & commodo quæritur: aliter ubi
quæritur, an imperfecta emptione venditione
recedi a contractu possit? aliter, si quæritur,
an, re adhuc integra, mutuo dissensu rescin-
di possit contractus? Primo enim casu perfe-
cta est emptio venditio, ex quo constat,
quid, quale, quantum, quo pretio venditum,
d. L. 8. pr. ff. hoc tit. Altero, ubi de pretio
convenerint, & scriptura, si ita placuit, ac-
cesserit. (§. CCLVI. 1.) Tertio casu per-
fecta censetur emptio venditio, simul ac ex
una parte res tradita, ex altera pretium so-
lutum, (§. CCXCI. 1.) L. 3. L. 5. §. 1. ff. de
rescind. vend. §. 5. Inst. quib. mod. toll. obl.
L. 1. 2. C. quand. lic. ab empt. rec.

Adeo-
que
nec in-
ven-
diti-
one ad
gustum,
generis &
speciei al-
ternativa.

Ex eodem axioma sequitur, §) ut, re ad gustum & mensuram simul vendita, re degustata, immo & dolio signato, non transeat periculum, nisi & admensa sit. *L. 1. pr. §. 2. ff. hoc tit. 6*) ut, re ad solum gustum vendita, periculum ante degustationem sit penes venditorem. *L. 1. L. 4. §. 1. 2. L. 15. ff. h. t. 7*) Ut, genere vendito, periculum non transeat, nisi demonstrato individuo, quod venditor sit traditurus. *L. 8. pr. ff. h. t. L. 11. C. si cert. per. 8*) Ut in alternativa speciei venditione, e. g. si Stichus aut Dromus venditus, periculum ejus, qui prius periit, ad venditorem; ejus, qui posterius periit, ad emptorem pertineat, adeoque, utroque pereunte, unius pretium ompino debeat, quia unus emptoris periculo vixit. *L. 34. §. 6. de contr. empt.*

§. CCCV.

Exceptio-
nes ab hac
regula.

Porro inde inferitur, 9) hæc omnia valere ordinarie, adeoque 10) non transire his casibus periculum ad emptorem, 1) si aliter convenierit. *L. 1. pr. hoc tit.* vel 2) si res citra adimensionem emptori ita volenti tradita sit, *L. 2. C. hoc tit.* vel 3) si mora emptoris in re accipienda degustandave intercesserit, quo casu tantum de dolo & culpa lata tenetur, *L. 5. L. 17. h. t.* adeoque ut & certis casibus vinum effundere possit, si dolus indigeat, & ipse prius rem emptori denunciaverit. *L. 1. §. 3. 4. ff. h. t.* vel 4) si per aversionem emptum sit, quia tunc admensuratione non opus est. *L. 35. §. 5. de contr. empt. L. 4. §. 1. 2. h. t.* vel denique 5) si certum tempus præstitutum fuerit degustationi, vel simili actui, quo emptio perficitur, & emptor in mora sit. *L. 4. §. 1. L. 15. h. t.*

§. CCCVI.

Perfecta Quumque, perfecta jam emptione venditio.

tione, statim & periculum & commodum pertineat ad emptorem; (§. CCCII.) consequens est, 1) ut is statim & omne damnum ferat. L. 8. princ. ff. hoc tit. & commodum percipiat, re licet nondum tradita. L. 7. ff. L. 1. Cod. eod. 2) Ut tamen periculum merito maneat penes venditorem, a) si ipse illud in se susceperit, L. 1. pr. ff. hoc tit. L. 3. Instit. de empt. vend. β) si res dolo, vel culpa lata aut levi venditoris perierit, L. 35. §. 1. ff. de contr. empt. §. 3. Inst. eod. & γ) si res antiquo & præcedente vicio perierit. L. 1. L. ult. Cod. hoc tit.

contractu
& peric.
li & corp.
modum ad
emptorem
transit.

§. CCCVII.

Et hoc jure utimur, nisi quod iis locis, ubi immobilia ad acta resignanda sunt emptori, non prius transit periculum, quam facta illa judiciali resignatione. Ita sane in Saxonia servatur, Carpz. Part. II. Constitut. XXXIX. Def. 35. & in vicinis isti terræ provinciiis.

Ufus ho-
diernus,

T I T. VII.

De servis exportabilis, vel si ita mancipium venierit, ut manumittatur, vel contra.

§. CCCVIII.

Quum pacta, contractibus bonæ fidei in continententi adjecta, & bonis moribus haud adversa, validam producant obligationem; (P. I. §. CCCLVI.) consequens erat, ut & pacta, venditioni servorum adjecta, nec honestati repugnantia, rata essent.

Pacta ven-
ditioni ser-
vorum ad-
jecta.

§. CCCIX.

Talia erant, 1) ut servus ex urbe vel Italia exportaretur, L. 1. L. 2. L. 7. L. 9. hoc tit. Foræm exempli.

2) ut servus intra certum tempus manumitteretur. L. 3. L. 8. ff. *hoc tit.* 3) ne servus manumitteretur. L. 6. pr. ff. *h. t.* 4) ne ancilla prostitueretur. L. 6. pr. L. 9. ff. *h. t.* Non autem 5) turpia, & ex truculentia venditoris profecta, veluti ut servus ad bestias daretur. L. 42. ff. *de contr. empt.*

S. CCCX.

Quid si
non serva-
ta sint?

Quum ergo pacta honesta valeant; (S. CCCVIII.) merito inde dabatur persecutio. Hinc, 1) si servus exportatus non esset, venditor hominem non manumissum sibi adserere; manumissum fiscus occupare, vel cum emptore venditi agi poterat. L. 1. L. 2. C. L. 6. L. 7. ff. *hoc tit.* * 2) Secundo casu, elapso tempore, servus ipso jure liber erat. L. 3. L. ult. ff. *hoc tit.* 3) Tertio manumissio erat inutilis. L. 5. C. *si manc. ita fuer. vend. ut manc.* 4) Quarto vel ancilla prostituta libera erat, vel ei a venditore poterat manus injici. L. 9. *hoc tit.*

* Ubi quum duæ leges sibi manifesto contradicant, quæ sint ejusdem Papiniani, satis patet, Ictum hunc Papinianum mutasse sententiam, adeoque L. 6. sequenti derogare.

L I B E R XIX.

T I T. I.

De actionibus empti & venditi.

S. CCCXI.

Actiones
empti &
venditi.

Q Uum emptio venditio sit contractus bilateralis, ex quo statim ab initio uterque

De action. empti & venditi. Pars III. 441
que contrahentium obligatur; (P. I. §. CCC-
LXIV. *) non possunt non inde duæ actio-
nes directæ nasci. (§. CCLXV. 2.) Et quia
nascuntur ex contractu nominato; (P. I.
§. CCCLX. *) facile patet, eas actiones
esse debere contractui cognomines, adeoque
vocandas *empti & venditi*, quarum illa em-
ptori, hæc venditori datur. *

* Aliquando tamen hæc vocabula confundi vi-
deas, uti ipsa emptoris & venditoris nomina.
L. 13. §. 25. ff. hoc tit. L. 26. L. 66. §. pen.
de *Ædilit. edict.* L. unic. Cód. si serv. extr. se
emi mand.

§. CCCXII.

Utramque actionem, quia ex contractu est, Earum
personalem; quia ex jure civili oritur, *civi-* qualitas.
lem; quia ex contractu *stricto* instituitur,
(P. I. §. CCCLXV.) *bonæ fidei* esse oportet.
L. 33. ff. de *Ædilit. edict.* L. 6. §. *ultim.*
L. 11. §. 1. ff. *h. t.* §. 28. *Inst. de act.*

§. CCCXIII.

Quumque hæ actiones directe non nisi em- Directæ &
ptori & venditori dentur; (§. CCCXI.) *se-* utiles.
quitur, ut, qui per procuratorem emerunt
vendiderunt, ex principiis juris Romani non
nisi utilem habeant empti venditi actionem.
L. 13. §. 25. ff. hoc tit.

§. CCCXIV.

Et quia neuter contrahentium ab alterius A quibus
exceptione tutus est, quoad ipse contractui institui
non satisfecerit; (§. CCCLXV. 1.) conse- possint?
quens est, 1) ut actionem empti institutu-
rum aut pretium solvisse, vel obtulisse, aut
venditori alio modo satisfecisse oporteat,
quod & tunc factum videtur, si venditor si-
dem de pretio habuerit. L. 11. §. 2. L. 13.
§. 8. 9. ff. *h. t.* L. 19. L. 53. de *contr. empt.* 2)
Ut venditor is demum agere possit valide,
T 5 qui

qui rem jam tradidit, L. 25. ff. hoc tit. E. 5. Cod. de evict. & quidem 3.) saltem ut ei rem, ejusque vacuam possessionem, habere liceat, * L. 30. §. 1. ff. hoc tit. & alias 4.) agenti obstat exceptio rei venditæ, non traditæ. L. 25. ff. hoc tit.

* Emptori enim venditor non obligatur ad præstandum dominium, sed ut ei vacuam tradat possessionem: (§. CCLII.) Leg. 11. §. 2. hoc tit. id est, ut ei habere liceat rem emptam sine controversia. L. 38. de verb. sign. L. 3. hoc tit. & si habere non licet, ut præstet evictionem.

§. CCCXV.

ACTIONIS
empti de-
ceptio. Datur itaque actio empti emptori, (§. CCLX.) & quia ex contractibus heredes etiam obligantur, ejus heredi, L. 10. ff. hoc tit. qui jam venditori satisfecit, (§. CCCXIV. 1.) adversus venditorem, ejusve heredem 1) ut rem venditam habere liceat, L. 11. §. 2. hoc tit. L. 30. §. 1. hoc tit. vacuæque ejus possessio tradatur, L. 2. §. 1. L. 3. pr. L. 11. §. 13. 17. 18. ff. L. 8. Cod. hoc tit. vel (si emptor velit aut si venditori tradendi copia non sit: alias enim hic absolute tradere rem tenetur, L. 11. §. 2. hoc tit.) ut præstet id, quod interest. L. 1. princ. L. 11. §. 9. hoc tit. 2) Ut cum re etiam fructus, L. 13. §. 10. 11. 13. ff. L. 16. C. hoc tit. accessiones, omnisque causa, L. 7. pr. ff. de per. & comm. rei vend. adeoque & fixa vineta. L. 13. §. ult. L. 14. L. 15. L. 16. L. 17. princ. §. 7. 8. L. 38. §. 2. ff. hoc tit. non rursus casu præstentur. L. 17. §. 6. L. 18. §. 2. h. t. L. 241. ff. de r. s. & ibi Joann. Goedd. 3.) Ut damnum, dolo culpave lata vel levi datum, (§. CCXVIII. 5.) resarciatur, L. 5. §. 2. L. 68. ff.

De action. empti & venditi. Pars III. 443
de contrah. empt. nisi ipse emptor in mora
fuerit. L. 5. L. 17. ff. hoc tit.

§. CCCXVI.

Contra actio *venditi* competit venditori , Necnon
actionis
vendi. 1015
(§. CCLX.) ejusve heredi, (§. CCCXV.)
re jam tradita, (§. CCCXIV. 2.) adversus
emptorem, ejusve heredem, 1) ad pretium
solvendum . L. 13. §. 20. ff. *hoc tit.* & ita
quidem, ut numi fiant venditoris . * L. 11.
§. 2. ff. *hoc tit.* 2) Ad consequendas pretii
usuras a tempore moræ . (*Institut.* §. DCC-
LXXXI. *) L. 13. §. 20. ff. L. 5. *Cod. hoc tit.*
3) ad impensas necessarias & utiles, & om-
ne damnum resarciendum . L. 13. §. 19. 22. ff.
L. *penult.* *Cod. hoc tit.* Immo 4) aliquando
ob pacta adjecta (§. CCLXXI. CCLXXV.
3. CCC. 1. 2.) ad rescindendam venditio-
nem . L. 16. ff. *de in diem add.* L. 4. ff. *de*
L. commiss. L. 2. *Cod. de pactis int. empt. &*
vendit.

* Numis enim alienis solutum pretium empto-
rem non liberat, L. 7. *Cod. hoc tit.* quamvis
rei traditæ fiat dominus, nec domino numo-
rum sit jus vindicandi rem, suis numis em-
ptam. L. 8. 9. C. *si quis alt. vel. sib.* L. 6. C.
de rei vind. quia in judiciis singularibus nec
pretium in locum rei succedit, nec res in lo-
cum pretii, (P. II. §. VIII. 2. LXXXIII.
4.) exceptis casibus, quos supra (P. II. §.
LXXXIII. 4.) dedimus.

T I T. II.

Locati, conducti.

§. CCCXVII.

Supereft postremus contractus censualis, Quid lo-
locatio conductio, quæ est contractus con- catio?
T 6 sen-

444 Pand. Lib. XIX. Tit. II.
sensualis, & bonæ fidei (P. I. §. CCCLXI. *)
de rei usu vel operis, pro certa mercede
præstandis.

§. CCCXVIII.

De ea a-
xiomata.

Tria itaque & hujus contractus substan-
tiam ingrediuntur, *consensus, res vel opera,*
& *merces*. Unde axiomata: I. Locatio con-
ductio perficitur consensu. II. Omnes res,
quæ usum præstant, operæque illiberales,
locari possunt. III. Merces debet esse vera,
iusta, certa, & in pecunia numerata consiste-
re. IV. Locator operas reive usum præstare;
conductor mercedem solvere tenetur.

§. CCCXIX.

Quomodo
& a quibus
locari con-
duci pos-
sit.

Quum itaque consensu perficiatur locatio
conductio; (§. CCCXVIII. 1.) consequens
est 1) ut nec verbis, nec scriptura, nec ulla
solemnitate opus sit, nisi ipsi contrahenti-
bus placeat, in scripturam redigere leges
contractus. L. 1. L. 2. pr. L. 14. ff. h. t. 2)
Ut omnes possint locare conducere, qui con-
sentire possunt, L. 43. §. 1. de procur. exce-
ptis curialibus, L. 30. C. hoc tit. militibus,
L. 31. C. ead. clericis, Nov. CXXII. cap. 6. &
tutoribus ac curatoribus, qui prædia fiscalia
& patrimonialia principis conducere prohi-
bentur, nondum redditis rationibus. L. 49.
pr. §. 1. ff. hoc tit. * 3) Ut & tacite fieri
possit relocatio, eaque tunc in dubio iisdem
conditionibus, quibus antea, facta censetur.
L. 13. §. ult. hoc tit.

* Addi solet: opifices, qui cum strepitu ar-
tem faciunt, conducere non posse domos juxta
ædes litteratorum; idque ex L. un. Cod. de stud.
liberal. L. 14. Cod. de oper. publ. immo & ex
Leg. 1. ff. sol. matr. probant. Vid. Rebuff. de
privil. univ. & stud. privil. 3. seq. pag. 12. seq.
Sed in istis quidem legibus nihil hujusmodi
legas,

legas, & privilegia per interpretationem extensivam comminisci, Bartoli, non nostri sæculi est. Ob æquitatem tamen passim admittitur hoc privilegium. Brunnem. ad L. un. Cod. de stud. lib. Perez ibid. n. 7. Carpz. Part. II. Const. 37. Def. 23. Finkelth. Obs. LXIV. Richter. Expos. Auth. Habita p. 50. seq.

§. CCCXX.

Quumque & res, quæ usum præstant, & operæ illiberales, possint locari; (§. CCC-
XVIII. 2.) consequens est, 1) ut omnes res, Quid lo-
cari possint
quæ in rerum natura hominumque commercio sint, recte locentur, L. 35. §. 2. ff. de contr. empt. L. 9. §. 1. ff. hoc tit. modo usum præstant, nec usu absumantur, L. 31. ff. hoc tit. 2) Ut & res alienæ conductæ sublocari possint. L. 7. L. 8. L. 9. pr. L. ult. hoc tit. 3) Ut & operæ omnes honestæ recte locentur, quæ mercedem admittunt. L. 26. ff. de verb. oblig. 4) Ut locatio conductio recte dividatur in rei, operarum & operis. * L. 22. §. 2. L. 25. §. pen. hoc tit.

* In ea locatione id singulare est, quod, qui mercedem accipit, dicitur Conductor vel Redemptor operis, quum simul locator operarum sit: is vero, qui dat mercedem, Locator operis, quum tamen conductor operarum sit. L. 22. §. 2. L. 25. §. pen. ff. hoc tit.

§. CCCXXI.

Quia porro & vera esse debet merces, & certa, & justa; (§. CCCXVIII. 3.) sequitur, 1) ut sine mercede nulla sit locatio conductio, L. 2. pr. ff. hoc tit. 2) Ut ea donationis causa contrahi nequeat. L. 20. §. 1. ff. hoc tit. adeoque nec 3) uno nummo fieri. L. 46. ff. hoc tit. 4) Ut merces, (quatenus lege
Merces
debet esse
vera, justa,
certa.
non

non est constituta,) non quidem in puncto consistat, adeoque contrahentibus hic naturaliter liceat se invicem circumscribere: L. 22. §. ult. L. 23. ff. hoc tit. attamen 4) ob lésionem enormem merito rescindatur contractus ex L. 2. Cod. de resc. vend. (§. CCXCIV. 2) 5) Ut mercedis quantitas vel æstimari, vel per relationem, in arbitrium conferri possit, modo hic postea mercedem æstimaverit. L. 25. princ. ff. hoc tit. 6) Ut contra non valeat locatio, si promittatur, quantum iustum futurum sit, vel quantum inter eos, postea convenerit, §. 1. Instit. hoc tit. L. 22. ff. de præscr. verb. nisi merces sit legitima. Matth. XX. 7.

§. CCCXXII.

Ea consistit in pecunia numerata. An & in fructibus?

Quandoquidem etiam mercedem in pecunia numerata consistere oportet, (§. CCCXVIII. 3) consequens est, 1) ut si aliud pro opera vel usu rei detur, statim negotium in aliam speciem contractus abeat. L. 5. §. 2. de præscr. verb. 2) Ut tamen, si res locata fructus ex se producat, pars fructuum mercedis loco esse possit, modo ejus quantitas definiatur, e. gr. decem medimni frumenti. L. 21. Cod. hoc tit. non si ita conveniant, ut indefinite fructus & damna inter se partiantur locator & colonus, quo casu colonus *partiarins* magis socius est, quam conductor. L. 25. §. 6. ff. hoc tit.

§. CCCXXIII.

Merces quando vel tota vel pro parte remittenda?

Denique quia locator usum rei operasve, conductor mercedem debet; (§. CCCXVIII. 4. consequens est, 1) ut, si conductor ob insignem calamitatem re frui non potuit, merces pro rata remittenda sit. L. 15. §. 1. seq. L. 25. §. 6. hoc tit. 2) Ut & tunc cesset merces, si conductor ob metum hostium, incendii, damni infecti, pestis, aliamve justam

nam causam, rem conductam deseruerit. L. 27. §. 1. L. 13. §. 7. *hoc tit.* L. 49. §. 1. ad L. Aquil. L. 28. de damn. inf. 3) Ut & operis non præstitis, merces haud debeatur, nisi per locatorem non steterit, quominus præstaret. L. 15. §. 6. L. 19. §. 9. Leg. 38. princ. §. 1. *hoc tit.* 4) Ut merces vel finito usu, operisve præstitis, vel si locatio, in plures annos facta, sub finem singulorum annorum præstanda sit. L. 54. §. 1. *hoc tit.* L. 34. ff. de reg. jur. L. 24. pr. L. 36. seq. *hoc tit.* L. 29. L. 140. ff. de verb. obl.

§. CCCXXIV.

Ex eodem consequitur, 5) ut locator rei ad traditionem una cum instrumentis accessoriis obstrictus sit. L. 9. pr. L. 15. §. 1. 2. L. 19. §. 2. L. 33. *hoc tit.* 6) Ut usum rei concedere debeat & locator & ejus heres, non modo conductori, sed & ejus heredibus, §. ult. Inst. *hoc tit.* L. 10. Cod. L. 19. §. 8. ff. *hoc tit.* 7) Ut non eadem sit obligatio successoris singularis, qui soluto jure locatoris, conductorem recte expellit. L. 9. §. 1. L. 25. §. 1. ff. L. 9. Cod. h. t. 8) Ut, quemadmodum conductor rem sine justa causa (§. CCCXXIII. 2) non deferere, ita nec locator eum sine justa causa, * ante constitutum tempus, expellere possit. L. 3. Cod. *hoc tit.*

Locatoris
& condu-
ctoris ob-
ligatio.

* Tales justæ causæ sunt 1.) merces per biennium non soluta. L. 54. §. 1. L. 56. ff. *hoc tit.* 2. Si conductor re conductâ vel physice vel moraliter abutatur. L. 3. C. h. t. 3.) Si ipse locator re sua indigeat, vel 4.) si eam velit rescire, d. L. 3. C. h. t. 5) Si successor singularis, veluti emptor, expellat conductorem, quocum non contraxit. Unde præmia juris: *Kauf. gebet vor Miethe*, vel *koop breekt huur* de qua diximus ad Inst. §. CMXXV. * Est tamē

men inter quinque has causas discrimen. Dubus enim prioribus casibus locator expulso conductori ad nihil tenetur. Tertio & quarto tenetur ad id, quod interest. L. 15. §. 8. L. 33. in fin. ff. hoc tit. Postremo casu non adversus expellentem, sed contra locatorem, regressus datur conductori. L. 25. §. 1. ff. hoc tit.

§. CCCXXXV.

Iterum de
utriusque
obligatio-
ne.

Nec minus inde patet, 9) locatorem & conductorem sibi invicem tenori ad dolum culpamve latam & levem præstandam. (§. CXVIII. 5.) L. 23. ff. de reg. jur. L. 13. §. 1. L. 19. §. 1. L. 25. §. 3. 4. L. 31. L. 60. §. 7. hoc tit. 10) finito contractu, rem esse locatori abscisse restituendam, L. 31. L. 39. hoc tit. adeo, ut, 11) si conductor usque ad sententiam eam restituere detrectet, & rem & ejus æstimationem debeat, L. pen. C. hoc tit. nec 12) eam restitutionem morari debeat quæstio dominii. L. 25. C. hoc tit. 13) Eo nomine utrique contrahenti competere actionem directam. (P. I. §. CCCLXIV.) & ejusdem cum contractu nominis, (P. I. §. CCCLX.*) puta actionem *Locati & Conducti*, pr. *Instit. hoc tit.*

§. CCCXXXVI.

Actionis
locati de-
scriptio.

Competit itaque actio *Locati* locatori, vel si plures, tanquam correi locaverint, singulis, in solidum, L. 13. §. 9. ff. hoc tit. eorumve heredibus, §. CCCXXIV. 6.) contra conductorem, vel si plures tanquam correi conduxerint, contra singulos in solidum, L. 47. ff. L. 13. Cod. hoc tit. eorumve heredes. (§. CCCXXIV. 6) 1) ad solvendam constituto tempore mercedem, (§. CCCXXI. seq.) ob moram cum usuris, (*Inst. §. DCCLXXXI.**) 2) ad rem finito contractu restituendam; (§. CCCXXV. 10. seq.) 3) præstandumque damnum;

num, dolo culpave lata & levi datum, (§. CCCXXV. 9)

§. CCCXXVII.

Actio *conducti* autem datur conductori, Itemque
ejusve heredi, (§. CCCXXIV. 6.) adver- actionis
sus locatorem, ejusve heredem, (*ibid.*) 1) conducti.
ad rei conductæ usum, operasve præstandas;
(§. CCCXXIV. 6.) 2) refundendas impen-
sas necessarias & utiles, * *Leg. 55. §. I. L.*
61. hoc titul. 3) damnumque, dolo latave
vel levi culpa datum, resarciendum. (§.
CCCXXV. 9.)

* Potest tamen & has impensas in mercedem
imputare. *L. 61. ff. hoc tit. L. un. §. 3. ff.*
de via publ. Potest etiam actione locati con-
ventus uti exceptione, *L. 61. ff. hoc tit. vel*
jure retentionis. (§. CCXV.)

§. CCCXXVIII.

Olim inter emptionem venditionem & lo- Emphy-
cationem conductionem quodammodo fluctua- teuseos
bat contractus *Emphyteuseos*, cujus tracta- contra-
tionem huc usque reservavimus, (*P. II. §.*
*XCVII. **) quamvis postea singularem & se-
cretam ab utroque illo contractu naturam
acceperit per constitutionem Zenonis Imp.
§. 3. Institut. hoc titul. Leg. 1. Cod. de jure
emphyt.

§. CCCXXIX.

Equidem quale ipsum sit jus emphyteuti- Ejus defi-
cum jam supra vidimus. Contractus *Emphy-* nitio.
teuseos, quo illud sæpe constituitur, est con-
tractus consensualis de dominio utili prædii
(*P. II. §. XCVII.*) pro certo canone annuo
in agnitionem domini præstito, alteri con-
cedendo. *§. 3. Inst. hoc tit.*

§. CCCXXX.

Substantiam itaque hujus contractus ingre- De eo a-
diuntur *Consensus*, Res in emphyteusin data, xiomata.
& Ca-

& Canon annuus. Unde axiomata: I. Emphyteusis initur consensu. II. Possunt res omnes in emphyteusim dari, quæ admittunt dominium utile. III. Emphyteuta ad solvendum canonem; dominus ad concedendum alteri dominium utile tenetur.

§. CCCXXXI.

Initur hic
contractus
consensu.

Quum itaque sit contractus consensualis; (§. CCCXXX. 1.) sequitur, 1) ut solo consensu contet, & 2) scripturam, quam exigit *L. 1. Cod. hoc tit.* uti in aliis contractibus consensualibus, tantum probationis causa intercedat. 3) Ut & hic contractus sit bonæ fidei 4) Ut vel simpliciter, nulla facta heredum mentione, vel cum certa familia, vel cum certa persona iniri possit, & tunc primo casu jus emphyteuticum ad omnes heredes, & successores, (modo hi quinquagesimam pretii partem laudemii nomine solvant; *Leg. 3. Cod. hoc tit.*) secundo ad eos, qui sunt ejusdem familiæ; tertio ad nullos successores transeat. *Nov. CXX. cap. 6. Nov. VII. cap. 3.*

§. CCCXXXII.

Quid in
emphyteu-
sim dari
possit?

Quumque ea in emphyteusim dari possint, quæ admittunt dominium utile; (§. CCCXXX. 2.) consequens est, 1) ut hodie & prædia culta in emphyteusim dari possint, immo & ædificia, *Auth. si quas Cod. de SS. Eccl. immo & res ecclesiasticæ. Nov. CXX. cap. I. §. 2. cap. VI. §. 1. 2. Nov. LV. cap. 2.* modo hic scriptura interveniat. *Nov. VII. pr. Nov. CXX. Cap. V. 2.)* Ut rei totius interitu emphyteusis finiatur. *Leg. 1. Cod. de jur. emphyteus.*

§. CCCXXXIII.

Emphy-
teuta de-
bet cano-
nem.

Quum porro emphyteuta ad solvendum canonem sit obligatus, (§. CCCXXX. 3.) & quidem in agnitionem domini; (§. CCCXXXIX.) intu-

inrulerunt inde veteres, 1) canone hoc in emphyteusi sæculari intra triennium; in ecclesiastica intra biennium non soluto, emphyteusim amitti ipso jure, * *L. 2. C. de Jur. emph. Nov. VII. cap. III. §. 2.* adeo, ut 2) & parte non soluta, vel uno ex coheredibus non solvente, res in commissum cadat, *arg. L. 7. ff. comm. divid. 3)* Temperandum tamen esse hoc jus rigidum, si emphyteuta canonem oblatum, & a domino detrectatum, in æde sacra vel apud acta deposuerit, *Leg. 2. Cod. de jur. emph.* vel si ob hereditatem facientem aliamve causam nemini solvi potuerit. *Leg. 21. seq. ff. de usur.* vel si compensatione tutus sit emphyteuta. *§. 30. Inst. de act. 4)* Nihil ex canone remitti ob sterilitatem, hostium incursionem, inundationem, nisi tota res perierit. (*§. CCCXXXII. 2.*) *L. 1. Cod. de jur. emph. §. 3. Inst. de locat.*

* Itaque non expectanda sententia judicis, uti vulgo putant, sed ipso jure emphyteusim amittit emphyteuta, nec moram offerendo canonem purgare potest, *dict. L. 2. C. hoc tit. & L. 2. Cod. de fund. patr.* Quod adeo verum est, ut & dominus, post triennium accipiens canonem, juri suo renunciassè haud censeatur. *Auth. Quirem. C. de SS. Eccl. Novell. CXX. cap. 8.* Multa tamen ea in re usus temperavit *ob. c. ult. X. de locat.*

§. CCCXXXIV.

Quumque dominus ex contractu hoc alteri teneatur ad concedendum dominium utile; (*§. CCCXXX. 3*) consequens est, 1) ut obstrictus sit ad traditionem, ex qua demum jus in re nascitur. *L. 20. C. de pact. 2)* Ut pati debeat emphyteutam omnem rei utilitatem capere, & libere de re ista inter vi-

Dominus
præstare
debet do-
minium
utile rei.

vos mortisque causa disponere. L. 1. ff. si ag. velt. L. 3. C. de jure emph. 3) Ut domino tantum competat jus προσηύρεως, adeoque 4) emphyteuta, rem venditurus, domino id denunciare teneatur. L. 3. Cod. eod. 4) Ut dominus ab emphyteuta jure exigat apochas fiscales, quibus, tributa fisco soluta, probari possit. L. 2. Cod. hoc tit. 5.) Ut particulare damnum omne non ad dominum, sed ad emphyteutam, pertineat, Leg. 2. Cod. de jure emphyt. 6) & hic nec meliorationes repetere possit. Leg. 2. Cod. eod. Novell. CXX. cap. 8.

§. CCCXXXV.

Quomodo
emphyteu-
sis finia-
tur?

Ex quibus omnibus facile patet, finiri emphyteusin I. Consolidatione, sive illa ob emphyteutæ orbitatem, vel ob lapsum temporis, vel præscriptione alterutrius ex contrahentibus contingat. (P. II. §. XCVII.) L. 3. ff. si ag. velt. II. Rei totius interitu (§. CCCXXXII. 2.) III. Canone intra triennium, vel in emphyteusi ecclesiastica intra biennium, non soluto. (§. CCCXXXIII. 1.) IV. Re ignorante domino vendita, (§. CCCXXXIV. 3.) siquidem eo casu locus est juri retractus. (§. CCXCVI. 1.) L. 3. C. de jur. emphyt. V. Re dolo vel culpa emphyteutæ insigniter reddita deteriore. (P. II. §. XCVII. *) Auth. qui rem. C. de SS. Eccl.

§. CCCXXXVI.

Actionis
emphyteu-
ticaræ de-
scriptio.

Nascitur ergo ex hoc contractu actio Emphyteuticaria (P. I. §. CCCLX. *) utrinque directa, (P. I. §. CCCLXIV.) quarum altera agit emphyteuta, ejusve heredes, adversus dominum, ejusve heredem; ad rem, secundum contractum præstandam. (§. CCCXXXIV.) Altera dominus adversus emphyteutam, ejusve heredes, ad canonem, (§. CCCXXXIII.) laudemium, (§. CCCXXXI.

4.) & si

4.) & si quid aliud ex contractu debetur, solvendum, *Leg. I. Cod. de jur. emph. §. 3. Inst. hoc tit.*

§. CCCXXXVII.

Ex his vero facile patet, ab his bonis emphyteuticis toto cælo differre *Censitica*, apud Germanicæ originis gentes tam frequentia, uti in dubio bona magis *censitica*, *Zinss-güter*, quam *emphyteutica*, *Erben Zinss-güter*, esse præsumantur. *Carpz. Pars II. Conf. 39. Def. 1. seq.* Multa enim passim sunt prædia, ex quibus annuus solvitur census, vel in agnitionem jurisdictionis, vel quia venditores, accepto minore pretio, illum sibi reservarunt, vel quia, prohibitis contractibus usurariis, loco usurarum veteres emere solebant census vel redditus annuos, sive redimibiles, *ablosliche Renten*, sive irredimibiles, *unablogische Renten*. *Stryk. Cautel. Contr. II. §. 13.*

Bona censitica v. rii generis.

§. CCCXXXVIII.

Quamvis itaque & censiti quotannis census solvant, immo & aliquando laudemium pro renovata investitura præstent; non tamen utile tantum dominium habent, sed plenum, nec, qui census accipit, aliud quid, quam jus hypothecæ, retinet. Unde nec, censu per triennium non soluto, privationi prædii nec ullo casu remissioni census locus est, nisi census fructibus sit proportionatus. *Vid. Carpz. ibid. Illustr. a Leudevvig de Juribus feudo vicinis & V. C. Schraffer. Jct. & Synd. Harderovic. de Bonis censiticis.*

Quale jus in iis censito, & ei, cui census debetur, competat?

T I T. III.

De æstimatoria.

§. CCCXXXIX.

Connexio. **H** Actenus de contractibus nominatis ; sequuntur innominati , quorum quidam bonæ fidei sunt , veluti *Æstimatorius* , & *Permutatio* , de quibus titulis sequentibus agitur .

§. CCCXL.

Contractus *Æstimatorius* est contractus innominatus , bonæ fidei , (§. CCCXXXVI.) quo res æstimata alicui ea lege vendenda datur , ut vel res ipsa in specie , vel conventa æstimatio reddatur . L. 1. pr. §. 1. ff. hoc r. Unde hic contractus nec *Emptio* est , quia hic est obligatio alternativa , nec *Locatio operarum* , quia hic æstimata res datur , nec *Mandatum* , ob eandem causam . L. 1. princ. ff. hoc tit.

§. CCCXLI.

Æstimatoris effectus . Nimirum res hic datur æstimata , & quidem vel rogatu *accipientis* , & tunc periculum ad hunc transit ; Leg. 1. §. 1. hoc tit. Leg. 17. §. 1. ff. de præscr. verb. vel rogatu dantis , ubi periculum penes hunc manet , vel rogatu *neutrius* , quo casu accipiens dolum , & culpam latam & levem præstat . (§. CXVIII. 5) L. 17. §. 1. ff. eod.

§. CCCXLII.

Actio ex hoc contractu nata .

Quum itaque hic contractus sit bonæ fidei . (§. CCCXXXIX.) adeoque *simplicis* , consequens est , ut detur inde actio *Præscriptis Verbis* . (P. I. §. CCCLX. *) *Æstimatoria* , L. 1. ff. hoc tit. *Directa* & *Contraria* . Quarum illa competit ei , qui rem æstimatam

ram vendendam dedit, ejusve heredi, ad-
versus accipientem, ejusve heredem, ad red-
dendam rem, vel præstandam æstimationem.
L. 1. princ. §. 1. hoc tit. Hæc contra ei, qui
rem vendendam accepit contra dantem, ad
solvendam mercedem, (quippe quam hic con-
tractus non respuit, L. 2. ff. hoc tit.) & ad
indemnitàtem. (P. I. §. CCCLXIV. *)

— T I T. IV.

De rerum permutatione.

§. CCCXLIII.

QUum quatuor sint contractuum innomi- Permuta-
tio quid ?
natorum genera, *Do ut Des; Do ut Fa-*
cias; Facio ut Des; Facio ut Facias; Leg. §.
pr. §. seq. ff. de præscr. verb. ad primum per-
*tinet * Permutatio, quæ est contractus inno-*
minatus, bonæ fidei, (§. CCCXXXIX.) quo
quis rem ea lege dat, ut pro ea alter aliam,
de qua convenit, reddat. Unde hic contra-
ctus ab emptione venditione non differt, nisi
quod hic res non pro pecunia numerata, sed
pro alia re datur. (§. CCLXIV. 6.) Leg. §.
§. 1. de præscr. verb. & quod permutatio a
rei traditione; emptio venditio a consensu
capit initium. L. 1. §. 2. hoc tit.

* Nec est tamen, quod permutationem diversam
statuamus a contractu *do ut des*, Leg. §. pr.
§. 1. 2. de præscr. verb. quamvis vulgo, ubi
species cum genere contractum *do ut des* ini-
ri censeant. Schotan. Exam. b. t. Add. Thomas.
ad Strauch. Diff. XVI. 5.

§. CCCXLIV.

Nascitur inde actio *Præscriptis Verbis* ex Actio inde
nata.
per-

456 Pand. Lib. XIX. Tit. V.
permutato, §. 28. Instit. de act. competens ei,
qui dedit, §. CCCXLIII.) adversus acci-
pientem, ejusve heredem, ad tradendam rem
promissam, vel id, quod interest. Leg. 5.
§. 1. L. ult. ff. de præscr. verb. Leg. 4. Leg. 5.
Cod. hoc tit.

§. CCCXLV.

An huc
pertineat
doctrina
de cam-
biis?

Vulgo huc referunt doctrinam de *Cambiis*,
vel negotiatione collybistica. Sed ea nec per-
mutatio est, nec tam obiter potest tractari.
Ejus naturam ex mente & principiis nostris
in Academia Frisiorum Illustri erudite expo-
suit D. Lochau. Hamburg. in *Diss. inaugura-
li de vitiis negotiationis collybisticae*.

T I T. V.

De præscriptis verbis & in factum
actionibus.

§. CCCXLVI.

Actiones
in factum
quotupli-
ces?

Actiones in factum variae accipiuntur.
Nam 1) in factum dicuntur actiones,
quas Prætor ex edicto suo, maxime ex deli-
ctis promittit. L. 10. §. 1. 8. L. 14. ff. quæ
in fraud. cred. 2) Ejusdem nominis sunt,
quas Prætor dat ex legibus civilibus. Quem-
admodum enim, quæ ex verbis legum fluunt
directæ; quæ ex interpretatione prudentum,
utiles; ita, quæ ex Prætoris interpretatione
descendunt, in factum actiones appellantur.
§. ult. Instit. de Leg. Aquil. 3) Et quæ ex
contractibus incerti nominis, vel aliis defi-
cientibus actionibus, in subsidium dantur,
vocantur actiones in factum. L. 2. 3. 4. 11. ff.
h. t. L. 2. §. 2. L. 19. §. 2. de precar. Denique 4)
quæ ex contractibus innominatis nascuntur,
dici solent actiones in factum. L. 5. §. 1. seq.
ff. h. t.

ff. h. t. Erudite rem exposuit Em. Merill.
 Obs. III. 26. VI. 7. VIII. 14. seq. & 24. Var.
 Cujac. I. 30.

§. CCCXLVII.

Eadem actiones dicuntur *præscriptis verbis*, vel quia singularem formulam ob varietatem negotiorum Prætor in albo non dederat, adeoque illa a Jcto concipienda, & verbis ab eo præscriptis, edenda erat: Briffon. de Form. vet. Roman. Lib. V. p. 385. vel quia præmittenda, adeoque præscribenda erant verba conventionis, & his subjicienda actio in factum, seu ex L. 1. ff. hoc tit. acute colligit Merill. Obs. VIII. 16. cui adde L. 6. C. de transact.

§. CCCXLVIII.

Ex quo facile patet, 1) primi & secundi generis actiones in factum esse prætorias; tertii & quarti generis civiles. L. 7. §. 2. ff. de pact. L. 23. ff. comm. divid. Merill. Variant. Cujac. I. 30. 2) Tertii & quarti generis actiones in factum non dari, si intervenerit dolus, quia tunc locus est actioni de dolo. L. 15. junct. L. 5. §. 2. 3. hoc tit.

§. CCCXLIX.

Actio itaque *præscriptis verbis*, quæ ex contractibus innominatis nascitur, & proprie hujus loci est, datur ei, qui dedit, vel fecit, ejusve heredibus, adversus eum, qui se vicissim daturum facturumque promisit, ejusve heredes, ad dandum faciendumve, quod promiserat, præstandumve, quod interest. L. 5. L. 1. ff. hoc tit.

Et descriptio actionis, quæ ex contractibus innominatis est.

§. CCCL.

Ita ad adimplendum contractum agitur. In contrage
 Hein. Pand. T. I. V Quum

Quibus in
non inatu
locus est
peniten-
tie.

Quum autem contractuum innominatorum ea
natura sit, ut ei, qui dedit, facultas sit pœ-
nitendi, quamdiu alter contractui non satisfacit;
(§. XL.) hinc eo casu ad rem datam
repetendam non dabatur actio præscriptis ver-
bis, vel in factum, sed condictio *caussa da-
ta, causa non sequuta*. (§. XLVI.) Enimve-
ro hodie locum non amplius esse pœnitent-
iæ, ob pactorum omnium validitatem, jam
supra me demonstrare memini. §. XLVII. }
Unde hic rem non repetō.



PANDECTARUM

PARS QUARTA,

QUÆ

DE ACCESSORIIS CONTRACTUUM,
DE NUPTIIS ET TUTELIS AGIT.

LIBER XX.

TIT. I.

*De pignoribus & hypothecis, & qualiter eas
contrahantur, & de pactis eorum.*

S. I.

HOC & insequentibus libris de quibusdam contractuum accessoriis agitur, & primo quidem de *pignoribus* & *hypothecis*. Pignus, quatenus est contractus, jam supra (P. III. S. CXXIII. seq.) explicatum est. Jam itaque de jure in re, quod ex pignore & hypotheca nascitur, (P. I. S. CXCVI.) agendum.

Connexio:

S. II.

Quamvis autem inter *pignus* & *hypotheca* Quid hic
cam alioquin maximum sit discrimen, quum *pignus*:
pignus præcipue contractu; *hypotheca* pacto
prætorio, (P. I. S. CCCLV. *) constituitur;
illud tradendum sit; hæc sine traditione sub-
sistat; S. 7. *Instit. de act.* L. 9. S. 2. ff. de
pign. act. L. 278. ff. de verbor. signif. tamen
quod

quod ad jus ex utroque natum attinet, nullum in eo discrimen est. L. 7. §. 1. *hoc tit.* Ex utroque enim nascitur jus in re, creditori in securitatem crediti constitutum. L. 30. ff. de action. nox.

§. III.

Dividitur
primo in
generale,
& specia-
le.

Itaque prout hoc constituitur vel in omnibus bonis, vel in re quadam speciali, eatenus vel *generale*, vel *speciale* dicitur. L. 1. L. 6. L. 29. ff. *hoc tit.* L. ult. Cod. *quæ res pign.* Ex quibus definitionibus patet. I. Pignus generale omnia bona præsentia & futura afficere, quæ creditori securitatem præstare possint. II. Pignus speciale tantum res oppignoratas, earumque accessiones. L. 15. §. 1. L. 16. pr. §. 4. ff. *hoc tit.*

§. IV.

Quæ pi-
gnus gene-
rale affi-
ciat?

Quum itaque pignus *generale* omnia bona & præsentia & futura afficiat; (§. III. 1.) consequens est, 1) ut & omnium bonorum facienda sit mentio, L. 9. C. *quæ res pign. obl.* adeoque 2) non sufficiat mentio mobilium & immobilium, L. 4. L. ult. Cod. *ead.* quibus nomina & jura non comprehenduntur. P. I. §. CXCV.) 3) Ut tamen, si mentio facta sit omnium bonorum, iisque subjuncta mobilia & immobilia, his speciebus generalis, quæ præcessit, loquutio non restringatur: arg. L. 12. §. 46. ff. de instr. vel instr. leg. quamvis vulgo dissentiant Doctores. Vid. Stryk. *Cautel. Contr.* II. 4. 15.

§. V.

Quæ non
afficiat?

Ex eodem axioma patet, 1) pignore generali haud affici res heredis, quæ a defuncto ad illum non pervenerunt. L. 29. ff. *h. t.* nec 2) res, quæ oppignorari non possunt, L. 9. §. 1. *hoc tit.* nec 3) quæ verosimile non est, a quoquam oppignorari, ut puta su-
pel-

Depignor. & hypoth. &c. Pars IV. 461
pellectilem, & vestes quotidianas. L. 6. seq.
ff. hoc tit.

§. VI.

Quum *speciale* pignus tantum res oppi- Effectus
pignoris
specialis,
gnoratas & earum accessiones afficiat: (§. III. 2.) consequens est, 1) ut debitor eas alienare nequeat, & 2) si id fecerit, vel furti vel stellionatus reus sit. L. 66. pr. ff. de furt. L. 3. §. 1. ff. de stellion. 3) Ut, conjuncta hypotheca generali & speciali, creditor abscisse insistere debeat pignori speciali, nec prius, quam illo excusso, alia bona persequi possit. L. 2. C. hoc tit.

§. VII.

Deinde pignus vel *necessarium* est, vel *voluntarium*. Illud & citra debitoris consensum constituitur, hoc eo consentiente. *Necessarium* vel *tacitum* est, quod a lege constituitur, (de quo Tit. II.) vel *expressum*, quod vel a *prætor*e, vel *judice* constituitur, adeoque in *Prætorium* & *Judiciale* dispescitur. *Voluntarium* denique, vel *publicum* vel *privatum* est. Ita enim in ordinem redigendæ tot partitiones pignoris.

§. VIII.

Prætorium itaque est, quod ex primo de-
creto Prætoris constituitur, per immiſſionem Prætorium
in bona ob contumaciam. L. 26. ff. de pign. Judiciale
act. tit. ff. ex quib. causſ. in poss. eat. *Ju-*
diciale, quod causſa cognita, & per senten-
tiam constituitur, vel in rebus pignori cap-
tis, L. 2. §. 2. 3. ff. de re jud. vel in bo-
nis, in quæ creditor exſequutionis causſa im-
mittitur. L. 2. seq. C. qui pot. in pign. L. 1.
Cod. si in causſ. jud. pign. cap.

§. IX.

Hæc de *necessariis* pignoribus. *Voluntaria* Publicum
& priva-
tum.
divisimus in *publica*, quæ in publico instru-
mento, vel adhibitis tribus testibus, con-

stituantur. L. 11. *Cod. qui per. in pign.* vel hodie multis locis ad acta, quod saltem in immobilibus diserte requirunt mores Saxonum aliarumque Germanicarum gentium; *Const. Elect. Sax. XXIII.* & privata, quæ privato arbitrio constituantur, & remotis arbitris.

§. X.

Testamen-
tarium &
conven-
tionale?

Privatum pignus aut *testamento* constituitur, L. 26. ff. *de pign. act.* aut *conventionem*, idque vel per *contractum pignoris*, & *traditionem rei oppignoratæ*, L. 1. *princ. act.* vel per *pactum hypothecæ*, & *sine traditione*, initur, L. 17. §. 2. *de pact.* L. 23. §. 1. L. 34. §. 1. *hoc tit.*

§. XI.

Jus pigno-
ris quale?

Quum itaque pignus omne sit jus in re, & quidem in securitatem crediti constitutum; (§. III.) consequens est, 1) ut bonis alienatis, hoc onus ad novos etiam possessores transeat. L. 4. *Cod. de evict.* L. un. *rem. al. ger.* 2) Ut oppignoratio sit species alienationis: L. 7. C. *de reb. al. non alien.* adeoque 3) ab iis demum fieri possit, qui & domini sunt, & alienandi habent facultatem. L. ult. *Cod. de reb. al. non alien.* 4) etiam a sociis in parte sibi competente, L. un. *Cod. si res pignor. non* 5) a vassalis, pupillis, maritis in fundo dotali, ut infra patebit.

§. XII.

Actiones
inde natæ,
Serviana.

Ex eodem patet, ex hoc jure in re nasci debere actionem in rem. Et hic quidem duplex datur, *specialis* altera quæ dicitur *Serviana*; altera *generalis* quasi *Serviana*, vel *hypothecaria*: §. 7. *Inst. de action.* L. 3. §. 3. *ad exhib.* quarum illa datur locatori prædii rustici adversus colonum, & quemcunque possessorem, (§. XI. 1.) ad res pignori pro-

mer-

De pignor. & hypoth. &c. Pars III. 463
mercede fundi obligatas, persequendas. * §. 7.
Inst. de act. L. 16. §. 3. hoc tit.

* Non modo eas, quæ expressè sunt oppignora-
tae, sed quæ tacite; Nam quemadmodum in
conductione praediorum urbanorum investa &
illata; *Leg. 4. pr. ff. in quib. caus. pign. vel*
hypoth. tac. ita in rusticorum fructus, ibi na-
ti, tacite censentur obligati. *Leg. 7. princ. ff.*
cod.

§. XIII.

Quasi Serviana, ad superioris exemplum *Quasi Ser-*
inventæ, datur creditoribus reliquis omnibus *viana.*
contra debitorem, vel singulos heredes pos-
sidentes in solidum, *L. 1. C. si un. ex plur.*
hered. & quemcunque rei oppignoratae posses-
sorem, L. 16. §. 3. ff. de pign. & hypoth.
(qui tamen hodie beneficio ordinis gaudet,
in hypotheca tam generali, *Nov. IV. 2.* tum
speciali; *Nov. CXII. cap. 1. Auth. Sed hodie*
Cod. de obl. & act. Auth. Hoc si C. de pign.
quamvis hic vulgo dissentiant Doctores. Vid.
B. Stryk. *investig. act. II. §. 8.*) ad rem pigno-
ri obligatam, * cum fructibus & accessioni-
bus persequendam. *L. 16. pr. §. 3. 4. L. 1.*
§. 2. ff. hoc tit. L. 66. ff. de evict.

* Si ergo contra debitorem agitur, probanda
erit oppignoratio. *Leg. 23. ff. de prob.* Sin
contra tertium possessorem, præter oppigno-
rationem probandum, 1) rem tempore oppi-
gnorationis in debitoris bonis fuisse, *Leg. 3.*
pr. Leg. 15. §. 1. ff. hoc tit. 2) rem eam
possidere, vel dolo malo possidere reum de-
fuisse. *L. 19. §. 3. cod.*

§. XIV.

Hoc ipso titulo Tribonianus etiam agen-
dum putavit de *pactis pignorum*, quamvis id
commodius fecisset *Libro XIII.* ubi de con-
tra-

*Pacta pi-
gnorum.*

tractu pignoris egit. Nimirum, quia pignus est contractus bonæ fidei, (P. III. §. CXXIV.) sequitur, ut omnia pacta, ei in continenti adjecta, valeant, modo naturæ contractus non repugnent. (P. I. §. CCCLVI.)

§. XV.

Pactum
ἀντικρυσσεως
sive.

Ex quo facile patet, I. licitum esse pactum ἀντικρυσσεως, quo ita convenit, ut creditor re oppignorata uti possit in vicem usurarum. L. 11. §. 1. L. 8. ff. in quib. caus. pign. vel hyp. tac. L. 14. L. 17. C. de usur. quod & tacite adjectum censetur, si creditori, usuras sibi stipulato, res frugifera obligata sit. L. 8. ff. in quib. caus. pign. vel hyp. tac.

§. XVI.

Ejus effe-
ctus.

Ex cujus pacti fine satis patet, 1) si fructus sint *certi*, eos redigendos esse ad legitimum modum usurarum, nisi excessus sit modicus. L. 1. L. 2. L. 12. C. de pign. act. 2) Sin fructus sint *incerti*, unius anni ubertatem cum alterius sterilitate compensandam esse, nisi excessus sit nimius. L. 17. 26. Cod. de usur. 3) In pacto antichretico tacito omnino ea, quæ ultra legitimum usurarum modum percepit creditor, debitori restituenda, vel forti imputanda esse. Leg. 8. ff. quib. mod. pign.

§. XVII.

Pacta alia
licita.

Ex eodem patet, licita esse pacta II. Ad-dictionis in diem, id est, ut pignus, debito certo die non soluto, creditori iusto pretio venditum sit. L. 1. C. de pact. L. 16. §. ult. ff. hoc tit. Leg. 7. §. ult. ff. de distr. pignor. III. Pactum, ut amisso pignore debitum exspiret. L. 6. Cod. de pign. act. IV. Pactum, ut pignus, non soluto debito, vendere liceat. §. 1. Inst. quib. al. lic.

§. XVIII.

Pacta illi-
cita.

Contra ipsi naturæ contractus & bonis moribus

ribus adversantur I. pactum de pignore propria auctoritate occupando. L. 3. C. hoc tit. L. pen. C. de pign. act. & II. pactum commissorium, quo convenit, ut non soluto intra certum diem debito, pignus creditori cedat. L. ult. Cod. de pact. pign. III. Pactum ne pignus vendatur. S. ultim. Inst. quib. mod. re contr. obl.

T I T. II.

In quibus causis pignus, vel hypotheca tacite contrahitur.

§. XIX.

QUum pignus necessarium vel expressum sit, vel tacitum; de hoc agitur hoc titulo, Est autem pignus tacitum, quod ab ipsa lege constituitur. (S. VII.) Lex autem constituit pignus, vel I. ob insigne beneficium, quod alter alteri præstitit, vel II. quia reip. interest, debitorem securum esse, vel III. quia ipsius personæ qualitas hujusmodi quid videtur exigere, vel denique IV. ob præsumptam voluntatem.

Quibus ex
causis lex
tacitum
pignus
constituitur

§. XX.

Quum itaque ob insigne beneficium, quod creditor debitori præstitit, lex pignus constituere soleat; (S. XXIX. 1.) facile reddi poterit ratio, cur tacitum pignus competat I. ei, qui pecuniam, non quidem ad extruendum ædificium novum. L. 7. C. qui pot. in pign. Nov. CXXXVI. cap. 3. sed ad illud, quod adhuc existat, rescindendum vel ipsi domino, vel eo mandante, redemptori credit. L. 1. ff. hoc tit. L. 24. S. 1. ff. de reb. aucter. iud. pass. II. Ei, qui captivum ab hostibus

Ob insigne
beneficiu.

redemit, in ipsa persona redempta, quamdiu
 ἀνταρ, nondum redditum. L. 2. C. L. 15. ff.
 de capt. & postl. L. 20. S. 1. ff. qui test. fac.
 poss. L. 43. S. ult. ff. de legat. 1.

§. XXI.

Ob reip.
 favorem.

Deinde quia reip. interest, (§. XIX. 2.)
 res publicas principis & universitatum salvas
 esse ; hinc merito pignus tacitum constitutum
 III. *Fisco*, tum pro tributis in bonis eorum,
 qui censentur, L. 1. *Cod. hoc tit.* tum in bo-
 nis eorum, qui ei non quidem ex delicto,
 L. 17. L. 37. ff. de jur. fisc. sed ex contractu
 obligati sunt, L. 2. C. *hoc tit.* tum in bonis
 administratorum, L. 1. C. de privil. fisc. tum
 denique in bonis debitoris primipilaris, ejus-
 ve uxoris, L. 4. C. *hoc tit.* IV. *Reipubl.* &
 reliquis universitatibus, non quidem in bo-
 nis debitorum, L. 2. C. de jur. reip. L. 8. C.
qui pot. in pign. sed in bonis administato-
 rum, L. 20. *Cod. de adm. tut. junct.* L. 3. C.
 de jur. reip. L. 19. L. 23. C. de SS. Eccles.

§. XXII.

Ob favorem
 personarum.

Porro ipsarum personarum qualitas & fa-
 vor (§. XIX. 3.) facile subegit leges, ut
 ut tacitum pignus constituerent V. *Liberis* 1)
 in bonis paternis, ob administrationem ad-
 ventitiorum bonorum : L. 5. S. ult. *Cod. de
 bon. que lib.* L. 8. S. ult. *Cod. de sec. nupt.*
 2) in bonis parentum, ad secunda vota pro-
 perantium, ratione eorum, quæ ex priore
 matrimonio ad eos pervenerunt : L. 6. *Codic.
 de sec. nupt.* 3) in bonis vitrici, ob tute-
 lam, qua se mater ante secundas nuptias non
 abdicaverat. L. 6. *Cod. hoc tit.* VI. *Pupillo,
 minori*, eorumque heredibus, tum 1) in bo-
 nis tutorum & curatorum, * L. 20. *Cod. de
 adm. tut.* L. 19. S. 1. ff. de reb. aut. jud. poss.
 tum 8) in rebus ; pecunia eorum enaptis.
 (P. II. §. LXXXIII. 4.) L. 17. *Cod. de pign.*
 L. 7.

L. 7. qui pot. in pign. VII. Conjugibus, tum marito pro dote promissa in bonis promittentis, *L. un. Cod. de rei ux. act.* tum uxori in bonis mariti, vel ejus, qui dotem accipit, 1) ob ejus repetitionem, a tempore initii matrimonii, *L. un. §. 1. C. eod.* cum augmento dotis, *Nov. XCII. cap. 2. 2.)* ob bona, quæ intulit, paraphernalia, a tempore illationis, *L. ult. Cod. de pact. conv. 3.)* ob donationem propter nuptias, a die nuptiarum. *L. 29. C. de jur. dot.*

* Et quidem a tempore, quo tutelam suscipere debuerunt, *d. Leg. 20.* Curatores furiosorum, quia non coguntur curationem suscipere, a tempore susceptæ curationis; *L. 19. seqq. ff. de reb. auct. jud. poss.* curatores absentum plane non tenentur. *L. 22. §. 1. eod.*

§. XXIII.

Denique ex præsumpta voluntate descendunt (§. XIX. 4.) pignora tacita VIII. *Locatoris prædii Urbani*, in illatis & investitis eo fine, ut ibi perpetuo sint. *Leg. 2. seq. L. 7. §. 1. ff. L. ult. Cod. hoc tit. IX. Locatoris prædii rustici*, in fructibus, in fundo illo natis. (§. XII.) *L. 7. pr. hoc tit. X. Legatarii & Fideicommissarii*, in bonis testatoris pro consequendis iis, quæ ipsis testamento vel codicillis relicta sunt. *L. 1. Cod. comm. de legat. & fideic.*

Ob præsumptam debitam voluntatem.

§. XXIV.

Hæc usus hodiernum servat. Solent tamen & aliis casibus legislatores tacita pignora constituere. Si e. g. ei, cui *census annuus* debetur, competit tacita hypotheca in bonis censiti. (P. III. §. CCCXXXVIII.) In *Frisia locatorii prædii rustici* hypotheca tacita est in bonis omnibus coloni, ob mercedem bien-

Ufus hodiernus.

nalem. Hub. *Prælect. hoc tit. §. 10. colonis*, in agris, quibus ædes, horrea, stabula impositum, donec eorum estimationem receperit, D. Huber. *ibid. §. 13. & amplif. ejus filius Zach. Hub. Obs. rer. judic. Obs. II. p. 10. seq.* Alia exempla in variarum gentium statutis passim præstant.

— T I T. III.

Quæ res, pignori vel hypothecæ datæ, obligari non possunt.

§. XXV.

De iis, **Q**uia oppignoratio est species alienationis; (§. XI. 2.) L. 7. C. de reb. al. non alien. Icti Romani receperunt axiomata: I. Quæ alienari non possunt, ea nec possunt oppignorari. L. 9. §. 1. ff. de pign. & hypoth. L. 1. §. 2. ff. hoc tit. II. Quæcunque in alienatione requirunt leges, ea & in oppignoratione requiruntur.

§. XXVI.

Quæ res alienari non possunt, nec possunt oppignorari; (§. XXV. 1.) consequens est, ut obligari non possint I. res commercio exemptæ, veluti sacræ, religiosæ, L. 3. Cod. hoc tit. liber homo. L. 6. Cod. eod. II. Res litigiosæ, L. 1. §. 2. ff. hoc tit. III. alienari speciatim prohibitæ, veluti arma militum, L. 14. ff. de remilit. Spes præmiorum pro coronis præstandorum athletis, L. 5. Cod. hoc tit. & fundus dotalis. * L. 4. ff. de fund. dot.

* Ex lege Julia de adulteriis alienari non poterat fundus dotalis Italicus, nisi consentiente muliere, at oppignorari, ne quidem ea volent.

te . Paull. Sent. II. 21. 2. *princ. Institut. quib. alien. licet.* Itaque tunc magis odiosa videbatur oppignoratio, ad quam blanditiis facilius adducebatur mulier, quam venditio. Sed Justinianus postea & discrimen inter fundos Italicos & provinciales, & inter alienationem & oppignorationem sustulit, & neutram, etiam consentiente uxore, fieri passus est. *Leg. unic. §. 15. Cod. de rei ux. act. pr. Institut. quib. al. lic.*

§. XXVII.

Ex eodem IV. patet, 1) nullam esse oppignorationem rei alienæ, *L. 2. Cod. si alien. res pign. dat. L. 2. C. de reb. al. non al. L. 16. §. 1. 7. ff. de pign. hyp.* adeoque 2) oppignorantem res alienas & stellionatus reum esse, & actione pignoratitia teneri, *L. 6. Cod. si res al. pign. L. 16. §. 1. ff. de pign. act. 3)* Idem tamen jus non obtinere, si vel α) dominus consenserit in oppignorationem, vel eam ratam habuerit, *L. 20. pr. ff. de pignor. act. L. 15. §. 1. cod. vel quum sciret, in fraudem creditoris tacuerit, L. 2. Cod. si al. res pign. vel β)* si dominus oppignoranti heredes exstiterit, ejusque res, non eo invito, sed ignorante, obligata sit. *L. 41. ff. de pign. act. L. 22. ff. de pign. hypoth. vel γ)* si debitor rem alienam oppignoratam postea acquisiverit, *L. 41. ff. de pign. act. L. 1. princ. de pign. & hypoth. L. 25. ff. hoc tit. L. 5. Codic. si res alien. pignor. vel denique δ)* si quis rem alienam oppignoraverit sub conditione, si sua facta fuerit. *L. 16. §. 6. ff. de pign. & hypoth.*

§. XXVIII.

Quumque eadem leges requirant in alienatione & oppignoratione; (§. XXV. 2.) consequens est, ut V. res pupillorum & minorum Quatenus res pupillares, & peculiares, ob

ligari pos-
sint?

norum oppignorari non possint, sine auctori-
tate vel consensu tutorum vel curatorum;
vel si res immobiles & majoris momenti op-
pignorentur, sine decreto Prætoris, *L. 1. pr.
ff. hoc tit. L. 1. ff. 2. 3. L. 2. ff. de reb. eor. qu-
sub tut. L. 22. C. de adm. tut. VI.* Ut res, quæ
in peculio sunt, non possint a filio, vel ser-
vo oppignorari, nisi consentiente patre, vel
domino. (*P. III. §. CLXXXIII.) L. 1. §. 1.
ff. hoc tit.*

§. XXIX.

Curpigno-
ra, contra
Sconfultus
Vell. &
Macedon.
data, non
valeant?

Quum denique pignora sint obligationis ac-
cessoria; (*§. 1.) L. 5. pr. ff. de pign. & hy-
pothec. facile reddi poterit ratio, cur VII.
pignora, pro muliere, contra SCtus Velle-
janum intercedente, vel pro filiofamil. con-
tra SCtus Macedonianum constituta, non va-
leant. L. 2. ff. hoc tit.*

§. XXX.

Cor instru-
menta ru-
stica pi-
gnori non
capienda?

Singularis rei rusticæ & agriculturæ favor
persuasit Justiniano, ut VIII. exsequeutores
litium pignori capere non possent servos
aratores, boves aratores, instrumenta rusti-
ca sub pœna quadrupli, infamiæ, & extraor-
dinaria. *L. 7. L. 8. & Anth. Agricultores Cod.
hoc titul.*

TIT. IV.

— Qui posteriores in pignore, vel hypotheca habean-
tur, & de his, qui in priorum credito-
rum locum succedunt.

§. XXXI.

De priori-
tate pigno-
rum axio-
mata.

Quum frequenter contingat, ut eadem
bona, vel eadem res, pluribus oppi-
gnorentur: quæstio incidit, quinam in pigno-
re sint posteriores? Hic vero jus nostrum quatuor
hæc

hæc axiomata recepit : I. Hypotheca , vel pignus publicum², privatis præfertur , L. 11. Cod. hoc tit. II. Inter plures ejusdem generis , qui prior tempore , potior est jure , nisi vel privilegium obstat , vel posterior in prioris locum succedat . L. 2. 4. Cod. eodem. III. Ubi quis prior posteriorve sit , dubitatur , vel ubi duobus in solidum eadem res oppignorata , ibi melior est possidentis conditio . L. 16. §. 8. ff. de pign. L. 10. ff. eod. IV. Quibus pro partibus res oppignorata est , ii pro rata in possessione concurrunt . L. 16. §. 8. de pign. & hyp.

§. XXXII.

Ex primo axioma sequitur , 1) ut privatis hypothecis indistincte præferantur , quæ vel ad acta , vel 2) in instrumento publico vel 3) tribus adhibitis testibus constitutæ sunt . (§. IX.) L. 11. C. hoc tit. 4) Ut soli , qui singulare privilegium habent , & quibus hypotheca privilegiata est , iis præferantur . Qua de re infra ad titulum de rebus auctoritate judicis possidendis . (P. II. §. CCLXII. seq. & CCLXVIII.)

Publica hypotheca præfertur privata.

§. XXXIII.

Quumque inter plures ejusdem generis is , qui prior est tempore , potior jure censeatur ; (§. XXXI. 2.) consequens est , 1) ut hic nullum sit discrimen , tacitum sit pignus an expressum . L. 2. Cod. de priv. fisc. Necessarium an voluntarium , testamentarium an conventionale , L. 10. L. 11. ff. L. 2. L. 4. L. 8. Cod. hoc tit. generale an speciale . L. 2. L. 11. L. 12. L. 18. ff. hoc tit. 2) Ut & generalis hypotheca prior posteriore speciali potior sit , quamvis , deducta speciali , bona sufficiant . L. 2. ff. hoc tit. 3) Ut contra , speciali hypotheca constituta , & reliquis bonis in subsidium obligatis , reliqua aliis speciatim oppignatæ

Prior potiori.

pignorata, iis merito relinquenda sint, si ex illa creditori satisfieri possit. *L. 2. C. de pign. & hypoth. 4*) Ut hic non respiciatur ad momentum contractus, vel rei traditæ, sed constituti pignoris. *L. 11. pr. L. 11. §. 2. & ult. ff. hoc tit.*

§. XXXIV.

[Hypothecæ privilegiatæ.]

Quumque aliquando huic regulæ obstat privilegium. (§. XXXI. 2.) hujusmodi privilegiatas hypothecas datas deprehendimus I. fisco, ratione debiti primipilaris, & tributorum. *L. 1. L. 2. Cod. si propt. publ. pensat. L. 1. L. 4. Cod. in quib. causss. pign. vel hyp. tac. contr.* II. Credentibus ad militiam emendam, si specialem hypothecam acceperint. *Novell. XCII. cap. 4.* III. Uxori, ratione dotis. *L. 12. §. 1. C. hoc tit.* IV. Credentibus sub hypotheca ad ædium, navis similitumve rerum conservationem. *L. 5. L. 6. pr. §. 1. ff. hoc tit.* V. Pupillis, quorum pecunia res empta *L. 7. ff. hoc tit.* nec non VI. aliis, ad emendum credentibus, si sibi rem specialiter obligari curaverint, *Leg. 7. Cod. hoc tit.*

§. XXXV.

[Qui in locum creditorum succedunt.]

Quandoquidem etiam hæc regula patitur deliquium, si quando posterior hypothecarius in prioris locum succedit; (§. XXXI. 2.) facile patet, 1) ei *Successioni* vel *Juri offerendi* locum esse tantum inter hypothecarios, non 2) si chirographarius posterior in locum prioris hypothecarii ascendere velit, nisi diserte convenerit, ut eadem res sibi obligata sit, & ipse in hypothecarii locum succedat. *L. 3. ff. quæ res pign. dat. L. 12. §. 8. ff. hoc tit. L. 1. C. de his, qui in prior. cred. loc. succ.* 3) Hypothecarium posteriorem priori, cujus in locum succedere cupit, sive volenti, sive invito, solvere vel offerre pecuniam,

niam, vel eam non acceptam obsignare, & legitime deponere, 4) eoque facto jus omne prioris, immo ipsum jus prælationis, in eum transferri, si hoc casu expressum ea de re pactum fuerit interpositum. L. 12. S. 6. ff. hoc tit. L. 1. L. ult. C. de his, qui in prior. credit. loc. L. ult. C. de privil. fisc.

§. XXXVI.

Denique ex duobus reliquis axiomatibus (§. XXXI. 3. 4.) consequitur, 1) ut ii, quibus eadem res in solidum obligata, cum extraneis quidem singuli in solidum quasi Serviana agere possint; inter ipsos tamen melior sit conditio possidentis, L. 10. L. 16. §. 8. ff. de pign. & hyp. 2) Ut pro rata concurrentes hypothecarii & inter se & cum extraneis utilem hanc actionem instituere possint. L. 16. §. 8. eod.

Jus eorum, quibus eadem res in solidum vel pro rata obligata.

T I T. V.

De distractione pignorum & hypothecarum.

§. XXXVII.

IS, cui pignus constitutum, non modo habet actionem Servianam, vel quasi Servianam, ad persequendum pignus; (§. XII. §. XIII.) verum etiam, si debitor non solvendo, vel in mora est, *Jus Distrahendi Pignora*. Leg. 7. §. 1. ff. de reb. eor. qui sub tut.

Creditori competit jus distrahendi pignora.

§. XXXVIII.

Est ergo *Distractio Pignorum* rerum oppignoratarum solemnis, & vel a creditore procuratorio nomine, vel a magistratu publica auctoritate facta venditio, ob moram debitoris. Unde axiomata. I. Pignora distrahantur ob moram debitoris. L. 7. L. 14. C. hoc tit.

Quid distractio pignorum & de ea axiomata.

II. Voluntaria privatim, attamen rite distrahuntur, & quidem III. a creditore, tanquam procuratore debitoris. IV. Neccessaria publica auctoritate distrahenda.

§. XXXIX.

Pignus non distrahendum, nisi ob moram debitoris.

Quum itaque ob moram debitoris distrahantur pignora; (§. XXXVIII. 1) consequens est, 1) ut, si dies solutionis constitutus est, præterlapsus, debitor statim sit in mora. L. 12. *Cod. de contr. & comm. stip.* 2) Ut, nullo die solutionis definito, interpellatio fieri debeat. L. 23. *ff. de obl. & act.* 3) Ut creditor tunc omnes res oppignoratas vendere. L. 8. L. 11. L. ult. *ff. L. 6. L. 7. L. 9. Cod. hoc tit. nec* 4) debitor, nisi forte & usuris oblatis, eam distractionem impedire possit. L. 2. *Cod. debit. vend. pign. imp.* 5) Ut debitor, qui non est in mora, pignus illicite distractum, & nondum usucaptum, a quocunque possessore possit vindicare. L. 2. *Codic. si vend. pign. ag. Leg. 65. ff. de rei vind.*

§. XL.

An & quando denunciatione opus sit?

Quumque pignora voluntaria primum, sed rite tamen distrahantur; (§. XXXVIII. 2.) recte distinguitur omnino, pactumne accesserit, ut vendat creditor pignus, (§. XVII. 4) an ne vendat, (§. XVIII. 3.) an nihil convenierit. Nam 1) si intercessit pactum, ut vendatur, distrahi potest pignus, nulla licet denunciatio intercesserit. §. 1. *Instit. alien. lic.* 2) Si nihil convenit, semel id testato denunciandum est debitori, & postea expectandum biennium, L. 4. *Cod. hoc tit. L. ult. §. 1. C. de jure dom. imp.* 3.) Si conventum, ne vendatur pignus, vendi quidem potest, (§. XVIII. 3.) at debitori tamen ter per congrua intervalla id denunciandum est. L. 4. *ff. de pign. act.*

§. XLI.

§. XLI.

Quumque creditor pignora, tanquam pro-
curator, distrahat; (§. XXXVIII. 3) conse-
quens est, 1) ut facere debeat bona fide;
sine collusione, L. 4. L. 7. L. 9. L. 10. C. hoc tit.
& justo pretio. L. 14. L. 22. §. ult. ff. de pign.
act. L. 3. C. si vend. pign. agat. 2) Ut, si plus
sit in pignore, quam in debito, id quod ex-
cedit debitum, debitori restituendum sit.
L. 8. ff. hoc tit. L. 24. §. 1. ff. de pign. act. L. 31.
fin. ff. de re judic. L. ult. §. 4. C. de jur. dom.
imp. 3) Ut creditor emptori non teneatur ad
evictionem, L. 50. ff. de evict. tit. Cod. cred.
evict. pign. non deb. nisi vel eam promiserit,
vel sciens rem alienam vendiderit. L. 1. L. 2.
C. cred. evict. pign. 4) Ut potius debitor, tan-
quam ipse vendidisset, eo nomine conveniri
possit, vel actione empti utili; L. 12. §. 1. ff.
hoc tit. L. 4. C. de evict. vel pignoratitia con-
traria, a creditore cessa. L. 13. ff. hoc tit.
L. 38. ff. de evict.

Creditor
distrahit
pignus,
tanquam
procura-
tor.

§. XLII.

Ex eodem axioma, & quod creditor Effecta di-
veluti ab ipsa lege mandatum habet, intule-
stractionis
runt, 5) dominium in emptorem æque trans-
ferri, ac si ipse debitor vendidisset L. 46. ff.
de acqu. rer. dom. §. 1. Inst. quib. al. lic. 6)
Emptore non reperto, & prævia denuntiatio-
ne, vel mandato judicis de luendo pignore,
ipsum creditorem in pignore posse dominium
a Principe impetrare, salva debitori liberta-
te, intra biennium oblata sorte cum usuris,
pignus luendi. L. ult. §. 2. 3. Cod. de jur. dom.
imper. 7) Distractione rite peracta, debito-
rem pignus oblato pretio redimere non pos-
se, nisi secundus vel posterior creditor eme-
rit. L. 5. §. 1. L. 6. ff. L. 13. Cod. hoc tit.
L. 1. L. 2. L. 3. C. si antiq. cred. 8) Credito-
rem, mala fide ea in re versatum, actione
pigno-

pignoratitia; emptorem, fraudis conscium actione empti utili posse conveniri. L. 1. L. 4. L. 7. Cod. hoc tit.

§. XLIII.

Quomodo
distraban-
tur pigno-
ra necessa-
ria, & ju-
dicialia?

Denique quum pignora necessaria auctori-
tate publica distrahenda sint; (§. XXXVIII.
4.) recte leges sanxerunt, 1) ut debitori
quatuor menses ad solutionem indulgeantur.
L. 2. L. ult. §. 1. Cod. de usur. rei jud. 2) Ut
tunc, elapsis his quatuor mensibus, pignora
capiantur. 3) Ut elapsis aliis binis mensi-
bus, non præstita solutione, pignora sub ha-
sta vendantur. L. 31. fin. ff. de re jud. 4)
Ut emptore non reperto creditor emere pos-
sit. L. 2. Cod. si in caus. jud. 5) Ut is, si
emere nolit, in possessionem mittatur. L. 3.
Cod. de exseq. rei jud. & 6. demum ei addi-
catur dominium. Leg. ultim. Codic. in caus.
jud.

§. XLIV.

Ulus ho-
diernus.

Et id hodie fere communis fori ulus fir-
mat, nisi quod res immobiles oppignoratae
non temere, nisi auctoritate magistratus, &
sub hasta, distrahi soleant, præmissa fere
mandato de solvendo, cum citatione ad vi-
dendum distrahi pignus.

T I T. VI.

Quibus modis pignus, vel hypotheca
solvitur.

§. XLV.

Solvitur
pignus rei
interitu.

Quomodo solvatur jus pignoris, ex ejus
natura atque indole haud difficulter ju-
dicatur. Nam cum pignus sit jus in re;
(§. II.) sequitur, ut I. rei oppignoratae In-
teritu extinguatur, L. 8. pr. ff. hoc tit. sed non
nisi

nisi tota res perierit ; non si pars , veluti
area , supersit , quam jus pignoris afficit ,
L. 16. §. 2. L. 29. §. 2. ff. de pign. & hypoth.
L. 21. ff. de pign. act. nec si res mutata ,
vel nova species facta sit . L. 18. §. penult. ff.
de pign. act.

§. XLVI.

Quumque constituatur in securitatem cre- Exstincta
diti ; (§. II.) consequens est , II. ut obligatio-
Extincto credito , 1) siue per solutionem , siue ne princi-
per acceptilationem , siue per quodcunque pali .
aliud liberationis genus , 2) siue creditore per
exceptionem liberato , pignus solvatur , L. 46.
ff. de solut. L. 5. princ. hoc tit. L. 17. §. 2.
ff. de pact. modo 3) in totum satisfactum
sit , nec ulla alia obligatio supersit , pro qua
pignus retineatur . L. 19. ff. de pign. L. 2.
Cod. de luit. pign. titul. Cod. etiam ob chi-
rogr. prec.

§. XLVII.

Ex eodem fluit , licere creditori juri suo Remissio-
renunciare , adeoque & III. *Remissione* solvi ne.
pignus , siue *Expressa* , L. 5. princ. L. 7. §. 2.
L. 8. §. 1. hoc tit. siue *Tacita* , quæ præsumi-
tur 1) ex redditione pignoris , (P. I. §.
CCCLVIII.) L. 3. ff. de pact. vel 2) in-
strumenti , L. 7. C. de remiss. pign. vel 3) ex
fidejussoribus , loco pignoris acceptis , L. 5.
§. 2. ff. hoc tit. vel 4) ex creditoris consen-
su in pignoris alienationem , vel obligationem
ulteriorem , L. 4. §. 1. L. 7. princ. L. 8. §. 6.
ff. hoc tit. L. 2. & L. 4. Cod. de remiss. pign.
L. 12. pr. ff. hoc tit. junct. L. 12. §. 4. ff. qui
pot. in pign. non autem 5) ex nuda credi-
toris scientia , quia pignus sibi ubique dura-
re sciebat . L. 8. §. 15. ff. hoc tit. nisi vel pu-
blico programme monitus , L. 6. L. 8. C. de
remiss. pign. vel servum manumitti sciens ta-
cuerit . L. 1. Cod. cod.

§. XLVIII.

Solutio ju-
re consti-
tuentis, &
lapsu tem-
poris.

Quum porro pignus a debitore constitua-
tur fere contractu, vel pacto; (S. X.) faci-
le patet, illud quoque solvi IV. *Solutio Jure*
Constituentis, si successor singularis factum
antecefforis præstare non teneatur. L. 31. ff.
de pignor. & hypoth. L. 4. S. 3. ff. de in diem
addict. V. *Lapsu Temporis*, in quo constitu-
tum. L. 6. pr. ff. hoc tit.

S. XLIX.

Præscri-
ptione.

Denique ut omnia jura, ita & jus pigno-
ris VI. *Præscriptione* solvi atque extingui,
facile intelligitur, & infra suo loco pluribus
ostendetur, ubi de diversis temporalibus præscri-
ptionibus, & accessionibus possessionum, erit
agendum. (P. I. S. CCCLXVI.)

L I B E R XXI.

T I T. I.

De *Ædilitio edicto*, & *redhibitione*,
& *quantis minoris*.

S. L.

Ædilitium
edictum
quid?

Quemadmodum pignora accedunt contra-
ctibus omnibus, ita emptioni venditio-
ni speciatim accedunt, quæ *Ædiles Curules*
venditorem emptori edicto suo præstare ju-
bent. *Ædilibus Curulibus* demandata fuerat
ludorum, ædium publicarum, annonæ, fori,
viarum publicarum, aliorumque, quæ ad de-
cus urbis pertinent, cura, (P. I. S. LXXII.)
De quibus omnibus eos *Edicta* proposuisse no-
vimus; (P. I. S. XLI.) & quidem jam tem-
pore

Eugepe! inquit, *editiones Ædilitias habet quidem:*

Mirumque adeo est, ni hunc facere sibi Ætoli agoranomum.

§. LI.

Quamvis vero haud adeo angustum olim fuerit edictum Ædilitium; hodie tamen non nisi tria ejus capita supersunt, quorum *Primum* de venditione mancipiorum. *L. 1. §. 1. ff. hoc tit.* Alterum de venditione jumentorum; *L. 18. pr. ff. eod.* Tertium de animalibus noxiis ibi, ubi vulgo iter fit, non habendis, agit. *L. 40. seq. hoc tit.*

§. LII.

Primo caverant Ædiles, I. ut venditor emptorem faceret certiores, quid morbi vitiiue cuius mancipio sit; an servus fugitivus erro, noxave solutus non sit? II. Ut ea omnia, quum mancipia venierint, palam recte pronuncientur. III. Quod si mancipium adversus ea venierit, sive adversus ea, quæ dicta promissave fuerint, factum quid fuerit, tunc emptori, omnibusque quorum inter sit, actio redhibitoria detur. IV. Ut, si redhibens emptor deterius fecerit mancipium, sive quid accesserit venditioni, id venditori reddat præstetve, & si quid non reddiderit, ejus pecuniæ non redditæ duplum detur. V. Ut & pronuncietur, si mancipium capitale fraudem admiserit, vel mortis consciscendæ sibi causa quid fecerit, inve arenam depugnandi causa ad bestias intromissus fuerit. Item VI. ne natio dissimuletur, neve veterator pro novitio vengeat. *L. 31. §. 21. L. 1. §. 1. ff. hoc tit.*

§. LIII.

§. LIII.

Quæ man-
cipiorum
vitia indi-
canda ?

Quum itaque morbum vitiumve indicare debeat venditor, (§. LII. 1) *morbusque* alias quidem sit temporalis corporis imbecillitas ; *vitium* perpetuum corporis impedimentum, L. 101. §. 2. ff. de verb. signific. in edicto autem hæc promiscue accipiantur, L. 1. §. 7. hoc tit. consequens, 1) ut huc non pertineant vitia animi, L. 1. §. 9. 10. L. 4. §. 3. 4. ff. hoc tit. veluti, si servus fanaticus caput jaceret, si sit levis, superstitiosus, iracundus, avarus, melancholicus &c. L. 1. §. 9. 11. L. 2. seq. ff. hoc tit. 2) Ut tamen & vitium animi in censum veniat, si vel nullum esse venditor promiserit. L. 4. §. 3. 4. ff. hoc tit. vel 3) corporis usum impediatur. L. 1. §. 9. 10. L. 4. §. 1. 3. ff. hoc tit. 4) Ut non curent Aediles vitia levia, veluti lippitudinem, dentium auriculæve dolorem, ulcus, febriculam. L. 1. §. 8. L. 3. 4. sequ. hoc tit. 5) Ut iidem edicant non de vitiis manifestis, & in oculos incurrentibus, sed de latentibus. L. 1. §. 6. L. 14. §. ultim. L. 48. §. 2. 3. L. 55. ff. hoc titul.

§. LIV.

Cur, & an
fugitivus
vel erro-
rit ?

Quumque & illa animi vitia indicanda sint, quæ corporis usum impediunt ; (§. LIII. 3.) facile patet, 6) cur Aediles iusserint etiam indicare, an servus fugitivus erove (P. II. §. CCLIV.) sit, itemque 7) an noxa solutus non sit: siquidem noxali iudicio subjectus, aut noxæ dandus, aut damnum pro eo farciendum esset. L. 17. §. 17. seq. ff. hoc tit.

Venditor
omniapre-
stat, quæ
dixit, vel
promisit.

§. LV.

Quumque, si quid adversus ea, quæ pronuntiata, dicta promissave sint, factum fuerit, emptori, & iis, quorum interest, actionem

nem redhibitoriam promittant Aediles ; (§. LII. 2. 3.) sequitur , 1) ut venditor omnia , quæ adesse , vel abesse dixerit , promiseritve , præstare debeat . L. 17. §. ult. L. 4. §. 3. 4. ff. hoc tit. 2) Ut perinde sit , siue obiter , & nudo sermone , aliquid adesse , vel abesse dixerit , siue id se præstiturum pacto , vel spondendo , receperit . L. 19. §. 2. ff. hoc tit. 3) Ut tamen non omnia ad vivum rescanda , vel quæ laudandi commendandique causa dixerit venditor , statim amare exigenda sint . L. 18. princ. §. 1. 2. L. 19. pr. §. 3. 4. ff. hoc tit. 4) Ut , si quid vitii dissimulatum , vel aliquid dictum promissumve non præstitum sit , emptori , ejusve successoribus , liceat rem venditori redhibere , id est , redde-
re , qualis erat , pretiumque reposcere , L. 21. pr. ff. hoc tit.

§. LVI.

Quumque & emptor redhibens teneatur rem reddere qualis erat ; (§. LV. 4) con-
sequens est , 1) ut si vel ipse , vel ejus fami-
lia , vel procurator ejus rem fecerint dete-
riorem , & id emptor rescarcire venditori de-
beat . L. 23. princ. L. 25. pr. §. 6. ff. hoc tit. 2) Ut & accessiones , & fructus , post ven-
ditionem perceptos , restituere debeat , L. 23. §. 1. 7. 9. L. 24. ff. hoc tit. & , 3) nisi red-
diderit , merito dupli damnetur . L. 25. §. 9. sequent. L. 26. sequent. L. 29. §. 1. L. 45. ff. hoc titul.

Emptor
contra &
damnum
& accessio-
nes præ-
stat, si red-
hibet.

§. LVII.

Quumque & , an capitalem fraudem servus admiserit , an mortem sibi consciscere volue-
rit , an in arenam ad bestias depugnandi cau-
sa intromissus sit , pronuntiandum sit ; (§. LII. 5.) facile patet , 1) id edictum perti-
nere ad servos , qui crimen , morte expian-
dum , admiserint , L. 23. §. 2. ff. hoc titul.

Quatenus
vendedor
pronun-
ciare de-
beat , an
servus cri-
men admi-
serit ?

adeoque 2) si servus impubes, vel casu, vel errore, vel in furore, tale quid fecerit eum non videri fraudem capitalem admisisse, L. 23. §. 2. ff. hoc tit.

§. LVIII.

Caput secundum de venditione jumentorum.

Altero capite sanxerant Aediles, I. ut jumentorum quoque & ceterorum pecorum vitia palam indicentur. II. Uti ea optime ornata vendendi causa fuerint, ut ita tradantur. III. Si quid contra factum sit, vel intra sex menses de redhibendo, vel intra annum quanti minoris, agi possit. IV. Ut, si jumenta paria vendita fuerint, uno redhibendo judicium ad utrumque redhibendum detur. L. 38. pr. §. 5. seq. ff. hoc tit.

§. LIX.

Qua vitia quorum jumentorum praestanda?

Quum itaque jumentorum etiam & ceterorum pecorum vitia palam indicanda sint, (§. LVIII. 1.) consequens est, ut hoc edictum ad omnia animalia pertineat, quae veniunt, L. 38. §. 5. sequent. hoc tit. quamvis alias angustior sit vocabuli *jumentum* significatio. L. 38. §. 4. hoc tit. L. 65. §. 5. ff. de legat. 3. Gell. Noct. Attic. XX. 1. 2.) Ut de vitiis jumentorum eadem hic repetenda sint, quae supra (§. LIII.) diximus L. 38. §. 3. hoc tit.

§. LX.

Quae ornamenta?

Ex secundo axioma (§. LVIII. 2) patet, 1) praestanda tantum esse ornamenta, quae vendendi causa indita, non quibus antea condecorari consueverunt jumenta. L. 38. §. 11. hoc tit. 2) Propter unius ornamentum utraque jumenta redhiberi non posse, nisi paria venerint. L. 38. §. 12. ff. h. t.

§. LXI.

Quid si paria jumentorum venerint?

Ex quarto axioma discimus, 1) si paria tantum jumenta simul venerint, unum sine altero redhiberi non debere: L. 3. §. ult. hoc

hoc tit. adeoque 2) locum ei regulæ non esse, si, pluribus jugis venditis, unum jugum vitiosum sit, reliqua vitio careant. L. 38. §. 12. *hoc tit.* 3) Si jugum mularum venditum, quarum altera vitiosa est, non ex pretio tantum vitiosæ, sed & utriusque esse componendum, quanti minoris sit, quia uno pretio utræque venierunt. L. 38. §. 13. ff. *hoc tit.*

§. LXII.

Denique ex tertio axioma patet, *Ædilitio edicto* duas proditas esse actiones: *redhibitoriam*, & *quanti minoris*, L. 18. *princ.* L. 44. §. 2. L. 47. *sequent. hoc tit.* quæ ob vitia non tantum Mancipiorum, & jumentorum, verum etiam aliarum rerum dantur, L. 63. L. 49. L. 61. *hoc tit.* L. 4. *Cod. de Ædil. edict.*

Actiones
Ædilitiæ.

§. LXIII.

Et *redhibitoria* quidem actio competit emptori, eive, cujus interest. (§. LII. 3.) adversus venditorem, eumve, cujus maxima pars in venditione fuit, L. 44. §. 1. ff. *hoc tit.* vel ejus heredem, L. 23. §. 5. ff. *hoc tit.* ad rem vitiosam, cum omni causa & accessionibus (§. LVI. 2.) oblatam, recipiendam, pretiumque acceptum restituendum. (§. LV. 4.)

Redhibi-
toria.

§. LXIV.

Actio *quanti minoris*, quæ & *æstimatoria*, L. 43. §. 6. L. 44. §. 2. L. 48. §. 2. *hoc tit.* item competit emptori, adversus venditorem, ejusve heredem, ut tantum de pretio restituatur, quanti minoris res fuit, cum venderetur. L. 18. *pr.* L. 61. ff. *hoc tit.*

Quanti
minoris.

§. LXV.

Differunt itaque hæ actiones, 1) quod instituta *redhibitoria* omnia in integrum restituantur, quasi non facta sit emptio venditio,

L. 25. §. 1. L. 60. ff. *hoc tit.* actione quanti minoris ipsa emptio subsistat, licet pretium minuatur. 2) Quod illa detur per sex menses, hac per annum, (§. LVIII. 3.) & quidem utilem, L. 19. §. *ultim.* L. 38. *princ.* ff. L. 2. *Codic. hoc tit.* nisi ob ornamenta, vel cautionem non praestitam, agatur, quibus calibus *redhibitoria* LX. dierum, quanti minoris tantum sex mensium est. L. 22. L. 38. *princ.* ff. *hoc tit.* Ceterum *utram* instituere velit actionem, emptoris optio est, quamvis *alterutra* semel expertus ad *alteram* recurrere nequeat. L. 25. §. 1. ff. *de exception. rei judic.*

§. LXVI.

Addimus, quod, quum hæc Edicta ad fori curam, Aedilibus demandatam, pertineant, (§. L.) 1) hæ actiones quidem locum habent in emptionibus & venditionibus, vel civitatum vel privatorum, L. 1. §. 3. 4. *h. t.* itemque 2) in permutationibus, L. 19. §. 5. *eod.* non tamen 3) ad venditiones fiscales. L. 1. §. 34. 5. *hoc tit.* nec 4) ad donationes, L. 62. *hoc tit.* nec 5) ad locationes condictiones L. 63. ff. *hoc tit.* aliosque contractus, ad quos jurisdictio Aedilium non porrigebatur, (§. L.) pertineant.

§. LXVII.

Caput tertium.

Quia etiam viarum publicarum cura Aedilibus demandata erat; (§. L.) *tertio capite* cautum fuerat, I. ne quis canem, verrem, minorem aprum, lupum, ursum, pantheram, leonem, aliudve, quod noceret, animal habeat in eo loco, ubi vulgo iter fit. L. 40. *sequent. hoc tit.* II. Ut, qui contra fecerit, damni dati in rebus æstimabilibus ad duplum; si liber homo perierit, ad CC. solidos, si illi nocitum fuerit, ad id, quod interest, teneatur. L. 42. ff. *hoc tit.* Unde

Unde hoc edictum ad canes in ædibus victos, quantumvis feroces, non pertinet, L. 2. ff. si quadr. paup. L. unic. ff. de via publ. & si quid.

§. LXVIII.

Pleraque servat forum, nisi quod in Saxonia, & multis Germaniæ locis, venditio equi ob tria tantum vitia rescinditur, ut puta si sit *retrogradus* equus, vel *cæcus* vel *scabiosus*, quibus addi solet a Doctoribus quartum si sit *pituitosus*, Carpz. Part. II. Const. XXXIV. def. 17. Porro, quum non modo vitium jure Romano probandum sit, sed & jam tempore contractus illo laborasse jumentum; L. 54. ff. hoc tit. ista probatione supersedere potest in Germania emptor, si intra triduum emerferit vitium. Brunnem. ad L. 1. ff. hoc tit. num. 11. Denique & id addimus, loco tertii capitis dari solere persequutionem criminalem ad pœnam arbitriam, pro modo culpæ ac damni. Const. Crim. Carol. Art. CXXXVI.

Hujus hodiernus
hujus tituli.

T I T. II.

De *evictionibus*, & *dupli stipulatione*.

§. LXIX.

EMPTIONI venditioni in primis, (immo & aliis contractibus,) accedit *evictionis præstatio*, de qua hoc titulo agitur. *Evictio* est rei emptæ ablatio, per judicem jure facta, siue res ab emptore possessa per sententiam judicis, ejusve exsequutionem ei auferatur, siue, emptore ad rem consequendam agente, reus a judice absolutus rem retineat, L. 16. §. 1. L. 22. §. ult. L. 24. L. 57. ff. hoc tit. Træstare autem *evictionem* est emptorem,

Quid evincere, quid evictionem præstare, quid auctor?

eumve, qui a nobis causam habet, re ablata, & facta sibi antea litis denuntiatione, indemnem præstare. L. 39. §. 2. ff. hoc tit. Is denique, a quo quis causam habet, dicitur *Auctor*, si rem suo nomine in alterum transtulit.

§. LXX.

De evic-
tionis præsta-
tione axio-
mata.

Nimirum, quum venditoris sit efficere, ut emptori rem habere liceat; (P. III. §. CCCXIV. 3. *) æquum omnino videbatur, ut, is, si res evicta sit, indemnem præstaret emptorem. Idque non minus in aliis contra-ctibus onerosis consultissimam habere ratio-nem videbatur, (P. I. §. XXII. 5.) Unde axiomata: I. Omnes auctores, qui in alium suo nomine rem quocunque titulo oneroso transferunt, tenentur ad præstandam evic-tionem. L. 11. §. 2. ff. de act. empt. L. 28. L. 51. pr. ff. hoc tit. II. Evictio præstanda, si res per judicem ex causa, contractum præceden-te, fure ablata. (S. LXIX.) L. 16. §. 1. L. 34. §. 1. 2. L. 35. ff. de L. 3. Cod. hoc tit. L. 15. Cod. eodem. III. Qui evictionem sibi præstari cupit, is auctori litem denuntiare tenetur. L. 29. §. 2. L. 53. §. 1. L. 63. §. 1. ff. hoc tit. L. 8. L. 9. L. 23. Cod. hoc tit. IV. Quæ ubi concurrunt, is, qui re evicta damnum passus est, jure agit, ut sibi præ-stetur, quantum sua interest, rem non esse evictam.

§. LXXI.

Quinam
evictionem
præstent?

Quum itaque auctores, qui rem in alium suo nomine quocunque oneroso titulo tran-sulerunt, ad præstandam evictionem tenean-tur; (S. LXXI. 1.) consequens est, 1) ut eam merito præstent omnes, qui promiserunt alteri, fore ut rem habere liceat, & 2) ho-rum heredes, L. 51. §. 3. ff. L. 8. L. 9. L. 18. Cod. hoc tit. nec non 3) eorundem fidejusso-
res,

res, horumque heredes L. 4. pr. ff. L. 7. L. 8.
L. 18. Cod. hoc tit.

§. LXXII.

Contra inde facile patet, ad id non obli- Qui non
gari 1) iudices, qui rem alteri addicunt: præstent?
L. 50. ff. hoc tit. 2) Tutores vel curatores.
L. 5. ff. L. 1. L. 3. C. quand. ex fact. tut. 3)
Procuratores: arg. dictar. legum 4) Creditores
pignora distrahentes. (§. XLI. 3.) L. 1.
L. 2. Cod. cred. evict. pign. non deb.

§. LXXIII.

Ex eodem axioma inferimus, 3) præ- In quibus
standam esse evictionem in omni negotio, negotiis
quo res titulo oneroso transfertur, veluti 2) præstetur?
in venditione, L. 60. hoc tit. 3) in permuta-
tione, L. 29. C. hoc tit. L. 2. C. de rer. perm.
4) in transactione, L. 2. L. 33. C. de transact.
5) in locatione conductione, L. 9. pr. ff. loc.
cond. 6) in emphyteusi, arg. dict. L. 6. junct.
§. 3. Instit. de loc. cond. 7) in divisione he-
reditatis, L. 7. Cod. comm. utr. jud. præter-
quam si testator ipse animo prælegandi di-
viserit. L. 77. §. 3. ff. de legat. 2. 8) In di-
visione rei communis. L. 10. §. ult. ff. comm.
divid.

§. LXXIV.

Contra ea id ipsum axioma argumento est, In quibus
evictionem non deberi 1) in donatione sim- non præ-
plici, L. 2. Cod. hoc tit. L. 18. §. ultim. ff. de stetur?
donat. nisi vel donans dolose rem alienam
donarit, & donatarius in eam sumptus fece-
rit, L. 8. §. 2. de don. vel expresse promissa
fuerit evictionis præstatio. d. L. 2. C. hoc tit.
2) in legato speciei, quam testator suam es-
se crediderat. L. 40. ff. hoc tit. L. 45. §. 1.
ff. de legat. 1.

§. LXXV.

Quumque præstanda sit evictio re evicta, Quam
(§. LXX, 2.) facile patet, 1) nihil interes- rerum?
se,

se, siue tot evicta sit, siue pars ejusdem homogenea, e.g. pars agri. *L. 1. pr. L. 39. §. 2. L. 45. L. 53. ff. L. 16. Cod. hoc tit. 2*) Evicta parte heterogenea, e.g. columna, tabula, usufructu, servitute, non ad evictionem, sed ex empto agi, modo ultimis casibus fundus optimus maximus promissus sit. *L. 23. §. 1. de usuc. L. 8. L. 36. L. 45. §. 1. seq. L. 56. §. 2. ff. hoc tit. L. 66. de contr. empt. L. 48. L. pen. ff. hoc tit. 3*) Ex pluribus rebus una evicta, hujus nomine evictionem præstandam esse, quamvis quæ superest, utriusque pretium adæquet, *L. 47. L. 72. ff. hoc tit. nisi res plures uno & confuso pretio emptæ sint, L. 42. ff. de act. empt.*

§. LXXVI.

Evictio
non præ-
standa, ni-
si res evi-
cta per sen-
tentiam.

Quinque rem evictam esse oporteat jure, per sententiam judicis ex causa, contractum præcedente; (§. LXX. 2.) consequens est, 1) ut non lite mota, nec lata sententia, sed subsequuta demum executione evictio præstanda sit. *L. 74. §. 1. L. 57. pr. §. 1. ff. hoc tit. 2*) Ut, si ex compromisso emptoris arbitri adversus eum sententiam dederit, actio de evictione non competat. *L. 21. pr. ff. L. 26. C. hoc tit. nec 3*) si per imprudentiam, aut injustitiam judicis, *L. 51. pr. ff. L. 8. L. 15. Cod. hoc tit. vel 4*) culpa ipsius emptoris, e.g. quod exceptiones non opposuerit, contumax fuerit, appellationem omiserit, res evicta sit. *L. 51. pr. L. 27. L. 29. §. 1. L. 56. §. 3. L. ult. ff. hoc tit. L. 19. C. cod. nec 5*) si res casu perierit. *L. 11. L. 21. pr. ff. L. 26. C. h. t. nec 6*) si emptor per vim expulsum, *L. ult. Cod. de act. empt. nec 7*) si ex causa contractum subsequente evicta. *L. 34. §. 1. 2. ff. L. 15. Cod. hoc tit.*

§. LXXVII.

Et nisi li-

Quia porro auctori lis denunciandi; (§. LXX.

LXX. 3.) recte infertur, 1.) non sufficere ^{tis denun-} auctoris scientiam, vel præsentiam in judi- ^{ciatio præ-} cio, sed requiri solemnem *litis denuntiatio-* ^{cesserit.} *nem*. L. 55. §. 1. ff. L. 7. L. 20. L. 23. *Cod. hoc tit.* 2.) Eam in tempore & ante sententiam fieri debere, ut adhuc defendere reum possit auctor. L. 29. §. *ultim. hoc tit.* 3.) Si plures sint auctores litem omnibus denun- tiandam; unum tamen, litem suscipientem, omnibus & vincere & vinci. L. 62. §. 1. ff. *hoc tit.* 4.) Auctorem tunc reum defendere, adeoque ejus forum sequi teneri. L. 79. ff. *de jud.* L. 31. §. 1. L. 74. §. *penult. ff.* L. 8. L. 20. *sequent.* L. 29. *Cod. hoc tit.* 5.) Omissa litis denuntiatione, auctorem ad evictionem non teneri. L. 8. L. 9. *Cod. hoc tit.* nisi vel expresse emptori remissa sit hæc denuntiandi necessitas. L. 63. ff. *hoc tit.* vel ipse in causa sit, ut ei denuntiatio fieri nequeat. L. 55. §. 1. ff. *hoc tit.*

§. LXXVIII.

Denique quum his concurrentibus auctor ^{Quid evic-} conveniatur ad id, quod interest emptoris, ^{tionis no-} rem non esse evictam; (§. LXX. 4.) conse- ^{mine præ-} quens est, 1.) ut restituere teneatur rei æsti- ^{standum} mationem, secundum tempus evictionis, non contractus. L. 66. §. 3. L. 70. ff. *hoc tit.* 2.) Ut idem teneatur ad id, quod interest, L. 70. ff. L. 17. *Cod. hoc tit.* veluti ad sum-
pus litis, si succubuerit emptor, non si vi-
cerit, quia calumniam, tanquam casum for-
tuitum, auctor non præstat. Struv. *Exerc.*
XXVII. 18.

§. LXXIX.

Enimvero quia incertæ admodum æstima- ^{Aliquando} tionis esse solet id, quod interest; (§. ^{duplum} LXXVIII. 2.) hinc aliquando *duplum* præsta- ^{præstat.} ri jubent *leges*, aliquando *duplum*, *tripulum*, *quadruplum* sibi stipulabatur emptor. L. 31.
X 5 §. 20.

§. 20. ff. hoc tit. 1) Leges duplum præstari jubent, si evictæ sint res prætii majoris, veluti gemmæ, margaritæ, & similes. L. 37. §. 1. ff. hoc tit. 2) Duplum, triplum, vel quantum velint, emptores sibi stipulantur pro lubitu, & quidem non interposita satisfatione, sed nuda repromissione, L. 4. princ. L. 37. L. 56. pr. hoc tit. nisi aliter convenisset, vel consuetudo alia obtineret. L. 4. pr. L. 6. L. 37. pr. L. 56. pr. ff. hoc tit. Et hæ sunt duplæ stipulationes, quarum formulam dat Cel. Noodt. hoc tit. p. 465. seq.

§. LXXX.

Actio-
nes de evi-
ctione dan-
tur.

Ad evictionis præstationem consequendam datur actio vel ex stipulatu, stricti juris, si stipulatio interposita : (§. LXXIX.) vel ex empto, bonæ fidei, si stipulatio non intercessit. Illa petimus, quod nobis stipulati sumus, (§. LXXIX.) L. 37. §. 2. L. 56. L. 66. ff. L. 8. L. 25. C. hoc tit. hac, quod ex bono & æquo debetur. (§. LXXVIII.) L. 8. L. 60. L. 70. ff. L. 25. C. hoc tit. Si non ex emptio-
ne, sed alio negotio (§. LXXIII.) ad evi-
ctionem præstandam agendum, locum habe-
bit actio empti utilis. L. 4. C. hoc tit. L. 24.
ff. de pign. act.

§. LXXXI.

Quando
cesset evi-
ctionis
præstatio :

Et hinc non difficulter reddideris rationem, cur hæc evictionis præstatio cesset, 1) si evi-
ctio culpa emptoris contigerit. (§. LXXVI.
4. seq.) 2) Si transegerit, vel liti renuntia-
verit. L. 17. Cod. hoc tit. 3) Si litem aucto-
ri non denunciaverit, (§. LXXVII. 5.) 4)
Si res casu perierit. (§. LXXVI. 5.) 5) Si
emptor non jure, sed vi, vel injusta senten-
tia, vel sola Principis potestate, expulsus
sit. (§. LXXVI. 3.) 6) Si universitate per
aversionem vendita, res quædam singulares
evincantur. L. 1. Cod. hoc tit. 7) Si emptori
indi-

indicavit venditor, rem esse alienam: quo casu ne pretium quidem repeti potest. *L. 27. Cod. hoc tit. 8*) Si venditor pactus sit, se ad præstandam evictionem teneri nolle, quo casu quidem pretium restituere tenetur, non tamen, quod emptoris interest, nisi sciens, rem esse alienam, ita vendiderit, *L. 11. §. ult. ff. de evict.*

T I T. III.

De exceptione rei venditæ & traditæ.

§. LXXXII.

Superior titulus emptori dat *actionem* re Exceptio rei venditæ & traditæ.
evicta, ad indemnitatem ab auctore suo consequendam. Præsens eidem dat *exceptionem* adversus auctorem, si ipse rem evincere conetur. Quamvis enim emptor, si velit, possit rem restituere, & deinde ad evictionem agere; (*§. LXXX.*) tamen, quia iniquum est, emptorem suo facto contravenire, in mundo ipsi etiam est *exceptio rei venditæ & traditæ*, *L. 17. L. 73. ff. de evict. L. 1. pr. ff. hoc tit.* quæ nihil aliud esse videtur, quam species receptionis *doli mali*, *L. 17. ff. de evict.*

§. LXXXIII.

Datur itaque hæc exceptio emptori, possessione vel traditione, vel alio modo sine Ejus descriptio.
vitio nacti, *L. 1. §. ult. ff. hoc tit.* ejusve tum heredibus, tum successoribus singularibus, veluti secundo emptori, *L. ult. pr. hoc tit.* contra venditorem, ejusve successores universales & singulares, *L. 1. §. 1. L. 3. §. 1. ff. hoc tit.* immo & adversus ejus fidejussores, *L. 11. L. 14. L. 23. C. de evict.* ad elidendam eorum petitionem.

Quando
cesset?

Itaque facile patet, non valere hanc exceptionem; 1) si traditio sub conditione pretii solvendi facta, idque non sit solummodo L. 1. §. 2. hoc tit. 2) Si mandatarius rem minoris, quam dominus mandasset, venderit. L. 1. §. 3. ff. h. t. 3) Si hanc exceptionem alia iusta replicatione auctor elidat. L. 1. §. ult. ff. hoc tit. L. ult. §. 2. ff. ad Scio Vellejan.

LIBER XXII.

TIT. I.

De usuris, & fructibus, & causis, & omnibus accessionibus & mora.

§. LXXXV.

Quid causae?

Contractibus etiam frequentissime accedunt usurae, fructus, accessiones, causae, de quibus hoc & proxime insequente titulo agitur. Latissime ex his patet causa, quae est omnis utilitas quae occasione rei percipi potest, L. 20. ff. de rei vind. adeoque & qualitates rei, veluti immunitatem, bonitatem, conditionem usucapiendi, §. 3. Inst. de officio jud. & omnes fructus, naturales & civiles, L. 38. §. 7. ff. hoc tit. & ea, quae in fructu non sunt, complectitur. L. 8. ff. h. t.

§. LXXXVI.

Accessiones.

Minus late patent accessiones, quae sunt omnia, quae rei nostrae vel natura, vel industria, vel legis beneficio, accedunt. L. 34. ff. de rei vind. Unde eo vocabulo & fructus, & quae in fructu non sunt, & incrementa natura.

naturalia, veluti alluvio, continentur, non autem rei qualitas.

§. LXXXVII.

Hac quoque angustior est *fructuum* notio, quibus intelligimus, quidquid res ad usum nostrum profert, vel quod occasione ejus percipitur. *Leg. 59. §. 1. ff. de usur.* Itaque ad fructus pertinent omnia, quæ vel natura ex re nostra producit; qui sunt *naturales*, vel industria nostra ex re nostra proveniunt, quales *industriales*; vel quæ occasione rei legis beneficio percipimus, quales sunt *civiles*. *L. 59. §. 1. ff. de usufr. L. 45. de usur. §. 37. Inst. de rer. dom. L. 62. ff. de rei vind.* Non autem ad fructus retuleris ea, quæ in fructu non sunt. (P. II. §. CVIII. 2.) nec incrementa, veluti alluvionem.

Fructus
quid, &
quotupli-
ces?

§. LXXXVIII.

Idem fructus sunt vel *pendentes*, qui a corpore nondum separati. *Leg. 44. ff. de rei vind. vel percepti*, qui jam sunt separati, *L. 22. Cod. de rei vind. vel percipiendi*, qui separari potuissent, sed in corpore perierunt. *Percepti* iterum dividuntur in *exstantes*, qui, separati a corpore, adhuc in bonis possessoris reperiuntur. *L. 22. C. de rei vind. & consumptos*, qui vel naturaliter absumpti, vel alienati, in bonis possessoris esse desierunt. *L. 25. §. 11. ff. de hered. petit.*

Fructus
pendentes
percepti
percipiendi,
exstantes,
consumpti.

§. LXXXIX.

Fructibus denique, tanquam generi species, subsumuntur, *usuræ*, vel *fœnus*. Sunt enim fructus fortis civiles, id est, incrementum, quod forti pro ejus usu accedit, in eodem genere præstandum. *L. 14. L. 16. C. hoc tit. L. 1. §. 3. L. 11. §. 1. ff. de pign. & hypoth.*

Quid usura?

§. XC.

Nam quia debitor aliena pecunia utitur, & inde commodum capit, creditor autem, re sua

An & cur
& licitè?

re sua caret, & periculum haud leve sustinet; nec rectæ rationi, nec juri divino repugnant conventiones de præstandis usuris modicis, quamvis ex jure divino usuras & fœnus omne rejiciant juris canonici interpretes, cap. 4. X. de usur.

§. XCI.

De usuris,
fructibus,
accessioni-
bus, &
caussis a-
xiomata.

Ceterum ex his sua sponte fluunt axiomata. I. Usura natura non provenit, sed jure percipitur. * Leg. 62. pr. ff. de rei vind. II. Modus usurarum pro ratione usus, raritatis pecuniæ, & periculi, vel intenditur, vel remittitur. III. Usuræ pro usu fortis præstantur. IV. Interest reip. ne fœnebre malum privatorum opes exhauriat. Tacit. Annal. VI. 16. V. Fructus, ante L. C. percepti, debentur in actionibus bonæ fidei & arbitrariis, a tempore moræ: L. 3. pr. §. 2. ff. hoc tit. L. 62. §. 1. ff. de rei vind. VI. In actionibus stricti juris a tempore litis contestationis, L. 3. §. 1. L. 38. §. 7. hoc tit. VII. Si quod nostrum fuit, condicimus, fructus & ante moram percepti, restituendi sunt. L. 15. pr. L. 65. §. 5. ff. de cond. indeb. Leg. 35. §. 7. hoc tit. VIII. In actionibus realibus fructus restituuntur non pro temporis, sed possessionis differentia. (P. I. §. LXVIII. seq. LXXXIX.) IX. Causa in bonæ fidei judiciis post moram; in stricti juris judiciis a litis contestatione præstanda est, L. 8. §. 2. ff. hoc tit. L. 31. ff. de reb. credit. X. Cui res, ei & accessiones debentur.

* Ita Seneca de Benef. VII. 10. Unde ea in re JCI imitati videntur Stoicos, ceu jam vidit Em. Merill. Obs. I. 13.

§. XCII.

Debentur

Quum itaque usura non natura proveniat, sed

sed usu percipiatur; (S. XCI. 1.) consequens vel ex con-
 est, 1) ut vel ex *conventionem* debeantur, vel *ventionem*
 ex mora. *Leg. 121. ff. de verb. signif. L. 17. vel ex mo-
 ra.*
 S. 3. 4. L. 32. S. 2. ff. *hoc tit.* Et ex mora
 quidem debentur in b. f. judiciis (*Instit.*
 S. DCCLXXXI. *) L. 32. S. 2. ff. *hoc tit.*
 L. 13. S. 20. ff. *de act. empt.* *Conventio* vel
pacto vel *stipulatione* initur. *Pactum* actio-
 nem producit, si contractui b. f. in conti-
 nenti accessit. (P. I. S. CCCLVI.) L. 7. S. 5.
 ff. *de pact.* L. 24. *fin.* L. 26. S. 1. ff. *de depos.*
 In contractibus stricti juris abscisse requiritur
stipulatio * (P. I. S. CCCLVI.) L. 1. 3. *Cod.*
hoc tit. L. 6. ff. *Cod. si cert. per.* L. 24. ff. *de*
prescr. verb.

* Sunt tamen quaedam exceptiones. 1) Fiscus
 enim ex contractibus suis non dat usuras, &
 ei tamen usurae indistincte ex mora debentur.
Leg. 17. S. 5. hoc tit. 2) Civitati creditrici
 usurae etiam ex nudo pacto debentur, L. 30.
 ff. *b. tit.* nec non 3. argentariis creditoribus.
Novell. CXXXVII. c. 4. Simile quid observatur
 4) in pecunia trajectitia, L. 5. S. 1. L. 7. ff.
denant. fan. 5. 5 in mutuo liquidorum, & alia-
 rum, praeter pecuniam, rerum fungibilium,
 L. 12. *C. b. t.* 6) in dote promissa, post bien-
 nium a nuptiis. *Leg. ult. S. 2. Cod. de jura-*
dot. cui tamquam anterior non obstat *Leg. 2.*
Cod. de dot. promiss. ac denique 7) in actio-
 ne rei judicatae, ex qua & ob moram cente-
 simae debentur. *Leg. 2. C. de usur. rei jud.*

S. XCH.

Quumque modus usurarum pro ratione usus, Usurarum
 raritatis pecuniae, & periculi vel intendatur, modus le-
 vel remittatur; (S. XCI. 2) facile patet, gitimus.
 cur jure novissimo 1) viris illustribus usuras
 vrientes * 2) mercatoribus *beffes*, 3) reliquis
semis-

semisses stipulari liceat per *L. 26. §. 1. hoc tit. 4*) Cur ob pecuniam & species *trajectitias* etiam centesimas stipulari fas sit, *L. 26. §. 1. C. hoc tit. 5*) Cur is, qui agricolæ frumentum credidit, octavam singulorum modiorum partem, adeoque plus quam centesimas exigere possit, quamvis, qui pecuniam ei credidit, non nisi trientes jure petat. *Novell. XXXII. cap. 1. XXXIV. cap. 1.*

* Romani singulis mensibus solvebant usuras. Hinc, si ex centum creditis denarii unum solverent singulis mensibus, ea erat usura centesima, quæ omnium gravissima inter legitimas centebatur. *L. 26. §. 1. Cod. de usur. Pauli. Rec. Sent. II. 14. 3.* id est XII. pro centum. *Colum. de Re rust. III. 3.* Hanc usuram centesimam considerabant tamquam *assem usurarium*, eumque suo more in XII. uncias dividebant. Itaque *unciarium* fœnus erat pars duodecima centesimæ, id est I. pro centum: sextantes usuræ, II. pro centum, quadrantes, III. pro centum: trientes, IV. pro centum: quincunces, V. pro centum: semisses, VI. pro centum: septunces, VII. pro centum: beses, VIII. pro centum: dodrantes; IX. pro centum: dextantes vel decunces X. pro centum: deunces, XI. pro centum. Aliquando multiplicabatur æs usurarius ab improbis fœneratoribus, & hinc usuræ bis centesimæ sunt XXIV. pro centum: ternæ, XXXVI. pro centum: quaternæ, XLVIII. pro centum: quinæ, (quarum meminit Horat. *Serm. I. 2. v. 14.*) LX. pro centum. Aliquando & *seminunciarum* fœnus auditum, id est $\frac{1}{2}$ pro centum *Liv. VII. 27. Tacit. Annal. VI. 16.* Uberius ea de re differuimus in *Antiq. Rom. III. 15. §. 7. usque ad §. 30.*

§. XCIV.

Quum porro usuræ pro usu fortis præstentur; (§. XCI. 3) consequens est, 1) ut juris analogiæ adversetur anatocismus, seu usura usurarum. L. 29. ff. hoc tit. L. 26. §. 1. ff. de condict. indeb. L. 27. ff. de re jud. adeoque 2) nec usuras in sortem redigere, & inde novas stipulari liceat, L. 28. C. hoc tit. vel 3) pœnam conventionalem, L. 9. ff. hoc tit. 4) Ut nefas etiam sit, usuras fructuum petere, si tanquam fructus petantur. L. 15. pr. ff. hoc tit.

An licitus anatocismus?

§. XCV.

Ex quo axioma etiam facile patet, 5) in anatocismum non incidere, qui, mutata persona debitoris, pecuniam, ex usuris redactam, alii tanquam sortem locat scœnori, nec 6) qui a tutore, mandatore, negotiorum gestore usuras exigit usurarum, quas, ab aliis exactas, ipse in suos usus convertat. L. 7. §. 12. Leg. 58. §. 1. ff. de admin. tut. L. 11. §. 3. mand. Nec 7) qui pro alio solvens usuras, ne pignora distrahantur, ejus pecuniæ nomine usuras exigit. L. 37. ff. hoc tit. L. 12. §. 9. 10. ff. mand.

Quando usuræ usurarum peti possint?

§. XCVI.

Denique quum reip. inter sit, ne scœnebre malum privatorum opes exhauriat, (§. XCI. 4.) 1) merito leges exactionem usurarum negant iis, qui ultra legitimum modum petunt: L. 26. §. 2. C. hoc tit. merito 2) quod ultra legitimum modum erat exactum sorti imputari jubent: L. 26. §. 2. hoc tit. merito denique 3) soluta sorte, usuras immodicas condictione indebiti repetendas censent, L. 18. C. h. t. Immo merito 4) in pœnam & amitti creditum jubent, si quis ultra modum usuræ ab agricolis (§. XCIII. 5.) sibi stipulatus sit, Nov. XXXII. fin. & 5) milites, improbos scœnera-

Pœna usurarum gravitatis.

neratores, exauctorari, Nov. XXXIII. fin. 6.)
 alios infames * esse volunt. L. 20. C. ex quib.
 causis infam. irrog.

* Olim fœnerator, qui modum legitimum ex-
 cesserat, tanquam fur manifestus quadrupli
 pœnam debebat. Cato de re rust. præf. L. 2.
 C. Theod. de usur. Fiebat itaque & tunc infam-
 is fœnerator, sed tanquam fur manifestus.
 Postea, detracta quadrupli pœna, sola infam-
 ia mansit.

§. XCVII.

Usuræ de-
 beri desi-
 nunt ex-
 stincta o-
 bligatione
 principali.

Ceterum ex his omnibus facile patet, qui-
 bus modis, & ob quas causas, usuræ debe-
 ri desinant. Quum enim usuræ debeantur pro
 usu fortis; (§. XCI. 3) facile patet, I. ex-
 stincta obligatione solvendi sortem, nec usu-
 ras amplius exigi posse. L. 26. pr. C. hoc t.
 II. Usuras, quæ ex mora debentur, post
 rem judicatam ne quidem in præteritum,
 nedum in futurum, peti posse, nisi per sen-
 tentiam judicis sint adjudicatæ, Leg. 55. ff.
 de re judic. Leg. 13. Leg. 14. Cod. hoc titul.
 quod secus se habet, si ex stipulatione de-
 beantur. Leg. 1. Cod. de re jud. Leg. 26. Cod.
 hoc tit.

§. XCVIII.

Remissio-
 ne credito-
 ris.

Quumque usuræ ideo concedantur, quod
 creditorem re sua non sine periculo carere
 oportet, (§. XC.) adeoque illæ creditoris
 bono inventæ sint; consequens est, ut III.
 remissione etiam creditoris, vel expressa, vel
 tacita, usuræ præteritæ & futuræ expirent,
 §. pen. Cod. de pact. Leg. 13. ff. hoc tit. nisi
 præteritas tantum, non futuras, remissas es-
 se, ex verbis vel facto eluceat. L. 17. §. 1.
 ff. hoc tit.

§. XCIX.

Usuris for- Denique quum inter sit reip. ne fœnebre il-
 lud

lud malum opes civium exhauriat. (S. XCI. ^{tem ext-} 4) consequens est, IV. ut, si usurae sortis ^{quentibus.} quantitatē adaequant, earum obligatio cesset. *Leg. 10. Cod. hoc tit. Leg. 27. S. 1. hoc tit.* adeo, ut nec foenus nauticum ea lege eximatur, *Leg. 4. S. 1. ff. de naut. fan. & particulares etiam usurarum solutiones sint computandae. Nov. CXXI. Nov. CXXXI.*

S. C.

Hæc de usuris. Quinque, quod ad fructus & causas attinet, potissimum ad moram respiciatur: (S. XCI. 5. *seqq.*) hic etiam de Mora agitur, quæ est solutionis, vel acceptionis, iusto tempore faciendæ, frustranea cessatio. *Leg. 21. ff. hoc tit. Leg. 37. ff. mand.* Ergo proprie omnis mora ex Persona est, quamvis & in Re aliquando mora esse, decerni soleat. *Leg. 23. S. 1. ff. hoc tit.*

Quid mora?

S. CI.

Ex Persona mora est, quoties vel debitor, ^{Ea proprie ex} rite interpellatus, non solvit, *L. 23. ff. de persona* ^{est: ali-} *verb. obl. L. 32. pr. ff. hoc titul.* vel creditor ^{quando in} oblata sibi rem mobilem, quæ debetur, ^{re esse di-} non accipit, vel de re immobili, ei tradenda, interpellatus, ejus possessionem apprehendere detrectat, *Leg. 13. S. 8. ff. de act. empt. Nov. XCI. 2.* In Re contra mora esse dicitur quoties dies solutioni præfixus eo-que die non solutum: *L. 12. Cod. de contrah. stip. L. 2. C. de jur. emphyt. vel quoties tardius solutum 1) pupillis, & minoribus, L. 3. C. in quib. causis. in int. rest. necess. non est. 2) fisco, L. 17. S. 5. L. 43. ff. hoc tit. 3) venditori, re jam tradita, L. 13. S. 20. ff. L. 5. C. de act. empt.* Item quoties nemo est, qui conveniatur. *L. 23. S. 1. ff. hoc tit. Add. V. C. Ger. Noodt. de Fan. & usur. tit. 10. p. 151. seq.*

S. CII.

§. CII.

Mora effe-
ctus.

Quum itaque mora sit frustranea cessatio,
(§. C.) consequens est, 1) ut sua cuique
mora merito noceat, L. 173. §. 2. ff. de reg.
jur. necnon debitoris mora fidejussori, L. 88.
L. 91. §. 4. de verb. oblig. non tamen ratione
usurarum, Leg. 8. de eo, quod cert. loc. nisi
casibus, de quibus L. 54. ff. hoc tit. adeoque
2) perpetuet obligationem. L. 91. §. 3. ff. de
verb. obligat. 3) Ut periculum in morosum
transferat, L. 5. ff. de reb. cred. L. 23. seq.
L. 82. §. 1. ff. de verb. obl. & 4) in judiciis
bonæ fidei inducat obligationem ad usuras
& fructus. (§. XCI. 5. seq.) L. 32. §. 2. L. 3.
pr. L. 38. princ. §. 15. ff. hoc tit. 5) Ut, si
uterque in mora sit, posterior noceat. L. 17.
ff. de per. & comm. rei vend.

§. CIII.

Ejusdem
purgatio.

Ex eodem vero patet, moram purgari pos-
se 1) remissione creditoris, vel expressa,
L. 32. §. 1. ff. hoc tit. L. 7. §. 1. ff. de lib.
leg. vel tacita, quæ ex novatione præsumi-
tur. L. 8. pr. ff. de novat. L. 29. §. 1. ff. de
verb. oblig. 2) Oblato vel ad acta deposito
debito, ante litis contestationem. L. 84. ff.
de verb. oblig. L. 73. §. ult. L. 91. §. 3. ff.
eod. L. 72. §. 2. ff. de solut.

§. CIV.

Ufus ho-
dernus.

Multa hic hodie aliter se habent. Quum
enim discrimen contractuum bonæ fidei &
stricti juris, pactorum & contractuum non
ubique observetur; hic usuræ ex omnibus
contractibus etiam ob pacta, immo & ob
solam moram debentur. Quod in Germa-
nia lege publica firmatum per *Recess. Imp.*
CIO. DC. §. 152. & EIDCLIV. §. 174.
ubi & quincunces tantum usuras admitti,
animadvertimus, quamvis moribus plerisque
locis & semisses ferantur. Multis etiam lo-
cis

tis non recepta. quæ (§. XCIX. 4.) de usuris sortem æquantibus diximus, nisi ubi creditor usuras tam longo tempore non exigit, ut demum sortem æquent. Stryk. *Caus. Contract.* II. 1. 28. Sed & ad elevandum anacrotismi crimen multa passim comminiscuntur doctores Vid. Mev. *Decis.* IV. 213. Stryk. *ibid.* §. 30.

T I T. II.

De nautico fœnore.

§. CV.

QUandoquidem usurarum quantitas pro modo periculi aliarumque circumstantiarum vel intenditur, vel minuitur; (§. XCI. 2.) non iniquum visum est, *Fœnus Nauticum*, vel pecuniarum trajectitiarum, paullo amplius admitti. (§. XCIII. 4) siquidem earum periculum sustinet creditor, usque dum ad portum destinatum navis appulerit, *L. 1. L. ult. C. hoc tit.* nisi aliud certum tempus, quousque penes creditorem futurum sit periculum, expressum sit, *L. 4. pr. L. 6. ff. hoc tit. Nov. CVI.*

Fœnoris
nautic
ratio.

§. CVI.

Est autem *Fœnus Nauticum* usura pecuniæ trajectitiæ. *Trajectitia* autem dicitur pecunia, quæ ea lege trans mare vehitur, ut creditor, usque dum navis in portum appulerit, ejus periculum sustineat. (§. CV.) *L. 1. pr. ff. hoc tit.*

Quid fœ-
nus nauti-
cum? quid
pecunia
trajectitiæ

§. CVII.

Quum itaque ob hanc periculi magnitudinem creditori liceat plus sibi usurarum nomine stipulari; (§. CV.) non sane difficulter jam reddideris rationem, 1) cur hic cre-
ditor

Fœnoris
nautici
quantitas;
& affectio-
nes.

ditor usuras etiam centesimas sibi stipulari possit. L. 4. §. 1. ff. hoc tit. L. 26. Cod. de usur. 2) Cur fœnus nauticum etiam ex nudo pacto debeat. L. 5. §. 1. L. 7. ff. hoc tit. 3) Cur idem jus ad pecuniam, creditoris periculo per loca inhospitalia terrestria transvehendam, aliaque negotia, quibus alea subest, recte applicetur, L. 5. pr. ff. hoc tit. L. 32. pr. ff. ad L. aquil.

§. CVIII.

Quid ass-
curatio?

Quamvis autem nec hodie extra usum sit hujusmodi conventio usufaria; invaluerunt tamen & alii contractus affines, veluti *Assuratio*, & *Bodmeria*. Et illa quidem est contractus consensualis de periculis rerum, siue mari siue terra transvehendarum, aversione, pro certo ac definito præmio.

§. CIX.

Ex ea obli-
gatio.

Itaque ad hujus contractus substantiam pertinent *Consensus*, *Periculi Aversio* & *Præmium*. *Periculum* assurantibus in se suscipiunt, I) futurum saltem quod ad mentem contrahentium, II. incertum, III. extrinsecus a tempestatibus vel hostibus ortum, non quod ex ipso mercium vitio, vel nautarum culpa, oritur. Santern. de *Assec.* III. 16. seq. Stypm. de *Jure marit.* IV. 7. Marquard. de *jure mercat.* II. 13. 67. *Præmium* pro navigationis vel itineris longinquitate & periculo conventionione definitur, & statim prænumeratur. *Ibid.* Quæ omnia in instrumentum, quod *Polizza* mercatorum stilo appellatur, rediguntur. VVerlhoff. *Diff. de Polizza.* cap. 2.

§. CX.

Adiones
competen-
tes assu-
rato.

Itaque ex hoc contractu datur *assurato* I. actio adversus assurantibus, eorumve heredes, ad damnum, vel totum vel ejus partem, si quid contigerit, resarciendum. II. Actio ad præstandum cautionem, si forte de non solvendo

vendo suspecti sint : Loccen. *de Jure marit.*
II. §. 8. III. actio ad restitutionem præmii
soluti, (vulgo *restorno* vocant,) si forte na-
vis impedita sit, quo minus portu solveret,
quo casu assecuratas $\frac{1}{2}$ pro centum amittit.

Jus marit. Philippi II. Reg. Hisp. Part. III.
Tit. I. art. 16. Ordinat. Amstel. art. XXII.

§. CXI.

Contra Assecuradores adversus assecuratum Et assecu-
agunt, ejusve heredes ad præmium nondum ratoribus.
solutum consequendum, & si moras neccat,
ad id, quod interest. VVerlhoff *de Polizza*
Cap. I. §. 17. Ut adeo utramque hanc actionem
directam esse facile appareat.

§. CXII.

Non absimilis quoque fœnori nautico est Quid Bod-
Bodmeria, quæ nihil aliud est, quam mu- meria?
tuum, magistro vel exercitori navis ea lege
datum, ut si carina navis salva redierit, cum
fœnore convento reddatur. Unde & hunc
contractum pro magnitudine periculi usuras
legitimis majores admittere, (§. XCI. 2.) fa-
cile patet.

§. CXIII.

Itaque periculum quidem carinæ sustinet Eius effe-
creditor, adeoque, nave pereunte, nihil re- sta.
cipit, Stryk. *de Action. investig. I. 7. 28.* quam-
vis diffentiat Schilter. *Exerc. XXXV. 14.* nec
tamen in carina reversa ei est pignus, nisi
expresse fuerit constitutum. Stryk. *ibid.* &
Not. ad Lauterb. p. 407. 631.

TIT. III.

De probationibus & præsumptionibus.

§. CXIV.

Ratio connexionis.

IN contractibus etiam sæpe in disquisitione fit? Unde altero negante, opus est probatione, & quidem vel per testes, vel per Instrumenta. Ex quo jam facile hujus & sequentium titulorum nexus cum superioribus intelligitur.

§. CXV.

Probationis definitio, & natura.

Est autem probatio actus judicialis, quo de facto dubio fides fit judici. L. 12. ff. hoc tit. L. 3. §. 2. ff. de testib. Neque enim judici quidquam debet esse notum, nisi de quo ipsi ex actis satis constet. L. 6. §. 1. ff. de off. præf. L. 3. §. 2. ff. de testib. Unde axiomata: I. Probatione fides fit judici. II. Probandum est factum dubium. III. Idque merito in judicio fieri oportet.

§. CXVI.

Est vel artificialis, vel inartificialis.

Quum itaque probatione fides judici fiat; (§. CXV. 1.) facile patet, id fieri oportere vel argumentis, & facti visceribus ingeniose erutis, vel argumentis extrinsecus petitis, veluti testibus, instrumentis, jurejurando. Unde illa probatio Artificialis: hæc Inartificialis dici solet. Quintilian. Institut. Orat. P. 1. 5. 7. seq. Aristot. Rhetor. l. 2. c. 15.

§. CXVII.

Artificialis vel certa, vel verosimilis. Quid præsumptio?

Quumque argumenta interna, ad fidem faciendam idonea, vel sint ἀποδείκνυσι, vel verosimilia; huc potissimum pertinent præsumptiones, quæ sunt conjecturæ, ductæ ab

De probat. & præsumpt. Pars IV. 505
eo, quod fieri vel contingere solet ut plurimum. Cujac. Paratitl. h. r.

S. CXVIII.

Quum porro aut plena fides fiat judici, Probatio.
veluti instrumento, aut testibus duobus om- plena &
ni exceptione majoribus, aut minus plena; minus ple-
hinc est, quod juris interpretes probationem na.
in plenam & minus plenam, & hanc iterum
in semiplena majorem, semiplenam, & semi-
plena minorem dispescunt. Quamvis verius sit
ex juris Romani principiis, unius testimo-
nium plane non admittendum esse, licet præ-
claro curiæ honore præfulgeat. L. 9. S. 1. C.
de test. adeoque non meliorem esse debere
conditionem ejus qui semiplene, quam qui
nihil probavit. (P. III. S. XXVIII.)

S. CXIX.

Deinde quum probandum sit factum du- Quid pro-
bium; (S. CXV. 2.) facile patet, 1) non in- bandum?
digere probatione jus commune, quod judi-
ci jam notum esse censetur; L. 2. ff. de jur.
& fact. ign. sed 2) facta de quibus judici
non constat, L. 16. C. hoc tit. adeoque & 3)
consuetudines, quarum vigor in rep. in fa-
cto consistit. (P. I. S. CIII. 1) L. 34. ff. de
Legib. L. 1. C. quæ sit long. consu. Nec non 4)
jura partium. L. 5. ff. hoc tit.

S. CXX.

Ex eodem consequitur 5) ut quicumque in- A quo
tentionem facto superstruit, factum id teneat-
tur probare, adeoque 6) actor actionis, vel
replicationis; reus exceptionis, vel duplica-
tionis suæ fundamentum demonstret. Leg. 9.
L. 19. ff. L. 1. Cod. hoc tit. 7) Ut non negan-
ti, sed affirmanti incumbat probatio, L. 2. ff.
L. 23. Cod. hoc tit. nisi negativa sit circum-
stantia quadam ajente circumscripta. S. II.
Instit. de inutil. stip. L. 14. C. de contr. empr.
8) Ut a probatione merito immunis sit, quæ
Hein. Pand. T. I. Y vel

506 Pand. Lib. XXII. Tit. III.
vel præsumptionem pro se habet, (§. CXXIV.)
vel possessionem, L. 11. C. de petit. her. L. 28.
C. de rei vind.

§. CXXI.

Quo loco & tempore? Quia præterea probationem in iudicio fieri oportet, (§. CXV. 3.) consequens est, 1) ut ei locus sit, lite demum contestata. (P. II. §. XII. 3) & ante sententiam, Novell. CXV. 2. nisi quod in criminalibus probatio innocentiae & post sententiam admittenda. L. 1. §. ult. ff. de quæst. 2.) Ut probatio fieri debeat in iudicio. L. 18. ff. de comm. div. 3.) Ut observandum sit tempus, probationi præfinitum. (P. I. §. CCCXXVI. 3.) Auth. jubemus C. de iudic. Auth. at qui C. h. r. L. 1. C. de dilat.

§. CXXII.

Denique ex fine probationis (§. CXV.) factis intelligitur, 1) effectum probationis esse, ut, actore probante, reus condemnatur 2) actore non probante, reus absolvatur, L. 6. ff. hoc tit. L. 4. C. de edend. quamvis 3) ex interpretatione pragmaticorum ob probationem semiplenam, vel semiplenam maiorem, iuramentum suppletorium, ob semiplenam minorem, purgatorium deferri soleat. (P. III. §. XXVIII. seq.) L. 31. ff. de iurejur. L. 3. C. de reb. cred.

§. CXXIII.

Præsumptio vel a lege, vel a iudice inducitur. Ab onere hoc probandi liberant possessio, L. 2. L. 8. L. 9. L. 23. C. hoc tit. L. 4. Cod. de edend. & præsumptio supra definita, (§. XVII.) Leg. 3. L. 9. L. 12. ff. hoc tit. quæ quum sit conjectura, ducta ab eo, quod ut plurimum fit; ea conjectura vel a lege inducitur, vel a iudice.

§. CXXIV.

Est vel juris & de iure, vel parata, Quæ ab ipsa lege inducitur, vel ita comparata, ut probationem contrarii haud admit-

mittat, vel ut eadem possit elidi. Priorem juris, vel doctores præsumptionem Juris & de Jure; hominis. posteriorem præsumptionem Juris appellant. Prioris exempla habes in *L. ultim. Cod. arb. tutor. L. 4. C. de non num. pec. L. 34. C. ad L. Jul. de adult. L. 23. Cod. ad SCtus Vell. L. 53. ff. de reg. jur. posterioris in L. 51. ff. Pro soc. S. 11. 16. Instit. de inur. stip. L. 14. Cod. de contr. stip. Quæ a Judice inducitur conjectura, præsumptio hominis vocari solet, & semper admittit probationem contrarii, quamvis si alicujus momenti sit, probandi onere releveret. *L. 3. L. 9. L. 12. ff. L. 10. C. hoc tit.**

§. CXXV.

Quæ omnia etiamnum obtinent. Attamen ^{Ufus ho-} id observandum, 1) aliquando hodie proba- ^{hodiernus.} tionem suscipi ante litem contestatam, si reus prævideat, se conventum iri, & periculum sit, ne testes, quibus exceptionem suam judici probare queat, moriantur, vel alio migrant, vel si actor metuat, ne sibi testimonium propter testium morbum, vel absentiam, pereat. Id quod doctores vocant probationem in *perpetuam rei memoriam*, Gail. *Obs. l. 92. seqq. Mev. Decis. VIII. 261. & 471.* Sed hæc ex jure canonico, c. 41. 43. X. de test. c. 5. X. ut lite non contest. Præterea 2) ubique certus præfixus est terminus probatorius, intra quem non oblati articulis, & impetrata citatione, probatio ipso jure prodeserta haberi solet.

T I T. IV.

De fide instrumentorum, & amissione
eorum.

§. CXXVI.

Instrumentum
quid?

Facilioris probationis causa etiam conficiuntur *instrumenta*, (§. CXIV.) L. 3. *hoc tit.* quo vocabulo quamvis omnia, quibus causa instruitur, adeoque & testes denotentur, L. 2. ff. *hoc tit.* hic tamen *instrumentum* est scriptura, ad rerum gestarum memoriam fidemque confecta. L. 4. ff. L. 14. L. 17. *hoc tit.*

§. CXXVII.

Publica in-
strumenta.

Quia autem vel publica fide nititur illa scriptura, vel privata; hinc & instrumentum est vel *publicum*, vel *privatum*. L. 23. §. 2. ad *SCtus Vellejan.* L. 11. *Cod. in pign.* Itaque *publica* habentur instrumenta, confecta 1.) a magistratibus, veluti acta publica, L. 10. ff. *de prob.* tabulae censuales, *dict.* L. 10. *apochae publicae*, *titul. Codic. de apoch. publ. in monimenta publica translata*, L. *fin. Cod. de re judic.* diplomata, & notitiae, ex archivio publico depromptae. *Auth. ad haec C. hoc tit. 2.*) Coram tribus pluribusve testibus masculis facta. L. 11. *C. qui par. in pign.* 3.) A tabellionibus rite constitutis confecta. *) L. 17. *Cod. hoc tit.*

* Rite autem confectum censetur a tabellione instrumentum, si 1. exprimatur annus Imperii Caesaris, Nov. XLVII. cap. 1. princ. §. 1. 2.) Consul, & dies Nov. XLVII. cap. 1. princ. §. 1. Nov. LXXIV. cap. 4. §. 1. 3.) Numerus indicationis, *ead. Nov. 4.*) Rei gestae series, Nov. XLVII.

XLVII. cap. 1. §. 1. 5.) Testium præsentium nomina & cognomina. *Novell. LXXIII. cap. 1. II. V. 6.*) Nomen ipsius tabellionis. L. 3. *Cod. de tabular.* Quibus omnibus invocationem nominis divini præmitti iussit Maximilianus I. Imp. in *Ordin. Notar. anni MDXII.* quod etiamnum in Germania observatur.

§. CXXVIII.

Nec minus ex his definitionibus intelligitur, instrumentis *privatis* accensenda esse 1) *chirographa*, quæ super negotio *μυροπλάγι* conficiuntur, L. 14. *Cod. de non num. pec. 2.)* *Syngraphas*, super negotio *διπλόγι* scriptas. 3) *Apochas*, quibus sibi solutum fatentur creditores. L. 19. *Cod. hoc tit. 4.)* *Antaphocas*, (*Reversales*) quibus debitor se solvisse, & ad hanc præstationem obstrictum esse fateatur. L. 19. *Cod. h. t. 5.)* *Epistolæ*. 6) *Libros rationum*, & 7) quascunque alias scripturas privatorum.

§. CXXIX.

Quia itaque publica fide atque auctoritate nituntur instrumenta publica, privata autem privatorum fide subsistunt; (§. CXXVII.) facile intelliguntur axiomata: I. Instrumenta publica, modo authentica sint, plenam fidem faciunt. L. 2. ff. *hoc tit. L. 10. L. ult. ff. de probat.* II. Privata probant contra scribentem, si de auctore constet. L. 25. §. *ult. ff. de prob.*

§. CXXX.

Quum itaque instrumenta publica plenam fidem faciant; (§. CXXIX. 1.) consequens est, 1) ut contra ea, si testium auctoritate munita sint, testes in contrarium non admittantur: L. 1. *Cod. de test. Paull. Recept. V. 15. 4.* nisi vel ipsi testes, qui adfuisse dicuntur.

510 *Pand. Lib. XXII. Tit. IV.*
 cuntur, iis fidem derogent, *Nov. LXXXIII. cap. 3. vel 2*) quinque testes jurent, summam solutam, *L. 18. Cod. de test. Nov. XC. cap. 2. vel 3*) de revocatione testamenti trium testium testimonio lapsuque decennii constet. *L. 27. Cod. de testam. 4*) Ut nulla eorum agnitione opus sit: quamvis in Saxonia agnoscenda sint, nec tamen jurato probari possint.

§. CXXXI.

Nec non Ex altero axioma te fluit, 1) pro scribente
 privatorum. non probare instrumenta privata, *L. 5. L. 6. Leg. 7. Cod. de probat. nisi vel ab adversario producantur, L. 17. C. de test. vel aliis adminiculis adjuventur. L. 2. Cod. de probat.*
 2) Eorum authentica producenda, (quod recognitionem vocant pragmatici,) vel 3) per testes, aut comparisonem litterarum probandum, ea ab aliquo scripta esse. *Leg. 20. Cod. hoc tit. Novell. LXXXIII. c. 7. 4*) Ea esse speciem probationis, tam in causis pecuniariis, quam in criminalibus, *L. 22. Codic. ad L. Corn. de fals. L. ult. Cod. de probat.* adeoque post litis contestationem & ante conclusionem causae produci debere. (§. CXXXI. 1.) *Auth. jubemus C. de jud. 5*) Post sententiam producta, nullum producere effectum. *L. 4. C. de re jud. L. 35. ff. eod.*

§. CXXXII.

Instru- Denique ex ipsa definitione instrumentorum
 mentorum rum (§. CXXVI.) consequitur, 1) ut nihil
 vitia. probent instrumenta falsa, *L. 42. Codic. de transact. 2.*) cancellata & rasa, *L. 24. ff. de prob. 3*) dicis causa scripta, *tit. Codic. plus val. quod ag. quam quod simulat. concip. 4*) testium idoneorum (§. CXXX. 1.) testimonio, vel aliis instrumentis sinceris, *verfa, Leg. 14. Codic. hoc tit. & in quibus 5*)
 causa

caussa debendi haud expressa . L. 26. §. 1.
ff. de pos.

§. CXXXIII.

Quumque ex ea definitione appareat , instrumenta rerum gestarum fidei ac memoriae Eorum amissio.
caussa confici ; (§. CXXXVI.) facile patet 6) amissis jus non exspirare, nec ullam obligationem perimi dum alia supersit probandi ratio . L. 1. L. 4. seq. L. 10. seq. C. hoc tit. L. 20. seq. C. de probat.

§. CXXXIV.

Hæc etiamnum obtinent . Moribus & interpretatione doctorum invaluit passim , ut Usus hodiernus.
libri mercatorum etiam pro scribente , vel mercatore , semiplene probent , si rite conscripti , & in judicio producti sint . Unde eo facto mercator admitti solet ad iurjurandum suppletorium . Brunnem. ad L. 6. Codic. de probat. Carpz. P. I. Constit. 17. def. 35. num. 9. Nic. de Passerib. de Scriptur. priv. Lib. IV. quæst. 3.

T I T. V.

De Testibus .

§. CXXXV.

Quum omnium frequentissima sit probatio per testes, de his quoque hoc titulo agitur paullo accuratius. Est autem *testis* persona fide digna, cujus testimonio ad probationem factum, fidemque judici faciendam, utimur, L. 1. pr. L. 3. ff. hoc tit. Ex qua definitione fluunt axiomata : I. Testes esse oportet fide dignos. II. Ii coguntur testimonium dicere. III. Et quidem in judicio . IV. An fidem fecerint judici , ex eorum numero , conditione attestationibus , aliisque circumstantiis, est judicandum.

Testis quis?
& axiomata de testibus generalia.

§. CXXXVI.

Axiomata
specialia
de testibus
inimicos

Quum itaque fide dignos esse oporteat testes, (§. CXXXV. 1.) fide digni autem sint, qui volunt & possunt verum dicere; consequens est, ut in omnibus causis fidem testium elevet ætas puerilis, infania, conditio, vitæ turpitudine, & paupertas, magnum opprobrium, quæ jubet.

*Quidvis & facere & pati,
Virtutisque viam deferere ardua.*

Horat. Carm. III. 24. v. 42. 2.) Ut nemo iis in causis testis sit idoneus, ubi ejus interesse videtur, alterutrum vincere. Leg. 10. ff. L. 10. C. hoc tit.

§. CXXXVII.

Inhabiles
in omni-
bus causis
ob ætatem.

Ex quo primo axioma (§. CXXXVI. 1.) intulerunt veteres, 1.) ob ætatem non admittendos infantes, & infantia proximos. §. 9. Instit. de inut. stipul. 2. 2.) Pubertati proximos quidem non prohiberi dicere testimonium, si de rebus testentur, quas intelligunt, L. III. ff. de reg. jur. L. 19. §. 1. ff. hoc tit. L. 1. §. 1. Cod. de fals. mon. non tamen cogendos esse invitos, L. 19. §. 1. hoc tit. nec semper omni exceptione majores haberi. L. 3. §. 1. ff. hoc tit. 3.) Minores admitti in causis pecuniariis; in criminalibus non aliter, quam si sint majores XX. annis. L. 20. ff. hoc tit.

§. CXXXVIII.

Ob infan-
ciam, &
conditio-
nem.

Ex eodem consequi videbatur, 4.) non maris, quam infantes testes esse posse furiosos, & mente captos. L. 40. L. 124. §. 1. ff. de reg. jur. 5.) Nec servorum testimonio, credendum esse. Terent. Phorm. Act. II. scen. 1. v. 62.

v. 62. nisi ubi alia desit ratio eruendi veritatem, *Leg. 7. ff. hoc tit. L. 11. & Auth. si test. C. hoc tit.* & testimonium in eculeo, vel sub tormentis, dicant, *L. 1. §. 1. seq. L. 8. L. 9. pr. ff. de question. L. 21. §. 2. hoc tit.* modo non adversus dominum, vel pro eo interrogati. *L. 8. C. L. 7. ff. h. t.*

§. CXXXIX.

Denique ex eodem sibi recte colligere videbantur, vacillare fidem 6.) iudicio publico damnatorum, *L. 3. §. 5. L. 14. L. 15. L. 18. ff. hoc tit. 7.) criminis accusatorum, vel in vincula publica conjectorum, L. 10. L. 3. §. 5. hoc tit. 8.) calumniæ in publicis judiciis damnatorum. L. 13. hoc tit. 9.) senatu motorum, L. 2. ff. de senat. 10.) paganorum, apostatarum, hæreticorum, L. 4. §. 5. L. penult. Cod. de hæret. & Manich. 11.) damnatorum ob crimen famosum, L. 21. princ. hoc tit. vel 12.) ob corruptionem, acceptamve pecuniam, ut testimonium vel dicerent, vel non dicerent, L. 3. §. 5. hoc tit. 13.) mulierum quæ quæstum corpore fecerunt, L. 3. §. 5. hoc tit. 14.) eorum, qui vitam ad cultum depugnandasve bestias locarunt, d. L. 3. §. 5. hoc tit. 15.) omnium denique viliorum & pauperum, quandiu aliorum est copia. L. 3. princ. ff. L. 18. Cod. hoc tit. Nov. XC. c. 1.*

Ob vitæ
turpitudi-
nem, &
paupertatem.

§. CXL.

Quunque nemo censeatur testis idoneus in causa, ubi interest ejus, alterutrum vincere; (§. CXXXVI. 2.) consequens est, 1.) ut nemo admittendus sit in causa vel propria, vel socii, *L. 10. ff. L. 10. L. 11. Codic. hoc tit. 2.) Ut merito repellantur pater in causa filii, filius in causa patris, * alique potestari vel imperio alterius subjecti, vel domestici, L. 6. L. 9. L. 24. ff. L. 3. L. 6. Cod. hoc tit. 3.) Ut & patroni, tutores, curatores in*

Inhabiles
in quibus-
dam causis.

514 Pand. Lib. XXII. Tit. P.
 causa clientis, pupilli, minorisve sui testi-
 monium dicere non possint, L. ult. ff. hoc
 tit. 4.) Ut suspecti etiam sunt amici & ini-
 mici, L. 3. pr. ff. L. 5. L. 17. Cod. hoc tit.
 necnon 5.) qui jam antea in eum reum (for-
 tassis legendum in eandem rem) dixerunt tes-
 timonium. L. 23. hoc tit. Vid. Gundlingia-
 na Part. IX. Obs. 2. p. 366.

* Pro se tamen invicem testimonium dicere pote-
 rant parentes & liberi. Donell. Comm. Lib.
 XXX. pag. 188. & merito etiam parentum tes-
 timonium valet in probanda liberorum aetate.
 Leg. 16. Leg. 29. §. 1. ff. de prob. At adversus se
 invicem ne volentes quidem audiuntur. L. 5.
 Cod. hoc tit.

§. CXXI.

Quia deinde testes coguntur testimonium
 dicere; (§. CXXXV. 2.) facile patet, 1.) ne-
 minem, ac ne magistratum quidem, excusa-
 ri, L. 21. §. 1. ff. hoc tit.) Nolentes testimo-
 nium dicere, aut tergiversantes, remediis
 pratorii cogendos. (P. L. §. CCXLVIII. 5.)
 arg. L. 1. §. 3. ff. de ventr. insp. 3.) Parcen-
 dum tamen sanguini & affinitati, nec co-
 gendum aliquem testimonium dicere adver-
 sus socerum, generum, vitricum, privignum,
 sobrinum, sobrinam, sobrino natum, eosve
 qui priore gradu sunt, nec 4.) liberos co-
 gendos adversus patronos, vel hos adversus
 liberos, testimonium dicere. Omnes enim
 hos testimonii dicendi necessitate solvit lex
 non Julia & Papia, ceu visum V. C. Jac.
 Gothofredo, ad L. Jul. & Pap. cap. VI. sed
 Julia publicorum judiciorum L. 2. ff. de accus.
 Leg. 4. ff. de testam. Collat. leg. Mosaic. &
 Rom. IX. 2. Vid. Comm. cost. ad L. Jul. &
 Pap. II. 17. p. 309.

§. CXXII.

§. CXLII.

Quum porro in iudicio dicendum sit testimonium; §. CXXXV. 3.) consequens est, 1) ut sint a iudice, parte petente, vocandi. *L. 1. §. ult. ff. L. 11. Cod. hoc tit.* 2) Ut se sistere debeant necessario, & quidem sumptibus producentis, *L. 3. §. 4. L. 11. C. hoc tit. L. 6. §. 2. de appell.* adeoque 3) nec scriptis eorum testimoniis credatur. *Lge. 3. §. 3. seq. ff. de test.* 4) Ut in iudicio & jurare & audiri debeant, nisi sint personæ egregiæ, *L. 15. ff. de iurejur. senes, L. 8. hoc tit. lectulo affixæ, L. 15. hoc tit. milites, L. 8. L. 19. hoc tit.* qui omnes domi examinantur, *d. L. 15. de iurejur. L. 3. §. ult. hoc tit.* 5) Ut iusjurandum testibus remitti nequeat, nisi volentibus partibus. *L. 9. pr. L. 16. L. 17. C. hoc tit. L. 13. ff. de iurejur.* 6) At audiendi quidem sint in secreto, *L. 14. C. hoc tit.* nec tamen 7) remotis partibus. * *L. pen. hoc tit. L. 18. Cod. de fide instr. Nov. XC. cap. ult.*

Eorum ex-
amen.

* Hodie tamen partes quidem præsentibus sunt jurantibus, sed, ubi examen instituitur, secedere iubentur. Qui error pragmaticorum partim ex male intellecto textu *Leg. 14. Cod. hoc tit.* partim ex prava versione. *Novell. XC. cap. ult.* ubi verba: *ὅς ἀντὶ τοῦ τῶν μαρτυριῶν* vertunt, ut videant jurare testes; partim ex canonico jure natus videtur viro celeberrimo, & collega olim suavissimo, Nic. Hier. Gundlingio in *Gundlingian. Part. IX. Obs. 4. pag. 373. seq.*

§. CXLIII.

Quum denique, an fidem iudici fecerint Testimonii testes, ex eorum numero, conditione, aliis effecta. que circumstantiis judicandum sit; (§. CXXXV. 4.) consequens est, 1) ut testis unus admittendus non sit, etiamsi sit decurio; §.

CXVIII.) L. 9. §. 1. *Cod. hoc tit.* (quamvis vulgo in praxi unum testem semiplenam facere probationem, & hinc producentem ad jusjurandum suppletorium admittendum, existiment. (P. III. §. XXVIII. *seq.*) 2) Ut in judicio duo testes, omni exceptione majores, efficiant plenam probationem. L. 12. ff. *hoc tit.*

Nec unquam plures in judicio requiruntur. Hinc quod alii monent, aliquando *tres*, aliquando *quinque* aliquando *septem*, immo & *esto* exigere jura, id verum quidem est, sed ad hunc titulum non pertinet, ubi non de testibus in contractibus, testamentis, aliisve ultimis voluntatibus adhibendis, sed de testibus in judicio producendis agitur. Solus casus *Leg. 18. Cod. ff. hoc tit.* ubi *quinque* testes ad probandam solutionem debiti, instrumentorum comprehensi requiruntur, quodammodo huc videtur referri posse.

§. CXLIV.

An eorum
testimoniis
probatum?

Ex eodem consequitur, 3.) ut iudicis sit, expendere testium personas, & testimonia, L. 3. *princ.* §. 1. *seq.* L. 21. §. *ult. hoc tit.* Nov. XC. *cap. I. 4.)* Ut testes rationem scientiæ reddere teneantur. L. 40. *Cod. hoc titulo* adeoque 5.) non admittantur ex fama dicentes testimonium, nisi de factis antiquis interrogati fuerint. L. 28. *de prob.* 6.) Ut, si testes sibi contradicant, nihil probatum sit, siue in re ipsa, siue in circumstantia loci & temporis, pugnent, nisi factum iterari potuerit. *Struv. Exerc. XXVIII. 48.* 7.) Ut in dubio secundum reum potius, quam secundum actorem litem dari oporteat. *Leg. 125. L. 12. ff. de reg. jur.*

T I T. VI.

De juris & facti ignorantia.

§. CXLV.

Subjungit Justinianus hanc materiam, quam ignorantia vis, cum superioribus agre cohareat. quid? Est autem ignorantia simplex scientiæ privatio, adeoque ab errore differt, qui ideis falsis, vel earum nexu inepto, consistit: quamvis Jurisconsulti ignorantiam & errorem eodem loco habere soleant. L. 7. L. 8. ff. hoc titul.

§. CXLVI.

Quum vero aut jus ignoret, aut factum; ignorantia alia juris est, alia facti. De ea axiomata. L. 8. L. 9. ff. L. 10. Cod. hoc tit. Jus autem ignorare neminem decet, L. 12. Cod. hoc tit. L. 10. ff. de bon. poss. licet contra factum & prudentes fugere possit. Hinc axiomata: I. Error juris nocet omnibus, qui rem ob eum jam amiserunt. * L. 7. L. 8. ff. hoc tit. nisi sint personæ, quibus jus ignorare licet. II. Ignorantia facti alieni, nisi admodum supina sit, non nocet ignorantibus, L. 3. princ. L. 5. L. 9. pr. ff. hoc tit. nocet autem ignorantia facti proprii, L. 7. ff. ad SCius Vellej. nisi negotium antiquum vel intricatum sit. L. 44. ff. de acq. poss. L. 47. §. 1. ff. de pact. L. 7. ff. de confess.

* Vulgo dicunt juris ignorantiam nocere in lucro quærendo, non in damno vitando. Sed sensus L. 10. Cod. L. 7. 8. ff. hoc tit. hic est. Distinguendum, utrum ex ignorantia juris rem tradiderim, eamque velim actione repetere, an eam promissam ex hujusmodi igno-

ignorantia adhuc possideam, & de ea retinenda sum sollicitus. Priore casu, inquirunt leges, ignorantia nocet. L. 10. Cod. hoc tit. posteriore non nocet, sed promittens exceptione tutus est. L. 7. 8. ff. hoc tit. Amissi itaque recuperationem lucrum; conservationem ejus, quod nondum amissum; damni evitacionem vocant Doctores, & hoc sensu accepta regula vera est.

§. CXLVII.

Quum vero a rigore axiomatis prioris (§. CXLVI. 1.) exemptæ sint personæ, quibus jus ignorare licet; intulerunt JCTi, excusandos esse 1) minores in lucris, damnis & delictis, contra jus civile admissis, L. 9. pr. ff. L. 11. Cod. hoc tit. 2) feminas in damnis & delictis ejusdem generis, dist. L. 9. princ. ff. L. 11. L. ult. C. hoc tit. 3) rusticos L. 1. §. ultim. de edend. L. 25. §. 1. ff. de probat. & 4) milites, quibus iisdem fere casibus juris ignorantia condonatur. L. 9. §. 1. ff. L. 1. Cod. hoc tit.

L I B E R XXIII.

TIT. I.

De Sponsalibus.

§. CXLVIII.

Connexio. Quid sponsalia? **A**ltera, quæ quarta Pandectarum parte tractatur, materia est de sponsalibus & nuptiis, iisque, quæ vel antecedunt nuptias, vel easdem comitantur, vel consequuntur. Hoc titulo agitur de sponsalibus, quæ sunt men-

mentio & repromissio futurarum nuptiarum, *

l. 1. ff. hoc tit.

* Mentio & repromissio est non modo stipulatio, qua uti solebant in contrahendis affinitatibus, sed & quælibet conventio. Attamen frequentissime apud comicos stipulationes & sponsiones: Spond' ergo tuam gratam uxorem mihi? Spondeo. Plaut. Trinum. V. 2. v. 33. seq. Pœnult. V. 3. v. 34. Curcul. V. 2. v. 74. Aulular. II. v. 77. seq. Hoc solemnî ritu promissæ, Sponsæ; L. 3. ff. hoc tit. pacto nudo, Pactæ; alicui destinatæ, sed nondum promissæ, Speratæ dicebantur. Non. de Propr. Serm. V. 69. Inter Speratam dictam & Pactam, & Sponsam hoc interest, quod virgo prius, quam petatur, sperata dicatur. Dehinc promissæ, vel pactæ, vel sponsa dici potest. Arnob. adv. gent. IV. pag. 140. Uxores enim Dii habent, atque in conjugalia fœdera conditionibus veniunt ante quesitis: usu, farre, coemptione genialis lectuli Sacramenta condicunt: habent Speratas, habent Pactas, habent interpositis stipulationibus Sponsas.

§. CXLIX.

Inde itaque patet, I. Sponsalia esse consensum in futuras nuptias. II. Perinde esse sive stipulatione, sive nudo pacto ineantur. L. 4. L. 11. pr. hoc tit. III. Ex iis nasci obligationem ad nuptias ineundas, sed jure Romano imperfectam.

De iis axiomata.

§. CL.

Quum igitur sponsalia sint consensus in futuras nuptias; (§. CXLIX. 7. consequens est, 1) ut ignorata Romanis, & ex aliter intellecta regula L. 30. ff. de reg. juris nata sit distinctio juris canonici inter sponsalia de presenti & de futuro, cap. penultim. cap. de sponf.

Distinctio juris canonici inter sponsalia de presenti & de futuro.

520 Pand. Lib. XXIII. Tit. I.
spons. c. ult. X. de spons. duor. 2) Ut proinde sponsalia jure Rom. omnia sint de futuro. L. 1. L. 6. ff. hoc tit.

§. CLI.

Qui possint inire sponsalia? Ex eodem consequitur, 3) ut sponsalia celebrare possint, quicumque possunt consentire in futuras nuptias, L. 7. §. 1. L. 11. hoc tit. adeoque 4) etiam impuberes, modo sint infantia majores, L. 14. hoc tit. 5) etiam filii filiaque familias, L. 11. L. 12. eod. modo & pater, cujus in potestate sunt, consentiat, vel saltem non dissentiat, L. 7. §. 1. hoc tit. pr. Instit. de nupr. 6) etiam pupilli pupillave, modo auctores fiant tutores, * L. 6. hoc tit.

* An vero & curatorum consensus requiritur, si minores contrahant sponsalia? Negatur merito, quia curator non personæ, sed rei datur. L. 20. ff. de ritu nupt. L. 8. C. eod.

§. CLII.

Qui non possint? Contra ex eodem patet, 7) non posse sponsalia inire, qui consentire non possunt, veluti furiosos, mente captos, infantes. L. 8. L. 14. §. 9. ff. hoc tit. 8) Nec magis rata esse sponsalia eorum, qui nuptias contrahere nequeunt, veluti inter proximos cognatos, vel affines, inter tutorem ejusve filium & pupillam, L. 14. L. 15. L. 16. hoc tit. L. 36. L. 59. L. 60. §. 5. ff. de ritu nuptiar.

§. CLIII.

Quomodo iniantur? Quum perinde sit, siue nudo pacto, siue stipulatione iniantur sponsalia; (§. CXLIX. 2.) consequens est, 1) ut non opus sit scriptura, aliave solemnitate, sed solus sufficiat consensus sponsalitiis. L. 7. pr. ff. hoc tit. 2) Ut & absentes recte per nuntium vel epistolam,

lam, contrahant sponsalia. L. 4. §. 2. L. 3. L. ult. ff. hoc tit.

§. CLIV.

Denique quum ex sponsalibus nascatur obligatio; (§. CXLIX. 3.) facile patet 1) cur sponsi sponsæque aliquando pro maritis & nuptis habeantur, L. 13. §. 3. ff. ad L. Jul. de adul. L. 5. C. de bon. quæ lib. & hinc 2) in maritorum numero esse dicantur sponsi, apud Gell. Noct. Att. II. 15.

Sponsi in numero maritorum

§. CLV.

At quamvis obligatio nasceretur ex sponsalibus, uti ex omni deliberata conventionem nascitur secundum jus naturæ; tamen quemadmodum jus civile non omni obligationi assistit. (P. I. §. CCCL.) ita idem de sponsalibus dicendum, ex quibus ob infinitam repudiorum licentiam nulla dabatur actio, * quamvis stipulatione firmata, vel poena in stipulatum deducta fuisset. L. 1. hoc tit. L. 2. §. 1. 2. ff. de divort. L. 2. Cod. de repud. L. 2. Cod. de iur. stipul.

An ex sponsalibus actio nascatur?

* Novo juri id adscribunt, moti loco Sulpicii apud Gell. Noct. Att. IV. 4. Sed locus hic Gellii ad jura Latii, non ad Romana pertinet. Potius vel ex ipsa Sulpicii narratione colligas, Romæ nihil tale obtinuisse.

§. CLVI.

Ex quibus principiis facile reddes rationem, cur sponsalia dissolvantur 1) Morre, adeo ut, alterutra persona extincta; & arthæ restituendæ sint; nisi in mora fuerit persona mortua. L. 3. Cod. hoc tit. 2) Mora Sponsi, intra biennium, si in eadem provincia sit, vel intra triennium, si extra provinciam vivat, sponsam sine justa causa domum non ducentis. L. 2. Cod. L. ult. ff. hoc tit. 3) Renuntiatione alterutrius. L. 1. Cod. hoc tit.

Quomodo dissolvantur?

522 Pand. Lib. XXIII. Tit. II.
hoc rit. L. 2. §. 1. 2. ff. de divor. L. 2. Cod.
de repud.

§. CLVII.

Monitum
de usu ho-
dierno.

Hodie quum in materia de sponfalibus & nuptiis partim jus divinum, partim canonicum, partim ipsas leges patrias magis, quam jus Romanum sequamur, eorumque jurium principia toto cælo differant a principiis juris Romani: facile patet, pleraque ex his hodie aliter se habere. Immo quum & Theologi hæc ad cathedram suam pertinere, a tot sæculis judicarint; non mirum est, intelligendo factum, ut intelligamus nihil. Nos hic malumus usum singularum doctrinarum privatis acroasibus ostendere, quam calamo quidquam indulgere.

T I T. II.

De ritu nuptiarum.

§. CLVIII.

Nuptiarum vel connubii matrimonii contubernii differentia. **S**ponfalia sequuntur *Nuptiæ*, seu *Connubium*, de quo hoc titulo, *Connubium* dico, seu *nuptiæ*. Sunt enim ea vocabula juris civilis, *Matrimonium* juris gentium; *Contubernium* juris naturalis. Hinc *nuptias* celebrabant, jusque *connubii* habebant soli cives Romani; in *mattimonio* etiam peregrini; in *contubernia* & servi vivebant. * (*Instit. §. CL. **)

* Vetus Glossarium: *Nuptiæ justum matrimonium*.
Serv. ad illa Virg. *Æn. I. v. 77.*

Connubio jungam stabili, propriamque dicabo.

Con-

Connubium, inquit, est jus legitimi matrimonii, & paullo post: Dicendo enim connubio ostendit legitimum: dicendo stabili, longam promittit concordiam, id est, quæ divertio crearet. Matrimonium contra pro conjunctione, jure civili injusta, accipitur in L. 13. §. 1. ff. ad L. Jul. de adult. Et apud Variatorem Legum Mos. & Rom. tit. IV. §. 3. mentio fit matrimonii sine connubio. Itaque connubia gaudebant effectibus civilibus; matrimonia peregrinorum effectibus juris gentium; servorum contubernia ne his quidem. Hinc ab his procreati erant citraces, nulla erat servorum cognitio, (nisi quod ea honestatis causa in nuptiis spectaretur, nulla inter eos adulterii persecutio, L. 23. Cod. ad L. Jul. de adult. L. 6. ff. eod. immo ne parricidium quidem proprie dictum. L. 12. §. ult. ff. de accus. & inscript. Quam in rem egregia multa habet vir doctissimus, mihiq; amicissimus, in Gundlingianis, Part. II. Obs. X. §. 13; seq. pag. 429. seq.

§. CLIX.

Erant autem Nuptiæ jure civili, si uxor in manum convenerat, * conjunctio maris & feminae, consortium omnis vitæ divini & humani juris communicatio: L. 1. ff. de rit. nupt. Sin in manum non convenisset, viri & mulieris conjunctio individuum vitæ consuetudinem continens. §. 1. Inst. de patr. pot.

Quid connubium & nuptiæ?

* In manum conveniebat uxor Farre, Coemptiane vel Ufæ, Arnob. adv. gent. IV. p. 140. Quæ in manum convenerat, erat in mariti potestate ac mancipio, Gell. Noct. Att. XVIII. 6. adeoque & in sacra mariti transibat, κοινὸν ἀγαθῶν καὶ κακῶν τε ἃ ἰσθῶν, particeps omnium bonorum & sacrorum, Dionys. Hal. II. pag. 91.

pag. 95. tanquam filiafamilias & heres sua, & maritus omnem ejus substantiam dotis nomine acquirebat. Cic. *Topic. Cap. IV.* Gell. *ibid.* Quemadmodum itaque filii filiaque fam. dicebantur in sacris paternis constituti. *L. 2. Cod. de bon. que lib. L. ultim. Cod. de inoffic. test. L. ult. Cod. ad Sctus Trebell. L. ultim. Cod. de curat. furios.* Valer. Max. VII. 7. ita & uxores, quæ in manum convenerant, Et inde interpretanda definitio Herennii Modestini. *L. 1. ff. hoc tit.*

§. CLX.

Quamvis autem hæ definitiones naturam
Nuptia- atque indolem nuptiarum satis expriment ;
rum finis. ipsa tamen natura rectaque ratio facile persuasit Romanis, ut & ad *Finem* earum respuerent, qui est liberorum legitimorum procreatio. Unde & nuptias dicebant modum acquirendi patriam potestatem. (P. I. §. CLI.) *prin. S. ult. Inst. de parr. pot. L. 4. ff. de his, qui sui vel ab. jur.*

§. CLXI.

Inde axiomata: I. Nuptiæ ineuntur sobolis procreandæ causâ. II. Eæ sunt vocabulum juris civilis. III. Non concubitus, sed consensus, facit nuptias. *L. 30. ff. de reg. jur. L. 15. ff. de cond. & dem.* IV. Quæ honeste filiarum loco esse non possunt, cum iis nec nuptiæ sunt. V. Maritus & uxor individui vitæ ineunt consuetudinem. * VI. Secundæ nuptiæ non quidem prohibitiæ, nisi quatenus sanguinis turbandi periculum subest, sed tamen parum laudabiles visæ Romanis. *Vid. Comment. ad L. Jul. & Pap. II. 16. p. 297. seq.*

De earum
 natura a-
 xiomata.

* Nota tamen *Individua* hic dicitur consuetudo, quasi divelli non possent conjuges ; id enim
 omni

omni Romanæ historiæ repugnaret; sed quod consortium omnis vitæ continerent, uti ait Modestinus d. L. 1. hoc tit. Quo sensu & individuum comitem dixit Tacit. Ann. VI. 10.

§. CLXII.

Quum itaque nuptiæ ineantur sobolis procreandæ causa; (§. CLXI. 1.) consequens est, 1) ut masculi impuberes & feminae, quæ virilis patientiæ legem accipere non possunt, matrimonium inire nequeunt, pr. Inst. hoc tit. 2) Ut minor annis duodecim nupta tunc demum legitima uxor fiat, quum apud virum expleverit duodecimum annum. L. 4. ff. hoc tit. L. 9. ff. de sponsal. L. 68. L. 74. ff. de jure dot. L. 10. princ. ff. de cond. & dem. L. 13. §. 3. 8. ff. ad L. Jul. de adult. Add. Comm. nostr. ad L. Jul. & Pap. II. 5. pag. 128. 3) Ut nec castrati justî mariti esse possint. L. 30. ff. de jur. dot. Idem Comment. nostr. II. 3. p. 160. seq.

§. CLXIII.

Quumque nuptiæ sint vocabulum juris civilis; (§. CLXI. 2.) consequens est, 4) ut eæ consistant inter solos cives Romanos, princ. Inst. hoc tit. 5) non cum peregrinis, (§. CXLVII.) nisi iis concessum sit jus connubii: Ulp. Fragm. V. 4. nec 6) inter servos ac ancillas, qui vivebant in contubernio. Leg. 14. §. 3. hoc tit. L. 3. Cod. de incest. nupr.

§. CLXIV.

Quum porro non concubitus, sed consensus faciat nuptias; (§. CLXI. 3.) consequens est, 1) ut furiosi & mente capti matrimonium inire nequeant. L. 16. §. 2. hoc tit. 2) Ut consensu conjugum opus sit, etiamsi aliorum potestati subsint. (§. CLXI. 4.) L. 11.

526 Pand. Lib. XXIII. Tit. II.
 L. 11. 12. ff. de spons. L. 2. L. 21. ff. hoc tit.
 3) Ut & error vitiet nuptias, si in substan-
 tialibus commissus sit, L. 15. ff. de jurisd. nec-
 non 4) vis ac metus. (P. I. §. CDLXIX.)
 L. 21. ff. L. 14. Cod. hoc tit. L. 134. ff. de
 verb. obl.

§. CLXV.

Modo & Ex eodem recte intulerunt veteres, 5)
 patres cō- consentire posse, qui suæ potestatis sint,
 sentiant. adeoque 6) liberos inire non posse matrimo-
 nium sine jussu patrum, quorum in potestate
 vivant: princ. Inst. hoc tit. L. 5. Cod. hoc tit.
 Immo 7) jussum hunc præcedere debere
 dict. princ. & L. 5. 8) Eos, quorum paren-
 tes vel nolint, vel non possint consentire,
 nuptias contrahere non potuisse: quamvis 9)
 hoc jure novo mutatum sit. * 10) Matris
 curatorum, aliarumque personarum consen-
 sum non esse necessarium. L. 20. Cod. L. 20.
 ff. hoc tit.

* Nam 1) hodie coguntur parentes, quibus non
 sunt causæ dissentendi idoneæ, elocare ac do-
 tare filias ex Lege Julia & Papia, & rescrip-
 to Severi & Antonini. L. 19. ff. hoc tit. quam
 illustravimus in Comment. ad L. Jul. & Pap.
 l. 5. pag. 64. II. 20. pag. 334. seq. 2.) Fu-
 riosi etiam liberi nuptias hodie recte contra-
 hunt, dum accedat consensus curatorum,
 præcipuorum e familia, necnon magistratum,
 vel Episcopi loci. L. 25. Cod. hoc tit. L. 28.
 Cod. de Episc. aud. pr. Instit. hoc tit. 3.) Ca-
 ptivorum, vel absentium liberi nuptias recte
 ineunt, vel elapso triennio, L. 9. §. 1. L. 10.
 hoc tit. vel eo nondum circumacto, si cer-
 tum sit, patrem conditionem non repudiatu-
 rum. L. 11. hoc tit.

§. CLXVI.

§. CLXVI.

Quia etiam, quæ filiarum loco esse nequeunt, cum iis nec nuptiæ sunt; (§. CLXI. 4.) recte inde collegerunt Icti, 1) nuptias incestas esse cum ascendentibus & descendentibus in infinitum, * L. 53. ff. §. 1. *Instit. hoc tit.* nec 2) interesse, ex iustis nuptiis nata sit hæc cognatio, an ex matrimonio iuris gentium, an ex stupro, vel servili conubernio; (§. CLVIII. *) L. 54. L. 8. L. 14. §. 2. ff. §. 10. *Inst. hoc tit.* an ex adoptione, quantumvis per emancipationem dissoluta. L. 55. princ. ff. §. 1. *Instit. hoc tit.*

Nuptiæ incestæ prohibentur inter ascendentes & descendentes.

* Non ergo pater ducere poterat filiam, avus neptem, &c. quia non poterat filiæ loco esse, quæ vere erat filia. Nec mater sine scelere nubebat filio, avia nepoti, &c. quia absurdum erat filiæ loco esse, quæ mater sit vel avia. Itaque turbatio horum respectuum ostendere quodammodo potest, quomodo & Romani, ignari divinæ sanctionis, *Lev. XVIII. & XX.* turpitudinem harum nuptiarum agnoscere potuerint.

§. CLXVII.

Ex eodem principio intulerunt, 3) in linea collateralī æquali nuptias prohibendas esse in gradu secundo inter fratres & sorores, * sive germanos sive uterinos, sive consanguineos: L. 17. C. §. 2. *Inst. hoc tit.* immo & vulgo quæsitos. L. 54. ff. *hoc tit.* nec non adoptivos, quoad consistat adoptio. L. 17. pr. §. 1. ff. §. 2. *Inst. hoc tit.* 4) Consobrinorum contra nuptias haud repugnare decoro, L. 3. ff. L. 19. *Cod. §. 4. Inst. hoc tit.*

Inter fratres & sorores.

* Quis enim honestæ filiæ loco haberet, quæ simul soror est? Unde quamvis adoptare quis posset

posset liberos proprios emancipatos; L. 12. L. 41. ff. de adopt. non facile tamen proferas exemplum adoptati fratris sororisve. Proculdubio quod adoptio imitaretur naturam, (P. I. §. CLXIII. 1.) & absurdum videretur, fratrem sororemve loco filii filiaeve cuiquam esse.

§. CLXVIII.

Inter personas, quæ sibi invicem sunt parentum & liberorum loco. Porro ex eo consequi putabant, §) ut in linea collateralis inæquali nuptiæ merito prohibeantur inter personas, quæ sibi invicem sint parentum ac liberorum loco. * (Inst. §. CLVII.) L. 39. pr. ff. §. 3. 5. Inst. hoc tit. & 6) ne concubinatus quidem inter has personas consistere possit. L. 56. hoc tit.

* Hinc ducere nemo potest amitam, vel materam, amitam magnam, vel materteram magnam, quamvis quod ad illas attinet, per adoptionem conjunctæ sint. L. 7. §. ult. ff. h. t. Quis enim honeste filiae loco haberet eam, quæ sibi loco parentis est? Et ea ratio etiam vel maxime movisse videtur divinum legislatorem, quod Lev. XVIII. 12. 13. eas tantum nuptias ob respectum parentelæ prohibuit, ubi femina superiore loco pro matre est. Ob paritatem tamen gradus etiam prohibita olim nuptiæ cum fratris sororisve filia. Et quamvis postea hujusmodi matrimonium permitteretur a Claudio, prohibita tamen iterum nuptiæ cum sororis filia. Ulp. Fragm. V. 6. & quidem a Nerva, ceu ex Dione colligit Ger. Noodt. Obj. II. 5. Unde & sororis proneptem uxorem non duci posse observat Paul. L. 39. pr. hoc tit.

Inter affines, & quasi affines.

§. CLXIX.

Et quia affinitas * ita conglutinabat familias,

lias, ut fratris conjux æque propinqua fratri videretur, ac ipse frater; hinc est, 7) quod has prohibitiones etiam ad affinitatem produxerunt veteres. *Leg. 14. §. 4. ff. Leg. 17. Cod. §. 6. Instit. hoc tit. L. penult. & ultim. Cod. de incest. nupt.* adeoque 8) eodem fere gradu nuptias prohibuerunt ob affinitatem, ac ob consanguinitatem, quin 9) & ob affinitatem, ex servili contubernio ortam, *L. 14. §. 3. hoc tit.* immo etiam 10) ob quasi affinitatem, ex sponsalibus ortam, vel post divortium superstitem. *§. 9. Institur. hoc tit. Leg. 12. §. 1. 2. 3. Leg. 42. princ. ff. hoc tit.*

* Ast durabat affinitas, quoad consisterent nuptiæ: hisque solutis, & ipsa exspirabat. Hinc novum haud erat, fratrem ducere fratris mortui viduam. *Plutarch. in vit. Crass.* Exceperat tamen lex Julia & Papia nuptias inter novercam & privignum, vitricum & privignam, socerum & nurum, generum & socrum. *Ulpian. Fragm. XI. 6. Paull. Recept. sent. II. 19. §. 1. L. 14. ff. de rit. nupt. §. 6. 7. Inst. hoc tit.* Postea & nuptias eum fratris vidua severior Christianorum disciplina exclusit. *L. 5. Cod. de incest. nupt. Add. Comment. nostr. ad L. Julia & Pap. II. 17. pag. 311. seq.*

§. CLXX.

Et hæc quidem prohibitiones tantum jure veteri proditæ sunt: at jure novo etiam spiritalis cognatio inter impedimenta matrimonii relata est, ut habetur in *L. 26. C. de nuptiis*, ad exemplum cognationis legalis per quam impedimentum matrimonii contrahebatur inter adoptantem & adoptatam, & generaliter inter omnes personas, quæ per adoptionem (§. CLXI. 2) parentum & liberorum

Inter eos
qui spiri-
tuali co-
gnatione
tenentur

530 Pand. Lib. XXIII. Tit. II.
loco sunt. L. 17. & 55. ff. hoc tit. Hæc ratio
jure induxit spiritualis cognationis impedi-
mentum, quoniam spiritualis affinitas corpo-
rum conjunctione major est, ut habetur in
can. 53. Synodi Trullanæ.

§. CLXXI.

Nuptiæ
tanquam
indecoræ
prohibentur.

Hactenus de nuptiis incestis. Ex eodem
principio (§. CLXI. 4.) consequi videbatur,
1) ut tanquam indecoræ prohibendæ sint nu-
ptiæ inter certas personas imparis conditio-
nis, & hinc 2) non concedendum esset Se-
natoribus, eorumque filiis, nepotibus, ex fi-
liis pronepotibus, ex filio nato, connubium
cum libertinis, iisque, quæ ipsæ, quarumve
parentes, artem ludicram fecerint. 3) Nec
filiabus Senatorum, vel neptibus ex filiis,
cum libertinis, iisque, qui ipsi, quorumve
parentes, artem ludicram fecerint. L. 44.
pr. ff. de ritu nupt. 4) Nec ingenuis cum
iis, quæ palam quæstum corpore fecerint,
vel cum lenis, a lenone manumissis, iudicio
publico damnatis, in adulterio deprehensis,
quæve autem ludicram faciant, aut fecerint.
L. 23. L. 43. §. 10. ff. de ritu nupt. Dio Cass.
L. LIV. p. 531. Omnia hæc ex lege Julia &
Papæ, cujus tamen capita priora, primum
a Marco Imperatore: L. 16. princ. ff. hoc tit.
postea a Constantino M. L. 1. Cod. de nat. lib.
confirmata & aucta; denique in gratiam Ju-
stiniani, Theodoram ducturi, abrogavit Ju-
stinus Imper. L. 23. Cod. de nupt. multoque
magis ipse Justinianus, L. 33. princ. Cod. de
episc. aud. L. 29. Cod. de nupt. Nov. LXXXIX.
cap. 14. Nov. CXVII. cap. 6. Nov. LXXXVIII.
cap. 3. Nov. LI. Vid. Comm. nostr. ad L. Jul.
& Pap. Lib. II. Cap. I. & II. §) Nec adul-
tero cum adultera, raptori cum rapta. L. 26.
ff. hoc tit. L. unic. §. 1. Cod. de rapt. virg.
Nov. CXXXIV. cap. 12.

§. CLXXII.

S. CLXXII.

Denique ob eandem rationem tanquam no- Itemque
xias prohiberi animadvertimus nuptias 1) tanquam
eorum, qui officium in provincia admini- noxix.
strant, cum feminis provincialibus. L. 38.
L. 57. L. 63. ff. hoc tit. L. un. C. si reſt. prov.
vel ad eum pert. ſponſalit. ded. 2) Tutoris
curatorisve, vel filii ejus, aut nepotis, cum
pupilla aut adulta, rationibus nondum red-
ditis, L. 36. L. 59. ſeqq. ff. hoc tit. Cod. de
interd. matr. int. pupill. & ius, niſi pater
ipſe pupillam uni horum teſtamento deſtina-
rit. L. 36. L. 66. pr. ff. hoc tit. 3) Chriſtia-
norum & Judæorum, L. 6. Cod. de Jul. & 4)
clericorum, & voto ſe obſtringentium caſti-
tatis. L. 4. Cod. de Episc. & Cler. Novell. VI.
cap. I. S. 7. Nov. LXXXIX. c. 9. Nov. CXXIII.
cap. 12. 14. 29.

S. CLXXIII.

Quum porro maritus & uxor individuum Nuptiis
ineant vitæ conſuetudinem; (S. CLXI. 5.) repugnant
conſequens eſt, 1) ut deteſtanda ſit omnis vaga ven-
vaga venus, L. 31. C. ad L. Jul. de adul. nec nus, poly-
minus 2) legibus adverſetur polygamia & gamia &
multanea, S. 6. Inſt. hoc tit. L. 1. ff. de his, pellicatus.
qui not. inf. L. 2. C. de inc. nupt. nec non 3)
pellicatus, L. unico. C. de concubin. cum con-
cubinatu tamen haud confundendus. Vid.
Comm. noſtr. ad L. Jul. & Pap. II. 4.

S. CLXXIV.

Ex eodem principio colligebant, arctam Effecta ju-
& indiviſam eſſe oportere mariti & uxoris ſtarum nu-
1) omnium, * L. 1. S. 15. ff. ad Scetus Silan. ptiarum.
L. ult. L. 5. ff. hoc tit. L. 8. ff. de uſu & habo.
& 2) utriuſque fortunæ participationem 2
L. 22. S. 7. ff. ſol. matr. immo & 3) commu-
nem bonorum uſum, L. 1. ff. rer. amor. L. 5.
C. de crim. expil. hered. non tamen 4) veram
bonorum communionem, L. 51. ff. de don. int.
Z 2 vir.

vir. & uxor. nisi κοινωνήσαν, vel societatem universalem, discrete inierint. L. 16. §. ultim. ff. de aliment. leg. L. 17. §. 1. ff. sol. matr. 1) Consuetudinem hanc quodammodo esse inæqualem, & quidem 6) marito in uxorem, quæ in manum convenisset, eadem licere, quæ patri in filiam. (§. CXLVIII. *) Dionys. Hal. II. 26. p. 96. Val. Max. VI. 3. Plin. Hist. Nat. XIV. 13. Cic. Topic. cap. IV. Gell. II. 23. Sueton. Tib. cap. XXXV. Tacit. Annal. II. 1. XIII. 32. Ast 7) si in manum non convenisset, marito competere jus regendi uxorem & familiam, L. 14. §. 1. ff. sol. matr. L. unic. §. 7. Cod. de rei ux. act. L. 48. ff. de operis lib. immo & modice castigandi uxorem; Nov. CXVII. cap. 14. Hanc autem 8) sequi mariti dignitatem, donec ad secunda vota transferit. L. 8. ff. L. 10. C. hoc vir. L. 13. Cod. de dign. immo & 9) forum & municipium, L. pen. ff. de jurisd. L. ult. §. 3. ff. ad municipal. L. ult. C. de inc. nec non 10) domicilium. L. ult. L. 5. ff. hoc vir. Eandem denique 11) a marito alendam, defendendam, curandam, L. 22. §. 8. sol. matr. L. 2. ff. de injur. & 12) si indotata sit ejus sumptibus sepe-
 liendam esse; (P. II. §. CCLXXVIII. *)
 L. 16. ff. de religiof.

* Nisi inter eos, qui matrimonii honorem & fidem observaturi videbantur, ut inter principes viros & consulares personas. L. 32. §. 13. ff. de donat. int. vir. & ux. Add. Rad. Form. Rev. Quotid. III. 6.

§. CLXXV.

Ritus nuptiarum. Ex eodem inferebant, tam arctam vitæ consuetudinem ineundi voluntatem merito quidem signis & ritibus quibusdam declarandam esse, quales 1) in conventionem in manum erant

erant confarreatio, coemptio & usus, (§. CLIX. *) 2) in reliquis nuptiis domum deductio, L. 5. ff. *hoc tit.* instrumenta dotalia, §. ult. *Inst. hoc tit.* ac demum *isporoxia* ecclesiastica: Nov. Leon. LXXXIX. nec tamen 3) hæc omnia ad substantiam matrimonii pertinere, * (§. CLXI. 3.) adeoque 4) maritalis affectio, an concubinitus, intercesserit, personis comparatis, vitæque conjunctione considerata, perpendendum esse, neque tabulas aliosque ritus) facere matrimonium. L. 31. pr. ff. de donat. L. 3. pr. ff. de concub. L. 24. ff. *hoc tit.* Comm. nostr. ad L. Jul. & Pap. Popp. Lib. II. cap. 4.

* Atqui aliquando necessaria visa est domum deductio, veluti in nuptiis absentium, L. 5. ff. de rit. nupt. Paull. Recept. Sent. II. 19. 8. & quoties non de voluntate ipsorum contrahentium, sed de explenda voluntate testatoris & ipsiusve legislatoris, quærebatur, ut docent exempla. L. 15. ff. de cond. & dem. L. 24. C. de nupt. Paull. Rec. Sent. II. 19. §. pen. L. 6. C. Th. de tiron. ubi conf. Jac. Gothofr. Comment. ad C. Theod. Tom. II. pag. 377.

§. CLXXVI.

Comparatis inter se axiomatibus secundo & tertio, (§. CLXI. 2. 3.) sua sponte sequitur, 1) ut consentire in individuum vitæ consuetudinem nemo possit contra leges. 2) Ut nuptiæ, adversus præscripta legum initæ, nec nuptiæ sint; L. 5. Cod. de L. §. 12. *Inst. hoc tit.* adeoque 3) nec vir, nec uxor, nec dos, nec liberi legitimi intelligantur: d. §. 12. *Inst. hoc tit.* L. 23. ff. de stat. hom. immo 4) & pœnis arbitrariis affici possint, qui adversus leges coierint. L. ult. ff. *hoc tit.* Nov. XII. cap. 1. Add. Comment. nostr. ad L. Jul. & Pap. Lib. II. cap. 6.

Pœna injustarum nuptiar.

Pœnæ nup-
tiarum a
femina in-
tra annum
luctus ini-
tatum?

Denique quum nuptiæ secunda non prohibita sint, nisi quatenus turbandi sanguinis periculum subest; (S. CLXI. 6.) consequi videbatur, 1) ut maritus quidem, non autem uxor, soluto priore matrimonio, statim ad secunda vota transire posset: adeoque 2) hæc maritum per annum elugere teneretur, L. 2. C. de sec. nupt. 3) Ut femina si citius ad novas nuptias festinasset, pœnis merito coerceretur, & hinc, 4) infamis esset, si sui juris fuisset, (P. I. S. CDII. 4.) L. 1. princ. ff. de his, qui not. inf. L. 1. 2. C. de sec. nupt. & 5) nec ea, quæ a priore marito accepit, retinere, L. 1. 2. Cod. de sec. nupt. nec 6) e supremo alicujus judicio quidquam capere, d. L. 1. Nov. XXII. cap. 22. nec 7) hereditates ab intestato ultra tertium gradum vindicare, vel bonorum possessionem agnoscere, L. 2. C. de sec. nupt. dict. Nov. XXII. cap. 22. nec 8) novo marito ultra tertiam bonorum partem in dotem dare, vel testamento relinquere posset. dict. L. 1. Cod. de sec. nupt.

S. CLXXVIII.

Secundas
nuptias cō-
trahentes
quid amittant?

Et quia secundæ nuptiæ, quantumvis licitæ, parum tamen laudabiles visæ sunt Romanis; (S. CLXI. 6.) facile reddi poterit ratio, cur conjux, ad secunda vota transi-
turus, amittat 1) proprietatem rerum omnium, a priore conjuge acceptarum, vel ex successione liberorum acquiritarum. L. 3. S. 1. C. de sec. nupt. Nov. XXII. cap. 32. 2) Bona sub conditione viduitatis relicta. Nov. XXII. cap. 43. Comm. ad L. Jul. & Pap. Lib. II. cap. XVI. pag. 301. seq. 3) Tutelam educationemque liberorum. Novell. XXII. cap. 38. 4) Jus revocandi donationes, liberis prioris

ris matrimonii factas, ob ingratitudinem nisi ea sit maxima. *Novell. XXII. cap. 35. 5)* Dignitatem prioris matrimonii. *L. 10. Cod. hoc titul.*

* Maxime ob liberos prioris matrimonii, quibus raro admodum utiles sunt secundæ nuptiæ.

§. CLXXIX.

Nec minus inde clarum est, 6) cur conjugii secundo is, qui ad nova vota transit, non plus relinquere possit, quam uni ex liberis; cui minimum obvenit. *L. 6. Cod. de sec. nupt. Novell. II. cap. 3. 7)* Cur, quod ultra datum relictumne est, inter liberos prioris matrimonii dividatur. *Novell. XXII. cap. 25. 8)* Cur hæc omnia cessent, si vel liberi prioris matrimonii non existent, *L. 3. Cod. de sec. nupt. Nov. XXII. cap. 22. 26.* vel ii omnes beneficiis suis renuntiaverint. *L. pen. Cod. de pact.*

Quantum dare novo coniugi possint?

§. CLXXX.

Multa hic aliter se hodie habent ob easdem causas, quas supra descripsimus; (§. CXVII.) Ea, quum in maximam partem notata sint ad institutiones, hic jam non repetimus, maxime quum æque nunc diversa sit praxis, ac ipsa gentium hominumque religio.

Usus hodiernus.

T I T. III.

De jure dotium.

§. CLXXXI.

Q Uum nuptiis apud Romanos accederet dos, de ejus jure proximis titulis agitur. (§. CXLVIII.) Quemadmodum enim nulla sine nuptiis dos est; *L. 3. L. 38. ff. h. t.*

Nuptiæ cur non temere sine dote?

ita non temere nuptiæ erant sine dote, quæ veluti justum pretium erat, quo sibi uxor virum coemebat. * Hinc & Paullus: *Resp. nostræ*, inquit, *interest, mulieres dotes salvas habere, propter quas nubere possunt. L. 2. ff. de jure dor.*

* Origo hæc dotium fuisse videtur. Postea, imaginaria succedente coemptione, de qua Varro apud Nonium XII. 50. manserunt tamen dotes, tanquam justum pretium hujus coemptionis, quum illi tres asses, quos nova nupta, teste Nonio, secum domum mariti ferrebat, instar arrhæ essent. Immo &, exolecente jam coemptionis ritu, dos tamen dabatur partim ad ferenda matrimonii onera, L. 56. §. 1. ff. *hoc tit.* partim ut a concubina discerneretur iusta uxor. Unde Plaut. *Trin. III. 2. v. 64.*

Sed ut inops, infamis ne sim, ne mihi hanc famam differant,

Me germanam meam sororem in concubinatum tibi,

Sine dote dedisse magis, quam in matrimonium.

Et inde, quod virgines, dote cassæ, illocabiles viderentur, Plaut. *Abul. I. 2. v. 14.*

§. CLXXXII.

Dos quid? Est vero dos pecunia, (P. I. §. CLXXXIII.) ejusque di- quæ pro muliere, vel ab illa, datur viro ad visio pri- ferenda matrimonii onera. L. 7. princ. L. 56. §. 1. L. 76. ff. L. 20. Cod. *hoc tit.* Quæ quidem, a patre data, *profectitia*; L. 1. princ. ff. *hoc tit.* a muliere ipsa, vel alio quocunque constituta, *adventitia* appellatur: d. L. 5. §. 9. II. ff. *hoc tit.*

§. CLXXXIII.

§. CLXXXIII.

Quumque patris ad officium pertineat elo- Secunda.
care filiam, (§. CLXV. 1. *) L. 19. ff. de
rit. nupt. hæc autem sine dote illocabilis vi-
deretur Romanis; (§. CLXXXI. *) conse-
quens est, ut & dotare eam teneretur pro
viribus patrimonii & mariti dignitate: *diēt.*
L. 19. L. ult. C. de dot. prom. L. 69. §. 4. L. 60.
ff. hoc tit. Quæ obligatio quum matrem alias
haud teneat, facile patet, dotem in *necessa-*
riam & *voluntariam* a doctoribus haud in-
commode dispesci.

§. CLXXXIV.

Porro dos olim aut *dabatur*, aut *diceba-* Tertia.
zur, aut *promittebatur*. * Ulp. *Fragm.* XI. 20.
Hodie vel *promittitur*, vel *traditur*, L. 1.
L. 6. *Cod. de dot. promiss.* L. 13. §. 2. ff. de
fund. dot. Hæc dicitur dos *numerata*: illa
promissa; & si maritus spe numerationis apo-
cham dederit, *causa* appellatur: *tit. Cod. de*
dot. caut. non num.

- * *Dabatur* dos, dum pecunia dotalis, apud au-
spices consignata, pridie nuptias deponeretur,
in crastino nuptiarum viro tradenda. Suet.
Claud. Cap. XXVI. Dicebatur verbis solemni-
bus, sine stipulatione Caj. *Instit.* II. 9. 3.
Talia videntur illa apud Terent. *Andr.* V. 4.
v. 47.

CH. Dos, Pamphile est
Talanta quindecim. PA. Accipio.

Promitti denique dos solebat per stipulatio-
nem, cujus exempla sunt apud Plaut. *Tim.* V.
2. v. 39. & alibi passim.

§. CLXXXV.

Tradi dos solebat aut *estimata*, aut *inesti-* Quarta.
mata.

data. Utroque casu in maritum, eumve, qui fert onera matrimonii, dominium rei dotalis transit. L. 7. §. 3. ff. L. 3. L. 23. C. hoc tit. L. 13. §. 2. ff. de fund. dot. L. 9. C. de rei vind. pr. Inst. quib. al. lic. vel non. At post legem Juliam de adulteriis non æque jus alienandi, si sit immobilis, marito est, si *inestimata* data. Aliud si *æstimata* data, modo *venditionis* causa facta sit *æstimatio*. * L. 10. §. 4. seq. L. 17. §. 1. ff. L. 10. C. h. t.

* Nam si *taxationis* causa sit *æstimata*, res in specie reddenda est. Sed tamen, si quid deteriorius factum, non alio pretio, quam quo *æstimata* est, repositi potest. L. 69. §. 7. ff. L. 21. Cod. hoc tit. L. 50. ff. sol. matrim. At, si *æstimatio* facta *venditionis* causa, maritus sit dominus, & ipsum casum sustinet, L. 10. princ. ff. de jur. dot.

§. CLXXXVI.

Axiomata de natura dotis. Ex his ergo fluunt axiomata; I. Patris est, dotare filiam pro viribus patrimonii. (§. CLXXXIII.) II. Dos datur ad ferenda matrimonii onera. (§. CLXXXII.) III. Ejus dominium, constante matrimonio, est penes maritum, (§. CLXXXV.) eumve, qui fert onera matrimonii, veluti patrem, si maritus sit in ejus potestate. L. 22. §. 12. sol. matr. L. 56. §. 2. ff. hoc tit.

§. CLXXXVII.

Quis dotare teneatur? Quum itaque patris sit, filiam pro viribus patrimonii dotare; (§. CLXXXI. 1.) consequens est, 1) quamcunque hæc dotem ab eo acceperit, ea sit profectitia, siue ipse dederit, siue ejus mandato vel contemplatione, alius. L. 5. §. 1. ff. hoc tit. siue filia sua sit, siue emancipata. L. 5. §. 11. Cod. 2) Ut non lens pater dotare, cogi possit a præfide pro-

vinciæ. L. 19. ff. de ritu nupt. nec 3) eum liberent filia divitiæ. L. ultim. Cod. de dot. promiss. Ut tamen 4) dotem nemo debeat filia illegitimæ. L. 41. §. 11. ff. de leg. 3. neque 5) filia immorigeræ & indignæ : arg. L. 3. §. 5. ff. de bon. poss. contr. tab. Nov. CXV. cap. 3. §. 11.

§. CLXXXVIII.

Ex eodem consequitur, 6) ut ea obligatione non teneantur fratres vel sorores, im- Qui non teneantur
mo nec 7) mater nisi 2) vel ipsa sit locuples, & pater inops, L. 14. Cod. hoc tit. vel 8) ipsa sit hæretica, & filia orthodoxa. L. 19. §. 1. Cod. de hæret. & Manich. 8) Ut extraneus, dotem dans, donasse videatur, nisi eam sibi reddi, expresse pactus stipulatusve sit. L. 29. §. 2. ff. sol. matr. L. 1. §. 13. Cod. de rei ux. act.

§. CLXXXIX.

Quumque dos detur ad ferenda matrimo- In quo dos consistat?
nii onera ; (§. CLXXXVI. 2.) consequens est, 1) ut in dotem dari possit, quidquid in commercio est, & usui esse potest marito. L. 7. §. 3. L. 66. L. 42. L. 77. ff. hoc tit. L. 7. §. 12. sol. matr. L. 2. Cod. de obl. & act. 2) Ut in arbitrio sit dotem promittentis, quantum dare velit, adeo, ut 3) femina & bona universa in dotem dare possit, L. 4. C. L. 72. ff. hoc tit. salvo ipsi ob læsionem beneficio restitutionis in integrum. L. 6. §. ultim. L. 61. ff. hoc tit. L. 9. §. 1. ff. de min. L. 1. C. si adv. dot. 4) Ut, si focer vel nihil, vel generatim * dotem promiserit, quantitas definienda sit non modo ex ejus facultatibus & dignitate, sed & ex conditione mariti. L. 69. §. 4. L. 60. ff. hoc tit. 5) Ut, si conveniatur iocer, merito habeat beneficium competentia. L. pen. ff. L. 4. L. 17. ff. sol. matrim. L. 28. ff. de reg. jur.

* Quod secus se habet, si extraneus generatim dotem promiserit. Id enim promissum non valet, nisi promiserit, quodcunque arbitratu fuisse, siquidem tunc arbitrio boni viri dos definienda. L. 1. L. 3. C. de dot. prom. & nud. pollicit.

§. CXG.

Actiones
& excep-
tiones
mariti ra-
tione do-
tis compe-
tentes.

Quum denique dominium dotis penes maritum, vel focerum sit, constante matrimonio; (§. CLXXXVI. 3.) sequitur, 1) ut sit tradenda. L. 5. ff. sol. matr. L. 13. §. 2. ff. de fund. dot. 2) Ut si non tradatur, tunc marito, cui dos promissa, competat actio ex stipulatu, si non promissa, *condictio ex L. unic. §. 1. C. de rei ux. act. L. 6. C. de dot. prom.* 3) Ut, si dos *canta* non numerata, soluto intra biennium matrimonio, exceptio non numeratæ dotis per annum; matrimo-
nio, post biennium intra decennium soluto, per tres menses, post decennium plane non opponi possit, nisi maritus sit minorenis, isque adversus lapsum temporis restituatur in integrum. L. ultim. Cod. de dot. cant. non num. Nov. C. Cap. II. 4) Ut evictio præstan-
da sit semper, si dos æstimato data vendi-
tionis causa, alias non, nisi promissa sit
evictio, vel dolus dantis intercesserit. L. 1.
Cod. hoc tit.

§. CXCI.

Jus mariti
in re do-
tali.

Ex eodem principio patet, 5) maritum lucrari omnes fructus, constante matrimonio perceptos, L. 7. pr. §. 1. L. 10. §. 3. ff. L. 20. Cod. hoc tit. non autem 6) fructus extraordi-
narios, vel ea quæ in fructu non sunt, quamvis & hæc habeat constante matrimo-
nio, sed eo soluto cum ipsa re restituenda. L. 10. §. 2. ff. hoc tit. L. 7. §. 12. ff. sol. matr.
7) Ut, soluto matrimonio, rem in spe-
cie

cie restituere teneatur, nisi eam venditionis
caussa aestimatam acceperit. *L. 10. pr. §. 1. 5.*
L. 17. §. 1. ff. L. 5. L. 10. C. h. t. 8) Ut,
soluto matrimonio, & dolum & culpam præ-
stare *L. 17. pr. ff. h. t. & 9*) eo constante
tributa atque onera ferre debeas. *L. 13. ff.*
de imp. in res dot. fact.

§. CXCI.

Hæc ita & hodie observantur, sed salvis ^{usus ho-}
moribus patriis. Quum autem apud veteres ^{dierniori-}
Germanos non uxor marito, sed maritus uxo-
ri dotem dare soleret, Tac. *de mor. German.*
cap. XVIII. & præterea eidem alia quædam
elargiri soleret, mores isti etiamnum passim
vigent. Et hinc audimus hodie præter dona-
tiones propter nuptias, dotalitia, morgenga-
bam, multaque alia, quæ Romanis vel alio
sensu accepta, vel plane ignota fuerunt.

§. CXCI.

Et donatio quidem propter nuptias, (olim ^{Donatio}
ἀντιφύση, quia non nisi ante nuptias fieri ^{propter}
poterat, quum hodie & constante matrimo- ^{nuptias}
nio fieri atque augeri possit,) jure Romano ^{quid?}
est donatio, a sponso vel marito sponsæ uxo-
rive facta in securitatem dotis: * *§. 3. Instit.*
de don. L. ult. Cod. de don. ant. nupt.

* In primis facta ob frequentiam divortiorum
& quia fidejussores pro dote non admitteban-
tur. (*Instit. §. DCCCLXXVII. **) *L. 1. 2. C. ne*
fidejuss. dot.

§. CXCI.

Quum ergo in securitatem dotis detur; ^{Ejus natu-}
(§. CXCI.) facile patet, 1) eam tum quoad ^{ra & indo-}
quantitatem, tum quoad leges, vel condi- ^{les.}
tiones, doti per omnia æqualem esse debe-
re, *dist. Leg. ult. & Nov. XCII. 2*) Con-
stante matrimonio nec possessionem, nec do-
mi-

542 Pand. Lib. XXIII. Tit. III.
minium, nec usumfructum rei donatæ ad
uxorem transire, sed tantum jus pignoris.
Leg. 29. Codic. de jur. dot. & Novell. LXI.
cap. 2.

§. CXCIV.

Perperam cum aliis
juribus
confundi-
tur. Sed eo sensu donationes propter nuptias
fere ignorant gentes originis Germanicæ,
quamvis doctores, qui, ut coquus Plautinus
diversa jura miscent, hoc vocabulo insigni-
re soleant; modo *dotalitium*, modo *morgen-
gabam*, modo *augmentum* dotis, de quibus
distincte agendum.

§. CXCVI.

Quid do-
talitium? *Dotalitium*, (de quo c. 10. *causs.* 36. *qu. 2.*
cap. 15. ff. de for. compet.) est ipsa dos juris
Germanici, (§. CXCVI.) a marito cum in
finem oblata, ut & dos compensetur, & so-
luto matrimonio honeste se exhibere possit.
Hinc quantitatem maritus pacto definit, &
tunc perinde est, siue dominium, siue usum-
fructum certorum bonorum, uxori assignet.
Marito autem non definiente, lex definit,
pro modo dotis illatæ.

§. CXCVII.

Ejus natu-
ra & indo-
les. Ex quo principio intelligimus, 1) cur ma-
ritus quidem & indotatæ constituere dotali-
tium possit, lex tamen eam non constituat,
nisi probetur, dotem esse illatam. 2) Cur
salvum sit viduæ arbitrium, dotem repetere,
an dotalitium habere malit. 3) Cur dotali-
tium non extinguatur, femina ad secundas
nuptias transeunte. 4) Cur non requiratur,
ut promittatur doti æquale. 5) Cur illud
dotem absorbeat. 6) Cur dotalitium legiti-
mum in certa quantitate usurarum, veluti
apud Saxones in quadruplicatis constat. Vid.
Stryk. de Success. ab Intest. IV. 2. 15. sequ.
Brunnem. Prociss. Conc. cred. cap. III. §. 13.
Illustr. Acad. Hal. Cancell. Jo. Petri a Lud-
vvig.

De jure dotium. Pars IV. 543
vrig. Diss. de Dote mariti Diss. I. p. 21. seq. V.
celeb. Gundling. Diss. de emptione ux. dot.
& morgeng. cap. II.

§. CXCVIII.

A dotalitio differt *Morgengaba*, quæ est
munus largius, a viro uxori primo mane ob-
latum, in signum consummati matrimonii. Quid mor-
gengaba ?
Jus prov. Sax. l. 20. Unde Scip. Gentil. de
Donat. int. vir. & uxor. II. 23. p. 237. eam
observavit quodammodo esse similem Græco-
rum ἀνακαταπαύσις, ἐπαυλίς, δεσφάσις, ἐπ
παύσις, de quibus copiose laudatus Gundl.
Diss. de Emption. ux. dot. & morgengab. cap.
III. §. 5. seq.

§. CXCIX.

Hinc ergo facile patet, 1) eam quoque
vel *Paëtitiā* esse, vel *Legitimā*, cujus mo-
dus variat, siquidem e. g. apud Pomeranos
pro singulis millibus quinquaginta solvuntur,
apud Saxones multa alia, quæ describit Carpz.
Part. III. const. 33. def. 20. 2) Eam & viduis
deberi & virginibus nuptis. 3) non tamen
prius, quam consensu thalamo. 4) Dona-
tionis hujus dominium statim transire ad
uxorem.

§. CC.

Augmentum dotis jure Romano est, si
quando qui dotem dat, vel aliquid addit ul-
tra quantitatem promissam, vel, qui accipit,
plus se accepisse fatetur, quam acceperit.
*Novell. XXII. c. 31. Leg. 2. Cod. de dot. cur.
non num. Leg. 4. ff. de jur. dot.* Et id addi-
tamentum, soluto matrimonio, cum ipsa do-
te restituendum est. *Leg. 26. §. 2. ff. de pact.
dot. Franc. Hotom. de dote p. 828.*

§. CCI.

At moribus gentium Germanicæ originis
maritus dotem, ab uxore acceptam, ali-
quando reddere solet cum quodam augmento
veluti Quid jure
Germani-
co.

veluti dimidiæ, tertiæ, vel quartæ partis.
Talis mos in Pomerania, terris Brandenburgi-
cis & Meclenburgicis obtinet. *Mev. Dec. II.*
224. 228. V. 62. Gothmann. Consil. I. 59. 9.
Stryk. de Success. ab intest. IV. 2. 20.

§. CCII.

An hæc &
inter ple-
bejos obti-
neant?

Sed ea inter personas fere illustres tantum
obtinent in ipsa Germania. Inter privatos
enim & plebejos horum omnium vice ple-
rumque fungitur portio statutaria, quam ipsa
lex conjugii in præmortui conjugis bonis de-
cernere solet.

T I T. IV.

De pactis dotalibus.

§. CCIII.

Quid pa-
cta dota-
lia?

DOti leges vel conditiones qualescunque
honestæ dicuntur *Pactis Dotalibus*, quæ
sunt pacta legitima (*Leg. I. §. CCCLV. **)
de dote, donatione propter nuptias, aliis-
que quæ sibi invicem conjuges stipulantur,
inita. *Leg. I. Cod. de pact. conv. L. 10. Cod.*
de pact. L. 48. ff. cod. Eaque ab extraneo sta-
tim ipsi dotis constitutioni adjicienda sunt,
ab uxore quocunque tempore iniri possunt.
L. 20. §. I. L. 7. ff. h. t.

§. CCIV.

De iis a-
xiomata.

Ex qua definitione facile patet, I. pacta
hæc ne legibus bonisque moribus repugna-
re, nec II. dotis naturæ ac indoli adversa-
ri, nec III. causam dotis deteriorem redde-
re, nec IV. amorem conjugum turbare de-
bere.

§. CCV.

Ea non de-
bent juri
& bonis

Quum itaque nec legibus, nec bonis mo-
ribus repugnare debeant hæc pacta; (§. CCIV.
1.) con-

1.) consequens est 1) ut jure Romano rata moribus
non sint pacta de futura conjugum successio- repugna-
ne, vel ἀμιλλοκληρονομία, (P.I. §. CCCLXXII. re.

2. 2) L. 5. Cod. de pact. conv. L. ult. ff. de
suis & legit. hered. 2) Ut non magis Præ-
tor servet pacta, quæ ad peccandum invi-
tant, veluti, ne ob res amotas, neve de
moribus agatur. Leg. 5. §. 1. ff. hoc tit. ne
dolus in re dotali præstetur. L. 27. §. 3. ff.
de pact. L. 23. ff. de reg. jur. 3.) Ut & pa-
cta juri civili contraria sint irrita; veluti,
ut constante matrimonio donare liceat inter
conjuges. L. 5. §. 1. ff. hoc tit.

§. CCVI.

Quumque nec naturæ dotis adversari hæc Nec natu-
pacta debeant; (§. CCIV. 2.) consequens ra dotis.
est, 4) ut irrita sint pacta, quibuscunque
dos inanis & utilis marito, redditur, vel-
uti, ne hic fructus dotis percipiat, vel ut
percepti restituantur, vel ne impensæ dotem
minuant. L. 4. L. 5. §. 2. ff. hoc tit.

§. CCVII.

Quandoquidem etiam causa dotis dete- Nec eam
rior reddi non debet; (§. CCIV. 3.) conse- reddere,
quens sane est, 5) ut pacta, quæ mulierem deteriorē.
indotatam vel penitus, vel ex parte reddunt,
non sint servanda, veluti, ut dos ad here-
des mariti devolvatur, L. 2. ff. hoc tit. ut,
soluto matrimonio, minus, quam datum,
restituatur, L. 5. princ. ff. hoc tit. ut maritus
culpam non præstet, Leg. 6. hoc tit. ut do-
tem reddat die ulteriori. Leg. 14. seqq. ff.
hoc tit.

§. CCVIII.

Denique ex quarto axioma (§. CCIV. Cur non
4) facile reddes rationem, 6) cur non ad- admittat-
mittatur pactum, ut fidejussores in dotis se- ter pro
curitatem dentur. L. 1. 2. Cod. ne fideic. dot. dote fide-
dent. jussores &

§. CCIX.

§. CCIX.

Actiones
ex pactis
dotalibus.

Ceterum quum pacta legitima 1) actionem producant (P. I. §. CCCLV.) & 2) contrario consensu dissolvantur ; Leg. 58. ff. de pact. Leg. 35. ff. de reg. jure idem etiam de pactis dotalibus verum est , ex quibus uxori , ejusque ascendentibus per virilem sexum , datur actio *Ex stipulatu de Dote* , ex dispositione Justiniani Leg. un. §. 1. 13. C. de rei ux. act. extraneis , qui stipulatione hæc pacta firmarunt , *Actio ex stipulatu vulgaris* ; non intercedente stipulatione , actio *Præscriptis Verbis*. Leg. 6. Cod. de jur. dot.

§. CCX.

Ufus ho-
diernus.

Hodie apud Germanos & pacta dotalia de *αλλοδαπονομία* , & futura conjugum successionem , admittuntur , eaque inita esse ex verbis *succedere heredem esse* , similibusque colligitur . Quum autem ea codicillis assimilare soleant , hinc est , 1) quod ad ea conscientia 2) requirant quinque testium præsentiam , & 3) ab alterutro conjuge libere ea revocari posse statuant . Stryk. *Caut. Contract.* III. §. 21.

T I T. V.

De fundo dotali .

§. CCXI.

Lex Julia
de adul-
teriis , & Ju-
stiniani
constit. de
fundo do-
tali .

Quum maritus , vel qui onera matrimo-
nii fert , fiat dotis dominus ; §. CLXXXVI. 3.) dubitari non poterat , quin res in dotem datæ , possent etiam alienari . Sed isti juri derogavit *Lex Julia* , non illa de maritandis ordinibus , uti visum Paulo Manut. de lege Rom. cap. XVI. & Jac. Gochofr. ad Leg. Jul. & Pap. cap. XX. sed de adul-

adulteriis, qua cautum, ne fundum dotalem Italicum maritus, invita muliere, alienaret, neve, consentiente ea, obligaret. Paull. Recept. Sentent. II. 21. 2. Leg. un. §. 15. de rei ux. act. Sed Justinianus postea & discrimen inter fundum Italicum & provincialem sustulit, & fundum quemcunque, etiam consentiente uxore, vel alienari vel oppignorari plane vetuit, d. Leg. un. §. 15. princ. Instit. quib. al. lic.

§. CCXII.

Ex quo facile patet, 1) prohibitionem hanc hodie ad omnes res immobiles, in dotem datas, pertinere: d. Leg. un. §. 15. & pr. Instit. quib. al. lic. Leg. 13. princ. ff. hoc tit. non tamen 2) ad fundos, venditionis causa æstimato datos marito, (§. CLXXXV.) Leg. 10. §. 4. ff. hoc tit. Leg. 5. 10. Cod. de jur. dot. modo ei alia bona sint, unde uxor indemnitas præstetur. Leg. 30. Cod. eod. nec 3) ad alienationem necessariam, Leg. 1. pr. ff. L. 2. Cod. hoc tit. nec 4) ad alienationem, in quam ita consensit uxor, ut eam elapso biennio ratam habuerit, modo & hic mariti bona uxori sufficiant: Novell. LXI. capit. 1. nec denique 4) ad alienationem, in uxoris utilitatem factam. L. ult. ff. hoc tit.

§. CCXIII.

Ex eodem inferendum, 1) nullam esse hujusmodi alienationem. Leg. 42. ff. de usur. Leg. 5. Cod. de legib. nec 2) interesse, sponsus an maritus alienarit: L. 4. ff. hoc tit. nec 3) resne in totum alienata, an pro parte, Leg. 3. §. 1. L. 13. hoc tit. e. gr. si fundus, remissa vel imposita servitute, factus sit deterior. Leg. 5. 6. ff. hoc tit. 4) Uxori, soluto matrimonio, jus esse, fundum alienarum vindicandi, Leg. 30. Codic. de jur. dot. non autem 5) ipsi marito, si dominium fundi

Quid alienari non possit, & quid possit?

Alienatio quando nulla sit?

548 *Pand. Lib. XXIV. Tit. 1.*
fundi alienati postea consequutus sit. (§.
XCII.) *Leg. penult. ff. hoc tit. Leg. 42. ff.*
de usucap.

L I B E R XXIV.

T I T. I.

De donationibus inter virum & uxorem.

§. CCXIV.

Donatio-
nes inter
conjuges
cur jure
veteri pro-
hibitæ? **D**Os (§. CCIII.) & donatio propter nu-
prias (§. CXCIIL.) cum ante matri-
monium, tum eo constante, constitui pos-
sunt: non autem aliæ *Donationes*. Quam
enim uxores olim in manum convenirent,
& tunc essent loco filiarumfamilias, (§.
CLIX. *) inter eum autem, qui in potesta-
te aliquem habebat, eumque, qui erat in
potestate, nulla esset obligatio; (P. I. §.
CXLVIII. 2.) consequens erat, ut inter
conjuges non magis rata esset donatio, quam
inter patrem & filium. L. 1. §. 1. ff. *pro don.*

§. CCXV.

Cum mores
jus vetus
servarint? Postea, quamvis rarius in manum conve-
nirent uxores, mansit tamen prohibitio hæc
ob varias rationes, partim ne conjuges, mu-
tuato amore invicem spoliarentur, partim ne
concordia pretio conciliari videretur, partim
ne discuterentur matrimonia, ac veluti
venalitia fierent, si non donaret is, qui pos-
set. L. 1. L. 2. L. 3. ff. *hoc tit.* Hinc est,
quod ante orationem Severi & Antonini Cara-
callæ hoc jus *Moribus* receptum dicitur.
L. 1. ff. *hoc tit.*

§. CCXVI.

§. CCXVI.

At postremo anno U. C. 1504. Fulvio Æmiliano & Nummio Albino Conss. Severus & Antoninus Imperatores, * habita ^{SCtus ea de re factum.} in Senatu oratione, auctores fuere Patribus, ut donationes omnes inter virum & uxorem prohiberentur, *ne concordia pretio conciliari videretur, neve melior in paupertatem incideret, deterior ditior fieret*, ita tamen ut *facte, cum quidam, qui donavit, pœnitere, heredem vero eripere forsitan adversus voluntatem supremam ejus, qui donaverit, durum & avarum habeatur*. Leg. 3. pr. Leg. 32. §. 2. ff. hoc tit.

* Eo anno commune imperium administrarunt Severus & Antoninus Caracalla. Et hinc hæc oratio modo Severo tribuitur, L. 23. ff. L. 10. Cod. hoc tit. modo Antonino, L. 3. ff. hoc tit. modo utrique. Leg. 3. Cod. hoc tit. Adeoque non diversa extiterunt SCta Severi & Antonini, nec ipse Antoninus primum de prohibitione donationum inter conjuges, ac postea de donationibus, morte donatoris confirmatis, egit, sed unum fuit SCtus, quo utrumque cautum. Denique nec ab hoc SCto differt constitutio Severi, de qua L. 3. C. hoc tit. Vid. celeberrimi Noodtii Comm. ad Pand. hoc tit. p. 590. Tomo II. Op.

§. CCXVII.

Inde ergo axiomata: I. Vir & uxor inter se donare prohibentur. II. Non tamen prohibita donatio, quæ vel donatorem pauperiorem, vel donatarium locupletiolem non reddit. L. 5. §. 8. 16. ff. hoc tit. III. Nec si ex commiseratione, vel honoris causa, donatum. IV. Nec si donatio morte donatoris confirmata sit.

Axiomata de hac conjugum donatione.

§. CCXVIII.

Inter quos
prohibita
donatio?

Quum itaque inter virum, & uxorem prohibita sit donatio; (§. CCXVII. 1.) consequens, 1) ut lex nec ad sponsum sponsamque pertineat, *Leg. 5. pr. L. 27. ff. hoc tit. nec 2)* ad donationes, soluto jam matrimonio factas. *L. 64. ff. hoc tit. 3)* Ut contra non solum ad conjuges pertineat, verum etiam ad eos, qui in eorum potestate sunt. *L. 3. §. 2. seq. ff. hoc tit. 4)* Ut nihil intersit ipsi per se donarint, an per alios. *L. 3. §. 9. 12. 13. ** *L. 4. 5. ff. L. 5. §. 2. seq. Cod. hoc tit.*

* Legi tamen 3. §. 13. cui consentanea est *L. 4. ff. hoc tit.* ob stare quodammodo videtur *L. 31. ff. 7. hoc tit.* ut appareat, ipsos veteres ea in re non fuisse ejusdem sententiæ.

§. CCXIX.

Quæ?

Ex eodem axioma te patet, 5) solam donationem prohibitam, non alios contractus, nisi 6) in fraudem SCti initi sint, v. g. nummo venditum, quod donari non potuit. *L. 5. §. 5. L. 31. §. 3. L. 52. ff. hoc tit.*

§. CCXX.

Prohibi-
tionis effe-
cta.

Denique inde sua sponte fluit, 7) donationem inter conjuges esse ipso jure nullam, *L. 3. §. 10. ff. hoc tit.* adeoque 8) rem donatam, si exstet, a donatore, quem pœnitet, vindicari; 9) si consumpta sit, conditionem sine causa locum habere, modo donatarius tempore litis contestatæ ex donatione illa sit locupletior, *L. 5. §. 18. L. 6. L. 7. pr. ff. hoc tit.*

§. CCXXI.

Donatio-
num non
prohibita-
rum pri-
mum ge-
nus.

Quumque prohibitio hæc non pertineat ad donationem, quæ vel donatorem pauperiorem, vel donatarium ditio rem haud reddit; (§. CCXVII. 2.) consequens est, ut valeat donatio 1) mortis causa. *L. 9. §. 2. L. 10. 11.*

princ.

princ. §. 1. seq. ff. hoc tit. 2) Ab Imperatore Augustæ, vel ab hac illi facta. L. 26. C. hoc tit. 3) Per hereditatis vel legati repudiationem, vel restitutionem integri fideicommissi indirecte facta. L. 5. §. 13. 14. 15. ff. hoc tit. 4) Rei alienæ. L. 25. ff. hoc tit. 5) Sepulturæ, oblationis Deo faciendæ, vel sportularum cognatis elargiendarum, vel unguentorum coemendorum causa, facta. L. 5. §. 8. seq. Leg. 7. §. 1. Leg. 31. §. 9. hoc tit. 6) Renumeratoria. L. 7. §. 2. ff. hoc tit. 7) Minoris momenti L. 28. §. 1. 2. ff. hoc tit.

§. CCXXII.

Quumque nec quod commiserationis, vel honoris, vel necessitatis, causa donatum est, ad Sctus pertineat; (§. CCXVII. 3.) sequitur, ut in illud non incidat donatio 8) viri ad reficiendas ædes, Leg. 14. ff. hoc tit. 9) manumissionis, L. 7. §. ult. ff. hoc tit. Paull. Rec. Sent. II. 23. 2. vel 10) exilii causa facta. L. 43. ff. hoc tit. 11) Uxoris ad adipiscendam dignitatem, veluti latum clavum, vel equum publicum, Ulp. Frag. VII. 1. L. 40. seqq. hoc tit. * 12) natalitia, vel modicum xeniolum, Kal. Martii datum; L. 31. §. 8. ff. L. 21. Cod. hoc tit. 13) divortii causa facta. L. 60. ff. hoc tit.

Secundum.

* Constitutione principali id concessum dicitur mulieri, Ulp. Fragm. VII. 1. & quidem Antonini, L. 42. ff. hoc r. ubi Antoninum Pium intelligendum esse monet Gu. Grot. de Vir. Jcti II. 7. & Cl. Schulting. p. 587.

§. CCXXIII.

Denique quum & morte donatoris confirmata donatio rata sit; (§. CCXVI. 4) consequens est, ut 1) liceat quidem illi poenitere, adeoque ejus voluntas ambulatoria sit usque

Tertium.

usque ad mortem, L. 32. §. 3. *hoc tit.* immo & 2) heredi fas sit, donationem, a defuncto factam, revocare, si constet, hunc pœnituisse donationis. L. 32. §. 4. *ead.* neque 3) obstat, si ante revocationem donatarius decesserit; L. 32. §. 14. ff. h. t. attamen 4) non revocata donatione subsistat, L. 32. §. 2. 16. *seq. hoc tit.* modo 5) quatenus D. solidorum summam excedit, actis, insinuata, vel ultima voluntate speciatim confirmata sit. L. 25. *Cod. hoc tit.*

§. CCXXIV.

An dona- Corollarii loco addimus, donationem in
tio præsu- dubio non præsumendam: adeoque, si vir
matur? uxori dederit aurum, argentum, gemmas, jocalia, aliaque, præter vestes quotidianas, non credendum, uxori hæc donata, sed utenda tantum illi data videri, ut eo cultior atque ornatior incederet. Leg. 31. §. 8. L. 51. ff. *hoc tit.*

§. CCXXV.

Ufus ho- Ceterum hodie passim valent donationes
diernus. inter virum & uxorem. In Saxonía ratæ sunt, modo uxor donet consensu curatoris, & ad acta Carpz. Part. II. Const. XIII. def. 16. Conf. Schilt. Exerr. XXXVI. §. 102. *seq.*

T I T. II.

De divortiiis & repudiis.

§. CCXXVI.

Connexio. **N**uptias sæpe sequuntur *divortia*, *reperitio dotis*, *actio rerum amotarum*, lites de agnoscendis & alendis liberis, & de venire in possessionem mittendo, de quibus reliquis hujus & prioribus insequentis libri titulis agitur. Hoc titulo quæritur, quibus modis solvatur matrimonium? & quid in primis

mis divortium sit, quibusque ex causis illud fecerint soleat? Id quod ex ipsa natura matrimonii facile dijudicatur.

§. CCXXVII.

Quum enim nuptiæ sint viri & mulieris conjunctio; (§. CLIX.) consequens est, ut Matrimonium solvitur morte.
I. Morte alterutrius 1) matrimonium solvatur, adeoque 2) conjugii superstiti omnino liceat ad secunda vota transire, & quidem viro statim, * arg. Leg. 9. ff. de his qui not. inf. viduæ nonnisi anno luctus circumacto. (Part. I. §. CDII. 4.) L. II. §. 3. ff. de his, qui not. inf. L. 1. L. 2. C. de secund. nupt.

* Hodie tamen indecorum censetur viduum in rogum uxoris defunctæ tædas nuptiales accendere. Et hinc, statutis moribusque plerarumque gentium, invaluit, ut saltim per semestrem spatium elugere uxorem teneatur.

§. CCXXVIII.

Quumque nuptias jure Romano tantum contrahant cives Romani; (§. CLXIII. 4.) con- Capitis deminutione maxima.
sequens est, ut II. Captivitate quoque, & III. alia quacunque capitis deminutione maxima 1) solvantur, L. 1. ff. h. t. adeo, ut 2) ne jure quidem postliminii redintegrentur nisi novus intercesserit consensus matrimonialis. L. 8. L. 14. §. 1. ff. de capt. & postlim. Quamvis 3) si constet, captivum vivere, conjugii, in civitate viventi, nuptiis secundis interdicator, si incertum sit, vivat nec ne, quinquennium saltem expectare teneatur. * L. 6. ff. hoc tit.

* Sed ea quoque hodie non obtinent, non modo ob Nov. CXVII. cap. 11. & Auth. Hodie Cod. de repud. sed &, quia servi quoque moribus Christianorum optimo jure incunt matrimonii. Hein. Pand. T. I. A a tri-

trimonium, cap. 1. X. de conjug. serv. modo domini consensum impetrarint. Institut. §. LXXXV.)

§. CCXXIX.

Et media. Ex eodem porro consequebatur, ut & IV. media capitis deminutione 1) solverentur nuptiæ, veluti deportatione, L. 47. ff. solut. matrim. nisi 2) mulier uxoris affectionem retineret, L. 1. Codic. de repud. siquidem tunc manebat matrimonium juris gentium. (§. CXLVII.) quæ tamen itidem mutata. Nov. XXII. cap. 13.

§. CCXXX.

Denique quum nuptias consensus faceret; Nec non divorcio. (§. CLXI. 3.) consequi videbatur, ut V. mutuo dissensu vel bona gratia, L. 6. ff. hoc tit. L. 32. §. 10. L. 62. ff. de don. inter vir. & uxor. immo & VI. alterutrius tantum voluntate dissolvi possent, ob causas etiam leviores. * L. 60. §. 1. L. 61. ff. de don. inter vir. & uxor. Id quod vocabatur divorcium; vel repudium. Sunt enim hæc vocabula synonyma, quamvis JCI illa distinguere soleant. Leg. 101. §. 191. ff. de verb. signif. & ibi Joann. Goeddaus.

* Nihil tam naturale videbatur Romanis, quam eo genere quidvis dissolvi, quo colligatum esset. Leg. 35. ff. de reg. jur. Itaque non dubitatum unquam fuit, quin bona gratia discedere a se possent conjuges. At non poterat tamen uxor marito dare repudium, quæ in manum convenerat. Plutarch. in Romul. p. 35. Plaut. Merc. IV. 6. vers. 1. seq. nec maritus uxori, sine causa fontica. Plutarch. ibidem. Præterea & confarreatione contractæ nuptiæ, nonnisi diffarreatione: coemptione initæ, remanicipatione solvi poterant Antiq. nostr. Rom.

Append. Lib. I. §. 41. pag. 275. Quod cum difficilius esset, divortii exemplum non exstabat ante annum ab U. C. circiter quingentesimum. Dionys. Halic. II. pag. 96. Plutarch. *ibid.* & in Numa pag. 77. Valer. Max. II. 1. Gell. N. A. IV. 3. Ex quo autem rarius in manum convenire cœperant conjuges, nihil divortiis cœpit esse frequentius. Et existimarent, etiam alterutrum conjugem, alteri invito posse repudium dare, exemplo societatis honorum, maxime quum periculosiores sint lites inter conjuges, qui vitæ societatem iniciunt, quam inter socios, inter quos est rerum vel operarum communio. (P. III. §. CCLI. 2.)

§. CXXXI.

Est itaque *divortium* dissolutio matrimonii Quid divortium & repudium?
solemnis, * eo animo facta, ne divorcentes unquam ad prius vitæ consortium revertantur. L. 2. pr. L. 3. ff. *hoc tit.* Repudium autem est dissolutio sponsaliorum, eo consilio facta, ne unquam faciant nuptias. Leg. 101. §. 1. L. 191. ff. *de verb. sign.*

* Et quidem Lege Julia de adulteriis fuerat cautum, ut, adhibitis præter libertum, qui verba illa solemnia: *Tuas Res Tibi Habeto* pronuntiabat Juven. Sat. VI. v. 145. adhiberentur septem testes cives Romani. Leg. 2. §. 1. §. ult. L. 9. ff. *hoc tit.* Inter absentes locus erat libello repudii. L. 2. §. ult. L. 7. ff. *hoc tit.* Quemadmodum enim nuptiæ testato fiebant, ita & divortia. Sicuti verbis solemnibus contrahebantur, ita & dissolvebantur verbis conceptis. Uti claves tradebantur novæ nuptæ, ita repudiatae eadem adimebantur. Denique nuptæ ducebantur domum, repudiatae domo facessere jubebantur. Ritus hujusmodi ἀντιστοιχεί

q̄s in nuptiis & repudiis jam observavit Rad.
Forner. *Rev. Quotid.* l. 9.

§. CCXXXII.

Divortii
differentia
ab aliis vi-
cinis ad-
tus.

Ex quibus definitionibus patet, 1) non ef-
se divortium, si conjuges in calore iracun-
diæ se aliquandiu sejungant; non consilio
perpetuæ dissociationis. *L. 3. ff. hoc tit. L. 48.*
ff. de reg. jur. 2.) Nec si nuptiæ sint ipso
jure nullæ. (*§. CLXXVI. 2.)* §. 12. In-
stunt. *hoc tit.* Nec 3) si conjuges spe re-
conciliationis, vel metu imminentis sævitæ,
ad tempus a magistratu sejungantur, quod
separationem, quoad torum & mensam * vo-
cant. Nec 4) si sponsalia dissolvantur. (*§.*
CCXXXI.)

* Male ergo canonistæ confundunt *divortium* &
hanc *separationem*. Et dum *divortium* & hanc
vocant, eamque solam ob ipsum adulterium
admittunt, *c. 4. 10. 22. caus. 32. quæst. 7.* fa-
cile patet, eos plane non concedere divor-
tium verum, nisi si Christianus infidelem du-
xerit, *c. quanto X. de divort.* Vid. Cujac. ad
c. 1. X. de divort. Ziegler. & Celeb. Thomaf.
ad Lancelot. *Inst. Jur. Can. II. 15.*

§. CCXXXIII.

Divortii
causæ.

Ex iisdem definitionibus recte infertur, 1)
divortium jure Roman. fieri potuisse ob qual-
cunque causas, L. 63. §. 1. L. 61. ff. de donat.
inter vir. & uxor. quamvis postea 2) certas
tantum causas definierint Theodosius & Va-
lentinianus Augg. *L. 8. §. 2. 3. Cod. de repu-*
diis. Anastasius, *L. 9. Cod. eod.* ac postremo
Justinianus, sed admodum variæ, ut do-
cent hæ ejus leges, secundum chronotaxin
dispositæ. *L. 10. L. 11. §. 2. Cod. eod. Novell.*

XXII.

XXII. cap. 6. seqq. Nov. CXVII. cap. 8. 9. 10. *
Nov. CLX. cap. 1.

* Penultima novella divortium viro concedit Justinianus 1) ob crimen majestatis, ejusve suspicionem, 2) ob adulterium, 3) ob insidias vitæ structas, 4) ob convivium, vel balneum, cum alieno viro, nolente viro, initum, 5) ob absentiam a domo mariti invitæ, 6) ob ludos, ejus ingratis spectatos. Uxori contra concedit divortium 1) ob causam primam, 2) ob tertiam, 3) ob lenocinium mariti, uxorem alterius amplexibus destinantis, 4) ob accusationem calumniosam adulteri, 5) ob pellicatum. Additæ fuerant pœnæ, ut si sine justa causâ factum esset divortium, dos vel donatio propter nuptias communibus liberis cederet, vel, iis non existentibus, conjugî innocenti. Nov. CXVII. c. 13. Nov. CXXVII. c. 4. Nov. CXXXIV. c. 11. At postremo Nov. CXL. c. 1. divortia, ut olim, bona gratia fieri permittit Imperator, si ulla in re, in hac sane, trocho versatilior.

§. CCXXXIV.

Denique inde inferendum, 3) sponsalibus jure Romano unumquemque libere renuntiare posse. (S. CLVI. 3.) L. 1. *cod. de sponsal.* Quum enim jure Romano ipsorum divortiorum esset summa licentia, quanto magis repudiorum? Repudii causâ.

§. CCXXXV.

At hodie nec in sponsalibus dissolvendis, nec in dirimendis matrimoniis, tam faciles se præbent magistratus, tantum abest, ut vel bona gratia, vel altero invito divortia repudiare fieri patiantur. Dissolvuntur itaque hodie sponsalia fere ob insignem animorum exacerbationem, vel ob aliam justam causam. Usus hodiernus.

558 Pand. Lib. XXIV. Tit. III.
 Carpz. Jurispr. Confist. II. 176. seq. Aliquan-
 do & invitos conjungi videas; quod parum
 consulte fieri, jam Pontifex vidit cap. 17. X.
 de spons. Divortium Protestantes non nisi ob
 adulterium & malitiosam desertationem con-
 cedunt: ob textus Matth. XIX. 9. I. Cor. VII.
 15. quamvis an priore loco *περὶ* solum si-
 gnificet adulterium, nondum liqueat JCTis
 ac philologis præstantissimis. Vid. Selden.
 Ux. Hebr. III. 28. & 31. Lightf. Hor. Hebr.
 & Talmud. ad Matth. XIX. 9.

— T I T. III.

*Soluta matrimonio dos quemadmodum
 petatur?*

§. CCXXXVI.

Connexio. **H**Actenus de matrimonii dissolutione. Eo
 soluto, uxori competit actio de dote
 repetenda; viro de impensis, in rem dota-
 lem factis, restituendis: utrique de rebus
 amotis, agnoscendis, alendisque liberis, &
 similes. Jam de actione ad repetendam dotem
 comparata.

§. CCXXXVII.

De doris
 repetitio-
 ne axioma-
 ta. Quum enim dos sine matrimonio non sit,
 (§. CLXXXI.) eaque tantum derur ad fe-
 renda matrimonii onera; (§. CCXXXVI. 2.)
 consequens est, I. ut, soluto matrimonio re-
 peti possit. (§. CXCI. 7.) L. 10. §. 2. de jur-
 dot. L. 7. §. 12. ff. hoc tit. Quumque vel pa-
 ter det dotem, vel mulier, vel pro ea ex-
 traneus; (§. CLXXXII.) hic autem in dubio
 donasse censetur; (§. CLXXXVIII. 7.) fa-
 cile intelligitur axioma alterum: II. Repe-
 tendi dotem jus est penes patrem & mulie-
 rem. Et quia porro dos vel marito solvitur,
 vel

vel focero; (§. CLXXXVI. 3.) sua sponte inde fluit axioma III. Cum viro focerove, vel eorum successoribus, de dote agendum. Denique quum inter personas propius junctas obtinere soleat beneficium competentiae (*Inst.* §. MCC. 4.) in promptu est quantum axioma: IV. Maritus condemnatur in tantum, quantum facere potest.

§. CCXXXVIII.

Quum itaque, soluto matrimonio, dos repeti possit; (§. CCXXXVII. 1.) facile patet, 1) repetitioni, constante matrimonio, locum non esse, *L. un. cod. si dos const. matr. sol. fuer.* Nov. XXII. c. 39. 2) nisi vel uxor ad alendam se suosque dote indigeat necessario, *L. 73. §. 1. ff. de jur. dot. L. 20. 21. ff. hoc tit.* vel 3) maritum ad inopiam vergere judiciis evidentissimis appareat. *Leg. 24. princ. §. 1. seq. ff. hoc tit. Leg. 29. Cod. de jure dot.*

Des non
repetitur
constante
matrimo-
nio.

§. CCXXXIX.

Ex eodem inferimus, 4) dotem repeti posse, matrimonio quocunque modo soluto, si-
ve 5) per mortem siue 6) per divortium, *L. 240. ff. de verb. signif. L. 56. ff. hoc tit.* siue per capitis deminutionem maximam vel mediam, (§. CCXXXVII. seq.) quamvis posteriore casu uxor affectionem non mutet. *L. 1. C. de repud.*

Sed eo so-
luto.

§. CCXL.

Ex quo porro patet, 7) dotem, soluto matrimonio repeti posse statim, quamvis 8) illum rigorem ita temperent leges, ut dos inamobilis in continenti; mobilis, vel in re incorporali consistens, intra annum restituenda sit. * *L. un. §. 7. Cod. de rei ux. act. 9.*) Dotem peti posse cum omnibus accessionibus, *L. 10. §. 1. ff. de jur. dot.* non autem 10) cum fructibus, constante matrimonio perce-

Quid re-
peti pos-
sit?

ptis, (CXC. 5. L. 7. pr. §. 1. L. 10. §. 3. ff. L. 20. Cod. de jur. dot. adeoque 1) solos restituendos esse fructus, ante & post matrimonium perceptos, L. 7. L. 11. L. 31. §. ult. ff. hoc tit. & 12) ultimi quidem anni pro rata temporis, quo mulier in matrimonio fuit, L. 7. §. 1. sequ. L. 11. L. 31. §. ult. ff. hoc tit. 13) eumque annum, si dos ante nuptias data, a die nuptiarum; sin postea, a die traditionis computandum esse. Leg. 5. L. 6. ff. hoc tit.

* Olim si in numero, mensura & pondere constaret, annua, bima, trima die. VI. *Fragm. VL* 8. id est tribus pensionibus annuis. Cic. *ad Famil. Epist. VL* 18. Nam iisdem pensionibus numerari etiam dos solebat, Cic. *ad Attic. XI* 44. §. ult. Polyb. in *Excerpt. Peiresc.* pag. 154. Conf. Noodt. *de Fanorib. & usur.* III. 6. Schulting. *Jurisp. Antejus.* p. 583.

§. CCXLI.

Quod damnum præstet maritus?

Denique ex hoc axioma, & ex eo, quod res dotalis in specie restituenda est; (§. CCXC. 7.) inferendum, 14) maritum præstare vel dolum, tantum si mulier in mora accipiendi fuerit, L. 9. pr. hoc tit. vel culpam levem etiam; L. 18. §. 1. L. 26. §. 1. L. 66. pr. L. 67. ff. hoc tit. non autem 15) casum, L. 23. ff. de reg. jur. nisi vel ipse in mora fuerit restituendi, L. 25. §. 2. L. 26. ff. hoc tit. vel dos venditionis causa aestimato data sit. (§. CLXXXV. *) vel eadem consistat in re, quæ numero, mensura & pondere constat. L. 42. ff. de jur. dot.

§. CCXLII.

Quis dotem repetat?

Quumque repetendi dotem jus habeat vel pater, vel ipsa mulier; (§. CCXXXVIII. 2.) non obscurum sane est, 1) patrem repetere posse

posse dotem profectitiam, sed volente tempore litis contestationis filia. L. 2. §. 1. 2. L. 3. L. 22. §. 5. ff. hoc tit. L. un. §. 13. 14. Cod. de rei ux. act. 2.) Ipsam mulierem repetere dotem, si sui juris sit. L. 2. princ. L. 30. ff. hoc tit.) Extraneo id jus non esse, nisi, dotem sibi restitui, expresse pactus sit, Leg. 29. §. 1. ff. hoc tit. L. un. §. 13. Cod. de rei ux. act. 4.) Mortua quoque muliere, dotem vel a patre repeti posse, licet liberi supersint, L. 6. ff. de jur. dot. L. 12. L. 26. pr. §. 2. ff. de pact. dot. vel ab heredibus. Leg. unic. §. 6. Cod. de rei ux. act.

§. CCXLIII.

Ex tertio axiomate patet, 1) agi posse A quo re-
vel cum marito, sive ipse, sive alius, ejus petatur:
voluntate, dotem acceperit: L. 22. §. 12. ff.
hoc tit. vel 2.) cum ejus heredibus, L. 46.
ff. L. 9. Cod. hoc tit. vel 3) cum fisco, si bo-
na mariti focerive occuparit, L. 31. princ. ff.
L. 2. Cod. hoc tit. vel 4) cum focero, seu
patre mariti, si dos filii, in potestate ejus
constituti, nomine ad eum pervenerit. L. 22.
§. 12. ff. hoc tit.

§. CCXLIV.

Quum denique maritus gaudeat beneficio An tota
comperentia; (§. CCXXXVII. 4.) merito semper re-
inde colligitur, 1) eundem non condemnanda sit?
dum esse in solidum, sed tantum ipsi relin-
quendum, quantum ei opus esse videatur tem-
pore rei judicatae, ne egeat. L. 12. L. 28. ff.
h. t. L. 15. pr. ff. h. t. 2.) Huic privilegio non
obstare pactum contrarium, quippe bonis
moribus adversum. (P. I. §. CCCLXXI. 1.
d.) L. 14. §. 1. ff. hoc tit. 3) Idem benefi-
cium merito indulgendum esse liberis ejus-
dem matrimonii, L. 18. pr. ff. h. t. focero,
L. 15. §. ult. L. 16. ff. h. t. non autem 4) ex-

§62 Pand. Lib. XXIV. Tit. III.
traneis heredibus . L. 12. ff. hoc tit. L. 28.
S. 1. L. 25. ff. de re jud.

§. CCXLV.

Petit
dos vel rei
vindica-
tione, vel
actione ex
stipulatu.
Ad ea jura consequenda prodita erat dur-
plex actio. Nam quia dominium dotis, so-
luto matrimonio, expirat, & ad mulierem,
ejusve patrem revertitur, dos procul dubio
ab his poterit rei vindicatione peti L. 30. Co-
de jur. dot. Deinde prodita erat actio rei uxori-
æ, quam Justinianus in actionem ex stipu-
latu commutavit, ita, ut huic omnes qua-
litates actionis rei uxoriæ tribueret. Hinc
Actio ex stipulatu de dote datur 1.) etiam si
nulla stipulatio fuerit interposita, L. un. pro-
Cod. de rei uxoriæ act. eadem 2.) est actio bon-
næ fidei. dict. L. unic. S. 2. S. 29. Institut.
de act. 3.) adjunctam habet tacitam hypo-
thecam in bonis mariti; dict. L. unic. S. 1.
et dict. S. 29. & 4.) denique privilegium
prælationis mulieri tribuit præ omnibus cre-
ditoribus, tametsi anteriorem expressam hy-
pothecam habentibus. L. ult. S. 1. Cod. quæ
pri. in pign.

§. CCXLVI.

Actionis
ex stipula-
tu de dote
descriptio.
Est itaque actio ex stipulato de dote perso-
nalis, bonæ fidei, (§. CCXLV. 2.) privi-
legiata, (§. CCXLV. 3. 4.) competens mul-
lieri, vel ejus patri, eorumve heredibus, (§.
CCXLII.) contra maritum socerumve, vel
eorum heredes & successores, (§. CCXLIII.)
ad dotem cum omni accessione fructibusque,
ante & post matrimonium perceptis; (§.
CCXL. 9.) soluto matrimonio, (§. CC-
XXXVIII. sequent.) restituendam, præstan-
dumque dolum, culpamque latam & levem.
(§. CCXL. 14.)

§. CCXLVII.

Quando
cesset hæc
actio.
Quam actionem cessare, si 1.) vel dos si-
ne dolo culpave mariti perierit. L. 10. princ.
S. 1.

§. 1. L. 17. ff. de jur. dot. L. 49. §. 1. ff. hoc tit. vel 2) pactum intercesserit, ut mortua muliere dos apud virum maneat, L. 12. pr. ff. de pact. dot. L. 6. C. de pact. conv. L. 48. ff. hoc tit. vel 3) si matrimonium culpa uxoris solutum sit, L. 8. §. 5. Cod. de repud. Nov. CXVII. cap. 8. §. 2. ex ipsa natura dotis facile colligas.

LIBER XXV.

TIT. I.

De impensis, in res dotales factis.

§. CCXLVIII.

Quemadmodum soluto matrimonio uxori dos merito restituenda; (§. CCXXXVII. 1.) ita & maritus jure procul dubio repetit *impensas*, non quidem fructuum percipiendorum causa, vel in onera realia, (hæc enim cum fructibus compensantur, L. 3. L. 13. L. ult. ff. hoc tit. L. 7. §. ult. ff. solut. matr. sed in ipsas res dotales factas. L. 1. §. 2. L. 3. L. pen. ff. h. t.

§. CCXLIX.

Impensæ sunt vel *necessariæ*, quæ rem, alias interituram, extra ordinem conservant, prohibentve ne fiat deterior. L. 1. §. 1. L. 14. pr. ff. h. t. L. 79. pr. ff. de verb. signific. Unde eo non pertinent, quæ ordinarie rem conservant veluti alimenta, servis & ancillis præbenda: L. 7. §. 2. ff. de usus. L. 15. ff. hoc tit. vel utiles, quæ rem dotalem, alias non interituram, meliorem reddunt: L. 5. §. ult. L. 6. L. 14. §. 1. ff. hoc tit. L. 79. §. 1. ff. de

verb. signif. vel voluptuaria, quæ speciem duntaxat exornant, rei ipsius pretium non augment: L. 7. princ. ff. hoc tit. L. 79. §. ult. ff. de verb. signif. nam si simul pretiosiorum reddunt, delicata vocari solent ab interpretibus.

§. CCL.

De iis axiomata.

De dote itaque repetenda ubi agebatur, recepta erant axiomata: I. impensæ necessariae vel dotem ipso jure minuunt, vel ante restitutionem rei sunt restituendæ. L. 5. princ. ff. hoc tit. II. Impensæ utiles actione mandati vel negotiorum gestorum repetuntur. * L. unic. §. 5. Cod. de rei uxoris act. III. Voluptuaria, etiam voluntate mulieris factæ, non pariant exactionem, sed tantum tolli possunt. L. 2. ff. hoc tit. dict. L. unic. §. 5. Cod. de rei uxoris act. IV. Delicata utilibus æquiparantur. L. 10. h. t.

* Olim & deducebantur, vel juri retentionis ob eas locus erat, si factæ essent volente muliere. L. 7. §. 1. L. 8. ff. hoc tit. Quod Justinianus mutavit, d. L. un. §. 5.

§. CCLI.

Quid juri
sum circa
impensas
necessarias?

Quum itaque necessariae impensæ vel dotem ipso jure minuunt, vel ante rei restitutionem sint restituendæ; (§. CCL. 1.) consequens est, 1) ut, si in pecunia consistat dos, impensæ hæ deduci possint: sin 2) in aliis rebus, juri retentionis sit locus. L. 5. ff. hoc tit. L. 1. §. 5. ff. de dor. præl. L. 56. §. ult. ff. de jur. dor. L. un. §. 5. Cod. de rei uxoris act. 3) Ut, integra reddita dote, impensarum harum nomine marito competat conditio indebiti, vel actio mandati, aut negotiorum gestorum, L. 5. §. 2. L. 12. ff. hoc tit. L. 7. §. ult. ff. sol. matr. 4) Ut idem obtineat, licet

licet res dotalis casu perierit, L. 5. h. t. vel
5) extet pactum in contrarium. (§. CCVI.)
L. 5. §. 2. ff. de pact. dot.

§. CCLII.

Ex secundo & quarto axiomate inferen-
dum, 1) jure retentionis ob utiles non gau-
dere maritum. L. unic. §. 5. Cod. de rei uxor.
act. 2) Actionibus mandati, vel negotiorum
gestorum, repeti quidem impensas utiles &
delicatas alicujus momenti, non autem mo-
dicas. L. 12. ff. hoc tit. 3) Nec repetitioni
locum esse, si mulier eas restituere nequeat.
(P. II. §. LXXXIX. *) L. 8. ff. hoc tit.

§. CCLIII.

Denique ex tertio axiomate per se patet,
1) voluptuarias tolli quidem posse, sed 2)
non nisi eo casu, si separationem recipiant,
idque fieri possit sine rei detrimento. L. 9.
ff. hoc tit. L. unic. §. 5. C. de rei ux. act. 3)
Mulierem, si maritum tollere haud patiatur,
extinctionem pati debere. Dist. L. 9. ff. h. t.

T I T. II.

De actione rerum amotarum.

§. CCLIV.

Soluto per divortium matrimonio, facile
lis nascebatur de rebus, ab alterutro con-
juge ante divortium subtractis. Quærebatur,
an locus eo nomine sit actioni furti? Id quod
ideo negandum videbatur, quod conjuges in-
ter se communem quodammodo haberent bo-
norum usum, (§. CLXXIV. 3.) adeoque fa-
cta non esset contrectatio rei alienæ. L. 1.
ff. hoc tit. Negandam itaque hoc casu puta-
bant in honorem matrimonii turpem furti
actionem, & dandam paullo mitiorem rerum
ama-

Cur inven-
ta actione-
rum amo-
tarum?

586 Pand. Lib. XXV. Tit. II.
amotarum. * L. 2. hoc tit. L. 52. §. 1. 2. ff.
E. ult. Cod. de furt.

* Olim & ob res amotas dabatur retentio dotis.
Ulp. Fragm. VI. 9. Quod hodie abrogatum.
L. unie. §. 5. Cod. de rei ux. act.

§. CCLV.

Rerum Amota itaque dicuntur res, quas alteruter
amotarum conjugum, constante adhuc matrimonio, sed
definitio, inito jam divortii consilio, vel per se, vel
& de his per alios, amovit, celavit, vendidit, dona-
axiomata. vit, consumpsit. L. 17. §. 2. L. 3. §. 3. L. 19.
L. 20. ff. h. t. Unde axiomata: I. Rerum amo-
tarum inter se agunt conjuges, divortio se-
quuto. L. 1. L. 6. §. 2. L. 17. pr. L. 25. L. ult.
§. ult. hoc tit. II. Locum habet hæc actio,
rebus constante matrimonio subtractis. III.
Datur ea ad res amotas cum omni causa re-
stituendas. L. 1. L. 3. §. 3. L. 17. hoc tit.

§. CCLVI.

Qui inter Quum itaque rerum amotarum inter se
se agant? agant conjuges, sequuto divortio; (§. CCLV.
1.) consequens est, 1) ut & maritus & uxor
eo nomine agere possint, L. 6. §. 2. L. 7. L. 11.
L. 14. ff. hoc tit. sive simul, sive separatim
habitarint. (§. CLXXIV. *) L. 15. princ. ff.
hoc tit. non autem 2) ei actioni locus sit, si
concubina amoverit, quacum furti agendum,
L. 17. pr. ff. hoc tit. 3) Ut res sine consilio
divortendi subtractæ, vindicari vel condici,
non hac actione repeti, possint, L. 24. seq.
h. t. adeoque 4) nec huic actioni, sed here-
ditatis petitioni, vel actioni ad exhibendum,
locus sit, si conjux mortis causa amoverit,
& mors sequuta sit. L. 22. §. 1. ff. hoc tit.

§. CCLVII.

Ob quas res con- Quumque res constante matrimonio sub-
tractas. tractas esse oporteat; (§. CCLV. 2.) conse-
quens

quens est 1) ut, si quid, soluto jam matrimonio, subtractum sit, furti agi, *L. 3. pr. ff. h. t.* 2) aut, si jam decesserit conjux, illud in rei vindicationem, vel hereditatis petitionem venire possit. *L. 6. §. ult. ff. h. t.*

§. CCLVIII.

Quia denique actio hæc datur ad res amot. Ad quid? cum omni causa restituendas; (§. CCLV. 3.) facile patet, 1) nihil interesse, resne conjugis propria an aliena, veluti pignori vel commodato data, subtracta sit. *L. 17. §. ult. hoc tit.* 2) Rerum non-existentium præstandam esse estimationem, quanti fuerunt tempore, quo amotæ sunt, vel in quantum in litem juratum. *L. 17. §. 2. L. pen. L. 8. §. 1. L. 9. ff. hoc tit.* 3) Locum hic non esse beneficio competentiae, quia ex delicto agitur. *L. 21. §. ult. ff. de act. rer. amot.* 4) Conjugem conjugum neganti deferre posse iuramentum, modo prius de calumnia iuravit, idque referri non posse. *L. 11. §. 1. 2. 3. L. 12. L. 14. ff. hoc tit.* 5) Esse hanc actionem rei persequutoriam, & hinc 6) perpetuam, *L. 21. §. 5. h. t.* & 7) dari etiam adversus heredem, vel in solidum, si quis solus heres sit, vel pro parte, si coheredes habeat. *L. 6. §. 4. L. 21. §. 5. hoc tit. L. 9. L. 25. §. 5. ff. de cond. furt.* 8) Si filius filiavescam. amoverit, actionem competere adversus patrem, quatenus in peculio, vel in rem ejus versum est. *L. 3. §. ult. L. 4. L. 5. L. 6. §. 2. ff. hoc tit.* 9) Si conjuges sibi mutuo furtum fecerint, locum esse compensationi. *L. 7. ff. hoc tit.*

§. CCLIX.

Quare actio rerum amotarum est personalis ex delicto, (§. CCLVIII. 3.) rei persequutoria, (§. eod. 5.) ac perpetua, (§. eod. 6.) soluto per divortium matrimonio, (§. CCLV. 1.) competens conjugum innocentibus, (§. CCLVIII.

Adionis
rerum amo-
tarum de-
scriptio.

(§. CCLVIII. 9.) ejusve heredi . L. 6. §. 3. L. 21. §. 5. ff. h. t. contra conjugem , qui consilio divortendi amovit , (§. CCLVI. 3.) ejusve patrem peculio tenus , vel quatenus in rem versum , (§. CCLVIII. 8.) vel eorum heredes , (§. eod. 7.) ad res amotas cum omni causa restituendas vel earum æstimationem (§. eod. 2.) præstandam .

T I T. III.

De agnoscendis & alendis liberis ; vel parentibus , vel patronis , vel libertis .

§. CCLX.

Quid agnoscere & alere liberos? **S** Oluto matrimonio & ob liberos , vel jam susceptos , vel suscipiendos , agi potest . Ad susceptos pertinet actio de *agnoscendis alendisque liberis* , de qua hoc titulo agitur . Et *agnoscere* quidem liberos , est partum ex se natum fateri . *Alere* eosdem , * est iisdem cibaria , vestitum , habitationem eaque , quæ ad disciplinam pertinent , subministrare . L. 4. ff. ubi pupill. educ. L. 6. §. 5. ff. de Carbon. edict. Agnitos itaque liberos alendos esse , facile patet .

* Ea definitio pertinet ad alimenta , jure sanguinis præstanda . Alioquin enim iis non insunt , quæ ad disciplinam pertinent , sed tantum cibaria , vestimenta & habitatio . L. 6. ff. de al. vel cib. leg.

§. CCLXI.

De agnoscendo alendoque partu agnomata. **E**t I. Alere quidem liberos tenetur pater , princeps & caput familiæ , & præcipua liberorum causa . L. 5. princ. §. 1. 10. ff. hoc tit. L. 3. 4. Cod. eod. II. Mater non nisi in subsidium .

dium. L. 5. §. 2. ff. h. r. III. Agnoscere autem liberos pater tenetur, si constet, illos ex eo natos esse.

§. CCLXII.

Quum itaque pater alere teneatur liberos; (§. CCLXI. 2.) consequens est, 1) ut exponere infantes haud liceat. * L. 4. ff. hoc tit. S. pen. Cod. de infr. expon. L. un. Cod. de his, qui par. vel lib. occid. 2) Ut alimenta liberis pater debeat statim a nativitate. L. 5. pr. §. 1. 10. ff. hoc tit. L. 3. 4. Cod. de alend. lib. L. 5. ff. de ventr. in possess. mitt. quibus non obstat L. 9. Cod. de patr. potest. 3) Ut idem beneficium debeat non modo suis, sed & emancipatis, non modo legitimis, sed & illegitimis, L. 5. §. 1. 4. ff. hoc tit. nec tamen ex incestu natis. Auth. ex complexu Cod. de incest. nupt. 4) Ut patre vel mortuo, vel ad alendum inhabili, idem onus incumbat avo, & reliquis adscendentibus in linea paterna. L. 5. §. 2. L. penult. ff. hoc tit. 5) Ut hoc officium cesserit ob insignem liberorum ingratitude. L. 5. §. 11. ff. hoc tit. Novell. CXV. c. 3. §. 1. seq. vel 6) si ipsi liberi sint locupletes. L. 5. §. 7. ff. hoc tit.

Alere liberos qui teneantur primario?

* Olim aliter se res habebat. De historia hujus juris videnda, quæ inter se disputarunt JCTi ætate nostra doctissimi, Ger. Noodt. & V. A. Corn. van Bynkersh. ille in *Julio Paulo & Antica responsione*; hic in opusculo *de jure occidendi liberos, & in Curis secundis*.

§. CCLXIII.

Quumque & mater teneatur in subsidium; (§. CCLXI. 2.) consequens est, 1) ut, si vivo patre liberos non donandi animo aluerit, ea habeat actionem negotiorum gestorum ad impensas recuperandas. L. 5. §. 14. ff. hoc tit.

L. II.

L. 11. Cod. de neg. gest. 2) Ut, si pater vel ullus ascendentium paternorum non sit, qui alimenta præstare possit, idem officium incumbat matri, vel 3) ea quoque non superflite, vel minus sufficiente, ascendentibus maternis. L. 5. §. 2. L. penultim. ff. hoc tit. Nov. CXVII. cap. 7.

§. CCLXIV.

SCta de Quia denique parentes alere debent liberos agnitos, (§. CCLX.) agnoscere autem eos, de quibus constat, eos ex illis natos esse; (§. CCLXI. 3.) sub Vespasianis, ut videtur, M. Plancio Varo Cons. ad Senatum referente, Vid. Comm. nostr. ad Leg. Jul. & Pap. II. 6. 6. pag. 192. seq.) conditum est SCtus Plancianum, cautumque, I. ut mulier repudiata prægnans, vel ejus pater, id marito priori, ejusve patri, eorumve domum denunciaret intra XXX. dies continuos, post divortium connumerandos, L. 1. §. 2. 3. ff. hoc tit. II. Ut, facta denunciatione, fas esset marito, mittere custodes ad inspicendum ventrem, custodiendumque partum. L. 1. §. 12. ff. hoc tit. III. Ut coereretur mulier, quæ partum subjecerit. L. 1. pr. ff. hoc tit. Denique & aliud SCtus sub Hadriano accessit, quo cautum, IV. ut & de partu, constante matrimonio edito, agnoscendo agi posset. L. 3. §. 1. ff. hoc tit.

§. CCLXV.

Quid ex Ex primo & secundo capite inferebant JCti, his SCtis 1) mulierem, post XXX. dies denunciantem, incumbat nonnisi causa cognita esse audiendam, L. 1. mulieri §. 7. ff. hoc tit. 2) Eandem, omissa penitus denunciatione, adhuc quidem de partu agnoscendo agere posse, sed tum ei probandi onus incumbere. L. 1. §. 8. 13. 14. ff. hoc tit. 3) Non tamen eam audiendam, si & non denunciaverit, & custodes, a marito vel post de-

num-

nunciationem missos, vel ultro oblatos, non admiserit. L. 1. §. 6. ff. hoc tit.

§. CCLXVI.

Contra ex iisdem colligebant, 4) maritum, facta denunciatione nec custodes mittentem, nec contra denunciante, aut partum agnoscere teneri, aut extra ordinem coerceri posse. L. 1. §. 4. 12. ff. hoc tit. 5) Veritati tamen locum super fore, si custodes miserit quidem, at cum protestatione, L. 1. §. 11. ff. hoc tit. immo & 6) si neque miserit custodes, neque contra denunciaverit, modo contrarium probet, & interea partum alat. L. 1. §. 12. 14. 15. ff. hoc tit.

§. CCLXVII.

Quid de partu falso subjecto sanxerit SCtus Plancianum infra videbimus. Lib. XLVIII. tit. X. Nec difficile intellectu est SCtus sub Hadriano factum. Jam notamus, officium alendi inter liberos & parentes *αυτῶν ἀλλήλων* reciprocum esse, adeoque & liberos alimenta debere parentibus, & ascendentibus egenis, nec interesse legitimi an illegitimi sint, nisi summo scelere hoc se beneficio indignos reddiderint. L. 5. §. 1. 2. 3. 5. 7. 11. 13. 15. ff. hoc tit. L. 5. Cod. de patr. pot. L. 2. Cod. de al. lib. Nov. XII. 2.

§. CCLXVIII.

Quumque & patroni libertis parentum loco essent; (Inst. §. CXI.) consequi videbatur, 1) ut & hi patronis liberisque eorum, vel parentibus egenis, alimenta deberent. L. 5. §. 18. seq. L. 9. ff. hoc tit. 2) Ut quidem non eadem necessitas incumbat patrono: at tamen & hic jura patronatus amittat, si alimenta liberto egeno denegarit. L. 6. ff. hoc tit. L. 5. §. 1. ff. de jure patr. L. 33. ff. de bona qua libert.

Immo & patroni An & libertis?

TIT. IV.

De inspiciendo ventre custodiendoque partu.

§. CCLXIX.

Quibus ca-
sibus fiat
inspectio
ventris?

Vidimus, I. muliere repudiata marito de-
nunciante, quod gravida sit, fas huic
esse, mittere personas, quæ *inspiciant ven-*
*tre*m, partumque *custodiant*. (§. CCLXIV.
2.) L. I. §. 1. 12. de agnosc. & al. lib. Sed
præter hunc casum fit inspectio ventris II.
si, mortuo viro, mulier se ex eo prægan-
tem dicat, & ventris nomine in possessionem
mitti velit, L. I. §. 10. ff. hoc tit. necnon III.
si maritus mulierem repudiatam ex se præ-
gnantem dicat, & hæc id neget. L. I. princ.
§. 1. ff. hoc tit. Prima inspectio est ex SCto
Planciano: (d. §. CCLXIV.) altera ex Edi-
cto Prætoris: tertia ex rescripto Divorum
Fratrum ad Valerium Priscianum Prætozem
Urbanum, d. LL.

§. CCLXX.

Quid ven-
tre in spi-
cere & cu-
stodire?

Inspicere ventrem est explorare mulierem,
an prægnans sit. *Custodire partum*, est custo-
dire mulierem, quam gravidam renunciarunt
inspicientes, ne forte vel ipsa sibi, vel alia
ei, partum alienum subiciat. Quod quo ri-
tu primo casu fieri debuerit, non adeo expe-
ditum; de secundo & tertio casu exploratif-
simum est.

§. CCLXXI.

Quid Præ-
tor de in-
spicendo
custodien-
doque ven-
tre edixe-
rit?

Nimirum si mulier, mortuo marito, ex
eo se prægnantem diceret, a Prætoze cautum
fuerat, 1) ut mulier bis in mense id de-
nunciet heredibus, eorumve procuratoribus.
2) Ut tunc mittantur mulieres quinque li-
beræ,

beræ, quæ simul ventrem inspiciant, neque tamen invitam tangant. 3) Ut domus honestissima arbitrio Prætoris constituatur, in qua pariat. 4) Ut ante dies triginta, quam se parituram putet, iterum denunciaret mulier heredibus, si forte mittere velint, qui partum custodiant. 5) Ut tunc mulier sit in conclavi, ubi non plures uno sint aditus, vel, si plures sint, illi obstruantur. 6) Ut ante hunc aditum liberi tres totidemque liberæ custodiant, omnesque adeuntes excutiant, d. L. 1. §. 10. seq.

§. CCLXXII.

Deinde quod ad partum attinet, ab eodem Prætoris cautum est, 7) ut mulier parturiens denuo denunciaret iis, quorum interest. 8) Ut tunc mittere hi possint mulieres liberas, duntaxat quinque, quibus præsentibus pariat. 9) Ut in id conclave non admittantur, præter duas obstetrices, nisi liberæ decem, ancillæ sex, & omnes, quæ intrant, prius excutiantur. 10) Ut vitentur tenebræ, ad subiiciendum partum aptissimæ & saltem non minus, quam tria lumina, ibi sint. 11) Ut, his omissis vel impeditis, possessio causa cognita non detur. 12) Ut quod mulier peperit, educetur vel a patre, vel ab eo, quem vel pater vel Prætor constituerit. 13) Ut infans, quoad trimestris sit, bis in mense; quoad semestris, semel in mense; quoad anniculus sit, alternis mensibus; quoad fari possit, semel in sex mensibus iis, quorum interest, si velint, ostendatur, d. L. 1. §. 19. seq. hoc vit.

§. CCLXXIII.

Tertio casu (§. CCLXIX. 3.) sanxerant Augusti fratres, 1) ut matrona quam prægnantem maritus ait, eligat feminæ honestissimæ domum. 2) Ut ibi tres obstetrices probatæ

Quid de pariendo & educando infante?

Quomodo inspectio fiat ex rescripto Marci & Lucii fratrum?

batae & artis & fidei eam inspiciant. 3) Ut, si vel omnes vel duae eam gravidam renunciant, ei persuadeatur, ut custodem admittat. 4) Ut, si gravis tunc non sit, maritus injuriarum teneatur, nisi iuste mulierem praegnantem crediderit, vel nimio voto liberorum suscipiendorum ductus sit. L. 1. pr. S. seq. ff. hoc tit.

§. CCLXXIV.

Ufus ho- Tituli usus etiamnum esse potest, maxime diernus. si viduae nobiles, ut possessionem in feudo retineant, praegnantem se ex marito defuncto dicant. Sed tamen non tam superstitiose tunc omnia observantur, quae Praetor edicto suo sanxit. Vid. Hann. ad Wesembec. hoc tit. Schilter. Exerc. XXXIX. 125. seqq.

T I T. V.

Si, ventris nomine muliere in possessionem missa, eadem possessio dolo malo ad alium translata esse dicatur.

§. CCLXXV.

Mulier, **S**I gravidam mulierem esse renunciatur, (§. CCLXXII.) venter, id est ventris nomine in possessionem mittitur in possessionem. (Vid. infra Lib. XXXVII. tit. IX.) Nec tamen fas est mulieri, dolo malo alium in possessionem introducere, ne, dum in partus favorem possessio promittitur, praedae praebetur occasio. L. 1. princ. S. 1. ff. hoc tit. Si quid contra factum, Praetor eum, qui in possessionem dolo malo venit, decedere cogit per Interdictum; L. 1. S. 2. ff. hoc tit. adversus admittendum autem promittit Actionem in factum.

§. CCLXXVI.

§. CCLXXVI.

Quæ est actio rei persequutoria, & hinc actio eo
perpetua, L. 1. §. 4. ff. hoc tit. competens iis, ^{nomine}
ad quos ea res pertinet, adversus mulie- ^{proditæ.}
rem, quæ in alium dolo malo possessionem
transtulit, L. 2. ff. hoc tit. vel eum, cujus
illa in potestate est, si ipse dolo malo tran-
stulit, L. 1. §. 1. hoc tit. ad id, quanti in-
terfuerit ejus, qui experitur. L. 1. §. 1. 3.
L. 2. §. 1. ff. hoc tit.

T I T. VI.

*Si mulier ventris nomine in possessione
calumniæ causa esse dicetur.*

§. CCLXXVII.

Quæ sciens prudensque, se prægnantem ^{Mulier ca-}
non esse, in possessionem venit, * ^{calumnia}
^{ca-} ^{causa pos-}
^{fidens.}
lumnia causa in possessione esse dicitur. ^{ca-}
L. un. §. 2. ff. hoc tit. Quam calumniam quum
impunitam non relinqui interlit reip. L. un.
§. 1. ff. hoc tit. edicto promiserat Prætor, se
eo nomine *Actionem in Factum* daturum.
L. un. §. 4. 7. 8. ff. hoc tit.

* Hinc, si bona fide se credidit prægnantem,
pro b. f. possessore habetur, & eo nomine
nihil præstat. L. 1. §. 7. ff. hoc tit.

§. CCLXXVIII.

Competit itaque hæc *Actio* iis, intra an- ^{Quæ actio.}
num utilem, * L. un. §. 3. ff. hoc tit. ad ^{ne tenea-}
quos ea res pertinet, L. 1. §. 6. 7. ff. hoc tit. ^{tur?}
adversus mulierem, quæ calumniæ causa in
possessione fuit, eumve, cujus in potestate
est, & per quem factum, ut in possessionem
per calumniam veniret, L. un. §. 5. 12. ff. h. t.
in id,

576 Pand. Lib. XXV. Tit. VII.
in id, quanti interfuit, *L. unic. §. 4. 7. 8. &*
infamiam, quæ ex ea actione damnatos se-
quitur. (P. I. §. CCCC. 10.) L. 15. L. 17.
L. 19. ff. de his, qui not. inf.

* Nam si agatur ad id, quod interest pœnalis
est. Et hinc, si ad damni reparationem agi-
tur, actio videtur perpetua. *L. 1. §. 3. 4.*
ff. hoc tit.

T I T. VII.

De concubinis.

§. CCLXXIX.

*Concubi-
na & pe-
lex uti dif-
ferant?* Ante Augusti tempora promiscue accipie-
bantur *Pellex & Concubina. L. 144. ff.*
de verb. sign. Comm. nost. ad L. Jul. & Pap. II. 4.
p. 166. Postea concubinitus per leges, (Ju-
liam & Papiam) nomen assumpsit. *L. 3.*
§. 1. ff. hoc tit. Et ex eo tempore *Pellex* est,
quæ cum eo, cui uxor est, miscet corpus;
Concubina, quæ uxoris loco sine nuptiis in
domo est, *L. 144. ff. de verb. signif. alias di-*
cta amica, d. L. 144. L. 35. ff. de aur. arg.
mund. convictrix, Grut. Inscr. p. DCCXCV. 8.
εὐφρος, Id. p. IX. uxor gratuita, id. p. DCCC.
21. Vid. Merill. Obs. II. 15.

§. CCLXXX.

*Quid con-
cubinitus?* Est autem *Concubinitus* Romanorum nihil
aliud, quam conjunctio maris & feminae im-
paris conditionis, effectis nuptiarum civili-
bus destituta; de qua sanxisse videtur Augu-
stus in *L. Julia & Papia: Quas personas per*
hanc legem uxores habere non licet, eas con-
cubinas habere jus esto. Ingenuam in concubi-
natus habere jus ne esto. Comm. nost. ad Leg.
Jul. & Pap. Popp. II. 4. p. 165. seq.

§. CCLXXXI.

§. CCLXXXI.

Ex quibus fluunt axiomata: I. Concubinatus fuit de Jure Civili licita, nec tamen legitima, consuetudo *L. 244. ff. de verb. sign. L. 5. C. ad Scius Orfit. Merill. Variant. Cujac. Z. 34. II.* Ille legibus civilibus, nec tamen naturalibus, solutus est. *Merill. Obs. III. 17.* III. Ingenua ordinarie concubina esse non potest. IV. Concubinatus civilibus nuptiarum effectis destituitur.

De eo axiomata.

§. CCLXXXII.

Quum itaque concubinatus fuisset licita, non tamen legitima, conjunctio, (§. CCLXXXI. 1.) consequens est, 1) ut concubina uxoris loco esset, *L. 144. ff. de verb. signif. & 2)* ab uxore solo delectu, & animi destinatione dignitateque, differat. *Paull. Recop. Sent. II. 20. 1. L. 49. §. 4. de L. 3. 3)* Ut constante matrimonio, nemini liceat, concubinam penes se habere, *L. un. C. hoc rit. nec 4)* plures simul. *Paull. 16. II. 20. 1. L. ult. §. 2. ff. de divort. Nov. XVIII. cap. 5.*

Fuit licita consuetudo de Jure Civili, secus de Jure Canonico.

§. CCLXXXIII.

Quumque concubinatus legibus quidem civilibus, non autem naturalibus, solutus sit; (§. CCLXXXI. 2.) consequens erat 2) ut, qui ob cognationem vel affinitatem in matrimonio esse non possent, nec in concubinato esse permitterentur. *L. 1. §. 3. ff. hoc rit. L. 56. ff. de rit. nupt. Dissentit Cujac. Obs. V. 6. refutatus ab Em. Meril. Obs. III. 17. Add. Commen. nostr. ad L. Jul. & Pap. II. 1. p. 109. II. 4. p. 168.*

In eo & verecundia naturalis ratio habetur.

§. CCLXXXIV.

Quumque ingenuæ honestæ ordinarie concubinae esse non possint; (§. CCLXXXI. 3.) inferunt Jcti, 6) in concubinato esse posse libertinas, 7) easque, in quas stuprum non committitur, *L. 1. §. 1. ff. hoc rit.* quales

Quæ concubinæ esse possint, vel non?

Hein. Pand. T. I.

Bb

sunt

sunt 8) publico iudicio damnata, L. 1. §. 2. ff. *hoc tit.* 9) quantum corpore facientes, L. 16. ff. *de his, quæ ut ind.* L. 3. pr. h. r. 10) ancillæ, L. 38. pr. ff. *de reb. auct. jud. poss.* 11) obscuro loco nata, L. 3. pr. ff. *hoc tit.* non autem 12) ingenuas honestiores, sine institutione hoc manifestum faciente. L. 3. princ. ff. *hoc tit.* Cui non obstant L. 24. ff. *de rit. nupt.* L. 31. pr. ff. *de natur. lib.* Vid. *Comm. nostr.* ad L. *Jul. & Pap. II. 4. p. 152. seq.*

§. CCLXXXV.

Concubina-
tus esse
cla.

Quia denique effectis nuptiarum civilibus destituitur concubinitus; (§. CCLXXXI. 4.) consequens est, 13) ut nec concubinæ uxorum jure perfruantur, nec 14) liberi inde nati legitimi sint, sed naturales, de quorum conditione diximus in *Comm. eod. II. 4. p. 169. sequent.*

§. CCLXXXVI.

Uti ho-
mines.

Quamvis itaque tam turpis non esset Romanorum concubinitus, ac plerisque videtur, sed veluti inæquale conjugium, L. 3. *Cod. de nat. lib.* eum tamen severior Christianorum disciplina excludere cœpit jam a temporibus Constantini M. Verum hujus conatus fere irritus fuerat in Oriente, & Leo *Novell. CXI.* demum eum penitus subvertisse videtur. In Occidente diutius mansit, in Germania demum *Reform. Polit. anni MDXXX. tit. 33.* publice profligatus. Ex quo tempore concubinarum carcere aliquot hebdomadam, &, nisi emendentur, relegatione puniuntur. *Carpz. Prax. Crim. Quæst. LXX. 41. seq.* Non absumile tamen Romanorum concubinitui est *matrimonium ad morganaticam*, 2. F. 39. quod passim adhuc initur a personis illustribus.

LIBER XXVI.

TIT. I.

De Tutelis.

§. CCLXXXVII.

Tertia, quæ hac quarta Pandectarum par-Connexio.
te tractatur, materia est illa de *tutelis*
& *curatione*: Homines enim aut *sui juris*
sunt, aut *alieno juri* subjecti. (P. I. §.
CXLIII.) Sui juris homines, vel in *tutela*
vel sub *cura* sunt, vel *neutro jure* tenentur.
pr. Inst. hoc tit.

§. CCLXXXVIII.

Tutela est vis & potestas in capite libero, Tutela
& curatio
quid? de-
que iis a-
xiomata.
ad tuendum eum, qui propter ætatem suam
se sponte defendere nequit, jure civili data
vel permessa, * §. 1. *Inst. L. 1. pr. ff. hoc tit.*
Curatio contra, potestas administrandi bona
& rem familiarem eorum, qui rebus suis ip-
si superesse nequeunt. L. 20. ff. L. 8. *Cod. de*
nupt. Ex quibus definitionibus patet: I. Tu-
torem primario personæ, secundario tamen
rei; curatorem primario rei, secundario
personæ dari. §. 4. *Inst. qui test. tut. §. 3.*
Inst. de curat. II. Tutelam esse munus publi-
cum: *princ. Inst. de excus. tut.*

* Quæ ad illustrationem hujus definitionis per-
tinent, diximus *ad Inst. (§. CCII. *)*

§. CCLXXXIX.

De tutela hac ita cautum fuerat a Decem-Leges XII.
viris: *Paterfamilias nri legassit super fami-* Tab. de
lia, pecunia tutelare sue rei, ita jus esto tutela.
Bb 2 Ulp.

Ulp. *Fragm. titul. XI. §. 14.* Et paucis interjectis; Si paterfamilias intestato moritur, cui impubes heres esset, agnatus proximus tutelam nancitor. *L. 9. ff. de legit. tyt.* Unde novum axioma III. Tutela Jctis est instar hereditatis.

§. CCXC.

Quinam
tutores recipiant?

Quum itaque tutor primario personæ, secundario rebus detur, (§. CCLXXXVIII. 1) personæ autem, quæ tutorem accipiunt, sint capita libera, quæ se propter ætatem sponte defendere nequeunt; (§. CCLXXXVIII.) consequens est, 1) ut tutorem non, ut olim, feminæ puberes accipiant: Vid. *Antiq. Rom. hoc tit. & Comment. nostr. ad L. Jul. & Pap. II. 11. p. 236. seq.*) sed 2) impuberes masculi & feminæ, *L. 239. pr. ff. de verb. signif. & quidem 3) sui juris, d. L. 239. ff. eod. adeoque 4) nec patrem habentibus, pr. Inst. hoc tit. L. 6. §. ult. ff. hoc tit. nec 5) servis, L. 17. ff. de tut. dat. nec 6) peregrinis tutor detur. Cic. pro Cæcin. cap. XXXII.*

§. CCXCI.

An tutor
& rei detur?

Ex eodem axiomate patet, 7) tutorem personæ dari, quamvis præcipua forte causa dandi tutorem sit actus quidam suscipiendus, veluti aditio hereditatis, *L. 10. pr. ff. de test. tut. L. 17. §. 1. ff. de appell. vel 8) certæ rei, veluti Syriacæ, Africanæ, administratio. L. 15. ff. de test. tut. L. 27. pr. ff. de tut. dat.*

§. CCXCII.

Qui tutores esse possint?

Quumque tutela sit munus publicum, (§. CCLXXXVIII. 2.) consequens est, 1) ut eam suscipere possint & filii familias, (*P. I. §. CL. 1.*) pr. *Instit. qui test. tut. dar. poss.* non autem 2) servi, *L. 22. ff. de test. tut. L. 32. ff. de reg. jur. nisi cum libertate a domino dati, L. 10. §. ult. ff. de test. tutor. §. 1. Instit. qui test. tut. dar. nec 3) impuberes &*
mi-

minores, §. 13. *Inst. hoc tit. nec 4*) mulieres
L. ult. ff. hoc tit. nec 5) milites. *L. 1. Cod.
 locat. L. 4. C. qui dar. tut. nec 6*) Episcopi &
 monachi, immo nec alii clerici, nisi tutores
 fiant legitimi, *L. 52. pr. §. 1. Cod. de Episc.
 & Cler. Nov. CXXIII. cap. 5. 7.*) nec prodigi,
L. 1. ff. de cur. fur. immo nec 8) furiosi,
 mente capti, surdi, muti, *L. 1. §. 2. 3.
 ff. hoc tit. L. 8. ff. de auct. tut. quamvis 9*)
 hi & minores, testamento dati, ipso jure
 tutores sint, & interim curatori credatur ad-
 ministratio. *L. 10. §. 3. ff. de test. tut. L. 10.
 §. 7. ff. de excus.*

§. CCXCIII.

Quum denique tutela JCtis sit instar here-
 ditatis; (§. CCLXXXIX. 3.) consequens est, Tutela
 quotuplex:
 1) ut quemadmodum heres scriptus præfer-
 tur legitimo, extra ordinem autem Prætor
 aliquando bonorum possessionem dat iis, qui
 jure civili heredes non sunt; ita & tutor,
 testamento datus, semper excludat legitimos,
 & si neuter adsit, tutorem dent magistratus,
 quibus ea potestas speciali lege delata est:
 Ut adeo 2) tutela sit vel testamentaria, vel
 legitima, vel dativa. *L. 52. Cod. de Episc.
 & Cleric.*

T I T. II.

De testamentaria tutela.

§. CCXCIV.

Prima tutelæ species est testamentaria (§. De tutela
 CCXCIII. 2.) Ex lege enim priori XII. testamēta-
 ria axio-
 Tab. (§. CCLXXXIX.) fluebant axiomata.
 I. Quisque potest liberis, in potestate sua
 constitutis, & in alterius potestatem, se
 mortuo, non recasuris, testamento, vel co-
 dicil-

dicillis, testamento confirmatis, tutores quoscunque dare. *L. 1. L. 3. ff. hoc tit. §. 3. Inst. de tutor. II.* Ea tutela testamentaria est instar hereditatis, vel certe fideicommissi universalis.

§. CCXCV.

Quibus tutores dari possint? Ex primo axioma sequitur, 1) ut pater tutores recte det liberis suis primi gradus, *L. 1. pr. hoc tit. §. 3. Inst. hoc tit. etiam 2) exhereditatis. L. 4. ff. hoc tit. §. 4. Inst. de pupill. subst. etiam 3) postumis, modo in ea causa sint, ut, si vivis parentibus nascerentur, in eorum potestate nascerentur; (P. I. §. CXXV. 1. 2.) L. 1. §. 1. ff. hoc tit. etiam 4) nepotibus, modo non recasuris in patris potestatem. (§. CCLXXI. 4.) L. 2. §. 2. ff. hoc tit. §. 3. Inst. de tut. Ut nec 5) matris tutores dandi competat, nec 6) pater tutorem emancipato dare possit. *L. 1. pr. ff. hoc tit. 7.)* Ut filiorum filiarumque vocabulo etiam postumi & postumæ; *L. 5. ff. hoc tit. §. ult. Inst. hoc tit. 8)* liberorum & postumorum nomine, etiam nepotes & neptes comprehendantur, non autem vocabulo filiorum vel filiarum. *L. 6. ff. hoc tit.**

§. CCXCVI.

Quidam? Sed & ex eodem axioma recte inferas, 9) tutores dari posse testamento omnes, quibuscum est testamenti factio. *L. 22. ff. hoc tit. quive 10)* capaces sunt munerum publicorum, sive unum, sive plures: adeoque & 11) servos cum libertate datos, (quam datam esse ex tutoris datione intelligitur, (§. CCXCII. 2) *L. 32. §. 2. ff. §. 1. Inst. hoc tit. L. pen. C. de necess. serv. her. inst. etiam 12)* filiosfamilias, (§. CCXCII. 1.) etiam 13) alterius civitatis cives, *L. 32. pr. ff. hoc tit. L. 10. ff. de tutel. & 14)* magistratus, *L. 20. §. 1. ff. hoc tit. immo & 15)* furiosos, 16) mente captos.

ptos, 17) minores, quamvis interea, dum illi resipiscant, hi majorennnes fiant, curator detur a magistratu. L. 10. §. 3. ff. §. 2. *Inst. hoc tit.* L. 10. §. 7. ff. de excus. tut.) Non autem 18) personam incertam, L. 20. ff. *hoc tit.* nec 19) qui se ipse tutorem scripsit. L. 29. ff. *hoc tit.*

§. CCXCVII.

Ex altero axiomaie veteres intulerunt, 1) Quomodo tutorem & testamento dari posse, & codicillis, testamento confirmatis. L. 3. pr. ff. *hoc tit.* L. 1. §. 1. ff. de conf. tut. 2) Eum & pure, & sub conditione, & ex die vel in diem dari posse. L. 8. §. 2. ff. 3. *Instit. hoc tit.* 3) Pendente conditione, vel die nondum veniente, alium dandum a magistratu. L. 11. pr. ff. *hoc tit.* 4) Etiam, quod ad tutelam attinet, neminem posse pro parte testatum, pro parte intestatum decedere. L. 7. ff. de reg. jur. Celeb. Thomaf. Schol. ad Hub. *Prælect. in Inst. hoc tit.* 5) Si semel ad testamentarium devoluta sit tutela, vel ea adhuc spectetur, locum non esse tutelæ legitimæ. L. 11. pr. §. 1. ff. *hoc tit.*

T I T. III.

De confirmando tutore.

§. CCXCVIII.

Confirmare tutorem in jure nostro est, tutorem non recte testamento dato, defectum istum supplere. Quum enim pater liberis suis testamento vel codicillis, testamento confirmatis, tutorem dari possit; (§. CCXCV. 1.) consequens est, ut defectu laboraret tutoris datio, I. si pater tutorem dederit emancipato. II. Si tutorem suis dederit,

Quid confirmatio
& quando ea opus sit?

sed codicillis testamento haud confirmatis .
 III. Si mater liberis institutis , aliufve ex-
 traneus pupillo instituto , tutorem dederit :
 adeoque his casibus omnibus opus esse con-
 firmatione . L. 1. §. 1. L. 3. ff. hoc tit. §. ult.
Inst. de tutel. L. 32. ff. de excus.

§. CCXCIX.

Fit vel cum
 vel sine
 inquisitione .

Quum autem major praesumptio sit , pa-
 trem bene consulere liberis , quam matrem ;
 & magis amare ille censeatur liberos institu-
 tos , quam non institutos : consequens est 1)
 ut sine Inquisitione confirmandus sit tutor , a
 patre liberis emancipatis , vel naturalibus
 institutis , vel codicillis testamento non con-
 firmatis , datus . L. 1. §. 2. ff. de conf. tut.
 §. ult. *Inst. de tutel. 2) cum Inquisitione* au-
 tem (vel , si confirmatio a magistratu minore
 fiat etiam cum satisfactione ,) tutor a matre
 vel a patre naturalibus non institutis datus .
 L. 4. ff. de test. tut. L. 1. §. 2. L. 2. L. 7. ff. h. t.
 L. 4. C. de test. tut. Add. Ampl. V. Corn. van
 Bynkersh. Obs. II. 17.

§. CCC.

Tutores
 confirmati
 manent
 testamen-
 tarii .

Et quia confirmatio supplet defectum tuto-
 ris dationis ; (§. CCXCVIII.) facile patet ,
 tutores hos , a magistratu datos , manere
 testamentarios , nec ideo dativos fieri . L. 3.
 ff. L. 3. C. hoc tit.

§. CCCI.

Ufus ho-
 dierius .

Hodie confirmatio non tam defectum ali-
 quem supplet , quam auctoritatem faculta-
 remque gerendi tutori tribuit . Et hinc mori-
 bus Germanorum omnes tutores , sive testa-
 mentarii , sive legitimi , a magistratu confir-
 mandi sunt . *Recess. Imp. ann. 1510. DXLVIII.*
tit. 31. & ann. MDLXXVII. tit. 32. Idem mori-
 bus Frisiae obtinet , nisi quod ibi legitima
 parentum tutela excipitur . B. Buber. *Prælest.*
ad Pand. Lib. XXVI. tit. IV. §. 4.

T I T. IV.

De legitimis tutoribus.

§. CCCII.

Quandoquidem tutela Jctis est instar hereditatis, (§. CCLXXXIX. 3.) herede autem instituto deficiente, succedit *legitimus*: hinc & tutela, si pater omnino, vel certe quoad tutelam, intestatus decessit, §. 2. *Inst. hoc tit.* defertur proximis heredibus legitimis. Unde axiomata: I. Ubi successio- nis est emolumentum, ibi & tutelæ onus esse debet. §. *unic. Instit. de legit. patr. tut. L. 73. princ. ff. de reg. jur.* II. Non tamen admittuntur heredes, nisi qui idonei sunt obeundo muneri publico. (§. CCXCII. & CCXCVI. 9.)

Legitimæ
tutelæ fū-
damentū.

§. CCCIII.

Quum itaque, ubi successio- nis est emolumentum, ibi & tutelæ onus esse debeat, (§. CCCII. 1.) sequitur, 1) ut, quum lex XII. Tab. tantum proximos agnatos & gentiles ad hereditatem vocaret, Ulpian. *Frag. tit. XXVI. §. 1.* hi etiam soli jure veteri essent tutores legitimi, *L. 1. pr. L. 5. pr. L. 6. ff. hoc tit.* non cognati. * 2) Ut proximi excludant remotiores, & 3) plures ejusdem gradus simul admittantur. *L. 9. ff. hoc tit. §. ult. Inst. de cap. dem. 4)* Ut tamen, mutato illo succedendi jure, Nov. CXVIII. c. 4. etiam cognati ad tutelam legitimam vocandi sint. d. Nov. CXVIII. cap. 5.

Legitima
tutela a-
gnatorum?

* Discrimen inter Agnatos & Cognatos, illosque vel stricte dictos vel Gentiles alibi ostendimus. (*Inst. §. CCXX. **)

§. CCCIV.

Matris & avia. Ex altero axioma sequitur, 1) ut cognati nec hodie admittantur, nisi masculi & majores, L. 1. §. 1. ff. hoc tit. §. un. Inst. de legit. patr. tut. L. ult. Cod. hoc tit. exceptis tamen 2) Matre & Avia, quæ ex Novell. CXVIII. cap. 5. omnibus, etiam avo paterno, in tutela legitima liberorum & nepotum præferuntur, modo renuntient secundis nuptiis & Scto Vellejano.

§. CCCV.

Patrono- Deinde ex prior axioma sequitur, 1) tum. ut, quia Patronus liberto instar patris, & proximi agnati erat, (P. I. §. CXL.) is quoque, vel, eo jam mortuo, ejus liberi heredes sint libertis sine liberis mortuis. Ulp. Fragm. XXIX. 1. L. 23. §. 1. ff. de bon. libert. pr. Inst. de success. liberi. Adeoque 2) iidem etiam, si obeundo muneri publico idonei sint, (§. CCXCII.) ad tutelam liberorum vocentur. L. 3. pr. ff. hoc tit. §. un. Inst. de legit. patr. tut.

§. CCCVI.

Pateruum. Quumque patronus ad tutelam admittendus sit; (§. CCCV. 2.) Pater autem, emancipans filium, & interposita fiducia tertium manumittens, jura patronatus in eo retineret; (P. I. §. CLXXIX. 3.) consequens erat, 1) ut & pater tutor esset filii impuberis, quem emancipaverat. §. unic. Inst. de leg. patr. tut. L. 3. §. ult. h. r.

§. CCCVII.

Fiducia- Denique sicuti, patrono mortuo, ejus filii tutelam suscipiebant; (§. CCCV. 2.) ita &, patre emancipante mortuo, filii emancipati impuberis tutela legitima deferabatur fratri justæ ætatis. §. unic. Inst. de fid. tut. L. 4. ff. de legit. tut. Quam tutelam Justinianus fiduciariam vocat, quum Ulpiano

Frag-

Fragment. XI. §. tutela fiduciaria fit tutela parentum.

§. CCCVIII.

Sed legitima patronorum, parentum, & ^{Ufus ho-} fiduciaria tutela hodie extra usum est. ^{diarius.} Cognatorum etiamnum obtinet. In feudis hodie quoque agnati excludunt cognatos, & si feuda individua sint, natu major præfertur, quod in Saxonia indistincte observatur. Carpz. Part. II. Const. XI. def. 15. n. 1.

T I T. V.

De tutoribus & curatoribus, datis ab his, qui jus dandi habent: & qui, & in quibus causis, specialiter dari possunt?

§. CCCIX.

Deficiente vel impedita tutela testamentaria, (§. CCXCVII. 5.) itemque legitimo non existente tutore, tutorem dat magistratus, cui id jus speciali lege concessum est. (§. CCXCH. 1.) De ea tutela notanda axiomata: I. Tutor hic ex lege a magistratu datur. II. Datur in subsidium, deficiente testamentario & legitimo. III. Tutoris datio est actus legitimus. L. 77. ff. de regul. jur.

De tutela
dativa a-
xiomata.

§. CCCX.

Quum itaque ex lege detur; (§. CCCIX. 1.) consequens est, 1) ut nullus magistratum tutorem dare possit, nisi cui speciali lege id sit concessum. L. 6. §. 2. de tutel. 2) Ut ea facultas tutorem dandi non possit mandari, uti aliæ partes jurisdictionis. (P. I. §. CCLIII. 3.) L. 8. pr. ff. hoc tit. L. 1. pr. ff. de offic. ejus, cui mand. jurisd. Quibus legibus

Facultas
tutores
dandi a
de sit?

gibus non obstat L. 15. ff. de off. procons. (Vid. Inst. §. CCXLIII. *)

§. CCCXI.

Quibus
olim sin-
gularibus
legibus da-
ta sit:

Quia vero speciali lege opus est magistratui, daturus tutorem, (§. CCCIX. r) hinc I. anno U. C. CDXLIII. lata lex *Atilia* & L. *Atilio Regulo*, Tribuno plebis, (Liv. IX. 30.) cautumque, ut prætor urbanus tutores daret eum maiore parte tribunorum plebis, (*Instit.* §. CCXLII. *) *princ. Inst. de Atilio*. Deinde, quum eandem potestatem moribus sibi vindicassent Prætores Siciliæ: *Excerpt. Peiresc.* p. 397. postea II. lata est lex *Julia & Titia*, Augusto III. & M. Titio Cons. anno U. C. DCCXXVIII. eaque cautum, ut & in reliquis provinciis tutores a Præsidibus darentur. *pr. Inst. hoc tit.* Hinc porro III. a *Claudio* Imp. Cons. iussu sunt extra ordinem tutores cum inquisitione dare. §. 3. *Instit. eod. Suet. Claud. cap. XXIII. Plin. Epist. IX. 13.* Postea IV. sub M. *Antonino* invaluit, ut singularis Prætor tutelaris hanc curam ex constitutione Imp. susciperet. d. §. 2. *Instit. eod. Jul. Capit. Marc. X.* Ex eo V. Romanæ Præfectus urbi & Prætor secundum suam quisque jurisdictionem, in Provinciis Præsides, & Procons. nec non harum Legati ex oratione *Marci* Imp. (P. I. §. CXXV.) vel magistratus municipales, si non adeo magnæ essent pupilli facultates, tutores dederunt. §. 4. *Inst. L. 1. princ. §. 1. L. 3. L. 19. princ. §. 1. ff. hoc tit.* Denique VI. *Justinianus* & *Juridico Alex.* & magistratibus municipalibus id indulxit, ut, si facultates pupilli D. solidos non excederent, adhibito loci Episcopo, etiam non expectata Præsidis iussione, tutores darent. §. 5. *Instit. de Atil. tut. L. 30. Cod. de Episc. aud.*

§. CCCXII.

§. CCCXII.

Ex eodem axioma, &, quod tutor non rei sed personæ primario datur, (§. CC-LXXXVIII. 1.) inferendum, 1) tutorem dare magistratum domicili, non eum, sub quo bona sita sunt, nisi maxima horum pars alibi sita sit. *L. unic. C. ubi pos. tut. vel cur. L. 7. ff. hoc tit.* 2) Tunc nihil interesse, præsentibus sint pupilli aut absentes, siue sciant & consentiant, siue ignorent & nolint. *Leg. 5. L. 6. ff. hoc tit.* 3) Tutorem dandum esse a maioribus magistratibus, præmissa inquisitione in mores & facultates tutoris; *L. 21. §. 5. 6. ff. hoc tit. a minoribus cum satisfactione pr. §. ult. Instit. de satisf. tut.*

§. CCCXIII.

Porro inde liquet, 4) magistratum dare posse omnes jurisdictioni suæ subjectos, *L. 1. §. ult. L. 3. L. 24. L. 27. hoc tit.* etiam 5) absentes, *L. 5. ff. hoc tit.* immo & 6) collegas, modo se non excusent: *L. 19. §. 1. hoc tit. L. 3. ff. qui per. tut. L. 13. §. 4. ff. ad Scetus Treb.* non autem 7) se ipsum, *L. 4. ff. hoc tit.* nec 8) eum, qui a parentibus prohibitus est. *L. 21. §. 2. ff. hoc tit.* 9) Si in qua civitate desint personæ idoneæ, magistratum posse inquirere in honestissimum quemque, & nomina Præsidi mittere, non tamen arbitrium dandi sibi vindicare. *L. 24. ff. hoc titul.*

§. CCCXIV.

Quum porro detur hic tutor in subsidium; (§. CCCIX. 2.) consequens est, 1) ut huic tutelæ locus sit, si nec testamentarius, nec legitimus existeret; *pr. Instit. hoc tit.* itemque 2) si tutela testamentaria vel impeditur, & adhuc speratur, (§. CCXCVII. 5.) vel 3) finitur morte, excusatione vel remotione tutoris, (§. CCCXLV. 1. §. CCCLXVIII. 5. 6.) *L. 11.*

6.) L. II. pr. §. 1. 2. ff. de res. tut. necnon
 4) si hereditas nomine pupilli adeunda, L. 9.
 ff. hoc tit. vel 5) si tutores ab hoste sint cap-
 ti, vel absint, vel appellaverint, L. 2. ff.
 §. 2. Inst. hoc tit.

§. CCCXV.

Tutoris
 Datio actus
 legitimus. Denique quum tutoris datio sit actus le-
 gitimus, (§. CCCIX. 3.) & simul voluntaria
 jurisdictionis: (P.I. §. CCXLIX. seq.) facile
 reddi poterat ratio, 1) cur magistratus qui-
 dem omni tempore & loco tutorem dare pos-
 sit, L. 8. §. 2. ff. hoc tit. L. 3. §. 3. ff. de
 tut. non tamen 2) sub conditione, nec in
 diem vel ex die (P. I. §. XXXV. 1. 2.) L. 7.
 §. 1. ff. de tut. L. 77. ff. de reg. jur. quum
 3) hæc omnia aliter se habeant in tutela
 testamentaria. (§. CCCIV. 2.)

§. CCCXVI.

Ufus ho-
 diernus. Hodie tutoris dationem ad ordinariam ju-
 risdictionem pertinere, omnibusque compe-
 tere magistratibus, quibus civilis est jurisdi-
 ctio, jam alio loco monuimus, (Institut. §.
 CCXLVI.) ostendimusque, magistratibus no-
 stris jus etiam esse prætereundi vel non con-
 firmandi tutores testamentarios & legitimos,
 si id e re pupilli fore existiment. Schilt.
 Exerc. XXXVII. 46. Zypæ. Not. Belg. titulu-
 de tut. Statut. Fris. l. 7. 1.

T I T. VI.

Qui petant tutores & curatores, & ubi
 petantur?

§. CCCXVII.

Qui petant
 tutores?

Q Uum ex lege Atilia & Julia Titia tuto-
 res darent Prætores & Præfides provin-
 ciarum; (§. CCCXI. 1.) omnino opus
 erat,

erat, ut tutores peterentur, id est, nominatim commendarentur idonei. Noodt. in *Comment. Pand. hoc tit.* Id vero faciebant quidam ex officio magis, quidam ex necessitate, vel legis, vel causæ. Ex officio tutores petebant, cognati, affines, familiares, amici; ex necessitate legis mater, cognati, qui proximi heredes, & liberti, L. 2. pr. §. 1. ff. *hoc tit.* Ex necessitate causæ, creditores, adversus pupillum acturi. L. 2. §. 3. ff. *hoc tit.* L. 1. L. 4. *Cod. eod.*

§. CCCXVIII.

Et libertus quidem, negligentia ideo accusatus, apud Præsidem tanquam inofficiosus emendatur, d. L. 2. §. 1. ff. *hoc tit.* Mater & cognati, qui hereditatem spectant, spe hereditatis legitimæ privantur. L. 2. §. 1. ff. *hoc tit.* L. 10. C. de legat. hered.

Pœna eorum, qui non petunt.

§. CCCXIX.

Petere autem tutores tenebatur mater intra annum: §. ult. *Inst. de Scro Tertull.* (quod ex lege esse dicitur in d. L. 10. *Cod. de legit. her.* vel potius ex legibus in *Novell. Theod. de tut.* puta ex legibus Atilia & Julia Titia, uti recte suspicatur Em. Merrill. *Obs. I.* 37.) Mortuo enim marito, liberi intra annum luctus a matrum complexu non divellebantur, eoque pertinent illa Horatii *Epist. I.* 1.

Quomodo tutor petendus?

Ut piger annus

Pupillis, quos dura premit custodia matris.

§. CCCXX.

Quum itaque mater & cognati necessario petere teneantur; (§. CCCXVII.) consequens est, 1) ut ob eandem pietatis rationem & avia teneatur. Leg. 2. §. 28. 30. 31. ff. *ad Scrus Tert. 2.* 2) Ut debeant idoneum pete-

Quando pœna digna censetur matris & cognatorum negligentia?

petere, adeoque 3) non talem, qui excusari potest, d. L. 2. §. 32. seq. eod. L. 1. §. 1. ff. hoc tit. nec 4) parum locupletem. L. 2. §. 37. ad SCtus Terr. 5) Ut tutoribus prioribus excusatis vel rejectis, confestim, & ubi primum potuit, aliorum nomina dare debeant, d. L. 2. §. 38. seq. eod. L. 2. §. 1. ff. hoc tit. 6) Ut & confirmationem tutorum non recte datorum (§. CCXCVIII. 3) petere teneantur. Leg. 4. pr. ff. hoc tit.

§. CCCXXI.

Quomodo an nus cō- putandus? Quinque intra annum petendus sit tutor; (§. CCCXIX.) consequens est, 1) ut viduæ annus currat a die mortis: 2) cognatis proximis a fine anni, intra quem vidua petere debuisset. Brunnem. ad L. 10. Cod. de legit. hered.

§. CCCXXII.

Pœna ip̃a. Quia porro pupillorum legitima hereditate privantur, qui justo tempore non petunt; (§. CCCXVIII.) sequitur, 1) ut eis non denegetur fideicommissum, quod ex patris iudicio descendit. L. 4. §. 3. ff. hoc tit. 2) Ut, matre exclusa, admittantur proximi, qui venissent, si mater non fuisset. Leg. 2. §. ult. ff. ad SCtus Terr. 3) Ut cesset hæc pœna, quoties cessat dolus, veluti a) si egenis liberis tutores non petierit, L. 2. §. 26. 45. ff. ad SCtus Terr. β) si mater, remissa satisfactio, heres a viro instituta rogataque sit, ut hereditatem filio puberi restitueret, d. L. 2. §. 46. eod. γ) si mater ipsa sit minorrennis, L. 2. C. si utr. delict. δ) si filius, pubes factus, matrem testamento non exclusit. L. 3. C. ad SCtus Terr.

§. CCCXXIII.

Usus ho-
diernus.

Sed quum hodie negligentia matris in petendo tutore inter exheredationis causas non sit, quas Justinianus Imperat. Novell. CXV.

cap. 4.

cap. 4. expressit: non absurda est eorum sententia, qui hodie hoc casu pœnam cessare contendunt, ubi pupillus ad pubertatem pervenerit, nisi legibus ac statutis diserte firmata sit.

T I T. VII.

De administratione & periculo tutorum & curatorum, qui gesserint, vel non, & de agentibus: vel conveniendis uno vel pluribus.

§. CCCXXIV.

Tutela, vel curatio demandata, & suscipienda recte, & administranda est. I. Suscipitur recte tutela, si pupillo satis cautum prospectum sit. II. Administratur rite, si tutor primario personæ, & secundum hanc etiam bonorum curam gerat. (§. CCLXXXVIII. 1.) Nam III. & horum ratione domini loco est, quum tutelam administrat, non quum pupillum spoliat. Leg. 7. §. 3. ff. pro empt.

Tutoris
officium 3

§. CCCXXV.

Quum itaque recte suscipiatur tutela, quando cautum est pupillo; (§. CCCXXIV. 1.) facile reddideris rationem, 1) cur jura nostra a tutoribus exigant I. iusjurandum, arg. Auth. Quod nunc C. de cur. furios. 2.) Cur eadem II. satisfacere jubeant, in quoscunque aliqua cadit suspicio. (Inst. §. CCLXXX.) pr. Instit. de satisf. tut. Leg. 1. ff. rem pup. salv. for. l. 1. Cod. de tut. & cur. qui satis non deder. 3) Cur, eo non præstito, quidquid ab iis actum, nullius momenti sit. Leg. 3. Leg. 5. C. eod. immo 4) ipsi tutores tanquam suspecti removeri possint. Leg. 2. Cod.

Quæ tutor
in tutela
suscipien-
da tenea-
tur præ-
stare ?

Cod. cod. 5.) Cur III. inventarium bonorum pupilli, presentibus personis publicis, conficere teneantur. *Leg. 7. pr. ff. L. 24. C. hoc tit. L. ult. §. 1. Cod. arbit. tut. 6.)* Cur eo non confecto idem obtineat, quod non praestita cautione obtinere diximus, (*§. hoc num. 3.)* *L. 7. pr. ff. hoc tit. L. ult. §. 1. C. arbit. tut. & praeterea 7)* contra tutorem in litem jurari possit, *Leg. 3. princ. ff. hoc titul. nisi ex iusta causa ipsiusque pupilli bono confectum non sit. **

* Talis est iusta causa, si ipse pater veritus, ne secreta patrimonii pandantur, repertorium fieri prohibuerit, *arg. L. 2. Cod. de alim. pup. praest. L. ult. §. 1. Cod. de arbit. tutel.* Quo casu tamen quaedam bonorum descriptio facienda, nec liberatur tutor a reddendis rationibus, si vel maxime pater eum iusserit esse ἀνελόγιον. Nec a dolo praestando immunis est. *L. 5. §. 7. ff. h. t.*

§. CCCXXVI.

Cui inter
plures tu-
tores ad-
ministratio
defe-
ratur?

Suscepta hoc modo tutela & admini-
stranda est. Quinque plures aliquando tu-
tores vel a testatore (*§. CCXCVI. 9.)* vel
a lege (*§. CCCIII. 3.)* vocentur, & raro
e re pupilli sit, tutelam per plures spargi;
L. 3. §. 6. ff. hoc titul. non abs re cautum,
1) ut, si quidem omnes administrare & tu-
telam dividere malint, audiendi sint. *L. 3.*
§. pen. & ult. L. 4. ff. hoc tit. 2.) Sin divi-
sio non placeat is praefendus, qui reliquis
satis offerat, vel 3) nemine satis offerente,
is, cui a testatore administratio commissa,
4) vel, si nec id adscriptum, is, quem ma-
ior pars elegerit. 5) Dissidentibus denique
tutoribus, praetor partes interponere debeat.
*§. 1. Inst. de satisf. tut. Leg. 3. §. 7. ff. hoc
tit. L. 19. §. 1. ff. de test. tut.*

§. CCCXXVII.

§. CCCXXVII.

Quum vero tutor primario personæ curam gerere debeat; (§. CCCXXIV. 2.) facile patet, tutoris esse, 1) pupillum non indefensum relinquere, L. 1. §. 2. 3. Leg. 9. §. 6. L. 30. ff. hoc tit. L. 6. L. 11. L. 28. C. hoc tit. 2) eundem bene educandum, & 3) pro dignitate familiæ modoque facultatum, bonis artibus moribusque imbuendum curare, L. 12. §. 3. ff. hoc tit. L. 3. §. 5. L. 4. ff. ubi pupill. educ. deb. ac denique 4) in negotiis, quæ a pupillo geruntur, interponere auctoritatem, L. 17. ff. de auct. tutor.

§. CCCXXVIII.

Quumque secundo tutor & bonorum curam gerere debeat; (§. CCCXXIV. 2.) consequens est, 1) ut eum officio boni viri patrisque familias fungi oporteat, L. 10. L. 33. pr. ff. hoc tit. Nov. CXXII. cap. ult. adeoque & 2) culpam levem, non tamen culpam levissimam vel casum præstare, L. 23. princ. ff. de reg. jur. L. 7. Cod. de auct. tut. L. 4. Cod. de peric. tut.

§. CCCXXIX.

Denique quum in administratione tutelæ, non autem si spoliare velit pupillum, pro domino habeatur tutor; (§. CCCXXIV. 3.) consequens est, 1) ut possit quidem res sanctas conservare, L. 22. C. hoc tit. 2) fructus aliaque tempore deperitura, vendere, L. 7. §. 1. ff. hoc tit. 3) debita pupillaria solvere. Leg. 9. §. 1. 5. L. 13. §. 2. ff. hoc tit. 4) necessarias impensas facere, L. 12. §. 2. L. 32. §. 6. 7. ff. hoc tit. veluti mercedes præceptoribus solvere, alimenta servis libertisque præstare, solemnia munera parentibus & cognatis mittere, L. 12. §. 3. ff. hoc tit. non autem 5) pecuniam pupillarem sine usu-
ris.

ris gravissimis, (§. XCIII. *) id est, centesimis in usus suos convertere, L. 7. §. 4. *seqq.* L. 54. ff. *hoc tit.* Leg. 1. C. de *usur. pupill.* nec 6) donare, Leg. 22. ff. *hoc tit.* 13. §. 2. *eod.* vel dotem sorori pupilli uterinæ dare, L. 12. §. 3. ff. *hoc tit.* vel 8) temere alienare. Leg. 1. pr. ff. de *reb. eor. qui sub tut. vel cur. sunt.*

§. CCCXXX.

Quid de- Ex eodem patet, 9) tutorem teneri redi-
beat face- tus pupillares recipere, Leg. 32. §. 1. 2. ff.
re? *hoc tit.* 10) debita exigere, L. 15. ff. L. 46.
§. ult. *hoc tit.* 11) pecunias in emptionem
prædiorum, vel sub usuris, collocare, L. 3.
§. 2. L. 5. L. 13. §. 1. L. 15. ff. L. 24. *Cod.*
hoc tit. adeo, ut 12) si id non facias, imple
usuras præstare teneatur, aut extra ordinem
coerceatur, L. 7. §. 3. L. 15. L. 58. §. 3. ff.
hoc tit. Leg. 3. C. de *usur. pupill.* nisi copiam
emendi vel fœnori locandi non fuerit, quod
præsumitur, nisi suam pecuniam eo tempore
bene collocasse arguatur. L. 13. §. 1. ff. *hoc*
tit. Quod tamen mitigatum per Nov. LXXII.
cap. 6. *seq.*

§. CCCXXXI.

Usus ho- Omnia hæc etiamnum exiguntur a tuto-
diernus. ribus, nec est, quod hic addamus, nisi quod
mores & leges publicæ in suscipienda tute-
la, præter iusjurandum, satisfactionem & re-
pertorium, etiam exigant confirmationem
magistratus. (§. CCCI.) *Recess. Imperat. de*
ann. MDXLVIII. titul. & ann. MDLXVII.
tit. 32. Quamvis duo priora requisita hodie
passim omittantur, & satis cautum esse pu-
tetur pupillo tacito pignore, quod in bonis
tutoris ei leges indulgent. (§. XXII. 6.)

TIT. VIII.

De auctoritate & consensu tutorum
& curatorum.

§. CCCXXXII.

Quum tutoris sit etiam, *Auctoritatem* interponere in negotiis pupillaribus; (§. CCCXXVII. 4.) de ea hoc titulo agitur. Nimirum quia impuberes sunt vel infantes ad annum usque septimum, vel infantia majores; (P. I. §. CXXIX.) utraque quidem ætas imperfecta censebatur, at imperfectior tamen infantis, quam infantia majoris. In illum tutori erat *Vis*; in hunc *Potestas*. (*Inst.* §. CCIII.)

Cur tutoris requiratur auctoritas?

§. CCCXXXIII.

Hinc colligebant, infantem nihil agere posse, sed omnia pro illo explicare tutorem; L. 1. §. 2. ff. de adm. tut. l. 9. ff. de acq. her. majorem autem infantia ipsum agere posse, modo auctor fiat tutor, L. 9. ff. de acq. her. L. 32. §. 2. ff. L. 3. Cod. de acquir. poss. id est, modo, quod pupilli personæ ob lubricum ætatis deesse videtur, ad stipulationem suam vel consensu suppleat. * d. Leg. 32. §. 2. ff. de acq. poss. Unde *Auctoritas* tutoris est actus legitimus, quo tutor id, quod pupillus infantia major, gerit, (§. CCCXXXII.) & ex quo deterior ejus conditio fieri posset, solemniter approbat.

Quid sit?

* Et hinc intelligimus, quomodo *Auctor* ab augendo nomen acceperit, quod *augeret*, uti ait Charisius lib. I. Dubitat Voss. in Etymol. pag. 63. qui modo ab *aveo*, modo ab antiquo *augo* hoc vocabulum accessit, nec derivationi Cha-

Charisi notionem vocabuli convenire putat. At Ictos tamen hanc augendi notionem voci auctoritas subiecisse, satis manifestum est ex verbis Paulli: *Nam iudicium infantis suppletur auctoritate tutoris. Leg. 32. §. 2. de acq. vel amit. poss.*

§. CCCXXXIV.

De ea axiomata? Ponimus itaque, I. auctoritatem esse actum legitimum. (P. I. §. XXXV.) II. Pupillum quidem posse & sine tutoris auctoritate meliorem reddere conditionem, non autem deteriore, *pr. Inst. L. 6. pr. ff. hoc tit.* nisi solemnis actus sit explicandus. *L. 19. ff. de auct. tut.* III. Tutoris auctoritate suppleri infirmum pupilli iudicium.

§. CCCXXXV.

Quomodo interponenda? Quum itaque auctoritas sit actus legitimus, (§. CCCXXXIV. 1.) consequens est, 1) ut tutor debeat auctor fieri praesens, 2) volens & sciens quid agatur, *Leg. 1. §. 1. L. 14. ff. hoc tit.* 3) in ipso negotio, *L. 25. §. 4. de acq. her.* (quam interpretati sumus *Inst. §. CCL.**) 4) pure. *L. 8. ff. hoc tit.* 5) Ut nec sub conditione, nec 6) post tempus, nec 7) per epistolam, vel per internuntium, interponi possit auctoritas, *d. L. 8. L. 9. §. 5. ff. hoc tit. §. 2. Inst. hoc tit.* 8) Ut tutor ad interponendam auctoritatem cogi nequeat. *L. 17. ff. hoc tit.*

§. CCCXXXVI.

In quibus negotiis ea opus sit? Ex altero axioma (§. CCCXXXIV. 2.) fuit, 1) pupillum, & inscio tutore, sibi posse stipulari, *L. 9. princ. ff. hoc tit.* donationem vel acceptilationem recipere, *Leg. 2. ff. de acceptil.* & ex quocunque titulo lucrativo acquirere, *L. 11. ff. de acq. vel amit. poss.* non autem 2) promittere, donare, alienare,

nare, remittere, vel alio modo se obligare civiliter. L. 5. §. 1. L. 9. pr. hoc tit. L. 8. ff. de acq. vel omitt. her. 3.) Contractus, cum pupillis infcio tutore initos, obligare quidem eos, qui cum pupillis contraxerunt, non autem ipsos pupillos. L. 13. §. 29. ff. de actor. empt. pr. Instit. hoc tit. 4) Tamen & pupillum obligari, si re inita obligatio, & locupletior ipse factus sit. L. 1. pr. L. 5. §. 1. ff. hoc tit. L. 46. ff. de oblig. & act.

§. CCCXXXVII.

Nec difficile erit, ex eodem axioma red-
dere rationem, cur 5) pupillus hæreditatem,
etiam lucrosam, sine tutoris auctoritate, ad-
ire nequeat. L. 9. §. 3. ff. hoc tit. §. 1. Institur.
& Theophil. d. §. 1. ff. hoc tit. Nam adeundo
hereditatem & quasi contrahit cum legata-
riis & fideicommissariis, Leg. 8. princ. ff. de
oblig. & act. & aditio hereditatis ob crea-
tionis ambages erat actus solemnus. (P. I.
§. XXXV. 5.) Vid. Antiq. nostr. Rom. Lib. II.
tit. 17. §. 15.

§. CCCXXXVIII.

Denique quum auctoritate tutoris iudicium
pupilli suppleatur; (§. CCCXXXIV. 3.) con-
sequens est, 1) ut tutor auctor in rem suam
vel patris fieri, §. 3. Instit. L. 1. princ. L. 7. pr.
§. 2. ff. hoc tit. adeoque & 2) emere a pu-
pillo non possit, Leg. 34. §. 7. de contr. empr.
nisi 3) palam & bona & fide, veluti in au-
ctione publica; L. 5. Cod. eod. vel auctore con-
tutore gerente. L. 5. pr. ff. hoc tit. 4) Ut, tu-
tore cum pupillo acturo, dandus sit curator,
Novell. LXXII. cap. 2. (olim tutor pratorius,
Ulp. Frag. XI. §. 23. §. 3. Institur. hoc tit.)
quamvis id ob ejuldem Nov. LXXII. cap. 1.
2. 4. & Novell. XCIV. sanctionem rarius con-
tingere possit. 5) Ut auctoritatem interpo-
nat, qui gerit, Leg. 4. Leg. 6. ff. hoc tit. &

Cur pu-
pillus adi-
re heredi-
tatem non
possit?

Tutor an
auctor
possit fieri
in rem
suam? &
quis au-
ctor fiat?

6) si plures gerant, nihil interfit, siue omnes, siue unus, interponant auctoritatem: L. 4. L. 5. pr. L. 7. §. 1. ff. L. ult. Cod. hoc tit. nisi in arrogationem se dare velit pupillus. L. ult. C. hoc tit. 7) Ut in acquirendo sufficiat tutoris honorarii auctoritas, L. 49. ff. de acq. her. non in alienando. L. 4. ff. h. t. §. CCCXXXIX.

Quid curatorum
consensus?

Nec minus ex hoc axioma recte inferes, 8) curatorem auctorem non fieri. Quia enim perfecta est ætas adulti non opus est, ut personæ defectus suppleatur. Quia tamen curator rebus datur, consensum interponit in negotiis, quæ ad bona minoris, rubr. ff. hoc tit. & L. 26. fin. Cod. de admin. tut. non in negotiis, quæ ad ejus personam primario pertinent. (§. CLI. 5. *)

§. CCCXL.

Ufus ho-
diernus.

Ceterum hodie nec actus legitimus habetur auctoritas tutoris, nec inter hanc & curatoris consensum quidquam superest discriminis. Immo plerumque & tutores & curatores majoris momenti ipsi explicant, neque saepe interesse negotiis videas pupillos & minores, nisi forte majorennitati propiores. (Inst. §. CCLVI.)

T I T. IX.

Quando ex facto tutoris vel curatoris minores
agere vel conveniri possunt.

§. CCCXLI.

Fundamē-
tum hujus
tituli.

Quum tutor & nomine pupilli gerat, & quoties auctoritatem interponit, id tantum, quod in persona pupilli deesse videtur, suppleat; facile patet, pupillum & tutorem catenus veluti unam personam esse, adeo-

Quando ex fact. &c. Pars IV. 601
adeoque pupillum ex facto tutoris licito, &
ad administrationem tutelæ pertinente, &
agere & conveniri posse. L. 7. ff. hoc tit. L.
ult. C. hoc tit.

§. CCCXLII.

Quum itaque pupillus agere possit ex fa-
cto tutoris licito; (§. CCCXLI.) conse-
quens est, 1) ut actio huic competat ex
omni contractu, a tutore inito, & omni pa-
cto obligatorio, Leg. 2. ff. Leg. 4. C. hoc tit.
L. 5. §. 9. ff. de pec. const. 2) Ut hæc actio
sit utilis, non directa, d. L. 2. L. 4. 3) Ut, si
tutor egerit & vicerit, pupillus habeat actio-
nem judicati. L. 6. ff. h. t. 4) Ut tutoris dolus
pupillo nullo modo profit. L. 3. ff. h. t.

Pupillus
ex facto
tutoris
agens.

§. CCCXLIII.

Quumque ex simili facto conveniri etiam
possit pupillus; (§. CCCXLI.) sequitur, 1)
ut non modo ex omni contractu & pacto
obligatorio tutoris adversus pupillum agi pos-
sit, L. 2. Cod. L. 5. §. 1. L. ult. ff. hoc tit.
verum etiam 2) ex judicato non adversus
tutorem, L. 1. C. hoc tit. L. 26. fin. Cod. de
adm. tut. sed adversus ipsum pupillum agen-
dum sit. L. 5. L. 7. ff. L. 1. C. hoc tit. L. 4.
§. 1. ff. de re jud. 3) Ut dolus tutoris pu-
pillo non noceat, L. 4. ff. hoc tit. & si ex
dolo tutoris, in administratione admissio, pu-
pillus factus sit locupletior, vel rem a tuto-
re servare possit. L. 1. L. 3. ff. h. t.

Ex ejus-
dem facto
conven-
tus.

§. CCCXLIV.

Ceterum hæc omnia intelligenda 1) de ca-
su, ubi, jam finita tutela, agendum est. Con-
stante enim tutela, & tutor convenitur &
agit, quamvis de suo non solvere cogatur.
L. 5. princ. ff. hoc tit. 2.) Salvo pupillo be-
neficio restitutionis in integrum, si læsus
sit. (P. I. §. CDXCIII.) 3) De rebus, ad
administrationem tutelæ pertinentibus. Unde
Hein. Pand. T. I. Cc quod

Limitatio-
nes hujus
juris.

quod suo nomine fecit tutor, veluti si pro pupillo fideiussit, non pupillum, sed ipsum tuterem obligat.

T I T. X.

De suspectis tutoribus & curatoribus.

§. CCCXLV.

Tutela 6-
n-tur mor-
te naturali
ex civili.

EX haecenus dictis facile intelligitur, quibus modis tutela finiatur. Ex ipsa enim tutelae definitione & fine consequitur, ut 1) finiatur I. *Morte* vel tutoris vel pupilli, §. 3. *Instit. quib. mod. tut. fin.* adeoque 2) nulla tutela, ac ne legitima quidem, proprie ad heredes, tanquam ad heredes, transeat. (*Instit. §. CCLVIII.*) *Leg. 16. §. 1. ff. de tut. L. 46. ff. fam. enc. 3*) Ut finiatur II. *capitis deminutione*, & quidem pupilli quacunq; tutoris autem maxima & media. (*Instit. §. CCLIX.*) §. 3. 4. *Instit. eod. L. 14. §. 2. de tutel.*

§. CCCLVI.

Ex eadem definitione per se patet; 4) exspirare tutelam III. *pubertate*, (P. I. §. CXXIX.) & quidem 5.) ipso jure, quamvis 6) ex constitutione D. Marci non recipiant adolescentes rerum suarum administrationem, nisi constitutis curatoribus. (*Instit. §. CCLXXI. seq.*) *L. 33. §. 1. ff. de administ. & peric. tut. L. 5. §. 5. ff. eod.*

§. CCCXLVII.

Testamen-
taria & ex
sistente
conditione
vel die.

Quumque tutela testamentaria id singulare habeat, ut testator & sub conditione, & in diem tutorem dare possit: (§. CCXCVII. 2.) facile quoque reddi potest ratio, cur IV. haec tutela *exsistente conditione vel tempore*

De suspectis tut. & cur. Pars IV. 603
pore expiret. L. 14. §. 3. 5. ff. de tut. §. 2. 5.
Instit. quib. mod. tut. fin.

§. CCCXLVIII.

Denique quod V. Remotione suspecti tuto- Finitur
ris tutela, curatoris curatio, finitur, ex eo tutela &
est, quod uterque ad omnem fidem & dili- remotione
gentiam obstrictus est. (§. CCCLVIII. 1. & excusa-
sequent.) Quod autem & VI. excusatione ex- tione.
spirat, id inde est, quod tutela est munus
publicum. (§. CCLXXXVIII. 2.) Hinc de
suspectis tutoribus & curatoribus hoc; de
excusatione eorundem sequente titulo agitur.

§. CCCXLIX.

Suspecti vocantur tutores, & curatores, Quis tutor
qui vel non ex fide gerunt, sive dolo sus-
pectus,
lo, sive culpa & negligentia non satisfac- & de eo
ciant officio, vel moribus suspicionem mo- axiomata
vent, licet alioquin solvendo sint. §. 5. §. ult.
Instit. hoc tit. L. 8. ff. eod. Ex quo axiomata
fluunt; I. Suspectus est, quicumque vel do-
lum vel negligentiam suam prodit. II. Su-
spectus merito removetur, vel, si quid tri-
stius admiserit, severius plectitur. Quum
reipubl. interfit, rem pupillis salvam esse;
non abs re visum est Romanis, III. tutoris
suspecti accusationem, non quidem ratione
objecti & finis, sed ratione formæ esse quasi
publicam, §. 3. Instit. Leg. 1. §. 6. ff. hoc
titul.

§. CCCL.

Quum ita suspectus sit, qui dolum vel ne- Qui accu-
gligentiam suam prodit; (§. CCCXLIX. 1) sari pos-
consequens est, 1) ut sola paupertas nemi- sunt?
nem suspectum faciat, Leg. 8. ff. hoc tit. §.
ultim. Instit. hoc titul. quamvis, si pupilli
res

res periclitetur, vel curator ei adjungi, vel is plane removeri possit, si non satisfidet: sed tamen non tanquam suspectus. *L. 2. L. 6. Cod. hoc tit. 2*) Ut omnes tutores, sive testamentarii & dativi, sive legitimi, suspecti fieri possint. *L. 1. §. 5. ff. §. 2. Instit. hoc tit.* quamvis, ut famæ legitimorum in gratiam pupilli parcat, eis potius curator adjungi solet. *L. 9. ff. hoc tit. 3*) Ut a suspicione non liberet satisfactio. *L. 5. L. 6. ff. §. pen. Inst. hoc tit.*

§. CCCLI.

Quomodo
puniantur?

Quia vero suspectus merito removetur, vel plectitur; (§. CCCXLIX. 3.) colligebant inde veteres, 1) tutori accusato statim interdicendam esse administrationem, quoad finitur cognitio. *L. 6. C. §. 7. Instit. hoc tit. 2*) Finita cognitione, tutorem convictum removendum esse. *L. 3. §. 5. 12. ff. hoc tit. & quidem, 3*) si dolus vel lata culpa (§. CCCXXVII. 2.) intercesserit, cum infamia. *Leg. 7. §. 1. ff. §. 7. Inst. hoc tit.* Unde, ut constet an integra sit existimatio, causa decreto exprimenda. *L. 4. §. 1. 2. ff. hoc tit. 4*) Tutela finita, vel aliter remoto tutore, hanc accusationem expirare. *L. 3. §. 6. L. penult. ff. L. 1. Cod. §. 8. Inst. hoc tit. 5*) Si, tutore latitante, alimenta decerni non possint, pupillum in possessionem bonorum ejus mitti posse, & ita quidem, ut quæ mora deteriora futura essent, distrahantur. *§. 9. Inst. L. 3. §. 14. L. 7. §. 2. ff. hoc tit. 6*) Denique si insignis fraus tutoris pelluceat, vel factum atrocius, remittendum esse ad Præfectum urbis, ut pro modo delicti emendetur. *§. 10. Inst. hoc tit.*

§. CCCLII.

Denique quum quasi publicum sit hoc iudicium, §. CCCLIX. 3.) sequitur, 1) ut omnes accusare possint suspectum, veluti con-
tutores, (qui præcipue tenentur;) L. 3. pr. §. 2. hoc tit. liberti, L. 3. §. 1. eodem, immo & mulieres. L. 1. §. 7. ff. §. 3. Instit. hoc tit. 2) Ut tamen id concedendum non sit pupillis, §. 4. Instit. L. 7. princ. ff. L. 5. Cod. hoc tit. quamvis 4) minores curatores suos recte arguant ex consilio necessariorum. d. §. 4. Inst. L. 7. pr. ff. hoc tit. 3) Ut, nemine accusante, & apertissimis rerum argumentis urgentibus ipse Prator suspectum possit repellere. L. 3. §. 4. ff. hoc tit.

Cui liceat accusare?

§. CCCLIII.

Ex eodem axioma patet, 5) cur suspectos remove- Apud?]
re possint ii, qui tutores dare quem?
possunt, quamvis nullum iis sit publici iudicii exercitium. §. 1. Instit. L. 1. §. 3. ff. hoc tit. 6) Cur & , mortuo ante sententiam reo, hæc accusatio expiret. §. 8. Inst. Leg. penult. ff. L. 1. Cod. hoc tit.

§. CCCLIV.

Enimvero quum hodie fere ubique tutores quotannis rationes reddere cogantur; (Inst. §. CCLXIV.) sane non æque quotidianæ sunt suspectorum accusationes, ac tempore Ulpiani. L. 1. pr. ff. hoc tit.

Ufus hodiernus.

LIBER XXVII.

TIT. I.

De excusationibus.

§. CCCLV.

Excusatio
quid ? &
quotuplex?

Tutela & curatio etiam *excusatione* finiuntur. (§. CCCXLVIII. 6.) Quia enim tutela est munus publicum; (§. CCLXXXVIII. 2.) eadem fere causæ, quæ a munere publico personali excusant, (vid. infra *Lib. L. tit. 5.*) etiam excusant a tutela & curatione. Quum vero *excusatio* in sensu iuridico sit exceptio vel causæ, ob quam quis munus publicum suscipere vel non cogitur, vel prohibetur: (*Instit. §. CCLXXXVIII. l. 1. §. 3. ff. de postul. l. 11. ff. de decur.* *) facile patet, eam in *voluntariam* & *necessariam* recte dispesci, quarum *illa*, si opponatur, prodest ad tutelam amoliendam; *hec*, etiam non opposita, finit tutelam iam susceptam.

* In hac *l. 11. ff. de decur. §. 3.* Cujac. Obs. XXVI. 38. pro *excusare* rescribit *excusare* : acute, ut omnia, sed citra necessitatem. *Excusare* enim etiam prohibere esse Jctis, satis patet cum ex hoc titulo, tum ex *l. 1. §. 3. de postul.* ubi sane illi emendationi non est locus. Hinc Græcos, quum nulum vocabulum suum huic notioni respondere animadverterent, ex Latino novum finxit *ἐξουσιαστικὴν*, observavimus ad *Institut §. CCLXXXVIII.* * Add. Ampl. Bynkersh. Obs. IV. 1. l.

§. CCCLVI.

Voluntaria quædam nituntur *privilegio*. *Leg. 12. Cod. hoc tit.* quædam ob *impotentiam*, quædam *existimationis* favore admittuntur. (*Instit. §. CCLXXXVI.*) *Privilegio* I. ex *Lege Julia & Papia* gaudent, qui *Romæ* tres; in *Italia* quatuor; in *provinciis* quinque *liberos* natos, *naturales & legitimos* vel *superstites* habent, vel *bello* amiserunt. *princ. Inst. hoc tit. Leg. ult. de vacat. & excus. mun. Comment. ad Leg. Jul. & Pap. II. §. pag. 206. sequent. II. Administratores rei fiscalis. §. 1. Instit. hoc tit. vel patrimonialis Principum, Leg. 22. §. 1. L. g. 41. ff. hoc tit. Leg. 10. Cod. hoc tit. Leg. ult. Cod. qui dar. tut. non civitatum, Leg. 15. §. 7. 10. hoc tit. III. Absentes reip. causa (P. I. §. DXVII. 2.) & quidem a tutela suscepta, * quamdiu absunt; a suscipienda etiam intra annum ex quo reverterunt. §. 2. Instit. hoc tit. L. 10. pr. & §. 2. ff. eod.*

* Qui tamen trans mare absunt reip. causa, vel qui domicilium mutarunt jussu principis, iis & suscepta tutela se abdicare licet. *Leg. 11. §. 2. ff. de min. Leg. 12. §. 1. ff. hoc titul.*

§. CCCLVII.

Simili *privilegio* gaudent IV. quoad tutelam suscipiendam, *Magistratus*, qui cum potestate sunt, §. 3. *Institut. hoc tit. Gell. XIII. 15.* (unde non excusat *Ædilitas*, L. 17. ff. hoc tit.) & *senatores* ac *duumviri civitatum* *ἐπαυτοὶ καὶ ἀρχιστράται τῶν πόλεων*. L. 6. §. 16. L. 15. §. 3. hoc tit. V. *Grammatici*, *sophistæ*, *rhetores*, *medici*, etiam *περιεργεῖς* vel *circulatores*, (*Menag. Amæn.*

Ob magistratum, artem, victoriam, officium.

jur. Cap. XXXV.) jureconsulti, ac demum omnes artium professores in patria & sedulo docentes, modo intra numerum sint. *L. 6. §. 1. 5. 6. sequent. hoc tit. Leg. 6. 8. Cod. de Prof. & med. Leg. 11. §. 3. ff. de mun. & hon. VI. Athletæ, victores in sacris certaminibus. (P. I. §. CDI. 1.) L. 6. §. 13. hoc tit. L. unic. Cod. de Athlet. Add. Comm. ad L. jul. & Pap. II. 2. p. 122. VII. Mensores frumentarii. Leg. 26. ff. hoc tit. VIII. Consilarii Principum, L. 30. princ. ff. hoc tit. & IX. quoad exterorum tutelam, qui in collegio fabrorum & pistorum sunt, Leg. 17. §. 2. 3. L. 41. §. ult. princ. §. 1. ff. L. pen. Cod. hoc tit.*

§. CCCLVIII.

Ob impo-
tentiam.

Quumque & *impotentia* excuset; (§. CCC-LVI.) facile patet, cur excusent X. tria onera tutelæ in una domo, non affectata, nec tenuia, ubi tamen non pupilli, sed patrimonialia separata numeranda, nec tam ad numerum tutelarum, quam ad onus, cum iis conjunctum, & difficultatem conficiendarum rationum respiciendum. *L. 3. L. 31. §. ultim. ff. hoc tit. XI. Paupertas tanta, ut quis ob quærendum victum tutelæ sine famis periculo vacare nequeat. L. 7. L. 40. §. 1. ff. §. 6. Instit. h. t. XII. Imperitia litterarum, modo tutela non sit tam tenuis, ut & ἀναλφάβτος, paullo tollentior ei gerendæ sufficiat, §. 8. Instit. Leg. 6. §. ultim. hoc tit. XIII. Senectus septuagenaria, cui ne dies quidem desit. §. 13. Instit. Leg. 2. princ. §. 1. ff. hoc tit. Leg. unic. Cod. qui ætat. XIV. Morbus, qui aliquem ne suis quidem rebus superesse patiatur. Leg. 11. Leg. 45. §. ult. ff. hoc tit.*

§. CCCLIX.

§. CCCLIX.

Denique quum & *existimationis* habenda Ob existimationis periculū
 sit ratio ; (§. CCCLVI.) inferebant veteres
 XV. excusandum esse tutorem , qui inimici-
 tias capitales cum pupilli parente exercue-
 rit , §. 9. II. *Instit. hoc tit.* ut hoc modo su-
 spicionem finiltram vitaret , & anteveniret
 remotionem. Vinn. *Comment. ad d. §. Instit.*
hoc tit.

§. CCCLX.

Necessarie excusationes nituntur hac regu- *Necessa-*
 la. Quicumque vel non possunt fungi tutela, *riz.*
 vel saltem de dolo & fraude suspecti sunt ;
 ii plane non admittuntur. Hinc facile patet,
 cur haud admittantur ; XVI. furiosi , dementes,
 XVII. surdi , cæci. L. 1. §. 2. 3. ff. de
tut. L. 3. Cod. qui dar. tut. L. unic. Cod. qui
verb. exc. XVIII. Minorennēs , §. 13. Instit.
L. 10. §. 7. ff. hoc tit. XIX. Milites. §. 14.
Instit. hoc tit. L. 4. Cod. qui dar. tut. XX.
 Sacerdotes & monachi , nisi quod presbyter
 tutelam legitimam suscipere possit . *Novell.*
CXXIII. Cap. 5. XXI. Qui litem cum pupil-
lo habent , §. 4. Instit. hoc tit. vel habituri
videntur. Novell. LXXII. Cap. 1. 2. 4. Nov.
XCIV. præf. & cap. 5. XXII. Mariti , si cu-
ram uxorum suscipere velint. §. 19. Instit.
hoc titul.

§. CCCLXI.

Speciatim a *cura* excusat XXIII. tutela An qui
 antea gesta : §. 13. *Instit. hoc tit.* quamvis tutor fuit ,
 ea excusatio liberto , quem patronus libero- curator
 rum tutorem vel curatorem elegit , haud fieri te-
 rosit. L. 5. *Cod. hoc tit. L. 14. §. 3. L. 25.* neatur ?
ff. eodem.

§. CCCLXII.

Quum itaque prioris generis excusationes, *Excusatio-*
 non nisi oppositæ profint ; (§. CCCLV.) con- nes alie
 Cc 5 se- ganda.

sequens est, 1) ut antequam opponantur, is, qui datus est, ipso jure tutor sit, *L. 31. princ. ff. hoc tit.* adeoque 2) ad eum omne ab eo tempore periculum pertineat, si allegationes tanquam falsæ rejiciantur, *L. 1. C. si inst. vel cur. fals. all. Leg. 39. §. 6. ff. de administr. tutel. &* hinc 3) rectissime sibi consulat, si administrationem interea, interposita protestatione, in se suscipiat.

§. CCCLXIII.

Quomodo? Quum denique excusatio sit species exceptionis; (§. CCCLV.) haud absurde inferunt veteres, 1) tutorem datum posse pluribus uti excusationibus, §. 16. *Instit. L. 21. §. 1. ff. hoc tit.* 2) eas tamen simul statim opponere debere, *L. 13. §. 8. ff. hoc tit. &* quidem 3) per libellum coram tribunali, *L. 25. eod.* 4) intra quinquaginta dies continuos, si tutor infra centesimum lapidem habitet, alias enim XX. miliaria dant singulos dies, iisque adjiciuntur triginta, dum ne pauciores, quam quinquaginta, emergant. §. 16. *Instit. L. 13. §. 1. ff. hoc tit.* 5) Appellationi ex constitutione Marci Imperat. locum non esse, nisi sequutum sit decretum refectionis, *L. 1. §. 1. ff. quando appell. quamvis aliud obtineat in reliquis muneribus publicis. d. L. 1. §. 2. ff. eod.*

§. CCCLXIV.

Ufus hodiernus. Excusationes *necessarias* hodiernum omnes valere, ipsa recta ratio docet. *Voluntaria* non omnes ubique obtinent. Unde provinciarum leges & consuetudines consulendæ. Quæ (§. CCCLXII. 1.) de tempore excusationis dicta sunt, æque extra usum sunt, ac privilegia athletarum, pistorum, fabrorum, mentorum. (§. CCCLVII. 6. 7. 9.)
Nec

Nec ubique tutela gesta excusat a curatione.
(§. CCCLXI. 23.) Maritus autem tantum
non ubique, ubi mulieres sub curatione per-
petua vivunt, est ordinarius & legitimus uxo-
ris suæ curator. Vid. V. C. Euer. Otton.
Diff. de tut. fem. Cap. III.

T I T. II.

Ubi pupillus, educari vel morari debet: & de alimentis ei præstandis.

§. CCCLXV.

Mortuo patre, pupilli intra annum lu-
ctus non divellebantur a matre. (§. *Quæstio-*
CCLXIX.) At elapso illo anno, & consti- *nes hoc ti-*
tuto interea tutore, duplex incidere solebat *tulo oc-*
quæstio, I. ubi pupillus educari vel mora- *currentes.*
ri debeat? II. quæ ei alimenta decernenda
sint?

§. CCCLXVI.

Quod ad priorem quæstionem attinet, ea
axiomata sequebatur Prætor; I. Pupillus *Apud quæ*
educandus est, ubi eum pater educari vo- *pupillus*
luit, nisi iusta causa aliud statui suadeat. *educandus*
sic?
Leg. 1. §. 1. ff. hoc tit. II. Si pater nihil
ea de re statuerit, matri committitur edu-
catio, dumne liberis vitricum induxerit.
Leg. 1. Cod. hoc tit. Novell. XXII. Cap. 38.
III. Deficiente matre, pupillus committitur
ascendentibus, vel collateralibus, *Leg. 2.*
Cod. Leg. 1. §. 2. ff. hoc tit. vel aliis, mo-
do in educatores non cadat maligna suspi-
cio. *L. 1. §. 1. L. 5. ff. hoc tit.* IV. Recu-
santes educationem Prætor aliquando cogit,
si ipsi id necessarium videatur, *L. 1. §. 2.*
ff. L. 1. Cod. hoc tit. & maxime heredibus
& legatariis, educationem testamento sibi in-

612 *Pand. Lib. XXVII. Tit. II.*
iunctam deprecantibus, actiones negat. *L. 1.*
S. 3. ff. hoc tit.

S. CCCLXVII.

Quomodo
ei decernenda ali-
menta?

Alimenta decernuntur secundum pupilli facultates. Ex quo consequitur, 1) ut si pater modum posuerit, is servandus quideam sit, sed tamen, 2) si ultra vires patrimonii id fecerit, id imputetur tutori, quod non adito Prætoris alimenta minui petierit, *L. 2. S. 2. ff. hoc tit.* 3) Ut in dubio Prætor alimenta decernere, *L. 3. princ. S. 1. 2. 3. hoc tit.* ad eumque finem 4) tutor facultates pupilli iudicare debeat, *Leg. 3. S. 4. ff. hoc tit.* nisi 5) ob tutoris honestatem, & ne pupilli patrimonium evulgetur, consultius videatur, rem ejus arbitrio relinquere. *Leg. 2. princ. S. 1. ff. Leg. 2. Cod. hoc tit.* 6) Ut pupillum egenum de suo alere tutor non teneatur. *Leg. 3. S. ultim. ff. hoc tit.*

T I T. III.

*De tutela, & rationibus distrahendis, & utilis
curationis causa actione.*

S. CCCLXVIII.

Ex tutela
quæ actio-
nes nasci-
tur?

Tutela in relatione ad pupillum est quasi contractus, (*P. I. S. CCCLXII. **) ex quo tutor ad reddendas rationes; pupillus ad indemnitatem tenetur. *S. 2. Instit. de obl. quæ quasi ex contr.* Itaque nasci inde oportet actionem pupilli adversus tutorem, & tutoris adversus pupillum, quarum illa *directa*; hæc *contraria* appellatur, *dict. S. 2. Instit. eod.* Et quia præterea tutor etiam delinquere potest, ex rebus pupilli aliquid dolose surripiendo; hinc & eo nomine pupillo

pillo competit actio de distrahendis rationibus. L. 1. §. 22. 23. L. 2. pr. §. 1. ff. h. t.

§. CCCLXIX.

Utriusque generis actiones ex legibus civilibus nascuntur, & ultima quidem ex legibus XII. Tab. quibus cautum fuerat: Si tutor dolo malo gerat, vituperato, quandoque finita tutela escit, furtum duplione luito. L. 55. §. 1. ff. de adm. & per. tut. Jac. Gothofr. de XII. Tab. Tab. VII.

§. CCCLXX.

De prioribus tenenda axiomata: I. Tutor, Et de his finita tutela, tenetur ad rationes reddendas. axiomata. II. Idem tenetur ad dolum culpamve latam, pupillo præstandam. III. Pupillus tutori tenetur ad indemnitatem. De postrema regula valet: IV. Tutor, dolose aliquid suffuratus, in duplum condemnandus est.

§. CCCLXXI.

Quum itaque tutor, finita tutela, ad rationes reddendas teneatur; (§. CCCLXX. & Contra 1.) consequens est, 1) ut, perseverante adhuc administratione, conveniri nequeat. quem detur actio tutela directa? L. 9. §. 4. ff. hoc tit. 2) Ut, si plures fuerint tutores, & omnes administrarint, singuli teneantur in solidum, ita tamen ut gaudeant beneficio divisionis, modo omnes solvendo sint. L. 55. ff. de adm. & per. tut. L. 2. Cod. de divid. tut. L. 1. §. 11. 12. ff. hoc tit. 3) Ut idem obtineat, si ipsi tutores inter se administrationem diviserint, quamvis tunc merito is, qui administravit, prius conveniatur. L. 2. L. 3. Cod. de divid. tutel. 4) ut, tutela a Magistratu vel testatore divisa, unusquisque pro sua administratione in solidum teneatur, nec alter conveniri possit, nisi si dolo culpave sua fecerit, quo minus suspectus

aus removeretur. L. 2. Cod. eod. 5) Ut tutores honorarii non conveniantur, nisi excusis primum administratoribus, siquidem & ipsi administratores suspectos facere debuissent. (§. CCCXXXII. 1.) L. 3. §. 2. ff. de administr. & per tut.

§. CCCLXXII.

Ea datur Ex eodem patet, 1) tutorem, conven- ad reddenda ratio- tum tutelæ actione, debere edere inventa- nes, & reliqua re- rium. (§. CCCXXV. 5.) L. 1. §. 3. ff. hoc tit. 2) Rationes ejus accurate excutiendas, situtuenda. nec quidquam ab eo in folle offerendum esse. L. 82. L. 111. ff. de cond. & dem. 3) Tutorem & in usuras condemnandum, & quidem in legitimas ordinarias, si in mora fuerit reliqua solvendi, L. 32. §. 2. ff. de usur. in centesimas autem, si ipse usus sit pupillari pecuniæ. (§. CCCXXIX. 5.) 4) Merito totam actionem instituendam in foro gestæ administrationis. (P. I. §. XXXI. *) L. 1. C. ubi de ratiocin.

§. CCCLXXIII.

Ad dolum & culpam tam præstare teneatur; (§. CCCLXX. 2.) inferebant veteres, 1) eum non præstare culpam levissimam, L. 1. princ. ff. hoc tit. L. 7. Cod. arbitr. tut. nisi oblata contutoribus satisfactio, administrationem sibi sponte vindicarit, §. 1. Inst. de satisf. tut. 2) Ut heredes non culpam levem, sed tantum dolum latamque culpam defuncti præstent. L. 1. C. de hered. tut. 3) Ut ob dolum damnatus tutor fiat infamis. (P. I. §. CDVII. 4. *) L. 1. ff. de his, qui not. infam. §. 2. Inst. de pen. rem. liti.

§. CCCLXXIV.

Actionis tutelæ directæ descriptio. Quare actio tutelæ directæ est actio personalis, (§. CCCLXVIII.) bonæ fidei, §. 23.

In-

ff. tit. de act. competens pupillo finita tutela, (§. CCCLXXI. 1.) ejusve heredibus, adversus tutores, (§. CCCLXXI. 2. *seq.*) ad rationes reddendas, restituendaque reliqua, (§. CCCLXXII.) damnumque, culpa vel lata, vel levi, vel aliquando levissima datum, (§. CCCLXXIII.) resarciendum.

§. CCCLXXV.

De contraria tutelæ actione mox videbimus. Quum vero & suffragatus aliquid tutor dupli condemnandus sit; (§. CCCLXX. 4.) consequens est, 1) ut de rationibus distrahendis itidem agatur finita tutela. L. 1. §. ult. *ff. hoc tit.* 2) Ut agendum sit contra tutorem, qui subtrahit, non contra ejus heredes. L. 1. §. 23. *ff. hoc tit.* 3) Ut duplum hoc & rei (non ejus, quod interest, æstimationem, & pœnam, contineat, L. 1. §. 20. L. 2. §. 2. & §. ult. *hoc tit.* 5) Ut optio sit pupilli, hac an tutelæ actione experiri velit, altera autem altera perimat. L. 1. §. 21. *ff. hoc tit.*

Actio de distrahendis rationibus naturalis.

§. CCCLXXVI.

Itaque actio de *distrahendis rationibus* est Eiusdem actio personalis, & civilis, (§. CCCLXXVIII. *descriptio.* *seq.*) competens, finita tutela, (§. CCCLXXVI. 1.) pupillo, ejusve heredi, L. 1. §. 23. *hoc tit.* adversus tutorem, dolo malo aliquid subtrahentem, non adversus ejus heredem, (§. *eod.* 2.) in duplum. (§. *eod.* 3. *sequent.*)

§. CCCLXXVII.

Quum denique ubi eadem ratio est, ibi eandem esse juris dispositionem oporteat; (P. I. §. XX. 3.) facile patet, actionem tutelæ directam æque ac contrariam *utiliter* etiam contra curatores dari, Rubr. *ff. hoc tit.*

Actio tutelæ utilis.

616 Pand. Lib. XXVII. Tit. IV.
tit. nec tamen 2) etiam constante adhuc
curatela.

T I T. IV.

De contraria tutela & utili actione.

§. CCCLXXVIII.

Ad quid
teneatur
tutori pu-
pillus?

QUum & pupillus tutori ad indemnita-
tem præstandam teneatur ; (§. CCC-
LXX. 3.) consequens est , 1) ut tutor eo
nomine habeat *Actionem Tutelæ contrariam* .
(P. I. §. CCCLXVI. *) §. 2. *Instit. de obl.*
quæ quas. ex del. 2) Ut hac actione conse-
qui possit , quod in re pupilli utiliter im-
pendit , L. 1. §. 4. L. 3. *princ.* §. 8. *ff. hoc tit.*
etiamsi utilitas postea intercepta sit , L. 3.
§. 7. *ff. hoc tit.* necnon 2) impenfarum illa-
rum usuras ; L. 3. §. 4. *ff. hoc tit.* & 3) li-
berationem , si aut se ipsum , aut res suas
pro pupillo obligavit , L. 6. *ff. hoc tit.* immo
& 4) omne , quod ei ratione tutelæ abest ,
vel abfuturum est. L. 3. §. 1. *L. ult. ff. hoc tit.*
At 5) non detur ad consequendum salarium ,
nisi ab eo , qui tutorem dedit , promissum .
L. 33. §. 3. *ff. hoc tit.*

§. CCCLXXIX.

Actionis
tutelæ cō-
trariæ &
utilis de-
scriptio.

Itaque hæc *Actio Tutelæ contraria* est
personalis , bonæ fidei , finita tutela com-
petens tutori , ejusve heredi adversus pu-
pillum ad consequendam indemnitatem . (§.
CCCLXXVIII.) Unde facile patet , hanc
quoque contrariam *Utilem* curatori adversus
adolefcentem competere . (P. I. §. XXII. 5.)
L. 1. §. 2. *ff. hoc tit.*

TIT.

T I T. V.

De eo qui pro tutore prove curatore
negotia gessit.

§. CCCLXXX.

Tutor aut a testatore, aut a lege, aut Quis pro
a Magistratu ad tutelam vocatur. (§. tutor sit?
CCXCII. 2.) Qui ex harum causarum nul-
la tutelam administrat, is, qui bona fide id
facit, *Protutor*; sin mala fide vel dolo ma-
lo, *Falsus Tutor* dicitur. Adeoque *Protutor*
est, qui bona fide vel omnia vel quædam
pupilli negotia, (omnia enim gerere, qui
aliqua gerenda suscepit, non tenetur, nisi
ad sit omnia gesturus, L. 1. §. ult. ff. hoc tit.)
b. f. gerit, sive putet, se tutorem esse, sive
se sciat non esse. L. 1. §. 1. ff. eod.

§. CCCLXXXI.

Itaque æquum visum, eo nomine dari Actio pro
actionem *Protutela*, tum *directam*, tum *tutelæ*.
contrariam, per omnia similem actioni tu-
telæ directæ, (§. CCCLXXIV.) & contra-
riæ, (§. CCCLXXIX.) nisi quod illa &
nondum finita tutela & perseverante admini-
stratione institui potest, L. 1. §. 3. ff. hoc tit.
secus ac actio tutelæ. (§. CCCLXXI. 1.)

T I T. VI.

*Quod falso iure auctore gestum esse
dicetur.*

§. CCCLXXXII.

Quis falsus tutor? **P** Rotutor bona fide pupilli negotia gerit .
(§. CCCLXXX.) Qui autem dolo malo , & consilio defraudandi contrahentes , auctoritatem interponit , quum se tutorem non esse sciat , is *Falsus Tutor* appellatur .
L. 1. princ. ff. hoc tit. Ex quo facile patet , eum quoque hoc nomen mereri , qui , licet verus tutor sit , auctoritatem tamen accommodare non potest . *L. 1. §. 1. seq. ff. hoc titul.*

§. CCCLXXXIII.

Quz remedia adversus eum dantur? Quum itaque contingere possit , ut ejus dolo vel contrahens cum pupillo , vel ipse pupillus decipiatur ; (§. CCCLXXX. 2.) illi , si id ignoraverit , Prætor *Restitutionem in integrum* , * huic ut & illi , si gestum rescindi nolit , actionem *in factum* pollicetur , quanti ea res futura sit . *Leg. 7. princ. ff. hoc tit.*

* Itaque hic habes restitutionem in integrum ob *justum errorem* , cujus meminit Paull. *Rec. Sent. l. 7. 2.* Eam enim , suo loco omissam , huc rejecit Tribonianus . (*P. I. §. CDLXII.* *) Sane Prætor de hac restitutione non in hac Edicti parte egerat , sed post restitutionem ob capitis deminutionem , & ante restitutionem majorum XXV. annis , ceu ex fragmentis hujus tituli , ex Ulpiani & Pauli

¶ Libro XII. ad Edictum , & Caji Libro IV. ad Edictum provinciale petitio , apparet .

§. CCCLXXXIV.

Itaque *Restitutio* datur ei , qui ignorans Eorum falsum tutorem esse , eo auctore cum pupillo contraxit , (§. CCCXXXIII.) non ei , qui sciens contraxit , nisi sit minor XXV. annis , Leg. 1. §. ultim. Leg. 2. Leg. 4. ff. hoc tit. eoque contractu latus sit . (P. I. §. CDLXXX.) *Actio* autem *in factum* intra annum latio , & ipsi adolescenti , si damnum senserit , adversus falsum tutorem , (non ejus heredem ,) ad id , quod interest . L. 7. §. 2. L. 9. §. 1. L. II. princ. L. ult. ff. hoc tit.

T I T. VII.

De fidejussoribus & nominatoribus , & heredibus tutorum & curatorum .

§. CCCLXXXV.

Contingit aliquando , ut tutores eorum-
 ve heredes , non sint solvendo , & tunc , si satisfecerint , fidejussores , vel aliquando nominatores , conveniuntur . Vocantur autem hic *Fidejussores* , qui rem pupillo salvam fore sponponderunt , sive expresse , & interposita stipulatione , sive tacite , dum nominati a tutoribus non contradixerunt , nominave sua in acta publica referri passi sunt . Leg. 4. §. ultim. L. 5. ff. hoc tit. *Nominatores* , qui ipsi tutores dati alium potiore & magis idoneum nominarunt .
 Paul.

Fidejussor
 & nominator
 quis?

Paull. Rec. Sent. II. 28. §. 1. 2. L. 1. Cod. de pot. ad mun. Affirmatores, qui idoneos esse tutores affirmarunt. L. 4. §. ult. ff. hoc tit. De his omnibus notandum axioma: Nominatores & affirmatores fidejussorum vicem sustinent, æque ac heredes tutorum tenentur, maxime si ex facto suo conveniantur.

§. CCCLXXXVI.

Quomodo
conveniā-
tur tuto-
rum here-
des?

Ex quo consequitur, 1) ut post tutores teneantur heredes eorum, sed non nisi ex dolo & lata culpa defuncti, (§. CCCLXXV. 2.) L. ult. pr. §. 1. ff. hoc tit. 2) ut etiam ex suo dolo culpave lata teneantur, L. 4. pr. ff. hoc tit. si vel a defuncto tutore inchoata expleverint, quum essent ætatis legitimæ, L. 1. pr. L. 4. pr. hoc tit. L. 60. ff. de adm. tutor. vel res pupillares possideant, L. 1. §. 1. ff. hoc tit. vel pecuniam, in arca tutoris inventam consumpserint, vel pecuniam, quam tutor stipulatus erat, exegerint. L. 4. princ. hoc tit.

§. CCCLXXXVII.

Quomodo
fidejusso-
res, nomi-
natores,
affirmato-
res?

Nec minus inde inferebant, 3) post heredes actione ex stipulatu conveniendos esse fidejussores & nominatores, vel affirmatores, eorumve heredes, & quidem 4) si ab uno plures dati sint, singulos in solidum, sin a pluribus plures dati, salvo beneficio divisionis. L. ult. ff. rem pup. salv. L. 6. 7. ff. hoc tit.

T I T. VIII.

De magistratibus conveniendis.

§. CCCLXXXVIII.

UBi ne a fidejussoribus quidem rem suam ^{Actionis} consequi potest pupillus, nec a tutore ^{subsidiaria origo?} honorario, *L. 3. §. 2. de adm. tut. Magistratus*, qui vel nullo modo, vel non idonee caveri curarunt, * in subsidium conveniri possunt: *L. 5. Cod. hoc tit. §. 2. Instit. de satisfd. tut. Leg. 1. §. 6. ff. hoc tit.* Quæ actio per interpretationem, exemplo actionis tutelæ, invec̃ta est Senatusconsulto, *L. 2. ff. hoc tit.* temporibus Trajani facto, *L. 5. Cod. hoc tit.* quod ab Antonino Pio confirmatum, & ad ipsos magistratuum heredes prolatum est. *L. 6. Cod. hoc tit. L. 2. Cod. eod.* Unde hæc actio *Utilis. L. 1. pr. ff. L. 1. L. 5. Cod. hoc tit. & Subsidiaria* vocatur. *L. 5. Cod. hoc tit.*

* Sufficit tamen, si probet magistratus, tutorem vel fidejussorem tum solvendo fuisse. *L. 1. §. 13. ff. hoc tit.* Quod enim postea facultatibus lapsus est, magistratui imputari nequit. *L. 1. §. 11. ff. hoc tit.*

§. CCCLXXXIX.

Quum itaque hæc actio detur ob satisfdationem, vel omis̃sam, vel minus idonee exactam; (§. CCCLXXXVIII.) consequens est, 1) ut detur tantum adversus magistratus minores, qui cum satisfdatione tutores dare solent, (§. CCCI. 3.) non adversus majores, qui cum inquisitione tutores constituunt. ^{Adversus quem detur?}

L. 1.

L. 1. §. 1. ff. hoc tit. L. ult. C. hoc tit. 2) Ut heredes magistratuum non teneantur, nisi de dolo & culpa lata defunctorum . L. 4. ff. L. 2. Cod. hoc tit. 3) Ut & pater ex negligentia filii duumviri peculiotenus teneatur ; L. 1. §. ult. hoc tit. L. 3. §. ultim. de pecul. non autem 4) qui pro duumviro illo fidejusserunt . L. 1. princ. ff. eod.

§. CCCXC.

Ejus de- Itaque hæc actio *Tutela milis & subsidia-*
scriptio. *ria* datur finita tutela, & excussis prius tu-
toribus, eorumve heredibus, & fidejussori-
bus . L. 1. §. 6. ff. hoc tit. pupillis adversus
magistratus, qui vel nullo modo, vel non
idonee satisfdari curarunt, eorumve heredes,
ad id, quod dolo culpave eorum lata vel
levi a tutoribus vel fidejussoribus servare non
potuerunt, (vel si contra heredes agatur,
quod dolo vel lata defunctorum culpa consequi
non possunt,) præstandum : (§. CCCLXVII.
seq.) Leg. 1. §. II. Leg. 7. ff. Leg. 2. Cod.
hoc titul.

TIT. IX.

De rebus eorum, qui sub tutela vel cura sunt
sine decreto non alienandis vel
supponendis.

§. CCCXCI.

Tutor vel
curator nō
debet alie-
nare im-
mobilia.
Tutorem officio boni viri patrisque fami-
lias fungi oportet . (§. CCCXXVIII.
1.) Bonus paterfamilias ea quidem, quæ de-
peritura sunt, quibusque uti non potest,
alienat, non autem bona immobilia, vel mo-
bilia majoris momenti . Ita & tutorem se
gere-

Gerere decet. (§. CCCXXIX. 2. 8.) Quum
vero id libere olim facerent tutores . L. 22.
C. de adm. tut. postea anno U.C. DCCCC-
XVIII. Id. Junii , Tertullo & Clemente
Consil. Oratione Severi Imp. Senatusque con-
sulto ea tutorum libertas temperata est. L. 1.
princ. §. 1. ff. hoc tit.

§. CCCXCII.

Bo enim cautum , I. ne tutores vel cu-
ratores prædia rustica vel suburbana distra-
hant ; nisi , ut id fieret , parentes testamen-
to vel codicillis caverint . II. Ut , si ob æs
alienum alienatio necessaria videatur , Præ-
tor pro sua religione æstimet , quæ possint
alienari , obligarive debeant . III. Ut pupil-
lo salva maneat actio , si probare possit ,
Prætori obreptum esse . IV. Ut socio , ad
divisionem provocante , aut creditore pignus
persequente , jus commune servetur . L. 1.
§. 2. ff. hoc tit.

SCtus eam
in rem fa-
ctum.

§. CCCXCIII.

Ex primo axioma apparet , 1) hoc jus
pertinere ad prædia rustica , etiam 2) em-
phyteuticaria , L. 3. §. 4. ff. hoc tit. nec
non 3) ad lapidicinas , metallifodinas , sa-
linas , L. 3. §. 4. ult. hoc tit. 4) ad prædia
fructuaria , L. 3. §. 5. hoc tit. non autem
5) ad prædia urbana . L. 11. §. 1. ff. de
min. L. 22. Cod. de adm. tut. Id quod tamen
mutatum per Constantini constitutionem ,
d. L. 22. Codic. de adm. tut. 6) Omnem
alienationem esse prohibitam , veluti vendi-
tionem , L. 22. Cod. de adm. tut. in solu-
tionem , L. 15. Cod. hoc tit. oppigno-
rationem , L. 1. §. 2. L. 2. L. 5. §. 9. seq. hoc
tit. 7) Excusari tutorem si parentes diserte
alie-

Quæ alie-
nari non
possint ?

624 Pand. Lib. XXVII. Tit. IX.
alienationem permiserint, non autem 8) si
illi, quum viverent, res venales habuerint.
L. 1. §. 3. ff. hoc tit.

§. CCCXCIV.

Quæ alie- Ex secundo discimus, 1) alienationem ut-
nanda ex gente ære alieno fieri debere, caussa a præ-
decreto tore cognita. L. 12. Cod. hoc tit. 2) Prætoris
prætoris. esse æstimare, primo, an aliunde possit pec-
unia expediri? L. 5. §. 9. hoc tit. deinde 2)
oppignorandumne sit prædium, an alienan-
dum? L. 5. §. 10. ff. hoc tit. 3) Curare eun-
dem debere, ut pecunia ei rei impendatur,
ob quam facta est alienatio. L. 3. §. 13. ff.
hoc tit. 4) Non solum æs alienum, sed alias
justas causas, veluti dotem, vel donationem
propter nuptias, L. 22. Cod. de adm. tut. non
autem 5) solam utilitatem pupilli, Leg. 5.
§. 14. ff. hoc tit. nec 6) fundi sterilitatem,
vel pestilentem aerem persuadere debere tu-
tori vel curatori, ut alienet, vel prætori,
ut eo nomine decretum interponat. L. penult.
princ. ff. hoc tit.

§. CCCXCV.

Quæ actio- Ex tertio axioma palam est, 1) & actio-
nes com- nem *personalem* competere pupillo adversus
petant, re. tutorem, sine decreto alienantem, & 2)
bus sine *realem* adversus quemcunque possessorem,
decreto a- Leg. 5. §. 15. ff. hoc tit. modo 3) Præto-
lienatis? ri obreptum esse probari possit: quamvis si
possessor prædium legitimo modo alienatum
asseveret, ipsi onus probandi incumbat. L. 13.
§. 1. ff. de Publ. in rem act. Leg. 16. Cod.
hoc tit. 3) Pupillum, rem vindicantem, præ-
tium restituere teneri, L. 4. Cod. hoc tit. si
in ejus rem versum sit L. 10. L. 16. Cod.
hoc

hoc titul. 5) Actiones has , si alienatio titulo lucrativo facta sit , intra legitimum annor. X. inter presentes , vel XX. inter absentes , tempus ; sin titulo oneroso , intra quinquennium a maiorenitate esse instituendam. *Leg. ult. Codic. si maj. fact. alien. fact. sine decr. rat. hab.*

§. CCCXCVI.

Denique ultimum axioma docet , 1) so- ^{Quando} ^{decreto} ^{non opus} ^{fit?}
 cium ad divisionem tantum provocare pos-
 se , si prædium cum altero indivisum possi-
 deat. *Leg. 5. §. ultim. ff. hoc tit. 2)* Cre-
 ditorem etiam fundum pupillarem , sibi op-
 pignoraturn , persequi , & ex decreto Præ-
 toris possidere posse : immo 3) & unum-
 quemque , in possessionem fundi pupillaris
 mitti posse damni infecti , vel legatorum ser-
 vandorum causa . *Leg. 3. §. 1. ff. hoc tit. 4)*
 Creditorem pignus , sibi semel ex decre-
 to prætoris constitutum , distrahere posse ,
 quamvis & tunc tutius sit , prætorem ad-
 ire , *Leg. 7. §. 1. ff. hoc titul. 5)* Tutorem
 rem , semel decreto Prætoris oppignora-
 tam , recte ulterius oppignorare , si pecuniam
 priori solverit. *Leg. 7. §. 5. 6. ff. hoc tit.*

§. CCCXCVII.

Ex eodem facile intelligitur , 6) ob pa- ^{Quando} ^{alienatio} ^{libere fiat,} ^{vel con-} ^{valescat?}
 rem rationem & in aliis quibusdam causis
 jus commune servari , veluti I. si princeps
 alienationem per rescriptum permiserit , L. 2.
 cod. quand. decr. non est op. II. Si paren-
 Hein. Pand. Tom. I. Dd tes

tes rem alienari testamento vel codicillis
 jusserint. (§. CCCXCIII. 7.) III. si aliena-
 tio sit necessaria, veluti si socius ad divisio-
 nem provocet, vel creditor pignus persequa-
 tur, (§. CCCXCII. 4.) vel aliquis jus re-
 tractus exerceat, *L. ult. Cod. hoc tit. IV.* Si
 minor alienationem jurejurando firmavit.
Auth. Sacramenta puberum Cod. si adv. vend.
V. Si pater stipulanti fundum sponderit.
Leg. 5. §. 6. ff. hoc titul. Leg. 3. Cod. quando
decr. non op. Si minor, major factus, alie-
 nationem vel expresse vel tacite ratam ha-
 buerit, *Leg. 2. Cod. si maj. fact. al. fact. sen-*
secr. rat. habo.



T I T. X.

De curatoribus furioso & aliis extra
minores, datis.

§. CCCXCVIII.

HActenus de Tutoribus, & Curatoribus Quid? cu-
ratio? promiscue actum, quod in multis con-
veniunt. Jam de his speciatim & ex insti-
tuto agitur. Quid *Curatio* sit, supra (§. CCLXXXVIII.) diximus. Ex ea definitione
fluunt axiomata: I. Curator primario re-
bus; secundario personæ datur. §. 2. *Instit.*
de curat. II. Datur iis, qui propter
quamcunque causam rebus suis superesse ne-
queunt.

§. CCCXCIX.

Ex posteriore itaque axioma facile pa-
ret, cur 1) Curatores dentur 2) *Minoribus* XXV. annis, *pr. Institut. hoc lit. hi-*
no. que 2) nec ante administrationem rerum
suarum recipiant, quam curatores accepe-
rint, * *Leg. 1. §. ult. ff. de min. nec* 3)
ante curæ subesse desinant; quam majoren-
nes facti, vel 4) veniam ætatis consequuti
sint, quæ masculis, quos morum honestas
ac mentis solertia commendat, anno ætatis
XX. feminis anno XVIII. indulgeri solet.
Leg. 2. Leg. 3. Cod. de his, qui ven. act.

* Quomodo, invitis curatorem dari, negare po-
tuit?

tuerit Justinianus , quum tamen ex constitutione Marci Imp. omnes adolescentes , etiam inviti , curatores accipiant , explicavimus *Instit. §. CCLXXVI.* ubi in scholio & locum Julii Capitolini *Vit. Marci cap. X.* interpretati sumus .

§. CD.

Furioso, Ex eodem axiomate reddo rationem , cur mente capto, pro, prodigo, furdis, mutis, alioque morbo perpetuo laborantibus. II. *Furiosi* & mente capti ipso jure sub curatione sint , & quidem 1) agnatorum ex lege XII. tabularum ; §. 3. *Institut. hoc tit.* hodie autem 2) iidem curatores accipiant causa cognita , quos dare visum est magistratui , quamvis idoneos ex familia non temere præterire soleat . L. 7. ff. L. 13. ff. *hoc tit.* L. 5. *Cod. eod.* 3) Cur & III. *Prodigi* accipiant curatores , quibus bonis interdictum . L. 1. §. 1. L. 10. L. 15. ff. *hoc tit.* L. 6. ff. *de verb. obl.* 4) nec non IV. *Surdi* , *Muti* alioque perpetuo morbo laborantes . §. 4. *Instit. hoc tit.*

§. CDL.

Tutorem habenti & bonis. Quumque præcipue curator rebus detur ; (§. CCCXCVIII. 1.) consequens est , 1) ut & V. *Tutorem Habenti* possit curator dari , si testamentarius vel legitimus non sit idoneus , vel ad tempus excusetur . §. 5. *Instit. hoc tit.* & 2) ut & VI. *Bonis* curator dari possit . Exempli sunt in L. 3. L. 5. L. 9. L. 8. ff. *hoc tit.*

§. CDII.

§. CDII.

Ex eodem axioma non difficulter reddi- Curatores
deris rationem, 3) cur non modo omnes, qui esse
qui tutores dari etiam curatores esse queant, possint?
sed & 4) filius patri furioso vel prodigo cu- eorumque
rator recte detur, modo frugi sit. L. 2. §. 1.
L. 4. hoc tit. L. 12. §. 1. ff. de tut. dat. §)
Cur curator furiosi & bona administret, &
personæ curam gerat. L. 7. princ. ff. hoc tit.
6) Cur curator non interponat auctorita-
tem, sed tantum consensum accommodet.
(§. CCCXXXIX. 7.) 7) Cur curator etiam
Actiōe Tutelæ utili Directa conveniri, vel
Contraria minorem convenire possit, aliis ve-
ro actionibus, etiam durante curatione re-
cte pulsetur. L. 2. C. de adm. tut. L. 14. Cod.
eod. L. 26. ff. de admin. tut. L. 4. §. 3. L. 16.
§. 1. ff. de tut. & rat. dist. L. 1. §. 3. ff. rem
pup. salv. fore.

§. CDIII.


Corrolariorum loco observamus, 1) cura- Quomodo
torem vel *Legitimum* esse, vel furiosi & pro- constituantur?
digi, vel *Dativum*, veluti minoris. 2) Te-
stamentarium non dari ob strictissimam legis
XII. Tabularum. (§. LXXXIX.) interpre-
tationem. §. 1. Instit. hoc tit. L. 7. Cod. de
test. tut. 3) Datum tamen testamento cura-
torem decreto Prætoris vel Præsidis confir-
mari, d. §. 1. Instit. hoc tit. L. 1. §. fin. L. 6.
ff. de confirm. tut. L. 2. Cod. eod. 4) Eosdem
magistratus, qui tutores dant, & curatores
dare posse. §. 1. Instit. hoc tit. L. 3. ff. de
tut. dat.


§. CDIV.


§. CDIV.

Ufus ho- Hodie & minores passim sunt sub cura-
dieraus. tione legitima agnatorum, quippe qui extra-
 neis præferendi ex *Ref. Polit. MDLXXVII.*
 tit. XXXII. §. 1. Nec multum interest mo-
 ribus patriis inter tutelam & curationem.
 (*Instit. §. CCLXXVIII.*) Monuimus etiam
 jam alibi, & citius ex moribus & statutis
 quarundam gentium majores censerî juvenes,
 & feminas sub perpetua esse curatione, eo-
 que officio ordinariæ & maritum fungi: quod
 jus Romanum non patiebatur. (*§. CCLX.*
 22.) *L. 14. ff. hoc tit. L. 22. Cod. qui dar-*
 unt.

FINIS TOMI PRIMI.









HEINECCIO

JURIS
CIVILIS



TOM. I



§. CDXLII.

Quomodo constituantur? Quumque actor vel syndicus sit procurator universitatis. (§. CDXLI. 1) consequens est, 2) ut ab universitate, vel iis, quibus ea id negotii dedit, eligantur. L. 6. §. 1. *hoc tit.* 2) Ut, si universitas eum constituat, pluribus suffragiis eligatur, quia in re id legibus cautum, a) ut vel duæ saltim partes rite convocatae adsint; L. 3. L. 4. ff. *h. t.* L. 2. 3. ff. *de decret. ab ord. fac.* β) ut hunc numerum ipsa eligendi persona supplere possit. L. 4. ff. *hoc tit.* γ) ut patris suffragium filio, & filii parenti proficiat. (§. CCLV. 3) L. 5. ff. *h. t.*

§. CDXLIII.

Ex eodem principio fluit, 3) idem esse procuratoris & syndici officium. L. 6. §. 3. *hoc tit.* 4) Illum agere posse nomine universitatis, L. 3. *hoc tit.* quum contra unicuique ex universitate immo & extraneo universitatem defendere liceat exemplo defensoris privati. L. 1. §. ult. *hoc tit.*

TIT. V.

De negotiis gestis.

§. CDXLIV.

Ratio ordinis. Diximus partim de procuratoribus, actoribus, syndicis, mandato instructis, partim de defensoribus, qui sine mandato reum defendunt. Illi mandati cum domino agunt; (§. CDXXX. 8) hi actione negotiorum gestorum contraria indemnitatem consequuntur. Ea propter hic de Negotiis Gestis agitur.

§. CDXLV.

Quid negotiorum gestio? Negotiorum Gestio est quasi contractus, (§. CCCXLII. *) quo quis negotia alterius ignorantis

De negotiis gestis. Pars I. 165
antis gratis & sponte suscipit. * §. 1. *Instit. de obl. qua quasi ex contr.* Ergo & negotiorum gestor recte vocatur procurator voluntarius. Cic. in Brut. cap. IV. Paull. Recept. Sent. I. 3. 3.

* Quemadmodum vero Procurator vel judicialia vel extrajudicialia negotia alterius mandato gerit; (§. CCCCXVI.) ita & negotiorum gestor utraque sponte suscipit. L. 41. ff. *h. t.* Invaluit tamen, ut, qui in iudicio sine mandato negotia rei gerit, Defensor; qui extra iudicium aliena negotia suscipit, Negotiorum Gestor audiat.

§. CDXLVI.

Inde axiomata: I. Negotiorum gestio spectatur ita dicta in negotiis, extra iudicium curandis, versatur. II. Obligatio ignorantis nascitur ex consensu, ob utilitatem illi allatam, praesumpto. (§. CCCLXII. 3)

§. CDXLVII.

Quum itaque in negotiis, extra iudicium curandis, versetur negotiorum gestio; (§. CDXLVI. 1) consequens est, 1) ut unusquisque negotia gerere, & ignorantem obligare possit, modo gerat utiliter, L. 3. *pr. hoc tit.* adeoque 2) nec femina, L. 3. §. 1. L. 31. §. 6. *hoc tit.* nec 3) pupillus excipiantur, L. 3. §. 4. *hoc tit.* *

* In qua lege pro verbis: Pupillus sane si negotia gesserit, frustra vir summus, Jac. Cujac. Obs. XIII. 7. rescribi jubet: Pupilli sane si negotia gesserit. Vid. Bachov. *πύλλω*. p. 869. Et Cl. Schulting. *hoc tit.*

§. CDXLVIII.

Quumque hæc obligatio ex consensu ob utilitatem ignorantis allatam praesumpto, nascatur; (§. CDXLVI. 2) consequens est, 1) ut ne-

color checker

xrite

MSCCPPCC0613

mm

MSCPPPE0613

xrite

mm